


續修四庫全書

《續修四庫全書》編纂委員會編

續修四庫全書



上海古籍出版社



七九九・史部・政書類

欽定大清會典事例一千二百二十卷（卷五十四至卷一百十二）〔清〕崑岡等修 劉啟端等纂……………一

2653/A





不得遽以博士補用。六年奏監正監副各缺  
西洋現無在京當差之人請

敕下吏部查明舊例議奏遵

旨議定嗣後仍設滿漢監正各一員滿漢監副各二員

遇有滿漢監正缺出專以左右監副引

見升補毋庸分別正陪如遇左監副無人或右監副

無人再將應升監副人員揀選擬陪請

旨補授其滿漢左監副缺出由右監副轉右監副缺

出各將應升人員照舊例擬定正陪引

見補授。又奏准京察一等人員自揀選監副以下

照俸深之例將一等人員擬正揀選擬陪咨部

查覈。八年奏准滿漢蒙古漢軍食俸天文生

如遇本科應升到班先儘考列二等者較俸次

先後與本科保題人員相間輪用俟二等用完

再將考列三等人員較俸升用。同治十一年

奏定候補筆帖式借補天文生歷升靈臺郎其

並未入考素不諳天文數理者暫停升轉俟學

習三年與算學生一體考試擬定名次咨部註

冊後照常升用。光緒十年議定滿洲監正缺

出由欽天監將滿洲左右監副咨送吏部帶領

引

見毋庸分別正陪左監副缺出由右監副轉右監副

缺出由欽天監將應升人員較俸擬正揀選擬

陪咨送吏部帶領引

見補授如有京察一等者與俸深人員相間輪用

將一等人員擬正揀選擬陪其滿洲五官正以

下漢軍秋官正以下俱由欽天監將應升人員

升補俱先用京察一等一次次用保題一次再

用俸深一次相間輪用

輪用保題印行擬補毋庸擬陪

太常寺寺丞。乾隆十四年奏准太常寺寺丞

員缺由該堂官於本衙門博士典簿讀祝官贊

禮郎司庫筆帖式內揀選熟悉典禮之員擬定

正陪帶領引

見補放。道光二年議定太常寺寺丞員缺由該堂

官於本衙門博士典簿讀祝官贊禮郎司庫筆

帖式內先儘京察一等人員題升如一等無人

方准於二等人員內揀選擬定正陪帶領引

見補授

贊禮郎等官。乾隆二年議准太常寺並



陵寢讀祝官贊禮郎鴻臚寺鳴贊員缺由八旗驍騎校

護軍校護軍各部院筆帖式庫使及舉人副榜

貢生令該寺堂官遴選聲音洪亮唱贊好者引

見補授由護軍校驍騎校補授者仍授為六品由筆

帖式等補授者均授為七品均准用六品頂戴

○二十年

諭嗣後揀選贊禮郎著將東三省之新滿洲烏喇齊一

併揀選○二十一年奏准嗣後贊禮郎員缺無論文

武官員兵丁執事人生員官學生均准其揀選

引

見補授如係文武官員仍令於原任行走○三十七

年奏准

陵寢讀祝官贊禮郎毋論何項出身均作為七品食俸

仍給予六品頂戴○四十五年奏准太常寺添

設學習讀祝官贊禮郎四人由該寺於應挑人

員內揀選引

見補授給予九品頂戴食原錢糧

其有諳習典禮敬謹將事者三年期滿該寺堂

官甄別引

見如果聲音洪亮准其留寺俟其缺出先儘補授若

唱贊平常不堪造就即行黜退不准在寺行走

遺缺另揀○四十六年議准太常寺添設委署

讀祝官贊禮郎八員與該寺現在之學習四員

事同一例一切補缺食餉等事照學習人員之

例畫一辦理○五十九年奏准鴻臚寺添設學

習鳴贊四員一切升補之處照太常寺之例辦

理○嘉慶五年奏准太常寺讀祝官贊禮郎缺

出不敷補用准其將學習未滿三年人員揀選

一體引

見署理先給予六品頂戴仍扣滿三年咨部實授方

准食俸遺缺另揀至學習行走三年未經得缺

其甄別去留仍照例辦理

奏定不得  
後例辦理  
○十三年定太常寺贊禮郎鴻臚寺

鳴贊內遇有太常寺少卿鴻臚寺少卿缺出准

各該堂官秉公揀選行走年深熟悉祭祀禮儀

者自補授贊禮郎等官之日起歷俸十年以上

曾經京察一等者方准保送其由寺丞保送者

亦由贊禮郎計俸保題一員咨部入於應升官

之末帶領引

見恭候



簡用至奉

旨補放之後俟扣滿三年遇有應升缺出始准照常

開列再故衙門一等人員例得保送理事撫民

同知通判等官止應擇其才具明晰保送外任

其唱贊好禮儀熟者應酌留該寺以待保送京

堂之選○嘉慶十九年

諭鴻臚寺衙門前經續添學習鳴贊四缺今該堂官復

請添設四缺未免過多著准其再挑學習鳴贊二缺

一體當差○道光五年議准太常寺贊禮郎讀祝官

添設宗室額缺由宗人府揀選開散十人咨送

太常寺與旗人一體挑選仍食本身養贍錢糧

在太常寺學習當差照例仍戴用四品頂戴○

十一年奏准太常寺贊禮郎讀祝官共三十六

缺學習贊禮郎讀祝官共十八缺學習缺出咨

取滿洲蒙古人員挑補今宗室已有學習贊禮

郎二員應由太常寺分別奏留遇有缺出同學

習年滿人員一體揀選帶領引

見請

旨補授如將宗室人員補放即作為宗室額缺所遺

學習員缺仍由宗人府咨送宗室人員由太常

寺揀選○光緒六年議准宗室贊禮郎二缺即  
於八旗額缺內作為宗室專缺復設宗室讀祝  
官一缺即於八旗讀祝官內作為宗室專缺並  
於

東陵

西陵原設額缺內准補宗室贊禮郎各二員宗室讀祝

官各一員再太常寺原設宗室學習贊禮郎二

員酌增學習贊禮郎四員兼設宗室學習讀祝

官三員以備揀選各缺

盛京禮部讀祝官贊禮郎○雍正三年題准由部

選取應用人員咨送太常寺與在京應升人員

一同唱贊遠選好者引

見補授○嘉慶二十四年奏准

盛京贊禮郎讀祝官照

東陵

西陵讀祝官贊禮郎改補防禦之例食俸已過十年如

有情願改補防禦武職者送部引

見吏部查與冊載相符轉咨兵部覈辦○道光二十

三年議定

盛京禮部讀祝官贊禮郎員缺由部挑取本處應



用人員咨送太常寺與在京應升人員一同唱  
贊揀選好者帶領引

見補授此內如係本處人員仍論俸升用主事至補  
授讀贊等官後食俸已過十年如有情願改補  
防禦武職者送部引

見吏部查與冊載相符轉咨兵部覈辦

寶泉寶源二局大使○雍正七年奏准戶部寶

泉局大使由戶部堂官於該部筆帖式內遴選

補授工部寶源局大使由工部會同戶部於工

部筆帖式內遴選補授均咨吏部註冊五年期

滿保題咨部升用○乾隆二十九年奏定戶部

寶泉工部寶源兩局大使由戶工二部於現任

筆帖式內揀補咨部註冊其五年期滿照三庫

大使之例改為三年期滿一體停其保題○同

治十一年奏定戶工兩局大使以卯錢為準三

次卯錢不如式者移咨吏部停升俟一年卯錢

如式咨明吏部開復俟至四次卯錢仍不如式

即撤回原衙門仍停升一年如三年任滿卯錢

均能如式由該堂官出具考語帶領引

見請

旨予以升途或尚須留任恭候引  
見後即令先換頂戴

司庫員缺○乾隆五年奏准理藩院太常寺司  
庫員缺今各部院衙門各遴選俸深筆帖式一  
人出具考語保送過部由吏部再行遴選每一  
缺以二三人引

見簡用○五十年

諭太常寺司庫缺出吏部揀選時著於太常寺一等筆

帖式內揀選一員各部院一等筆帖式內揀選一員

帶領引見○嘉慶十九年議定理藩院司庫員缺令

各部院衙門各揀選俸深筆帖式一員太常寺

司庫員缺行取太常寺一等筆帖式各部院一

等筆帖式各出具考語保送吏部由部將九卿

職名開列奏請

欽派奉

旨後即於本日起

天安門外朝房公同揀選其理藩院司庫於俸深

筆帖式內揀選二三員太常寺司庫於該寺一

等筆帖式內揀選一員部院一等筆帖式內揀

選一員交與吏部帶領引



見恭候

欽定補授

盛京三部司庫○乾隆三年議准

盛京戶部刑部工部司庫員缺由在京部院衙門

各遴選筆帖式一人保送過部論俸擬定正陪

引

見補授三年任滿堂官覈明該員經手錢糧出具考

語咨部以在京司庫並司庫對品小京官調補

如三年任內遇有應升時以升銜留任仍以升

銜較俸升轉所遺司庫員缺別行遴選○三十

五年奏准

盛京戶部司庫缺出由部行文各衙門於京察一

等筆帖式內各保送一員到部吏部堂官揀選

正陪帶領引

見補授○嘉慶五年奏准

盛京戶部司庫缺出由部行文各衙門於京察一

等筆帖式內各保送一員

欽派九卿揀選正陪引

見補授○十七年奏定

盛京刑工二部司庫缺出由在京各衙門照例將

二等筆帖式保送吏部由部開列九卿職名奏

請

欽派奉

旨後即於本日起

天安門外朝房公同揀選擬定正陪交部帶領引

見補授

刑部提牢司獄○雍正十一年議准刑部提牢

官由該部堂官於額外及試俸主事內選委管

理一年果能稽查防範勤敏無過俟期滿後該

堂官出具考語咨送吏部額外者題請實授試

俸者准作實俸○乾隆六年議准刑部司獄四

人由該堂官於該部筆帖式內遴選補授其筆

帖式員缺不必開選移咨吏部註冊三年期滿

仍令回筆帖式原任保送過部候升○二十四

年奏准刑部提牢員缺將捐納分部學習之主

事與進士分部及捐納試俸人員一體選委

分部之員未及期滿題補如本非○四十六年

議准刑部提牢員缺照揀選司獄之例該堂官

於司員內揀選二員擬定正陪帶領引

見簡用管理一年後果能勤敏無過仍由該堂官具

一第... 冊... 續修四庫全書第 2 版反內







王府官員缺。○順治初年定。王府官員缺。由該王府咨送補授註冊。○嘉慶十九年定。王府官員缺。出由王府自行補放。移咨吏部。並轉行戶部該旗。

五旗司弓員缺。○順治初年定。五旗司弓員缺。由該旗咨送補授註冊。

盛京刑部蒙古主事。○乾隆十四年奏准。

盛京刑部蒙古主事。於各部院蒙古小京官筆帖式內。遴選能辦事者引。

見授為主事銜。三年無過。保題到部。准其實授。三年期滿。准其調補在京各部院主事。○道光二十三年議定。

盛京刑部蒙古主事員缺。吏部行文內閣。六部理藩院都察院太僕寺國子監。欽天監於蒙古小京官筆帖式內。揀選能辦事者。咨送吏部。由部將九卿並理藩院堂官職名開列。奏派揀選。擬定正陪。交與吏部帶領引。

見授為主事職銜。三年無過。該處堂官保送吏部。帶領引。

見作為主事。仍回本任。再滿三年。以京城各部院主

事調補。如由中式蒙古文字舉人。

命往春。期滿調京。專以理藩院主事補用。

盛京將軍等衙門主事。○乾隆二年議准。

盛京將軍衙門掌案主事一員。照。

盛京五部主事例升轉。吉林將軍衙門掌案主事。

一員。理刑司主事一員。俱由在京六部堂官各。

遴選筆帖式一人保送。由吏部帶領引。

見補授。均不准調補京職。其黑龍江將軍衙門掌案。

主事一員。由該將軍將本處應升人員擬定正。

陪。咨部帶領引。

見補授。○三年議准。黑龍江將軍衙門增設理刑司。

主事一員。銀庫主事一員。其原缺亦照吉林主

事之例。於六部筆帖式內。遴選保送引。

見候。

旨補用。○十六年奏准。

盛京將軍衙門主事。止有一員。應歸於本處小京

官內。較俸升用。○五十三年奏准。黑龍江將軍

衙門掌案主事一員。理刑司主事一員。吉林將

軍衙門主事一員。應歸於本處人員內。較俸升

用。○嘉慶五年議准。黑龍江理刑司主事一缺。



嗣後由刑部理藩院堂官於筆帖式內不分滿洲蒙古揀選熟悉刑名者保送一員引

見補授扣滿五年與在京主事等官及理事同知通判一體較俸升轉不准調京○十一年議准

盛京將軍衙門設立滿洲堂主事一缺作為將軍衙門題缺○又定

盛京將軍衙門管檔主事一缺由該將軍於所管筆帖式內揀選擬定正陪咨部帶領引

見補授黑龍江將軍衙門管檔主事一缺吉林將軍衙門主事一缺由各該將軍將本處應升人員

擬定正陪送部帶領引

見補授其理刑司主事一缺由刑部理藩院於筆帖式內不分滿洲蒙古詳加揀選辦事諳練熟悉

刑名之人各保一員帶領引

見補授扣滿五年與在京主事等官及理事同知通判一體較俸升轉不准其調補京缺如有漢軍

人員補授者五年期滿報部註冊歸於在京漢主事班內以在京漢員外郎升用○同治五年

諭富明阿奏隨營倉官出力懇請獎勵並請將黑龍江文員升途變通辦理等語黑龍江年滿倉官候補京

缺主事倭和布著照所請先換主事頂戴並賞戴藍翎至所請遇有黑龍江理刑銀庫主事無論所出何缺皆停選放京員即將倭和布無論本班儘先前補嗣後遇理刑銀庫主事缺出黑龍江省如有滿漢文理精通候補京缺之員亦照此辦理之處均著照所議行○十一年奏定吉林將軍衙門添設銀庫主事一員准照堂主事之例由本省倉站助教筆帖式內揀選擬定正陪送部引

見候

旨簡放俟試俸五年期滿與在京主事等官一體較

俸升轉○又定吉林堂主事缺出例應以助教總站官倉官升補期滿後以京城主事等官升

用之員與現任倉站助教及有品級筆帖式一體揀選其無品級筆帖式不准列入○十二年

議准吉林管檔主事銀庫主事黑龍江管檔主事各積各缺比照在京各部院主事補缺章程

先用勞績一人再由將軍將本處應升人員揀選升補一人相間輪用其黑龍江理刑主事銀

庫主事亦應各積各缺先用勞績一人再由該將軍將滿漢文理精通年滿候補京缺之員補



用一人如勞績及候補京缺之員無人仍咨部  
由京補放至黑龍江理刑主事仍照定例專用  
滿洲蒙古人員其餘各缺均不分滿洲蒙古漢  
軍人員一體准其補用○光緒元年議准

盛京將軍衙門所管滿洲筆帖式內如有保舉以  
管檔主事補用者遇有管檔主事缺出此照在  
京步軍統領衙門司員之例將此項人員與該  
處應升人員一體酌量揀選如非該將軍所管  
主事人員雖有保舉以主事  
補用者仍不准升補此缺○十年議定

盛京將軍衙門管檔主事一缺作為題缺由將軍  
於所管滿洲筆帖式內揀選擬定正陪咨送吏  
部帶領引

見補授如所管滿洲筆帖式內有保舉以管檔主事  
升用補用准其與現任應升人員一體酌量揀  
選擬定正陪升補其黑龍江將軍衙門管檔主  
事一缺吉林將軍衙門管檔主事一缺銀庫主  
事一缺均各積各缺不分滿洲蒙古漢軍先由  
將軍將勞績保舉以本省主事升用補用業經  
赴部引

見之員按保舉先後指擬一人奏請升補毋庸再行

送部引

見如保舉尚未起部引見之員遇有缺出此不准升補次將本處應升京缺  
主事之年滿助教總站官倉官並現任倉站助  
教及有品級筆帖式一體酌量揀選擬定正陪  
咨送吏部帶領引

見補授其無品級筆帖式黑龍江銀庫主事一缺勞  
績保舉與滿漢文理精通年滿候補京缺之員  
相間輪用如前項無人由在京六部堂官各揀  
選京察一等筆帖式一員保送不得以無員吏  
保送聲應

部帶領引  
見補授其保送人員於引  
見時咨報患病者照侍班不到例議處連次患病告  
病即照例奏

其理刑司主事一缺作為幫印勞績保舉與  
滿漢文理精通之員相間輪用如前項無人由  
刑部理藩院於筆帖式內不分滿洲蒙古揀選  
辦事諳練熟悉刑名之人各保一員帶領引

見補授以上各缺均  
照舊例升轉  
盛京將軍衙門筆帖式○光緒十年議准  
盛京蒙古人員報捐筆帖式者仍歸  
盛京將軍衙門補用遇有缺出先用考取一人次



用捐納一人相間輪用。又覆准。

盛京蒙古開散文舉人。繕譯舉人。實厯會試一科。

未經中式。願就筆帖式者。准其註冊候選。不准

呈請分發學。由該舉人隨時取具本佐領圖

結呈明。

盛京兵部。知照吏部註冊歸

盛京蒙古考取候選班內俟

盛京將軍衙門蒙古筆帖式缺出。將該舉人作考

取班選用。以呈請就筆帖式註冊到部之日與

考班取中奉

旨之日比較先後選用。舉人與舉人同時到班。按科

分名次銓選。如正班無人。即以舉人抵選。

熱河都統衙門辦事司員。○嘉慶十五年

諭軍機大臣會同各部院衙門議奏。新設熱河都統章

程內。熱河非新疆可比。應用漢字案件較多。所有隨

同辦事司員。除理藩院照議揀派外。其餘派六部司

員。著專由刑部揀選熟悉刑名漢司官二員。帶領引

見候。朕簡派一員前往。三年期滿。如果該員等辦理

妥協。著該都統保奏引見。候旨升用。儘不能稱職。即

隨時奏。欽此遵

旨議定熱河都統衙門設立隨同辦事司員一人。缺出

由吏部行文理藩院於滿洲蒙古現任司員中

員外郎內揀選二員咨部帶領引

見請

旨簡派一員前往。三年期滿照例更換。如果辦事妥

協。准該都統出考保奏送部引

見候

旨升用。儘不能稱職。即隨時奏撤回。另請揀員更

換。其辦事漢司員詳漢附

吉林將軍衙門理刑司員。○同治三年

諭前因升任內閣侍讀學士于凌辰奏吉林獄訟繁多

請專設理刑大員辦理刑名。當經諭令阜保查議具

奏。茲據阜保奏稱吉林地處邊陲。若添設監司大員

則建立衙署及庫俸等項所費不貲。請查照熱河設

立刑司之例酌加變通等語。著照所請。即由刑部揀

派滿郎中一員專司掌印。欽此遵

旨議定吉林將軍衙門添設理刑司掌印滿郎中一員

缺出由吏部行文刑部於滿洲蒙古現任郎中

內揀選二員。不得以員外郎林選咨送吏部帶領引

見請



旨簡派一員前往專司掌印三年期滿照例更換如  
果辦事妥協由該將軍出具考語送部引

見請

旨給予加一級外從優再給予加一級儘不能稱職

隨時奏請更換其漢司員派往之處  
詳漢官員揀選例內○光緒八

年議准吉林添設首道一缺旗民案件府廳審

定後由道覆覈審轉刑司部員無所事事裁撤

回部當差○九年議准吉林已設道員詞訟由

地方官審轉其甯古塔三姓瑣春三城副都統

所理詞訟仍應由刑司覆覈惟應覈案件現止

三城復設滿掌印漢主稿各一員足資經理裁

減幫稿主事一員一切仍照舊章辦理

黑龍江將軍衙門理刑司員○光緒十年覆准

新設黑龍江將軍衙門理刑員外郎一缺專司

掌印由將軍於本處管檔理刑銀庫主事內不

分滿洲蒙古揀選辦事諳練熟悉刑名之員擬

定正陪咨送吏部帶領引

見請

旨簡用一員補授如本處主事不得其人咨行吏部

轉咨刑部理藩院於滿洲蒙古主事內詳加揀

選出具考語各保一員不得以無員  
保送弊處咨送吏部

帶領引

見補授均俟五年期滿咨部註冊與在京員外郎一

體較俸升轉不准其調補京缺原設理刑主事

一缺作為幫印揀選升補詳載  
將軍等衙門主事例內新設六

品頂戴委署主事二缺專司主稿由將軍等衙

門筆帖式內詳加揀選出具考語擬定正陪咨

部引

見補授毋庸定以年限與倉屯站官筆帖式一體揀

選升補本處主事仍咨送吏部帶領引

見補授

八旗游牧員外郎○雍正十一年議定八旗游

牧員外郎共十六人每旗二員由京補授八人由該

總管補授八人遇有員缺其係由京補授之缺

交與理藩院於部院本旗蒙古主事小京官中

書筆帖式內遴選滿洲蒙古文理好能辦事者

咨送吏部引

見補授由主事補授者即授為員外郎各論俸升轉

由小京官中書筆帖式補授者授為主事其係

本處總管補授之缺令該總管於本處散秩官



筆帖式及曉騎校護軍校內遴選人去得者咨  
送理藩院引

見補授如保送之人平常將京城本旗通曉滿洲蒙  
古字語之護軍校曉騎校護軍內遴選辦事去  
得者亦由理藩院引

見補授均於本處以佐領升轉不准調京○乾隆二  
年議准由京補授之游牧員外郎八人其由小  
京官中書筆帖式授為主事者三年無過該總  
管保題實授員外郎在員外郎任五年期滿令  
該總管出具考語咨吏部註冊其由六部出身

之人仍俟六部蒙古員外郎員缺無論保題升  
選補用二人後將年滿游牧員外郎論俸咨取  
一人調補由理藩院等衙門出身之人亦俟理  
藩院等衙門蒙古員外郎員缺無論保題升選  
補用二人後將年滿游牧員外郎論俸咨取一  
人調補如五年內遇有應升以升銜留任仍以  
升銜較俸升轉○嘉慶十九年議定游牧司員  
向有八旗公缺一員缺出由理藩院於八旗蒙  
古應考人員內考取擬定正陪咨送吏部帶領  
引

見補授○道光二年奏定太僕寺等衙門出身人員

補放游牧司員者年滿調京時應以理藩院太

僕寺員外郎調補不得補用六部凡六部以外  
各衙門人員

補放年滿時均以理藩院太僕寺員外郎之缺調補不得調六部之缺○十七年

奏定游牧員外郎歷任未滿五年有因迴避回

京者以應調之衙門先行掣分行走接算前俸

扣足五年咨部註冊列入調京人員內以該衙

門蒙古員外郎缺出無論保題升選二缺之後

選用○光緒二年奏定年滿游牧司員無論由

何衙門出身專以理藩院太僕寺蒙古員外郎

調補年滿後如保題升選已過二缺遇應咨之

缺即行論俸調補不積各項班次○又定考試

游牧司員時蒙古候補學習主事一併准其與

考如蒙引

見補授比照小京官中書筆帖式補放之例授為主

事照游牧主事之例辦理至考試時應由理藩

院堂官嚴密關防精覈去取以期拔擢真才



欽定大清會典事例卷五十五

吏部

滿洲遊選

塔里黑龍江驛站官 補驛站官 官古  
列 威遠堡六關守口官 威遠堡年十五  
連口 驛站式 廟等官 威遠堡年十五  
驛各處驛事司員 鳳凰城迎送官 滿官

驛站監督○雍正十二年議准

盛京五路驛站正副監督各一員由

盛京五部堂官於郎中員外郎主事內公同遴選

人明白能管理者各一人出具考語題請實授

管理三年令

盛京戶部兵部會同稽察驛站副都統察該員果

能整飭驛務錢糧不致浮冒保題到日由兵部

移送吏部照例議敘如有浮冒錢糧廢弛驛務

等事題參治罪○乾隆四年奏准驛站正副監

督二人照關口官之例三年內如遇論俸應升

時以升銜留任仍以升銜較俸升轉○十二年

議准由京補授

盛京司員三年期滿例係應行調京之員未便復

與

盛京五部人員一同揀選關口章京等差嗣後已

經報滿出咨人員不准復行揀選遇有關口章

京缺出令該將軍五部堂官等於未報滿人員

內揀選咨部引

見補放至期滿時將在部日期與在關日期接算扣

足三年方與

盛京五部司員一體較年滿日期先後調京補用

如到部行走在一年以下者俟關口章京二年

期滿時仍回原任扣足三年始准調補至

盛京五路正副監督並

盛京戶部銀庫員外郎等缺均係由五部司員內

揀補其期滿調京之處與關口章京事同一例

均應畫一辦理

調補驛站官○乾隆三年奏准張家口喜峯口

獨石口殺虎口古北口管站員外郎員缺由理

藩院於該院員外郎內遴選引

見差往管理三年期滿照例更代所遺更代員缺不

行開選即將換回之人頂補○三十七年定管

理驛站官三年滿日由該都統察其行走好者

出具一等考語送部引



見准其加一級平常者出具二等考語咨部照例更

換○嘉慶十九年議定各口管站官員向由理

藩院於員外郎內揀選引

見派往管理亦有於主事筆帖式內揀選引

見派往者不必開缺俟管理期滿後仍回本任○道

光五年奏准管理賽爾烏蘇驛站事務理藩院

司員三年期滿該總管列為一等照張家口等

處一等管站司員之例將該員帶領引

見俟奉

旨後准其加一級

甯古塔黑龍江驛站官○乾隆四年議准甯古

塔驛站官二員由該將軍於本處倉官筆帖式

內每一次遴選二人擬定正陪出具考語咨部

引

見由倉官八品筆帖式補授者授為七品由未入流

筆帖式補授者授為八品六年任滿該將軍出

具考語咨部註冊七品官以京城主事等員缺

升選八人後升用一人八品官以京城正從七

品小京官員缺升用六人後升用一人至黑龍

江驛站官員缺由該將軍於本處應升之官遴

選正陪咨部引

見補授○三十六年奏准嗣後黑龍江驛站官定以

六年期滿其有由八品筆帖式補授者授為七

品由未入流筆帖式補授者授為八品年滿時

令其離任以駙騎校用○五十九年議准甯古

塔黑龍江驛站官均改為四年任滿年滿後仍

照例分別升用至八品筆帖式授為七品等官

年滿升選時如有無力移產不能來京情願改

補本處武職員缺者准照倉官之例咨行兵部

辦理○道光三年奏准吉林驛站官向無揀選

明文嗣後吉林驛站官照黑龍江例准以漢軍

升補四年任滿准升駙騎校不升文職○同治

十一年奏定吉林驛站官二員照倉監督之例

由協領內揀員管理二年更換以專責成原設

監督二員改為總站官四年任滿遇有缺出由

將軍於倉官筆帖式內揀選二員擬定正陪帶

領引

見請

旨補授○光緒十年議定吉林總站官黑龍江驛站

官員缺各站先將勞績保舉以本省站官升用



補用業經赴部引

見之員按保舉先後指擬一人咨部補放毋庸再行

送部引

見如保舉後尚未赴部引次由該將軍於本處

倉官筆帖式內每缺揀選二員擬定正陪出具

考語咨部引

見請

旨簡用一員補授吉林總站官於補放後即其餘一

員應否記名恭候

欽定其記名人員遇缺咨補毋庸再行送部引

見吉林總站官四年任滿七品官以京城主事都察

院都事經歷大理寺寺丞光祿寺署正缺出升

選八缺後升用一人八品官照舊例升用如有

情願改補本處武職者移咨兵部辦理其由漢

軍人員補授者四年任滿以驍騎校升補不准

升用文職至黑龍江驛站官授為六品無論滿

洲漢軍人員四年期滿俱令離任以本處驍騎

校用

邊地同知通判○雍正十一年奏准理事同知

有管理民人辦理刑名之責必得通曉漢文律

例之人方能勝任應令各部理藩院將滿洲蒙

古員外郎主事內通曉漢文人明白者遴選引

見補授○乾隆四年議准各部院衙門遇有保送理

事同知通判之時將京察一等合例人員內保

送儻此等人員內有服制未滿現患疾病及實

有不能離任情節並通曉部務而不宜於外任

者均令該堂官將不便保送情由逐一聲明過

部別行遴選合例人員保送○五年議准各邊

地理事同知員缺除員外郎不行補用外由部

行文內閣並部院衙門於滿洲蒙古京察一等

之主事小京官筆帖式內遴選通漢文曉蒙古

語賢能之人保送過部會同理藩院並各部院

遴選考試漢文及蒙古字語務期循名責實分

別去取引

見補授其邊地理事通判員缺除主事不行升用外

止將小京官筆帖式一例考試註冊補用○又

定邊地理事同知通判考試漢文擬定名次帶

領引

見候

旨記名至考試之卷毋庸進呈○又定理事同知通



判無論內地邊地俱於保送記名之中書小京官筆帖式內由吏部帶領引

見補授○嘉慶九年

論此次內務府京察人員內造辦處六品庫掌伯齡堂筆帖式施蒙額二員俱准其一等加一級仍交部遇有同知通判缺出入於各衙門記名人員之末帶領引見○十九年議定各省奏請揀發理事同知通判

時毋庸奏請

欽派大臣揀選即由吏部將應補並記名前列者

奉旨記名次序以及俸次先後共帶領二十員引

見請

旨發往至理事同知通判本係由部推升員外郎之人發往後該省不得請補苗疆久任之缺致礙推升之例若請補後經部議駁欽奉

特旨准補即照現缺升轉停其在部推升○二十二年奏准理事同知通判如係推升出缺以截缺之日為始如遇各項事故出缺以文到之日為始俱不准見缺告病如有呈請患病扣除者再遇缺出扣除帶領引

見三次以杜擇缺取巧之弊○道光二十三年議定

各衙門出差各倉監督人員如遇保送理事同知通判時由倉場衙門出具切實考語一體保送○光緒十年議定理事同知通判無論內地

邊地吏部行文內閣各衙門令該堂官於京察

一等之中書小京官筆帖式內將通曉漢文兼

通繙譯者保送其請祝官贊禮郎鳴贊等官內

補者不保送各衙門保送到部吏部將應行與挑人

員傳齊屆期開列大學士九卿職名奏請

欽派即於本日赴

天安門外吏部朝房公同揀選毋許稽遲如有遷

延後期者吏部查明參奏其揀選之員由吏部

傳令親繕履歷按照衙門次序帶領引

見記名者按照俸次先後註冊其京察一等記名之

滿洲蒙古中書小京官筆帖式俱附於上次記

名之後遇有缺出先將勞績人員按保奏奉

旨先後請

簡一次如奉旨日期相同再有缺出將照例記

名人員請

簡一次相間輪用如應開列勞績時不足十員之數

將記名人員補足十員請

將記名人員補足十員請



簡勞績無人專用記名人員各館議敘人員俟開列  
記名時列於十人之後至服滿裁缺迴避及病  
痊捐免生補原缺並緣事降革援例捐復各項  
應補人員並病痊引

見奉

旨仍以理事同知通判用者均列名於勞績及記名  
之先各項應補合例者同項比較日期先後全  
行開列如應補已足十員即毋庸開列勞績記  
名如應補已逾十員按次序開列十人餘者扣  
除遇輪用勞績及輪用記名時如

簡用應補均毋庸過班

威遠堡六關守口官○雍正十一年議准威遠  
堡等六關口各設守口官一人

威京兵部會同將軍於五部員外郎主事小京官  
內每一缺遴選二人擬定正陪咨部引

見補授二年期滿仍令

威京兵部會同將軍察明該員果能奮勉效力者  
保題到日由部按該員原銜議敘如尋常供職  
者咨回吏部以應得之官補用如有怠忽廢弛  
等事即行題參若二年內遇有應升以升銜留

任即以升銜較俸○乾隆八年議准六關口守  
口官以原銜管理關口事務其本任原缺毋庸  
別行開選二年期滿各回原任其有奮勉效力  
保題議敘者仍照舊例保題議敘如係在京人  
員補授者年滿之日仍照舊例調補京官其未  
經調補之先業經任滿者仍回原銜門辦事遇  
有在京員缺由部照例調補○十二年議准威  
遠堡等六關口章京已經報滿出咨人員不准  
復行揀選遇有關口章京缺出令該將軍五部  
堂官等將到部三年以內未經報滿人員揀選

送部引

見補放將來期滿時將在部行走日期與在關日期  
接算三年與

威京五部司員一體較年滿日期先後調補如在  
一年以下者俟關口章京二年期滿時仍回原  
任扣足三年期滿調補○五十二年奏准威遠  
堡等六關口章京停其引

見照副關防官之例揀選一員具題補放○光緒十  
年議定邊門章京缺由

威京兵部會同將軍於五部員外郎主事小京官



內每部保送一員註冊。遇有缺出即在所送之	五員內籤掣奏補。 <small>如所送之員未經掣出遇有</small>	<small>用竣一員</small> 若係本處人員掣補者俱以原銜管	理本身原缺毋庸開選。二年期滿各回原任。至	在京人員應以未滿三年者保送。 <small>已滿三年出</small>	<small>滿其保送之員未經掣補已屆年滿應行</small>	威遠堡等十五邊口筆帖式。○乾隆二十三年	奏准。	盛京威遠堡等十五邊口筆帖式事簡不能學習	部務其各邊口筆帖式歷俸八年者遇有五部	將軍衙門筆帖式缺出按年滿日期先後挨次	調補所遺邊口之缺照例補用。儻	盛京五部將軍等衙門筆帖式缺出無合例應行	調補之人仍將應用人員擬補。○三十六年議	准威遠堡等十五邊口筆帖式並無承辦之事	准其裁汰離任候缺遇有	盛京五部各衙門筆帖式缺出按照各員補放日	期先後挨次指補。	盛京銀庫官員。○雍正元年議准。	盛京戶部銀庫掌關防監督一員由在京部院堂
---------------------	-------------------------------------	------------------------------------	----------------------	-------------------------------------	---------------------------------	---------------------	-----	---------------------	--------------------	--------------------	----------------	---------------------	---------------------	--------------------	------------	---------------------	----------	-----------------	---------------------

官遴選郎中出具考語咨部引	見恭候	欽點管理三年期滿更代。○乾隆三年議准	盛京戶部銀庫增設員外郎一人於該部司分員	外郎內遴選一人管理庫務三年期滿照例調	京仍於司分員外郎內遴選調補所遺司分員	外郎缺再行咨部銓補。○十二年奏准	盛京戶部銀庫員外郎等缺均係五部司員內揀	補其期滿調京與關口章京一體辦理。 <small>詳威遠</small>	<small>關守外</small> ○十三年奏准嗣後金銀庫員外郎一	年一次更換如行走好一應揀選保舉之處准	其列名若係平常之員駁回原處另行揀選更	換。○三十五年議准	盛京戶部銀庫副關防一員改為公缺於	盛京五部郎中員外郎主事內揀選一人奏明協	辦照在京寶源等局監督之例二年差滿更換	○嘉慶九年	諭盛京銀庫郎中管理東三省一應錢糧及庫貯帑項	有綜覈出納之責現在奉省各部郎中難得其人仍	照舊例令在京各部堂官於所屬郎中內屆期保送
--------------	-----	--------------------	---------------------	--------------------	--------------------	------------------	---------------------	-------------------------------------	------------------------------------	--------------------	--------------------	-----------	------------------	---------------------	--------------------	-------	-----------------------	----------------------	----------------------



一員帶領引見候朕簡派發往更換但在京各部堂官每遇保送此項人員時平素得力之員自應留部辦事而庫務關係緊要亦必須於較次司員內慎重選擇務期得人方克勝任儻有以年力衰邁才具平常人員濫行保送者經朕察出必將原保之各該堂官議處○光緒十年議定

盛京戶部銀庫掌關防監督員缺吏部行文在京各部院衙門揀選郎中出具考語咨送不得以無員保

見恭候

欽定管理三年另行更換其保送人員於引

見時咨報患病者照侍班不到例議處再遇此項缺出仍以該員保送如有連次患病告假者即照例參辦以杜規避○又定

盛京戶部銀庫副關防員缺由該部行文

盛京各部於京員郎中員外郎主事內各保送明

白勤慎者一人會同將軍副都統各部侍郎公

同揀選一員由該部具奏令其協同管理庫務

其有已滿三年出咨者照關口章京之例停其

保送將未經報滿之員揀補二年期滿准其接

算從前在部行走日期調京或未滿三年令其仍回原任俟年滿時再以京缺調補  
守衛

壇  
廟等官○順治初年定凡守衛

天壇

地壇

社稷壇

太廟

堂子

皇史宬官並朝鮮通事員缺由禮部及該旗開送正陪

移咨吏部五品以上引

見補授六品以下本部堂官驗看補授○乾隆三十三年奏准嗣後守衛

天壇

地壇

太廟

社稷壇官員四品官缺出由各處五品官升補五品官

缺出由各處六品官升補俱由太常寺揀選正

陪送部引



見補授其六品官員缺按旗補用仍照例驗放○四

十二年

諭京察休致降級滿司員除年老不能當差者不計外其餘人員著交各該旗大臣以看守

壇  
廟門庫等缺酌量補用欽此遵

旨奏定此等休致司員除四品官不准補用外其五品官員缺由太常寺咨取各旗之休致員外郎揀補如無人仍以六品官揀補至主事以下等官俟

壇

廟門庫等缺出該旗酌量送部驗放其降級之員本條有官可補不必復占兩途如情願以

壇

廟官補用者准照所降之級對品補用即於候補冊內查錄不准再行銓選○四十六年議准

天壇

地壇

社稷壇五品官各一員仍照舊例於六品官內揀補其太廟五品官八缺應以六品官與京察休致之郎中員

外郎等官輪流開用○五十年奏准

太廟五品官缺出將考試休致之翰詹官員年力尚健者一體揀選引

見仍與應升之六品官輪流開用○五十一年奏准太廟五品官缺出將京察休致三四品京堂各官情願以

壇

廟官改補者與休致司員一體預挑仍與應升之六品官輪流開用○嘉慶十七年奏准

壇

廟六品官員缺應以年陳曾經出兵人員按其勞績擬定正陪如無出兵人員在於應升之降調人員及印務筆帖式並休致之科道司員暨參領以下等官酌量揀選擬定正陪咨送吏部堂官驗看補放如無前項人員准於革職人員內一體揀選○道光十三年

諭昨因

太廟五品官缺出輪用休致人員經太常寺擬定正陪由吏部帶領引見朕見擬正之海興阿步履維艱幾至不能起跪已將擬陪之豐仲祿補放矣此項人員雖例以休致各員間缺補用惟



壇

廟地方均有稽查守護之責亦必精力未衰拜跪如常者方可勝任嗣後遇有此等缺出輪用休致人員時著太常寺堂官詳慎揀選不得以衰頹之員濫行保送○光緒十年議定守衛

太廟四品官員缺由各處五品官與休致之三四品京

堂及四品翰詹官員分缺間用以上休致各員

休致人員仍專以五品官揀補五品官員缺並

天壇

地壇

社稷壇五品官各一缺由各處六品官與休致之三四

五品京堂及四五品翰詹官員並科道郎中員

外郎分缺間用輪用休致人員時先用京堂翰

均無心專以六品官揀補俱由太常寺揀選正

陪咨送吏部帶領引

見補授其各處六品官員缺仍照例按旗補用

盛京戶部屬官○嘉慶十九年議定

盛京戶部管莊六品官二員遇有缺出由該將軍

會同各部侍郎於各處有品級無品級筆帖式

並

三陵衙門筆帖式內每缺揀選二員擬定正陪咨送吏

部帶領引

見恭候

簡用一員補授其餘一員應否記名恭候

欽定如蒙

諭旨准其記名遇有缺出咨補毋庸再行送部引

見五年期滿如果豫備

陵寢祭品應付過往差使以及每年催徵糧石管束官

莊俱能實力辦理准該堂官出具考語保題升

用吏部具題奉

旨後遇有本處主事缺出與各項即用人員較日期

先後升用又委署六品官一員專辦新收喇嘛

壯丁事件如遇缺出即於戶部筆帖式內揀選

試委暫換六品頂戴仍食原俸如果勤能稱職

准其遇有本衙門應升缺出儘先補用

盛京工部屬官○康熙二年題准

盛京工部司匠員缺由

盛京五部暨在京各部院衙門九品筆帖式令堂

官各遴選一人保送過部列名引

見補授如有奉



旨記名者由部註冊知照該部遇司匠缺挨次補用

○乾隆十九年奏准

盛京工部所屬看守

大政殿六品官一缺改為公缺於

盛京各部衙門滿洲漢軍筆帖式內揀選歷俸年

久當差勤慎之人擬定正陪送部引

見補放○二十年議准看守

大政殿六品官仍與現任筆帖式論俸并用主事

○二十九年奏准裁汰工部司匠官○道光二

十年

諭者英等奏酌議六品官引見請畫一辦理一摺盛京

工部大政殿六品官嗣後遇有缺出引見如擬正人

員奉旨補放其擬陪之員著即照管莊六品官擬陪

定例予以記名遇缺坐補該部知道欽此遵

旨議定看守

大政殿六品官一缺由

盛京工部於各部衙門滿洲漢軍筆帖式內揀選

歷俸年久當差勤慎之人擬定正陪送部引

見請

旨簡用一員補授其餘一員應否記名恭候

欽定如蒙

諭旨准其記名遇缺坐補毋庸再行送部引

見仍與現任筆帖式論俸并用主事

奉天等處倉官○原定奉天黑龍江甯古塔等

處倉官員缺由將軍副都統五部堂官於各本

處八九品未入流筆帖式內每一缺遴選二人

擬定正陪出具考語咨部引

見補授○乾隆五年議准黑龍江等處倉官均係本

處生長之人其有無力搬移不能來京情願守

候本處武職員缺者與豫行保舉之領催等一

併咨送兵部引

見俟奉

旨記名後遇本處驍騎校員缺令該將軍酌量與記

名之領催一併升補○八年議准由筆帖式遴

選補授倉官其筆帖式原缺不行開選三年任

滿如居官好堂官保題到部歸於單月遇有本

處應升之主事將本處人員升用三人後升用

一人其筆帖式原缺即行開選若係尋常之人

出具考語咨部註冊仍回筆帖式原任以在京

各項小京官員缺於雙月分推升三人之後升



用一人。○二十九年

諭今日引見黑龍江倉屯等官。已將擬正之旺布等補

用其擬陪人員。若仍發回該省。遇缺再行送部。此等

微員。往來跋涉。未免資斧維艱。所有擬陪之桂岱等

著加恩照東三省驍騎校之例。俱令記名。遇缺咨補

不必再送引見。嗣後各處倉屯等官。均照此例行。以

示體恤。○嘉慶六年議准。年滿倉官。漢軍人員。單月

遇有

盛京刑部堂主事並大理寺寺丞缺出。與各項議

敘人員較奉

旨日期先後。升用一人。雙月遇有漢司主事缺出。入

於漢軍班次之內。俟漢軍俸深。升用一人之後

將倉官升用一人。○十二年定。嗣後奉天黑龍

江甯古塔等處。各倉倉官員缺。由將軍副都統

五部堂官。於各本處有品級無品級筆帖式內

每缺揀選二員。擬定正陪。出具考語。咨部帶領

引

見請

旨簡用一員補授。其餘一員。應否記名。恭候

欽定。其記名人員。遇缺咨補。毋庸再行送部。引

見其筆帖式員缺。不必開選。四年任滿。如居官好。該

堂官保題到部。奉天倉官歸於單月。遇有

盛京主事缺出。將本處人員升用三缺。後升用一

人。其黑龍江甯古塔等處倉官。與年滿驛站官

通較年滿日期先後。遇京城各部院主事等官

缺出。升選八缺之後。升用一人。漢軍人員。單月

遇有

盛京刑部堂主事並大理寺寺丞缺出。與各項議

敘人員較奉

旨日期先後。升用一人。雙月遇有漢司主事缺出。入

於漢軍班次之內。俟漢軍俸深。升用一員之後

將倉官升用一員。若係尋常供職之員。堂官出

具考語。咨部註冊。令其仍回筆帖式原任。俱以

在京各項小京官員缺。於雙月分推升三缺。後

擬用一人。如情願在本處候升者。准其入於本

處俸冊內。以本處應升之缺。升用。其有無力移

產。不能來京。情願守候本處武職員缺者。與豫

保領催等。一併咨送兵部帶領引

見俟奉

旨記名。後以本處驍騎校員缺。令該將軍酌量與記



名之領催一併升補。○道光元年議准吉林等處倉官有因無力移產情願調補本處當差者准其照武職官員調回本處當差之例互相調補就近當差。 <small>如吉林人補三姓倉官三姓人補吉林倉官互相封調之類。</small> ○	七年議定黑龍江管屯官升轉與倉官相同應照倉官之例辦理。○同治十二年奏定黑龍江倉屯站官比照黑龍江主事之例一勞績一資深相開輪用。吉林倉官亦照此辦理。○光緒三年奏定保舉倉屯站官應於保案覈准後先行給咨赴部引	見俟奉	旨後遇有應補缺出方准按班序補如未經引見之先遇有缺出不准補用。○又定齊齊哈爾等處官屯驛站戶婚一切全賴該屯七品站官管理舊制站官二員原係六品嗣後將屯站之缺均升為六品以資管束。○光緒十年議定奉天吉林等處各倉倉官及黑龍江倉屯等官員缺各先將勞績保舉以本省倉屯站官升用補用業經赴部引	見之員按保舉先後指擬一人咨補毋庸送部引
---	--	-----	--	---------------------

見 <small>如保舉尚未赴部引見</small> 次由將軍副都統五部堂官於各本處有品級無品級筆帖式內每缺揀選二員擬定正陪出具考語咨送吏部引見請	旨簡用一員補授其餘一員應否記名恭候	欽定其記名人員遇缺咨補毋庸再行送部引	見四年任滿奉天倉官歸單月升用其黑龍江倉屯官吉林等處倉官與年滿吉林總站官通較年滿日期先後以京城各部院主事 <small>都察院都事寺署光祿寺等官升用</small>	新疆各處辦事司員。○原定烏里雅蘇臺章京四員內閣戶部兵部理藩院各一缺三年期滿由該將軍咨請更換到部吏部咨取各該衙門保送一員引	見派往科布多塔爾巴哈臺章京各一缺專以理藩院司員派往由理藩院自行辦理伊犁等處糧餉章京員缺不得用本處駐防該將軍等奏請更換由軍機處記名廢員請	旨派往如奉	旨交部辦理吏部將現任司員帶領引
---	-------------------	--------------------	---	--	---	-------	-----------------



見其印務駝馬章京等缺由吏部咨取各衙門現任

人員行文六部理藩院太僕寺光祿寺國子監

欽天監不分滿洲蒙古除本員年過六十並親

年七十五歲以及親年六十五以上之獨子均

不保送外將年富力強者各保一員註冊不得

員保送遇有缺出吏部帶領引

見派往俟餘職二三人員將業經簡放現在無

之日至各處印務章京准各該處大臣於本處

駐防筆帖式內酌量保奏喀喇沙爾糧餉章京

二缺專用蒙古人員一由理藩院專派毋庸咨

取一由六部理藩院國子監欽天監蒙古司員

帶領引

見派往以上各項人員如由現任各部院郎中員外

郎主事並

賞給主事職銜人員均戴用本職頂戴其由廢員

賞給小京官職銜並由現任小京官派往者均准其

戴用六品虛頂俟差滿回至內地仍戴原銜至

現任司員派往者三年期滿辦事好該處大臣

不得保奏即止令出具考語送部引

見平等之員咨回本衙門供職照伊原官補用由本

處駐防筆帖式經該大臣奏請

賞給主事職銜辦事者七年期滿送部引

見照新進士之例分部行走三年期滿甄別奏留以

本衙門主事補用平等之員咨部註冊歸於不

論雙單月升選二缺之後選用其有奉

旨以主事用者歸於不論雙單月五缺之後選用並

准其先行分部行走由廢員

賞給主事小京官等職銜並發往效力人員奏請

賞銜頂補者三年期滿該管大臣專摺具奏吏部將

該員革職原案無論公私情罪詳敘事由帶領引

見恭候

欽定如奉

旨照例用者歸於不論雙單月五缺之後選用不准

其先行分部行走○嘉慶十七年

諭興奎奏請留年滿章京以資辦公一摺烏魯木齊糧

餉章京鳳鳴現屆七年期滿例應送部引見據興奎

奏請仍留該處以資熟手著照所請鳳鳴准其作為

額外主事再留三年俟留辦期滿果能始終奮勉再

行送部引見請補主事實缺○道光二十六年

諭前據薩迎阿奏請添設印房回務章京當交軍機大



臣會同該部議奏茲據會議奏稱英吉沙爾臨邊臺卡甚多地方亦屬緊要自應添設章京以專責任英吉沙爾著准其添設印房回務章京一員即專用六部筆帖式毋庸用起廢人員○光緒十年議定北路烏里雅蘇臺章京四員內閣戶部兵部理藩院各一缺三年期滿該將軍咨請更換到部吏部咨取各該衙門每缺保送二員帶領引

見請

旨簡用一員派往科布多章京三員辦理蒙古事件兼驛站牧務一缺由理藩院揀選熟習蒙古語之員保送二員帶領引

見派往糧餉章京一缺由吏部於各衙門筆帖式內帶領引

見派往作為委署主事均三年期滿奏請更換印務章京一缺由本處筆帖式委署主事內保奏賞銜頂補七年期滿更換如不得人仍請派京員由理藩院保送一員帶領引

見派往三年期滿更換○又定南路回疆各城章京十九缺喀什噶爾葉爾羌喀喇沙爾庫車阿克蘇烏什和闐掌印章京各一缺喀什噶爾回務

章京一缺新設英吉沙爾印房兼管回務章京一缺均由吏部於六部並各衙門現任筆帖式內帶領引

見派往喀什噶爾經牧章京一缺巴爾楚克糧員一缺喀什噶爾夷回章京一缺由參贊大臣於八城駐防筆帖式內保奏

賞銜頂補七年更換喀什噶爾葉爾羌烏什阿克蘇庫車喀喇沙爾糧餉章京各一缺葉爾羌經牧章京一缺均用在京廢員由軍機處請

旨派往如無廢員由軍機處知照吏部於筆帖式內引

見派往並准該大臣將發往效力人員奏請補用○

又定西路伊犁等處章京二十員印務五缺

二缺一用京員一用本處人員烏魯糧餉五缺

本齊二缺哈密一缺俱用本處人員

伊犁四缺一用京員一用本處人員二缺

用在京廢員烏魯一用本處人員一用京員

三缺一用京員一用本處人員一用京員

底更換京員之缺由吏部於各衙門筆帖式內引

見派往作為委署主事廢員之缺由軍機處請

旨派往如無廢員由軍機處知照吏部於各衙門筆



帖式內引

見派往均三年期滿更換本處之缺由該大臣於本

處筆帖式揀選奏請

賞銜頂補七年期滿更換如不得人仍請以京員更

換管倉糧員七缺伊等四缺由該處於發往

效力人員內奏請

賞銜管理如無效力之員再請以在京廢員由軍機

處請

旨派往均三年期滿更換不得以年滿印務章京調

補○又定新疆各處章京專用京員之缺吏部

咨取各部院衙門現任筆帖式除歷俸未滿三

年並京察三等之員不准保送外應將年力富

強通曉滿漢文義者每衙門額缺在十員以上

保送二員十缺以下保送一員二十缺以上至

三十缺保送三員不得以無員吏部將滿漢大

學士九卿職名開列吏部會同奏請

欽派奉

旨派出即於本日起

天安門外吏部朝房公同考試揀選錄取二十員

擬定名次交與吏部註冊遇有缺出吏部按考

取名次每缺帶領三員引

見派往作為委署主事其筆帖式毋庸開缺到任後

三年期滿果係得力出色之員經該大臣奏明

咨部以主事即用者歸於奉

旨即用班內升用遇有主事缺出照例具題補授即

照升仕食俸升轉所遺筆帖式員缺歸於月分

銓選其兵差員缺另行奏請更換仍俟新任人

員更替到日交代清楚再將年滿之員給咨回

京補行引

見如係平等之員咨回本衙門供職○十一年議定

塔爾巴哈台復設印務駝馬糧餉章京三缺印

務章京一缺由吏部於各衙門筆帖式內引

見派往作為委署主事三年期滿更換駝馬糧餉章

京二缺由該大臣於本處筆帖式內揀選奏請

賞銜頂補七年期滿更換如不得人仍請以京員更

換○十二年奏准哈密印務章京一缺裁撤

鳳凰城迎送官○乾隆五年奏准迎送官三員

定為八旗公額遇員缺由禮部並該旗咨到吏

部吏部行文八旗將騎都尉以下駝騎校以上

官員每旗遴選一人出具考語咨送過部由部



驗看擬定正陪引

見補授。如係馳騎校補授者。授為五品。○三十六年議准。原設鳳凰城迎送官三員。俱行裁汰。遇朝鮮國人進京將至鳳凰城時。令該城守尉於防禦內酌派一員。作為迎送。事畢仍回本任。

滿官掌印。○順治十八年題准。各部院衙門堂司。悉令滿洲官員掌印。六科及京畿道。河南道掌印。由都察院題請。

欽點其餘各道。以現任資深者轉補。各部院屬司。由各該堂官遴委郎中掌印。若郎中有事故。則遴

委員外郎掌印。○嘉慶十二年

諭。前因御史德祥條奏刑部各司印鑰。多有令主事管帶者。殊於體制未協。當經降旨令刑部明白回奏。茲據該堂官覆奏。各司揀派掌印。原應先儘職分較大之員。惟郎中員外內。有捐納得缺。及由各衙門推升到部者。於刑名例案。一切未能嫻習。不得量為調劑。現在各司以主事掌印者。止有四員。實因一時乏人。始行揀派。並非意為凌躐等語。自係該衙門實在情形。但思國家分職授官。體制皆有一定。不容任意攙越。致紊階級。即如各部院堂官。滿漢俱有數人。而

歷來各衙門印鑰。皆係滿尚書佩帶。凡以班次優崇。

俾資統攝也。現在刑部各司掌印。為管理一司事務之員。自應儘職分較大之郎中員外。責令管帶。即或此中有甫經部選得缺人員。於例素未能嫻習。該堂官自可留心試看。如其才識實不勝任。即當據實指參。開缺另選。若止於部務生疏。尚堪供職者。應責令隨時學習。並揀派該衙門熟諳司員。幫同辦理。則既可造就人材。而公事仍亦無誤。又何必因仍陋習。致滋物議乎。嗣後該衙門掌印司員。總當於郎中員外內遴選管帶。所有現派主事掌印之四員。若該堂官撤回。另行委員接管。以符體制。○道光二十五年

諭。已革兵部候補主事恩麟。以掌印司員。不知自愛。兩次得受書吏年終規禮。著從重發往軍臺效力贖罪。各衙門掌印。例應於郎中員外內揀派。從前嘉慶年間。曾明降

諭旨。兵部堂官何得諉為不知。乃必派一候補主事署掌印鑰。即云一時揀選乏人。何以遲至三年之久。不行改派。試問該部四司之郎中員外。除恩麟而外。再無堪掌司印之人耶。該堂官答實難辭。著交部分別嚴加議處。○又



諭前因兵部堂官違例派署掌印。當交部分別嚴加議處。茲據吏部都察院會議具奏。前任兵部尚書裕誠。兵部尚書許乃普。左侍郎道慶。朱樽。派委候補主事。署掌印鑰。三年之久。不行改派。本應照議革職。姑從寬改為實降五級調用。前任兵部右侍郎惟勤。祝慶蕃。違例派署掌印後。旋經調任。著加恩改為革職留任。八年無過。方准開復。前任兵部右侍郎福濟。著兵部右侍郎周祖培。奏參不實。著改為革職留任。前任兵部右侍郎舒興阿。侯桐。前署兵部尚書。陳官俊。前任兵部右侍郎。倭什訥。兵部右侍郎瑞常。前署兵部左侍郎趙光。於恩麟。派署掌印。均未能查明更正。舒興阿。侯桐。又失察。司員得受陋規。著照議降四級留任。陳官俊。倭什訥。瑞常。趙光。著照議降三級留任。俱不准其抵銷。

欽定大清會典事例卷五十六

吏部

漢員遴選考選科道 員酌定保題 行取知縣 各部司

考選科道。○原定郎中。編修。檢討。補授御史。傳其試。俸內閣侍讀員。外郎主事。試俸一年。都察院考覈稱職。具題實授。○康熙九年。議准由中書行人評事。博士。升主事者。不拘年限。准其考選。由別項官員升授者。食俸二年。方准考選。○十九年。議准漢官非正途出身者。雖經保舉。不准考選。○二十年。覆准捐納貢生。不准作正途

考選京官三品以上。及總督巡撫子弟。皆不准考選。○三十年。議准凡父兄現任三品京堂。外任督撫子弟。均不准考選科道。其父兄在籍。起文赴補。及後經升任者。有子弟現任科道。皆令迴避。改補各部郎中。○四十四年。議准中行評博等官。除由知縣升任者。照舊考選外。其初任選授者。俟升任主事後。方准考選。凡遇考選時。將正途出身之各部郎中員外郎主事。令各該堂官保送引

見簡用。○雍正四年。定內閣侍讀。准其一體考選御



史○五年議准給事中員缺將監察御史帶領

引

見補授御史員缺將應考選人員帶領引

見補授其候補科道人員人文到部遇有員缺由部

帶領引

見補授○又定不拘科甲貢監一體考選御史○七

年議准滿漢給事中及滿洲漢軍御史均改為

正五品漢御史由郎中員外郎內閣侍讀編修

檢討補授者定為正五品由中行評博及行取

知縣補授者定為正六品○十三年議准考選

御史仍專用正途○乾隆三年

諭御史員缺向來皆係部院堂官將合例司官揀選保

送翰林編檢亦在保送之列由吏部引見朕親加簡

用此定例也但思部院司官及編檢人數甚多各堂

官保送皆就所見舉出不過什之一二其餘眾員朕

未編覽或有可任科道而不在保送之列者亦未可

定朕意欲將翰林部屬通行引見司官著該堂官出

具考語引見編檢毋庸出具考語著掌院學士引見

記名之後續交吏部俟有御史員缺按其品級俸次

開列引見候旨補授補用將完之日吏部再將如何

考選別行請旨○六年

諭漢軍漢人既係一體升轉而科員亦不分漢軍漢人

俱可升補其漢軍御史自應歸併漢缺不必分設○

八年

諭凡由御史降調之員不准考試○九年奏准御史員

缺每缺於記名人員內論俸分班以編檢一人

部屬等官二人帶領引

見恭候

簡用○十一年

諭向例御史員缺由保舉考選補授後因臣工條奏請

朕於翰林部屬引見時記名特用今看來不若仍復

舊制之為妥著九卿於應行考選人員內秉公保舉

請旨考試候朕簡用○十三年奏准以御史用之滿

漢人員按記名之先後俟前次記名之人用完

再將後次記名之人引

見○十六年

諭科道近列臺垣優絀尤為易見自可不時擢用而定

例內升外轉給事中則一年一次御史則一年兩次

嗣後內升外轉三年舉行一次著為例○十七年

諭翰林部曹小京官補用御史既經簡擢同列諫垣即



應無所區別。乃舊有五品六品之分。試俸不試俸之異。舊例相沿。宜歸畫一。嗣後給事中著仍為正五品。御史皆著改從五品。不必試俸。○二十年

諭。嗣後郎中等官補授御史。如有諳練部務者。仍准各該堂官奏請引見。朕酌量令其兼管。著為例。○二十九年。奏准。嗣後考選漢御史。除翰林院編修檢討各部郎中員外郎內閣侍讀班秩相等。毋庸更議外。其主事評事博士中書。均不准其考選御史。○三十三年

諭。向來各部司員補授御史。該堂官有奏請仍兼本部行走者。雖為熟練部務起見。但御史有稽察部務之責。若仍令兼司部事。不無意存瞻顧。究與政體未協。嗣後司員改任御史。奏請留部之處。永行停止。○三十五年

諭。嗣後各部司員。有已用御史。而該員於本部素稱得力者。仍許該堂官奏請兼部行走。○三十八年。奏准。嗣後編修檢討等官。均俟散館授職後。歷俸已滿三年。方准保送御史。其授職未及三年者。概不得與。○四十年。奏准。嗣後如有記名御史。復記名知府。而又遵例加捐知府。即用先用者。即

將記名御史註銷。歸入捐納知府班內選用。不得以知府銓選。無期呈請註銷。仍歸記名御史班內一體引

見。○四十五年

諭。向來各部院司員升調別處者。有准留原衙門行走之例。固為熟練事務起見。但部院人材不乏。斷無少此一二人。即不能辦事之理。况司員中簡用外任者。又未見該堂官等奏留。可見此事原可不必。所有現在各部院奏留人員。俱不必仍兼行走。至刑部為刑名總匯。必得諳悉律例之員。理藩院有外藩事件。必得蒙古旗員能習蒙古文語者。奏留之例。尚屬可行。然必帶領引見。候朕鑒定。方可准其仍兼行走。著為令。○四十八年

諭。各部院司員升調別處。奏留原衙門行走之例。業經降旨停止。因刑部為刑名總匯。理藩院有蒙古事件。是以准其仍兼行走。但思奏留人員內。如翰詹等官。本屬閒曹。兼各部行走。尚無關礙。至科道有糾劾之責。未便令其仍兼各衙門辦理司員事務。即刑部理藩院之熟習部務司員。本部留以辦事。有何不可。何必又送科道。博升職之虛名。資掣肘之浮議乎。嗣後



刑部理藩院亦概不准兼科道其果能始終出力該堂官據實奏聞候朕以四五品京堂酌量補用仍可兼部行走○六十年

諭此後各衙門保送滿漢御史初次引見未經記名者下次不得再行保送著為令○嘉慶二年

諭吏部奏現在記名御史之部屬尚有八員翰林止有一員應請考選等語向來御史缺出吏部帶領一三人翰林前列以致多用現在部屬人員不少而翰林止有一員若再將翰林保送部屬未免壅積偏枯所有未用之翰林一員著暫停引見此時遇有御史

缺出先儘部屬帶領引見俟部屬僅餘一二員時再將翰林部屬一同照例引見○又奏定翰林院保送御史人員現在不敷揀選御史中部屬過多翰林太少仍照舊例保送○四年

諭嗣後各衙門保送御史其年齒過輕固不便率行送列如年逾者艾各員精力尚強者仍准保送以六十五歲為率過此者不准保送○又議准御史轉科漢員計俸滿員按資殊未盡一嗣後遇有科缺滿漢均按俸次帶領引見轉補○又定由科道降補部屬及捐復改補部員

並由科道升任後因科道職掌緣事降至部屬等官者俱不准再行保送如升任京堂並非因科道任內降至部屬者仍准保送○十年

諭向來御史缺出吏部將翰林一員部屬二員帶領引見朕隨時酌量人林量加錄用豈能記憶前次所用條屬何項人員嗣後遇有漢御史缺出吏部即將曾經記名以御史用之翰林部屬各員輪班帶領引見○十一年奏定漢官廕生出身人員准其一體考選御史○十七年

諭向例科道各員遇有應行開列引見補授之缺都察院將各該員條陳事件曾否准駁咨送吏部開單呈覽以備考覈嗣後都察院於開列科道條奏清單如該員等出差循例奏報事件無關建白者著毋庸列入○二十五年奏准保送御史人員業經考試或係奉

旨不必考試於未經引見之前出差者准其補行引見如奉旨記名入於從前記名班內論俸升用如因出差未經與考者仍不准其補行引見



見至患病之員無論曾否考試概不准其補行引見○道光九年

諭凡因私罪降補京職及不勝外任特旨改用人員不准保送御史○十一年奏准記名御史後錄事撤銷

此項人員遇咨取時不得復行保送○十九年

諭嗣後考試御史遇朕在宮內時著在乾清宮考試其駐蹕圓明園日期即在正大光明殿考試○二十年

奏准御史遇科員缺出引

見照編檢開坊之例其有出差者亦列名於單內註明現出何差綠頭牌亦照單內註寫一併進呈

恭候

簡用○二十一年奏准嗣後各倉監督遇有員外郎

考試御史照在部當差之員一體保送○二十

二年議准各衙門保送御史如有不合例事故

應行扣除者以該衙門送到之日為斷不得俟

至引

見之日始行扣除○咸豐十一年議准部屬考試御

史係捐納人員由部選授得缺者如歷俸未滿

三年雖經捐免仍不准保送○又奏定給事中

同時出有二缺將各道御史一併帶領引

見請

旨簡用二員宣

旨後即在

朝房由吏部堂官監視該御史自行掣定缺分補

授○又定御史轉掌遺缺以都察院定稿之日

作為見缺日期如二缺同日定稿以轉掌之員

俸次為先後都察院於咨部文內將定稿日期

聲敘以便按班帶領引

見○光緒二年

諭嗣後各部院衙門堂官於各項差使務當查照向

章秉公遺派毋得意存見好其記名御史應行引

見各員不得奏請展緩帶領以符定制○又奏定

記名御史人員內有現充各處

欽工監督等差者遇有御史缺出仍遵

旨按照名次傳令赴部帶領引

見如該衙門咨稱赴工駐班仍將該員銜名按名次

列入排單將駐工之處於本員名下及綠頭牌

內註明一併進呈恭候

欽定○五年

諭軍機處事務繁重得力人員向有保留及註銷御



史成案。自應仍按向章辦理。此外各衙門堂官。嗣後保送御史。務當慎選其人。不得以不甚得力之員。充數保送。記名後。概不准保留註銷。即著吏部。嚴定章程。以杜取巧。欽此。遵。

旨議定。除軍機處向有保留及註銷御史成案。仍照向章辦理外。其餘無論何衙門。概不准保留註銷。如有率行保留註銷者。請

旨將該堂官照例議處。○十年議定。應考選御史人員。由內閣各部院堂官。於所屬各員內。翰林院掌院。於散館授職。歷俸已滿三年之編修。

檢討內。擇其勤敏練達。立心正直者。不分漢軍漢人。秉公保送。其由郎中員外郎。出差各倉監督人員。亦准該倉場衙門。出具切實考語。一體保送。各衙門送齊之日。吏部請

旨考試引。見記名。遇有缺出。按記名先後。照依俸次。翰林院部

屬分班。編修按記名。年分先後。帶領。同日。記名。照俸次。先後。帶領。郎中員外郎。內閣侍讀。先按記名。年分。帶領。同日。記名。先傳。郎中。次傳。員外郎。次傳。侍讀。各照俸次。帶領。每

缺帶領三人。恭請。欽定補授。其有由刑部司員記名御史者。如果在本

衙門始終出力。該堂官據實奏

聞請

旨。以四五品京堂酌量補用。仍可兼部行走。奉

旨。簡用御史後。照各衙門之例。不准兼部行走。其應保送御史各員。如遇現有處分。及任內降革案。件。雖經捐復。尚未具題奉

旨者。均應扣除。不准保送。行取知縣。○康熙四十四年議准。凡行取知縣

見後。以主事接班補用。遇考選科道時。准其考選。○乾隆元年奏准。三年舉行一次。由部於正途出身。知縣內。食俸已滿三年。任內無參罰事故者。大省行取三人。中省二人。小省一人。開列職名。具題請

旨。並令各該督撫。於所屬正途出身。知縣內。遴選才能出眾者。不論何項參罰事故。其食俸未滿三年者。仍不准保題。亦照部行取之數。大省三人。中省二人。小省一人。具題請

旨。○十六年

諭。向例直省知縣。三年行取一次。吏部按期奏請。康熙



雍正年間少舉多停。當朕臨御之初。臣工中有援行取成規入告者。朕以舊制可循。敕部議覆。旋經准行。由今觀之。此特相仍故套。而於吏治人材。毫無裨益。所當永行停止。

各部司員酌定保題。○乾隆九年題准。近年以來。部屬所出滿漢員缺。保題者多。歸選者少。致令應升及候補候選之員。多致壅滯。於銓法未為均平。嗣後各部院堂官。覈明各司辦理事宜。酌定應題之繁缺。造冊送部。遇有員缺。准其保題。其餘各缺。均歸銓選。至刑部滿漢司官員缺。

如有三缺。咨二留一。僅題缺。遴選無人。仍咨部銓選。○又奏准。吏部文選考功兩司。漢郎中員外郎。定為題缺。主事四缺。內二缺亦定為題缺。遇有缺出。於現任屬員內揀選保題。其餘主事二缺。並稽勳驗封兩司員缺。均歸銓選。戶部陝西。雲南。山東。福建等司。每司漢郎中一員。主事一員。江南。廣東。廣西。貴州等司。每司漢員外郎一員。禮部儀制司。漢郎中一員。員外郎一員。祠祭司。漢員外郎一員。兵部武選司。漢郎中一員。員外郎一員。職方司。漢員外郎一員。主事一員。

工部營繕司。漢郎中一員。員外郎一員。都水司。漢郎中一員。員外郎一員。均定為題缺。餘俱歸選。○又定。各部院保題司員。俱令先期將員缺扣留。及題補之人。擬定正陪。一併咨明吏部查覈。不合例者。駁回。定限次月截缺。以前即行保奏。仍令該堂官將所出之缺。應行題補之處。於摺內詳細聲明。請

旨。如保題之人。未經引

見。設遇出差事故。仍由部咨明。另選合例人員保題。僅留缺後。保題遲延。及蒙混保奏者。查出參處。

○十九年奏准。工部虞衡司。向設漢郎中二員。其一員在庫坐辦銷算案件。甚關緊要。虞衡司管庫郎中。改為製造庫郎中。於漢司員內一體揀選保題。○二十五年議准。嗣後刑部司員缺出。滿漢接算。至應留之缺。一滿一漢。輪流相間留題。此次留一滿缺。下次留一漢缺。分缺間留。僅遇應留之缺。一時人缺相值。不能按次扣留。有必需通融題補之處。由該堂官據實奏明。辦理。如揀選無人。咨部銓選。○二十八年奏准。兵部職方司。漢郎中二員。將一缺改為題缺。○五



十六年奏准各部院衙門題選缺分皆有定額部選之缺不准違例奏請題升如有藉詞妄行陳奏者該堂官交部議處○嘉慶五年議定各部司官丁憂服滿俱令其於雙單月赴部投供候補如經該堂官奏留先行在部額外行走者免其投供遇有應題應選缺出悉准該堂官題補仍先期移咨吏部查覈如奏留之員一部而積至數員者以奏留日期先後敘補其同日奏留者按照服滿投文日期先後敘補服滿投文日期又復相同者即於查覈文內聲明吏部代為掣籤以掣得在前者先行題補各該衙門有不按成例者吏部即行駁回仍將該堂官照例議處○六年議准刑部司員各缺仍照舊例如有三缺一咨吏部銓選一留本部保題其應留之缺嗣後定為郎中一次員外郎一次相間留題滿漢分班咨留自為積算不得牽連如遇應留郎中時適無郎中之缺准其復留員外郎下次仍留郎中○七年

論據慶桂等覆奏孔毓璠係捐納人員原與定例不符因該員在部年久熟悉例案查照雍正乾隆年間張

宗純方觀承之例專摺奏請仍聲明嗣後不得援以為例是該部辦理此事俱經於奏請時詳晰聲敘並無不合孔毓璠仍照前旨准其在吏部額外主事上行走遇缺即補但嗣後必須在部實在年久練習部務者方准專摺保留其餘概不得援以為例○八年奏准兵部車駕司郎中改為題缺○九年

論據禮部覆奏題補儀制司郎中一缺因擬正之員外郎現出試差咨明吏部俟該員差竣回京帶領引見是以兩月後始行帶領等語所辦尚無錯誤嗣後各部院題補人員如有人缺相宜應行升用而該員奉差在外者均著先行奏明則遲延之故眾所共知自不致別生他議○又奏准禮部祠祭司郎中改為題缺○十年奏准禮兵二部郎中吏戶工三部郎中員外郎缺出咨二缺銓選後再遇缺出方准奏補捐班○又奏准刑部郎中員外郎各缺仍照舊例咨二銓選留一保題准於咨留之中暫行調劑第一缺咨吏部銓選第二第三缺留用保題第四第五缺仍照舊留一指補捐班一咨吏部銓選第六缺留用保題周而復始按缺計算統計六缺之內咨吏部銓選二員留用保題



三員留補捐班一員再留補捐班時適員缺不相值均咨部選即行過班不得以上次送過選缺下屆聲明扣算致滋牽混○又議准六部漢主事得缺較難各部學習期滿者挨次敘補其捐納分部年滿奏留者亦通較日期補缺誠恐數年之後從前分部進士報滿者漸次補缺其捐納分部奏留人員積有數人勢必接連挨補每科進士報滿在後者轉形淹滯嗣後捐班奏留人員頂補時與在後報滿之進士分部人員按次相間補用○又奏准凡六部丁憂服滿病痊假滿開復坐補人員必經各該堂官奏留奉旨後始准在部行走不論題選缺出各該部查覈吏部覆准後自行奏補其未經奏留者人文到部投供驗到各按雙單月應用缺出銓補由吏部帶領引

見此項員缺由本部奏補者不積留題之缺由吏部銓補者不積咨選之缺以符定例先儘坐補之義此外如降補原部及奉

特旨指明何部補用之員一體不積咨留之缺以歸畫一○十六年奏准各部郎中以下主事等官

降革後遵例捐復原官人員如有奏請留部者不得以題缺請補專以選缺銓補○十九年奏准漢廩生員外郎照廩生主事之例先行分部學習廩生主事於嘉慶五年擬滿蒙廩生分部之例准其先行分部行走按其應得部分掣籤學習行走仍照捐納分部之例毋庸給予廉俸二年期滿照例分別奏留○又議准捐納分部期滿奏留人員按奏留奉旨日期統較先後同日奏留以行走年分深淺為序如行走均無間斷者按原捐名次先後補用如非一例報捐者由該部堂官掣定名次補用○

又議准部院各衙門題升保送先儘京察一等人員如一等無人或一等之員遇有事故及始勤終怠者方准以二等人員題升保送○道光元年定戶部浙江四川二司漢郎中山西江西二司漢員外郎河南湖廣二司滿洲主事俱改為題缺○四年議定各部司員應題缺出凡庶吉士散館並進士分部等項係屬正途補缺後即准揀選保題至漢廩生員外郎主事及各項議故由部銓授得缺者俟扣滿歷俸二年方准揀選保題其分部學習期滿由該堂官奏留補



缺者毋庸再扣年限。即一體揀選保題。○又議准嗣後吏戶工三部郎中員外郎禮兵二部郎中。應留選缺出時。如該部候補無人。即將應升之員外郎主事題升。禮兵二部員外郎僅一選缺。歸候補人員留補。如候補無人。即留題本部主事一次。再見缺送選一次。至刑部郎中員外郎第四缺指補捐班時。如人缺不相值。該部將應升人員題升。○十年議准吏戶工三部選缺郎中員外郎禮兵二部郎中。照舊一咨一留。應留缺內定以留補二次。題升一次。如候補無人。專以應升人員題升。至禮兵二部員外郎。照舊儘數留補。如候補無人。於留題二次後。咨選一次。至刑部郎中員外郎。如第四缺指補有人。則第五缺准予題升。如指補無人。則第四缺已經題升。第五缺仍行歸選。○十五年議准刑部直隸奉天江蘇江西浙江河南山東四川廣東司漢郎中安徽福建湖廣山西陝西廣西雲南貴州司漢員外郎十七缺。俱改為題缺。留用保題。其餘二十二缺。均係選缺。照各部奏定章程一咨一留。○十六年

諭給事中許球奏工部鉛子硝磺兩庫。請改設專員經理。一摺。著該部議奏。欽此。遵

旨議定。營繕司滿員外郎漢主事。作為管理鉛子庫專員。都水司滿員外郎虞衡司漢主事。作為管理硝磺庫專員。該兩庫原隸虞衡司。應仍用虞衡司印信。經營書吏。仍照舊章。毋庸添設員外郎。二缺係題缺。仍揀選保題。主事二員。亦定為保題之缺。應專以正途人員補用。其餘選缺主事。改為留補四次後。至第五缺。截留歸選。○二十三年議定。軍機處行走章京。有經該處保奏無

論題選咨留儘先升補者。除題缺由本衙門照例升補外。如遇應留應咨選缺。俱准留補。毋庸積缺。○同治十一年奏定。各部院保獎無論題選咨留人員。如本係題選兼補者。按班輪補。其由專補選缺人員保獎者。行走未滿十年。止准輪補。咨留選缺。不得遽補。題缺及選缺中留題之缺。俟行走扣滿十年。方准以題缺按班敘補。○又定。各部郎中員外郎主事保舉無論題選者。遇題缺出時。由該堂官酌量補用。原係專補選缺之員酌補。保舉無論咨留者。遇選缺輪應咨選時。如



無論題選咨留無人即將無論咨留人員補用  
如已用過無論題選咨留之人不積咨選之缺即不得再用無論咨留之人  
 至無論題選無論咨留人員如補應留選缺仍按其遺缺儘先字樣與同班人員比較奉旨日期先後補用○又定各衙門初任捐納降革捐復廢生議敘司員遇有應升應補缺出應扣試俸歷俸期滿如有捐免歷俸者以到任之日起扣滿半年方准揀選保題○光緒九年議准嗣後除禮兵二部員外郎係屬孤缺仍照舊例辦理外其餘禮兵二部漢選缺郎中吏戶刑工四部選缺郎中員外郎照選缺主事之例以五缺為一輪第一缺留補第二缺留題第三缺留補第四缺留題第五缺咨選其留題之缺除無論題選咨留不計外專以現任人員題升不得以勞績人員酌補○十年議定吏部文選考功兩司郎中員外郎作為題缺稽勳驗封兩司郎中功兩司主事四缺戶部陝西雲南山東福建浙內二缺作為選缺江四川六司郎中江西廣東廣西貴州山西江西六司員外郎陝西雲南山東福建湖廣五司主事均作為題缺江南山西河南江西湖廣廣東廣西貴州八司郎中山東

河南陝西浙江福建湖廣四川雲南八司員外郎江南山西河南浙江江西廣東廣西四川作為選缺禮部儀制司郎中員外郎主事祠祭司郎中員外郎均作為題缺注客精膳兩司郎中祠祭主事客精膳三司主事作為選缺兵部武選車駕二司郎中武選司主事職方司員外郎又武選司員外郎職方司郎中二缺主事二缺內各酌定一缺作為題缺職方司郎中二缺內一缺武庫司郎中武選司員外郎二缺內一缺車駕武庫兩司主事職方司主事二缺內一缺車駕武庫兩司主事職方司主事二缺內一缺奉天江蘇江西浙江河南山東四川廣東九司郎中安徽福建湖廣山西陝西廣西雲南貴州八司員外郎直隸奉天江西陝西四川貴州六司主事均作為題缺安徽山西陝西湖北湖南江西廣東四川九司員外郎山東河南浙江安徽山東山西河南浙江福建湖廣廣東廣西雲南貴州八司郎中工部營繕司郎中員外郎都水司郎中員外郎製造庫郎中鉛子庫硝磺庫主事二部主事員缺專以虞衡司主事均作為題缺正途出身人員補用虞衡司主事均作為題缺虞衡屯田兩司郎中員外郎營繕屯田兩司主事均作為選缺○又定各部郎中員外郎主事選缺輪應留補時先用勞績保奏遺缺儘先一人過缺即補無人方用補用先補用人員儘先無人准將保舉以升階俟補用升用及以應升之缺升用人員補用







欽定大清會典事例卷五十七

吏部

漢員遴選

主事題補裁留歸選 翰林將軍衙門 衙門辦事司員 起居注主事

辦事司員 宗人府主事 中書科中書

主事題補裁留歸選○乾隆四十年奏准各部

主事缺出如係應題之缺聽各部咨留保題不

計外其餘應選之缺以六部統計題補至第四

缺後即截留一缺歸吏部銓選以次接連遞算

各部缺出查覈到部時吏部查明已屆五缺即

按數截扣歸銓知照各部將應題之員俟下次

缺出再行題補○嘉慶十九年奏准各部漢主

事應選缺出各積各缺題補至第四次後再有

缺出即截留歸部銓選○道光十三年議准揀

發河工學習人員如實缺不得其人即候補亦

一體揀選其候補人員仍按原到部之日各按

各部比較日期先後照例題補俟差竣補行引

見○同治十一年奏定各部主事保舉無論題選遇

缺儘先等項班次者如原係題選統補之員遇

額設題缺由該堂官酌量補用外至選缺中留

補及留題之缺如其資俸在前仍准序補即積

資深班之缺若原係專補選缺之員保加班次

原班已斷止准歸勞績班補用不得深到補如有

願將保舉班次註銷仍歸資深班補用者以保

舉奉

旨之日起至註銷文到之日止將其間日期扣除仍

接算前資歸資深班補用○十二年議准主事

留補選缺照郎中員外郎一律分定留題之缺

第一缺留補第二缺留題第三缺留補第四缺

留題第五缺咨選其留補之缺勞績資深相間

輪補遇留補資深之時先用資深之缺其留題之缺除

無論題選咨留人員不積缺外應專以正途資

深人員題補不得酌補○光緒十年議定京察

一等調部奉

旨指定何部行走者無論題選缺出即行奏補不積

缺至一等調部照例配籤人員不得補題缺及

缺學差任滿奏留郎中員外郎差滿到部服滿

奏留如係專補選缺須奏留主事毋庸奏留

有留題留補選缺 拔貢小京官中式進士奉

旨以本衙門員缺即用俸滿宗人府主事京察

起居注主事調部不得補題缺及選 病痊假滿奏



留。如係專補遺缺之員不得補題缺學差任滿  
服滿病痊各員未經奏留者仍由吏部銓滿  
如經該堂官奏按應得題選各缺補用均不積  
留在部行走者按應得題選各缺補用均不積  
留補咨選之缺其奉

特旨指明以何部補用並刑部提牢年滿議敘及奉

旨降補原部如由部中奉旨以員外郎主事降

缺以上各項人員遇有缺出均照例裁次序議

補至各衙門有曾任實缺降革捐復奏留補用

人員遇有留補缺出俟各項不積准其先行補

用仍積留補之缺

熱河都統衙門辦事司員○嘉慶十五年

諭軍機大臣會同各部院衙門議奏新設熱河都統章

程熱河非新疆可比應用漢字案件較多所有隨同

辦事司員除理藩院司員照議揀派外其應派六部

司員著專由刑部揀選熟悉刑名漢司官二員帶領

引見候朕簡派一員前往三年期滿如果該員等辦

理妥協著該都統保奏引見候旨升用儻不能稱職

即隨時奏辦理欽此遵

旨議定熱河都統衙門辦事漢司員一員由吏部行文

刑部揀選熟悉刑名漢司員二員咨部帶領引

見請

旨簡派一員前往三年期滿更換如果辦事妥協准  
該都統出考保奏送部引

見候

旨升用儻不能稱職即隨時奏撤回另行揀員更

換其辦理蒙古事務司員由理藩院揀選送部

至派往辦事司員遇論俸應升京職具題請

旨補授准照升任食俸升轉俟該員回京時補行引

見如由員外郎派往遇論俸擬升郎中以題准奉

旨之日起歷俸二年期滿准其截取分別繁簡保送

俟差竣回京時由該堂官出具考語送部引

見記名升用如由郎中推升外缺者由吏部行文刑

部揀員送部帶領引

見請

旨發往更替並令該都統飭令該員交代清楚回京

引

見今赴新任○道光七年

諭英和奏熱河都統衙門事務較繁向於辦事理藩院

刑部司員外酌派參領佐領一二員幫辦並非奏案

亦無定額現復新定章程旗民案件均歸都統衙門

審辦該參領佐領等駐防年久迹涉嫌疑委令聽斷



易滋物議。惟案牘較前加繁數倍。請派刑部主事一員前往等語。著照所請。除向例應派實缺司員外。再於刑部候補主事內。揀派熟悉刑名者一員。前往幫辦。不可以無能者充數。如果始終奮勉。三年期滿。由該都統出具切實考語。送部引見。量予補缺。以示鼓勵。所有舊委刑司兼行之參領佐領等。即行裁汰。其向設筆帖式二員。專令繕清譯漢。不准干預案件。○十四年定。熱河都統衙門刑部辦事司員。三年期滿。由吏部帶領引見。○二十年定。熱河都統衙門辦事司員。由候補主事揀派前往。嗣經輪補實缺。三年期滿。帶領引見者。交部議敘。○光緒十年議定。熱河都統衙門辦事實缺漢司員。三年期滿。由該都統出具考語。送部引見。○見由郎中派往者。如交部議敘。給予加一級。由員外郎派往者。以郎中用。或以本部郎中用。幫辦漢司員候補主事。三年期滿。該都統出具考語。送部引見。○見給予遇缺即補。如三年期內輪補得缺。期滿引

見如奉  
旨交部議敘。具題給予加一級。  
吉林將軍衙門辦事司員。○同治三年  
諭前因升任內閣侍讀學士于凌辰奏。吉林訟獄繁多。請專設理刑大員。辦理刑名。當經諭令阜保查議具奏。茲據阜保奏稱。吉林地處邊陲。若添設監司大員。則建立衙署及廉俸等項。所費不貲。請查照熱河設立刑司之例。酌加變通等語。著照所請。即由刑部揀派正途出身漢郎中。或員外郎一員。專司主稿。科甲出身主事一員。幫辦主稿。並再派刑部滿郎中一員。專司掌印。其原設之協佐領。著仍留一員。幫辦掌印。並辦理蒙文事件。統歸吉林將軍管轄。以資治理。其原設理刑主事一缺。即著裁撤。所請該司員等。三年期滿無過。由該將軍出具考語。送部引見。並如何酌加獎勵之處。著該部妥議具奏。欽此。遵  
旨議定。吉林將軍衙門添設辦事漢司員一員。由刑部於正途出身之郎中員外郎內揀選。現任及候補人員。一體揀選。至滿司員揀選。派往幫辦漢司員一員。之處。詳見滿司員送部引見。並如何酌加獎勵之處。著該部妥議具奏。欽此。遵  
由刑部於科甲出身之候補主事內揀選。其應行引



見派往及一切事宜均照熱河都統衙門司員之例辦理如派往後不能稱職該將軍隨時奏請撤回如辦事妥協三年期滿由該將軍出具考語送部引

見由實缺郎中派往者照例給予加一級外從優再給予加一級由候補郎中員外郎派往者給予遇缺即補從優再給予加一級候補主事給予遇缺即補從優再給予加一級由候補郎中員外郎主事派往者三年期內輪補得缺期滿引見照例給予加一級外從優再給予加一級○光緒

八年添設吉林道一缺裁撤總理刑司部員○九年議准吉林添設民官地方詞訟概歸吉林道覈轉其甯古塔三姓琿春三城副都統衙門所理詞訟仍應由刑司部員為之覈覆惟應覈案件較前輕減掌印主稿司員各一員足資經理裁撤幫稿一員仍照前添設吉林理刑司滿掌印漢主稿司員  
宗人府主事○雍正元年設漢主事二人由進士出身之小京官及行取知縣在部候缺者遴選引

見補授與各部主事一同論俸升轉○乾隆十六年停止行取知縣揀選宗人府主事之例今由致派揀選○嘉慶十九年議定宗人府主事缺出吏部先行擬定日期將應行與挑人員概行傳齊屆期開列大學士九卿職名恭請

欽派俟派出後即於本日起上諭館公同揀選揀定後交與吏部帶領引見補授與各部主事論俸升轉○又定宗人府漢主事並

起居注滿漢主事太僕寺鑾儀衛滿主事及與主事升轉相同之滿漢都察院都

事經歷大理寺寺丞太常寺滿寺丞光祿寺滿署正等官遇京察准其一等者仍由各該堂官於此內揀有堪膺外任之員再行加具考語保送吏部彙齊帶領引

見恭候  
欽定以六部主事調補引  
見時看奉

旨指定何部行走者無論該部題選缺出即行奏補未經指定部分者吏部籤掣部分遇有本部選缺即行補用同係京察調部有同日到部者比較本任俸次先後補用如該部有服滿奏留候補者仍先儘如果才具出眾遇下京察一等調部人員補用



次京察仍准列入一等保薦調部後無論已未得缺遇論俸應升時仍照例推升○光緒十年議定宗人府漢主事京察一等者仍照向例調部如一等無人准於二等人員內歷俸五年以上者由該衙門出具考語咨送吏部帶領引見恭候

欽定以六部主事調部遇有選缺出時先儘補用若部有服滿未留人員仍先儘奏留人員補用不得照一等調部統行歷俸至分部配職以選缺最少之部裁補三缺配職一缺餘一二缺毋庸配職騰餘下下次再舉非進士出身扣除吏禮部若二等人員於京察時應俸尚未期滿俟扣

至五年期滿之日准其補行調部宗人府主事設三年京察之內俸滿已有二員亦止准將俸深一員調部其餘一員俟下屆京察後再行辦理如已有京察一等人員調部二等人員在三年京察之內雖俸滿亦不准調至宗人府主事京察列入三等者均不准其調部其餘各衙門京察二等不

得擬照起居注主事○雍正十二年奏准增設漢主事一人令翰林院掌院學士於進士舉人出身之現任中書內遴選引

見補授與各部主事一同論俸升轉○光緒十年議定

起居注漢主事京察一等者仍照向例調部如一等無人准於二等人員內歷俸五年以上者由該衙門出具考語咨送吏部帶領引見恭候

欽定以六部主事調部遇有選缺出時先儘補用若二等人員於京察時應俸尚未期滿俟扣至五年期滿之日准其補行調部至京察列入三等者不准調部

內閣侍讀中書○順治八年題准將在京舉人貢監生考補中書○十三年題准撰文中書於舉人貢生內選用辦事中書於貢監生員內選用吏部考取正副卷五十名移送內院覆考○康熙六年議奏舊例監生考補中書未免太優應行停止嗣後將各科進士照年分前後一缺五人咨取考試奉

各科進士不必拘年分前後人數有願考者豫行選取堪用者遇缺即補○又題准中書員缺吏部具題咨行直省將各科進士願考者取具地方官印



文到部。吏部會同內閣考取。不分撰文辦事。遇缺即補。○十年議准。在京候選進士。取具京官印結一體考試中書。○三十三年議准。除進士願考中書者。仍行考取。例監准貢不准考取外。將舉人恩拔副歲廩貢正途出身之人。有年少善書。文理清通。情願考試者。行文各直省。取具印官文結。赴部照例考取。挨次補用。○三十四年題准。貢生停其考試。進士就中書者。俟該督撫結文到部。照會試科分選授二人。舉人就中書者。俟該督撫結文到部。照鄉試科分選授二人。各項捐就中書人員。照原捐日期先後。仍照例選授一人。○雍正二年議准。中書不分進士舉人。由內閣考取引。

見。照取中名次。遇員缺。移送過部。具題選用。試俸一年。聽內閣考覈稱職。移送過部。題准實授。○四年。增設漢侍讀二員。由內閣中書典籍內遴選擬定正陪。咨部引。

見補授。與各部員外郎一同論俸升轉。○乾隆二十二年議准。內閣中書員缺。由揀選題補。不歸月分銓選。○二十六年議准。內閣中書。不必另行

考試於會試場內中式外。尚有文理明通詩律穩妥者。不拘省分。以四十名為額。再備二十名。於會榜填畢後。將擬取中書。拆去彌封。繕寫清單。一併進呈。交該衙門。隨同新進士。按照名次帶領引。

見恭候。

欽定。交部照例選用。○三十三年議准。內閣中書於會試館選後。將朝考錄取未經簡用之新進士試卷及會試薦卷內酌取舉人硃墨各卷一併奏請。

欽派大臣校閱。擇其文字俱優者。分列名次清單。帶領引。

見恭候。

欽定記名。交部按照名次。進士舉人間用。○三十四年奏准。內閣中書。有撰文繕寫之責。文理固宜。明通字畫尤須端楷。應將各省舉人墨卷。不分曾否呈薦。俱交知貢舉彌封。省分紅號。即令主考官酌量選取。編定次序。先行奏聞。即行揭示。繕寫清單。交部轉行內閣翰林院。隨同



新進士引

見恭候

欽定。交部錄用。○又

諭。嗣後遇有會試後。應行酌取中書等卷。仍著同考各

官。在闈隨同正副考官分校錄取。以昭慎重。○三十

九年議准。嗣後內閣漢中書一項。該衙門查覈

合例後。由部帶領引

見補授。○五十五年

諭。前經禮部奏內閣中書一項。據吏部咨稱。現在候補

者。僅有七員。自本年。至下屆癸丑科。三年之內。恐不

敷用。請照例於會試落卷內。錄取三十名等語。向例

錄取中書。係於會試揭曉後。將未經中式墨卷。送入

內簾。交主考閱取。朕思移送落卷時。折閱彌封。查對

紅號。恐有漏洩情弊。而考官閱看墨卷。筆迹亦易於

認識。其時會闈已經撤棘。復行甄錄中書。尤非慎重

關防之道。向來定例。本未周密。况中式進士引見歸

班者。十年方能銓選知縣。而落第者。錄取中書。轉可

即日得官。補缺後。六年俸滿。又可內用主事。外用同

知。比縣令階級。轉大。實未平允。著將落卷內錄取中

書及學正學錄之例。即行停止。俟帶領履試合式之

新進士引見後。除已經錄用之庶吉士部屬。即用知

縣外。其餘歸班進士。再交吏部按照甲第名次。通行

帶領引見。候朕記名二三十名。以中書錄用。不記名

者。仍行歸班。如此則考官無從滋弊。而歸班進士。添

一錄用之途。實屬兩有裨益。嗣後如挑取學正學錄。

亦照此辦理。○又奏准。嗣後雙月中書缺出。用考取

二人。捐納一人。單月用考取一人。捐納一人。其

考班內。用進士一人。舉人二人。○嘉慶五年奏

准。內閣中書考班捐班。未經得缺。在闈行走人

員。自到闈之日起。扣滿一年。內閣察看勤奮。咨

部存案。雙單月遇有缺出。俱先儘應補之人。如

無應補。先將一缺咨部。按班銓補。第二缺准內

閣扣留。於額外行走人員內。將考取捐納。分為

二班。各按行走日期。輪班指擬在前者一員。咨

部帶領引

見補授。捐班無人。方准考班抵補。考班無人。方准捐

班抵補。如用應補人員。不積咨留之缺。其報滿

人員。有同日到闈者。仍按原班名次先後補用。

如原班名次在前。而行走資格在後者。無論曾

否報滿。俱仍令其在部投供。歸原班銓選。如有



告假等事。咨部備查。○十四年奏准內閣漢中書缺出。咨二銓選留一題補。其議敘人員均歸部選。○二十三年議准開復內閣中書除應補並扣留之缺不計外。應以奉旨之日積缺起。由部揀補之缺不論雙單月一併計算。五缺之後補用一人。○二十五年議准庶吉士散館奉旨以內閣中書用。係特用人員。應以奉旨之日積缺起。除應補及扣留之缺不計外。由部揀補之缺。雙單月五缺之後補用一人。○道光元年奏准內閣中書銓補班次。仍照舊例一咨一留。○又奏准奉旨以內閣中書即用者。不論雙單月遇缺先用。○五年奏准庶吉士散館及大考改用中書。並新進士以中書補用。已經期滿甄別之員。補缺後毋庸再令試俸。其餘考取中書試俸一年。捐納中書試俸三年。○十一年奏准內閣中書應留之缺向於月底截缺期內扣留。如逾截缺之期即由部揀補。不准再行扣留。○二十年奉旨。吏部奏請考試中書。據稱內閣漢中書在部候補者

止有一人。請仿照國子監學正學錄之例。於進士舉人內。考試錄用等語。著照所議。傳令應考之人。赴部報名。奏請簡派大臣考試。擬取覆試後帶領引見。候旨錄用。○二十一年議准雙單月銓補內閣中書輪用捐班無人。以考班抵補。考班之中。以一進士二舉人分擬。○光緒十年議定內閣漢侍讀二員。雙單月遇有缺出。先儘應補之人。如無應補。先用勞績一人。勞績保舉人員。按奉旨日期。先後補用。仍俟行走。如滿十年。方准擬補。後次用資深一人。由內閣於典籍中書內先儘京察一等揀選。擬定正陪。咨送吏部帶領引見。補授。與各部員外郎一體論俸升轉。內閣漢典籍雙單月缺出。先儘應補之人。如無應補。用俸深中書。具題管事。內閣漢中書。如遇行走期滿無人。及在部投供各班。僅止一二員。吏部即請旨傳令應考之進士舉人。赴部報名。奏請欽派大臣考試。擬用四書制藝一篇。經史策問一道。由閱卷大臣酌量擬取。覆試後由吏部帶領引見。請旨記名。挨次選補。遇有缺出。雙單月先儘應補之人。如無應補。雙月用考取二人。捐納一人。輪用無



論分先分間。儘先本班。各按各班。以科甲單月。二人貢班一人相間。按卯選用。單月仿此。單月。

用考取一人。捐納一人。考取二人。內用進士一人。舉人一人。輪流補用。如人。

舉人無其人。其進士考取之員。應與新進士引。

見以內閣中書補用人員。作為兩班。各按本項名次。

考取奉。見以中書用者。按記名次。先後。新進分班。

士引。輪應進士到班。用進士考取一人。再到班。

輪用。時用新進士錄用一人。如考取無人。則用。

錄用之員。如錄用。至應補人員。俱按投文日期。

無用。則用考取。與考取捐納各項人員。一體按。

先後。挨次補用。遇有缺出。由部揆名帶領引。

月赴部投供驗到。於每月三十日截缺。下月初三。

見補授。至擬補日期。傳令三日內赴部驗到。聽候。

日議官。擬補之員。傳令三日內赴部驗到。聽候。

帶領引。

見。中書科中書。雍正十二年議准。滿漢掌印中。

書舍人各一人。筆帖式二人。准留本科辦事外。

其不掌印之中書筆帖式。均令至內閣協辦中。

書事務。如恭遇。

單恩。內外。

詰軸繁多之時。仍回本科專司辦事。○乾隆三十。

七年。改中書舍人為中書科中書。

欽定大清會典事例卷五十八

吏部

漢員遴選。國子監監丞助教等官。翰林院。

刑部司獄。盛京刑部司獄。刑部提牢。

官各部設立督催所。吏部兵部設立稽。

太醫院官。五城司坊官。順天府治中。

順天府四路捕盜同知。

國子監監丞助教等官。○康熙二十六年覆准。

吏部將候缺各官職名。開送國子監考取文學。

優通之人。咨送題補四員之後。照例將正途出。

身之現任官推升一缺。○雍正元年覆准。國子。

監監丞助教博士等官。將進士舉人出身之教。

授升補學正學錄等官。將舉人恩拔副榜出身。

之學正。教諭升補。其典籍典簿。仍照舊例考試。

補授。其不係正途出身候補候選之監丞助教。

博士均令改補國子監典簿鴻臚寺主簿學正。

學錄均令改補詹事府錄事國子監典籍。其服。

滿假滿候補之員。改授者升轉時。仍照原銜升。

轉。○八年議准。助教學正學錄等官。令九卿於。

進士舉人內保舉咨部引。

見補授。○十二年議准。監丞典簿於守部進士舉人。



內進選引

見補授。○乾隆十三年奏准助教學正學錄遇有員缺皆係行令九卿於進士舉人內保舉咨送過

部引

見補授。每一缺九卿保舉者不下十數人以一缺而以十數人引

見似屬過多將此次保送之舉人十四人一併帶領

引

見除補授一缺外其餘各員視其人材如有尚可備用者交部記名俟遇有員缺照依名次帶領引

見補授。○十七年奏准助教員缺於學正學錄中秉

公揀選咨部查覈如無應補應用助教人員及

不合例事故均准其保題引

見升用所遺員缺將保舉人員補用。○十九年奏准

國子監學正學錄等官舊例九卿保舉科目出

身人員引

見記名補用嗣後照考試中書之例由部請

旨將進士舉人一例考試

特簡大臣校閱其取錄人員由部帶領引

見記名簡補。○二十年奏准國子監規制以經義治

事分教士子學正學錄等官有教士之責其考試題即應用四書制藝一篇經史策問一道恭請

欽命考試日閱卷大臣於黎明請題給發按其文理優通酌量擬取嚴行覆試擬定名次交部帶領

引

見記名俟有員缺按其名次引

見補授。○二十六年奏准嗣後遇有學正學錄等官

缺出於記名人員內挨名次先後每缺傳集三人帶領引

見補授。○又奏准國子監學正學錄等官與取用中

書事同一例將會試薦卷內擬取數十名隨同

新進士引

見恭候

欽取中書外酌用學正學錄數員交部補用。○三十

四年奏准國子監監丞典簿缺出先儘應補之

人如無人即以守部之進士舉人不論雙單月

一併歸入月分掣補先掣京缺再掣外缺若月

選知縣科甲不能到班即以名次在前者選用

與捐納之員輪流開用仍隨月官考試驗看如



其人年力衰邁。即於擬備知縣進士舉人內挑  
補一體帶領引

見恭候

簡用指捐人員以名次在前者帶領一人引

見○又奏准學正學錄於會試墨卷內不分曾否呈

薦仍令主考同考各官校閱錄取十數名。隨同

新進士引

見記名交與吏部。每遇一缺。按名次先後傳集三人

帶領引

見補授○又議准國子監博士助教職司訓課。聽該

監隨時秉公驗看。如文理生疏不堪訓課。而年

力精壯尚能辦事者。咨明吏部。以對品鑒儀衛

經歷中書科中書詹事府主簿光祿寺典簿京

府經歷等項改補。其學正學錄內。如果有文理

優長。訓課有方者。遇論俸推升得缺時。准其奏

明請

旨仍留本任。俟該監有助教缺出。照例題補。○四十

二年奏准分部學習期滿進士。因才具平常。不

能留心部務。奏明以國子監監丞助教改補之

員。照奉

旨改補日期註冊。令其投供。遇有二項缺出。俱先儘

應補之人。如應補無人。監丞缺出。不論雙單月

扣足五十五日限期。先准銓補助教缺出。由吏

部帶領引

見補授○五十五年

論著將落卷內錄取中書及學正學錄之例。即行停止

俟帶領覆試合式之新進士引見後。歸班進士再交

吏部按照甲第名次通行帶領引。見候朕記名二三

十名。以中書錄用。嗣後如挑取學正學錄。亦照此辦

理。○又定學正學錄。照中書之例。辦理於歸班進士

內。按甲第名次通行帶領引

見請

旨記名補用。嗣後新進士引

見時。於庶吉士部屬知縣外。奉

旨以學正學錄用者。遇有缺出。亦照中書之例。按名

次先後謹擬一人。帶領引

見補授○又奏准助教缺出。由國子監於學正學錄

內。升用一次。再將分部學習期滿進士改補之

員。補用一次。由吏部帶領引

見補授○嘉慶十年奏准國子監學正學錄缺出。現



在乏員充補仍照向例傳令進士舉人考試引見記名按其名次挨補○十六年

諭多山等奏博士懸缺有關訓課據實奏聞一摺據稱

國子監漢博士自嘉慶十四年歷選外府教授均以告病告休咨部開缺續選之員亦久未到任員缺久懸於課士之道殊多未便等語國子監漢博士一缺向例由外省府教授多係論俸升轉資深年久之員往往不能赴京供職應如何更定選法俾人缺相宜不致曠官著吏部妥議具奏欽此遵

旨議定國子監博士缺出雙單月選法內增入京升一

項雙月缺出用科甲捐納一人外升府教授一人京升一人京升由國子監學正學錄內論俸升用○十七年奏准國子監學正學錄遇有缺出除應補人員仍照向例先儘補用外其考取一項並新進士錄用即作兩班各按本項名次分缺開用○光緒十年議定助教缺出由國子監於學正學錄內揀選擬定正陪咨部查覈由監引見升用學正學錄升用二次後輪用捐納一人定為一咨一留咨缺送部揀補留缺准國子監扣留

將期滿奏留行走在先之員補用一人仍照例試俸三年學正學錄銓補比照內閣中書之例

雙單月統計一咨一留歸部揀補之缺雙月將考班輪用二人後用捐納一人單月將考班輪用一人後用捐納一人輪用捐納時無論分先班以科甲二人貢分開儘先本班各按各捐納分為兩班輪流咨補考取人員准其呈請分發先行到監行走其學習期滿日期無論考取捐納與報捐分發之助教一律扣滿三年方准奏留補用雙單月遇有缺出先將一缺送部

揀補一缺准國子監扣留將考取捐納分為兩班各按行走日期分班指擬在前者一員送部引見補授考班無人以捐班抵補捐班無人以考班抵補進士出身人員亦准其報捐至應補之國子監助教及學正學錄人文到部雙單月遇有缺出先儘應補人員引見補授不積各班之缺其報捐分發及呈請分發各員由國子監分派六堂學習行走三年期滿奏留國子監博士雙月用科甲捐納一人外班由



科甲出身之教授。升用一人。京升由學正學錄內。論俸升用一人。單月用應補一人。京升由學正學錄內。論俸升用一人。國子監典籍。仍查品級。將應升之翰林院孔目。州學正。縣教諭。直隸州州判。升補。助教一項。如國子監無合例應題及候補人員。是月應選投供亦無合例之人。准該監將監丞借補。咨部查覈。由監帶領引

見請

旨補授。即積留補之缺。其監丞仍照原銜食俸升轉。學正學錄。如投供無人。吏部即行奏明請

旨。傳令應考之進士舉人赴部報名。並請

欽派大臣考試。仍擬用四書制藝一篇。經史策問一

道。恭請

欽命試題。發交派出之閱卷大臣考試。考試事宜詳見各項考試

處所條內按其文理酌取。擬定名次。將試卷進呈。交

吏部按名次帶領引

見其奉

旨記名者。俟有缺出。按名次先後指擬一人引

見請

旨補授。監丞典簿照乾隆十四年舊例辦理

翰林院待詔孔目。康熙二十四年議准。待詔員缺。將候補國子監學正等項官員孔目員缺。將候選官員內應升孔目者。考試能文善書之人。擬補。○二十六年題准。待詔員缺。候補學正等官人少。將候選者一同考試。孔目員缺。候選人少。將考試待詔者一同考試。補授仍照原品升轉。○六十一年題准。待詔員缺。令翰林院咨送考取

武英殿修書文理優通。字畫端楷之舉人。揀選知縣。借品補授。仍准其會試。升轉時仍照知縣品

級論俸升轉。○乾隆七年定。待詔員缺。如修書

舉人無人。行文到部。咨取現在守部舉人。候選

知縣。情願改就者。考用孔目員缺。於各館修書

恩拔副貢。考取如不得人。行文國子監。咨取現

在肄業之恩拔副貢。考用均由翰林院考試。善

書之人。奏

聞咨部題補。○三十年定。待詔孔目二項。雙月用考

取二缺之後。用捐納一人。單月用考取一缺之

後。用捐納一人。○三十四年奏准。翰林院待詔

員缺。不論雙單月。歸入月分銓選。先儘應補之



人如無人於應補知縣舉人內掣補先掣京缺再掣外缺若月選知縣舉人不能到班即以名次在前者選用仍隨月官考試驗看或人已衰邁不堪勝任即於擬備知縣之舉人內挑補一併帶領引

見恭候

簡用○又定翰林院孔目員缺由翰林院考試之處停止吏部移咨各館於修書恩拔副貢生考取如不得人行文國子監咨取現在肄業之恩拔副貢生考用由部奏請

欽派大臣並請

欽命論題一道將試卷進呈擬定正陪帶領引

見補授○道光四年議定翰林院孔目員缺不論雙單月先儘應補之人如無人雙月用考取二人捐納一人單月用考取一人捐納一人如捐納無人俱考取補用○光緒十年議定孔目員缺如在部無投供候選人員各館修書及國子監肄業並各省在京之恩拔副貢生均無報考之人即將在部投供候選之翰林院待詔比照大銜借補小缺之例借選孔目其待詔仍照原銜

食俸升轉

待詔仍照乾隆三十四年舊例辦理

禮部鑄印局大使○康熙十年題准以禮部儒士選用○乾隆二年議准由禮部於現在儒士內遴選移咨吏部題補五年任滿果無過誤該堂官出具考語咨送過部以未入流應升之官歸於雙月即行升用僅五年任內有參罰事故仍不准升俟咨送過部後照依該大使對品之官歸於單月與應補人員統較文到日期先後改補

刑部司獄○雍正八年議准刑部司獄補授後三年無過該堂官出具考語咨送過部以從九品應升之官即行升用○乾隆六年議准嗣後刑部司獄無論雙單月遇有員缺照五城兵馬司指揮吏目之例由部於從九品候補候選人員內一例遴選引

見補授仍照舊例升用○七年議准司獄三年報滿有參罰事故者不得升用俟咨送到部後照例以司獄對品之缺歸於單月與應補人員較文到日期先後改補○十年奏准刑部漢司獄四缺二缺作為保題之缺由刑部於漢軍筆帖式



內揀選幹練之員帶領引

見補授照滿洲司獄之例不必出缺三年無過移咨

吏部按伊等本身品級應升員缺即行升用其

餘二缺無論雙單月遇有缺出應補與指捐人

員分班輪用帶領引

見請

旨補放如應補無人專用捐納人員按照掣定名次

先後挨名指擬一人引

見補授○嘉慶五年奏准嗣後刑部漢司獄三年俸

滿咨部即升之員照邊疆俸滿撤回內地對品

補用之例准其先以對品之各省從九品等項

歸於單月補班之前先用不積補班之缺將即

升之案帶於新任仍照原班升用○道光八年

議准刑部漢軍司獄三年期滿無過移咨吏部

照滿洲司獄之例七品筆帖式以知縣用俟即

升五人輪用三班之後升用一人八品筆帖式

以通判用九品筆帖式以州同州判縣丞用俟

即升五人輪用一班之後升用一人均不積升

班之缺如有報捐品級者按充補司獄時品級

升用不准照改捐自奉

品級升用

旨之日積缺起較期滿日期先後升用一人再到班

時再升用一人如該員等即升原班輪到仍照

舊升用○同治十一年奏定刑部司獄擬補日

期照滿洲月選之例於每月三十日截缺下月

初三日議官傳令擬補之員三日內赴部驗到

聽候帶領引

見擬補之員未經引

見以前適遇有丁憂治喪等項事故者服滿仍歸原

班銓補如在引

見以後歸入應補班銓補其告病終養人員概令坐

補原擬補之缺○光緒十二年奏准刑部漢軍

漢司獄三年期滿如果勤奮當差經提牢保舉

該堂官知照到部准其各以應升官階隨時呈

請分發補用漢軍司獄由七品筆帖式充補者

以知縣用八品筆帖式以通判用九品筆帖式

以州同州判縣丞籤掣一項升用漢司獄以縣

丞府知事同知通判知事縣主簿升用均應掣

定一項准其隨時呈請分發各省歸候補班補

用到省後無論應題應調應選之缺與各項候

補人員一體酌量補用如有願捐指省之員亦

補人員一體酌量補用



聽其便如當差平常未經提牢保薦者仍照舊例辦理

盛京刑部司獄○乾隆三十五年議准

盛京刑部司獄六年俸滿任內並無參罰事故由該堂官咨報吏部入於即升班內以外省司獄應升之官照例在任候升

刑部提牢官○乾隆二十四年奏准刑部漢提牢官一員由本部堂官於額外及試俸並捐納分部主事內一體揀選派委管理一年期滿果能稽察防範勤敏無過俟期滿後該堂官出具

考語咨部額外及捐納分部者遇缺具題補授試俸者准作實俸捐納分部之員未經期滿如本班遇有應選之缺仍准按班銓選○嘉慶九年奏准嗣後刑部主事缺出除丁憂服滿人員仍照向例不論雙單月先儘坐補外其病痊假滿開復三項專歸單月坐補之員遇單月缺出與年滿提牢同時到班先將年滿提牢題補一人次將專坐之員輪選一人如專坐無人仍歸提牢坐補○同治九年議准捐納人員提牢期滿議敘補缺無論所補題缺選缺俱應俟試俸

期滿再行升轉○光緒十年議定提牢期滿到班時遇有

特用並降補原部之員應以提牢年滿議敘奉旨之日與特用人員奉

旨及到部之日並降補原部之員奉

旨及到部之日比較先後序補不積各項缺分

各部設立督催所○乾隆三年議准各部設立督催所酌委司官專司稽察將已未完結之處

三月具奏一次○四年奏准各部院事件送科道註銷令承辦各司將已未完結事件造冊該

司官就近調取號簿勘對明確列銜畫押鈐印令該經承持送科道註銷○八年奏准在京各

部院衙門所辦題咨事件例應每三月一次具數奏

聞如恭遇

巡幸恐各衙門辦理事件不能依限完結即月一奏聞以杜遲延俟

回鑾之日仍循舊例辦理○同治三年

諭御史賈鐸奏請剔除積弊敬陳管見一摺各部書吏於應題應行事件任意逾限而藉口某司查覆未回



某部片覆未到弄權散法百弊叢生等語各部院應題應行事件原有定限豈容縱令書吏任意把持各該堂官亦宜常川入署稽察各司積壓立予嚴叅以後如何聲明舊例設立號簿嚴定期限並遲延處分之處著各部院堂官會同妥議章程奏明辦理欽此

旨議定奉

旨交議單題事件科鈔到部應查各司事故限五日內付查各司於五日內付覆應查各部事件限十日內片查各部應遵照十日

吏禮兵工四部十五日

戶刑之限片覆俟覆回後限十日內辦稿各司員於十日內呈堂定議俟畫齊後遵照例限交本並移知督催所登記號簿其繕本並送閣日期仍照定限辦理奉

旨後限十日內行文至各省咨補佐貳雜職等缺文移到部應遵照定例限三十日行文完結並移知督催所查覈應題之件按文到日期先後按月挨次彙題以免顛倒挪移之弊其各衙門查覈及奏留等項有關補缺題奏之件除遵照定限行查事故辦稿呈堂定議外遇有例所未備

應由堂司各官酌覈並應詳細駁查往返需時者亦不得遲至一月以外始行定稿俟呈堂定議後限十日內片覆如逾例限將承辦司員議處如有實難依限者移知督催所展限

吏部兵部設立稽俸廳○雍正七年定吏部設稽俸廳鑄給印信歸併稽勳司司官管理○十二年議准兵部設立稽俸廳鑄給印信該堂官於事簡司分內酌委司官兼理凡文武各員俸祿冊籍各由吏兵二部稽俸廳註明咨送戶部支給

太常寺官○順治十五年題准漢寺丞員缺由協律郎贊禮郎內遴選擬補協律郎贊禮郎員缺由司樂論俸升補司樂員缺由樂舞生遴選頂補奉祀員缺由祀丞論俸升補署正員缺由署丞論俸升補祀丞署丞員缺由樂舞生遴選頂補以上官員均於本衙門升轉升至寺丞止准加品級食俸不得升補別衙門遇員缺先儘丁憂服滿病痊假滿之人如無人即於應升應補人員內不論雙單月補授○康熙十三年題准太常寺人員由禮部及該寺移送吏部照咨



補授停止具題。○雍正十二年奏准太常寺增設犧牲所漢所牧一員由部於候補候選七品以下小京官內遴選引

見補授照原銜食俸辦事三年之後詞定五年果能潔己

盡心加意飼養該寺堂官出具考語咨部具題

議敘准其以應得之官即用。○乾隆二十六年

裁漢所牧員缺

鴻臚寺官。○順治元年議准序班員缺由直隸

河南山東山西四省學習生員內選擇儀度聲

音擬補鳴贊員缺由序班內考選聲音洪亮者

擬補主簿員缺由鳴贊論俸升轉其丁憂起復

病痊假滿之員仍由寺考取聲音按原職即行

補用。○康熙四十四年議准均由鴻臚寺遴選

知照吏部照咨具題補授。○乾隆九年議准鴻

臚寺序班四省學習生員每省各用三人准其

以十二名著為定額不得額外多收遇有某省

學習生員缺出即行文該省學政咨取充補。○

十七年奏准山東山西河南三省離京稍遠在

寺學習者行走維艱且聲韻各別土語難變學

習唱贊時雖極力教演究難合式惟直隸一省

近居京城該生等行走不致拮据其聲音唱贊

亦易合式應將山東山西河南三省額設生員

六名裁去四名止留二名合直隸原設六名共

八名一併歸於順天學政咨取。○二十九年奏

准學習序班缺出鴻臚寺會同禮部堂官揀選

充補。○又定序班缺出由學習序班內揀選擬

定正陪補授

欽天監官。○順治十五年題准凡欽天監官升

至監正止加京官職銜仍掌監事。○康熙五十

八年議准監副以員外郎升用五官正以主事

升用照滿官升轉之例由部按其得有品級食

俸之日算俸入於論俸推升之序八月十二月

積各項升每年升用一人或八月或十二月此升

用時先升監副一次後升五官正二次輪次升

補監副員缺由五官正靈臺郎主簿挈壺正升

補五官正員缺由主簿五官司書博士升補靈

臺郎員缺由五官監候博士升補主簿員缺由

挈壺正司書監候博士升補挈壺正員缺由博

士升補司書員缺由博士升補監候博士員缺

由天文生考授至天文生員欽天監於世業肆



業二班人員內自行考補。凡欽天監官生丁憂均不開缺離任。扣限三月期滿仍行供職。○雍正十二年

諭欽天監升用人員擬正者照常論俸擬陪者於各員內揀選一併引見。○乾隆十年議准五官正員缺先將算學期滿之助教教習按期滿日期升補一員毋庸擬正陪。次將該監應升之員論俸擬正揀選擬陪一併咨部帶領引見補授。○十八年

諭欽天監著裁去滿漢監副各一人添設西洋左右監副各一人嗣後漢監正缺出著將漢監副一併開列請旨。○又定漢監正缺出由禮部咨送吏部開列具題請

旨補授。○六十年奏准欽天監監副五官正均應由部推升如遇京察一等引

見奉旨記名者准其與俸深人員相間輪用其未經記名者仍照例升轉俱積該監升班之缺其由該監論俸擬正揀選擬陪各員內如有京察一等者與俸深人員相間輪用先期向吏部查覈自行

帶領引

見補授。○道光六年議定欽天監充當監正暨左右監副員缺現在並無西洋在京當差之人嗣後仍復舊制滿漢監正缺出專以左右監副引

見升補毋庸分別正陪如遇左監副無人或右監副無人再將應升監副人員揀選擬陪引

見補授左監副缺出由右監副轉右監副缺出將應升人員論俸擬正揀選擬陪一切升轉仍照舊

例辦理。○又奏准欽天監保題升用人員如遇一等人員到班照俸深之例將一等人員擬正

揀選擬陪。○八年奏准滿漢食俸天文生自此

次考試為始遇本科應升到班請先儘考列二等者較俸與本科保題人員相間輪用俟二等

用完再將考列三等人員較俸升用並將考試等第俸次造冊送部備查。○同治十一年奏定

欽天監五官正員缺算學期滿之議敘助教與應升之主簿司書博士相間輪用輪用算學議

敘時將助教擬補一員毋庸擬定正陪輪用應

升時先用京察一等次用保題再用俸深京察俸深到班以本項擬正揀選擬陪保題到班即



行擬補恆星表卷告成議敘應升人員於俸深用過一次後插用一人不積各班之缺五官正以下博士以上各官均照此輪用○又議定嗣後保舉應升之缺儘先升用人員歸於各本班之前升用不積本班之缺再遇缺出仍用本班之人以昭平允而歸畫一○又議定欽天監監副等員如該衙門因算法熟練數理明白奏請停選員外郎等項准其奏留毋庸升選○光緒十年議定欽天監漢監正缺出由欽天監將漢左右監副一併咨送吏部帶領引

見補授毋庸分別正陪如左監副無人或右監副無人再將應升監副人員內揀

擬正揀選擬陪咨送吏部帶領引

見補授五官正員缺先將算學期滿議敘之助教按期滿日期升補一員次將應升之主簿司書博士升補一員相間輪用五官正以下缺出均先

期向吏部查覈自行帶領引

見補授

太醫院官○順治十五年題准凡太醫院官升

至院使止加京官職銜仍掌院事○又題准太醫院院判員缺由御醫升補御醫員缺由八品吏目升補八品吏目員缺由九品吏目升補九品吏目員缺由醫士升補遇有員缺不論雙單月由太醫院於應升人員內按其醫學優長行走勤慎者遴選正陪奏

旨補授丁憂起復假滿候補之人仍按照原銜先儘坐補○乾隆七年議定凡太醫院所屬官員如有奉

旨即用者遇缺即行補用其議敘即用及分班選用者仍各按議敘原題分別補用○同治十一年奏定考試現任吏目醫士恩糧等員由太醫院會同禮部六年考試一次取一等者差務無過按名次儘先擬補一等用完將二等分別序補三等者照舊供職停其升轉不列等者革除准在院肄業以觀後效御醫八九品吏目缺出應升人員按考取等第名次酌其差務勤惰擬定正陪咨部查覈由太醫院奏請補授醫士恩糧缺按考取等第名次酌其差務勤惰挨次擬補



效力醫生先儘正取擬補再以次取序補其不取者革退下次考試仍准報考○光緒十年議定太醫院官丁憂服滿在院起復者試用三月告假回籍復行銷假者試俸六月方准補缺未經會考由本院季考覈其優劣再行擬補各項缺出先儘丁憂服滿一人次用開復一人再用升轉一人擬補後咨部查覈由太醫院奏請補授醫士恩糧各生丁憂例不開缺給假百日停餉百日照舊當差考試補缺醫士如升俸缺應俟二十七箇月後擬升

五城司坊官○雍正十一年議准五城司坊官如有閒俸已滿三年果能辦事勤慎才猷練達任內雖有因公參罰事故准令該城御史註明事實呈送都察院堂官查覈薦舉並將因公參罰之處於疏內聲明由部帶領引

見請

旨升用以示鼓勵○乾隆三年議准五城司坊官由部於候補候選人員內遴選引

見補換如候補候選人員不敷遴選正指揮於候補候選之正六品通判內揀用副指揮於候補候

選從六品州同內揀用吏目於候補候選正從九品人員內揀用補授後均照原銜升轉○六年奏准五城地方緊要今所出員缺現在對品人員人數甚少不敷揀選在伊等各候補本項班次易於得缺又因五城事務繁劇難於勝任每遇揀選多至觀望不前查知縣本係應升指揮之人且曾任民牧熟諳外任嗣後五城正指揮缺出於對品人員並候補知縣內一併揀選引

見補換○十八年奏准五城副指揮員缺現在並無候補候選人員其從六品候補候選州同亦止三四人不敷選用應照正指揮之例於應升副指揮之候補州判等官一併揀選引

見補換○又奏准嗣後五城司坊官到任後已滿三年果能辦事勤謹才猷練達仍令該城御史出具切實考語呈送都察院堂官覈實咨部引

見奉

旨之後所有降革留任之案原係因公事故准其一例升用仍將降革留任之案帶於新任扣滿年限另請開復○十九年奏准五城司坊各官有



情願循例急公報捐者必到任一年之後始准捐升離任其未滿一年者概不准其報捐○又定五城正副指揮吏目均係揀選之缺應補人員與捐納之人分班輪用應補無人專用捐納如應補捐納俱無人吏部於候補候選人員內照例揀選○五十五年奏准副指揮缺出於候補候選州同及舉人出身之候補候選知縣內揀選一次其由州同揀補者照現缺升轉由知縣揀補者照原銜升轉其正指揮缺出專用候補候選通判及進士出身之知縣升轉仍照向例○五十八年奏准嗣後副指揮缺出除州同仍照舊例揀選一次外再將候補候選知縣內之舉人出身者揀選一次教習期滿各項議敘之舉人出身候選知縣者揀選一次○嘉慶十二年奏准五城司坊官員例歸京察遇有告病病痊人員照各部院等官扣滿一年之限方准補缺○十四年覆准現任五城司坊官員職司地方其命盜案罰案件孔多一經告病止須扣滿一年即可得補別城易滋規避嗣後現任五城司坊官員告病開缺者俟病痊後亦照外官

之例以原城員缺坐補以杜規避毋庸扣滿一年之限○十八年

諭揀發五城委用司坊官遇有乏員之時准由都察院咨明吏部照例揀選發交該城委用○又奏准

圓明園附近之挂甲屯地方北城分駐揀發司坊官一員南海淀地方西城分駐揀發司坊官一員專司稽查一年期滿如果認真稽查留心緝捕由該城御史出具考語呈送都察院咨部註冊列於本班之前揀補○二十二年

諭御史王庭華奏分發佐雜人員請嚴加甄別一摺各

省分發微員人冗途雜賢否不一自應立法甄汰以示區別著各督撫將分發佐雜人員於到省後即留心查察如有身家不清流品不正者隨時奏明斥革不必待至一年其才堪造就者試用一年准其咨留本省照例補用才庸品劣者一年限滿分別降調咨回原籍務各秉公考覈毋稍瞻徇五城揀發各員亦著一體甄別以肅官方○又奏准嗣後正指揮缺出輪用應補時如無人將進士出身應補知縣擬補副指揮缺出如應補無人將舉人出身應補知縣擬補至五城委用司坊官之員由都察院



咨部揀發時吏部將應補與捐納相間揀發如  
 應補無人將進士出身之應補知縣揀發一次  
 指捐人員揀發一次副指揮將舉人出身之應  
 補知縣揀發一次指捐人員揀發一次吏目將  
 應補人員揀發一次指捐人員揀發一次如無  
應補  
 捐納○又議准揀發五城司坊官員如有奉  
 旨先用及經都察院咨明先用者毋庸分別捐例新  
 舊統按奉  
 旨及咨到日期先後遇捐納到班之前先用一人次  
 用捐納正班一人如由應補班次揀發者列於  
 應補班之前先用一人次用應補正班一人○  
 道光七年議定揀發委用正副指揮輪用應補  
 時正指揮如進士應補知縣無人以應補通判  
 揀發副指揮如舉人應補知縣無人以應補州  
 同揀發仍准其赴部投供按班銓選○十年  
 諭御史范承祖奏揀發五城司坊等官請嗣後欽派大  
 臣公同揀選一摺五城兵馬司正副指揮吏目等官  
 遇有揀發時向由吏部堂官揀選茲據該御史奏文  
 武等官揀選均請欽派大臣惟司坊等官吏部自行  
 揀選辦理兩歧且恐事權歸一易啟奔競之風嗣後

揀選五城兵馬司正副指揮吏目等官著吏部奏請  
 欽派大臣公同揀選以昭慎重而歸畫一○十一年  
 諭嗣後司坊各官無論實缺及揀發人員俱著吏部開  
 明三代咨送都察院以備查覈○同治十一年奏定  
 西北兩城正副指揮吏目作為繁缺遇有缺出  
 由都察院堂官督同巡視御史先儘現任人員  
 內調補如一時實乏堪調之員准於揀發差委  
 各員內揀補揀定後先期咨部查明現任之員  
 有無展參處分候補之員有無各項事故覈覆  
 後由都察院堂官出具考語帶領引  
 見補授東南兩城及中城正副指揮吏目作為簡缺  
 調補所遺並遇有缺出定於每月三十日截缺  
 之前咨部照例擬補○光緒二年奏定嗣後西  
 北兩城繁缺出時如以揀發人員擬補應扣本  
 月投供如擬補之員於出缺月分未經投供即  
 行議駁○五年議准司坊各官改用正途西北  
 兩城正副指揮吏目缺出仍先儘現任人員調  
 補如無人以揀發差委人員請補時先儘正途  
 出身人員如無人始准於各項出身人員內揀  
 補五城司坊官員應補與捐納分班輪用應補



無人將應補之通判等官抵補。如各班均無人。則於對品之候選通判正途出身。並應升之候選知縣內進士出身者揀選。副指揮將候選州同正途出身者揀選一次。候選知縣舉人出身者揀選一次。教習期滿各項議敘由舉人出身之候選知縣揀選一次。如正途出身州同無人。即以其次之項揀補。均如再不敷於應升之候選州判等官正途出身人員揀補。吏目缺出。先儘應補正從九品之廩增附生出身人員揀選。無人則於正從九品內揀選。再無人專用捐納。若仍無人。即於候選正從九品內揀選。至揀發委用。如輪用應補及借揀應補均無人。亦照此辦理。

順天府治中。○乾隆二十五年議定。順天府治中一缺。如一時無本項合例應選之員。即於在部候補候選品級相當之同知直隸州知州人員內奏請。

欽派大臣公同揀選引。

見恭候。

簡用。○嘉慶九年奏准。順天府治中。本係選缺。若無

合例應選之員。仍照向例。於守部人員內揀選引。

見請。

旨簡用。不積本班之缺。○十八年議准。順天府治中。承審四路州縣上控案件。職任繁要。遇有缺出。由府尹於順天府屬及直隸各屬通判知州。並京縣知縣內揀選擇其熟悉四路情形。長於聽斷者。具題引。

見補授。○同治九年奏准。治中缺出。順屬及直屬通判知州京縣知縣內。如無合例應升之員。准於對品之四路同知內調補。○光緒八年議准。治中京察一等。以應升之缺。升用單月運同缺出。如京升正班無人。止有京升先一人。仍作為京升正班到班。並直隸遇有知府缺出。如順屬直屬同知直隸州無卓異人員。准直隸總督會同順天府府尹。將奉旨以升缺升用之治中。與順屬直屬之勞績應升及循例應升人員。一體酌量升用。

順天府四路捕盜同知。○康熙二十六年議准。直隸設捕盜同知四員。令該撫揀選保題。○雍



正二年題准順天府四路同知員缺令該督於本省現任官員內遴選駕馭捕役緝盜有方之人具題引

見補授如所屬內遴選無人應令題明吏部照理事同知之例將各部院衙門筆帖式中書小京官內遴選保舉引

見補授○嘉慶十八年奏准四路捕盜同知缺出由府尹先儘順天府屬人員內揀選能駕馭捕役緝盜有方之員具題引

見補授如揀補乏人由府尹咨明直隸總督於所屬

各員內揀選保題如再不得其人即於現任理事同知通判內擇其才具優異者奏請調補保題升調各員如有公務廢弛貽誤地方者將府

尹等照保舉不實例分別議處原例各部院衙門筆帖式等官

引之例奏明刪除○道光七年

諭嗣後四路同知歷俸三年如果緝盜安民著有成效

者准該府尹等會同直隸總督出具切實考語送部引見俟奉有諭旨准以應升之缺升用仍令回任候升由吏部將該員歸入卓異班內與卓異人員統較奉旨日期先後按班升用仍著該府尹等認真查察

必須實有循績方准保送毋許稍濫欽此遵

旨議定四路同知三年俸滿必須實有循績方准由府

尹會同直隸總督出考保送由部帶領引

見如奉

旨准以應升之缺升用者仍令回任候升將該員歸於卓異班內與卓異人員統較奉

旨日期先後升用其奉

旨著回任者毋庸給予應升令其回任供職○光緒

十年議定四路捕盜同知缺出先以大興宛平

二縣知縣內揀選題升不計有無卓異僅該二縣無合

例之人仍先儘順屬人員揀選能駕馭捕役緝

盜有方之員請升毋庸先儘卓異人員如大宛二縣與順

屬人員人地均不相宜再於直隸閩屬各員內

先儘卓異人員升補如卓異無合例之人始准

以勞績人員升補不精輪升班次用過大宛二縣一次

之後再以順天所屬並直隸所屬各員內揀選

升補二次其直隸閩屬同知各缺揀選升補亦照此辦理



欽定大清會典事例卷五十九

吏部

漢官遴選順天府縣丞府學教授訓導

縣丞官升任京職捐納議敘試俸各官期滿保送記名人員揀選時患病扣限

設各省道員知府同知通判州縣各缺外官題缺定限官員題升官員題調

順天州縣縣丞府學教授訓導○雍正二年奏准大宛二縣

特簡賢員補授○十一年議准大宛二縣閒俸已滿

三年如果才守兼優著有實績任內雖有因公

參罰事故令該府尹總督開列事實加具考語

別行保薦將來罰之處聲明俟部議覆准後送

部引

見量加升轉○十二年議准順天府學教授訓導員

缺令直隸總督會同學政於通省現任教職內

遴選人品端方學問優長者具題調補六年俸

滿一體保題○乾隆四年奏准大宛二縣週年

以來有由部揀選者亦有由該督題補者未為

畫一嗣後令該督會同府尹於屬官內遴選具

題引

見補授○二十五年議准嗣後大宛兩縣知縣縣丞

典史到任已滿三年如果辦事勤慎才猷練達者該督會同府尹出具切實考語咨部帶領引

見請

旨照例升用如有因公降革留任之案帶於新任扣

滿年限另請開復至升署未經實授人員俟實

授後歷俸三年送部引

見儻任內有違礙事故於例不准題請實授而該員

實係出色之員令專摺奏明將不合例事故聲

明保奏候

旨遵行如交部議由部查明聲敘可否准其實授之

處具題請

旨其有不堪保薦者不必拘定年限即以外縣簡缺

調補或分別題奏○又定縣丞典史缺出揀選

咨部調補如無合例可調之員奏請於品級相

當候補人員內揀選引

見補授如直隸州州判揀補縣丞照州判

升用京縣縣丞之例照現缺升補○三十四

年奏准嗣後升署大宛兩縣官員奏請實授任

內有降革留任及降俸降職未屆展限滿應

行降調之前令該督等專摺聲敘請旨遵行如交部議覆查係降革留任完結及展參無



關降調處分仍照原議具題請

旨外其展參有關降調者由部即繕摺奏明應否准  
其實授之處恭候

欽定至實授後奏請升用亦照此例辦理○嘉慶十  
八年議准大宛二縣缺出由府尹於順天所屬  
各員內揀選題升如順天所屬官員一時無可  
保題者再由府尹咨行直隸總督於通省人員  
內揀選保題其餘二十二州縣題調各缺亦由  
府尹於所屬各員內揀選題調其佐雜各缺凡  
係順天所屬者亦歸府尹揀選升調以專責成

○道光二年奏准移宛平縣縣丞駐紮門頭村  
稽查一切煤窯事務歷俸三年期滿如果實係  
賢能由府尹會同直隸總督出具考語咨部帶  
領引

見以知縣題升如有不能稱職者不必待至三年隨  
時分別叅劾改簡以昭懲勸○十八年議准嗣  
後遇有直隸同知缺出先以大宛二縣升補一  
次再以順天所屬並直隸合屬人員升補二次  
直隸州知州缺出亦先以大宛二縣升補一次  
再以順屬並直屬人員升補二次輪屆京縣升

補時如無合例之人即由順屬並直屬人員升  
補不積輪再有缺出仍於大宛二縣內揀選○  
光緒十年議定大宛二縣遇有缺出由府尹於  
順天所屬內遴選保題其餘州縣題調缺出亦  
由府尹於所屬各員內揀選題調如順屬無可  
保題者再由府尹咨行直隸總督於通省人員  
內保題升調會同府尹列銜佐貳要缺係順天  
所屬者亦歸府尹揀選順天四路廳並直隸各  
同知缺出先以大宛二縣知縣升補一次再以  
順屬直屬人員升補二次

奉宸苑牘官○雍正四年奏准奉宸苑牘官員  
缺由部於候補候選未入流內遴選補授附入  
月選雜職內具題俟奉

旨後給憑准作京俸與未入流等官較俸升轉○光  
緒十年議定奉宸苑牘官俟到任後扣滿六年  
以應升之缺註冊歸於俸滿即升班內與各省  
未入流按奉

旨日期先後升用不得提例如遇俸深到班仍准論  
俸推升

查辦卓異即升州縣等官升任京職○乾隆三



十六年

諭前諭各省督撫將州縣升授京職人員填註切實考語送部另班引見原欲為外省多留熟練之員期於吏治有益今日引見月官內有籤升中書之山西省卓異知縣王巨源該撫鄂寶所出考語不過尋常品評業降旨依擬用第思此例行之日久恐不免有流弊雖人材優劣不能逃朕洞鑒固無慮註考之獎許失真但人情喜外任而不樂京職大抵皆然督撫或因其久隸下僚託留熟手為名心存遷就而不肖屬員或並因此啟夤緣倖進之風亦不可不防其漸即以辦事而論州縣雖有刑名錢穀之責然案牘悉由自理難保其必無高下任情自不及部院衙門之事有準繩集眾思而成公是且外官每耽安逸亦不若司員之終日服勤誠令伊等在京供職數年留心學習再行簡擢外用未嘗不更可造就成材昨曾諭吏部將現任京員中由卓異等項內升者查明帶領引見並予甄錄記名備用自無慮其終滯曹司亦可毋庸豫為別擇所有月選內升人員督撫出具考語送部之例可不必行嗣後吏部將此項人員每三年查辦一次列名帶領引見候朕酌量錄用著為令○又

定凡由卓異即升之知州知縣同知等官升任京職並推升京職後又經升任至科道及服滿開復赴補者每三年吏部查辦一次列名帶領引見

見恭候

錄用除交軍機處記名人員聽軍機處辦理外如奉旨交部記名科道遇有請

旨道員缺出郎中員外郎遇有請

旨知府缺出分別開列名單缺單開具履歷恭請

簡用主事以下小京官各以應得之項註冊入於單

月與應補人員較奉

旨授文日期先後升用至應補赴部人員尚未得缺奉

旨記名及從前由現任小京官曾經奉

旨記名者歸於單月較各項日期先後附於現任記

名人員之末升用至記名主事以下小京官單

月未經升用者遇伊等俸深班次應升時仍准

較俸升用○五十九年定查辦卓異即升推升

京職人員與丁憂回旗人員每年十月內一併

帶領引



見恭候

錄用○道光四年議定應補赴部尚未得缺奉

旨記名此係卓異即升推升京職後未經查及從前

由現任小京官曾經奉

旨記名者此係卓異即升推升京職某經查辦歸於

單月較各項日期先後附於現任記名人員之

末升用

捐納議敘試俸各官期滿保送○乾隆三十三年

奏准凡各項捐納及議敘升補之滿洲蒙古

主事並各項小京官俱俟試俸期滿後方准以

直隸州知州撫民同知通判等官保送請

旨記名升用未經期滿者由部查明駁回不准帶領

引

見○嘉慶十三年

諭捐班各項人員在部院學習行走及分發各省試用

期滿該堂官督撫等均應秉公考覈用副澄敘官方

之意前經明降諭旨著為定例乃近日學習試用

員各部院堂官等無不奏請留用外省督撫等亦從

未甄別一人未免相率因循意存姑息見好沽名市

恩邀譽實為近年內外臣工之通病試思學習試用

字樣原以該員等初登仕版其才具堪以造就與否

尚未可知若一味優容漫無區別必致庸劣之員亦

得濫竽傲幸其何以示懲勸而別賢愚嗣後該堂官

督撫等惟應恪遵定例嚴行甄覈儻該員等學習試

用期滿時稍存遷就或於保奏之後致有貽誤曠職

情事即惟該堂官督撫是問必當加以懲處設更有

婪贓犯科者並將原保之堂官督撫等加倍治罪毋

得視為具文也○又

諭嗣後捐班及各項學習行走人員如果堪以奏留者

於報滿時著該堂官等出具切實考語帶領引見不

得僅以留心部務行走勤慎虛詞含混若才具平常

隨時甄別奏駁亦不必專候期滿庶免壅滯而收

實益○又奏定各衙門員外郎主事小京官筆帖式

等項如果歷俸已深距升不遠及議敘人員將

次到班並在本署已過三年者准該堂官酌量

奏留其俸次距升尚遠或俸次雖深由別衙門

升轉而在本署未歷三年以及議敘班次未屆

升用各員均不准濫行奏留以杜傲幸○十五

年

諭向來分部行走人員三年期滿例應由各該堂官秉



公考察。分別去留。原為覈實程材之道。經朕節次降旨。諄諄訓飭。乃近日各部院堂官。於學習人員報滿時。往往以該員等行走已歷三年。一經澄汰。未免缺望。遂爾概行保留。藉以沽名釣譽。殊不思各部院大臣。經理政務。自應綜覈名實。以公事為重。各司員有分理著事之責。總當視其人之才具能否勝任。不可曲徇人情。多為遷就。嗣後各該堂官。務於行走人員。隨時留心察看。報滿時將應去應留。秉公覈實甄別。毋涉冒濫。以副朕澄敘官方至意。○十六年奏准捐納分部奏留人員。係同日奏留者。計其實在行走。年分淺深為序。如同日奏留。行走又均無閒斷者。仍以原捐名次先後補用。如該員等並非一例報捐。其名次作何排列。例無明文。即由該堂官公同掣定先後補用。○十七年奏准各省由現任捐升未捐離任人員。有經各督撫以才堪勝任。揀選保題者。准由現任官職保題升用。如題升之官。在捐升官職以下者。輪選捐班時。仍按班銓選。如題升之官。在捐升官職以上。及與所捐之官升轉品級相等者。即將所捐之官查銷。○道光四年議定。漢軍漢員保送直隸州

知州。其應銷試俸未經期滿各員。仍不准保送。○光緒十年議定。應行題銷試俸各官。如有捐免試俸者。查係由本衙門題補得缺。即以報捐之日。作為俸滿日期。其非本衙門題補得缺者。俟到任半年限滿。方准保送。如郎中員外郎保送御史之類記名人員揀選時患病扣限。○乾隆四十八年議定。凡有各項記名外用京官。遇各省奏請揀發時。傳喚赴挑。有以患病扣除者。俟咨報病痊到部之日起。扣足五十五日限期。方准按班銓選。○光緒十年議定。記名人員。如遇邊遠省分揀發不到。應扣除近省。以邊遠省分坐選。添設各省道員知府同知通判州縣各缺。○同治九年諭。前據總理各國事務衙門奏。遵議尚書毛昶熙奏請撤三口通商大臣條陳。當諭令李鴻章妥籌應辦各事宜。茲據該督酌議章程具奏。天津地方緊要。自應添設道員管理。著照所請。准其另設津海關道一缺。專管中外交涉各事件。及新鈔兩關稅務。嗣後津海關道缺出。著由直隸總督揀員請補。欽此。遵旨議定。直隸津海關道一缺。作為銜繁疲難四字最要



之缺遇有缺出由該督揀員請補如於通省現任道員內調補所遺之缺例應請

旨者請

旨簡放應歸月選者歸部銓選如於候補道員內請

補或以現任知府請升擇其入地相宜者酌量

升補如不得其人准該督於摺內聲明酌保一

二員請

旨簡用○光緒二年奏准奉天添設邊關兵備道一

員夏初駐紮東溝稽察海防秋後駐紮頭道江

督催稅課冬末再回鳳凰城以資彈壓定為分

巡奉天東邊兵備道遇有缺出由將軍咨會北

洋大臣直隸總督兼銜於奉天直隸兩省現任道員內

各保堪任邊疆熟悉洋務之員請

旨簡調如奉直兩省候補道員及現任知府內有人

地相宜堪勝邊要者准專摺出具考語請

旨簡署一年期滿再行請補廳州縣各缺仍照熱河

章程先儘邊內同通州縣無論滿漢揀員升補

如無合例之員即由候補人員內酌補委用人

員內試署一年期滿再行請補三年俸滿著有成效由府

尹出考具題以應升之缺升用仍在任候升東

邊道豐盛庫大使鳳凰同知經歷管司獄事

興京同知經歷管司獄事賽馬集巡檢孤山海口

巡檢通化縣柳樹河縣丞帽兒山巡檢懷仁縣

通溝口四平街各巡檢寬甸縣長甸河口縣丞

二龍渡巡檢並安東寬甸懷仁通化四縣各巡

檢管典史事俱作為沿邊要缺遇有缺出於通

省現任人員內揀選調補或由候補人員咨補

委用人員咨署一年三年無過由府尹出具考

語咨部以應升之缺升用未升以前仍以原官

補用○八年奏准吉林添設道缺作為吉林分

巡道請

旨簡放○又議准吉林添設吉林府知府遇有缺出

由現任人員升補如無合例之員於候補並揀

發曾任實缺人員內不論滿漢揀員題補三年

俸滿照奉天昌圖府例由將軍出具考語送部

引

見候

旨升用仍在任候升伯都訥廳同知長春廳通判均

由理事改為撫民並伊通州知州均加理事銜

以便旗民兼管請補班次悉照賓州廳五常廳之例雙城廳撫民



通判。作為中缺。歸部銓選。如有應補之員。亦准扣留外補。並加理事同知銜。以便旗民兼管。保薦亦照賓州廳五常廳之例。長春廳分防農安照磨。吉林府經歷。伊通州吏目。磨盤山巡檢。均作為要缺。伯都訥。孤榆樹屯。長春廳。三巡檢。原係選缺。均改為要缺。於通省人員內揀選調補。或由候補並揀發人員內酌量咨補。雙城廳。拉林。二巡檢。歸部銓選。如有應補之員。亦准扣留按班序補。府經歷及佐雜各要缺。三年俸滿。由將軍出具考語。咨部開缺。以應升之缺升用。未升以前。仍以原官補用。其無原官可補者。毋庸開缺。今其在任候升。○十三年奏准。吉林長春廳。撫民通判。升為府治。名曰長春府。設知府一員。於農安城分設縣治。名曰農安縣。設知縣一員。加理事通判銜。歸長春府屬。移農安原設分防照磨。駐靠山屯。歸長春府管轄。長春廳訓導。升為府教授。原設巡檢。升為府經歷。兼司獄事。增設農安縣訓導一員。巡檢一員。管理監獄。

外官題缺定限。○乾隆元年議准。各省正印佐雜官員。及河道總督所屬官員。由在外遠選各

缺。如係丁憂病故人員。即以督撫題咨開缺之日起。限一月內題咨調補。其緣事議降議革。及升任調任終養告休等官。由部於每月二十日截限時。行文知照。以接到部文之日起。限一月內。令該省照例題咨調補。如有違限。分別議處。○嘉慶四年議准。嗣後題調各缺。該督撫接到部文之後。統限一月內揀員升調。於送部揭帖內。聲明某日接到部文。某日具題。以憑查覈。如有違限。分別議處。至各項升調所遺應歸部選之缺。留於該省補用者。或應題補。或應題署。亦均不得過一月之限。○五年議定。嗣後在外揀選各缺。吏部於每月初五日。開單行文知照各省。其要缺官員。遇有經徵未完。議降議革。開缺後。旋即全完。聲請開復。留任到部。吏部詳查該省具題出咨日期。合之吏部截缺行文之日。以發給該省執照限期。減半計之。如尚在照限減半以內者。准其留任。如在照限減半以外者。概不准行。發給各省執照限期。詳載處分事例。○八年議准。嗣後各項缺出。如藩司詳請遷延者。照督撫遷延例。按其違限日月。分別議處。若藩司已詳。而督撫延



間以致久逾定限者。將督撫照例議處。○十年議准。各省病故丁憂等缺。照例以督撫具題之日起限者。仍令依限題補。並督撫具題出缺本內。將該縣詳報到省日期開載。以憑查覈。如有遺漏聲明者。照例議處。○十一年奏准。應行請旨道府缺出。不准外省保題。其部選州縣等缺。止准各省將試用人員題請補用。不准以現任各員題請升調。如有違例保題。奏請升調者。俱照例議處。○又奏准。嗣後各省試用人員。如有到省在後。題補先出之缺。到省在先。題補後出之缺。

雖同時到部。均行議駁歸選。以杜擇缺之弊。○

道光二年

諭軍機大臣會同吏部議覆給事中蔣雲寬條奏各款。分別准駁一摺。各省督撫參劾屬員。其應降應革。定例俟題覆奉旨之日。再行開缺。况所出之缺。有應在外題調及請旨簡放歸部銓選之不同。若於具摺糾參時。即隨摺揀員升調。或將應行簡放及部選之缺。紛紛請補。不特有違成例。且恐該督撫以愛憎為取舍。甚至因人擇缺。不可不防其漸。著照所議。嗣後督撫參劾所屬。總須奉有諭旨。吏部知照開缺時。再行

分別題補。如有違例奏請者。該部即奏明更正。仍將該督撫議處。以昭法守。而杜流弊。○又

諭據吏部議奏。史致光等請將經歷姜元吉題升保山縣知縣。查明該省現有候補知縣。該督等率將佐雜人員題升。實屬違例。所有保山縣知縣一缺。著照吏部所議。以高望補授。其違例保題之該督撫。著交吏部查議。嗣後各省無論應題應調及應選缺出。該督撫俱當按照一月具題定限。不准故為延閣。其或違員未定。不能如限具題。須將後出之缺。先行題補。著即隨本聲敘緣由。以憑查覈。如有無故延閣。凌躐請

補者。著該部查明嚴參。以杜蒙混擇缺之弊。○同治

十一年奏定。外官道府以至佐雜。在任病故。即

以本日開缺。如因差來京。或引

見在京病故。以本省接到部文之日開缺。如在途病

故。以接到咨文之日開缺。丁憂所出之缺。除一知

項選缺。不准扣聲請扣留外補者。以丁憂本日

開缺。如因差及引

見在京。及由旗呈報丁憂者。以接到部文之日開缺。

如在途次聞訃。以接到報丁咨文之日開缺。又

道府至佐雜。升遷調補患病休致。終養。及督撫



隨時參劾改補降補撤回。並知縣改教葬親。佐雜參劾降革。又正佐各官捐升保升。及大計所開之缺。有奉

旨日期可計者。以奉

旨後五日行文。由部咨覆者。以議准堂稿畫齊後五

日行文。按照限減半計算。作為接到部文開缺

日期。知縣以上。經督撫奏請回籍葬親者。遺缺

照終養例序補。○又定各省遇有缺出。以每月

截缺之日起。遠省雲南貴州限九十日。次遠省

吉林江蘇安徽陝西甘肅浙江限七十日。近省順

天限五十日。按定限揀選升調題補

如揀員未定。准於限內咨部加展兩月。如督撫

非同城應會銜者。近省加展二十日。遠省加展

三十日。至藩司具詳。按定限三分之二。督撫題

奏出咨。按定限三分之一。遲延者議處。○又定

各省扣留選缺。應照例挨次序補。除凌躐請補。

及補缺參差班次錯誤。並以在先人地不宜。將

在後人員請補。及大挑人員試用期滿。在先者

不行甄別。將在後者先行題署。均應議駁歸選

外。其有請補班次合例。而本員或不合例。應駁

換者。續出之缺。如班次相符。移會河南道展限。俟先出之缺。更正到部。一併題覆請

旨補署。並於駁換文尾。將限期扣明。行知該督撫。另

揀合例人員。依限請補。如逾限尚未更補到部。

即歸部銓選。令該省虛積過班。○光緒十年議

覆。參革降補之缺。分別咨補。第一缺咨部歸選。

第二缺扣留外補。咨補相間。各積各缺。應留之

缺。仍於每月初五日。扣缺知照該省。按班序補

○又議定。外省現任官員。遇有經徵未完。議降

議革。開缺後旋即全完。聲請開復留任。除徵存

未解及虧挪錢糧。開復應行引

見人員。應俟引

見回省。留於該省另補。其經徵錢糧實欠在民。嗣據

經徵全完。開復毋庸引

見人員。如係要缺官員。由部查該省續報全完。聲請

開復。具題到部。合之部中議降議革。奉

旨後五日行文。以該省限照減半計之。如在限內。准

其留任。如在限外。不准留任。令留省另補。其應

歸部選及揀補之缺。聲請開復留任到部。如員

缺業經開選。或奉



旨補放有人開復留任始行到部者不准留任亦令留省另補

官員題升○乾隆元年議准各省督撫應行保題各員如將官員題請升補升署止以應升之職題補不得越級保題○三年議准凡題升人員有降級降職革職留任及承追督催停升徵收之案者一概不准保題○四年奏准凡題升人員其有任俸停升緝拏降俸罰俸之案仍准一例遠選保題至於奉

旨題補之人與尋常照例題補者不同若應升官員內無合例之人不論何項參罰並越銜保題悉准一例遠選請

旨凡題升知縣以上官員均令赴部引見恭候

欽定○二十九年奏准嗣後州縣官員罰俸除應得編俸扣抵外浮罰之俸聽其自行完納如人才去得而罰俸在十案以內者方准揀選升調如在十案以外雖係能員不准入於揀選○又議定嗣後州縣以上官員有罰俸未完在十案以外照例不准升調其降俸任俸並聲明已經咨

參尚未奉准部覆之案均毋庸計入罰俸之內○三十年議定官員題升到部查其任內命案緝兇三案並盜案二案業已到部議處者仍照例議駁○又定前任內罰俸一併計算如已完繳尚未咨部准該督撫於疏內聲明造入某季冊報仍照例議准奉

旨之後知照戶部查覈如有遺漏聲敘照例議處○三十四年議准凡題升人員遇員缺緊要人地實在相需而所議升補之員任內有督催民借籽種口糧降俸處分未逾十案以外准其專摺聲明保奏儻已逾十案違例陳請將該督撫請旨分別議處○又定題升人員如本任係苗疆等久任之缺疏內未經聲明將該督撫照遺漏聲敘例議處○五十七年

諭向來各省督撫奏請調補升署人員有與例不符經吏部議駁者朕或因其人地實在相需特降旨仍如該督撫所請行今日偶因畢沅奏摺思及所調府州縣各缺必當有以次遞請調補升署人員其應准應駁仍當照例覈辦若因該督奏請升署人員業經奉旨允行其遞行調補升署各員即不復查照合例與



否。概行議准。恐開外省傲幸之漸。嗣後該部遇有各省題奏府州縣各缺。照例議駁。復經特旨允行者。其奏請以次遞請調補升署之員。俱應查照定例辦理。如有不合例者。著該部仍行議駁。不得一律准行。以杜冒混而重官方。○嘉慶九年議准。嗣後升調人員。罰俸在十案以外者。如上庫完繳日期。在該督撫題請升調未經出題具奏以前者。照例議准。如在出題具奏以後者。概行議駁。以歸覈實。○又議准。官員升調。任內有違礙處分。應請開復者。以該省題奏出咨之日。為開復日期。其在省告病病故。休致。丁憂。終養。奉革等項出缺者。以該省題奏出咨之日。為出缺日期。如奉特旨簡放。並降革及出差人員。遇有事故出缺者。以該省接咨之日。為出缺日期。如開復日期。在出缺以前者。議准。在出缺以後者。議駁。均於題奏及咨文內。聲明何日出缺。何日開復。以備查考。○十一年奏准。捐納及援例開復人員。題升到部。查係試俸未滿三年。並已滿三年而未題咨請銷試俸者。照例議駁。○十六年奏准。各省升調人員。題咨到部。適該員有現議事件。關乎准

駁。照例行查。如係應查外省之案。即行議駁。毋庸展限。若係在京各衙門應議之案。一時不能議結。移咨科道展限。不得過三月之期。如逾限未完。照例議駁。至各省題咨實授人員。如有似此者。亦應照此辦理。○道光元年議准。嗣後應題缺出。先儘候補人員題補。無人。以應升人員題升。再無人。於現任人員內揀選調補。應調缺出。以對品現任人員調補。無人。以候補人員題補。再無人。以應升人員題升。該督撫將人地實在相需。切實聲明。仍送部引

見恭候

欽定。○二十三年議定。知府直隸州知州。必於本任內。歷俸五年以上。府屬知州。知縣。必於本任內。歷俸三年以上。方准揀選題升。初任選補之員。以到任之日起。試署實授之員。亦准以到任之日起。扣至具題之日止。或有具題之日。尚未限滿。扣至到部時年限已足者。吏部查明。並無別項不合例事故。即行議准。其有曾經選補。題補。因事離任。及本案開復。後經赴部引見。與服滿引



見發往原省後經得缺並選授原省及由現任人員調任者俱係曾任該省較初任之員熟悉地方情形如遇應題缺出該督撫擇其才堪揀選題升者准其將前在本省所歷本任之職前後接算如在列省所歷年月並降革捐復人員均不准其接算○同治十年議准題咨補署人員除實降實革應行扣補外其降級留任一切因公處分例不扣補毋庸覈計○十一年定保題升調人員將該員任內承審案件承緝盜案徵解錢糧詳細聲敘如已起降革參限者不准升調其有缺係緊要人地實在相需仍應據實陳明恭候欽定○又定試俸期滿尚未題銷人員如出缺日期在該員試俸期滿以後即行議准如未期滿即行議駁至試署已滿未請實授應援籌餉例捐免方准升調如未捐免不准請升其未到任人員如有捐免歷俸者係屬無俸可計不准捐免至煙瘴地方州縣以上官員准其不扣年限升調兼行○又定州縣以上應升缺出該督撫將卓異引見回任候升人員先儘升用不准於摺內聲稱人地

未宜以別項人員請升若該省無卓異合例人員始准以各項著有勞績人員升用如人地未宜始准以現任人員循例請升如係煙瘴苗疆各缺仍應擇其能耐煙瘴之員升用毋庸拘定先儘卓異並勞績請升○光緒十年議定州縣應題缺出知州應以候補人員知縣應以候補並進士即用的補無合方以應升人員題升如實無合例應升人員始於現任人員內調補官員題調○乾隆四年奏准各省題請調補調署官員除降革留任例有展參及督催分數錢糧承追虧空贓罰不准調補外其承追督催不作分數之雜項錢糧及降俸住俸罰俸緝拏之案仍准題補如降革留任並無展參亦一例違選調補將降革之案帶於新任接算年限開復至奉旨題補之人亦不論何項參罰悉准違選調補此等調補官員均毋庸送部引見其因不能勝任題請調簡者仍送部引見請旨○五年議准各省題請調簡官員自應一面具題



即行離任。備該員任內有承追督催徵收展參等案。仍行議駁。並令該督撫立即題參。分別議處。○九年

諭副後督撫等於調繁調簡之員。均當秉公體察。屏去成心。觀其後效。凡先舉而後參者。國家原有檢舉之例。若先調簡而後保薦者。亦著於疏內聲明具奏。如此則被薦者必倍加做惕之心。即更調者亦獲勉勵自新之路。庶整飭吏治之一策歟。○二十九年議准。州縣以上官員。任內有參罰在十案以外者。不准揀選調補。亦照題升之例辦理。如督撫遺漏聲敘。照例議處。凡繁簡互調之有司官。如才堪治繁。現任偏僻。或才止堪治簡。現任繁劇。准該督撫酌量對調。○五十二年

諭李世傑等奏准徐道缺繁要。必得久任河工者。方克勝任。請將准揚道師彥公調補。准徐道其准揚道下缺。擬將成汝舟調補等語。如此不泥於遵旨。甚是已照所請行矣。李世傑等此奏。係為河工要缺。起見。即師彥公成汝舟二人之孰能河務與否。亦朕素所知。是以准其對調。至各省道員。原有美惡。各督撫不得託詞遷調。以開趨避。實緣之弊。若實因繁簡不同。不

得不調。當奏請將二人一併送部引見。○又定各省題請調補調署官員。如任內有降革留任。例有展參及督催分數錢糧。承追虧空。贓罰等案。該督撫以前項事故。聲明已經題請開復者。行查各部。如不應准開復。照例議駁。若例得開復。覆到即行議准。聲明奏覆。請

旨。毋庸再俟。各該部案題。始行定議。以免稽延時日。○嘉慶四年議准。各省應調缺出。如該督撫明知所調之員。與例不符。藉稱員缺緊要。濫行題調。無論曾否聲敘。除不准行外。仍將該督撫隨本查議。如接到部駁後。該督撫又復以人地相需。再行強辭。請者。將覆奏之督撫。從嚴議處。○五年奏准。州縣以上官員。必本任內歷俸三年以上。方准揀選題調。選授補授之員。以到任之日起。署事之員。以實授之日起。扣至具題到部之日。計算。如年限未滿。不得以人地相需為詞。題請調補。州縣於調繁之後。經後任督撫。參劾才力不及。或有婪贓款蹟。發覺。將原保之督撫。照保舉不實例議處。○十一年

諭朱錫爵係大學士朱珪之姪。錢保等以之調補江甯



府知府。自係為省會首府需人起見。但摺內未據明白聲敘。恐各該省督撫。遇有此等揀調要缺。於屬員中大臣子弟。不問其能否勝任。瞻徇情面。專摺奏請。於政治殊有關係。嗣後揀調要缺人員。如係現任文武二品以上之兄弟子姪。均著於摺內聲明請旨。

又

諭各省督撫。因州縣員缺緊要。揀調需人。往往將不合例之員。奏懇補用。朕節次發交部議。部中皆照例議駁。並將違例保題之上司。一併奏請議處。部議上時。朕每有仍照該督撫所請。准其升調者。並將該上司

處分寬免。原以地方治理需人。不得不破格錄用。非可視為常例。乃近來督撫等違例保奏者漸多。明知部議必駁。部駁之後。仍可邀准。而一經恩准。處分亦無不寬免。遂爾心存玩易。任意保題。積習相沿。成為故套。恐滋流弊。試思一省之大。州縣佐貳不少。豈無廉能任事。合例可保之員。何至出此一缺。即非此人不可。必欲違例奏請。此在存心公正之督撫。一時為人地起見。諒無別情。而假公濟私者。或因此徇情。為舉意為愛憎。不論人才之當否。惟視缺分之肥瘠。其弊將何所不至。所關於吏治者甚大。朕固不疑天

下督撫俱有不肖之心。然不明定條例。恐封疆大吏保舉屬員。竟致無所顧忌。不可不防其漸。嗣後督撫等違例保奏之員。除照依部駁者。仍照舊例議處外。其有部駁之後。仍奉特旨准行者。著交該部存記。將來所保之員。如犯有貪私亂法之事。其原保之上司。竟當奏請革職。如係別項劣蹟。致罹參革者。亦應照本員罪名之輕重。以定原保上司獲咎之等差。著該部詳議章程。載入則例。永遠遵行。○又議定各省保題。經部議駁奉

特旨允准所請者。無論初次再次。均將違例題奏之原保督撫。及其詳之藩臬道府銜名。一併詳註冊檔。遇有應議。即照冊註銜名開單。付考功司辦理。○十七年

諭蔣攸銛等奏海陽縣要缺需員。係為整飭地方起見。特旨允行。嗣後如海疆邊要缺分。該員先經署任。治理有效者。方准該督撫據實聲請。候旨酌定。如係尋常升調之缺。該督撫將議駁之員。復行保奏。仍遵前旨。除不准行外。將該督撫照例議處。欽此。遵旨議定。嗣後各省尋常升調之缺。如該督撫有將議駁之員。復行奏請升調者。即欽遵





諭旨辦理。○道光四年覆准各省題調缺出。該督撫於

現任屬員內揀選具題。不得藉詞濫保。其有員

缺緊要。人地實在相需。而所保之員與例稍有

未符者。必須詳細聲明。專摺具奏。俟奉

旨交議。由部查明。據實覆奏。如未經聲敘。或未全行

聲明者。由部查明具奏。恭候

欽定。如奉

旨准行。將該督撫處分寬免。○六年奏准嗣後各省

繁簡互調人員。毋庸計其繁簡字樣。如以題調

要缺之員。調補部選缺分者。令調補選缺之員

赴部引

見其餘對調人員。均毋庸送部引

見。○二十三年議定。官員有必須更調者。查係由三

項要缺。更調四項要缺。及最要之缺。或由四項

要缺。及最要缺。更調附省首邑。並由內地要缺

更調邊疆海疆夷疆番疆及煙瘴等項要缺者。

該員如非另有不合例事故。即行議准。此外缺

項相同。及均係內地並邊疆等缺。同係應扣三

年五年之限者。不准濫行更調。○二十四年

諭興泉永道泉州府二缺。准其比照省會首府之例。由

該督撫揀員奏請調補。所遺之缺。仍請旨簡放。○二

十五年

諭雷瓊道潮州府二缺。准其比照首府之例。由該督撫

揀員奏請調補。所遺之缺。仍請旨簡放。○二十六年

奏准。江西贛州府一缺。改為調缺。於通省知府

內揀員調補。所遺之缺。即以

簡放之員請補。○咸豐八年

諭南汝光道一缺。准其改為由外調補。並加兵備銜。所

遺之缺。例應請旨者。仍請旨簡放。應選者仍歸部選

○同治十一年奏定。湖北漢黃德道選缺。准由

外調補。不得作為題補之缺。遇有缺出。該督撫

於本省現任道員內。擇其人地相宜者。專摺奏

請調補。○又奏定。知縣題調要缺。准以奉

旨命往。及曾任實缺候補。並進士即用人員。酌量請

補。其勞績保舉初任候補人員。概不准請補。○

又定。首府首縣缺出。於通省正途人員內。揀選

如實無合例堪以調補之員。始准於摺內詳細

聲明。以各項出身內。遠員調補。調補首府之員。

無論缺項是否相同。及歷俸已未滿年限。俱准

調補。其省會首邑要缺。無論原缺應題。應選。均





准該督撫於現任正途人員內酌量調補。○光緒十年議定各省有奉

旨於通省現任人員內調補所遺之缺以某人補授

者不准該督撫聲稱無員可調以應升候補人員升補如奉請以補授遺缺之員補是缺者

其調補所遺無論係請

旨及應題應調應選之缺均遵

旨以補授遺缺之員奏補不准將調補所遺之缺奏

請再調致將

特旨補授遺缺之員補再遺之缺亦不准因調補所

遺之缺在省坐補有人奏請以坐補人員補授

致將奉

旨補授遺缺之員留省另補。○又定各省題請調補

官員州縣應調缺出俱令於現任人員內揀選

人員請補如縣准以曾任實缺之候補並進士即用人員請補如無人即於應升人員內題升

如督撫題奏請調到部其任內如有承審案件

承緝盜案徵解錢糧已起降調革職參限者不

准請調各缺如因缺係繁要人地實在相需為

地擇人者該督撫據實陳明吏部查無別項不

合例事故即行議准此外一切因公處分應毋

庸計算其有降革留任之案帶於新任者仍接

算年限開復調補州縣以上官員並大挑一等  
舉人試用知縣先以佐貳借補者必歷俸三年  
以上方准揀選題調。○又定外官升調到部如  
試俸未滿試署未滿及試署已滿未請實授並  
歷俸未滿年限無論有無以升階升用之案俱  
照籌餉例逐層捐免方准升調



欽定大清會典事例卷六十

吏部

漢員遴選

知府州縣等官開俸升調

州縣

署事

見

調缺

准酌量

升

調官員事故

隨本

開復

試用人員題缺

升

調官員事故

隨本

開復

知府州縣等官開俸升調。○乾隆十三年議准

守令各員內凡有應題員缺必本任內開俸五

年以上方准題升。應調員缺必本任內開俸三

年以上方准題調。該督撫於所屬知府直隸州

知州及府屬知州知縣內每於年底細加訪察

將曾經升調各員在任又滿三年才守兼優政

績卓著者保題到部知府加道銜直隸州知州

加知府銜知州加同知銜知縣加通判銜註冊

遇有應升即行題升向例凡降革留任之員概

不准題升此等加銜註冊之員任內如有降革

留任之案例有展參者不准題升外其例無展

參者原可帶於新任接算年限開復准其一例

聲明題升如此等加銜人員有緣事降調及開

復服滿候補者准即照其加銜降用及補用若

照銜降調之員而所降之級尚在現任以上及

與現職相當者均毋庸令其離任惟將所加之

銜查銷。○又議准三年准調五年准升之例仍

遵照辦理至員缺果係緊要非幹練之員不能

勝任而年例未符實有不得不為變通者該督

撫將人地實在相需之處或應調補或應升署

詳細聲明專摺奏

開除奉

特旨准行外如交部議俟奉

旨後由部查明該員委無別項不合例事故請

旨准行其升署人員仍照久任之例接算前後俸次

扣足五年之限題請實授

煙瘴臺灣各員題調。○乾隆十四年議准邊省

內有煙瘴之缺與內地情形不同如必循照三

年准調五年准升誠恐一時難得合例之人嗣

後內地及苗疆各缺仍照例計算本任之俸如

無俸深之員即請

旨揀發若係煙瘴各缺不必計俸惟擇才優與能耐

煙瘴者升調。○又議准福建臺灣一府越在海

外均由內地調補既應覈其年力又須察其辦

事才情若亦以三年俸滿始准調補恐合例者



未即勝任勝任者又難合例於海外要區鮮有裨益嗣後內地各缺不得援照此例惟臺屬各官無論閱俸年限仍照舊例遴選題調○嘉慶十六年奏准臺灣俸期滿人員奏明如有內地應升缺出即與內地應升人員分缺開用並添設噶瑪蘭通判等官照臺俸升用○十九年議定各省調補煙瘴人員俸滿時由該督撫詳加查覈果有才守兼優政績卓著者照例保題升用如無實在政績而年力強壯尚堪驅策者將俸滿應升之處查銷仍以原官補用其辦事因循年力就衰者即查叅勒令休致至俸滿保題撤回內地候升人員儻一時無應升缺出即先以原官補用並將俸滿應升之案帶於新任○又定臺灣道府缺出俱由吏部知照軍機處請旨簡用其餘各缺俱令該督於內地屬員內揀選賢能之員調補升用○同治九年

**諭**嗣後遇有臺灣府缺出即著該督撫奏明請旨於閩浙兩省知府內揀員調補儻一時不得其人並准於應升人員內擇其人地相宜者奏明題補以重要缺欽此遵

旨議定臺灣府知府一缺如閩浙兩省知府中均無可調之員准於候補知府中之曾任實缺知府並由曾任地方正印保升知府及應升人員內一體揀選奏請升補○光緒元年福建臺灣府琅瑤猴洞地方建設縣治名曰恆春作為調缺○又福建臺北艋舺地方添設知府一缺名曰臺北府附府添設知縣一缺名曰淡水縣又裁汰淡水廳同知於竹塹地方改設新竹縣知縣一缺並於噶瑪蘭舊治添設宜蘭縣知縣一缺改噶瑪蘭廳通判為臺北府分防通判移紮雞籠地方俱作為調缺

佐貳首領題升州縣○乾隆四十二年

**諭**吏部議請將從六品之州同以及布政司經歷理問等官概不准其題升知縣一摺該部因從前疏通舉人案內未經議及州同等官不得復佔知縣因有此奏自應如所議行但此等人員內或有才猷出眾者在該省閱歷年多若令借補知縣較部選新任人員於地方公務似有裨益而才堪造就之員若限於成例概致積薪亦未免可惜嗣後著各督撫於此等人員留心察看如才具素優堪膺民社而其人地實在



必需者。准其據實聲敘。專摺奏請。候朕酌量降旨。○  
四十五年奏准。嗣後凡遇題調州縣缺出。除應  
調人員。及應升之河員。仍照舊例辦理外。其地  
方佐貳首領各官。務令該督撫先儘曾經卓異  
保薦。及俸滿即升人員。揀選題補。如該省現無  
卓薦。及俸滿即升之員。亦必須將現任佐貳首  
領。歷俸五年以上者。方准題升。以杜鑽營。○光  
緒十年議定。佐貳首領題升者。令該督撫比照  
州縣以上。先儘卓異保薦奉  
旨。應升人員。升用。不准於摺內聲敘人地未宜。以別  
項人員請升。如該省無卓異保薦人員。即將著  
有勞績保奏奉  
旨。以應升之缺。升用。並俸滿即升人員。揀選題升。如  
無著有勞績。及俸滿即升之員。或聲明人地未  
宜。亦必將現任佐貳首領。歷俸三年以上者。方  
准題升。其從六品之州同。以及布政司經歷。理  
問保題。知縣要缺。必將該員在該省閱歷多年。  
才具果優。堪膺民社。而其人地實在必需者。由  
該督撫據實題奏。恭候  
欽定。

署事實授。○乾隆四年奏准。凡各省署事官員。  
題請實授。係銜職相當。銜大職小者。除降級。降  
職。革職。留任之案。不准實授外。其餘各項處分。  
均一例准其實授。銜小職大。實授者。與題升無  
異。如任內有住俸。停升。緝拏。降俸。罰俸之案。准  
其實授。其降革留任。及承追。督催。停升。徵收等  
案。均俟銷案之後。再行保題實授。以上署事官  
員任內。有此等案。俸本與題升實授之例不符。  
而從前題署之時。欽奉  
特旨。准行者。將來題請實授。由部於議覆本內。聲明  
應否准其實授。恭候  
欽定。至於署事實授。銜大職小。銜職相當者。均毋庸  
送部引  
見其銜小職大者。如從前奉  
旨命往之時。指明以何項官員試用者。亦毋庸引  
見如係  
命往酌量委署試用。未經指定職銜。及由現任等項  
題升。凡係銜小職大之員。均於題請升署之時  
送部引  
見請



旨將來題請實授毋庸再行給咨送部若各省督撫以要缺需人題明先行升署者仍於實授時送部引

見○二十五年議定嗣後署事人員如前任內降級降職革職留任等案帶於新任人員題署得缺扣滿年限題請實授查其本任內並無有礙實授處分俟實授後再行扣滿年限題請開復○四十五年

論各省督撫題奏升調人員有與例未符者經部議駁朕特降旨允准原因其人地相需難拘成例若已經

升署即係在本任辦事之員有何迫不及待而必欲違例奏請實授乎此皆上司瞻徇屬員題請實授為升轉地步最為陋習從前曾經降旨未完年限題請實授之督撫定以處分至題請實授有降罰案件與例不符者亦應將該督撫一併議處乃該部又因有業經聲敘應得免議之例未將該督撫議處夫既知聲敘何不可待之存以致辦理不能盡一轉啟該部高下其手之弊嗣後各督撫題請實授人員有與例不符者吏部議駁外即將該督撫議處○道光元年奏准嗣後署事人員無論銜缺相當及銜大缺

小銜小缺大者試暑期滿即准題請實授其一  
切因公處分亦照升調之例概免計扣以昭公允○光緒十年議定署事官員均令遵照試署限期以一年後詳請實授該督撫隨時題咨報部並於文內將本員具詳及上司詳報年月分別聲敘以備查考如本員既經詳請而該管上司不行題咨者照事件遲延例議處  
河工署事實授○乾隆十六年議准河工官員例應先行題署試看是以必經閱三汛後如果稱職送部引

見實授若由現任調署之員均係從前業經引見之人非題升及未經引見者可比至期滿題請實授時原可毋庸重複引見嗣後除題升及未經引見人員仍照定例進行外其由現任調署者一年後果能勝任具題實授毋庸再行引見○嘉慶十九年議定河工人員如奉特旨留工之員先儘補用至各項人員先用該督保奏奉旨留工之員一人名次用曾經實授及未經實授



並前次揀發仍赴原工一人次名兩項相間輪用先儘無人仍用次儘次儘無人仍用先儘輪至第五缺用投效分發試用一人周而復始不得越次攬補如先儘次儘俱無人准將報捐分發各員擇其在工年久諳練河務者或銜缺相當或銜大缺小遇有缺出先行咨部署理俟一年後經歷三汛果能勝任再行保題實授至河工效加南河定額六十員北河定額三十五員東河定額三十員初次分發人員咨部補額之後方准補用○二十二年

諭大挑舉人原以疏通寒畯近來各省分發人員漸覺壅滯昨經大學士會同吏部酌議章程量加調劑朕思南河東河北河三處河工亦需員差委若於此項大挑一等人員內分發試用俾之學習河務以河工之繁簡定人數之多寡既可策勵人材亦可疏通額缺其應如何酌定員數並試用甄別限期及補用缺分章程著吏部詳議具奏欽此遵

旨議奏大挑一等分發河工人員一年期滿甄別擇其諳練河務堪膺民社者以知縣用先以佐貳借補遇有直隸州州同州判府屬州同州判府經

歷縣丞缺出揀選咨署俟經歷三汛保題實授後遇有沿河調缺知縣缺出聽該督撫酌量調補至補缺班次先儘次儘輪用兩班之後第五第六缺用大挑借補二人第七缺用投效試用一人周而復始不得越次攬補奉

旨此項大挑一等分發河工人員著定為試用二年經歷六汛後甄別該河督秉公察看其能通曉河務者留於河工照新定章程分別補用如河務不能諳習而才具尚堪膺民社者奏明改撥地方仍以知縣補用其才識迂拘者以教職改補

保題官員引

見○乾隆四年奏准各省保題官員應行引

見者均俟部議奏

旨後行文知照該省再給文送部引

見不得未准部覆即行隨本給咨送部○二十二年

奏准各省題請升補升署以及月選推升例應

引

見人員向例俟部覆到日該督撫飭令該員交代清

楚給咨送部引

見恭候



欽定。此等人員。有因公辦差來京。適遇該員題請升補。升署。業經議准。以及推升得缺者。免其回任。領咨。准令該員於差竣之日。呈明吏部。行文該管衙門。查明如無未清事件。即就近帶領引見。○三十九年

諭本日吏部將題升湖南辰州府同知之新田縣知縣

柴楨帶領引見。已准其升署矣。聞柴楨履歷開係乾隆三十六年七月內。經吳達善保題升任。因節次委署清泉祁陽等縣。現在卸事。送部引見等語。各省題升人員。送部引見。向無一定限期。自因該員既經保

題升任。諒不致有規避情事。是以未經定有章程。今柴楨距題升之期。將及三載。為日未免太久。若因該員有承辦之事。難以遽易生手。須辦完方能送部。亦在本任則可。今乃節次委署。所升之本缺。懸曠多時。勢又不得不另委人代署。與其留此人署別缺。何如及早給咨引見。令其升本缺。即以應委之員代其另署別缺乎。嗣後此項人員。應作何定限之處。著交吏部詳酌定議具奏。欽此。遵

旨議定各省保題官員應行引

見者。該督撫於接准部覆之後。即責令該員將任內

經手事件。交代清楚。勒限給咨。赴部引

見。一面報部備查。如本任內實有承辦要件。難以遽易生手。該督撫查明。如在半年以內。即可完竣者。務於交代限內。先行咨部展限。其有半年以上。方可完竣者。即將緣由據實奏明。加展一面。催令依限趕辦。事竣之日。即行給咨送部引

見。統不得逾一年之限。如有任意遷延。致逾展扣限期。將該員照例議處。督撫不依限奏咨。及違例委署別缺。均照例分別察議。○嘉慶二十五年奏准各省官員。因差來京。適遇該員升補。升署

業經議准。以及推升得缺者。如業經接到部文。續經出差。仍令該督撫給咨到部。方准帶領。不准呈請就近引

見。○光緒十年議定各省保題。並奏留補缺官員。應行引

見者。該督撫於接到議准部咨之後。責令該員將經手事件。交代清楚。按照例限。照道府等官。俸滿給咨送部引

見。一面報部備查。俟引

見。回省後。方准保題升轉。未經引



見以前不准遽行題升並違例委署別缺至升選人員例應請咨赴部如本任內實有承辦要件難以遽易生手約計半年以內可完竣者該督撫咨行展限其有半年以上方可完竣者即將緣由據實奏明加展統不得逾一年之限如有任意遷延致逾展扣限期即奏明開缺俟該員領咨赴部驗看引

見後分別以原官升階銓選

調缺准酌量題升○康熙三十八年議准苗疆員缺由該督撫保題調補毋庸部選○雍正七

年

論煙瘴地方文武官員缺向例調補者該督撫提鎮等

於屬員內秉公酌量若有可以題升之人即具題請旨升授○乾隆四年奏准各省應題之缺知縣以上官員其原係例應題補及煙瘴地方均准升調兼行不拘一格聽該督撫酌量具題外其餘一切應行調補之員令該督撫照例於屬官內對品改調不得濫行奏請升用若該省實無可調補之人而屬官內果有才守兼優政績卓著者於疏內將無可調補必須題升之處聲明由部

查明與例相符令其送部引

見應否准其升用恭候

欽定如該省既無合例應調之員亦無可以題升之人即令該督撫奏

聞由部於候補人員內遴選數人引

見恭候

簡用如在部候補人員不敷遴選即於候選人員內遴選引

見補授至佐雜微員專司差遣巡緝與知縣以上官員不同凡在外遴選者均令督撫照例咨部改

補如無可調之人其現任應升人員內有曾經薦舉卓異及保薦俸滿即升者亦准咨部升補

附八月分彙題如無應調應升之人令該督撫奏明於候補人員內遴選引

見補授備候補人員不敷遴選即於候選人員內遴選補授概不准其將應調之員違例咨部升用

以上應行調補人員如該省本有應調之人該督撫以無人具題及濫行奏請升用者一經發

覺照例議處○嘉慶四年議准各省應調缺出若該省實無可調之員准該督撫將實無可調

若該省實無可調之員准該督撫將實無可調

若該省實無可調之員准該督撫將實無可調



必須題升之處於疏內聲明如有遺漏聲敘吏部查明題升之員與例相符一面議准一面將該督撫隨本查議○道光四年議定州縣應調缺出如現任人員內實無合例堪調之員准以候補人員題補如候補無人方准於應升人員內保題升用應題缺出先儘候補人員題補如候補無人即以應升人員保題升用如再無合例應升之員即於現任人員內遴選調補該督撫將人地實在相需之處於疏內切實聲明由部查明升調之員如係合例即行議准其初任試用人員不准請補題調要缺至題升人員令其送部引見應否升用恭候欽定

補用試用人員題缺○乾隆四年奏准凡各省奉旨命往及督撫題准以道府補用試用人員遇有員缺無論應題應調應選之缺令該督撫酌量才具擇其人地相宜者悉准題請補授署理其同知通判州縣如奉

旨命往補用及督撫題明留於該省候補者無論應題應調應選之缺均准該督撫酌量具題如係命往委署試用及督撫題准試用人員俟該省有應題缺出於現任內遴選調補升補其所遺應歸月選之缺准其署理俟題補完日仍歸部選此外應歸月選之缺概不准將試用人員題署至例應題補之缺原准升調兼行不拘一格試用人員內有能勝任者一例遴選題署其應於現任內調補之員如試用人員內原係候補及發往之後曾經題署得職緣事離任後經別補亦准遴選署理其有將初任試用未經得缺人員徑行題署調補之缺概不准行又佐雜等官准咨報要缺者應於現任內遴選調補其餘悉歸部選應將各省以佐雜補用試用人員遇有應歸月選之缺該督撫酌量才具咨部補用應行委署者咨部委署果能稱職別請實授一例附入月分彙題至應行調補要缺令該督撫悉行照例於現任內遴選調補其有命往以佐雜補用及留於本省候補並試用佐雜內有原係候補並曾經咨署得職亦准酌量遴選



補用署理如有將初任試用佐雜請署調補之缺者亦不准行。○八年奏准試用佐雜大銜借補小缺人員有應行調補之缺在該員原銜以下者亦准該督撫酌量咨部調補。○二十四年奏准各項捐納分發人員俟到省差委一年後方准題咨補缺。○又議准捐納分發人員題咨到部其員缺業經選補籤掣有人不得將部選之員扣除另補。○三十四年奏准揀選分發舉人以升調所遺選缺知縣題署及州同等項借補迄今三載未經補缺者人數尚多嗣後各省

知縣應歸月選缺內有告病及病故休致三項缺出令該督撫將一等舉人酌量揀選隨本題署。○四十四年奏准嗣後各省試用佐雜人員如果係候補者聽該督撫酌量才具分別咨補咨署外其餘初任試用人員止令咨部試署一概不准咨補仍俟試看期滿如果稱職方准實授。○四十五年奏准嗣後各省試用從九品止准以各項從九品並從九品以下等官補用概不准咨補吏目以符體制。○又奏准揀發各省試用及曾經得缺仍赴原省候補佐雜等項人

員指缺咨補到部遇原缺雖經銓選有人尚未具題仍照舊准其咨補將部選之員扣除另選如已在具題之後即照州縣以上人員業經引見奉

旨之例概不准外省咨補。○五十六年奏准拔貢以知縣分發令該督撫詳加察看果能勝知縣之任者以到省之日起扣滿二年之限以升調所遺之缺題請試署。○嘉慶六年奏准外省捐升人員僅捐雙月及未捐足班次如奉

特旨准其留省補用均令其補足不論雙單月方准題補。○十年奏定各省拏獲盜犯等項著有勞績人員引

見發往原省以何項官員用者准其遇缺先補其餘病痊親老終養降革捐復開復引

見發往原省並因錢糧開復留省補用人員如原任內業已實授仍照舊例補用如尚未實授或原係揀發委用俱不准歸於委用班內先儘補用俟遇有該省升調所遺缺出各按到省日期先後與初任揀發之員分班輪用。○十三年

諭各省分發候補道府人員有由特旨揀發者有由報



捐籤掣者。其人數之多寡。年分之久暫。以及才具之賢否。俱無從知悉。自應詳加甄覈。免致濫等。著交吏部議定章程。酌分年限。令該督撫等詳加試看。將分發各該省道府若干員。才具是否堪勝外任。分別繁簡奏聞。以憑稽覈。其有才具實在平庸。難期勝任者。即據實奏明。毋稍徇隱。或應行降補。或改用閒曹。候旨敕部議覆施行。○又定。各省委用試用道府。除該省有題調缺分者。仍照例遇有升調遺缺。方准題補外。如無題調之缺。省分應於部選之告病。病故休致。三項所出之缺內。扣留題補。○十四

年

諭據阮元奏。察看試用道府。分別酌擬一摺。各省試用道府人員。均屬初膺外任。該督撫原應隨時甄別。以收實效。今浙江試用知府內殷華一員。既察看其才具平常。未諳政事。惟年力正強。尚堪造就。著將該員降補同知。留於浙省酌量補用。又張大成一員。才具本甚平庸。兼以精力衰頹。兩耳重聽。不特難膺方面。即降補丞倅。亦豈能冀其稱職。即著原品休致。嗣後各省督撫。均著照此秉公覈實辦理。○又奏准軍營出力保奏奉

旨。應升知府人員。如該省並無題缺。知府即將選缺內告病病故休致。三項所出之缺。補用。○又定。各省大挑舉人。試用知縣。遇有告病病故休致之選缺。以一缺題補。各項即用。以一缺題補。大挑舉人。○十五年奏准。各省試用直隸州知州。如才不勝任者。以府屬通判降補。○十七年奏准。地方試用知縣。調赴河工。及催漕出力。保奏儘先補用者。遇升調所遺之缺。俱於各本班到班時。先儘補用。不積本班之缺。○又奏准。河工缺出。自同知以至佐雜等官。如有欽奉

特旨留工之員。仍照例先儘補用。至各項人員。保奏奉

旨留工者。究與

特旨留工之員。有開先用保奏奉

旨留工之員。一人。次儘仍赴原工。一人。兩項相間輪

用。輪至第五缺。用投效分發試用一人。○又議

准各省獲盜引

見仍發原省。以知縣用之員。除本係試用知縣。不論

何項缺出。先補外。其有佐雜。以知縣用之員。即

照試用人員之例。於引



見回省後試用一年期滿遇有升調所遺缺出歸入  
 大批班後補用一人。○十九年議定道府同知  
 直隸州知州通判知州如該省有奉  
 旨命往之員准扣留題請補用如無候補之員其委  
 用試用人員俟升調所遺之缺准扣留題請署  
 理。○又定例應題補之缺除知州知縣二項不  
 准將試用人員請補外其餘各缺如試用人員  
 內有能勝任者准其一體揀選題署。○又定各  
 省知縣升調所遺應歸部選缺出用各項候補  
 即用一人。委用一人。大批一人。各項候補即用  
 一人。委用一人。議敘一人。各項候補即用一人。  
 委用一人。捐納一人。拔貢試用年滿知縣一人。  
 拔貢補用兩班之後用教習分發知縣一人。如  
 拔貢兩班到班時適遇拔貢無人即以到班之  
 教習接補周而復始如候補無人即補委用如  
 委用候補俱無人即以大批等班試用人員輪  
 補至告病病故休致三項缺出應歸月選者以  
 一缺題補各項候補並即用之員。一缺題補大  
 批舉人。仍按到省名  
次先後題補如候補即用無人仍專用  
 大批舉人。○又定捐納分發各官俟到省試用

一年後方准題咨補缺拔貢分發知縣俟到省  
 二年後准以升調所遺俟大批議敘捐納輪用  
 一班之後題署一人分發人員內有平庸不堪  
 錄用者該督撫查明請  
 旨賞給職銜令其各回原籍。○又定各學教習期滿  
 知縣分發各省試用者到省二年後遇升調所  
 遺應歸部選缺出俟拔貢補用兩班之後按到  
 省先後題署一人。○道光三年奏准新進士分  
 發各省即用知縣遇應選之缺按甲第名次補  
 用其應題應調之缺先儘酌量補用。○十年議  
 覆委用大批知縣遇病故休致遺缺出時大批  
 到班應與試用大批人員酌量題補如遇升調  
 遺缺則專俟委用到班方准題署大批到班不  
 得以委用大批攙補。○又議覆各省佐雜曾經  
 得缺未請實授仍赴原省委用人員如到省逾  
 限並在部呈報服滿人員應以到省之日起扣  
 滿一月後所出之缺方准咨補未滿一月以前  
 所出之缺概不准補。○二十年議准各省保舉  
 俸滿教職引  
 見以知縣用之員按各員從前引



見之日起扣足三年如尚未銓選即隨時取具同鄉京官印結於每月二十日以前投遞驗到附入月官驗看掣籤發往照教習之例試用二年令該督撫照例甄別按班序補○咸豐九年

論吏部奏孝廉方正知縣懇請分發試用一摺向來各省保舉孝廉方正各員引見後以知縣用者例應雙月單月歸部銓選茲據該部奏候選知縣孫長順等呈稱銓選無期不甘自棄自應量為變通俾得及時自效著准其籤分各省照拔貢知縣試用二年之例期滿後歸於拔貢補用一人之後將孝廉方正補用

一人其以州同州判用者亦准其一體分發歸於試用班內序補○同治四年奏定優貢

朝考知縣呈請分發照教習知縣試用二年之例期滿甄別留省後歸於教習知縣補用一班之後補用一人○十一年奏定道府同知直隸州知州通判知州遇輪補升調遺病故休選缺先儘候補班前酌補一人次將候補正班酌補一人題調要缺先儘記名截取分發人員酌量請補如實係人地不宜始准聲敘以各項候補人員請補參革降補改教各選缺其記名分發人

員與各項候補人員一體酌補遇丁憂終養迴避撤回各選缺先儘記名分發人員請補不准聲敘人地未宜如記名分發無人准以各項候補班前候補正班人員酌補其原係記名簡缺人員分發到省後專以選缺補用不得補題調要缺如非正途出身者分發到省後無論題調選缺歸於各項候補人員內一體酌補不得先儘補用○又定候補委用試用道府同知直隸州知州通判知州補升調所遺選缺及候補人員補病故休選缺並無題調道府缺省分委用試用人員補病故休選缺應行分班積缺至道府直隸州知州知州遇應用候補時先儘科甲出身人員如不合例或人地不宜須詳細聲明以各項出身候補人員准補○光緒二年奏准歸班文進士繙譯進士俟本科截取赴部投供後准隨時呈請分發籤掣各省試用一年照例甄別留省按照到省先後如日到省按科分甲第名次遇有升調所遺選缺歸於捐納之後拔貢之前用截取進士一人○四年議覆同知丁憂選缺迴避即用與截取候補同時到班查



裁缺即用迴避即用留省另補均係曾任實缺  
應行還缺人員班次較優應先儘迴避人員請  
補○九年議覆截取記名道府直隸州知州同  
知通判正途出身分發到省後遇叅革降補改  
教三項選缺與丁憂終養迴避撤回四項選缺  
一併先儘請補不准聲敘人地未宜如無人准  
將各項候補人員酌補○十年議定各省例應  
題補各缺除知州知縣三項不准將試用人員  
請補外其餘道府同知直隸州知州鹽提舉通判各項如委用試  
用人員內有能勝任者一體揀選題署其應於  
現任調補之缺若該省有候補人員及曾經題  
署得缺緣事離任後經仍赴原省者俱准揀選  
署理其有將初任試用未經得缺人員徑行題  
署調補之缺者概不准行○又定各省應題應  
調知縣缺出由該督撫照例揀選題補外其升  
調所遺應歸部選缺出以一缺題補各項候補  
並進士即用人員以一缺題補各項委用人員  
以一缺題補各項試用人員試用班內按大挑  
議敘捐納三項輪用一班之後用截取進士知  
縣一人拔貢知縣一人孝廉方正知縣一人拔

貢及孝廉方正用過兩班之後用教習知縣一  
人優貢知縣一人教職知縣一人截取舉人知  
縣一人以上各項試用人員有因軍營出力及  
拏獲盜犯並承辦各項要務著有勞績保奏凡  
係應歸候補班者均歸候補班內補用其候補  
即用委用及各項試用人員有因勞績出力應  
歸本班儘先補用者各按本班到班時先用一  
人不積本班之缺此內各項班次惟拔貢教習  
教職正班到班無人准以進士即用儘先與進  
士即用本班人員酌量抵補截取進士優貢截  
取舉人正班到班無人准以大批儘先與大批  
本班人員酌量抵補至拔貢教習教職截取進  
士優貢截取舉人儘先係屬插補班如輪補到  
班無人即行過班此外如即用無人專用候補  
候補無人專用即用即用候補均無人即用委  
用委用又無人即以大挑等班試用人員輪用  
其本項試用無人即將其次到班之試用人員  
輪補○又定各省道府丞倅州縣佐雜等官之  
各項即用候補委用並試用業經期滿仍回原  
省試用及改掣他省試用到省後適遇到班即



准補缺之員。令該督撫查明該員到省時有無逾限。如在限內。即到省後。下月所出之缺。准其補用。如逾限到省。將逾限之月。一併扣除。俟下月所出之缺。方准補用。在部呈報服滿先行回省人員。俟人文到齊。作為服滿回省。下月所出之缺。方准補用。其告病病痊。捐免坐署人員。亦以接到捐免。知照下月所出之缺補用。○又定。各項候補。即用委用試用人員。有經降革開復者。除誤被揭參及經徵錢糧。原係實欠在民。續報全完。毋庸送部引。

見外。其餘無論本案及另案開復。以及經徵錢糧。續報全完。查係虧欠挪移者。照本案開復之例。俟調取引見。

引

見回省後。方准按班序補。其有於未經引。

見以前。遽行請補者。概不准行。

升調官員事故。隨本開復。○乾隆四十五年奏。准外省四五品以下各官。任內有降革留任事故。如奉。

恩詔開復。未經造冊報部之前。該員適遇升調。准該督撫隨本另備咨文。逐案聲敘。吏部議覆時。隨

本數明開復。仍令各督撫於彙咨冊內。詳細聲明查覈。



欽定大清會典事例卷六十一

吏部

漢員選選試用人員補缺次序直隸州知

州題補即升人員參罰處分仍

保題運副運判題補銜禁疏難各項

揀選調補佐貳要缺調補試用人員仍

發原省一等舉人以知縣佐貳分別補用

河工服關假滿仍准留工督撫不准隨

帶人員

試用人員補缺次序○乾隆四十八年定各省

凡係督撫奏請揀發試用以及試署未經實授

仍赴原省試用者或奉

旨命往或係曾經得缺之員該省遇有相當缺出先

儘此項人員補用不得以分發各員越次攬補

○又定捐納議敘並大挑分發人員各該督撫

均按到省日期先後其間有告假等項離省者

除去離省年月扣明實在試用日期多寡按照

次序每季造冊咨部查覈遇有缺出應行補用

之員按班各計先後補用其具題出咨日期亦

一體分別先後不得攬越○又定捐納分發道

府並捐納議敘之同知通判直隸州知州及府

屬知州俱為數無多毋庸另立班次遇有缺出

議敘與捐納人員統較試用日期先後挨次題

補○又定分發知縣遇升調所遺缺出用大挑

舉人一人議敘一人捐納一人各按到省日期

三班輪用其大挑舉人補用告病病故休致之

缺不在輪用班次之內○又定捐納議敘分發

佐雜等官遇有缺出用捐納二人議敘一人各

按試用日期多寡兩班輪用大挑舉人係捐納

議敘輪用一班之後准其借補一人均各計各

缺如無借補之大挑舉人即以捐納議敘按班

輪用佐雜內有以大銜借補小缺或對品借補

者仍與小缺及對品人員較到省先後如日期

在前方准借補○又定各省試用人員該督撫

務於平日細加體察如有才不勝任者隨時甄

別參處不得俟該員輪屆應補之期始以人缺

不宜將名次在後人員題咨補用○又定官員

因親老改掣近省丁憂服滿仍赴原掣遠省試

用如從前在改近省分試用已過一年者即毋

庸另行試看試用未滿一年者亦准前後積算

與捐納分發各員統較日期先後序補○五十

二年議准各省首領佐貳雜職凡大銜借補小

缺人員按其品級遇有缺出分別咨補咨署從







捐納議敘教習並試用期滿業經甄別之員。各督撫查明該省選缺數目。將試用知縣各按次序減半扣留。有情願回籍者。令詳明督撫請假回籍。免其查扣離省日期。仍按初次到省先後挨補。如名次在當留之列。告假回籍者。仍查扣離省日期。以示限制。惟丁憂回籍者。無論是否當留。免其查扣。吉病離省者。無論曾否期滿。均一體查扣。至名次不在應留之列。情願留省試用者。亦准其留省差委。仍俟應留之員。補用一人。將回籍名次在前之員。咨取一人來省。並將咨取日期。報部查覈。○道光四年議定。各省道府向知直隸州知州。通判知州。凡係初任揀發委用。以及試署未經實授。仍赴原省委用者。遇升調所遺應歸月選之缺。各項候補無人。准該督撫酌量署理。如委用無人。以各項試用人員。按班序補。知縣一項。如係初任揀發。並試署未經實授。仍赴原省。應歸委用班內補用者。均按到省日期先後。挨次輪班補用。○又定。孤缺無缺人員。大銜借補小缺者。地方人員。專以地方之缺借補。鹽員專以鹽員之缺借補。不得互相

借補。其孤缺無缺人員。情願借補者。各督撫先行咨部存案。於季報冊內。各員名下註明。遇借補到班時。按到省先後。挨次借補。○又定。河工人員。專以河缺無論本項是否有人。俱照品級借補。先儘人員。無論何項到班。聽河督擇其諳練河務者。酌量借補。次儘人員。俟次儘試用二項到班。准其借補。分發初任試用人員。俟試用到班。方准借補。不准借補先儘次儘之缺。借補之員。不積本班之缺。○又定。各省應補分發三缺後用之員。到班時。適遇議敘分缺間用。並五缺借補。及正班議敘人員。四項同時到班。應先用間用。次用應補分發三缺後用之員。再用五缺借補之員。方用議敘正班人員。○又定。親老改掣近省。丁憂服滿。仍赴原掣遠省試用人員。如有與在遠省試用人員日期相同者。先用在省試用之員。次用仍赴原掣遠省之人。至捐納人員。按籤掣名次補用。應以前掣近省年月。統歸於遠省同月掣籤之後補用。如遠省試用人員。並無與仍赴遠省之員同月者。即以近省掣籤之日。作為到省日期。挨次補用。如是月不止



一人即以原改近省憲綱為先後序補。○七年議准。曾經實授之從六品至從七品等官。並鹽庫大使。丁憂服滿。報捐分發者。到省一年期滿。俟初捐人員補用三缺後。補用一人。其同知通判。服滿報捐分發者。到省一年期滿後。遇升調所遺之缺。按一應補一分發。一捐納。相間輪用。○二十一年議准。捐納佐雜分發各省。除咨報要缺。止准將候補委用人員酌量補用外。如遇部選缺出。用候補一人。委用一人。捐納一人。捐納輪用兩班之後。用議敘一人。按班挨補。若候補委用無人。即行過班。此內直隸州州判。府屬州州判。府經歷。縣丞。庫大使。七項缺出。如各本班無人。准以大批借補。如本班有人。仍按班輪用。○二十三年議定。各省補用委用試用人員。如奉旨儘先補用。如奉旨日期在出缺以後。及各項奏留奉旨。在後。並在省病痊。捐免生署。及迴避對調。經部議駁。撤回。另補等項。接到部文在後。及大批拔貢。教習。教職。分發知縣。並各項試用。期滿在後。出

缺在先者。均不准題咨補用。○又定。捐納分發道府。並捐納議敘之同知通判。直隸州知州。及府屬知州。業經試用期滿。甄別留省。遇有丁憂回籍。免其查扣離省日期。服滿後。即行領咨。按限赴省。如到省在程限以外者。即將限外日期查扣。其告假等項事故。及試用未經期滿。丁憂回籍者。回省後。仍將離省日期一體查扣。○又議定。孤缺無缺人員。有情願借補者。均於試用期滿時。具呈該督撫。即於甄別文內咨明存案。將來借補到班。仍按到省先後序補。其有期滿時並不具呈。續呈請借補者。概不准行。○光緒十年議定。佐雜等官。如由初任揀發。及試署未經實授。例應仍赴原省。委用人員。遇應歸月選缺出。與候補試用人員。分班輪補。其候補委用人員。輪補到班時。各按各班聽該督撫揀選才具酌量補用。○又定。外省各官。奉旨命往補用。如候補初任人員。應俟到省一年後。期滿甄別奉旨。及到部後。下月所出之缺。方委用。及各項曾經得缺。試署未經實授。例應仍赴原省。並試用期滿。仍回原省。或改掣他省試用。毋庸掣籤序補。不扣試用年限。到省



即准補缺之員。無論在部領照。或由原籍領咨赴省。不得補到省同月之缺。未經逾限者。下月所出之缺。即准題咨補用。如逾限到省。仍扣滿一月。俟再下月之缺。方准補用。○又定。道府以至未入流。捐納勞績。各項候補。委用試用各員。有無事故。令各督撫於每年春秋二季。造冊報部查覈。其捐納議敘。大挑。及截取進士拔貢。孝廉方正。教習優貢。教職。截取舉人。分發試用知縣。各督撫均按到省日期先後。照依次序。遇有缺出。將應行補用之員。按班各計先後補用。其具題出咨日期。一體分別先後。不得越次。○又定。外補各官。如因親病危急。告假回籍省視。並祖墳年久失修。告假回籍修墓。以及資斧缺乏。告假回籍措資。或赴別處措資者。均准該督撫給假。道府以至佐雜。俟回省銷假後。凡遇缺先分缺。先分缺間。委用班次。有班可扣之員。省親者到班時。扣補一班之後。措資者扣補兩班之後。方准序補。候補班次。係歸酌量補用。如酌補升調。道選缺。省親者扣補一班後。措資者扣補兩班後。方准酌補。如酌補丁憂。參革各項所遺

選缺。並酌補要缺。如遇題補缺出。委用人員。准揀選題署。如有告假。省親者扣補三缺後。措資者扣補五缺後。方准一體揀選。○又定。捐納分發道府。並捐納議敘之同知。通判。直隸州知州。及府屬知州。遇有缺出。議敘與捐納之員。統較試用日期先後。挨次題補。○又定。曾任實缺之道府。以至佐貳等官。丁憂服滿起復。例應赴部應補候選。及例不投供在籍候選之曾任實缺。丁憂服滿起復佐雜各員。除照例銓選外。如願呈請分發者。即赴部呈請分發。仍赴原省。歸候補班補用。到省後。毋庸甄別。准以繁簡各缺請補。知縣一項。如係曾任選缺之員。應專以選缺補用。不得請補繁要之缺。○又定。拔貢。朝考。詢問。以直隸州州判用。孝廉方正。以直隸州州同。州判。佐雜等官用人員。均准其隨時呈請分發。附八月官驗看。籤掣省分試用。一年期滿甄別。留省後。均歸於試用班內。俟試用班補用一人之後。補用一人。直隸州州判。先用拔貢。州州判。次用孝廉方正。呈請分發。○又定。各省捐輸人員。自籌餉例積缺起。俟捐納正班。無論新舊用過二人之後。接用



捐輸正班一人。等餉例有新班遇缺先新班遇分缺間各項班次輪用一人。捐納未到班之先。用分前一。無。用分先。既到班之後。用分前一。無。用分。

直隸州知州題補。○原定直隸州知州員缺。令各省督撫於本省知州內。遴選賢能之人。引見調補。如無可調之員。即令於知縣內。擇其才守素著。明敏練達者。保題升用。○乾隆十六年議准。嗣後直隸州知州升轉。與同知一同較俸升用。知府等官。不必與府屬知州較俸。仍升同知。其府屬知州題補直隸州知州者。照題升之例辦理。○二十九年奏准直隸州知州員缺。例由知縣題升。將京縣知縣與外縣知縣一體保題。○四十年議准。嗣後直隸州知州員缺。不准於所轄屬員內題升。○四十五年奏准。嗣後直隸州知州題調缺出。仍令該督撫遵照定例。於現任州縣。並曾任州縣之同知內。擇其才守素著。明敏練達者。保題升調外。如一時無可升調之員。即於現任通判內。查其曾任知縣者。一體揀選。分別升用。仍送部引見。恭候。

欽定。其非由知縣出身人員。仍不准保題升用。○嘉慶十九年議定。直隸州知州應歸部選之缺。由部行文六部。理藩院。步軍統領衙門。令該堂官分別滿漢主事。將本任內曾經京察。先儘一等人員保送。如一等無人。准以二等及歷俸三年以上人員內。秉公遴選。擇其才具優長之員。出具切實考語。保送過部。彙齊帶領引見。記名後。滿洲漢員合為一班。遇有缺出。統較本任歷俸先後升用。銓選班次。詳雙單月銓選例內。其在外題補之缺。令該督撫於本省知州知縣內。擇其才守素著。明敏練達者。保題升用。仍照題升之例辦理。如無可升之員。即於曾任州縣正印之現任同知內。揀選調補。如再無可調之員。即於曾任知縣正印之現任通判內。一體揀選。保題升用。該督撫給咨。送部引見。可否准其補用。升用。恭候欽定。其非州縣出身之同知通判。不准升調。至所屬之知縣。亦不准徑行保題。以杜瞻顧。直隸省遇有應題直隸州知州缺出。京縣知縣一體揀選保題。○光緒元年議准。嗣後直隸遵化易州兩



直隸州知州缺出。先以大宛二縣知縣升補一次。不計有無。再以前天所屬並直隸合屬人員升補一次。先儘車馬。此外直隸州知州仍照舊章辦理。○二年議准直隸遵化易州兩直隸州知州缺出。先儘大宛二縣知縣升補一次。次將清苑縣知縣升補一次。又以大宛二縣知縣升補一次。再以順屬直屬人員揀選一次。先儘車馬。以四缺為一周。○六年議准嗣後遵化易州兩直隸州知州缺出。先以大宛二縣知縣升補一次。次以清苑縣知縣升補一次。又以大宛二縣知縣升補一次。再以順屬直屬人員揀選一次。復以大宛二縣知縣升補一次。至第六缺以天津縣知縣升補一次。以六缺為一周。其餘直隸州知州缺。仍照定例。大宛二縣升補一次。順屬直屬人員升補二次。○又議定保送直隸州知州。毋庸行文咨取。即由六部等衙門隨時保送。其出差京通各倉人員。亦准倉場衙門出具考語保送。合例者帶領引見。請旨記名後。遇有缺出。按記名日期。並本任內俸次先

後。單月滿員。滿漢單班。與漢員。雙月漢員。與滿員。相間輪用。其記名人員。准其呈請分發各省。歸候補班補用。其在外題補之缺。仍照舊例辦理。即升人員。參罰處分。仍准保題。○乾隆五年議准。各省保薦即升人員。比照保題行取之例。任內如有降革留任之案。亦准保舉註冊。俟開復銷案。再行升用。其降俸降職罰俸住俸等項。參罰。仍准升用。將降俸之案。帶於升任。○嘉慶五年奏准。保薦人員。業經擬升。遇所升之缺扣留。應歸原班及五缺後用。而於擬升之後。續有降革留任之案。該員業經推升扣除。已屬無任可留。應於另補時。將降革留任各案。帶於新任。運副運判題補。○雍正十三年奏准。各省鹽運使司運副運判員缺。令該督撫會同鹽政於現任屬官內。遴選具題。送部引見補授。○乾隆七年奏准。江賑議敘條款內。開運副運判。例不歸月選。係在外題補之缺。此項議敘人員。人文到部。籤掣省分。令其先赴該省委用。遇有員缺。不論日期先後。先將議敘之人題補。



一人再將應升之人照例揀選題補一人輪流  
間用○九年議准捐納運副運判等官籤掣省  
分題咨得缺時照初任官員之例送部引

見補授○十年奏准各項開復人員例以原官補用

惟運副運判係在外題補不歸月選此項開復

應補各官既不歸於部選未便令其在部候補

即比照捐納運副運判之例將該員等籤掣省

分令其先赴該省委用此內如未經引

見發往者照例於得官之時送部引

見如業經引

見奉

旨補用者免其送部引

見嗣後凡有似此應補各員人文到部悉照此例遵

行○十三年議准運副運判等官一升一捐分

班間用應升之員係在外於通判知縣等官內

揀選題升惟通判知縣等官升用之途尚廣運

副運判則多人共守一缺守候無期應將部發

捐納人員先儘補用俟補用完日仍照定例辦

理○二十六年奏准運副原有告降通判之例

有情願告降者即就近呈明咨部留省補用至

運判計其到省在五年以上尚未得缺亦准該  
督撫擇其才力尚堪驅策遇有中簡知縣調補

所遺員缺與試用人員一體酌量試署如才堪

勝任並無貽誤俟試署年滿出具確實考語送

部引

見可否准其補授之處恭候

欽定補授後俱照現缺計俸升轉遇有運副運判缺

出不得再以該員請補○三十九年奏准捐納

分發運副運判照鹽庫大使之例一併驗看帶

領引

見發往試用得缺時毋庸再行送部引

見○四十年議定運副運判二項均係在外題補之

缺分發試用人員毋庸拘以年限始准題補再

丁憂服滿降革開復人員到部籤掣省分一體

帶領引

見發往○又定捐納人員按四新一舊新班無人專

用舊班舊班無人專用新班○四十七年議准

運副運判各省按一應補一捐納仍各按試用

日期先後補用○嘉慶三年奏准捐納人員按

三新一舊挨次補用○十五年議准運副告降



通判。呈明留省。遇有調補所遺中簡通判缺出。照例題署。毋庸與捐納人員比較試用日期。如運判到省在五年以上。尚未得缺。補足知縣捐項銀兩。請以知縣改補者。亦准遇有中簡知縣調補所遺員缺。按從前到省日期。與各例試用人員一體比較到省先後題署。鹽經應補足鹽大使銀數後。亦按從前到省之日。准其與輪班應補之試用鹽大使比較先後補用。○道光二年議准。嗣後遇有運判缺出。除若有勞績即用先用人員。先儘補用外。按一應補一委用。

一捐納相間輪用。○三年議准。鹽經應補足鹽大使銀兩。歸於鹽大使班內補用者。以改捐之日。作為到省日期。與本班輪補人員比較先後補用。○二十年議准。嗣後運判告降通判於具呈後。運判改捐知縣。毋庸定限於上庫後由該督撫鹽政知照到部。將該員入於通判知縣統配各省籤內。除該員現在省分外。另掣一省發往。俟該員到改掣省分後。另扣試用一年期滿。與到班人員比較到省先後。題請署理。○光緒六年議准。嗣後各省運判通判。各按各班均分

為兩班。以一缺先儘即用。先用人員補用。如無人。按一應補一委用。一捐納三班輪流補用。以一缺照籌餉例補用捐納人員。其應補委用捐納到班之前。先用各本班前一人。不積各本至捐納到班時。插用分缺先前一。無入用分缺如用過正班後。插用分間前一。無入用分缺如用過於現任屬員內。揀選具題。○十年議定。運判經應三項補捐銀兩。無論舊例新例人員。均令按照籌餉例定銀數報捐。

銜繁疲難各項揀選調補。○雍正九年議准。除道府員缺。係請旨補授。並沿海沿河苗糧煙瘴。及一切應行題補調補之缺。無論四項或兼或全或專。及並非銜繁疲難。均令督撫遠選具題外。其同知通判知州知縣內。督撫冊報銜繁疲難四項三項相兼者。令該督撫於現任屬員內。揀選調補。二項一項及並非銜繁疲難者。悉歸月分銓選。於考試履歷呈時。將員缺註明。俟旨簡用。○乾隆元年議准。道府員缺銜繁疲難四項三項者。開列缺單。請



旨簡用。二項一項者。歸於月分銓選。

佐貳要缺調補。○雍正七年

諭。各省佐貳微員。有地方職掌緊要者。亦有新設新移。正需料理者。必須於眾員中。揀選才具稍優。熟練事務之人。方克勝任。著各省督撫。將佐貳緊要之缺。察明具奏。交與該部註冊。遇有員缺。該督撫揀選題請調補。如本省乏人。或將別省所知現任之員題補。或請旨揀發。永著為例。○十三年議准。各省佐雜要缺。均令督撫揀選。咨部調補。由部查明與例相符。將各員詳晰開明履歷。並督撫考語。按月彙題。

俟

命下之日。由部行文知照。准其補授。○乾隆三十七年奏准。各省佐雜要缺。儘一時無合例可調之員。即將揀選一等舉人試用知縣借補。仍照知縣品級升轉。其調缺內有三年五年俸滿即升者。概不准其借補。○道光四年議定。直隸州州同。州判府屬州州判。府經歷縣丞布庫大使。各要缺。儘一時無合例可調之員。准將揀選一等舉人試用知縣借補。仍照知縣品級升轉。大

使亦一等舉人應借之項。但係鹽務揀補之缺。不在地方佐雜之內。

試用人員仍發原省。○乾隆五年奏准。凡各省委署試用人員。未經實授者。丁憂服滿。降革開復。令其即由本省督撫給咨該員。仍赴原任省分委署試用。咨部存案。至降革人員。應行引見開復者。俟奉

旨准其開復後。由部給照發往原省試用。○八年奏准。升署未經實授人員。丁憂服滿。令其仍赴原任省分。交與該督撫遇缺酌量題署。○十二年奏准。道府為方面大員。起復赴部。由部奏明發往原省。交與該督撫酌量題署。○三十年奏准。

調簡人員。未經引

見。丁憂回籍。嗣經起復。吏部將該員帶領引見。可否准其仍發原省。以相當簡缺題補之處。恭候欽定。○嘉慶五年奏定。緣事降革。援例開復。應仍赴原省之道府。向由部給照發往。並不奏明請

旨謝恩請

訓。未免兩歧。嗣後一體奏明請旨。以重方面。○十六年議定。各項例應仍赴原省人員。有經各原籍督撫給咨該員赴部候補者。亦



准其就近在部呈請給照赴省。○光緒十年議定。試用及試署未經實授之病痊例應引

見人員。如奉

旨仍以何項官員用。或降革應行引

見開復者。俟奉

旨准其開復後。吏部均給予執照。發往原省委用。試

用。其例不引

見之佐雜等官。有病痊假滿者。除旗員准其出具圖

結赴部呈請給照。仍赴原省委署試用外。其漢

員均由本省督撫給咨。仍赴原省委署試用。不

准赴部呈請給照赴省。至委用試用人員。緣事

降革。後經捐復原官者。准其赴部呈請給照。仍

赴原省。其降等捐復者。吏部另以各省籤掣分

發。不准仍赴原省。惟教職一項。例不出省。如有

降等捐歸教職者。應歸捐納分發教職班內試

用。至道府為方面大員。如有起復。並緣事降革

援例開復赴部之員。查前任內未經實授。均由

部帶領引

見請

旨發往原省。交與該督撫酌量題署。

一等舉人以知縣佐貳分別補用。○乾隆三十一年奏准。大批分發各省之一等舉人。於到省

後。該督撫通行甄別。分為兩班。心地明白。試有

成效者。即以知縣補用。才識中平。尚堪學習者。

先以佐貳借補。果能有志向上。留心吏治。再以

知縣調補。該督撫分別奏明註冊。仍按試用日

期輪班補用。其以原銜借補直隸州州判。府屬州判。

州判。府經歷。縣丞。鹽庫大使等項之

後。有丁憂回籍。嗣後服闋。不准照大銜借補小

缺之例。一體赴部。照知縣補用。由本籍督撫給

咨。仍發原省。令該督撫仍以佐貳等缺酌量補

用。詳加試看。如果堪勝民社之任。再以知縣調

補。○五十五年

諭。向來大批一等舉人。分發各省。以知縣試用。並令督

撫等察其才具。嚴加甄別。原為慎重地方起見。不得

以庸劣之員。濫等貽誤。其人果能勝民社之責。自應

補用知縣。而拘執無能。或年老者。即當以佐雜教職

等官改補。奉行已久。嗣經條奏。多列例款。於兩字一

字之外。復加以專簡無字之缺。將此等大批人員。分

別補用。既屬繁瑣。亦明係寬設其途。為庸劣之員。姑



容地步。此例不可行。著軍機大臣會同該部另行妥議具奏。欽此。遵

旨議定。嗣後一等舉人到省後。令各該督撫切實甄別。詳加察看。其有果能勝民社之責者。即以知縣用。其拘執無能年老者。分別題明。以佐貳教職。改補。概不准其分別專難專銜一字兩字等缺。以昭慎重。○五十七年議定。大批一等舉人甄別以知縣用者。如一時無相當員缺。准其以原銜借補直隸州州同等缺。借補之後。丁憂服闋。由本籍督撫給咨。仍發原省。令該督撫仍以佐貳等缺補用。再以知縣調補。甄別以佐貳改補者。遇有直隸州州同等項缺出。准其補用。各照現補之缺。計俸升轉。其甄別以教職用者。歸部銓選。○六十年議准。大批分發各省一等舉人。到省後。該督撫切實甄別。能勝民社之責者。即以知縣用。其拘執無能者。分別以佐貳教職改補。令該督撫隨案咨部備數。吏部附入年終彙奏。○嘉慶五年議准。大批一等舉人甄別以知縣用者。如一時無相當縣缺。即以佐貳借補。仍以借補佐貳之日。扣滿三年。方准調補繁缺。知

縣。若請調中簡知縣。仍歸大批本班。與未經借補各員。統較從前到省試用日期先後。按班敘用。○二十二年議奏。大批一等舉人。分發河工甄別以知縣用者。先以直隸州州同州判府屬州同州判府經歷縣丞咨署。俟經歷三汛保題實授。遇有沿河調缺知縣缺出。准其調補。奉

旨。此項大批一等分發河工人員。著定為試用二年。經歷六汛後甄別。該河督秉公察看。其能通曉河務者。留工照新定章程。分別補用。如河務不能練習。而才具尚堪膺民社者。奏明改撥地方。仍以知縣補用。其才識迂拘者。以教職改補。○道光十一年奏准。大批一等舉人。借補中簡佐貳之缺。於大批本班到班時。即按科分名次先後調還。不得將其次之員攙補。如借補要缺佐貳。即毋庸於到班時。再補選缺知縣。准其借補到任之日起。扣滿三年。或調繁缺知縣。或照原銜升轉。聽該督撫酌量辦理。○同治十一年奏定。布政司經歷理問庫大使。三項缺出。除新班遇缺先。新班遇缺人員不計外。輪用各項班次時。先用本項各班一人。再用大批借補一人。相間輪用。本項無人。即專



以大挑借補。借補後如遇大挑原班到班。准其調還。選缺知縣。未經調還以前。歷俸已滿三年。准照原銜升轉。

河工服闋假滿。仍准留工。○乾隆四年議准。凡河工效力人員。丁憂治喪。除未經得官。及題咨委署。尚未實授者。俟服闋假滿之時。令原籍督撫給咨。前赴河工。聽候該督酌量委用。仍咨部存案。其已經實授得官人員。於該員丁憂治喪之時。令該河道總督詳查。如係諳練河務。或該員情願前往河工候補。准其於題咨內聲明。俟

服闋假滿後。即由原籍督撫給咨。前往該省河工。聽候河督題補。並咨部存案。其未經聲明留工者。仍照例給咨赴部別補。○三十七年議准。現任河工人員。如有迴避總河者。即令其離工。仍以別省河工省分。籤掣分發。遇缺題補。○嘉慶五年議准。河工升署。未經實授之同知通判。丁憂服闋。照地方人員之例。原籍督撫給咨送部引

見。或照升銜發往原工。或仍以原官發往之處。恭候欽定。其升署未經實授之佐貳等官。服滿亦准仍赴

原工。但止准照原官補用。不准照未經實授之升銜補缺。○道光八年議覆。佐貳病痊起用之員。令其赴工差委。俟伊原缺出時。咨部坐署。○光緒十年議定。河工人員迴避河督者。令其離工。以別省河工。籤掣分發。分別遇缺題補。及歸原班補用。

督撫不准隨帶人員。○乾隆二年議准。凡各省督撫。除河工效力外。如有赴任之時。奏請將平日所知人員帶往。以備委用者。概不准行。若調任後。於前任屬官內。確知有才能出眾。人品卓越者。准其保奏送部引

見恭候

欽定。○嘉慶七年

諭。據砥柱奏。署直隸總督熊枚。請將御史費錫章。隨往在署幫辦事務。殊屬冒昧。請嗣後嚴飭在京大臣。奉命署理督撫者。不得援以為例等語。所奏甚是。御史係屬言官。本非大臣。可以隨帶之員。前熊枚面奏。懇將費錫章隨往。朕即覺其所奏未協。因伊係署任。暫時姑允所請。嗣熊枚到任後。旋據奏請。先令費錫章回京供職。業經批諭該署督奏請帶往。原屬冒昧。並



令費錫章即行回京。今砥柱適有此奏。與朕批諭正  
相符合。國家設官。內外各有體制。督撫身任封疆。自  
司道以下。皆係幫同辦事之人。至署中一切案牘。自  
有幕友襄理。若由部院簡放督撫者。皆得各帶所屬  
司員前往辦事。恐司員等揣知該堂官堪膺外擢。豫  
為趨奉。一經簡放督撫。即可帶往辦事。補用道府。易  
啟屬官營求之弊。亦不可不防其漸。嗣後在京部院  
大臣。除有兵差審案等事。仍准其隨帶司員外。其簡  
放督撫。及署理督撫者。不但不准請帶御史。即所屬  
官員。亦均不准奏請隨帶。如有違例陳請。即著交部  
議處。以肅政體而杜弊端。

欽定大清會典事例卷六十二

吏部

漢員遴選

直隸分發人員 遠省分發人員

員缺 鹽庫大使 鹽運司知事 試署  
保題 教職 考試 保題 鹽場 教職 俸滿 分別 接昇

揀選分發人員。○乾隆十六年

諭向來分發各省人員。由吏部堂官揀選引見。雖該部  
職掌所在。然未足以示慎重。嗣後除特旨交該部於  
次日即行引見者。仍由該堂官揀選外。其餘凡有揀  
選之處。該部將滿漢大學士九卿。並該部堂官。一同

開列。候旨特點大臣揀選。交該部引見。著為例。○又

奏准。嗣後除揀發各省。及驗發河工人員。先期

將滿漢大學士。戶禮兵刑工等部。都察院。通政

司。大理寺。並本部各堂官職名。繕寫名單進呈。

恭候

欽點揀發外。其餘例應在京揀選各缺內。除各衙門

自行揀選送部引

見。及由部會同各處揀選引

見各缺。照舊例辦理外。至五城司坊官。刑部司獄。太

常寺司庫所牧國子監監丞典簿宗人府主事



理藩院司庫鳳凰城迎送官督撫衙門筆帖式  
奉宸苑滿官等向皆由部揀選以上揀選各官  
人數無多與揀發外省人員有間亦仍照舊例  
在部揀選

太常寺所牧鳳凰城迎送官後裁

○二十二年

諭據方觀承奏直隸河工效力額設三十五員現在僅  
有十二員計缺少二十三員工程不敷差委懇請揀  
發等語著照所請該部於候補候選應用人員內照  
例揀選帶領引見發往其摺內所請將候選州判王  
治岐及朱瀾陳芳遠三人入於額缺二十三員內准  
其在工效力之處此等人員既在工隨行學習年久  
自不妨量材錄用但不由吏部揀發而竟從督撫奏  
請此例一開又成捷徑不可不防其漸著將王治岐  
等咨送吏部歸入此次揀選如果人材足錄一併帶  
領引見嗣後有似此者俱照此例行○三十五年  
諭御史蔣日綸奏請禁督撫指名揀發人員一摺所奏  
頗為近理督撫等差委需人既經奏請揀發則發往  
之人儘可供其隨材委用何必於候補人員內指名  
請揀况伊等是否在京督撫何由豫知形迹之閒易  
招物議日久且恐漸滋流弊嗣後各省督撫請揀人  
員不得於摺內指名附請將來河工請揀人員摺內

附請之處亦著永行飭禁○四十年議准嗣後外省  
揀發人員其應行投供者雖毋庸扣足限期必  
須投供驗到方准揀選未經投供者一概不准  
與挑至投供人員內如人數較少不敷挑選將  
記名之現任京員一體傳令與挑儻有無故不  
到者均照遠近省分挑選不到定例分別議處  
○四十二年奏准嗣後每遇揀選除應補應選  
各項人員仍照例揀選外其捐納者止准不論  
雙單月人員赴揀如不敷挑再傳單月本班之  
人如人數仍不敷挑方准雙月各員列名赴揀

○五十二年議定嗣後凡遇揀選於奉

旨之日即行付查各司其現請之項出有月選幾缺  
統扣至揀選之前一日為止按冊稽查應用何  
班何人凡已到班之員即行扣除免其赴挑如  
非現在應行擬選之員仍行列入揀選道府以  
下通判以上於所請正額並備班之外再行多  
揀二員豫備知縣於所請正額並備班之外再  
照備班之數額外揀選豫備至二十日截缺時  
本項月選出缺該員已經到班仍行擬選其揀  
選引



見之處扣除。將多揀在前之人。添入揀選人員之末。帶領引

見。○五十八年奏准。嗣後除直隸為

畿輔重地。政務殷繁。雲南貴州。四川廣東廣西福建奉天甘肅。或有額設滿缺。或係邊遠省分。仍准酌量奏請揀選。如該省候補之員。尚有數人。仍不准其奏請外。至河工人員。向來設有定額。若一時有修防緊要工程。或人數不敷補額。均隨時據實陳奏。亦不得任意濫請揀發。其餘江南等近省。及各省鹽場等缺。所有奏請揀發之處。概行停止。○嘉慶五年奏准。嗣後揀選知縣以上官員。不論遠近省分。按照款項。將投供驗到之人。指名傳挑。交

欽派大臣秉公揀用。如各項班次。及捐納雙單月。即用人員內。其才具足敷挑用。即不必於單月本班雙月內挑取。如各項班次。實不敷揀。而單月本班雙月。實有才具可用之人。即於引

見摺內聲明。實因各項人員。不敷挑取。酌將單月本班雙月。挑選幾員。恭候

欽定。○六年議准。各省需員請揀。除捐至不論雙單

月者赴挑外。其單月本班雙月人員。概不准挑。○十二年

諭。嗣後凡遇請派揀選文職官員。係會同吏部者。吏部堂官。即毋庸開列。著為例。○十六年

諭。嗣後揀選各項人員。著承辦之衙門。先行擬定日期。將應行與挑人數。概行傳齊。屆期奏請簡派。該大臣一經派出。即於本日前往。秉公挑取。毋許稽遲。如有違延後期者。該衙門查參。著為令。○又

諭。各省地方及河工。遇差委之員。該督撫等止應將需員若干。奏明請旨揀發。不應指名奏請。致啟夤緣奔

競之門。近日百齡奏請發往南河各員。因現在河工緊要。百齡所指名奏請者。皆實其平素深知差委得力之人。是以破格允准。非可援以為例。嗣後各督撫仍應恪遵定例。遇需員差委。准其酌擬人數。奏請揀發。毋得指名陳奏。以杜弊端。○道光二十三年議定。

江南等近省。如實因差委乏人。亦准奏請揀選。惟各省鹽場。均不准奏請揀發。○又定。各省奏請揀發曾任實缺人員。由吏部傳齊應補投供

之人。奏請

欽派大臣揀選。其本項人員。足敷所請正額及備班



之數。即奏明帶領引

見毋庸揀選。如投供人少。不敷帶領。除將應補人員

作為正額外。並照所請於現任記名京員內。知

一項將進士舉人出奏

派揀選。以足正額及備班之數。○光緒十年議定。遠

近各省。奏請揀發曾任實缺各項應補人員。有

於奉

旨後取結呈報患病者。毋庸行查五城司坊官。即行

議處。其有臨時唱名不到者。令該員將何故不

到之處。限十日內。旗員出具圖結。漢員出具同

鄉京官印結。自行呈報現任人員。由本衙門專

呈報部。逾限不報。照規避例議處。坐揀人員。如

非邊遠省分。於銓選到班時。扣選一次。各項候

選人員。另扣五十五日之限。仍准銓選。如係邊

遠省分。坐揀人員。扣選二次。各項候選人員。扣

選一次。各項應升應借人員。及候挑舉人。扣選

議處有差

遠省揀發人員。○雍正二年

諭。遠省州縣員缺。部選官領憑赴任。必需數月。甚而懸

缺日久。署印屢易其官。以致貽誤地方者不少。著將

候選舉人選期尚遠者。揀選。命往各省委署。○十三

年議准各省題請揀發委署試用人員。概行停

止。其雲南貴州四川廣東廣西等遠省。經督撫

題請揀發。奉

旨後。由部將候補候選人員。揀選引

見命往。○乾隆十七年議准。福建原屬邊遠。兼屬海

疆。遇有需人之時。由該督撫具題請

旨揀發。○十八年奏准。邊遠省分。奏請揀發。吏部指

名傳喚。無故不到者。照規避例議處。其有業經

投遞履歷。臨期唱名揀選不到。除以後凡遇揀

選。不准列入外。仍付考功司查議。儻該員有意

外患病情節。許即時呈明吏部。行令五城司坊

官驗實。出結報部。以免捏飾。

直隸揀發人員。○乾隆十五年

諭。直隸為畿輔重地。路當衝要。政務繁多。州縣各官。或

遇調委差務。署內事件。勢難兼理。著該部將候補候

選人員內。揀選州縣十人。佐雜二十人。俟朕回鑾時

引見。交與該督差遣委用。遇有員缺。酌量補授。至所

發人員。將次補完之日。再行請旨揀發。永著為例。○

又



諭前因直隸委署需人朕敕部揀選引見曾發知縣十人佐雜二十人酌量委用今據該督奏稱口外理事同知共十餘員一經缺出委署乏人等語著將三十人數內減去知縣二人佐雜二人該部於候補候選理事同知內揀選數人俟朕回鑾時引見揀發委用俟有員缺即行題補前次知縣佐雜已經發往毋庸再減嗣後著每次發理事同知四人知縣八人佐雜十八人以足三十人之數

奉天州縣各員缺揀選○乾隆十五年議准奉天共十有二州縣其有戶婚田土詞訟等事凡旗民交涉者皆會同旗員審理往任意見參差致難完結若此十二州縣即將旗員銓選則不必會同該城旗員辦理較為畫一查奉天州縣向例銜繁疲難四項三項相兼者該府尹於現任屬官內揀選調補升補二項一項者歸於月分銓選原不論旗員漢員通行補用今既改用旗員則應用人員班次不得不豫行酌定又知縣一項滿洲文進士繙譯進士文舉人俸深筆帖式皆例得選用但進士舉人各按科分甲第名次先後銓選筆帖式於雙月五甲五舉四捐

三升之後選用一人今奉天知縣專用旗員若仍歸月選恐奉天出缺之月未必即屬旗員應選之班將遇缺先儘選補則於選法有礙將扣缺以俟旗員應用班次則員缺未免久懸嗣後遇有奉天應選知縣員缺將應用知縣之滿洲文進士繙譯進士按照科分甲第文舉人按照科分名次筆帖式按照俸次深淺三班各擬一人引

見候旨簡補至知州員缺向由在部候補候選人內補用如無候補候選人員即將同知借補承德縣乃京縣知縣係正六品例由該府尹於所屬知縣內揀選升補如所屬無可升之人亦應在部揀補今既改用旗員則滿洲小京官外用同知通判人員原係各堂官遴選能通文理辦事明白者保送引見記名升用同知與知州通判與京縣知縣官階尚屬相近似可通融借補嗣後奉天應選知州員缺將記名以同知用之滿洲小京官揀選擬定正陪帶領引



見候

旨簡補承德縣知縣員缺。如所屬知縣內無可題升之人。將記名以通判用之。滿洲小京官揀選擬定正陪帶領引

見候

旨簡用。其四項三項相兼要缺。仍照舊例。令該府尹於現任屬官內。揀選旗員調補升補。如一時無可升調之人。即令該府尹具摺奏請揀補。亦即照此辦理。○十六年議准甯遠州屬州判一缺。駐紮中後所。距州城八十里。一切人命相驗戶

婚田土鬪毆等事。令該州判審理。實與州縣正印官無異。一體改設旗員。缺出於記名以知縣用之。筆帖式內。論俸帶領二員引

見請

旨補用。仍照知縣原銜升轉。○十八年

諭從前將八旗滿洲人員選用外省文武等官。其蒙古旗人。分用部員者。員缺本少。是以外任未經議及。朕思滿洲蒙古均屬本朝世僕。伊等於外任分缺銓用之處。亦宜量予疏通。現在滿洲司員升用道府。既經暫行停止。其文職同知以下。著將蒙古人員與滿洲

一體揀選。引見選用。其作何分班輪選之處。該部定議具奏。欽此。遵

旨議定。嗣後應用滿洲人員時。將蒙古人員一體截取。保送揀選考試。帶領引

見奉

旨記名者。入於滿洲班內。通較俸次淺深。名次先後。一體選用。○二十四年奏准錦州府知府一缺。改為請  
旨補放之缺。出缺時。開列缺單進呈。如有候補人員。亦照例夾單。或用滿員。或用漢員。恭候

欽定。○三十三年議准嗣後奉天州縣調缺出時。令該府尹照例於現任內揀選升調。如實無合例。可以升調之員。其發往試用人員內。有明白諳練者。一體揀選題署。○又定奉天以撫民同知揀補知州。撫民通判揀補承德縣知縣。俱照原銜升轉。○四十一年

諭奉天地方。旗人居處者多。旗員在彼。不無沾涉親故。遇有審理事件。恐不免心存偏徇。即有拘謹之人。聽斷時。遇避嫌疑。亦不得謂之公當。且恐緣事被劾之員。接任仍係旗員。或遇應查事件。不無瞻顧情面。輟



轉滋弊。地方公務必致積久廢弛。殊非整飭吏治之道。嗣後奉天各州縣缺出。著照各省仍以滿洲漢人通行補用。惟是奉天地方兼管旗民較為繁劇。初任之員恐難辦理。裕如。所有各州縣缺出。應交該部於候補人員揀選引見。候朕簡用補授。其作何酌量兼用滿漢人員之處。著該部詳細定議具奏。欽此。遵

旨議定。嗣後奉天州縣除應調之缺。仍令該府尹遵照定例。於現任屬員內揀選升調外。其應歸部揀補者。即於候補州縣人員內揀選。如知州缺出。將漢人應補知州。並滿洲外任回旗知州內。揀

選二三員。帶領引

見。僕滿洲知州人員。不敷揀選。仍於滿洲外任回旗

同知內揀選。一併帶領引

見。其知縣缺出。將漢人應補知縣。並滿洲外任回旗

知縣內。揀選二三員。帶領引

見。如丁憂回旗人員。不敷揀用。知州缺出。於記名同

知內揀選。知縣缺出。於記名知縣之筆帖式內

揀選。帶領引

見。恭候

簡用。如該員到任後。或有以不能勝任題參者。仍將

原保之堂官。照例議處。再此項人員缺出。揀選時。吏部開列九卿職名。奏請

欽派。會同吏部揀選。帶領引

見。以昭慎重。○又奏准。甯遠州州判一缺。裁汰。改設

巡檢。其巡檢員缺。即於應選人員內補用。○嘉

慶十年

諭。奉天省所屬州縣。從前止用旗員。原以各該地方旗人生計。及一切交涉事件。惟旗員乃能熟悉。嗣因齊民編戶漸多。遂參用漢員。今承平日久。閭閻生齒日增。地方事務較形繁劇。州縣為親民之官。旗員等多

有從部院筆帖式等官銓補者。初膺外任。於吏治未

經練習。轉不足以資治理。著該部即將奉天省所屬

州縣各缺。詳細查覈。此內附近蒙古邊界。必須補用

旗員者。計若干缺。其可以專用漢員者。計若干缺。並

此後著將各缺專用會膺民社之員。應如何酌量銓

補之處。悉心妥議。章程具奏。欽此。遵

旨議定。義州廣甯開原鐵嶺四州縣。附近蒙古邊界地

方。自應專用滿洲人員。其遼陽甯遠復州海城

蓋平甯海六州縣。既不與蒙古邊界相連。應專

用漢員。至義州一缺。改為在外題補之缺。由滿



州知縣內題升。如不得人。歸部揀補。其承德縣知縣。係從六品京縣。例應於知縣內揀選題升。錦縣知縣。係附郭首邑。政務殷繁。此二縣缺出。滿漢各員。俱准升補。至州縣等缺。儘該省滿洲漢員之員。揀調。奏請揀發。自應先儘曾膺民社之員與挑。如滿洲人員。一時無曾任州縣之人。即將曾經外任丁憂回旗之同知通判人員。借挑補授。○十七年議定。遼陽州知州。改為疲難要缺。○十九年議定。奉天簡缺知縣。遇叅劾丁憂。推升。捐升。題升。題調。降革。開缺。均由府尹於揀發候補人員內。酌量題補。○光緒元年奏定。奉天各廳州縣。定為滿漢兼用。州縣各官。均加理事同知通判銜。知府同通州縣。定為三年俸滿。如果著有成效。由該兼尹等出具考語。具題到部。入於即升班內升用。仍在任候升。○三年議覆。奉天奏請揀發現任記名人員。並勞績捐納各項投供人員。一律揀選。曾任實缺人員。歸候補班。勞績捐納。初任候選人員。歸委用班。○四年奏定。奉天岫巖理事通判。改為岫巖州知州。仍作為衝繁疲難調要缺。○十年議定。奉天

知縣。遇有揀補缺出。扣留外補者。用候補一人。即用一人。委用一人。以三缺為一周。即用到班。按科分甲第名次挨補。知州一項。以候補委用兩項人員酌量請補。

揀選佐雜。○乾隆六年奏准。凡各省請揀發佐雜試用人員。由部將候補捐納議敘。即用選用。恩拔副歲貢生考職。並倉書總吏提牢典吏。應行即用人員。均准揀選。貢監吏員考職者。不准揀選。其河工海塘等處。請發效力人員。亦先儘候補。及前項應行即用選用人員。揀發。如人數不敷。貢監吏員考職人員。亦一同揀選。至於捐納職銜人員。無論各省河工。概不准揀選。○十五年議定。恩拔副歲貢生考職就職。俱定限六年之後。方准揀選。惟揀選河工。不必拘定年限。○三十八年奏准。各省請揀發從九品未入流二項人員。將議敘年滿留館供事。及禮部期滿儒士。一體揀選。仍令照例取具印結投遞。以免假冒。○五十九年議定。禮部期滿儒士。倉書。均不准揀選。○道光四年議定。佐雜等官。例應在籍候選。如有赴部呈遞候挑印結者。遇各省奏



請揀發時。方准揀選。其未經呈遞候挑印結之員。不准與挑。○又定。候補候選人員告降。以及捐升註銷仍歸原班者。俱按其具呈日期。扣至奉

旨。揀選鈔出到部之日。已足一月之限。准其揀選。未及一月者。不准與挑。

揀選人員分別款項。○乾隆二十四年。奏准各省揀發人員。指定何項職銜者。吏部出示傳喚。均照該督撫所請之項揀選。帶領引

見發往。其應補直隸州知州一項。守候需時。不無壅

滯。遇奏請揀發同知。知州時。准其挑揀候補候選司府首領等官。遇各省請揀發佐貳直隸州州同。州判。並府屬州州同。州判。俱准一體揀選。至從六品州同以下。至九品之縣主簿等官。俱入於佐貳項下。從九品府照磨以下。至未入流等官。俱入於雜職項下。一體揀選。○道光二年。議覆借挑之員。到省後。不得即以原銜請補。俟題補借挑本項後。再照原銜升轉。如直隸州知州。應先補知州。應先補知州。○四年。議定。應補同知一項。遇奏請揀發知州時。適本項人員不敷揀選。亦准借挑。如

應補同知不敷揀選。再將記名同知列入借挑。○十二年。奏准。各省道府乏人。奏請由部揀發。如請揀曾任道府及京察記名。並截取記名人員。即專以內閣部院及翰詹各員予挑。內務府人員。不入。如專請京察記名人員。則將內務府人員一併列入揀選。

鹽庫大使揀選。○雍正六年。議准。各省鹽大使。布政使司庫大使。於候選知縣州州同。州判。縣丞。內揀選。引

見補授。給予正八品職銜。與按察使司知事等官。一

例較俸升轉。○乾隆元年。奏准。閩省產鹽地方。向係委官辦理。但現任官皆有本任。恐於場務不免廢弛。應於候補候選知縣州州同。州判。縣丞各員內。揀選引

見發往。如三年無過。以相當之缺。題咨補用。儻不實心。致誤餉課。即行查參。○三年。議准。各省鹽場。藩庫大使員缺。於候補人員。並舉人候選知縣。及恩拔副榜貢生。考授州州同。州判。縣丞。職銜。及曾經督撫驗看。以直隸州州判。咨部候選人員。內。停其取具身家殷實印結。有情願遞選者。令



其赴部具呈。由部遴選引

見恭候

簡用。如該鹽政等以辦理需人。奏請揀發。亦於前項人員內。遴選引

見命往效用。遇缺酌量題補。至各省補授之後。除貢

生考授縣丞。品秩相當。停其報滿。照缺升轉外。

其由舉人候選知縣。及貢生候選州同州判借

補者。令於到任之後。計算開俸五年。該鹽政會

同督撫秉公分別。果能才守兼優。整飭鹽務。准

其保題。以應得之官。分班選用。如係循分供職

之人。即行咨部。停其報滿。與各省現任場員一

例較俸升轉。○十年奏准。向例場員庫大使皆

開俸五年。分別保題。惟閩省鹽場效力人員。三

年期滿。即以相當之缺補用。未免過優。改照各

省場員之例。五年期滿。如果稱職。方准保題。○

又奏准。向例場員藩庫大使員缺。其恩拔副榜

貢生。考授州同州判縣丞。及貢生曾經督撫驗

准。以直隸州州判咨部候選者。與舉人候選知

縣之人。一同准其遴選。現今舉人班次壅滯。於

遴選場庫一途。略為疏通。嗣後遇有遴選。其貢

生考職人員。概行停止。○二十年覆准。閩省場

員。五年俸滿。其由州同州判職銜借補者。仍照

舊例咨部。留於該省。以應得之缺補用。其由舉

人知縣職銜借補者。該督保題送部引

見。其以知縣用者。照例歸於月分選用。其不稱保題

奉

旨回任者。留於該省。以對品之縣丞等官咨補。至循

分供職者。亦照例咨部。停其報滿。以對品之縣

丞等官咨補。如有不諳吏治。而品端學優者。咨

回原籍。歸該員原班。以教職改補。○二十一年

議准。鹽庫大使缺出。該省或將員缺聲明扣留

題補。在吏部未經引

見之先者。准其題補。○二十二年議准。各鹽場辦理

需人。奏請揀發。先將候補及捐納之員。並已經

截取之舉人。及下次應行截取之舉人知縣。先

儘揀選。儘仍不敷揀用。於再下次應行截取之

舉人知縣內。有情願赴挑者。令其取具同鄉京

官印結呈明。一體揀選引

見命往效用。遇缺酌量題補。○二十五年議准。恩拔

副貢生考授職銜候選人員。業經停其揀補鹽



庫大使遇有缺出。按一應補。一捐納。一舉人。指缺輪用。應補無人。以舉人抵補。應補人員較投文日期。通融補用。捐班先儘。指捐之人。如無專項人員。亦准通融補用。○二十九年議定。鹽庫大使缺出。俱按照到部日期先後。每一缺將本月投供日期名次在先者。指定一人驗看。帶領引

見補授。毋庸掣籤。其缺出有同日到部者。即於驗看時掣定先後。挨次補用。○四十七年議准。福建鹽場。甯德縣屬漳灣場。羅源縣屬鑑江場。霞浦

縣屬瀉管場。南臺倉延平盤驗關。水口盤驗關。石碼盤驗關。西河驗掣關。浦下驗掣關等九處。仍於附近通判知縣佐雜等官內。派令兼管。或委員協辦。其餘各場。均定為實缺。歸部揀補。薦舉報滿。以及循分供職者。悉照各省場員之例辦理。○嘉慶二十三年議准。福建浦下驗掣關。西河驗掣關。石碼盤驗關三處。定為實缺。鹽大使。毋庸委通判等官兼管。○道光四年議定。鹽庫各大使缺出。有經各省以現有應補人員扣留者。補缺班次。先儘候補委用人員。酌量咨補。

咨署。如候補委用無人。即將試用人員。按兩捐納。一議敘。分班輪用。○二十三年議定。補缺班次。除咨報要缺。止准將候補委用人員酌量補用外。如遇歸部揀補缺出。用候補一人。委用一人。捐納一人。候補委用輪用三班之後。用議敘一人。按班輪補。若候補委用無人。即行過班。○

光緒十年議定。各省鹽場大使。布政司庫大使。批驗所大使。三項。遇有揀補缺出。按一應補。一捐納。一議敘。分班輪用。○捐納。捐納未到班之先。插用分缺一人。既到班之後。插用分缺一人。各項本班儘先人員。俟本班到班。一舉人。指缺輪用。應補無人。時。先用儘先一人。

以舉人抵。應補人員。較投文日期先後。遇缺補用。至鹽庫大使外。補班次。除咨報要缺。止准將候補委用人員酌量補用外。如遇歸部揀補缺出。候補委用。捐納。議敘。按班輪補。其候補委用。捐納。議敘。到班。先用各本班先一人。候補先。委用先。仍歸序補。至捐納。議敘。未到班之先。插用分缺先一人。既到班之後。用分缺一人。俱按名次序補。

鹽運司知事試署。○乾隆四十八年議准。各省鹽運司知事到省試用。在五年以上。尚未得缺。



遇有巡檢典史應歸月選之缺以從前到省日期與本項人員統較日期先後酌量試署實授後即照現補之缺計俸升轉遇鹽運司知事缺出不得再以該員請補○道光四年議定鹽運司知事借署巡檢典史遇有選缺如輪用何例捐納人員即與何例人員比較日期先後酌量試署

教職考試保題○雍正四年奏准凡教職選授後發憑本省督撫考試一二三等者均准給憑赴任四五等者解任學習三年再行考試如果

文理優通題明補用如仍前荒謬革職六等者革退其考列一二等之教官到任後如果文品兼優才能出眾所屬士子無抗糧與訟等過犯以到任日扣算俸滿六年督撫會同學臣保題送部引

見恭候

簡用○乾隆十八年議定教職考試等第嗣後停其具題惟於年終將本年考過教職彙造清冊送部存案以備查覈○十九年議准嗣後六年俸滿教職統於歲底俟學臣試竣回省之日公同

驗試分別題咨辦理○二十五年議准嗣後各省六年俸滿人員內如有從前雖經考列三等察其人品才具實在出色之員不必拘定等第准其一體保舉其考列等第仍於本內聲明送部引

見恭候

欽定○四十年議准嗣後各省教職俸滿保題均照佐雜人員保薦之例該督撫於接准部覆再行給咨赴部引

見恭候

欽定○五十年議准訓導俸滿保題人員係歲優貢生及廩生捐貢出身者例不升用知縣毋庸送部引

見由部議覆具題奉

旨後照例以應升之州判府經歷縣丞州學正縣教諭等五項註冊歸於雙單月無論是否積缺五缺之後選用○五十七年

諭據吳省蘭奏督臣梁肯堂咨送年滿教職保薦甄別鈔疏令學政衙門備案內有保薦教職二員李德興止見過一次吳士升並未見過因業經具題咨商無



及已咨行梁肯堂行司調送補驗等語。各省教職係學政專管。其保薦堪膺民社之員。升任知縣後。如才具平常。不能勝任。原保之學政。定例處分。奉嚴。各省保薦時。自應學政會商。擇其才具優長者。會銜保題。今梁肯堂所保教職二員。並未先與學政酌商。於會銜具題後。始行鈔疏知照備案。殊非慎重保薦之道。竟係梁肯堂不以學政為事。率臆徑行。國家簡任學政。豈不竟同虛設乎。梁肯堂著嚴飭行。此後遇有甄別保薦教職等事。均著照例會同學政。先行酌商。秉公辦理。聯銜具題。毋得仍前徑行專辦。以符體制。至各省督撫。若於保薦甄別地方官員。亦有似此。並不彼此會商。輒以一人專主。即會銜具題者。一經發覺。朕必重治其罪。○道光五年議准。由舉人出身之教職。降補訓導。例不升用知縣。俸滿保題奉旨後。以州判府經歷縣丞。州學正。縣教諭五項註冊。歸於雙單月。無論是否積缺。五缺之後選用。毋庸送部引見。○十八年議准。教職業經保舉調取引見赴部。自揣不勝民社。呈請註銷保薦。仍留本任者。准其註銷留任。俟應升時。除正印官不准升用。

外。以應升之京職。國子監典簿翰林院待詔京府教職各府同知升用。○二十年議准。各省保薦俸滿教職。引見以知縣用之員。自引見之日起。扣足二年。隨時取具同鄉京官印結。於每月二十日以前。呈請分發。附入月官驗看。籤掣省分引見。發往各省試用。補缺例詳補用試用人員題缺條內如年力就衰。不堪供職。經驗看大臣擬以教職等官改補。或原品休致。帶領引見候旨。○同治十一年奏定。增附出身選授教職。無論教諭訓導。初次六年俸滿。止准咨部留任。二次俸滿。方准保題升用。○又定。舉人捐教職四項。統選。選授訓導。並由舉人報捐訓導。俸滿保薦。均准其升用知縣。其由拔貢捐訓導。俸滿保薦。照歲優貢生及廩生捐貢出身之訓導。例不升用知縣。具題奉旨後。以州判府經歷縣丞。州學正。縣教諭註冊。歸於雙單月五缺後選用。○光緒十年覆准。訓導俸



滿保薦。業經以州判府經歷縣丞州學正縣教諭註冊。因該員親老無人侍奉。恐選授州判府經歷縣丞。赴選出省。不能遠離。咨部註銷州判府經歷縣丞。三項者。准其註銷。專以州學正縣教諭兩項照例選用。

鹽場教職俸滿。分別接算保題。○乾隆十一年。議准鹽大使教職俸滿。多有兩任接算保題者。惟是俸滿保題。原令該管上司。覈其才守果優。方准保題升用。若將前任之俸。一概准其接算。恐到任未及數月。閱俸已滿。援例保題。其才守之優劣。難以遽定。嗣後俸滿各員。除前任閱俸甚淺。後任尚需數年者。仍算五年滿日。分別報部。如有前任閱俸已深。在四年以上者。雖接算年限已滿。亦俟到任一年後。覈其才守果優。方准接算保題。○又議准鹽場教職。多有久逾俸滿之期。始行保題到部者。不惟辦理不能盡一。且恐其中不免因俸滿時。該上司未經保題。復營求接任上司保題之弊。嗣後俸滿之員。如果才守兼優。即行照例保題。儻逾限至半年以上者。概不准保題升用。○十七年議准俸滿各員。

果有才守兼優。堪膺保薦。而適屆報滿之期。或有本員出差。及上司新任。督撫公出。不能依限具題。該督撫聲明保題到日。由部將可否准其保題之處。恭候

欽定。○三十年奏准。嗣後鹽場五年俸滿。教職六年俸滿。該督撫秉公覈實保題。毋庸定以半年之限。○嘉慶十一年定。各省鹽庫大使。並從六品以下雜職等官。如由試用咨署得缺。業經詳請實授人員。於俸滿甄別時。該督撫保題到部。准其以咨署到任之日。計俸扣足六年。保薦註冊升用。其由舉人出身之鹽庫大使。五年俸滿。亦照此辦理。



欽定大清會典事例卷六十三

吏部

漢員遴選

雲貴等省教職 外任各官護理 委署 順天府屬會銜題調 府請 旨部選各缺不在改題調缺 外陰陽醫學僧道等官 沿河州縣調補 內 沿河佐雜

雲貴等省教職○康熙三十八年議准貴州普

安一州餘慶安化普定平越都勻鎮遠銅仁龍

泉永從等縣雲南永北一府昆陽彌勒陸涼馬

龍霑益雲龍等六州各增設訓導一人均將恩

拔副榜選授以教諭管訓導事照教諭升轉○

雍正四年議定雲南貴州四川廣東廣西福建

等省教職將進士舉人恩拔副榜挨貢及捐貢

人員照依科分名次所捐雙單月先後日期開

列選法截定人數填給執照遇員缺令該督撫

挨次升選每月具題照例考試令其到任並將

各員履歷到任日期原發執照按季彙冊送部

查覈再雙月推升之例教諭升教授訓導升正

論止在本省較俸亦截定俸次分發本省擬升

以上各項均截給三十名惟教諭升助教知縣

等缺訓導升府經歷縣丞等缺原與各省通同

較俸仍歸部推升如遇月選推升之後本省又

行擬升具題者將擬升之本省教職扣除以俸

次之人升用○乾隆六年奏准雲貴等六省教

職員缺令該撫將擬選人員先行考試一面具

題一面給照令其先行任事仍俟具題奉

旨後准其實授由部即以奉

旨補授之日註冊覈算俸次升轉○九年奏准湖北

恩施建始二縣訓導准其以下第舉人選授仍

照教諭原銜升轉如果訓課有方振興文教俸

滿時照例保題○十八年議准雲南貴州四川

廣東廣西福建遠省教職因恐部選稽遲故令

在外督撫按月具題選授今各省所題教職多

因錯誤駁回所出各缺未有定員更多遲滯且

逐月分案具題亦屬繁冗應將遠省教職仍歸

部選○十九年議准湖南乾州鳳凰二廳永順

龍山保靖桑植芷江永定等六縣訓導將拔貢

副榜下第舉人選授俱以教諭銜管訓導事升

轉時仍照原銜升轉○二十五年議准湖南永

綏廳新設訓導與乾鳳等廳事同一例亦以拔

貢副榜下第舉人輪班選用○三十六年議准



湖北恩施縣訓導改撥宣恩縣訓導。嘉慶三年奏准。貴州平越縣改為平越州。訓導仍舊。十六年奏准。貴州普安州改為直隸廳。訓導改撥興義縣。道光二十三年議定。下第舉人教職銓選班次。自嘉慶五年以後。久經停止。應改為就教舉人。光緒十年議定。雲貴等省教諭銜訓導各缺。照各省選用教職之例。先用二等舉人一人。次將正班輪用一人。

諭蘇昌奏託恩多離任。將巡撫印信交布政使史奕昂

護理一摺。此則拘泥成例。於事理深屬未協。向來巡撫遇有事故。將印信交與布政使護理。原為督撫不同省者而言。若同省則督篆既可交巡撫兼攝。豈撫篆轉不可令總督兼署。而必以布政使為重。足倚恃乎。且封疆大吏。或因此自分畛域。彼此意見不和。於政事尤有關係。不可不防其漸。嗣後凡督撫同省。遇有應行攝篆。非旦夕可以緩待者。均不得率交布政使護理。將此明著為例。三十三年

諭教職遇有員缺。向來率多委別學教官代理。此等司鐸微員。兩任豈能兼顧。現在各省挑選二等舉人。在

籍候選教職之員。伊等得缺尚遲。如有情願自效者。即赴本省督撫報明。聽候該督撫會同學政。挨次派委暫署。則員缺既不久懸。而需次者亦不令閒曠。自為一舉兩得。又定各省揀選二等舉人。月選及現任。並揀發以教職改補之知縣。病痊終養。丁憂起復之教職暨

盛京禮部左右翼漢教習期滿。候選教職有情願自效者。赴本省督撫府尹報明。聽該督撫等會同學政。遇有教職缺出。挨次派委暫署。先儘二等舉人。再委各項候補教職。其奉天教習期滿。以教職用之員。應儘前項人員。委署後再行派委。至補缺之先後。仍按伊等應用班次銓選。三十七年議准。州縣缺出。事簡者。令鄰近州縣及試用候補等官署理。事繁者。於別府同知通判等官內。選擇廉能之吏署理。本管之道府。本府之同知。通判。遇本管及本府州縣之缺。均不准委署。並不准將相隔寫遠之員。委令兼攝。三十八年議准。道府因公暫時差遣。經督撫委員署理。照例隨時咨部。毋庸具奏。其有因升遷事故懸缺者。一面遴選委員署理。一面隨時奏



聞如違例咨部不行具奏即將違例咨部之督撫議處○四十二年議准各省督撫缺出藩臬護理並藩臬等缺遞行署理之員均無論護署久暫概行撤移進署辦事不得仍居本任將應辦事務飭吏送辦報轉往來○又議准州縣佐雜不得無故調署別缺以及報轉更署如有必需將實缺州縣佐雜調署者將因何調署緣由並委署若干按季造冊上季之冊務於下季到部如有遲延照例議處如冊內通省實缺人員調署數在十分之二毋庸置議如數在十分之二以外即將該督撫藩臬奏議處各省調署之員即不逾額亦將並無逾額之處於每年五月內彙奏一次○四十六年議准各省分發試用初任之佐貳各官本任是否稱職尚須試看概不准其委署正印如州縣缺出一時無正印官可委止准於現任州同州判府經歷縣丞內令該督撫酌量才具暫行委署○四十九年奏准各省委署州縣等官員缺與該員原籍住址在五百里以內者俱令迴避該督撫按月彙冊將各員原籍住址與署事任所相距五百里以外分

析聲明報部查覈○嘉慶四年議准各省分發試用恩拔副貢出身及捐納議敘之初任佐貳各官本任是否稱職尚須試看概不准其委署正印如州縣缺出止准以曾經俸滿保題及邊俸煙瘴即升以及卓異保薦之現任佐貳官令該督撫酌量才具暫行委署如無卓薦之員有歷俸五年以上者亦准其委署並於造報到任冊內詳晰聲明送部查覈其甫經調邊尚未年滿及曾經調邊因事故辭任復回原省之員仍不准其委署至沿河州縣缺出准其將曾經實授之專河佐貳官委署其非沿河之缺仍不准行如有違例任意調委一經查出將該督撫彙奏○五年

諭州縣為親民之官必須官民相習始於地方有益朕聞近來各省督撫於州縣缺分往往計其肥瘠報轉調署以致各州縣多非本缺其中為公事通融調劑者亦所時有而上司愛憎所屬為人擇缺者居多勢必本缺署缺皆易生手兩有貽誤於吏治大有關係此弊各省皆有而廣東為尤甚各督撫如果為人地相需起見何不奏明更調乃任意高下其手致啟屬



員黃緣趨避之端其風斷不可長况州縣違例調署督撫等原有處分自當通行飭禁嗣後各督撫等調署州縣若不具摺陳奏一經部中查出或被他人參劾必將該督撫等交部嚴議○十三年議准潘臬兩司為錢穀刑名總匯如遇委署印務應行具奏道府有監司表率之責除因公差遣暫時委署者咨部歸入彙題遇有升遷事故懸缺委署者仍應具奏丞倅及州縣等官委署員缺者各督撫按季具題其實缺州縣調署仍隨時具奏○

道光二年

諭州縣為親民之官地方事務所關綦要例不准濫委佐雜人員署理向來各督撫以佐雜委署正印止於季報冊內聲明並不專咨報部辦理本未周備嗣後各督撫如有必須將佐貳委署州縣者即將委署緣由詳細聲敘隨時專咨報部以憑查覈其有違例調署委署者除不准行外仍將該督撫奏請議處至現任人員如果確有劣迹自當即時參劾其初任人員亦須詳加甄覈不得將本任人員撤任日久始行參奏致使員缺久懸以肅吏治○五年

諭嗣後州縣出缺委員署理應責成一手經理不得託

故軌行改委仍按季報部查覈如借人地相需為名而實為調劑屬員起見無故輟轉改署者即將該督撫懲處不貸○八年

諭各省州縣係正印官員定例州同州判府經歷縣丞等官非曾經卓薦或歷俸五年以上不准委署正印其照磨司獄等官並非應升知縣之員豈可委令代理者各督撫遇有州縣缺出仍遵定例不得以佐雜人員濫行代理並著吏部詳加查察或委署任內得有處分如係違例濫委之員即將原委之上司查明參處○二十年

諭嗣後凡遇潘臬運使道府出缺時著該督撫等因地因時察看情形先儘遞次應署人員署理不得遽以隔品人員署理其有實係一時乏人亦著將不得不以隔品及試用人員署理之處據實詳細聲明以符定例而昭體制○三十年

諭州縣為親民之官自應各守本任俾得盡心民事近日紛紛調署雖云為缺擇人恐其不免為人擇缺一存調劑之見便開奔競之風此種積習於地方大有關係至佐雜微員遽令署理正印尤易貽誤地方著各直省督撫力加整頓破除積習凡實缺州縣等官



不得無故調署亦不得令佐雜濫署正印其有實在人地相需必須調署委署者務宜各按定例秉公辦理毋稍瞻徇以杜夤緣而肅吏治○咸豐十一年

諭

嗣後各直省自道府以至州縣著各該督撫破除情面嚴加甄別有貪鄙無恥昏庸不職者即行叅革其尚無大過者或以原品休致或以佐貳雜職降補其各省州縣無論奏調委署代理著每屆三月彙奏一次由吏部嚴行查覈如有違例更調等弊即將該督撫藩司分別叅奏○同治十一年奏定實缺州縣調署別缺仍隨時具奏凡任內有盜劫等案尚在

三叅未滿以前距降調之期尚遠准一體酌量委署仍俟回任之日接算例限開叅一經三叅限滿四叅業已起限降調攸關不准委署他缺至州縣調署應聲明有無盜劫之案以便隨時查覈○又定各省州縣缺出分班輪署先委正途一人由進士舉人出身揀發各員歸於正途班內輪委次委勞績一人再將各項委用試用人員輪委一人統按出缺先後察看人地相宜酌量委署毋庸計科分名次並試用年限仍將輪委班次並出缺日期詳敘每屆三月彙奏一次僅逾限不報照事件

遲延例議處如越次攬委將督撫照違令公罪例議處○光緒元年奏定知府直隸州係州縣本管上司不得以知府直隸州委署知州知縣○四年議准嗣後各省同知通判遇有州縣缺出俟本班輪用八缺之後將候補委用試用同知通判合為一班該督撫擇其人地相宜堪膺地方之責者酌量委署一人其應行試用人員尚未期滿甄別者仍不准委署○十年覆准藩臬運使道府缺出該督撫先儘遞次應署人員署理如一時乏人不得已將隔品人員派署應

於實缺人員內揀選請署僅不得其人亦令詳細聲明方准於候補委用試用人員內揀選署理○又議准首府首縣缺出不得以軍功捐納雜途人員署理如實無合例之員或人地不宜始准於捐內詳細聲明以各項出身人員署理○又議定州縣佐雜不得無故調署別缺及輾轉更署如有必須將實缺州縣佐雜調署者州縣與佐雜分計各不得逾十分之一不得牽連丞倅統算上季之冊務於下季到部委署即無逾額亦於每年五月彙奏一次至候補委用試



用人員除委署無人之缺並暫時代理及實缺調署他處遺缺委署毋庸覈計外如委署有人之缺州縣與佐雜分計每年各不得逾十分之一。一。留省察看差委及補缺已接到部吏部選領憑到省以察看差委未及赴任留省已逾半年者皆為缺按季造報如託故紛更及造冊遲延或有逾定額者即將該督撫等議處。○又定拔貢優貢。

朝考以教職用孝廉方正考試引

見以教職用及舉貢出身漢教習期滿以教職用有情願分發者准赴本省督撫呈明聽候考驗差

委報部存案

補例就教各員不得投照辦理

其委署班次二等

舉人一人

山東二等舉人准連用二人

現任改教及應補教

職

病痊終養事畢教職與應補合為一班

一人拔貢詢問教職及

優貢教職一人孝廉方正教職及教習教職一

人捐納教職一人

山東山西捐納准連用二人

奉天教習期

滿以教職用之員應儘前項人員委署後再行

派委

進士改教舉人截取選班甚速應毋庸分發效用

順天府屬會銜題調○乾隆四十一年議准嗣

後直隸各府人員升調至順天府屬者直隸總

督專銜題咨毋庸會同順天府尹列銜其順天

府各員升調至直屬者總督主稿會同順天府尹列銜題咨○嘉慶八年

諭據顏檢奏請將三河縣知縣張力勤調補武清縣一

摺已批交吏部議奏矣閱其摺尾有會同兼管順天

府尹戴衢亨等恭摺具奏之語本日召見軍機大臣

面詢戴衢亨據稱並未知此事可見外省於會銜具

奏各件並不事前咨商僅於陳奏後聞會實為相沿

陋習此等調補人員本非迫不及待之事既係例應

會銜奏請自當將人地是否相宜彼此詳細公商以

昭慎重况奏調之員若列名會奏之人竟不與聞其

事將來設遇所保非人自當一律交議徒代他人任

咎則會銜一節不幾成具文耶著通諭各督撫嗣後

遇有彼此會同府尹河督漕督學政等衙門具奏事

件總當先期咨會公同商定俟有回文始行具奏儻

應會不會或僅於事後關會者即著應行會銜之員

據實參奏交部議處以杜專擅之弊○十九年議定

順天府屬官員升調均由府尹主稿仍會同直

隸總督列銜題咨如直隸各府人員升調至順

天府屬及順天府屬各官升調至直屬者俱令

總督主稿會同府尹列銜題咨



道府請

旨部選各缺不准改題調缺。○乾隆三十七年定道府各缺如原係請

旨補放及部選之缺者俱不准改為在外題調至原係部選之缺或因地方情形今昔不同令該督撫隨時具題准其改為請

旨簡補註冊。○四十三年奏准嗣後各省大小各缺再不得妄請更改如有因繁簡不符必須隨時酌改之處令各督撫分別缺之大小如丞倅牧令之缺應請改繁者即於丞倅牧令缺內改簡

互換其佐雜之缺即以佐雜內酌改不准將州縣以上之缺與佐雜互易。○嘉慶十年

諭本日吏部條奏升選各事宜一摺內有道府選缺不准改為在外題調一款所議是各省道府員缺除請旨簡放外其由部銓選及在外題調皆有定制豈容紛紛更易嗣後除係特旨將選缺改交督撫題調者該督撫遵行外其餘道府至州縣各選缺均不准改為題調即實有今昔情形不同不得不酌量調劑者亦著於本省題調要缺內酌改簡缺互換以符定制。○十九年

諭吏部議駁吳璣等請將道府二缺改為題缺一摺所駁甚是運河道原係請旨之缺向多於記名人員內簡放如果該員到任後不諳河務仍准該河督奏明更改今遽請以此缺改為在外題補豈奉旨簡用之人悉不如在外保題之人耶若云初任人員不諳缺分情形則外吏孰不自初任始其稱職與否存乎其人亦非可一概論也至東昌府本係部選之缺上年曹定匪徒滋事東昌境壤密邇一切事務較繁該撫奏請將稭承羣升補朕特准行豈能因以為例外省督撫於地方偶有事故往往於事後奏改缺分不知

地與事適然相值該督撫平日留心整飭則境壤胥臻寧謐非將一二州縣改簡為繁即能於吏治大有裨益輕易舊章殊屬無謂將此通諭各督撫知之。○道光二十四年

諭興泉永道泉州府二缺准其比照省會首府之例由該督揀員奏請調補所遺之缺仍請旨簡放。○二十五年

諭雷瓊道潮州府二缺准其比照省會首府之例由該督揀員奏請調補所遺之缺仍請旨簡放。○二十六年奏准江西贛州府一缺改為調缺。○咸豐八年



年

諭南汝光道一缺准其改為由外調補所遺之缺例應

請旨奉仍請旨簡放應選者仍歸部選○同治十一

年奏定湖北漢黃德道選缺准由外調補不得

作為題補之缺

內外陰陽醫學僧道等官○康熙十三年定陰

陽醫學僧道等官均由禮部查明咨送照咨註

冊仍咨禮部知會各該衙門○乾隆二十九年

定凡內外陰陽醫學僧道等官俱由禮部查明

給發到付每於年終彙造總冊咨部存案○嘉

慶十年復准內外刑獄選用醫士二名六年後

滿醫治獄囚勤慎無過者在外咨授典科由禮部

理仍知照在內准其咨部投為吏目職銜填寫

執照封發該衙門自行給發

沿河州縣調補○雍正元年議准河南之祥符

榮澤中牟鄭州蘭陽儀封後商邱考城虞城武

陟孟縣河內山東之德州東平濟甯臨清單縣

滕縣嶧縣魚臺汶上陽穀息縣曹縣鉅野江南

之山陽江都甘泉高郵邳州宿遷銅山沛縣虹

縣後靈璧泗州盱眙各州縣員缺均令該督撫

於本省現任州縣內遴選調補三年俸滿保題

升用若三年內雖無衝決而多費

國帑或鄰近隄工有衝決水勢已洩仍不准即升

○乾隆元年議准直隸沿河之良鄉固安永清

東安通州武清寶坻涿州霸州滄州薊州南皮

清河天津青縣靜海玉田交河景州吳橋故城

東光等州縣亦照豫東江南之例於現任州縣

內遴選保題調補○二十三年議准直隸之霸

州故城清河等州縣改歸部選大城大名二縣

改為沿河要缺在外揀選調補○二十七年議

准江南之虹縣後沛縣改歸部選清河縣改為

沿河要缺在外揀選調補○三十四年議准山

東鉅野縣河南虞城縣改歸部選○四十八年

議准河南之睢州甯陵二州縣改為沿河要缺

在外揀選調補○四十九年議准河南儀封縣

改為儀封通判定為沿河要缺在外揀選調補

○嘉慶五年議准江南陽山縣定為沿河要缺

在外揀選調補○七年議准河南歸德府屬之

甯陵縣沿河要缺定為衝簡缺改歸部選○十

一年議定河南考城縣係沿河之缺改歸部選



○十七年奏准凡州縣兼河缺出即照沿河地方定例辦理○十九年議准河南祥符縣係省會首邑遇有缺出應以現任人員揀選調補其榮澤中牟鄭州蘭陽商邱武陟河內孟縣並江南靈璧盱眙等各州縣應調缺出仍令各督撫於現任人員內揀選調補不得濫行升用若實無合例堪調之員始准於疏內切實聲明保題升用○二十一年議准直隸盧龍縣改為兼河要缺在外揀選調補南皮縣改為兼河中缺歸部銓選○又議准江南阜甯縣改為沿河要缺由外調補東臺縣改為中缺歸部銓選○二十四年議准江南桃源縣改為沿河要缺在外揀選調補○道光元年

諭河南考城縣改為沿河要缺由本省揀選題補○三年議准兼河要缺應先儘現任人員調補如無合例之員以候補人員題補再無人方准以佐貳題升○四年議准河南中牟縣改為中缺歸部銓選○又議准河南儀封廳通判裁汰轄境歸併蘭陽縣管理將蘭陽縣改為蘭儀縣○二十四年奏定順天甯河縣改為沿海要缺永清

縣改為兼河簡缺○同治十一年奏定直隸天津縣原係沿河要缺現因各國通商中外雜處繁劇甲於通省改為海疆最要之缺故城縣原係沿河題缺仍照沿河題缺例辦理○光緒元年覆准河南考城縣仍隸歸德府管轄改為地方簡缺歸部銓選○七年議准直隸東明縣改為沿河要缺由外調補鉅鹿縣改為中缺歸部銓選

沿河佐雜○乾隆三十八年議定直隸通州吏目和合驛驛丞兼巡檢武清縣典史河西務巡檢楊村驛驛丞兼巡檢寶坻縣典史薊州吏目中營巡檢香河縣典史玉田縣典史良鄉縣縣丞典史涿州州判吏目霸州吏目大城縣典史固安縣典史永清縣典史東安縣典史天津縣典史葛沽巡檢楊青驛驛丞兼巡檢北倉大使兼巡檢靜海縣典史獨流巡檢青縣典史流河驛驛丞滄州吏目孟村巡檢南皮縣典史交河縣典史新橋巡檢景州吏目龍華巡檢吳橋縣典史東光縣典史故城縣典史鄭家口巡檢清河縣典史大名縣典史江南淮安府經歷檢校



稅課大使大軍倉大使山陽縣縣丞主簿典史
清河縣縣丞典史安東縣典史桃源縣典史
家集巡檢揚州府經歷照磨檢校江都縣典史
萬壽司巡檢甘泉縣典史邵伯司巡檢儀徵縣
典史舊江司巡檢稅課大使高郵州吏目界首
司巡檢寶應縣典史槐樓司巡檢銜陽司巡檢
徐州府經歷銅山縣典史沛縣夏陽司巡檢邳
州舊城司巡檢宿遷縣典史海州沭陽縣縣丞
惠澤司巡檢通州吏目宿州判壽州正陽關
巡檢泗州州同山東濟南府經歷東昌府經歷
泰安府經歷兗州府經歷沂州府經歷曹州府
經歷東阿縣縣丞典史嘉祥縣典史壽張縣典
史鉅野縣典史聊城縣縣丞典史堂邑縣典史
博平縣典史清平縣典史魏家灣巡檢館陶縣
典史夏津縣典史武城縣典史河南開封府照
磨歸德府經歷彰德府經歷衛輝府經歷懷慶
府經歷陳留縣典史封邱縣典史陽武縣典史
汜水縣典史虞城縣典史安陽縣典史湯陰縣
典史內黃縣典史汲縣典史淇縣典史輝縣典
史獲嘉縣典史新鄉縣典史濬縣典史滑縣典

史老岸鎮巡檢修武縣典史原武縣典史溫縣
典史均以沿河註冊如有留心河務之員遇有
河工汎員缺出准其一體揀選升調所遺各缺
仍歸部選如並非沿河地方不得混行升調○
五十五年議准直隸灤州吏目榛子鎮巡檢清
苑縣典史張登口巡檢雄縣典史正定縣典史
河間縣典史北魏司巡檢獻縣典史任邱縣典
史均以沿河字樣註冊遇有河工汎員缺出一
體揀員升調○又定山東德州州判吏目東平
州吏目濟甯州州同吏目臨清州州同吏目滕
縣縣丞典史恩縣縣丞典史汶上縣縣丞典史
嶧縣陽穀曹縣魚臺單縣各典史河南儀封廩
照磨給祥符中牟蘭陽榮澤考城河南武陟孟
縣各典史高邱縣縣丞典史鄭州吏目等缺俱
註明沿河字樣遇有河工汎員缺出一體揀選
升調○嘉慶十二年議准直隸北頭工上沈武
清縣主簿改為縣丞玉田縣縣丞改為主簿北
頭工下沈宛平縣主簿改為縣丞元城縣縣丞
改為主簿北二工良鄉縣主簿改為縣丞南陵
七工東安縣縣丞改為主簿北三工涿州巡檢







州同州判開封府儀封司經歷虞城縣丞蘭  
儀縣縣丞虞城縣主簿甯陵縣主簿蘭儀縣管  
河主簿蘭考巡檢商邱縣管河主簿考城縣管  
檢單縣縣丞主簿各缺。○光緒九年移直隸東  
明縣杜勝集分防巡檢駐高村作為汛員專司  
中汛修守改為管河要缺並將靜海縣獨流鎮  
巡檢改為選缺

欽定大清會典事例卷六十四

吏部

漢員遴選 河員遴選

河員遴選。○康熙三十七年議准。直隸河間府  
同知。定為管河要缺。○四十年議准。直隸順德  
府漳河同知。定為管河要缺。○雍正元年議准。  
河道總督所屬直隸通永道。永定河道。江南淮  
揚道。直隸順天府屬之南岸同知。北岸同知。石  
景山同知。河西務同知。張家灣漕運通判。薊州  
通判。天津府屬之管河同知。泊河通判。楊村通  
判。祁州通判。王慶坨通判。保定府屬之管河同  
知。大名府屬之同知。正定府屬之通判。江南淮  
安府屬之山安南岸海防河務同知。桃源同知。  
山安同知。山清裏河同知。外河同知。高堰通判。  
山盱通判。桃源安清中河通判。鎮江府屬之糧  
捕通判。揚州府屬之東臺同知。瓜洲同知。揚河  
通判。下河通判。徐州府屬之邳睢同知。宿虹同  
知。銅沛同知。徐州通判。中河宿桃通判。山東兗  
州府屬之運河同知。總捕同知。張秋河捕通判。  
泗河通判。管泉通判。沂州府屬之沂邳海賴同



知。東昌府屬之上河通判。下河通判。河南開封府屬之上南河同知。下南河同知。上北河同知。下北河同知。歸德府屬之管河通判。河捕通判。懷慶府屬之黃河同知。至州同以下佐雜等官。直隸天津縣丞。滿城縣丞。青縣子牙河主簿。涿州州判。吏目。霸州州判。吏目。宛平縣管河縣丞。主簿。良鄉縣丞。主簿。固安縣丞。主簿。永清縣丞。主簿。東安縣丞。主簿。武清縣丞。主簿。河西務主簿。要兒渡縣丞。東楊村主簿。薊州州判。灤州州判。玉田縣丞。豐潤縣主簿。灤州州判。分防楊村

縣丞。香河縣丞。主簿。祁州州同。蠡縣縣丞。魏縣

縣丞。武清縣丞。唐縣主簿。東安縣主簿。霸州州

同。州判。清河吏目。安州州判。新安縣丞。任邱縣

主簿。保定縣主簿。寶坻縣主簿。大城縣丞。交河

縣主簿。景州州判。吳橋縣丞。故城縣丞。東光縣

主簿。青縣主簿。靜海縣主簿。滄州州判。南皮縣

主簿。清河縣丞。元城縣丞。大名縣丞。長垣縣丞。

江南丹徒縣丞。丹陽縣丞。阜甯縣糧河縣丞。山

陽縣糧河縣丞。外河縣丞。主簿。清江插官。高

堰主簿。裏河主簿。高良湖主簿。鹽城縣丞。清河

縣丞。中河主簿。外河主簿。惠濟插官。通濟插官。安東縣丞。主簿。桃源縣丞。南岸主簿。北岸主簿。中河主簿。海州州同。通州州判。江都縣丞。瓜洲插官。芒稻河插官。儀徵縣丞。清江插官。高郵州州同。州判。興化縣丞。寶應縣丞。主簿。泰州州同。州判。甘泉縣主簿。如皋縣丞。銅山縣丞。南岸主簿。北岸主簿。蕭縣主簿。碭山縣主簿。豐縣主簿。沛縣主簿。楊莊插官。夏鎮插官。邳州州同。州判。宿遷縣糧河縣丞。中河縣丞。運河主簿。北岸主簿。南岸主簿。睢甯縣丞。主簿。靈璧縣主簿。盱眙

縣丞。山東德州州同。東平州州判。靳家口插官。

山插官。戴廟插官。插官。滕縣主簿。嶧縣縣丞。頓莊插

萬年莊插官。臺莊插官。韓莊插官。插官。魚臺縣主簿。南

陽插官。汶上縣主簿。開河插官。前鋪插官。南旺

上下插官。袁家口插官。濟甯州州判。在城插官。趙

村插官。天井插官。仲家淺插官。石佛插官。新店插官。棗林插

插官。陽穀縣主簿。阿城荆門插官。七級插官。插官。壽

張縣主簿。曹縣縣丞。主簿。鉅野縣主簿。通濟插

插官。單縣主簿。郟城縣丞。聊城縣主簿。永通插

通濟橋插官。周季插官。插官。堂邑縣主簿。梁家鄉插



官。清平縣主簿。戴家橋。臨清州州判。南坂  
插。插官。館陶縣主簿。夏津縣主簿。武城縣丞。河  
南祥符縣丞。北岸主簿。南岸主簿。陳留縣丞。中  
牟縣丞。陽武縣主簿。封邱縣主簿。蘭陽縣丞。主  
簿。儀封縣丞。主簿。鄭州州判。滎澤縣丞。主簿。商  
邱縣主簿。虞城縣丞。主簿。考城縣主簿。安陽縣  
丞。獲嘉縣丞。淇縣縣丞。輝縣主簿。濬縣縣丞。河  
內縣丞。原武縣主簿。修武縣丞。武陟縣丞。主簿。  
孟縣主簿。湯陰縣丞。內黃縣丞。汲縣縣丞。新鄉  
縣丞。均係專管河務之員。○十一年議准。添設  
直隸天津府通判。定為管河要缺。○十三年議  
准。河道總督所屬道缺。均令該督揀選諳練河  
務者。具題引  
見補授。同知。通判。員缺。令該督將  
命往人員。並現任及從前題准留工之人。擇其對品  
或應升者。遇有員缺。揀選題請委署。俟一年後  
經過三汛。果能勝任。出具考語。保題送部引  
見實授。至佐雜等官員缺。亦令該督將  
命往人員。並現任及題准留工之人。揀選對品。或應  
升人員。擇其諳練河務。著有勞績者。先行咨部

委署。俟一年後。察其果能勝任。再行保題實授。  
該員等如不勝任。不必拘定年限。立即調回。別  
行遺員。分別題咨署理。○乾隆五年議准。山東  
曹單同知。曹儀通判。俱定為管河要缺。○又定。  
改河南歸德府屬河捕通判。為河捕儀考通判。  
衛輝府糧河通判。定為管河要缺。○七年議准。  
各省河工同知通判。缺出。沿河州縣中有應升  
者。果能平日留心河務。遇有緊要工程。辦料撥  
夫。不致貽誤。准河道總督會同該督撫。具疏保  
題署理。不必專於河員內選補。其河工汛員。亦  
准該督撫以應升之缺。題升沿河州縣。○十年  
議准。直隸新城縣縣丞。定為管河要缺。○十一  
年直隸裁祁州通判。改設子牙河通判。○十六  
年議准。江南宿州州同。定為管河要缺。○十八  
年議准。江南丁溪橋插官。草堰橋插官。俱定為  
管河要缺。○十九年議准。河庫道大使。定為管  
河要缺。○二十年議准。直隸滄州吏目。子牙河  
主簿。改為天津縣減河主簿。山東東平州州同。  
均定為管河要缺。○二十一年議准。江南管河  
瓜洲插官。改為橫越插官。○二十三年議准。江



南管河夏鎮。插插官。改為滕沛插官。○又議准直隸新河縣縣丞。定為管河要缺。○二十四年。定直隸通州土壩州同。石壩州判。清苑縣縣丞。雄縣縣丞。高陽縣縣丞。河間縣縣丞。文安縣主簿。獻縣主簿。正定縣縣丞。甯河縣。蘆臺巡檢。河間縣。景河巡檢。青縣。興濟巡檢。杜林巡檢。滄州。青滄減河巡檢。江南天妃石碓。插插福興。插插白駒。插插各插官。阜甯縣。羊寨鄉。馬運鄉。大套。山陽縣。童家營。清河縣。馬頭。安東縣。五港。灌口。長樂。桃源縣。三義。江都縣。瓜洲。興化縣。安豐。泰州。西溪。銅山縣。呂梁。洪關。虎店。邳州。直河口。新安。宿遷。縣。劉馬莊。歸仁。堤。各巡檢。山東甲馬巡檢。甯陽縣。縣丞。曹縣。安樂巡檢。河南祥符。陳留。二縣北岸巡檢。蘭陽。儀封。二縣北岸巡檢。均定為管河要缺。○二十六年議准。直隸慶豐插插官。通流插插官。均定為管河要缺。○三十年議准。效力人員。已經實授。及得缺未經實授。並實授之後。又經調署。升署。緣事離工。服滿。假滿。仍赴河工者。亦毋庸補額。遇有缺出。准其題咨署理。其未經得缺人員。仍赴河工。該督詳加甄別。如果請

練河務。咨部補額之後。方准補用。○三十二年。江南裁汰揚州府屬東臺同知。泰州州判。西溪巡檢。三缺。○三十三年議准。江南淮徐道。改為淮徐海管河兵備道。令該督揀選諳練河務者。具題引見補授。○三十四年議准。江蘇鎮江府糧捕通判。專司河工。原管糧務。歸船政通判兼管。○三十八年議准。山東兗州府。泗河通判。改為泗河同知。沂州府。沂河同知。改為沂河通判。○三十九年議准。直隸薊運通判。裁汰。其江南丁溪插插官。裁汰。改設富安場巡檢。定為河缺。在外揀選。○四十六年議准。河南淇縣。新鄉。獲嘉。三縣縣丞。改為上南河廳屬縣丞。儀考廳屬縣丞。上北河廳屬縣丞。山東趙村插插官。移改珠梅插插官。滕沛插插官。改為彭口插官。汶上。滕縣。二縣主簿。改為縣丞。鄆城。甯陽。二縣縣丞。改為主簿。○四十八年議准。河南儀考通判。改為蘭儀通判。睢州。添設管河州同一人。南陽府通判。改為睢甯通判。曹儀廳。改為曹考廳。儀封主簿。改為甯陵主簿。蘭儀巡檢。改為蘭考巡檢。○四十九年議



准儀封縣縣丞改為儀封廳管河主簿。○五十年奏准直隸河工同知通判缺出准其將灤州清苑河間獻縣任邱正定雄縣七州縣與沿河之良鄉固安永清東安通州武清寶坻涿州霸州滄州薊州南皮清河天津青縣靜海玉田交河景州吳橋故城東光等州縣一體揀選升用如仍不得人亦准於現任繁缺州縣內擇其由河員出身及曾任沿河者聲明奏請升署。○五十一年議准儀封主簿改為經歷。睢州下汛縣丞改為睢州管河州判。○五十二年議准蘭儀通判改為蘭儀同知專管蘭陽及儀封上汛其儀封下汛及睢州上汛改為新設儀封通判經理管。○又奏准睢寧通判改為同知黃沁同知改為通判。○又議准江南六塘河水利同知裁汰改為邳北同知專司北岸河務原設邳州同知改為睢南同知專司南岸河務。○五十四年議准江南鎮江府水利通判改為桃源南岸通判桃源同知改為桃源北岸同知各令分司河務。○五十五年議准江南徐州府鹽捕通判改為豐場北岸通判專管北岸工程原設豐場通判

改為蕭場南岸通判專管南岸工程。○五十六年議准嗣後河員缺出地方人員概不准通融辦理。○嘉慶四年議准山東曹州府管糧通判改為糧河通判河南修武縣縣丞改為曹單管河縣丞在外揀選曹州府管河通判定為管河要缺在外揀選。○五年議准嗣後河員補缺俱以銜缺相當或大銜借署小缺仍分別題咨署理其升銜補缺之例刪除遇有缺出先儘欽奉特旨留工補用之員次儘曾經實授仍赴原工及未經實授並前次揀發之員此外投效各員亦應擇其在工年久諳練河務者先行署理不得任意攙越照地方之例將在工效力大小各員開具履歷按季造冊報部以便查覈。○又議定山東沂州府沂州海州管河通判改為沂州府地方通判作為簡缺歸部銓選。○七年題准順天宛平縣盧溝橋巡檢改為石景山巡檢專汛要缺。○又議准江南宿虹南岸添設通判一員定為宿南通判宿虹同知改為宿北同知。豐場北岸添設縣丞一員定為豐縣縣丞南岸添設縣



丞一員。定為碭山縣丞。○又

諭。費瀉等奏請將推升刑部員外郎之淮安府外河同知曹恆暫留工次。俟霜降後再行給咨該員赴京供職等語。同知曹恆既據該督等奏稱服官河墻四十餘年。於河務機宜最為熟諳。著加恩賞給知府銜。仍留江南河工。遇有沿河知府缺出。著該督等酌量奏補。此係朕施恩格外。嗣後不准援此例妄行干瀆。有礙吏部銓選成例也。○八年題准。河南上北河同知改為祥符北岸河務同知。作為管河題調要缺。衛輝府河務通判改為上北衛糧河務通判。作

為管河中缺。○又議准。嗣後現任河工及效力並曾任河工。又經升調他省人員。有應賠銀兩。及作何分限完繳之處。工部詳細查明。逐案造具清冊。咨送吏部備案。遇有升調補授到部。查其冊內分賠銀兩。並未逾限。即照例辦理。如逾限未完。即行據冊議駁。將該督一體查參。○又議准。涿州管河吏目改為涿州北岸三工管河巡檢。霸州管河吏目改為霸州北岸六工管河巡檢。滄州管河吏目改為滄州風化店管河巡檢。○十年奏准。河南黃沁通判改為同知。睢甯

同知改為通判。○十一年題准。河南開封府開糧通判改為開封府中河河工通判。在外揀選。○十四年議准。山東新設曹考通判。定為管河題調繁缺。○又議准。河南上南河同知。下南河同知。下北河同知。商虞通判。均作為管河要缺。管河儀。睢通判。作為題調要缺。○又題准。直隸永定河道改為請

旨簡放之缺。清河道改為題升要缺。○十六年奏准。河南歸德府增設歸河通判。作為河工題缺。○又奏准。江南增設分巡淮海河務道一缺。作為題缺。又增設淮安府南岸海安同知一缺。淮安府北岸海阜同知一缺。仍兼撫民。淮安府外河通判一缺。作為管河缺。○又議准。大挑舉人。以及議敘。捐納。拔貢。教習。各班試用知縣。如有調赴河工差委。著有勞績。欽奉

諭旨先補。即補人員。俱於各本班到班時。先儘補用。若同係奉

旨先補。即補者。仍於各本班。較到省日期。題補。以昭覈實。○十七年



派大小文武分司職役總計六百餘員。朕覺其人數太多。即降旨令該督等不得將六百餘員概行報部。以示限制。本日恭閱。

皇考高宗純皇帝實錄內載諭軍機大臣等。御史魏涵暉條陳河工效力人員。應照各省之例。揀選引見發往。所奏甚是。南河效力定額百二十員。其一切工程。則各有廳員專管。即分防大汛。及遇缺委署。間亦需人。止須足數差遣而已。何必如許之多。此等人員到工之後。自備資斧。無所獲利。勢必兢事欺蒙。指平為險。惟冀添築工程。恣其浮冒。是誤工虧帑。皆若輩為

之。歷來河工。狃於陋習。不察其弊。殊不思各省州縣刑名錢穀頭緒紛繁。何嘗不一人兼理。未見於正印之外。概委多人紛紛協辦。嗣後河工亦應照各省之例。按其額設員缺。陸續酌量奏請發往。以備委署。或有緊要工程。萬難兼顧。必資分辦者。亦應限以數目。不得仍前濫請。徒使有名無實。著詳細酌議奏聞。經議准江南六十員。直隸三十五員。河東三十員。仰見聖訓煌煌。立制至為周備。河工遇有應辦工程。若因工段綿長。需人經理。亦應擇其曾任河員。工程熟悉者。奏請發往差委。方可得力。即間有一二本籍紳士鹽

商。情殷桑梓。出力幫工。如此次蕭南紳士張大鶴。運送草束錢文。赴工搶險。此項人員。或因諳習工作。或因保護鄉閭。原可資其急公協佐。以收實效。乃近日各工投效人員。藉詞辦工。紛紛前往。該督等不加選擇。任意收錄。以致人數衆多。漫無限制。此等人員。不過意存倖進。藉邀優敘。竟以興辦大工。為伊等終南捷徑。甚或有不肖之徒。偷將完善隄防。有意殘毀。希冀興工漁利。糜帑殃民。尤為可恨。此皆濫予者衆。遂致賢否不齊。轉滋弊竇。該督等又安能徧加查察。一防範耶。試思地方守令。管理刑名錢穀事務殷繁。

印官之外。並無另有委員為之協理。河工即需員差委。亦何得濫行收錄多人。致啟奔競。即百齡等此次所奏捐職員外郎劉承澍捐辦稽料。奏請捐復原官。該員並非奏請來工之員。又非因保衛田廬。捐資募義。該督等本不應令其備料運工。今既經工竣保奏。自不得不一體加恩。而收用投效人員。漫無區別。即此已可概見。是河工委用人員。自應明定章程。以昭體制。嗣後工員非奏請發往者。不得擅行差用。其平時應准委用若干員。遇有應辦之工。應准委用若干員。著該部詳議具奏。欽此。遵。



旨議定嗣後河工需員差委。詳奏明投效者。不准濫行保奏。又

諭各省保奏奉旨儘先補用人員。不止河工一項。應如何酌定班次。與各項候補人員分班輪用之處。著吏部妥議章程具奏。欽此。遵

旨議定。河工缺出。自同知以至佐雜等官。均先儘欽奉特旨留工之員一人。次用次儘仍赴原工一人。兩項相間輪用。先儘無人。仍用次儘。次儘無人。仍用先儘。輪至第五缺。用投效分發試用一人。如先儘次儘俱無人。聽該督撫將投效試用人員酌

量補用。○二十二年議奏。大挑分發河工人員。由部給發執照。赴工差委。一年期滿甄別。以知縣用者。先以佐貳借補。遇有直隸州州同州判。府屬州同州判。府經歷縣丞。缺出。准其酌量咨署等因。奉

旨。此項大挑一等分發河工人員。著定為試用二年。經歷六汛後甄別。該河督分別稟公察看。其能通曉河務者。留工照新定章程。分別補用。如河務不能練習。而才具尚堪膺民社者。奏明改撥地方。仍以知縣補用。其才識迂拘者。以教職改補。○又議准。嗣後河工

缺出。除先儘次儘二項應補有人。照例補用外。至第四缺。無論何項無人。即行過班。用試用一人。接連用大挑二人。再用捐納分發一人。周而復始。不得越次攪補。○又議准。直隸天津海口。添設海防同知一員。定為要缺。在外揀選調補。裁汰正定府通判。河務改歸同知兼管。○道光元年議奏。教習期滿知縣。教職保舉知縣。分發河工學習河務。照大挑舉人之例。試用二年。經歷六汛甄別。以沿河知縣補用。先以佐貳借補。奉

諭。著照所議。將教習期滿知縣。教職保舉知縣。兩項人員。由部行文飭取。奏派揀選發往。欽此。遵

旨議定。補缺班次。先儘次儘。大挑後教習。教職。合為一班。酌補二人。再用投效分發試用一人。○十二年。直隸裁汰天津府海防同知。宣化府同知。廣平府通判。大名府通判。河間府泊河通判。新安縣知縣。霸州清河管河州判。武清縣要兒渡管河縣丞。雄縣管河縣丞。高陽縣管河縣丞。新安縣管河縣丞。武清縣東楊村管河主簿。任邱縣管河主簿。正定縣兼河主簿。故城縣鄭家口巡



檢行唐縣兩嶺口巡檢。交河縣新橋巡檢。延慶州永定巡檢。新安縣典史各缺。○十四年議准。南河山野廳通判。改為同知。由外道選升調。海安撫民同知。改為通判。○二十一年議准。山東曹州府糧河通判。改為曹單通判。○二十五年。移直隸子牙河通判。駐永定河北岸。作為永定河北岸通判。移祁州州同。駐永定河北岸四工上汛。○二十九年奏定。揚州府江防同知。改為江運同知。裁汰糧河通判。歸併江運同知管理。○三十年奉

旨。直隸通永河道。准其加兵備銜。作為通永河務兵備道。○咸豐六年奏定。江南淮安府桃源中河通判。改為同知。海阜北岸同知。改為通判。○八年。江南裁汰徐州府睢南同知。歸宿南通判管理。邳北通判。歸宿北同知管理。○十年

前據御史薛書堂侍郎宋晉御史福寬等。奏請裁汰河員。並改設漕運總督。簡員駐守宿遷各摺片。當交御前大臣軍機大臣會同該部議奏。茲據載垣等奏。遵議裁汰河工文武官員。酌改操防營伍各事宜。開單呈覽。江南河道總督。統轄三道二十廳。文武員弁

數百員。操防修防各兵數千名。原以防河險而利漕行。自河流改道。舊黃河一帶。本無應辦之工。官多閑冗。兵皆疲情。虛費餉需。莫此為甚。所有江南河道總督一缺。著即裁撤。其淮揚淮海道兩缺。亦即裁撤。淮徐道著改為淮徐揚海兵備道。仍駐徐州。所有淮揚淮海兩道。應管地方河工各事宜。統歸該道管轄。廳官二十員內。豐北蕭南銅沛宿南宿北桃南桃北外南外北海防海阜海安山安十三廳。均係管理黃河。現在無工。又管理洪湖之中河裏河運河高堰山盱揚河江運七廳。現在工程較少。均著一併裁撤。惟中

河等七廳。有分司蓄蓄宣洩事宜。所有裁撤之運河中河二廳事務。著改設徐州府同知一員兼管。裁撤之高堰山盱二廳。著改設淮安府同知一員兼管。裁撤之裏河廳。著改歸淮安府督捕通判兼管。裁撤之揚河江運二廳。著改歸揚州府清軍總捕同知兼管。至裁撤黃河無工十三廳。原轄各工段汛地。即著落各該管州縣官管轄。不得互相推諉。各廳所屬之管河佐雜人員。除揚莊等插官十員。專司啟閉。毋庸裁撤外。其宿州等管河州同五缺。高郵州等管河州判三缺。東臺等管河縣丞十九缺。高良澗等管河主簿



二十一缺。卓甯等管河巡檢十六缺。均著一併裁撤。○同治二年。河南裁汰開封府蘭儀同知。歸德府商虞通判。儀睢通判。睢甯通判各缺。○又山東裁汰曹河同知。曹單通判。曹考通判各缺。○十一年奏定。江蘇復設淮揚河務兵備道。管理淮揚兩屬。並將海州一屬。歸徐州道管轄。作為徐海河務兵備道。○又移江南徐州同知。駐府境內湖團地方。○又定。江蘇揚州府總捕同知。改為河務同知。南河添設堰盱同知。均作為管河題調要缺。○光緒三年議准。江蘇海州一屬。改為淮揚道就近管轄。作為淮揚海河務兵備道。徐海道。作為徐州河務兵備道。○七年。移直隸大名府漳河同知。駐東明高村。作為廳官。專管東明全境隄工。移漳河縣丞。駐上游李連莊。移開州州判。駐下流黃莊。作為汛官。分管境內首尾各汛。同知。州判。縣丞。均作為河工繁要之缺。由外揀選調補。○十年議定。河工人員。保舉知府。專歸地方補用。北河人員。即歸直隸補用。東河人員。以山東河南掣定一省補用。南河人員。以江蘇安徽掣定一省補用。其佐貳保舉直

隸州知州。府屬知州。知縣。以沿河之缺補用。○又定。河工防汛。並現任地方之協防人員。每年秋汛安瀾。奉旨准獎。即將在工出力人員。酌量保奏。地方試用人員。不准濫行敘入。



欽定大清會典事例卷六十五

吏部

漢員遴選河工林發 沿海各員調補 直  
隸承德府並所屬州縣調補 直  
隸邊缺佐雜調補 臺灣調補

河工揀發○雍正二年題准河工效力人員必  
須詳慎果係身家殷實熟習工程者令該督酌  
量足用人數詳開履歷奏明奉

旨准其留工效力者於年終將各官名數造冊報部  
存案俟題補之日以便查覈○乾隆五年議准  
凡河工效力人員該河道總督等各就所在情

形按其額數之多寡工程之難易酌量需用人  
數著為定額具題存案照依定額留用其餘閒  
冗之員並丁憂及叅處者一概速催各回旗籍  
已經題准留工之人亦令該督不時查覈分別  
勤惰儻有不諳工程辦事怠惰者即行咨部除  
名撤回各該旗籍○七年議准情願往河工效  
力人員取具地方官身家殷實印結由部驗發  
不准在外收錄○十八年覆准向例取具本籍  
殷實印結者始准驗發河工但行之日久地方  
官不免濫結部中亦止據結發往其實在殷實

者究屬寥寥應將身家殷實由部驗發之例停  
止遇有河工需人奏請揀發時照各省揀發試  
用人員之例奏請

欽點大臣揀發先儘曾在河工之人次儘各項候補  
之人如應補不敷將各項守部候選人員及未  
經截取之進士舉人考職就職之貢監舊班之  
捐納各項人員取具同鄉京官印結一例揀選  
引

見發往再效力河員向係由部驗發是以到工之後  
復行具題補額今既引

見揀發毋庸再行具題如有不諳河務者仍咨回別

補再江南今無效力定額一百二十人直隸定

額七十八河東定額六十八應各裁減一半江

南定為六十八直隸定為三十五河東定為

三十八嗣後請發不得過於此數

沿海各員調補○雍正二年覆准江南之太倉

常熟崇明華亭上海南匯昭文海州泰州通州

浙江之仁和海甯海鹽平湖鄞縣慈谿奉化鎮

海象山定海臨海黃巖甯海永嘉樂清瑞安平

陽山東之諸城掖縣昌邑萊陽文登膠州甯海



州廣東之東莞香山順德新會新甯歸善潮陽揭陽饒平澄海海陽陽江電白以上各州縣員缺均令該督撫於本省內揀擇調補三年內果能緝盜安民實有益於地方該督撫保題以應升之官即升○乾隆十一年議准沿海各缺如該員三年內實有成效該督撫照例保題升用若並無實在政績咨部將該員停其報滿與腹地州縣一同較俸升轉○十六年議准浙江甯海縣知縣改歸部選○十七年議准各省沿海知縣除由知縣調補者仍照舊例辦理外其由縣丞等官題請升署者亦仍俟二年實授後再行計俸保題至題請升補各員照小銜借補大缺之例先令試俸二年如果稱職保題實授於實授後再行開俸三年查覈保題照例升用○十九年議准福建之閩縣侯官福清晉江南安惠安同安龍溪漳浦等九縣均係沿海要地照山東等省沿海州縣之例三年內果能緝盜安民教養實有成效者該督撫保題照例升用○二十三年議准浙江紹興府總捕海防通判南塘水利通判杭州府東塘同知西塘同知嘉興

府乍浦海防同知溫台玉環同知俱係沿海之缺三年俸滿准其保題○二十四年議准江南蘇州府船政同知松江府金山衛同知川沙城同知柘林水利船政通判太倉州州同均定為沿海要缺在外揀選調補果能防守如法有益地方俟著有勞績令該督撫據實具題議敘加一級註冊○三十二年議准浙江慈谿奉化二縣俱改去海疆字樣原定三年俸滿即升之處停止○三十四年議准浙江杭州府東塘同知西塘同知嘉興府乍浦海防同知紹興府總捕海防通判南塘水利通判俱經營海塘遇有缺出令該督撫於本省內揀選調補三年俸滿詳加查覈如果修防妥固辦事勤幹准其保題入於即升班內照例升用若循分防守辦事中平者即於俸滿時題報註銷撤回另補得缺時照調簡之例送部引見其玩誤塘工及別項劣迹立即題參○三十九年議准山東昌邑縣沿海縣缺改歸部選○四十年議准山東萊陽縣沿海縣缺改歸部選○四十六年議准廣東廣州府屬坑頭村新設永



甯通判及番禺縣艾塘司沙灣司巡檢各缺由該督撫於通省現任對品人員內分別題咨揀選調補果能緝盜安民著有成效俟五年期滿分別保題入於即升班內照例升用如有承緝盜案處分停其升轉其五年期滿即升註冊未經升用人員遇有五年內沙艾兩處盜案後經發覺其即升之案照例註銷○嘉慶四年奏准廣東高州府知府改為海疆要缺請旨簡放○五年

諭閩省漳泉二府向有天地會名目及械鬪案件民風最為刁悍雖屢經降旨令該督撫實力整飭一時未盡丕變必須官民相親默化潛移以收實效朕思親民之官莫如守令此等積弊之區尤宜遴選賢能久於其任方得從容與民更化嗣後漳泉二府屬縣緊要缺出著該督撫於通省現非要缺知縣內擇其明幹廉能之員奏請更換調補俾資治理除合例人員部議准行外其有與例不合者部臣仍按例議駁俟朕臨時酌量降旨至漳泉二府及各廳縣有因丁耗糧米糧課處分及承緝遲延參罰事屬因公應降革者該督撫仍應照例題參其中如實有政績卓著民

情愛戴之員准該督撫另行出具切實考語奏明候旨此朕為整飭漳泉二府地方起見閩省別府即不得援以為例若遇有廢弛地方之員則當隨時據實糾參不得稍存姑息○六年議定福建泉州府蚶江通判沿海缺改為簡缺歸部銓選詔安縣知縣改為衝繁疲難沿海兼四要缺○七年

諭吉慶瑚圖禮奏請將海陽潮陽揭陽饒平等縣四缺不拘年限揀員調署等語殊屬非是向來外省督撫往往因州縣員缺緊要將與例未符人員專摺奏請升調有發交部議經部臣照例指駁而朕仍准所請並將該督撫處分寬免者亦有不交部議當即降旨准行者此朕隨時斟酌並非著為成例若如吉慶等所奏遇有海陽等四縣缺出輒將年限未符人員保題調署紛更舊例又安用吏部為耶且各省州縣皆有要缺儘俱照粵省紛紛陳請是各州縣升遷調補督撫皆可任情更易適足開倖進之階吉慶瑚圖禮所奏不可行並著傳旨申飭○又移廣東惠州府糧捕通判駐濱海之陸豐縣甲子司地方○十三年題准福建霞浦縣知縣改為沿海久任要缺在外揀選調補○十五年題准浙江樂清縣知



縣改為沿海要缺。在外題補。○又奏准廣東雷州府遂溪縣楊柑墟地方添設縣丞一缺。作為調缺。吳川縣碭洲巡檢。遂溪縣湛川巡檢。均改為海疆調缺。○十六年議定。江蘇松江府青浦縣改為繁疲難兼三要缺。在外揀選調補。柘林通判改為簡缺。歸部銓選。○又議定。浙江嘉善縣知縣改為繁疲難兼要缺。在外揀選。紹興府南塘通判改為簡缺。歸部銓選。○十八年議准。廣東大埔坪地方添設佛岡直隸廳同知。定為題調要缺。將番禺縣沙菱地方前設永甯通判。改為中缺。歸部銓選。○二十二年議准。直隸天津海口添設海防同知。於河工地方丞倅並沿河州縣內揀選升調。○道光十二年。裁直隸天津府海防同知。○十五年議准。廣東饒平縣沿海縣缺。改歸部選。○咸豐元年奏定。浙江添設中塘同知。定為海疆要缺。在外升調。三年俸滿。照東西兩塘同知之例辦理。○同治十一年奏定。江蘇海州直隸州原定繁難調缺。改為繁難題要缺。該省候補委用試用人員內有能勝任者。按照題缺例章。一體揀選補署。

直隸承德府並所屬州縣調補。○乾隆三十四年議准。熱河八溝二同知。四旗喀喇河屯塔子溝三通判。均改為在外調補之缺。遇缺出時。即於直省現任理事同知。通判內題請調補。○又諭。嗣後調任熱河等五廳員缺。遇積俸推升京官時。著該督詳加區別。除循分供職者。仍照例以京員補用。其中果有辦事出色。才堪外任之員。該督出具考語。送部引見。候朕裁定。有准其在外升者。令仍留本任三年。再行遇缺題補。如此則地方既得諳練之人。而廳員亦不致濫邀遷擢。於課績程材。均為允協。著為令。○三十九年。裁前運通判移紮三座塔。改為理事通判。分理土默特兩旗。喀爾喀左翼一旗。奈曼一旗。其餘各旗。仍歸塔子溝理事通判管理。裁順德府通判。移紮烏蘭哈達。改為理事通判。分理翁牛特兩旗。巴林兩旗。其餘旗分。仍歸八溝理事同知管理。均定為繁難要缺。令該督於通省現任理事通判內揀選。○四十三年。諭。熱河地方。朕每歲木蘭秋獵。先期駐蹕。數十年來。戶口日增。民生富庶。且耕農蕃殖。市肆殷闐。其秀民並知蒸蒸向化。絃誦相聞。現已興建學宮。議定庠額。並



命設立考棚。將來人文日盛。已儼然成一大都會。而稱名尚仍熱河之舊。殊於體制未協。因思熱河從前曾稱為承德州。嗣後應改承德府。即以熱河同知改設其廨署。並毋庸另建。其餘六廳如八溝。較大應改為知州。喀喇河屯等處酌量改縣。均隸新設之承德府管轄。並隸熱河道考覈。著將應行的改各事宜。悉心妥議具奏。欽此遵。

旨議定。熱河同知改為承德府。喀喇河屯改為灤平縣。八溝改為平泉州。四旗改為豐甯縣。塔子溝改為建昌縣。烏蘭哈達改為赤峯縣。三座塔改為

朝陽縣。駐紮口外。事務殷繁。均定為在外揀調之缺。知府缺出。令直隸總督於現任應升知府人員內。揀選題補。知州。知縣缺出。於現任理事同知。通判內。揀選勝任之員。題請升調。管理知州。知縣。照原銜升轉。除知府無內升之項。於外省各知府較俸升轉外。至理事同知。通判。調管平泉等缺之州縣。遇積俸推升。京缺時。該督詳加區別。除循分供職者。照例以京員補用。果有辦事出色。才堪外任者。出具考語。送部引見。恭候。

欽定如奉

旨准其外升仍留本任三年。再行遇缺題補。○嘉慶九年

諭承德府管轄地方寬闊。事件繁多。每歲秋。猶木蘭。兼

有彈壓稽查之責。承德府著改為請旨簡放之缺。○

十六年奏准熱河道以下官員。遇有考察舉劾。由總督會同都統辦理。口外州縣缺出。於口內

旗員中。一體遴選升調。○又議准嗣後口外六

州縣。遇有缺出。如理事同通。不敷揀調。即在撫

民同知。通判內。一體調補。如再不得其人。准在

旗員州縣中。酌量題升。俱照撫民同知。通判。升

轉。如揀調無人。將

簡發之理事人員。揀補至

簡發理事人員。先交都統差委試用。○道光四年議

准嗣後承德府一缺。定為三年俸滿撤回。揀選

內地旗員知府。互相對調。如無人可調。令該督

咨部請

旨簡放。將撤回之員。送部引

見。候

旨簡用。至所屬一州五縣缺出。由內地理事撫民同



通及旗員州縣一體揀選如無堪以勝任者以簡發之理事人員請補如再不得人即咨部請揀吏部將旗員中曾任理事撫民同通州縣各員帶領引

見請

旨補放三年俸滿該督會同都統察看如有力能整頓之員出具考語奏明請

旨撤回內地俱准先補口內繁缺州縣各按原銜分別以直隸州同知知州題請升調其循分供職者仍以原官補用○七年

諭那彥成奏口外俸滿撤回內地州縣酌定升補章程

一摺直隸承德府屬灤平縣知縣海福豐甯縣知縣阿清邊俸三年期滿前經該督以該二員辦理地方事務均能振作遵照前定章程撤回內地請將海福以地方同知補用阿清以知州升用經部議以該二員任內有關降留處分與原定章程未符行令撤回內地各以原官補用茲據該督奏稱內地州縣升調數計參罰以五十案內外定升調之准駁今查海福任內止有承緝命案二案處分一案阿清任內止有命案四案處分二案竊案二案處分一案不特比較

口外州縣承緝處分為最少即較內地州縣升調數計參罰亦僅十分之一若因此不能保題不足以昭激勸等語口外州縣所轄地方遠闊案牘繁多若必一無違礙處分而後得邀升用較之內地州縣未免偏枯著照所請邊俸期滿之灤平縣知縣海福准以地方同知補用豐甯縣知縣阿清准以知州補用嗣後承德府及所屬州縣邊俸三年期滿統計任內承緝命盜有關降留處分不及十案者會同該都統查明該員實能才具優長堪勝內地丞牧之任方准保題升用不得以定例稍寬致有冒濫其承緝命盜有

關降留在十案以上者不准保升仍以原官分別補用○九年議准承德府州縣如由理事人員調補俸滿引

見奉

旨准其外升發回原省以撫民同知通判調補僅一時無缺可調准於本省州縣缺出不論繁簡即行借補仍照原銜題升○又議定嗣後承德府屬平泉建昌赤峯朝陽等四州縣缺出先於灤平豐甯二縣內揀選調補如不得人仍於現任人員內揀選調補○同治十一年奏定熱河灤



平。豐甯二縣定為一調一補。調缺由都統會同直隸總督。先儘內地理事同通。揀員調補。如不得其人。再於撫民同通及滿漢州縣內一體揀調。補缺即於熱河揀發州縣。按照名次酌量請補。平泉、建昌、赤峯、朝陽、四州縣缺出。先於灤平、豐甯二縣內揀調。如無員堪調。由都統會同直隸總督。於理事撫民同通內。曾經委署州縣及滿漢州縣。堪以勝任之員。請調。如現居要缺。則於揀發州縣內。曾經委署地方者。題署。俟一年後。再請實授。○又定。揀發熱河州縣。滿漢曾任實缺及委用人員。准按照熱河補缺章程。一律補熱河題調要缺。他省不仍於請補後隨時察看。如不勝任。立即撤回。至直隸內地缺出。不准將揀發熱河州縣人員請補。○光緒元年議覆。嗣後灤平、豐甯二縣缺出。毋庸定為一調一補。由都統會同直隸總督。先儘口外揀發及勞績保留熱河補用人員。按照名次請補。如不得其人。於內地現任理事同通。揀員調補。如仍不得其人。再於撫民同通及滿漢州縣內揀調。其平泉、建昌、赤峯、朝陽、四州縣缺出。先於灤平、豐甯

二縣內揀調。如無堪調之員。由都統會同直隸總督。於口外揀發及勞績保留熱河補用人員內。曾經委署地方。並無貽誤者。酌量題署。如不得其人。再由內地現任理事撫民同通。曾經署理州縣及滿漢州縣內。堪以勝任之員。請調。如皆現居要缺。仍照例咨部。吏部將旗員中曾任理事撫民同通州縣各員。帶領引見。請旨補放。至題署人員。俟一年後。果能辦理裕如。再請實授。○二年議准。熱河添設圍場糧捕同知。由都統會同直隸總督。於熱河州縣內揀調。如無堪調之員。再於口外揀發及勞績保留熱河補用人員內。曾經委署地方者。酌量題署。直隸邊缺佐雜調補。○乾隆二十一年奏准。直隸口外地方。遼闊。旗民錯處。土城子、黃姑屯、郭家屯、大間兒、鞏匠屯、塔子溝、熱河、張三營、喀喇河屯、三座塔、八溝、烏蘭哈達以上各巡檢。均係沿邊要缺。遇有缺出。令直隸總督於內地人員內。揀選調補。三年俸滿。如果著有勞績。該督分別咨部升用。○三十四年議准。嗣後熱河三座



塔烏蘭哈達大閭兒巡檢四缺。在口外張三營等巡檢八員內。揀選調補。其俸滿分別咨部升用。仍照舊例辦理。○三十九年奏准。靈壽縣又頭巡檢裁汰。改駐鄂爾土板。歸三座塔理事通判管轄。員缺在於內地。各巡檢內。揀選調補。三年俸滿。著有勞績。咨部升用。○四十三年議准。熱河同知改為承德府。其餘六廳改為州縣。熱河巡檢改為承德府經歷兼攝巡檢並管司獄事。仍於內地人員內。揀選調補。其平泉。灤。平。豐。甯。建。昌。赤。峯。朝。陽。六。州。縣。獄。務。即。令。各。該。處。巡

檢就近兼管。三年俸滿。如果著有勞績。令該督分別咨部升用。○嘉慶十六年。裁祁州州判。改設平泉州州判。裁涞水縣縣丞。改設建昌縣縣丞。裁棗強縣縣丞。改設赤峯縣縣丞。裁赤城縣雲州驛驛丞。改設建昌縣巡檢。裁龍門縣長安驛驛丞。改設承德府司獄。均作為口外調缺。○道光四年議准。口外佐雜等官。三年期滿。揀員換回。缺出。仍照舊例。揀調換回之員。由該督會同都統詳加察看。如係勤奮出色之員。即以應升之缺。由該督酌量請升。其循分供職之員。撤回

內地以原官補用。○八年議准。口外佐雜三年俸滿。如果辦事勤慎。人地相宜。除循例保薦外。許該管道府詳請再留三年。以資熟手。果能始終出力。撤回內地。以應升之缺。聽該督酌量升用。○十二年議准。三座塔烏蘭哈達大閭兒黃姑屯四巡檢。係口外佐雜調補之缺。仍照舊例。三年期滿。如係勤慎出色之員。撤回內地。以應升之缺。升用。至由內地調補人員。如承德府經歷。司獄。平泉州州判。赤峯縣縣丞。建昌縣縣丞。張三營。八溝。塔子溝。土城子。郭家屯。章匠屯。各

喇河屯。鄂爾土板。拊土營子。各巡檢等缺。仍照新定章程。三年期滿。毋庸保薦。俟再留三年。如果始終出力。准其撤回內地。以應升之缺。升用。○又題准。平泉州。八溝。建昌。縣。塔子溝。二巡檢。地處衝要。時有奉委勘驗事件。必須熟悉地方情形之員。方能佐理得宜。嗣後照三座塔等四巡檢之例。由口外佐雜調補。○同治十一年奏定。熱河佐雜。俸滿撤回。另補。如遇要缺。應先儘補用。如遇選缺。歸入裁缺。即用班內比較先後補用。不積各項班次之缺。他處不得援照辦理○光緒二



年議准熱河圍場添設西圍巡檢幫同催徵並設同知司獄一員專司監獄作為要缺由該督於內地現任對品人員內揀選調補或於保留熱河候補人員內酌量請補均由熱河都統會同直隸總督咨部覈辦三年俸滿照張三營巡檢承德府司獄等之例辦理○五年議准熱河佐雜單調各缺張三營巡檢先儘熱河差委之候補及曾任委用人員請補如不得人再由內地揀調或以內地候補並曾任委用人員請補仍會同直隸總督咨部辦理

臺灣調補○康熙三十三年題准臺灣各官均令遴選調補三年俸滿如能稱職以應升之缺即用○雍正七年題准凡調往臺灣各官道員到任三年知府同知通判知縣到任二年該督撫於本省內地屬官內遴選賢能之人來冬月北風之時到臺與舊員協辦至半年之後則令舊員乘夏月南風之便回至內地協辦之時一體算俸其調往官員內除庸劣不堪者該督撫隨時題咨外其餘官員均於期滿調回內地之印該督撫查覈分別具題如果實心辦事地方

安謐道府由該督撫給咨送部引

見候

旨升用同知通判知縣均留於本省遇有應升之缺該督撫即行具題升補至經歷縣丞以下佐雜做員及教職等官事務簡少毋庸協辦俟到任三年如果稱職出具考語咨部以應升之缺即用仍令督撫於各官將滿三年之時即豫行揀選內地人員調往令俸滿之人交代清楚回內地候升○乾隆五年議准臺灣各官既從內地揀選則內地員缺又需人署理該督撫酌量需人之時即奏

聞請

旨揀發以備臺疆內地兩處調補委署之用○七年議准臺灣調回官員如一時無應升之缺令該督撫分別題咨以原官補用將應升之處帶於新任至調往所遺內地等缺咨部別行銓選○又議准知府督催錢糧較承追經徵錢糧之州縣責任稍輕嗣後臺灣府知府員缺儘所屬知府內實無合例可調之人其任內有督催錢糧未完一分以下者由部於題覆本內聲明請



旨。其臺灣知縣員缺。仍令該督撫將應行調補之人。題請調補。如實無可以調補之人。於應升人員內。揀選升補。毋庸將錢糧未完一分以下之人。題請調補。○八年議准。臺灣知府同知通判知縣。亦照道員佐雜教職等官一例。三年期滿。督撫於五月以前。先行於內地人員內。遴選調補。其舊員期滿後。即調回內地。毋庸協辦。該督撫仍照例查覈具題。分別升用。○三十四年議准。嗣後臺灣文職各官。凡籍隸廣東人員。俱令迴避。不准升調。○三十六年

諭。前據崔應階奏臺灣地方。半係粵莊。俱廣東民人居住。若地方官亦係粵人。恐不無瞻徇同鄉。即或遇事秉公。又易生怨滋事。辦理頗為掣肘。請嗣後廣東人任臺灣文職者。概令迴避一摺。彼時以其為調劑官民起見。似亦防微杜漸之道。是以批交該部議覆。准行。今金門鎮總兵龔宣來京。陛見召對之次。詢以臺灣地方情形。據稱前歲冬間。閩粵莊民。離殺一案。曾經派委文武員弁內。籍隸閩粵者。分莊曉諭。伊等以同鄉相信。易於聽從。旋即解散。況現在臺灣郡武職。閩籍並不迴避。而文職則概屏粵人。設遇兩莊間有

構爭之事。若專令閩籍武弁往諭粵莊。未必不疑其偏向。恐不足以服其心。於海外情形。轉屬無益等語。所奏似屬有理。臺地閩粵錯居。易生離釁。若不過私相聚鬪。豈能盡以官法繩之。又不便聽其積嫌滋事。是員弁等之隨宜調輯。亦不可少。而佐雜兼用粵人。頗覺相宜。況閩人任臺地武職之例。並未更改。獨於粵籍文員中。以例禁。事理亦未平允。即或因縣令職司民牧。僅於寄居粵戶。瞻徇鄉情。公事不無掣肘。尚可云杜漸防微。若佐雜微員。本非親民之官。既無慮其迹涉嫌疑。且可資以消弭釁鬪。慎選粵籍中之明幹者。遷調數人。任隸臺郡。於地方公務。實有益而無損。崔應階前奏。仍不拘大小文員。概令迴避。未免因噎廢食。所謂知其一而不知其又有一也。著傳諭鍾音。將此另行詳細妥議具奏。欽此。遵

旨議定。嗣後調臺文員。照武職不迴避閩人之例。無分粵籍。惟知縣與民切近。除惠潮嘉三屬人員。不預選調外。餘俱與別省通行精擇。其佐雜中。但有粵籍明白幹練之員。仍舊選調。○三十九年。議准泉州府屬之晉江安溪同安三學。漳州府屬之龍溪漳浦平和詔安四學。各教諭訓導均



改為調缺。嗣後缺出於現任內揀選調補。至臺灣府學訓導及臺灣鳳山諸羅彰化等四學各教諭訓導遇有缺出。先儘漳泉七學調缺教職內揀調。或人數或人地未宜。仍於通省教職內一體揀選調補。○四十一年

諭。臺灣文職官員。知縣以上。年過四十無子者。方准攜眷前往。此例未知始自何時。殊可不必。該處雖遠隔重洋。自設立府縣以來。地方寧謐。與閩省內地無異。且各員攜眷赴任。不致內顧分心。於辦公亦甚有益。王道本乎人情。舊例未為允協。嗣後臺灣文武各官。無論年歲若干。有無子嗣。如有願帶眷口者。俱准其攜帶。其不願帶者。亦聽其自便。著為令。○四十四年

諭。三寶奏福建臺灣道張棟三年屆滿。應遵員更調請將興泉永道俞成調補等語。俞成著准其調補臺灣道員缺。至摺內稱興泉永道係由部請旨之缺。應請簡員補用。因屬照例辦理。但俞成遺缺。既請員簡放。而張棟回至內地。又復空閒待補。仍須另請題缺。與其多此周折。何如即令對調之為直捷耶。所有興泉永道員缺。著即令張棟補授。嗣後如有臺灣道府期滿調回者。即照此辦理。著為令。○又議准。嗣後臺灣

俸滿各員調回之日。令該督撫詳加甄別。果係才守兼優。政績卓著。保題升用。如無實在政績。而年力壯強。尚堪驅策者。將俸滿應升之處查銷。仍以原官補用。其有雖無劣迹。而辦事因循。年力就衰者。即行查參。勒令休致。悉照煙瘴報滿之員一例辦理。○四十八年

諭。嗣後臺灣總兵道府各員。俱著改為五年任滿。若一體更換。未免俱易生手。著將總兵道府各員。輪間更換。每過兩年更換一員。該處前後交代。常有久任熟諳之員。經理於海疆重地。自有裨益。其如何輪年更換之處。著軍機大臣會同吏兵二部。妥議具奏。欽此。遵

旨議定。嗣後臺灣總兵道府各員。概以五年報滿。如遇升遷事故。因事更換。其總兵道府三員內。有一員在臺灣。已歷二年者。其兩員屆應報滿之期。俱准其調回內地。如未有歷俸二年之員。兩員同年報滿。不得一律更換。應令該督撫等酌定一員。奏明留任。俟未滿二年者。扣足二年。再將俸滿留任之員調回。○五十六年議准。嗣後同知通判知縣。以及佐雜等官。俸滿調回內地之



例一併停止。其中如有辦事熟諳之員。計其到任已在五年以上者。無論該省有無薦舉卓異。遇有臺灣應升之缺。該督撫即按其品級隨時酌量題請升用。其內地應升之缺。仍照歷俸五年之例一體分別題咨辦理。至該員等論俸推升。應與內地人員通行較俸。其調補臺灣到任未屆五年者。雖底俸較深。亦不准其升用。令扣滿五年。再行按班升選。再臺灣巡檢一項。並無應升之缺。其到任五年以上者。果能辦事諳習。即照苗疆海疆之例。量予主簿升銜。俟再滿三年後。查係始終奮勉者。照升銜遇缺升轉。○嘉慶十五年議准。嗣後臺灣廳縣等官。五年俸滿。除臺灣應升缺出。仍照例先儘升用外。遇有內地應升之缺。即照廣東瓊州府屬之例。先升臺俸。期滿一人。次用內地。應升一人。分班輪用。○十六年奏准。臺灣府添設噶瑪蘭通判一缺。駐紮五圍缺出時。即於臺地現任人員內酌量調補。○又議准。噶瑪蘭添設縣丞一員。分駐頭圍。並於羅東地方添設巡檢一員。管司獄事。○十九年議定。臺灣道並臺灣府知府缺出。俱由吏

部請

旨簡用。○同治九年

諭。嗣後遇有臺灣府缺出。即著該督撫奏明請旨。於閩浙兩省知府內。揀員調補。儘一時不得其人。並准於應升人員內。擇具人地相宜者。奏明題補。以重要缺。欽此遵。

旨議定。臺灣知府缺出。如閩浙兩省均無可調之員。准於候補知府及應升人員內。一體遴選。惟初任人員。難勝海外要缺之任。應於曾任實缺知府。並由曾任地方正印保升知府各員內。揀選請

補。○十一年奏定。臺灣府淡水廳原有復設訓導。改為復設教諭。噶瑪蘭廳添復設訓導。均作為臺灣調補要缺。於泉漳七學教職內。揀選調補。儻人地未宜。仍於通省教職內。一體揀選。○光緒元年

諭。沈葆楨等奏。履勘琅璦形勢。擬建城設官。一摺。沈葆楨於上年十二月親往琅璦。詳加履勘。擬於車城南猴洞地方。建設縣治。名曰恆春。先設知縣一員。以資治理。係為因地制宜起見。即著照所議行。○又奏請添設臺北府。自彰化以北。直達後山。



胥歸控制奉

諭前據沈葆楨等先後具奏臺北擬建府廳縣治請  
 移紮南北路同知酌改臺地營制臺屬考試請歸  
 巡撫主政各摺片當派軍機大臣會同該部妥議  
 具奏茲據奏稱沈葆楨等所奏各節係為因時制  
 宜起見自應准如所請等語著照軍機大臣等所  
 議准其於臺北艋舺地方添設知府一缺名為臺  
 北府仍隸於臺灣兵備道附府添設知縣一缺名  
 為淡水縣其竹塹地方原設淡水廳同知即行裁  
 汰改設新竹縣知縣一缺並於噶瑪蘭廳舊治添  
 設宜蘭縣知縣一缺即改噶瑪蘭廳通判為臺北  
 府分防通判移紮雞籠地方○又議准臺灣南路  
 同知移紮埤南北路同知移紮水沙連均改為  
 撫民同知○四年議定臺北府添設教授一新  
 竹宜蘭縣各設訓導一淡水廳教諭改為淡水  
 縣教諭均作為要缺由泉漳七學調補僅有不  
 敷仍於通省教職內揀選調補○五年議准臺  
 北府知府作為題調要缺臺北府分防雞籠通  
 判由噶瑪蘭改為升調要缺於現任人員揀選  
 升調如無堪以升調之員即以候補人員請補

淡水縣知縣作為題調要缺新竹縣宜蘭縣並

臺灣府屬之恆春縣均作為中缺於內地揀選  
 調補如無堪調之員即以曾任實缺候補並進  
 士即用請補彰化縣艋舺縣丞裁汰改為臺北  
 府經歷兼司獄淡水廳竹塹巡檢裁汰改為新  
 竹縣典史噶瑪蘭羅東巡檢裁汰改為宜蘭縣  
 典史並添設淡水縣典史彰化縣南投社縣丞  
 移紮鹿港臺灣縣羅漢門巡檢改設南投社屬  
 彰化縣佐雜各缺均作為海外調缺於內地現  
 任人員調補或由候補人員請補○十年議准  
 臺灣埔裏社添設撫民通判歸臺灣府考覈於  
 內地現任人員調補如無人以現任人員請升  
 並候補人員酌補臺灣縣羅漢門巡檢移紮八  
 罩地方歸澎湖通判管轄於現任人員內調補  
 或以候補人員酌補○十一年欽奉  
 慈禧端佑康頤昭豫莊誠皇太后懿旨醇親王奕譞等  
 遵籌海防善後事宜摺內奏稱臺灣要區宜有大員  
 駐紮等語臺灣為南洋門戶關係緊要自應因時變  
 通以資控制著將福建巡撫改為臺灣巡撫常川駐  
 紮福建巡撫事即著閩浙總督兼管所有一切改設



事宜該督撫詳細籌議奏明辦理欽此遵

旨議定臺灣改設行省仿照甘肅新疆名曰福建臺

灣巡撫司道以下各官考覈大計均由巡撫主

政仍照舊會總督銜辦理添設福建臺灣布政

使一員布庫大使一員臺灣道向兼按察使銜

毋庸另設臬司添按司獄一員

欽定大清會典事例卷六十六

吏部

漢員遴選

陝甘邊缺調補

陝甘邊缺調補○雍正五年議准陝西赤金靖

逆柳溝及安西歸德各廳衛所各官均作邊俸

升轉遇員缺該督撫揀選具題調補如在任五

年果能盡心供職該督撫保題到日即以應升

之缺升用○乾隆二十四年奏准安西柳溝沙

州靖逆赤金五衛悉行裁汰改為一府三縣安

西城改設知府一員安西柳溝二衛併為一縣

駐紮安西城靖逆赤金二衛併為一縣駐紮靖

逆沙州衛戶口較繁改為一縣駐紮沙州設一

經歷一教授隨同知府駐紮安西設三典史三

訓導隨同知縣分駐三縣其新設之一府三縣

欽定為安西府淵泉縣玉門縣敦煌縣安西道移紮哈

密安西同知移紮巴里坤靖逆通判移紮哈密

俱令管理糧餉兼辦地方事務歸安西道統轄

其訓導三員於文縣徽縣鎮原縣移改安西道

與新設知府俱定為衝繁難最要缺缺出請

旨簡用巴里坤同知哈密通判淵泉玉門二縣均作



為衝繁要缺。敦煌縣作為繁難中缺。同經歷典史。照邊缺之例。於內地人員揀選調補。五年俸滿。查明政績。知府以下。題咨吏部註冊。即升。道員送部引。

見候

旨升用。○又議准涇州州判。改為安西新設首縣縣丞。駐紮馬蓮井地方。照邊缺之例。五年俸滿。即升。缺出於內地對品人員內。揀選調補。○二十年奏准。玉門縣改駐赤金衛。○又奏准。烏魯木齊添設同知一員。通判一員。倉大使一員。巡

檢二員。同知通判倉大使。駐紮烏魯木齊城內。巡檢二員。一員駐紮昌吉頭屯。一員駐紮羅克倫三屯地方。其新設同知通判倉大使。巡檢等官。升轉調補之處。俱照巴里坤同知。並新設經歷典史。五年俸滿之例辦理。○又奏准。安西府教授及淵泉等三縣訓導。照邊缺之例。遇有缺出。於內地人員揀選調補。五年俸滿。咨部即行升用。○二十六年議准。歸德所千總裁汰。改設西甯縣縣丞。分駐歸德所。定為要缺。在外揀選調補。○二十七年議准。安西府治。改駐沙州。現

設之敦煌縣。為附郭首邑。○又奏准。伊犁烏魯木齊。闡展庫車。哈爾沙爾。阿克素葉爾羌。喀什噶爾等處文員。如果奮勉效力。已滿三年。無過。各該處辦事大臣。出具考語。保題以應升之缺。即行升用。○又議准。西甯縣歸德縣縣丞。定為邊缺。五年俸滿。咨部升用。○又議准。淵泉縣馬蓮井縣丞。改駐踏實營堡。五年俸滿。咨部升用。○二十八年議准。洛克倫巡檢。移於特訥格爾。昌吉頭屯巡檢。移於呼圖壁。特訥格爾巡檢。令烏魯木齊同知管轄。呼圖壁巡檢。令昌吉通判

管轄。○又奏准。安西府知府。改為在外具題調補之缺。○二十九年奏准。裁陝西鳳縣清風閣巡檢。改設哈密巡檢。缺出。於甘省現任對品屬員內。揀選調補。五年俸滿。咨部即升。○又奏准。烏魯木齊同知。通判倉大使。巡檢。任滿三年。秉公甄別。如係才能出眾。辦事奮勉。即具摺保奏。以應升之缺。即行升用。其循分供職。而辦事並無貽誤者。仍照五年俸滿之例辦理。○三十一年議准。裁平番縣鎮羌巡檢。移紮巴里坤。以資佐理。缺出。於甘省對品人員內。揀選調補。五年



俸滿咨部即升。○三十二年議准蘭州府河橋同知平番縣苦水巡檢裁汰均移繁關展五年俸滿。如果辦理勤慎分別題咨即行升用。同知定為邊遠緊要滿缺。缺出由陝甘二省滿員內揀選調補。○又議准踏實營堡縣丞仍歸馬蓮井。○又議准伊犁惠遠城添設巡檢一員。綏定城添設巡檢一員。三年期滿出具考語保題照苗疆之例即行升用。○三十三年議准特訥格爾改設縣丞一員。特訥格爾巡檢裁汰移繁迪化城缺出於陝甘二省人員內揀選咨調。如果辦事勤慎照邊缺五年俸滿之例即升。○三十四年議准嗣後甘肅新疆佐雜缺出一時揀調乏人即以銜大之員揀選調補或以銜小借署止准於應升之項揀選不得越級揀調。俸滿優敘時均仍照原銜升轉其餘各省不得援照此例辦理。至調補之後果能勤慎辦公年滿時分別題咨升用。如到任後頓改舊操劣迹彰著立即題咨其有並無劣迹或才力不甚相宜者立即撤回內地仍照原官補用。○三十六年議准奇臺地方添設通判一員總理民屯事務舊駐

之經歷裁汰改設東吉爾瑪泰巡檢分理屯務。○又奏准綏定城巡檢改駐惠甯城。○三十七年議准奇臺通判定為邊遠緊要滿缺於內地滿員調補新設巡檢亦定為邊缺於對品人員內揀選調補五年俸滿分別題咨升用。○又議准安西道改駐巴里坤更名為巴里坤屯田糧務兵備道於陝甘兩省滿員內揀選調補。○三十八年議定安西府改為安西直隸州知州淵泉縣裁汰應設學正吏目即將淵泉縣訓導典史裁改應設州判即將原設馬蓮井縣丞改置分駐仍以玉門敦煌為屬員巴里坤改設知府應添附府知縣一員其應設經歷即由安西原設之經歷移繁兼管司獄事教授一員亦由安西移設烏魯木齊原設同知改為知州倉大使改為吏目仍管倉大使事添設學正一員原設甯邊城通判改為州同特訥格爾縣丞改為州判所有改設府州縣各缺定為銜繁難最要缺專用滿洲人員遇有缺出於陝甘兩省滿員內揀選調補安西直隸州知州並新設州州判俱定為邊缺於內地對品揀選調補五年俸滿



查明政績題咨到部以應升之缺升用。巴里坤改設府縣名為鎮西府宜禾縣烏魯木齊為迪化州。又奏准烏魯木齊新設迪化州改為直隸州知州甯邊新設州同改設知縣作為州屬瑪納斯管理糧務定為縣丞實缺甯邊州同改為知縣名曰昌吉縣。又議准巴里坤改為鎮西府原設同知裁汰宜禾縣添設典史一員將華亭靈臺二縣訓導裁汰移紮宜禾縣訓導一員其餘一員改為迪化州學正哈密所屬之酤水地方將巴里坤巡檢移紮仍歸哈密通判管轄巴里坤道移紮烏魯木齊新設迪化州以資彈壓仍統轄哈密關展奇臺並新設鎮西府等處新設鎮西府宜禾縣二缺定為衝繁難最要滿缺缺出在於陝甘兩省滿員內揀選調補安西直隸州一缺定為衝繁難題缺州同州判府經教授學正訓導吏目巡檢典史等缺定為邊遠要缺遇有缺出在於內地對品人員內揀選題咨調補至鎮西府知府經歷教授宜禾縣知縣訓導典史安西直隸州知州學正吏目馬蓮井州判酤水巡檢五年俸滿分別題咨升用巴

里坤道仍定為衝繁難邊遠緊要滿缺五年俸滿送部引

見○三十九年議准增設昌吉縣典史一員裁汰靖遠縣訓導移紮昌吉迪化直隸州知州定為衝繁難最要滿缺昌吉縣知縣定為衝繁難邊遠緊要滿缺均於陝甘兩省滿員內揀選調補迪化州州判吏目學正並昌吉縣典史訓導暨瑪納斯縣丞均定為邊遠要缺在外咨調五年俸滿分別題咨升用。四十年議准特訥格爾州判裁汰改設知縣一員歸迪化直隸州管轄濟木薩巡檢裁汰改設縣丞一員奇臺通判裁汰改設知縣一員作為滿缺東吉爾瑪泰巡檢移紮古城。四十一年議准特訥格爾新設阜康縣將裁汰之莊浪縣訓導典史改為阜康縣訓導典史仍隸迪化州管轄平涼縣訓導裁汰改移新設之奇臺縣其典史一員將裁汰之濟木薩巡檢改設仍隸鎮西府管轄濟木薩新設縣丞即作為特訥格爾分駐濟木薩縣丞泰安縣隴城巡檢裁汰改移迪化州巡檢新設阜康縣知縣定為衝繁難邊遠最要缺奇臺縣知縣定為



衝繁難最要滿缺。缺出在於陝甘兩省滿漢各員內。揀選調補。濟木薩縣丞迪化州巡檢阜康奇臺三縣訓導典史等缺。定為邊遠要缺。缺出在於內地對品人員內。揀選咨調。五年俸滿。分別題咨升用。○四十三年議准。瑪納斯縣丞。改為知縣。增設典史一員。移岷州訓導駐紮歸迪化州管轄。○四十四年。瑪納斯改設知縣。名為綏來縣。作為衝繁難邊遠要缺。缺出在於陝甘兩省人員內。揀選題補。典史訓導。定為邊遠要缺。在外揀調。五年俸滿。分別題咨升用。○又議

准。闕展原設同知。移紮吐魯番。作為滿缺。吐魯番另設巡檢一員。○四十五年題准。吐魯番同知。定為衝繁難最要缺。缺出在於陝甘滿員內。揀選調補。新設吐魯番巡檢。定為邊遠要缺。於內地對品人員內。揀調。均五年俸滿。分別題咨升用。如調補之員。才具優長。勤幹奮勉者。照苗疆三年俸滿保奏。入於即升班內升用。○又議准。伊犁添設撫民同知一員。定為邊遠緊要滿缺。在於陝甘兩省滿員內。揀選調補。期滿後。照吐魯番同知之例辦理。增設巡檢二員。一員駐

紮霍爾果斯。一員駐紮綏定城。均定為邊缺。由陝甘兩省現任人員內。揀選調補。同舊設之惠遠城等巡檢。統歸撫民同知管轄。三年俸滿。亦照惠遠城等巡檢之例辦理。○又增設庫爾喀喇烏蘇同知一員。○四十六年奏准。伊犁撫民同知。仍由伊犁揀員請

旨補授。若不得人。由陝甘人員內。揀選調補。內地若不得人。再由部院揀補。○又題准。綏化同知。定為衝繁難邊遠要缺。在於烏魯木齊。及陝甘兩省人員內。揀選題調。五年俸滿。分別題請升用。

如調補之員。果有才具練達。辦事勤能者。照苗疆三年俸滿保奏。入於即升班內升用。○四十七年奏准。甘肅歸德所縣丞。改為貴德所縣丞。○四十八年。裁汰庫爾喀喇烏蘇綏化同知。○四十九年議准。邊遠口外要缺。嗣後於內地要缺人員內。揀調。○五十二年議准。安西直隸州。及所屬玉門。敦煌。二縣。並哈密通判。吐魯番同知。又鎮西府暨所屬宜禾。奇臺。二縣。以及教職。佐雜等官。距內地稍近。五年俸滿。交代清楚。回至內地。留於本省。分別題咨升用。教職。咨部即



升。至鎮迪道。迪化直隸州。昌吉。阜康。綏來。三縣。伊犂。撫民同知。及教職。佐雜等缺。其駐紮之地。尤為遙遠。三年俸滿。該督即於內地屬員內。揀選調往。俟新任人員協辦半年後。再調俸滿人員。回至內地。該督出具考語。具題留於本省。以應升之缺。題補教職。佐雜。各部即升道府。照例送部引

見候

旨升用。同知通判。知縣。仍於題升時。送部。備一時無應升之缺。先以原官補用。將俸滿應升之案。帶

於新任。至伊犂。撫民同知。理事同知。由廢員揀選補授者。改為五年俸滿。俟接任之員。到任協辦半年後。再行給咨。送部引

見候

旨升用。如有內地現任人員。揀調及部中揀補者。其撫民同知。即照新例。辦理。烏魯木齊。理事通判。改為三年俸滿。理事同知。通判。俸滿後。咨部升用。即行開缺。將記名人員。帶領引

見補放。前往俟半年期滿。再將俸滿之員。給咨赴部。以員外郎。即行升用。○五十三年。議准。迪化州

吏目。昌吉。阜康。綏來。三縣典史。三年俸滿後。即於內地屬員內。揀員調往。毋庸概令協辦。○五十六年。議准。貴德地方。改設同知一員。定為繁疲難緊要滿缺。於現任滿員內。揀選題調。原設縣丞。裁汰。○五十七年。議准。貴德同知。定為五年俸滿。即升之缺。俟邊俸期滿。照例覈實具題。○六十年

諭。甘肅西甯口外。係青海蒙古地方。該處道員。自應用滿洲蒙古人員。嗣後此缺。即作為旗員額缺。欽此。遵旨議定。西甯道係請

旨之缺。遇缺出時。即將滿洲蒙古人員。開列名單。進呈。請

旨簡放。○嘉慶八年。奏定。循化。貴德兩同知。仍專用旗員。○九年。議定。甘肅鎮迪道。鎮西府。俸滿時。令該督等。照例於內地人員內。揀選。互相對調。至鎮迪道。俸滿之員。仍照例。協辦半年。再回內地之任。其未到任之前。先行奏明。揀員署理。至該道府。俸滿。如果原調之總督。去任。該將軍。都統。未經出考。保舉。令該道府。先行赴任。隨時察看。一半年內。如果才守兼優。再行送部引



見如循分供職。即將邊俸註銷。毋庸送部。僅有年力就衰。始勤終怠之員。即隨時叅處。○又議定烏魯木齊都統所屬知縣典史二項。遇有能事之員。於俸滿後。即留於該處差委。以該處應升之缺。升補。如始勤終怠。立即奏明撤回。如差委乏人。准於陝甘兩省候補人員內。有曾任實缺者。調撥差委。○十二年

諭循化貴德兩廳不拘用旗漢人員。○又覆准陝西甯陝孝義留壩定遠等四廳同知鎮安縣知縣鳳縣知縣俱定為在外題調之缺。五年俸滿。保題

即升。○十七年

諭據那彥成奏稱西甯地處邊陲。新任道員德奎於地方番回情形未能熟悉。請以龍萬育調補西甯道等語。著照所請。龍萬育准其調補西甯道。其所遺鞏秦階道員缺。即以德奎補授。嗣後西甯道仍照舊例。作為滿漢人員兼用之缺。其所奏西甯道及西甯府二缺內。請以一缺作為請旨。一缺改為題補之處。著吏部議奏。欽此。遵

旨議定。嗣後甘肅西甯道府二缺內。遇有應行酌調之時。止准其酌改一缺為調補之缺。於通省現任

人員內。揀選奏請調補。所遺員缺。係請旨者。仍請

旨簡放。如係選缺。仍歸部銓選。○十九年議定伊犁理事同知。由廢員揀選補授者。五年俸滿。咨部即行開缺。俟協辦後。任半年後。給咨送部引見候

旨升用。○又定循化貴德兩廳同知。無論滿漢。悉准揀選升調。仍照口外之例。三年俸滿。果能約束番衆。稽查卡倫。搶案隨時拏獲者。由西甯辦事大臣會同總督保奏。以應升之缺。升用。如拏獲

十之四五。功過相抵。對缺調補。如無弋獲。隨時奏奉。至兩廳訓導。俱由內地現任人員調補。五年俸滿。果能稱職。出具考語。咨部即升。○二十年

諭甘肅西甯道衙門所辦案件。多有與蒙古番子交涉事務。乾隆六十年。曾奉

高宗純皇帝諭旨。將該道專用滿洲蒙古人員。著為令。後經那彥成以龍萬育奏調。遂相沿兼用漢員。嗣後西甯道一缺。仍遵照

成憲。專用滿洲蒙古人員。不用漢員。○道光三年議准



西甯府屬循化廳添設主簿。貴德廳添設照磨。均定為邊俸要缺。三年屆滿。在外揀選更替。如果始終奮勉。咨部即升。並將按察司照磨皋蘭縣河橋主簿裁汰。又將平羅縣石嘴主簿改為選缺。○四年議定。嗣後西甯道缺出。將滿洲蒙古人員開單請旨簡放。如請調西甯之缺。專將滿洲蒙古現任人員請調。不得將漢員調補。○又諭。吏部議覆那彥成等奏。南山地方添設同知等員。著准其於藍屋洋縣適中地方添設佛坪撫民同知一員。並免其裁抵。佛坪同知所屬地方。准其添設巡檢一員。兼管司獄事務。邵陽縣丞准其裁抵。藍洋縣丞准其改為鎮平縣丞。其鎮平巡檢准其改為袁家莊巡檢。○九年議准。西甯府屬之丹噶爾地方添設撫邊同知。於通省丞倅州縣內酌量升調。五年俸滿。保題即升。其丹噶爾主簿員缺。即予裁汰。○十二年。裁汰甘肅馬蓮井州判。並狄道。因原甯隴西安定中衛六州縣訓導。○二十三年。奏准嗣後由筆帖式揀補伊犁之糧員。照廢員揀選補授理事同知之例。一體辦理。○同治元年。奏

定甘肅西甯道府二缺。照省會首府之例。由外調補。但使人地相宜。無論滿漢人員均可調補。惟同時道府二缺。必須有滿洲蒙古一人。不得皆用漢員。至調補所遺之缺。係請旨者。仍請旨簡放。如係部選之缺。一次應歸部選。二次仍請旨簡放。○四年。裁汰甘肅烏魯木齊理事通判。並昌吉。綏來。阜康。奇臺。四縣訓導。○十一年。奏定鎮西府改為撫民直隸同知。兼管滿營事務。遇有缺出。於陝甘兩省旗員內揀選升調。五年俸滿。以應升之缺升用。府經歷改為廳照磨。訓導改為廳訓導。均五年俸滿。以應升之缺升補。奇臺縣改歸迪化州專轄。所有鎮西府知府教授宜禾縣知縣典史。一併裁汰。○光緒四年。議准鎮迪道。迪化直隸州。照西甯道府之例。於通省實缺滿漢各員內揀選調補。俸滿時仍照定例辦理。○十一年。議准甘肅新疆改建行省。以迪化城為省會。鎮迪道加按察使銜。兼管全疆刑名驛傳事務。毋庸專設按察使。升迪化直隸州為迪化府。設知府一員。增置迪化縣知縣一員。為



附郭首縣與迪化州原屬之昌吉綏來阜康奇臺共五縣均隸迪化府屬。迪化州原管之戶籍田賦驛刑考試及地方一切事宜概歸迪化縣經理。藩司衙門首領設布政司經歷一員。藩庫名新裕。設庫大使一員。鎮迪道設道庫大使兼按司獄一員。迪化府首領設府經歷兼司獄一員。裁迪化城舊有巡檢改設府經歷。改迪化州吏目為縣典史。升州學正為府教授。照舊兼管各縣學事。○十三年奉准伊犁列城有九。其西六城曰惠遠曰綏定曰拱宸曰廣仁曰瞻德曰塔勒奇。惠遠城照舊作為滿城。將軍移往駐防。其餘各城以綏定為扼要。升伊犁廳為府。裁撫民同知。設知府一員。駐綏定城。附府設知縣一員。為綏定縣。以廣仁瞻德拱宸塔勒奇四城隸之。東三城曰甯遠曰惠甯曰熙春。以甯遠為扼要。設甯遠縣知縣一員。隸伊犁府。以惠甯熙春兩城隸之。設伊塔道一員。以守兼巡。為兵備道。督飭所屬水利屯田錢糧刑名諸務。稽查卡倫兼管通商事宜。作為衝繁疲難請旨最要缺。駐紮甯遠。與知縣同城。霍爾果斯緊連俄

界。又有索倫分屯。其地距縣城較遠。裁舊設之巡檢。置伊犁府分防通判一員。加理事銜。駐霍爾果斯。管理中俄交涉及督捕諸務。廣仁城為伊犁通衢。移惠甯城巡檢。駐廣仁城。隸綏定縣。越廣仁而東。歷頭二三四臺。至大河沿。交精河界。四臺之北一站。即博羅塔拉。為伊塔適中之地。移前設之巡檢。分防於此。設精河直隸撫民同知。隸伊塔道。以博羅塔拉巡檢隸之。裁舊設之惠遠城巡檢。改設伊犁府經歷兼司獄。裁綏定城巡檢。改設綏定縣典史。裁甯遠城巡檢。改設甯遠縣典史。增設伊塔道庫大使。精河同知照磨兼司獄。各一員。仍留舊設伊犁理事同知。隨將軍駐惠遠城。辦理旗務。塔爾巴哈臺理事通判。改為塔城直隸撫民同知。兼理事銜。管理民屯旗務。及地方刑名事件。設同知照磨兼司獄一員。歸伊塔道屬。



欽定大清會典事例卷六十七

吏部

漢員遴選

廣東理搖同知 廣東煙瘴邊缺

煙瘴邊缺

廣東水土惡毒 廣東煙瘴邊缺

煙瘴邊缺

廣東水土惡毒 廣東煙瘴邊缺

廣東理搖同知 ○雍正十一年議准廣東理搖

同知一官該督撫揀選熟悉搖情之人具題調

補仍與內地各官一同較俸升轉 ○嘉慶二十

年議准廣東連山縣知縣裁汰歸併同知管理

定為連山綏徭直隸同知移紮連山縣城並將

連山縣復諭訓導改為連山廳教諭訓導宜善

司巡檢作為廳屬連山縣典史裁汰改為同知

司獄同知本係調缺仍定為要缺在外調補 ○

道光十二年奏准廣東連山綏徭直隸同知定

為邊疆要缺五年俸滿即升 ○十三年議准廣

東連山直隸廳司獄亦屬徭疆定為邊疆要缺

揀選調補裁汰訓導專設教諭一員由內地調

補均五年俸滿即升

廣東煙瘴邊缺 ○雍正九年題准廣東崖州感

恩昌化陵水四州縣水土最為惡毒州縣佐雜

教職等官於內地調補三年俸滿即升 ○又奏

准廣東瓊州府同知移紮崖州仍管十三州縣

捕務三年俸滿果能稱職該督撫具題到印入

於即升班內升用其員缺於本省同知內遴選

調補 ○乾隆元年議准廣東崖州感恩昌化陵

水四州縣水土惡毒非尋常邊缺可比州縣二

年報滿該督撫即遵員調往協辦俟協辦半年

後令舊任之人交代清楚回至內地該督撫出

具考語具題留於本省以該員應升之官題補

○二年議准廣東水土最為惡之區佐雜教職毋

庸協辦俟到任後閱俸二年半滿日該督撫即

行揀選調補俟交代後令俸滿之人回至內地

出具考語咨部以應升之官即升 ○三年議定

廣東崖州感恩昌化陵水四州縣別省人員不

甚服習嗣後員缺令該督撫於本省屬官內揀

選福建湖南雲南貴州廣西五省人員調補 ○  
又議准廣東萬州寶停巡檢改歸陵水縣管轄  
薄沙汛巡檢改為五年俸滿即升 ○十五年議  
准廣東崖州等缺乃煙瘴邊缺二年報滿即於  
內地選員協辦半年後回至內地候升今瓊州



府同知駐紮崖州事同一例嗣後亦二年報滿即行題明選員辦理俟半年後回至內地該督撫出具考語題留本省以應升之官題補○十九年

諭廣東瓊州府屬儋州萬州地近煙瘴水土惡劣該處武員已定有五年俸滿升轉之例而文員未經議及所有該二州及教雜等官著加恩一例准其五年報滿候升以示體恤○二十年

諭據兩廣督撫等奏廣東廉州府屬欽州及珠場西鄉二司巡檢水土惡劣請將該處文武官弁一體改為

煙瘴要缺等語著照所請欽州知州及佐雜教職遊擊守備等官並合浦縣珠場司巡檢靈山縣西鄉司巡檢均改為煙瘴要缺照例分別報滿○二十一年議准廣東廉州府屬之欽州知州州判吏目學正訓導長墩司巡檢沿海司巡檢如昔司巡檢那陳司巡檢防陳司巡檢暨合浦縣屬珠場司巡檢靈山縣屬西鄉司巡檢十二缺均以煙瘴要缺註冊五年俸滿即升正雜各員缺出俱令該督等先儘福建等五省人員內揀選調補俸滿之員留於該省分別題咨升用○二十五年

議定廣東儋州萬州之學正訓導崖州感恩昌化陵水四州縣之俸滿教職准其調回內地入於即升班內歸部以應升之缺照例升用○二十七年議准廣東廉州府瓊州府所屬各員缺嗣後統於內地現任內詳加遴選不拘何省擇其熟悉風土才能出眾者題咨調補○嘉慶元年議准廣東瓊州府海防同知崖州感恩昌化陵水四州縣及教職佐雜改為三年俸滿即升同知知州知縣州判留於本省遇有應升之缺升用煙瘴俸滿之員與內地人員分缺輪升吏

目巡檢教職各員咨部即升○二十四年議准廣東廣州府佛山同知改為要缺在外調補瓊州府分防崖州同知移回府城改為簡缺○道光十五年議准廣東欽州那陳司巡檢改駐連平州作為上坪巡檢分防惠化銀梅兩圖歸連平州管轄定為要缺廣東水土惡毒次要缺○雍正十三年題准廣東瓊山縣之水尾安定縣之太平各巡檢均以水土惡毒次要缺註冊如果三年無事令該督撫查明咨部分別議敘六年無事保題升用遇



員缺歸部銓選。乾隆十年題准廣東瓊山縣水尾司巡檢等缺。如果三年無事。令該督撫遵照原議。出具考語咨部。加一級註冊。六年期滿。保題升用。

廣西煙瘴邊員調補。康熙二十五年議准廣西沿邊煙瘴之太平府知府。左州知州。養利州知州。崇善縣知縣。思恩府知府。鎮安府知府。天保縣知縣。東蘭州知州。歸順州知州。五年俸滿。即升。百色同知。太平府通判。甯明州知州。明江理土同知。西隆州知州。西林縣知縣。泗城府知

府。凌雲縣知縣。三年俸滿。即升。雍正七年覆准。三年俸滿之員。情願再留原任。效力三年。以圖升遷。或本省難得題調接任之人。或地方必須該員辦理。該督撫具題。以升銜再留三年。果能稱職。以升銜升用。其升用之缺。或仍以本省題補。或具題到部。以他省補授。統令該督撫臨時酌量具題。又議准廣西沿邊煙瘴佐貳雜職各官。忠州。河池。西隆各州州同。太平。龍英。萬承。江州。南丹。由州。思州。各土州州同。安平。憑祥。那地。奉議。向武。各土州州判。慶遠。太平。思恩。泗

城。各府經歷。鎮安府知事。思恩府司獄。上林。宜山。崇善。凌雲各縣縣丞。河池。西隆。歸順。東蘭各州吏目。下雷。茗盈。結安。佶倫。都結。下石。西。都康。左州。養利。永康。甯明。果化。各土州吏目。三都。汎穿山。鎮江口。鎮思。吉鎮。德勝。鎮龍門。司平。樂司。百色。通道。鎮梅。寨各巡檢。崇善。馬平。上林。天河。思恩。西林。天保。凌雲各縣典史等官。三年俸滿。即升。九年題准廣西所有煙瘴正雜各官。均於桂平等五府二州內。揀選調補。照例俸滿。即升。乾隆三年議准廣西太平府。明江理土同

知通判。甯明州知州。吏目。泗城府知府。經歷。平樂司。巡檢。凌雲縣知縣。縣丞。典史。西隆州知州。州同。吏目。西林縣知縣。典史。慶遠府屬之東蘭州知州。吏目。太平府屬之佶倫。結安。都結。茗盈。四土州吏目。憑祥。土州州判。思恩府屬之百色。同知。巡檢。鎮安府屬之向武。土州州判。都府。土州吏目。下雷。土州吏目。二十七缺。水土最為惡劣。別省人員。不甚服習。應於內地。揀選福建。湖南。廣東。雲南。貴州等省人員調補。由部於各邊省附近之廣東等五省候補候選人員內。揀選



正雜三十人發往廣西。交與該督撫。遇有調補煙瘴所遺之缺。即將發往人員委署補授。以備將來調補之用。○六年議准。廣西煙瘴之員缺。例將廣東等五省人員內揀選調補。如五省乏人。即於各省候補候選人員內。有平時熟習水土。及情願前往效力者。一同揀選引見命往。並令廣東等五省督撫。將該省在籍候選正八品以下各官。有不能來京揀選。情願前往煙瘴地方效力之人。即令該督撫就近傳齊驗看。擇其年力精壯。堪以驅策者。豫行造冊報部註冊。俟廣西煙瘴地方需人之時。仍先儘候補候選人員內揀選。如廣東等省人數不敷。各省候補候選有情願揀選者。亦得一例揀發。如再不敷用。將各省豫行驗看註冊人員內掣籤具奏。給照交與督撫再加驗看。如果年力可用。即給照令其前往廣西委署試用。未經揀發以前。遇伊原班應選之時。仍歸原班銓選。若煙瘴佐雜員缺。內地對品人員。不敷揀調。其揀發廣西試用之廣東等省人員。亦得揀選署理。俟將次用完。再行題請揀發。至調補後於俸滿之時。該督

撫即將居官實蹟。出具考語。分別題咨。仍遵員前往調補。俟交代後。撤回內地。令其照例候升。其餘正印佐雜各官。水土非甚惡劣。俸滿後毋庸調回。仍令在任候升。○十三年議准。廣西永康州知州。上林縣知縣。天河縣知縣。改歸部選。○十五年議准。廣西慶遠府知府。改為腹俸。請旨簡用。慶遠府同知。宜山縣知縣。河池州知州。思恩縣知縣。改歸部選。照腹俸升轉。○十七年議准。廣西雒容縣。平樂司巡檢。改歸部選。○二十年議准。廣西凌雲縣。平樂巡檢。仍作為苗疆要缺。在外揀選調補。○又議准。廣西清水鎮巡檢。裁汰。改為太平府知事。以煙瘴註冊。三年俸滿。在任候升。○又議准。廣西泗城府教授。甯明東蘭二州學正。三年俸滿。撤回內地。咨部即升。○二十一年議准。廣西西隆州訓導。西林縣訓導。三年俸滿即升。○二十四年議准。廣西慶遠府經歷。永康河池。二州吏目。德勝鎮巡檢。上林宜山。天河。思恩。馬平。五縣典史。改歸部選。○二十五年議准。廣西思恩府知府。桂林府龍勝通判。定以五年俸滿。仍留原任三年。如果才能出眾。據



實保題遇有應題應調應選應請

旨之缺均得升用。三十一年議准廣西柳州府司獄裁汰改為西林縣潞城巡檢定為煙瘴調缺三年俸滿撤回內地候升。三十二年議准移廣西上下凍州土州吏目駐龍州三年俸滿撤回內地候升。三十三年議准廣西桂林府龍勝通判巡檢二缺俱改為三年俸滿撤回內地候升。三十六年議准廣西三都汎巡檢江口鎮巡檢俱改歸部選。四十二年議准廣西羅城縣莫離司巡檢裁汰改設懷遠縣古宜甲主簿三年俸滿在任候升。四十三年議准廣西上林縣知縣改為苗疆要缺五年俸滿在任候升。甘蔗司巡檢裁汰改駐思隴定為苗疆調缺三年俸滿在任候升。四十四年議准廣西結安土州吏目裁汰改設馱盧巡檢定為煙瘴要缺三年俸滿撤回內地候升。四十五年議准廣西思恩府知府改為腹俸缺出請旨簡用。經歷司獄亦改為腹俸缺出改歸部選。五十六年議准廣西太平府龍州通判改為同知吏目改為照磨仍定為極邊煙瘴要缺在外調

補三年俸滿撤回內地候升。五十七年議准

廣西羅城縣通道鎮巡檢裁汰改設三坊塘主簿三年俸滿在任候升。果化土州吏目裁汰改設西林縣八渡墟主簿三年俸滿撤回內地候升。嘉慶二十年議准廣西太平府經歷改為賀縣縣丞駐紮桂嶺鄉大會墟定為腹俸歸部銓選。又議准廣西左州知州改為簡缺並左州吏目歸部銓選。道光十二年議准廣西賀縣知縣改為要缺在外題調。五年俸滿在任候升。養利州改為選缺。十三年裁汰廣西養利州茗盈土州吏目。二十三年議准廣西東蘭州改為簡缺吏目學正改為腹俸均歸部選。光緒二年奏准廣西土田州改土歸流於燕岡設立恩隆縣作為苗疆調缺。五年俸滿在任候升。百色同知改為苗疆直隸廳兼轄恩隆縣奉議土州州判改為知州歸鎮安府屬恩隆縣添設訓導典史並添設分防上田里平馬墟縣丞下隆里上恩里象里三巡檢百色直隸廳添設學正照磨百色廳奉議州均作為煙瘴調缺。三年俸滿在任候升。又添設奉議州學正一員作



為煙瘴調缺。除恩隆縣訓導應歸部選外。分防之縣丞。巡檢及典史。均作為苗疆調缺。五年俸滿。在任候升。○五年議准。廣西恩隆縣。改設於平馬。平馬縣丞。移置燕岡。下隆里蒙里。二巡檢。裁汰。仍於奉議州屬。添設作登墟巡檢。定為煙瘴調缺。○又議准。廣西陽萬土州判。改土歸流。定為恩陽理苗州判。駐紮祿豐墟。添設東凌寨巡檢。均作為苗疆調缺。三年俸滿。在任候升。統歸百色廳管轄。○十年議定。廣西沿邊煙瘴正印佐雜等官缺。出於桂平等五府二州內。揀選調補。教職亦一體補用。此內桂林府龍勝通判等三十六缺。水土惡劣。該督撫應先儘籍隸廣東。福建。湖南。雲南。貴州。五省人員揀選調補。如無合例堪調之員。准以候補人員請補。或以應升人員請升。均先儘籍隸廣東等五省人員升補。請調請補請升。如果實係人地未補。宜准其聲敘。再以別省人員揀選。如再無合例請補請升之員。即奏請由部揀補。吏部將廣東等五省在部候補候選人員。奏請

欽派揀選請旨補用。或廣東等省人數不敷。再將各省人員一體

揀選其俸滿撤回甄別升用。均照舊例辦理。煙瘴俸滿人員甄別。○乾隆二十六年。定各省調補煙瘴人員。俸滿時。或撤回內地。或在任候升。復令該督撫詳加考覈。果有才守兼優。政績卓著者。保題照例升用。如無實在政績。而年力強壯。尚堪驅策者。將俸滿應升之處。查銷。仍以原官補用。照內地腹俸升轉。其有雖無劣迹。而辦事因循。年力就衰者。即行查參。勒令休致。該管道府平時不加策勵。聽其因循。至俸滿時。又不詳覈。捏填事實。混行保結者。俱照例議處。其在任候升之員。若係循分供職。或年力尚堪。驅策。再予展限一年。如能奮勉向上。仍確覈保題。即升。僅仍止循分供職。即一例將俸滿應升之處。咨部註銷。○五十八年。議准各省煙瘴苗疆等項內員缺。更為邊遠。俸滿例應撤回內地候升者。遇有缺出。令該督撫照例於現任人員內。揀選熟悉風土。能耐煙瘴之員。題咨調補。不得以候補初任各項人員。題咨補用。○嘉慶八年。議定各省煙瘴報滿應升人員。俸滿時。適遇丁憂事故。如在已經俸滿之後者。仍准以俸滿分



別題咨註冊俟起復補官到任後按班升用。十九年議定煙瘴俸滿保題撤回內地候升人員。僅一時無應升缺出。仍准其先以原官補用。並將俸滿應升之案帶於新任。○又定煙瘴苗疆邊疆海疆例有年限報滿升用人員已經俸滿撤回內地候升。未及驗看。旋即丁憂。起復到省後准其補行驗看咨部升用。

苗疆題補。雍正五年題准雲南元江府知府他郎通判。鶴慶府維西通判。廣南府知府。鎮沅府威遠同知。普洱府知府。思茅同知。昭通府知

府。大關同知。師宗州鎮雄州知州。魯甸通判。恩樂縣知縣。永善縣知縣。恩安縣知縣。甯洱縣知縣。寶甯縣知縣。以上各員缺。該督撫揀選題補。三年俸滿保題即升。○十二年題准貴州古州兵備道。黎平府古州同知。鎮遠府台拱同知。清水江通判。都勻府八寨同知。丹江通判。都江通判。銅仁府松桃同知。永豐州知州。荔波縣知縣。各缺該督撫揀選題補。三年俸滿保題即升。○又題准雲南東川府知府。會澤縣知縣。貴州之貴西道。貴陽府知府。長寨同知。黎平府知府。鎮

遠府知府。安順府知府。郎岱同知。歸化通判。都勻府知府。大定府知府。水城通判。南龍府知府。普安州知州。黃平州知州。獨山州知州。清平縣知縣。施秉縣知縣。永從縣知縣。清鎮縣知縣。貴筑縣知縣。普定縣知縣。畢節縣知縣。鎮遠縣知縣。湖南之寶慶府知府。理峯同知。乾州同知。鳳凰營通判。永順府知府同知。通判。永州府理峯同知。辰州府永綏協同知。沅州府知府。通判。靖州知州。道州知州。新甯縣知縣。宜章縣知縣。綏甯縣知縣。城步縣知縣。甯遠縣知縣。永明縣知

縣。江華縣知縣。永順縣知縣。龍山縣知縣。保靖縣知縣。桑植縣知縣。安福縣知縣。芷江縣知縣。永定縣知縣。湖北之施南府知府同知。通判。宜昌府知府同知。鶴峯州知州。恩施縣知縣。宜恩縣知縣。來鳳縣知縣。咸豐縣知縣。利川縣知縣。長樂縣知縣。以上各員缺。亦令該督撫揀選題補。五年俸滿保題即升。○又題准佐雜各官如雲南之猛班巡檢。按板井。抱母井。二大使。廣南府經歷。普洱府經歷。元江府經歷。知事。師宗州州同。吏目。鎮雄州學正。吏目。昭通府教授。經歷。知



事鎮沅府經歷知事恩樂縣典史鹽渡井巡檢  
魯甸巡檢母亨巡檢永善縣丞教諭井底典史  
彝良州同威信州判劍川州忠甸州判宣威州  
吏目會澤縣者海典史寶甯縣典史可渡巡檢  
新撫巡檢猛統巡檢猛緬巡檢則補巡檢恩安  
縣典史甯洱縣典史貴州之開泰縣丞永從縣  
丞天柱縣丞荔波縣丞冊亨州同羅斛州州判  
永豐州吏目黎平府照磨潭溪司吏目遇有員  
缺該督撫揀選咨部調補三年俸滿保題即升  
其雲南之東川府經歷互補巡檢貴州定番州

知州州判威甯州知州獨山州州同普安州州  
判黎平府經歷安順府經歷南籠府經歷鎮遠  
縣丞施秉縣丞清平縣丞威甯州巡檢黃平州  
巡檢湖南之永州府經歷龍山縣典史隆頭司  
巡檢桑植縣典史上下崗巡檢永順縣典史保  
靖縣典史安福縣典史辰州府永綏協經歷花  
園鎮巡檢排補美巡檢靖州直隸州州判綏甯  
縣典史城步縣典史青坡巡檢寶慶府寨頭巡  
檢江頭汛巡檢沅州府涼山巡檢永定縣典史  
保靖縣張家壩巡檢永順縣王村巡檢遇有員

缺揀選咨部調補五年俸滿保題即升。乾隆  
元年議准雲南永善縣副官村縣丞定為夷疆  
要缺揀選調補三年俸滿保題升用。○七年議  
准湖南寶慶府知府改為中缺歸部請

旨簡用安福縣知縣典史永定縣知縣典史改歸部  
選。○又雲南裁汰昭通府司獄猛班巡檢二缺

○八年議准湖南綏甯縣臨江口巡檢定為苗  
疆要缺在外揀選調補五年俸滿即升。○九年

議准貴州糧驛道定為五年俸滿。○十二年議  
准雲南緬甯通判巡檢定為夷疆要缺三年俸

滿保題升用。○又議准湖北施南府知府同知  
通判宜昌府知府同知鶴峯州知縣長樂恩施

宣恩來鳳咸豐利川等州縣俱歸部選停其五  
年俸滿保題即升照常論俸升轉。○十三年議

准湖南永州府理彊同知沅州府知府通判道  
州知州新甯縣知縣宜章縣知縣永明縣知縣

改歸部選。○十九年議准貴州安順府羊腸塘  
巡檢普安縣新城鎮巡檢五年俸滿即升。○二

十一年雲南裁汰劍川州忠甸州判員缺。○二  
十五年議准湖南永順府知府同知通判永順

十五年議准湖南永順府知府同知通判永順



龍山保靖桑植四縣實慶府理雅同知城步縣辰州府乾州同知永綏同知鳳凰營通判江華縣芷江縣靖州綏甯縣通道縣十七缺五年俸滿以升銜留任再滿三年以應升之缺題請升用。又議准雲南原定夷疆之昭通府及所屬之大關同知魯甸通判鎮雄州恩安縣永善縣普洱府及所屬思茅同知甯洱縣威遠同知恩樂縣師宗州原定極邊之中甸同知維西通判以上十四缺並貴州古州道古州八寨台拱松桃四同知丹江都江清江三通判荔波一縣皆係苗疆均照湖南之例辦理。二十六年議准雲南宣威州吏目改歸部選。又議准雲南雲州知州吏目定為煙瘴要缺三年俸滿即升。又議准貴州畢節縣知縣改歸部選。又議准雲南東川府知府會澤縣知縣原定夷疆五年俸滿亦照湖南之例辦理。又議准貴州苗疆五年俸滿各缺糧驛道貴陽安順鎮遠都勻黎平大定南籠七府長寨郎岱二同知歸化水城二通判定番普安威甯黃平獨山五州貴筑清鎮普定永從鎮遠五縣均照湖南之例辦理。

二十九年議准雲南保山縣知縣定為邊缺在外揀補。三十年議准雲南原定夷疆久任之普洱府知府思茅同知甯洱縣知縣改為煙瘴調缺三年俸滿撤回內地升用原定煙瘴即升之廣南府知府寶甯縣知縣改為夷疆久任。三年優敘後再歷三年加銜候升。又議准雲南廣南元江鎮沅等府知府並順甯府屬之緬甯通判雲州及廣南府屬之寶甯縣元江府屬之他郎通判暨元江府經歷因遠知事廣南府經歷寶甯縣典史鎮沅府經歷新撫司巡檢順甯府屬之緬甯巡檢雲州吏目景東府屬之猛統巡檢以上十六缺照廣西之例三年報滿撤回內地候升。三十五年議准雲南元江府鎮沅府均改為直隸州知州元江府屬之他郎通判鎮沅府屬之威遠同知均改歸普洱府管轄師宗州改為縣治元江府經歷裁汰改設元江州吏目因遠知事裁汰改為因遠巡檢鎮沅府經歷裁汰改設鎮沅州吏目師宗州吏目裁汰改設師宗縣典史原設邱北州同裁汰改為邱北縣丞歸師宗縣管轄師宗縣知縣典史歸部銓



選邱北縣丞仍在外揀選調補。三年俸滿咨部  
升用。元江直隸州知州吏目因遠巡檢與歸併  
普洱府屬之他郎通判及改設之鎮沅直隸州  
知州吏目同所轄之新撫司巡檢照舊在外揀  
選調補。歷俸三年。題咨報滿。撤回內地候升。按  
板井抱母井大使二缺。三年俸滿。撤回內地即  
升。威遠同知。三年報滿。量予優敘。仍留本任三  
年。保題升用。知事三年俸滿。咨部即升。猛統巡  
檢。歷俸三年。咨部撤回內地候升。三十六年  
議准移雲南廣南府經歷駐普廳塘揀調報滿。

循照舊例辦理。三十九年議准雲南晉義縣  
興衣鄉巡檢裁汰。改駐思茅。作為思茅廳屬巡  
檢。三年俸滿。撤回內地即升。四十二年議准  
湖南桑植縣典史上下崗巡檢均歸部選。刪去  
苗疆字樣。四十四年議准移貴州楊老驛丞  
駐水城廳。改為通判。照磨定為苗疆要缺。在外  
揀選調補。五年俸滿。咨部即升。四十六年議  
准湖南龍山縣知縣典史隆頭司巡檢。芷江縣  
涼山司巡檢。俱刪去苗疆字樣。缺出均歸部選。  
五十八年議准貴州安順府經歷改歸部選。

○嘉慶二年。改貴州松桃同知為直隸廳。添設  
經歷一員。裁貴筑縣縣丞。改為銅仁縣縣丞。移  
正大營巡檢。駐磐石營。貴陽府司獄裁汰。改設  
鎮遠縣四十八溪主簿。均定為苗疆要缺。在外  
揀調。三年俸滿即升。三年議准貴州平越縣  
知縣典史裁汰。改駐黃草壩地方。歸興義府管  
轄。即名興義縣。捧鮮巡檢。今該縣管轄黃草壩  
州判裁汰。改為縣丞。駐紮新城。歸普安縣管轄。  
新城巡檢裁汰。改駐募役司地方。歸永甯州管  
轄。新設興義縣知縣典史。捧鮮巡檢。均定為煙

瘴苗疆要缺。在外揀調。三年俸滿。撤回內地即  
升。改移新城縣縣丞。移紮之募役司巡檢。定為  
苗疆要缺。在外調補。五年俸滿。咨部即升。又  
議准湖南新設鳳凰廳。經歷乾州廳河溪巡檢。  
麻陽縣巖門縣丞。俱定為苗疆要缺。揀選調補。  
五年俸滿。咨部即升。六年議准湖南排補美  
巡檢裁汰。改為鳳凰廳知事。花園汛巡檢裁汰。  
改為永綏廳知事。俱定為苗疆要缺。五年俸滿  
即升。又議准雲南抱母井。改為香鹽井。仍係  
三年俸滿即升。七年題准貴州平越州知州。



定為衝繁難要缺在外揀調。八年議定各省苗疆報滿升用人員俸滿時適遇丁憂如在已經俸滿之後者仍准以俸滿分別題咨註冊俟起復補官到任後按缺升用。十年題准貴州永從縣知縣改簡歸選。十一年題准貴州永從縣知縣刪去久任苗疆字樣。十三年議准四川敘州府馬邊通判改為撫夷同知。保甯府鹽茶同知馬邊廳照磨作為首領裁眉縣太平堡地方添設通判作為裁邊撫夷通判。馬邊撫夷通判移歸原設之主簿改為該廳經歷同知由外調補。五年俸滿歸部即升通判。經歷均定為腹俸要缺。十四年議准貴州興義府屬之普安州改為普安直隸州知州仍為苗疆久任要缺即以新設之興義縣隸之。普安州屬之亦資孔驛丞改歸縣轄。十六年題准貴州普安直隸州知州改為普安直隸廳同知。普安州吏目改為普安直隸廳同知照磨定為簡缺歸選。又題准雲南東川府添設同知一員定為夷疆要缺在外題調。五年俸滿入於即升班內升用。大理府同知一缺裁汰。昭通府魯甸通判改歸部選則補巡

檢改為省海巡檢歸會澤縣管轄會澤縣典史移紮東川府城缺分俸次仍循其舊。普洱府他郎通判添設知事一員定為煙瘴要缺三年俸滿撤回內地候升。賓川州赤石崖巡檢裁汰。恩安縣要缺典史改歸部選。十九年議准雲南迤南道原係三年俸滿撤回內地嗣後俸滿時照例於內地人員內揀選互相對調。如該省無可調之員有將知府奏請升用而俸滿撤回之道員無任可到者即由該督撫出具考語送部引見候旨升用。又議准雲南抱母井大使統歸香鹽井大使經理改為抱香井大使由部另頒鈐記。道光二年議准雲南元江鎮沅二直隸州學正雲州學正訓導他郎廳訓導甯洱縣教諭等六缺定為在外揀選於現任學職內擇其年力壯健能耐煙瘴者調補三年報滿撤回內地候升。調補遺缺仍歸部選。又議准湖南永順府屬古丈坪督捕同知改為撫民同知將桑植縣下崗巡檢裁汰移作古丈坪廳巡檢定為苗疆要缺



由外揀選調補城步縣典史改為選缺。十年  
奏准四川環繞涼山向設雷波越嵩兩廳通判  
嘉慶十三年奏請添設馬邊同知裁邊通判此  
四廳皆為扼要之地嗣後各該廳員果能撫輯  
得宜三年期滿並無捆掠焚搶之案由該督查  
明奏請酌量升用如有捆賣人口在三案以上  
者仍照本例辦理毋庸請升若在四案以上及  
有焚搶傷人之案隨時分別撤參以示懲儆。  
十二年

諭阮元等奏遵旨酌裁知縣佐雜等官並改設分防縣

丞一摺貴州磐石司巡檢並無專辦公事係屬閒員  
著即裁汰錦屏縣幅員偏小政簡民醇該縣各員現  
屬冗濫錦屏縣知縣典史訓導俱著裁汰仍留教諭  
一員作為錦屏鄉學歸併開泰縣考試至錦屏地方  
民苗雜處未便乏員經理著改設錦屏鄉縣丞一員  
仍隸開泰縣管轄欽此遵

旨議准錦屏鄉縣丞作為苗疆三年俸滿在外升調。

又議准移湖南永州府同知駐錦田所改為江  
藍理徭督捕同知移永州府通判駐陽家鋪改  
為永桂理徭通判俱作為邊疆要缺遇有缺出

令該督撫揀選題調五年俸滿覈實保題即升  
未經俸滿以前停其升調亦不得委署別缺。  
十三年議准四川越嵩通判改為撫彝同知由  
外升調定為邊要題缺歸甯遠府考覈三年期  
滿遵員更替分別保奏以應升之缺升用。十  
四年議准四川雷波通判清溪縣知縣俱改為  
邊要題調缺在外揀選升調茂州直隸州平武  
縣知縣改為中缺歸部銓選。十八年議准四  
川馬邊越嵩二廳同知三年邊俸期滿查明任  
內報搶各案隨時拏獲者專摺保奏遇有應題  
應調知府缺出保題升用裁邊雷波二廳通判  
三年邊俸期滿如報搶各案隨時拏獲亦准專  
摺保奏遇有應題應調同知直隸州缺出保題  
升用雷波裁邊二廳均用同知頂戴仍照通判  
升轉。十九年議准四川馬邊越嵩兩廳改作  
久任邊疆之缺三年俸滿升銜留任再滿三年  
以題調選三項應升之缺升用。二十年議准  
雲南師宗縣分防邱北縣丞改設知縣定為夷  
疆題調要缺鎮沅直隸州所轄之恩樂縣知縣  
裁汰改為鎮沅直隸同知定為苗疆調缺移恩



樂縣典史作邱北縣典史定為苗疆調缺移師  
 宗縣訓導為邱北縣訓導仍作選缺原設邱北  
 縣丞改為鎮沅廳分防經歷定為夷疆調缺鎮  
 沅州學正改為同知教授吏目改為同知司獄  
 恩樂縣復設教諭移改鎮沅廳復設訓導邱北  
 縣知縣典史鎮沅廳經歷均三年俸滿在任候  
 升鎮沅廳同知暨司獄教授訓導均三年俸滿  
 撤回內地候升。又議准四川馬邊越嶲兩廳  
 三年俸滿即行撤回如任內並無焚搶傷人之  
 案者該督切實聲明以應升之項無論應題應  
 調應選各缺保題升用儻有以上各案仍不在  
 其題升。又議准移貴州遵義府經歷駐仁懷  
 縣温水塘地方作為分防要缺安順府羊腸塘  
 巡檢改歸部選。咸豐二年奏定雲南普洱府  
 抱香井鹽課大使移紫石膏井仍照向例三年  
 俸滿撤回內地即升寶甯縣典史改為夷疆三  
 年俸滿在任候升。又定雲南甯洱縣復設教  
 諭改為普洱府復設訓導仍兼管甯洱縣學作  
 為煙瘴調缺於本省教職內調補。光緒六年  
 議准貴州羅斛州判升為羅斛同知長寨同知改設

欽定大清會典事例 卷六七

為苗疆要缺三年俸滿保題即升安順府郎岱  
 同知改為簡缺歸部銓選黎平府洪州司吏目  
 改為苗疆要缺三年俸滿咨部即升原設羅斛  
 州判改為長寨州判作為選缺。七年議准雲  
 南雲州訓導改為思茅廳訓導仍作為煙瘴調  
 缺於本省教職內調補三年俸滿撤回內地咨  
 部即升  
 邊疆久任。乾隆二十五年  
 諭嗣後專任邊疆要缺之員概不得調辦別項工程差  
 務並通查邊缺內有地非煙瘴宜令其久任於俸滿  
 之時或量予優敘或准其升銜留任或其人實係才  
 能出眾即於本處附近應升之缺酌量升擢使該員  
 等亦得熟悉本地事宜實力經理方為允協其如何  
 分析定例之處著各督撫就本省情形悉心詳查妥  
 議具奏候朕降旨欽此遵  
 旨議定湖南五年俸滿之苗疆各缺永順府知府同知  
 通判永順龍山保靖桑植等知縣寶慶府理雅  
 同知城步縣知縣辰州府乾州同知永綏同知  
 鳳凰營通判江華縣知縣芷江縣知縣靖州直  
 隸州知州綏甯通道等知縣以上各缺令該撫



揀選題補五年俸滿之員。如果才守兼優，政績卓著，該撫覈實保題，以升銜留任註冊。俟再滿三年，察其治行卓越，撫綏得宜，遇有附近應升之缺，無論應題應調，應選應請。

旨者，俱准題請升用。初次俸滿之員，如政績未能卓著，人才僅屬穩妥，准該撫題明留任三年。果能奮勉，仍准保題升銜。再滿三年，以附近應升之缺題升。未經俸滿之先，概不得以他缺更屬緊要，藉辭升調。遇有應入卓薦之員，該督撫仍以薦舉毋庸即行給咨送部。俟俸滿題升時，將曾經卓薦之處，於摺內聲明請旨。其不勝苗疆之員，隨時撤回，以相當簡缺題補。得缺時，照調簡之例，送部引見。

經卓薦之處，於摺內聲明請旨。

其不勝苗疆之員，隨時撤回，以相當簡缺題補。得缺時，照調簡之例，送部引見。

至苗疆知府同知、通判、直隸州知州，缺出，准其先儘苗疆俸滿人員內題請升用。知縣缺出，亦先儘附近苗疆人員內揀補。如無人，始於內地人員內揀選升用。雲南貴州三年俸滿之夷疆極邊各缺，雲南昭通府知府、大關同知、魯甸通判、鎮雄州知州、思安、永善等知縣、廣南府知府、甯甯州知縣、鎮沅府威遠同知、恩樂縣知縣、師宗

州知州、中甸同知、維西通判、貴州古州、道古州、八寨、台拱、松桃等同知、丹江、都江、清江等通判、荔波縣知縣。五年俸滿之夷疆各缺，雲南東川府知府、會澤縣知縣、貴州糧驛道、貴陽安順鎮、導都、勻黎、平定、南龍等知府、長寨、郎岱等同知、歸化、水城等通判、定番、普安、威甯、黃平、獨山等知州、貴筑、清鎮、普定、永從、鎮遠等知縣。以上各缺，俱令該督撫揀選題補。俸滿之員，如果撫綏得宜，覈明題請量予優敘，仍留本任。再滿三年，果能才守兼優，政績卓著，准其保題以升銜。

註冊停其推升道府，俱送部引見。

道員候

旨錄用。知府仍回本任，與俸滿之丞倅州縣照湖南之例一體題請升用。雲南道員各缺內，糧儲驛驛二道，於地方民情不甚親切，其俸滿知府引見回任後，遇有迪東、迪西二道缺出，題請升用。其苗疆缺出，揀補與初報俸滿政績未著及未經俸滿列入卓薦並不勝邊疆之員，俱與湖南一例辦理。廣西苗疆之思恩府知府、桂林府龍勝通判二缺，令該督撫揀選題補。五年俸滿，俸滿之



員如果熟悉風土才具優長最明題請量予優敘再立限三年果係才能出衆據實保題照湖南之例遇有附近應題應調應選應請

旨之缺題請升用其苗疆缺出揀選初報俸滿未有政績與未經俸滿列入卓薦及不能勝任各員均與湖南一例辦理福建海疆之閩縣侯官福清晉江南安惠安同安龍溪漳浦等縣各缺令該督撫揀選題補三年俸滿其俸滿之日果能緝盜安民實有成效政績卓著者准該督撫覈實具題以升銜留任註冊再滿三年照湖南苗

疆之例保題升用其初次俸滿之員三年內未有實在政績不准加銜咨部停其俸滿照例較俸升轉如平日居官奮勉政事並無懈弛者亦准該督撫題明留任三年觀其後效仍照前例辦理未經俸滿列入卓薦與不能勝任之員亦照湖南之例辦理四川打箭鑪同知松潘同知雜谷理番同知地處極邊控制土司亦令該督於內地屬員內揀選熟悉風土諳練夷情之員調補五年俸滿如能盡心經理番民相安覈明題請量予優敘仍留本任再限三年果屬才能

出衆撫取得宜政績卓著者該督撫據實聲明送部引

見恭候

欽定如蒙

俞允照湖南等省之例遇有應題應調應選應請旨之缺俱准保題升用其初報俸滿未有政績與未經俸滿列入卓薦及不能勝任之員俱照湖南等省一例辦理○二十九年定凡各省道府以下佐雜以上業經調補邊疆煙瘴例應三年五年俸滿即升人員不得委辦別項工程差務並

委署內地腹俸之缺其佐雜人員內有因銅廠錢局重大諸務必須遴委辦理者仍准該督撫一體酌量遴委將委辦離任並事竣回任各日期先行報部註冊俟該員實歷三年五年俸滿時除去離任日期以便接算○三十一年題准貴州清鎮縣鎮遠縣二缺改歸部選○三十二年議准原定苗疆之廣西桂林府龍勝通判改為三年俸滿撤回內地候升○三十三年題准湖南江華縣芷江縣二缺刪除苗疆字樣毋庸計俸加銜○三十五年奏准雲南鎮沅所屬之



威遠同知改歸普洱府管轄師宗州改為縣治  
○又奏准雲南東川府知府會澤縣知縣二缺  
五年俸滿久任之處刪除昭通府知府改為請  
旨之缺毋庸作為邊俸維西通判恩安永善恩樂師  
宗等縣改為部選○又奏准雲南威甯州刪去  
報滿加銜即升之例○又移雲南永昌府同知  
駐龍陵○又奏准移貴州貴陽府通判駐下江  
隸黎平府管轄定為苗疆要缺照都江等通判  
之例三年俸滿○三十六年議准雲南鶴慶州  
觀音山巡檢裁汰改駐龍陵所有龍陵廳同知

巡檢均定為夷疆邊缺在外揀選調補三年俸  
滿加銜留任再滿三年該省題咨升用○又議  
准廣西懷遠縣羅城縣二缺改為苗疆俱在外  
揀選題補照苗疆久任之例五年俸滿再立限  
三年分別考覈具題如不勝任隨時更撤○三  
十八年議准貴州貴陽府知府貴筑縣知縣均  
刪去苗疆字樣仍定為衝繁難要缺知府缺出  
由部請  
旨簡用知縣缺出令該督撫揀選調補○四十一年  
議准貴州貴陽府長寨同知刪去苗疆字樣歸

部銓選○四十二年議准湖南桑植縣一缺刪  
去苗疆字樣歸部銓選○四十四年議准湖南  
寶慶府理搖同知一缺刪去苗疆字樣歸部銓  
選○四十五年議准廣西恩恩府知府刪去苗  
疆久任字樣改為腹俸遇有缺出由部請

旨簡用○四十六年議准湖南龍山縣一缺刪去苗  
疆字樣歸部銓選○四十九年議准湖南永順  
府通判一缺刪去苗疆字樣歸部銓選○五十  
五年議准湖南通道縣知縣改為簡缺歸部銓  
選鳳凰廳通判改為同知仍定為苗疆俸滿之  
缺○五十八年議准貴州安順府知府郎岱同  
知普定縣知縣黃平州知州刪去苗疆字樣嗣  
後知府缺出請

旨簡用同知州縣缺出令該督撫揀選題補○嘉慶  
十年議定貴州桐梓縣知縣改為繁疲難兼三  
要缺永從縣知縣改為簡缺歸部銓選○十三  
年議准福建霞浦縣為福甯府附郡首邑與浙  
江温州交界洋面相通改為要缺由外揀選題  
補三年俸滿以升銜留任再滿三年保題升用  
漳州府石碼通判改為選缺○十六年議准雲



南東川府添設巧家同知。裁大理府同知改設作為夷疆要缺。五年俸滿即升。昭通府魯甸通判。改歸部選。○又議准。貴州普安直隸州。改為直隸同知。興義縣仍歸興義府管轄。○又議准。廣西蒼梧縣。係梧州府首縣。號稱難治。改為在外調補。羅城縣改為簡缺。歸部銓選。○道光二十三年奏。旨簡放之缺。不准將在省人員。隨摺聲請。開單具奏。止准以應題應選之缺。保題升用。海疆久任。○乾隆三十四年議准。浙江海疆。杭州府屬之仁和海甯。嘉興府屬之平湖海鹽甯波府屬之鄞縣鎮海象山定海。台州府屬之臨海黃巖。温州府屬之玉環同知。及永嘉樂清瑞安。平陽等十五廳縣缺出。俱令該督撫於本省內揀選調補。三年俸滿。保題以升銜留任註冊。俟再滿三年。該督撫覈實題報。以應升之缺。題請升用。其僅止循分供職者。該督撫即行撤回。以相當簡缺題補。得缺時。仍照調簡之例。送部引見。僅有因循怠忽。貽誤地方者。即行查參。分別議處。

○三十八年議准。浙江杭州府屬之海甯縣知縣。改為海甯州。仍照舊定為海疆要缺。在外揀選題補。三年俸滿。照例加銜。○四十一年議准。浙江温州府屬之瑞安縣知縣。刪去久任海疆字樣。改歸部選。○四十三年議准。浙江温州府屬之樂清縣知縣。刪去久任海疆字樣。改歸部選。○四十四年議定。杭州府屬之仁和縣知縣。亦刪去久任海疆字樣。仍定為要缺。在外調補。○四十四年議定。浙江甯波府屬之象山縣知縣。刪去久任海疆字樣。改歸部選。○嘉慶元年議准。浙江温州府屬之玉環同知。三年俸滿。加銜留任。俟再滿三年。保題註冊。遇有該省應歸部選缺出。保題升用。○八年議定。各省邊疆報滿升用人員。俸滿時。適遇丁憂。如在已經俸滿之後者。仍以俸滿分別題咨註冊。俟起復補官到任後。按班升用。○十五年議准。浙江樂清縣所轄地方。幅員遼闊。緊接玉環三面皆海。仍改為要缺。在外調補。三年俸滿。加通判銜。長樂縣改為中缺。歸部銓選。○十九年議定。福建海疆之閩縣侯官二縣。係省會首邑。遇有缺出。令該督撫揀選調補。○



道光三年議在移浙江甯波府海防同知駐紮石浦改為海疆要缺在外題補三年俸滿以升銜留任再滿三年保題升用杭州府總捕同知改為部選中缺○二十年議准嗣後福建漳泉所屬各廳縣缺出令該督等於現任人員內擇其明幹廉能之員揀選調補無論歷年俸限如三年內能漸息械鬪之風該督撫專摺保奏請旨獎勵如有械鬪之案匿不具報及分案辦理者立即叅辦○二十一年議准浙江定海縣改為直隸廳同知作為題調要缺隸甯紹台道管轄三年俸滿保題以升銜留任再滿三年以應升之缺題請升用

川陝楚連界員缺題調○道光元年議准陝西安康縣屬之甄坪營地方改設撫民通判定為題調要缺五年俸滿保題升用將鳳翔府通判裁抵甄坪添設巡檢管司獄事定為選缺將留壩廳南星巡檢裁抵原設甄坪縣丞移改為略陽縣丞仍定為要缺在外揀調華陰縣丞移改為藍屋縣丞仍定為選缺四川太平廳同知並訓導照磨均移紮城口地方作為城口同知定

為題缺五年俸滿保題即升訓導照磨仍定為選缺原設城口經歷移紮高觀寺地方仍定為繁缺舊太平廳地方添設知縣典史訓導各一員太平縣暨南江縣均定為題缺在外揀選五年俸滿保題即升新設典史訓導歸部銓選湖北白河口添設撫民同知德安府通判裁抵定為題缺五年俸滿保題即升白河口添設同知照磨兼司獄事仍定為選缺德安府司獄裁抵白河口添設訓導保康縣訓導裁抵竹谿縣添設豐溪巡檢昌府司獄裁抵又添博磨坪巡檢房縣板橋巡檢裁抵均定為選缺

竹谿山竹谿三縣改為邊缺五年俸滿保題即升

四川辦理屯務派駐臺站委管錢局官員○乾隆四十一年議准四川辦理懋功章谷撫邊綏靖崇化等五屯屯務令該督等揀員派委三年更換現任人員以到屯之日計算試用未經得缺人員遇有相當之缺先行分別奏咨補用以得缺之日計算三年期滿查其屯墾事務如果實心奮勉出具考語分別題咨以應升之缺註冊即升駐防打箭鑪裏塘巴塘拉里察木多西



藏六處臺站。揀員派委。三年更換。以任事之日計算。有能撫輯番民。經手錢糧清楚。三年期滿。南整迪西地方。由駐藏大臣查明。南整迪東地方。由該督等查明。分別保題。以應升之缺。註冊即升。○六十年議准。西藏錢局事務。該督於同知。知州。知縣內。派往管理。一年一換。期滿。該督遴選派委。更換派往之員。一經到藏。駐藏大臣專咨報部查覈。如由試用。未經得缺人員。派往者。遇有相當之缺。先行分別奏咨補用。以得缺之日計算。一年期滿。撤回。該員如果勤慎出力。

駐藏大臣據實奏明保題。即以報滿之日註冊。再扣二年。入於即升班內升用。○嘉慶十一年議定。管理寶藏錢局。一年期滿人員。無論虛實。俸次於一年期滿後。再扣足二年。即行歸於即升班內升用。如有因公離任。前後均准接算。○十四年議准。嗣後委管屯務。照邊俸之例辦理。除現任人員。並到屯後。得補實缺者。仍以得缺之日計算。三年期滿。分別題咨外。其由試用人員。委管屯務。三年內。未經得缺者。統自任事之日起。扣足六年期滿。撤回內地。查其屯墾事務。

實心經理。先行保題。以即升註冊。已補者。即行升用。未補者。即行補授。仍照例升用。○十八年奉

旨。常明奏請酌改西鑪五臺委員管理糧務章程一摺。四川省打箭鑪口外裏塘巴塘拉里察木多西藏等處五臺糧務。向係派委實缺丞倅州縣管理。現在該省試用人員較多。補缺既需時日。又不能常川署任。自宜酌量委用。俾得及時自效。著照該督所請。准其將五臺糧務。照從前西藏錢局並五屯之例。無論實缺及試用丞倅州縣一體派委管理。惟向例委管西藏錢局及五屯人員。既儘先補用。並在保題應升之缺。未免過優。所有委管五臺糧務試用人員。著自任事之日起。扣滿三年更換。覈其任內。如果於撫輯番民。經手錢糧等事。均能辦理無誤。准由該督具題。以原銜儘先補用。不必再予升階。○十九年議定。調管糧臺人員。除去離臺日期。准其將初次到臺俸次。前後一併接算。扣滿三年。實缺人員。保題以應升之缺。即升。試用人員。以原銜儘先補用。○二十四年議准。四川總理五屯懋功同知及辦理懋功等五屯屯務。由實缺人員管理者。以到屯



之日起扣滿三年保題以應升之缺即升由試用人員管理者扣滿三年撤回保歸候補班儘先補用不必扣足六年亦不必再予升階如三年內本班到班仍准先行補用即以得缺之日起扣滿三年照現任人員之例歸入即升班升用至委管後藏糧務及打箭鑪口外五臺糧務人員分別實缺試用悉照五屯人員之例辦理

欽定大清會典事例卷六十八

吏部

滿洲升補官員加級  
武職世爵各官兼理  
京五部宗室司員升補  
內務府堂官員俸滿  
取宗室官員出差  
內務府堂官員俸滿  
升轉京官漢軍典簿升轉  
外任旗員降補京官  
轉開列出差監督卓異  
理事同知通判等  
官升轉出官員停升  
旗員子弟隨任  
員留任就養因公註  
誤人員效力見  
奏留效力人員回京  
分別引見軍營  
赴任給照

官員加級○乾隆五年奏准凡文武改補班聯相等者任內所有加級如原係隨帶之級仍准

帶於各任如係尋常加級亦照對品補授之例  
准其隨帶如世爵改補文職品級稍優文職承襲世爵班聯越等者均照升任官之例每級改為紀錄一次其有世爵品大文職品小例應開缺之員或奉

特旨仍著兼理部務或經該堂官保留其文職任內所有加級仍照例每級改為紀錄一次註冊如由公侯伯奉旨補授卿貳大員若遇再升任者其在世爵任內所得加級紀錄仍准隨帶在文職任內所得加級



亦照升任官。每級改為紀錄一次。○又奏准筆帖式天文生。其任內先有加級。續經改換品級者。仍准隨帶。俟升任後。每級改為紀錄一次。○三十年定。京外大小各官任內議敘加級。情願將加一級改為紀錄四次。抵銷罰俸者。准其改抵。如改為紀錄之後。又經升任。抵銷餘積紀錄。若係隨帶之級所改者。仍准隨帶。若非隨帶之級所改。在任時抵銷過一次。二次。三次者。升任後。概行註銷。若在任所改紀錄。並未抵銷止。准將紀錄一次。帶於新任。具

特恩賞加之級及捐納加級。不准改為紀錄四次。抵銷罰俸。至任內有加數級者。遇有處分降級案件。俱照年月先後次第。挨順抵銷。先將尋常加級。挨次抵完。後再將隨帶及軍功加級。挨次抵銷。內外大小官員。有降級留任者。後奉恩旨加級及議敘加級。准其抵銷前降之級。○道光二年。奏准。庶吉士散館。以主事用者。其任內加級。亦改為紀錄。至改用中書知縣之員。其庶吉士任內加級。毋庸改為紀錄。○光緒十年。定。內外官員。有呈請降歸原班者。因其官階既改。前

俸已斷。從前任內級。一概不准隨帶。

武職世爵各官兼理部院。○順治年間。定。由郎中補授參領。由員外郎補授佐領者。均兼部院行走。其由員外郎各官補授參領。由主事等官補授佐領者。均解部院職任。○康熙四十五年。題准。凡由參領男爵。輕車都尉。補授郎中等官。由副參領。侍衛。騎都尉。佐領。補授員外郎等官。雲騎尉。補授主事。護軍校。驍騎校。補授小京官。均俟三年限滿。遇有升轉。將武職食俸年分。以上朝之日起。通行較算。如原係部院主事。筆帖

式。授為侍衛。佐領。復用員外郎等官者。升轉時。將前在部院之俸。及現任之俸。准其接算。其在武職上行走之俸。不必通理。○雍正八年。議准。由郎中等官承襲輕車都尉。由員外郎等官承襲騎都尉。由主事等官承襲雲騎尉者。均屬班聯相等。應令兼理部院。其世爵品大。文職品小。除奉

特旨兼理部務者。不行開缺外。其餘均令世爵上行。走。不兼部務。所遺員缺。即行銓補。如果有才能出眾。因世爵品大。不行兼理者。准該堂官具奏。



保留引

見恭候

欽定其循分供職者照例開缺不得奏請兼理僅有請託徇情等弊引

見時其人不勝保留或保留之後辦事不能妥協即將保奏之堂官嚴加議處○乾隆十三年奏准八旗世爵及武職官員改補文職者輕車都尉參領以科道郎中用騎都尉副參領佐領以員外郎用雲騎尉以主事用護軍校驍騎校等官以七品小京官用其世爵均仍帶於本身侍衛

有奉

特旨以文職用者一等待衛係三品應以三品京堂用二等侍衛係四品應以四品京堂用遇有員缺三品者開列於應升人員之前四品者開列於俸深人員之前請

旨補授此內各員缺如有應用科甲以及考試擬正陪者仍照例不行開列至三等四等待衛係五品應將三等侍衛以郎中用四等待衛以員外郎用藍翎侍衛係六品應以主事用遇有員缺歸於月分照例補用○十六年奏准嗣後小京

官筆帖式承襲雲騎尉以上等官者仍照例開缺其有承襲七品官者俱令其兼理行走毋庸開缺○二十一年奏准凡世職保留人員續遇有事故降級調用者已無本衙門可以奏留准其仍按所降之級照例敘補或未經補官之先武職任內又經升任者其降補文職之處即行註銷○道光四年定承襲世職人員原係例准兼部院行走及奉

特旨准其兼理部務者如緣事降調應仍按所降之級照例敘補○又定四五品文職應兼佐領人員因事降調六品官者准其仍兼佐領○光緒十年定由主事及六品京官准其襲至輕車都尉七品京官筆帖式准其襲至騎都尉八品京官筆帖式准其襲至雲騎尉九品京官筆帖式准其襲至恩騎尉均係應兼之員應令兼部院行走其非例應兼襲之員除奉

特旨兼理部務不行開缺外餘俱專在世職上行走如果才具出眾因非文職所應兼者准該堂官具奏保留帶領引

見候



旨欽定。○又定。由文生員承襲輕車都尉騎都尉世職。恭照道光十六年

諭旨。准其應試。如中式文進士。繙譯進士。並拔貢

朝考。庶吉士散館。

大考改補引。見以何項官職錄用。及由輕車都尉等世職。本非文職人員。奉

旨。以何項官職錄用。均准其兼任。其先經中式進士。及欽奉

特旨。得有文職。後經承襲世職者。一體准其兼任。○

又定。承襲世職人員。原係例准兼部院行走。及奉

特旨兼理部務。並保留人員。緣事降調者。覈其所降之官。仍係應兼之職。准其按所降之級。照例敘補。如非應兼之職。及降調後武職。又經升任。均將所降之官。停其銓選。統令在世職上行走。俟開復捐復後。仍照原班銓補。○又定。在京三四品文職。准其兼襲子爵男爵。二品以上文職。准其兼襲公侯伯爵。或先經兼襲。後經緣事降調。查其所降之官。非世爵所應兼者。將應否仍兼

文職。抑令專在世爵上行走之處。奏明請

旨。恭候

欽定。

宗人府題補各官。○雍正二年議准。宗室理事官。由鎮國將軍。輔國將軍。副理事官。由奉恩將軍。佐領。經歷。主事。由廕生五六品官。並考取一等閒散宗室。均由宗人府擬定。正陪引

見補授。○乾隆二年奏准。宗室理事官。遇有郎中應升員缺。與旗員郎中一例較俸。開列升轉。○嘉慶四年

諭。向來宗人府京察一等人員。從未簡放外任。本年降

旨。令宗室等一體選用六部。並經吏部議奏。宗室保列京察一等者。應否外用。候朕欽定。朕思宗室人員。向不簡授外任之故。蓋以身為宗室。未便復行參謁跪拜之禮。因存體制。又恐其自恃天潢一派。蔑視上司。設有不知檢束者。營私獲罪。轉多礙難辦理之處。嗣後宗室人員。自應仍照向例。毋庸補放外任。此次保送道府。不必保送。○五年定。

陵寢額設宗室司員。六年期滿。應行調京者。准以各部院宗室郎中員外郎。主事。與宗人府理事等官。



一體調補。○又定宗人府理事官員缺由副理事官升補。副理事官員缺由經歷主事升補。經歷主事員缺由委署主事補用。委署主事員缺由筆帖式升補。筆帖式員缺由效力筆帖式補用。原例內所載理事官缺由鎮國將軍等補授之處。應行刪除。○嘉慶十九年定。六部理藩院撥出郎中員外郎主事十六缺。均作為宗室額缺。由宗人府論俸擬定正陪。引見補授。○道光三年奏准宗人府應題經歷主事缺出。除例應對調及俸次將升奏留人員。仍照例補用外。其餘奏留人員。均不得補用。題缺其選缺。經歷主事缺出。咨一留二咨二留二為一班除奉。持旨以主事儘先用者。無論咨留之缺。均儘先補用。不積咨留之缺外。其應咨之缺。先將三庫檔房年滿及調京人員。較日期先後補用一人。次將奉。旨指明以宗人府主事用者用一人。再將五缺後到班之員用一人。如何班無人。即以次班揆選。若各班俱無人。仍用俸深人員。其應留之缺。將本

衙門各項奏留人員。較奏留日期先後補用。如奏留無人。仍按班銓選。應選人員。至吏禮刑工四部宗室主事缺出。如有奏留候補人員。每部止准留補三缺。至第四缺。即咨送宗人府按班銓補。不積宗人府咨選之缺。○又定宗人府司員。升至理事官。並部院宗室郎中。係與各部院衙門滿洲蒙古郎中一例。較俸開列升轉。原例內與旗員郎中一例。升轉字樣。應改。○光緒十年定。宗人府選缺。理事官郎中員缺。以副理事官員外郎。副理事官員外郎員缺。以經歷主事。經歷主事員缺。以委署主事及兩翼宗室合例。應升之總管。其應題理事官。副理事官。經歷主事缺出。除例應對調及俸次將升奏留人員。仍照例補用外。其餘奏留人員。不得補用。題缺。盛京五部宗室司員升補。○光緒四年奏准。盛京戶部添設題缺郎中一缺。兵部添設選缺員外郎一缺。刑部添設題缺員外郎一缺。禮工二部各添設題缺主事一缺。作為宗室額缺。均不歸部選。題缺郎中。由員外郎內揀選。題缺員外郎。由宗室營及禮工二部主事內揀選。題缺主

續修四庫全書 史部 政書類 3 反文下



事。由正管長族長內揀選。選缺員外郎。由宗室營及禮工二部主事內論俸升補。以上題選各缺。均由該將軍會同該部侍郎。公同揀選。論俸擬定正陪。給咨來京。由宗人府帶領引見補授。不准調補在京宗室司員之缺。

宗室官員俸滿截取。○光緒四年奏准。宗室給事中。御史。宗人府理事官。副理事官。各部院並三庫郎中員外郎等官。統以本衙門五品任內合併計算。六年俸滿。並

盛京宗室郎中員外郎各任內。合計六年俸滿。在京各員。由該堂官出具切實考語。

盛京各員。由該將軍會同該部侍郎。出具切實考語。均咨部引

見分別內外錄用。如奉

旨。以道府用者。吏部知照軍機處。照一等人員另繕單進呈。恭候

簡用。

宗室官員出差。○乾隆三年議准。宗人府理事官。凡遇出差。亦令該部行文宗人府。將才能俸深者保舉一人。咨送該部。與各部院保送之旗

員。一同引

見候

旨簡用。○嘉慶四年奏准。六部理藩院滿洲郎中員外郎主事。共撥出十六缺。作為宗室額缺。遇保送京通各倉監督。三庫司員。戶工錢局。通州坐糧廳。各處稅差。應用宗人府司員。部院宗室司員。俱由各該堂官。與各衙門司員一體保送。如有調庫者。差滿之日。先回原衙門行走。遇有各衙門宗室缺出。即行坐補。○道光四年定。宗人府司員。部院宗室司員。保送倉稅等差。如有調庫者。除三庫檔房主事年滿。由宗人府自行按班補用。其由理事官郎中副理事官員外郎調庫年滿者。差滿之日。仍先回原衙門行走。遇各衙門宗室缺出。即行坐補。

內務府堂郎中等官升轉。○乾隆五年奏准。內務府官員。向由內務府升轉。其堂郎中總理六庫事務郎中等三缺。經內務府奏准。咨送過部。以應升之官列名。准其與部院官一例較俸升轉。此內有由漢軍郎中選調補者。應令其以補授堂郎中等缺之日。扣算。食俸三年之後。再



行接算前任郎中之俸與漢郎中一例較俸升轉若暫時差往外省本任不行開缺者仍照現任官例論俸升轉其出差例有年限如鹽政關差等項本任員缺內務府別補有人亦應准其論俸仍俟扣滿年限再行擬升未經差滿之時如應升道府准其以升銜註冊俟差滿回京照依原升補用其未經差滿之前如尚未升用俟回京之時未經補用以前仍不准算俸得官之後或仍補堂郎中等缺或補授對品官方准一例較俸升轉○嘉慶十二年奏准內務府坐辦堂郎中總理六庫事務郎中等缺歷年以來如以漢軍人員補授者並無辨有准與漢郎中一體較俸升轉成案至補放鹽政關差織造以及升任等項悉候聖裁簡用應將漢軍郎中與漢郎中較俸升轉原例刪除

漢軍典籍升轉○乾隆三年定中書推升典籍後准其與漢中書較俸以主事同知兼掣與各項應升人員一例推升○二十八年議准漢軍典籍中書定以六年俸滿截取引

見記名以主事同知分別註冊統歸雙月不論何項缺出五缺之後升用一人漢中書已另立班次例內與漢中書較俸之處應刪○嘉慶十二年奏准漢軍典籍接算中書俸以中書得缺之日論俸扣滿六年截取行文內閣分別內用外用內用者仍歸京升班與各項應升人員一體較俸推升主事等官保送外用者以同知升用

漢軍年滿大使升轉○乾隆四年奏准戶部三庫及戶部寶泉局工部寶源局大使均由筆帖式補授五年期滿仍照原筆帖式品級以應升之官用其由漢軍筆帖式補授大使年滿者歸於雙月如遇應升京官班次與漢軍俸深人員分缺開用如遇應升外官班次歸於即升月分與在外各項即升人員統較日期先後補用其未入流筆帖式改為九品者升轉之處仍照品級考所載以州同州判縣丞升轉○九年奏准戶部三庫司庫大使四員定以三年一次作為筆帖式更換之缺五年期滿保題升用主事之例停止○二十九年奏准戶部寶泉工部寶源兩局大使五年期滿照三庫大使之例一體停



其保題

京官降調候補。○順治年間定京堂降官三品以上者。悉照品級補用。降至正四品者。不補大四品。如通政使司副。以小四品用。如太常寺少卿。內閣侍。降從四品者。不補祭酒。借補正五品京堂。仍支從四品俸。○乾隆四年奏准。從四品內。祭酒升轉甚優。凡降至從四品者。既不准其以祭酒降補。自不便照祭酒升轉。應以從四品銜管五品京堂事。遇有開列引見升轉。均列於各項應升人員之前。專以應升之四

品京堂員缺升轉。○又奏准。京堂降至正五品從五品者。不補郎中員外郎。以京堂用。四品以上京堂。降至六品以下者。並無堂官可補。應停其補用。五品京堂。降從五品者。亦不補員外郎。以堂官用。京官降至從五品者。有鴻臚寺少卿。可補。故仍不補員外郎。如降至六品以下。悉照所降之級。與各項降官一例補用。五品京堂降至六品以下。均屬司官。若一故仍准與降。其餘各項降官。均照所降之級。敘補。惟降從五品者。不補鴻臚寺少卿。降從九品者。不補司務。均各照對品別官補用。降從六品

者。不補光祿寺署正。以正七品用。仍支六品俸。

與六品官一例較俸升轉。降至正九品者。以九

品筆帖式用。滿官並無正九品。故准補筆帖式。升正從八品之

缺。蒙古官員。降至七品以上者。准以原銜借補

中書。降至八品以下者。以原銜借補理藩院司

務。如有情願補筆帖式者。准其具呈補用。漢軍

官員。降至從八品者。不補典簿。謹素典簿。向係從八品。後改正

七。以筆帖式用。帶餘級食俸。仍升八品官。○三

十四年奏准。滿洲官員。降從七品以下各員。遇

伊等本項應得之缺。照舊補用外。如無本項應

得之缺。其降調應補光祿寺典簿者。以七品筆

帖式改補。應補鴻臚寺主簿者。以八品筆帖式

改補。俱入於降調班內。與各項降補人員。較日

期先後補用。○三十五年

諭。向來吏部定例。四品以上京堂。降至六品以下者。既

無應補之京堂員缺。又以京堂品秩崇優。若補用司

員。與體制不合。遂停其補用。殊屬非是。京堂品級雖

優。如因事獲譴。既經予降。自應按品授銓。用人乃朝

廷大權。黜陟進退。惟視其人之自取。設官雖有崇卑

示。請本無同異。即由崇階而降。為末秩。惟上所命。孰



敢抗違。若拘堂不降司之說。輒以曾膺高位。不屑於復就下僚。是國家詔祿之典。竟任臣下自專。揀擇紀綱之謂何。且以堂官降為司員。於體制又有何礙。若因而停其補用。則此等人員。一經錮級。遂致擯錮終身。所謂愛之適以害之。於伊等亦復何益。此皆相沿前明陋習。不可為訓。著該部另行改議具奏。欽此。遵旨議定。京堂降至從五品以上者。均有缺可補。應仍舊

例。如降至六品以下。悉照品級與各項降官一體。以應得之缺敘補。○三十六年議准。部寺滿漢司務。改為正八品。其升轉仍照舊辦理。○嘉

慶十六年定

盛京官員降調。應補七八品小京官者。因本處無小京官額缺。准其照所降之級。以筆帖式改補以奉

旨之日積缺。計五缺後補用。降至九品應以筆帖式補用者。亦照此辦理。○光緒十年定。滿洲官員降至從四品者。不補祭酒翰林院侍讀侍講學士。專以內閣侍讀學士補用。並開列帶領引見。列於各項應升人員之先。原例內借補正五品京堂。仍支從四品俸。並借補後仍以四品升轉之

處應行剔除

外任旗員降補京官。○乾隆十四年奏准。各省理事同知通判。遇有降調者。悉照京官降調。至滿洲蒙古知縣。事同一例。亦均以京官降調。嗣後凡降一級者。即以七品筆帖式改補。降至八品者。即以八品筆帖式改補。降至九品者。即以九品筆帖式改補。○十五年奏准。外任道府以下滿洲蒙古人員。如由正印降調赴補者。各按品級。遇正印佐貳員缺。均准降補。如由佐貳官降調赴補者。不准降補正印。均以對品別官補用。惟降至從六品以下。除正七品之知縣一項。由正印官降調者。尚堪補用外。其餘均係首領。並無補用旗員之例。向來理事同知通判降調者。原以京官補用。但京官品大。外官品小。若降至外任無可補之缺。概以京官對品借補。未免過優。嗣後凡降至從六品以下者。皆降一等。以京官補用。如降至從六品者。以正七品之小京官借補。降至正七品者。以從七品之小京官借補。降至從七品者。以正八品補用。惟滿洲蒙古無正八品之小京官。應均以從八品之小京官



降補。降至從八品以至正九品者。均以九品筆帖式補用。不准仍帶原銜。以上降調借補小京官人員。有情願告降補用筆帖式者。仍按品級。准其以七八品筆帖式降補。○道光五年奏准。滿洲蒙古外任官員降調者。照漢員降調例。按所降之級。以外官註冊選用。其降調應用外任之正六品以上人員。如有奉

特旨以京員補用者。俱以應降之外官品級。照改補京職之例。以京職補用。其降至從六品以下。奉特旨以京職用者。俱降等以京缺補用。至降級之知

縣奉

特旨以京職用。如降一級。以七品筆帖式改補。例內降至從六品以下。降一等以京官補用之處。應行刪除。

開列出差監督。○乾隆七年議准。凡戶部開列大小各差監督。於每年十月內行文過部。咨取八旗應出大差官員。按旗通行論俸。每旗彙送五人。應出小差官員。較本任俸。每旗亦彙送五人。將職名開單敘明俸次。移送戶部開列。卓異理事同知通判等官升轉。○雍正十三年

奏歸化城等處同知通判及協理各官。停其三年更代。其原缺即別行銓補。若遇才守出眾者。題請升擢。不及者黜革。供職惟謹者。仍照原銜較俸推升。奉

旨依議。同知筆帖式等。不得題補道府知州等官。如有出眾者。該督撫保題後。以京官越等升用。平常者。著較底俸升轉。○乾隆五年奏准。各省滿洲理事同知通判。如有卓異之官。經該督撫具題到部。俟來京引

見奉

旨註冊後。歸於每年二四六十月分。除各項不積算人員。及應選班次。仍照例辦理外。如遇應升月分。不論食俸深淺。以應升之官。先儘升用。仍以升班積算。僅有俸次已深者。仍准論俸推升。其卓異應升之處。銷去。○四十七年奏准。各省理事同知通判。推升各部員外郎。照漢官推升京職之例。於掣籤具題後。即將同知通判開缺。另行揀補。○五十八年奏准。理事同知通判。推升京職者。照漢官推升之例。該督撫接准部咨之後。即嚴飭交代清楚。給咨勒限赴部引



見不得逾半年之限。如理事同知、通判、管理州縣正印官，有倉庫錢糧之責，交代例有定限，令督撫嚴飭上緊趕辦，交代清楚給咨，或有經手緊要事件，一時遽難更易生手，該督撫於兩月內據實奏明何項差務，必須該員辦理之處，吏部再行開缺。如止係理事同知、通判、政務較簡，概不得藉詞遷延逗遛。如有逾半年之限者，分別查明，或係本員耽誤，或係督撫給咨遲延，均照例議處。○嘉慶十九年定，伊犁理事同知烏魯木齊理事同知，同治七年裁缺三年俸滿，著有勞績，咨部升用者，即行開缺，俟新任人員協辦半年後，再將俸滿之員給咨赴部，以員外郎即行升用。○道光七年奏定，熱河承德府所屬之平泉州、知州、豐甯、灤平、建昌、朝陽、赤峯等縣知縣，如由理事同知、通判調補者，停其推升京職，俟三年期滿，如係著有成效之員，由該督等奏明分別題升，其循分供職者，期滿撤回後，專以內地理事同知、通判補用，仍照例論俸，以員外郎推升。○八年奏定，承德府平泉等一州五縣，凡未經俸滿遇

大計卓異保薦者，照苗疆久任之例，俟俸滿撤回內地後，再行給咨赴部引

見

官員停升。○乾隆三十年奏准，大小各官除移送停其升轉者停升外，其降職革職留任官員，遇應升改補缺出，不得列名，俟開復之日，方准照常升轉。○又定，大小官員在部行走，未經坐補額設之缺者，俱俟坐補後，方准照常升轉。○又定，每月掣籤後，吏部將得缺各官行文部院，該旗查明該員有無拖欠之處，如有拖欠字樣，即行停升，將缺歸於下月升選，俟欠項全完，經部院該旗移咨到部後，以咨文到部為始，扣限三十日，方准升選，未滿三十日，雖有缺出，仍不准其補用。○道光四年定，每月升選各官，吏部將應行擬升擬選之員，先行咨查該旗，有無祖父及本身賄項拖欠，令該旗於三日內詳細聲覆，原例內掣籤後行文之處應改。○又定，擬選人員行查該旗，如有拖欠應行停升者，即停升，用另將其次人員升選，俟欠項全完，咨文到部後，再扣限升用，原例內將缺歸下月升選之處



應改。光緒十年定大小降職革職留任官員。遇應升改補缺出之日。與開復同日。不得列名。俟開復後。方准照常升轉。其各衙門候補官員。有降級留任處分。未經開復。遇輪補到班。仍准按班補用。

旗員子弟隨任。乾隆七年。

諭。嗣後外任旗員子弟。年至十八歲以上。在外令督撫題請。在內該旗都統查奏。俱准其隨任。十七年議定。外任並出差之旗員子弟。年至十八歲以上者。在內令該旗都統查奏。准其隨往任所。差所

不得據呈遽准隨往。在外令該督撫查明。如係嫡親子弟。舊係同居。實有不能相離之勢。咨部存案。統俟年底彙題。如並非嫡親子弟。或舊非同居。並現在該旗當差。及已經歸旗之後。復請往任協助者。概不准行。外任大臣官員內。其獨子者。准其隨任。二子者。准留一人。四五子者。酌留二三人。俱咨明吏部。年底彙題。餘皆來京挑取拜唐阿。五十五年。

諭。從前准令外任官員。各帶一子隨任。辦理家務。係朕曲成之恩。乃伊等藉此。將所有子孫俱留任所。嗣後

飭令八旗嚴查。伊等子嗣內年已及歲者。止准奏請

一人隨任。幫辦家務。其餘年已及歲之子弟及孫俱

著令回旗。以便挑取差使。又議准知府以上官員

內。其獨子者。准其隨任。如二三子及四五子者。

止准一人隨任。幫辦家務。同知以下官員子弟。

仍准本員酌量詳請留任。統俟升至知府時。由

該旗查明。亦止准留一人。俱咨明吏部。年底彙

題。其餘年已及歲之子弟及孫。俱著催令回旗。

以備挑取差使。儻有逗遛及瞻徇不行查催。將

本員及該管都統一併議處。道光元年奏准。

外任並出差之旗員子弟。准其帶往任所。差所

幫辦家務。其親族內有品行端方。諳練公事。願

其隨任幫辦公務。或有篤睦族黨。帶往讀書肄

業者。均准其隨往。自州縣以上。並漢軍佐雜人

員。由京補放者。呈報本旗。在外大員。咨報本旗。

餘則呈報該管官。轉咨本旗。查取本人父兄情

願。准其隨任。甘結報部。給發路照前往。其非由

本任職官呈請。而本人願往者。不准。如有呈請

尊長隨任者。由該族長出具。並無抑勒甘結。該

佐領加結呈報。本旗查覈。方准隨往。如隨任人



員不服管束。照例懲辦。其不安本分滋事者。由本員查出呈報。免其議處。若別經發覺。照例分別議處。原例內止准一子隨任。及年底彙題之處。應刪。

旗員留任就養。○乾隆二十年奏准。嗣後滿洲蒙古漢軍旗員。有子姪外任。懇請留養。或出差京外。隨往差所。准其照旗員子弟隨任之例。詳明各上司。該督撫覈實情節。先行咨明部。旗吏部行文該旗。查明現在有無當差之處。如該旗聲覆並無當差。准其留任就養。仍於年終彙題。

○四十七年奏准。嗣後旗員父兄在京呈請隨任就養者。均由該旗都統奏明。咨部辦理。○道光元年定。旗員父兄由京同往任所。差所就養者。均由本員呈報本旗都統。咨部辦理。因公註誤人員效力。○雍正八年議准。

盛京本處降調各官。及因公註誤革職人員。令該將軍揀選二人。協同筆帖式等。辦理事件。先將揀選之員。報部註冊。三年滿日。該將軍出具考語保題。咨送吏部帶領引。

見候

旨起用。如行走平常。仍留該衙門效力。僅能奮勉。另行出具考語送部。若有徇私怠忽等事。題參治罪。如降調人員。三年內遇有應補之缺。照常擬用外。令該將軍另行揀選充補。

軍營奏留效力人員回京分別引。

見○乾隆三十六年奏准。革職廢員。有由軍營奏留效力者。於回京時。由該處辦事大臣。詳加考覈。如實係奮勉出力。出具切實考語保奏。送部帶領引。

見恭候

欽定。如並無實在奮勉效力行走。亦即據實奏明。給咨回京。令其歸旗。毋庸帶領引。

見○同治十二年

諭。嗣後凡帶罪留營之員。予限三箇月。如無實在勞績。即行撤除。照原擬罪名懲治。如該統兵大臣等。不即奏撤。著該部指名劾。以伸軍律。

官員赴任給照。○乾隆三年議准。選授盛京等處官員。以奉

旨之日為始。由部咨行兵部。給予路引。由部給予執照。限一月到任。僕中途或有阻滯。令地方官驗



照詳察情節。揭報該部。俟該員到任之後。將執照呈繳。該堂官咨部查銷。如有無故違限者。查明咨部題參。照例議處。除公事差遣外。有告假來京者。各該堂官奏明奉

旨給假者。准其來京。○嘉慶十九年定。

盛京官員。有請假來京者。亦照在京旗員請假外出之例辦理。由該堂官酌予假限。除去往返程途。不得逾四箇月之限。仍將給假緣由咨部辦理。○又定。

盛京官員。因差來京。遇患病告假等項。准其在旗呈請給假。不准徑赴吏部呈請。以杜捏飾。○光緒三年奏定。選授

盛京等處官員。以奉

旨之日起。分發人員。以掣籤之日起。吏部咨行兵部。給予路引。限一月內赴吏部領照。勒限到任。如一月內適有事故。赴部呈明。按限扣展。至兩月止。如已逾兩月之限。仍不領照。即以兩月限滿日起。覈其逾限日期。照領照赴省例議處。若並無事故。至兩月不領照者。照給憑例議處。

欽定大清會典事例卷六十九

吏部

漢員升補。各部司官升補。漢軍司官升補。升轉論俸。扣算日期。京官計俸。外官計俸。漢員升補。漢軍司官升補。升轉論俸。扣算日期。京官計俸。外官計俸。漢員升補。漢軍司官升補。升轉論俸。扣算日期。京官計俸。外官計俸。

各部司官升補。○乾隆元年議准。郎中員缺。於六部員外郎內通行論俸。不拘年限。先儘俸深者。互相升補。員外郎員缺。於各本部主事及應升各官。通行較俸升補。主事員缺。於應升應選人員輪班升選。其應升班次內。將漢小京官與在外知縣各升一次。○又議准。郎中應升道府。如有曾任道府。因不宜外任。改補部屬者。俟該堂官保題之後。方准一體論俸推升。○二年

諭。數年以來。各省督撫。往往奏稱某道府。不勝外任。請調京改補。朕欲驗其人才。常允所請。令送部引見。酌量補用。今馬宏琦奏稱。黜陟本有恆規。內外無容偏重。微特衰廢者不宜復玷曹司。即平常者亦不應數行改補等語。朕思內外原屬並重。部曹亦為要職。督撫等於所屬道府內。有不能勝繁劇之任者。即當奏請調簡。若並不能勝事簡之任。即應勒令休致。何



得輕視京職而為苟且姑容之計。以自便其私耶。人君日理萬幾。所降諭旨。豈能必其盡當。司言責者。果能據理直陳。於政務自有裨益。殊非託之空言而無濟於實用者可比。馬宏琦所奏可嘉。著將伊原奏發各督撫知之。○七年議准。各部院官員補授時。其有奉

旨試用及試看者。經該堂官保題稱職。再行論俸升轉。○嘉慶七年奏准。科道郎中。員外郎。主事。各項小京官。各於單月應選項下。添設京升班次。京升班次詳載單月急選例。○十二年議准。雙單月各部司

員缺出。郎中將各部員外郎論俸。先儘俸深者。互相升補。員外郎將本部主事及應升各官。通行較俸升補。主事將大理寺評事等官。論俸升補。○又

諭。各部院主事。京察三等。既不准保送直隸州知州。知府。係方面大員。職守尤重。自未便以三等人員保送。但吏部從前奏請定例時。並未將此項人員不准保送。知府之處。一併聲明。本屬疏漏。自應改定成例。以歸畫一。嗣後各部郎中。因才具平常。京察三等。旋屆俸滿。截取。俱不准保送知府。○十九年議准。雙月各

部員外郎。俟京升五次之後。將在外同知。知州。升補一次。各部主事。將應升應選人員輪班推用。其應升班次內。將在京之大理寺評事等官。與在外知縣。各輪用一次。○道光十年奏准。禮部漢郎中選缺。照舊留一咨。其人留缺內。定為留補二次。題升一次。候補無人。專以應升人員題升。選缺員外郎。改為留二咨。其吏兵戶工各部。選缺郎中。員外郎。俱照此辦理。至刑部郎中。員外郎。向例不分題選。六缺一周。第四缺指補捐班。指補無人。准其題升。嗣後輪至第四缺。指補有人。則第五缺即准題升。如指補無人。則第四缺已經題升。遇輪至第五缺時。仍行歸選。

漢軍司官歸併漢缺。○雍正五年議准。各部漢軍郎中。員外郎。主事。及

盛京漢軍員外郎。主事。共三十員。內除六部理藩院。校對清漢本章之堂主事九人。仍補用漢軍。以各部漢缺升轉外。其餘二十一員。均裁去。於額設漢缺內。除戶部禮部毋庸增設外。吏部文選司增設員外郎一員。考功司增設主事一員。



兵部職方司增設郎中一員。武選司增設員外郎一員。刑部江南司。湖廣司。陝西司增設郎中各一員。浙江司。山東司增設員外郎各一員。工部營繕司。都水司增設郎中各一員。屯田司。虞衡司增設員外郎各一員。以上增設十三員。並額設各缺。令漢軍漢人一例補授。候選者均照投文並捐納日期。以應得部分挨次銓補。又向例漢軍升轉。通算前俸。漢人升轉。止較本任之俸。今漢軍既以漢缺銓補。如遇升轉。應除去前俸。與漢人一例較本任之俸。○乾隆十九年奏准。雙月主事京升兩班之後。應用漢軍小京官筆帖式一人。適遇吏禮刑三部之缺。漢軍人員。非進士出身者。例不補用。仍行扣除。另將合例人員擬用。此等扣除漢軍人員。俟出有應行升用之缺。即行補用。不必俟再輪用兩班之後。始行擬用。至下次再應用漢軍之時。仍於原過班月分接算積缺。○嘉慶十二年奏准。漢軍司員歸併漢缺。凡各部漢缺。令漢軍漢人一體補授。仍以應得部分銓補。雙月應升主事之漢軍小京官筆帖式。遇有主事缺出。俟漢小京官升用

兩班之後。用漢軍一人。單月應升主事之漢軍小京官。遇有缺出。俟漢小京官升用四缺之後。將漢軍小京官典籍中書升用一人。漢軍例不入刑部。如遇刑部之缺。即行扣除。光緒九年改歸迴避即用內吏部禮部例用進士出身之人。其非進士出身者。遇吏禮二部缺出。亦即扣除。俟再有應行推升之缺。即行升補。仍於原過班月分接算積缺。至漢軍堂主事。吏部禮部兵部刑部工部各一缺。戶部二缺。理藩院一缺。盛京刑部一缺。共九缺。遇各部漢員外郎缺出。俟漢司主事升用六缺之後。將漢軍堂主事升用一人。○十九年議准。漢軍銓補漢缺。如遇升轉。其由無品級筆帖式。天文生。續得品級者。所食錢糧俸祿。仍行接算。○道光二十三年議准。除額設專缺之漢軍堂主事。吏禮兵刑工等部各一缺。戶部二缺。理藩院一缺。盛京刑部一缺。專用漢軍人員外。其餘俱歸併漢缺。京官計俸。○康熙二十六年議准。小京官與外官較俸升轉者。連閏二年滿後。算作三年。遇應



升員缺升用。未經年滿者。不准升轉。所餘一日。算作日半。內閣中書。試俸一年。仍接算扣限二年。滿後。算作三年。遇應升員缺升用。未經年滿者。不准升轉。餘一日算作日半。至京官升轉。雖有罰俸。不行停升。將所罰之俸。帶於新任。○乾隆二十八年議准。內閣漢典籍中書。定以六年俸滿。按俸截取。行文內閣。分別內用外用。保送引。

見請

旨記名。以主事同知分別註冊升用。○五十年議准。

各項小京官。照典籍中書之例。俱扣限六年俸滿後。按俸截取。行文各衙門。分別內用外用。保送引。

見請

旨記名。外用者以同知通判分別註冊。另立一班升用。○嘉慶八年。

諭。各部郎中。俸滿截取時。該堂官等往往先以繁缺知府保送。及至引見記名後。則又以在部得力為辭。奏請留任。因懇賞升銜頂戴。辦理殊屬未協。司員等在部行走。至郎中截取之時。年分已久。其平日辦事才

具堂官等自己灼知。如果其人本堪外任。而辦事諳練。為該部得力之員。何難據實聲明。留部辦事。俟京察時。再照例保舉。何必遽行保送外任。若既已保送外任。而記名後。又復奏留。是明明欲為該員圖給升銜地步。近於取巧市恩。嗣後各部堂官等。遇司員截取時。惟當公同詳酌。除照例分別保送繁簡缺知府外。如果係必須留部之員。即具摺奏明。將來入於京察一等。設或京察引見時。經朕記名外用。而該員係部中必不可少之人。准該堂官據實奏留。仍不得以升銜懇請。著為令。○又

諭。向來郎中截取本係二年。後經改為四年。截取至嘉慶四年。因部員日行壅滯。又復改為三年。截取今該部請復郎中兩年。截取舊例。俾得相因升轉。以為主事補缺地步。自應如此辦理。著即照議行。統俟各部主事。盡已疏通。實見成效之後。仍將郎中改復為三年。截取。○又奏准。六部漢郎中截取。保送記名繁缺知府人員。遇有請

旨缺出。一體進單。恭候

簡用。○又奏准。郎中俸滿。引

見記名。以知府升用之員。尚未輪選到班。又經補放



御史者仍按其從前奉

旨記名日期歸於郎中本班到班時統較先後輪班  
升用。○九年奏准科道郎中俸滿截取時除因  
親老未經保送留京供職養親事畢又屆俸滿  
及先因親老改補京職後經服滿者屆俸滿時  
均准截取外其餘仍照例將不勝外任之處據  
實填註毋得藉詞聲稱情願留京供職該員再  
屆俸滿時一概不准復行截取。○十年奏准記  
名同知之小京官升任主事記名通判之小京  
官升至應升同知之小京官數其外用與原職  
不復相同自應將從前記名外用之處查銷如  
原職本係記名以同知註冊升任後仍係升用  
同知如正七品太常寺典簿升任  
從六品光祿寺署正等項原職本係記  
名以通判註冊升任後仍係升用通判者如從  
八品  
國子監典簿升任從七  
品詹事府主簿等項均准其將前次俸滿記  
名外用之處帶於新任。○十一年奏准各部漢  
郎中補放坐糧廳即照倉差之例停其論俸截  
取俟該員差滿回任再行辦理其實泉寶源等  
局監督不論局差年滿與否一屆俸滿即行照  
例截取。○十二年

諭昨據慶桂戴衡亨面奏現在司業缺出應將修撰編

檢等員帶領引見內有曾經告假之編修湯金釗一  
員向來開列俸次恐有錯誤此次請暫行扣除俟查  
明俸次另行具奏等語而本日據瑚圖禮等具奏則  
稱病痊銷假官員例應扣滿一年方准補缺至翰林  
則另有專條其銷假起俸與各項人員迥殊湯金釗  
應升之處共開列過十一次引見一次從前並無舛  
錯仍請統行帶領引見等語翰林開列俸次自應詳  
細稽覈如果從前辦理舛錯斷無不行更正之理但  
既據瑚圖禮等奏翰林開列另有專條其病痊銷假  
起俸是否與各衙門有別不在京員常例之內必當  
徹底清查以免歧誤此次司業一缺湯金釗俸次既  
未查明著暫行附入末後一名於明日帶領引見至  
該員應如何計俸序列之處著吏部會同翰林院秉  
公詳覈例文分析具奏毋得稍有迴護致涉含混。  
○  
諭前因湯金釗俸次一事據瑚圖禮等奏翰林告病另  
有專條特降旨令吏部會同翰林院詳覈具奏茲據  
慶桂會同翰林院奏稱查據會典及現行事例翰林  
官員病痊銷假應與各京官一體扣滿一年期限並



無歧誤。而瑚圖禮等具奏之摺。則稱翰林病假未滿一年。即准銷假計俸。歷經辦理有案等語。並據各將會典則例黏籤進呈。朕詳加披閱。定例開載在京各部院衙門滿漢官員。告病之後。若病痊。俟一年限滿。方准起病補用。如不及年限。概不准行等語。此係官員告病通例。並無翰林院官員不在此例明文。而瑚圖禮等前此摺內所稱翰林另有專條。其銷假起俸。與各項人員迥殊之處。此次又未能將專條引出。具奏。看來慶桂等所奏。似較確實。但瑚圖禮等既堅執前說。並稱歷來如此辦理。本無舛誤。若不覆加查覈。不足以折服其心。除湯金釗俸次。既據伊等查奏相同。已照例更正外。其翰林官員起病計俸定例。著派董誥。托津。英和。再行詳查。將慶桂等及瑚圖禮等所引例案。孰是孰非。秉公叢議具奏。俟奏上。另降諭旨。

○又

董誥等奏詳查翰林官員告病起俸各例案一摺。各衙門辦理公事。惟當同寅協恭。和衷共濟。如果例文歧出。開載未明。彼此各有所見。則質疑辯難。不厭精詳。然亦當平心講求。妥為商榷。若例文所載明白。賅備。本無疑義。乃挾持成見。牽引附和。有意齟齬。曉曉

不已。豈復成辦事之道。翰林官告病銷假。例須一年限滿。會典則例開載極明。所云各部院衙門滿漢官員告病。痊後不及年限。概不准行。例內院宇原賅括翰林院而言。並未云翰林官不在此例。而瑚圖禮等前奏。乃稱修撰編檢等官告病起俸。與各衙門人員迥殊。且稱另有專條。言之鑿鑿。迨經降旨詢問。令將專條呈覽。則又茫無所據。其所進呈之例。仍即係慶桂等進呈之例。不過牽引附會。曲為之說。直是迴護前奏耳。至摺內所引編修孔昭虔起病原案。該員起病後。未經扣滿一年。吏部於御史缺出時。即經帶領

引見。實係辦理錯誤。該部司員。前此將瑚圖禮摺稿送慶桂閱看時。慶桂即告以從前辦理舛誤。現在翰林院業經查出。惟當據實檢舉。若如此敘稿。不敢列銜具奏等語。乃瑚圖禮等不但不行檢舉。且昨日摺內。尚稱孔昭虔告病起俸。即係未滿一年。辦理無誤。轉欲引以為據。此誠何心。直欲將會典所載部院等官告病一年限滿成例。妄行更易。為翰林開一便途。此不但心存迴護。竟係變亂舊章。罔顧公議。似此挾私爭勝。豈不蹈明季黨援門戶之惡習乎。董誥等請將瑚圖禮等交都察院議處。並請將承辦孔昭虔引



見一審之吏部堂司各員分別議處。自應如此辦理。其翰林院於吏部咨取孔昭虔引見之時。未能即時查明扣除。亦著交都察院察議。又昨日吏部翰林院各奏請將前次承辦湯金釗俸次錯誤各員議處之處。亦著一併交都察院分別議處。至侍郎劉鳳誥前於瑚圖禮等初次具奏時。一同商議。後經簡放主考。是以瑚圖禮等第二次具摺時。伊未列銜名。况伊在途間。尚對人言。以所見為是。如果在京。亦必堅持前說。強辨飾非。著一體交都察院議處。以示懲儆。儻此次查辦之後。瑚圖禮等仍執偏見。不肯心服。或聯銜奏辨。或一人獨奏。亦聽伊等所為。朕自有權衡也。將此通諭知之。○又奏准科道郎中未屆俸滿。續行丁憂人員。查其丁憂之時。距俸滿在三月以外。應俟補官之日。接算前俸。截取其距俸滿不及三月者。均俟補官之日。扣足半年。再行截取。至已屆俸滿。因親老未經保送人員。仍俟養親事畢。再次俸滿。方准截取。○十七年議定。向例各項小京官雙月與外官較俸升用。連閱歷俸二年滿後。算作三年。遇應升員缺升用。未經年滿者。不准升轉。現添設單月京升班次。其單月

京升到班時。應照雙月之例。扣滿歷俸二年。方准升轉。○十九年議准。給事中御史郎中內有京察列入三等之員。除由別衙門遷轉。到任未滿半年。循例列為三等者。至論俸截。仍准其照例分別繁簡保送升用外。其在本衙門行走有年。才具平常。於科道郎中各本任內京察三等者。概不准其保送道府。如下次復經京察列為二等者。准以引見。○二十年

諭刑部郎中程祖洛在部年久。於刑名尚稱熟習。朕所素知。是以於該員記名道府後。未經簡放。茲吏部將該員擬選甘肅平涼府知府。刑部以程祖洛總辦秋審。並承審逆案。未便遽易生手。奏請留部扣選。並聲明現在業經截缺。例不准見缺保留等語。吏部銓選定例。不准見缺保留。其意原恐應選人一經截缺。如選授美缺。即徑行赴任。若遇缺分清苦。遂藉詞奏留。巧為趨避。刑部如因程祖洛在部得力。何不早行奏明扣選。於該員既選平涼府之後。始行保留。顯係因甘肅地瘠缺苦。始為此奏。若係美缺。未必保留矣。刑



部堂官俱著交部議處。所有程祖洛京察截取記名以道府用之處俱著註銷。平涼府一缺吏部另行銓選。程祖洛著仍留刑部郎中辦理部務。永不外用。如果始終奮勉酌量施恩而已。○道光四年定。順天奉天二府治中。遇雙單月京外各缺應升到班時。准其連閏扣明實歷俸次三年。照例升用。如遇有應升缺出。與外官較俸升用時。准將所歷京俸二年作為外俸三年。所餘一月則以一日半計。未滿年限者。不准升轉。光緒元年。將奉天又定。郎中補放坐糧廳。並員外郎以下等官出差後。由部推升至郎中者。俸滿時。停其論俸。截取俟差滿回任。再行辦理。○五年定。給事中御史連閏歷俸三年。郎中三年。指捐郎中試俸實授後。扣限二年。如捐納之員。有捐免試俸者。扣明實歷俸次三年。方准論俸。截取升用道府吏部截取時。該堂官分別保送。其保送繁缺人員。引見准以繁缺記名者。仍知會軍機處。遇有請旨缺出。一體進單。恭候簡用。其僅堪簡缺者。如本月無簡缺。仍歸本班。俟有簡缺。再行升用。○二十三年定。科道郎中俸滿

截取時。如堂官查數有不宜外任者。及自揣不勝外任者。即據實填註。毋得藉稱情願留京供職。如因親老聲請留京者。升轉後。又屆俸滿。仍准截取。分別繁簡存案。至業經保送堪勝外任。聲明親老留京供職者。統俟養親事畢。以補官到任之日起。扣滿半年。行文截取。令該堂官出具考語。保送到日。再行辦理。○咸豐七年諭。吏部奏遵旨議覆鴻臚寺鼓勵人員一摺。京察保薦例有定額。鴻臚寺額保三員。無分滿漢。著照定例辦理。所請分別漢員擬添舉額之處。著毋庸議。至該衙門漢主簿鳴贊序班等官。應得升途。著照部議。援照十五項小京官六年俸滿之例。變通辦理。各以應升之缺。歸於俸滿即升班內。與各省佐雜俸滿即補人員。比較日期先後升用。如遇俸深到班。仍准論俸升用。不得援例捐免。歷俸以示限制。○光緒二年定。御史郎中有因勞績保奏。奉旨記名以道員用。或以道員歸部銓選。應以保奏升階。候簡候選。即屆俸滿。毋庸截取。如保奏作為歷俸期滿者。應以保奏奉旨之日。作為俸滿日期。仍以俸滿之例辦理。至現任



捐納郎中。因勞績保奏。作為試俸期滿。或免其試俸者。以奉

旨之日。再扣歷俸二年。方准截取。其由候補人員。保奏補缺後。作為試俸期滿。或免其試俸者。應俟補缺到任之日起。扣足二年。再行截取。○又定。曾經俸滿。截取記名繁缺。知府之御史。嗣經奉旨回原衙門行走。查其係郎中任內。截取者。繁缺知府之案。仍准隨帶。如係御史任內。截取者。註銷。如郎中任內。未經截取。俾補御史後。復經補缺。仍以到任日起。扣滿歷俸二年。截取。○又定。各

部郎中。俸滿截取後。概不准各部堂官。奏請升銜留任。並不准於選授得缺後。始行奏請留部。以杜取巧。○又定。郎中俸滿。截取時。親年在七十以上。迎養在京。如係京察記名人員。仍准截取。以原籍近省之缺。推升。如不取印結呈明者。停其升用外缺。○七年覆准。截取記名道府。並京察一等。及截取保送記名直隸州知州。同知通判。凡例有選班人員。均准呈請分發各省。歸候補班補用。○十年議准。給事中。御史。俸滿。截取。尚未選缺。適因迴避。改補部屬者。俟補缺後。

歸各原班。按記名日期先後銓選。仍積科道之班。若由御史截取。復經升任給事中。尚未截取。又因迴避。改補郎中者。補缺後。仍歸御史原班銓選。至未經截取之御史。升任給事中後。迴避改補者。將來郎中計俸。截取時。不得通理御史之俸。止以給事中任內之俸。計算報滿。○又定。各項俸滿。截取。保題升用。例應引

見者。如係初任人員。於到任後。即將試俸。歷俸。全行捐免者。應扣滿半年後。由部行文。分別保送。其由本衙門升用補用。例應扣滿歷俸年限。論俸升用人員。即以捐免上庫。戶部覈准。知照之日。作為俸滿日期。由部行文。分別保送。以上截取及保題升用人員。如引

見奉  
旨記名。及照例用者。應由部照例。按班升用。其截取保送繁缺道府者。並照例。知會軍機處。將捐免試俸之處。單內註明。至各項勞績保奏。試俸期滿後。作為歷俸期滿人員。應以題銷。試俸奉旨之日。作為俸滿日期。再行辦理。○又定。內閣典籍。截取。內閣中書。由庶吉士。散館。翰林。及新進士。



補用者。並由新進士舉人考取。暨特用人員。均於補缺後。扣滿五年。截取。由捐班補用者。扣滿六年。截取。試俸年限。仍行接算。應升主事之小京官內十五項。與不應升主事之七八品小京官六項。俱扣滿六年後。按俸截取。分別內用外用。保送帶領引。

見請

旨記名。分別註冊。十二年議定。太醫院八九品吏目。外升按察司經歷州判。及府經歷丞。定為應升之缺。俟到任後。扣實歷俸。次六年俸滿。後不得

捐免。由該堂官出具切實考語。保送到部。由部

註冊。以應升之缺。歸俸滿即升班內。與各省佐雜俸滿即升人員。較日期先後升用。又定。奉宸院柳村牆牆官。到任後扣滿六年。以未入流。應升之缺註冊。歸俸滿即升班內。與各省未入流。按保薦具題奉

旨日期先後升用。如遇俸深到班。仍准論俸推升。又定。郎中任內俸滿。經吏部行文截取。未據保送。或保送未經引

見。通補放御史。所有截取之處。應行查銷。俟御史任

內扣滿歷俸年限。再行照例截取。

外官計俸。原定雲南開化廣西三府正雜等官。廣西分防五槽通判。五槽通判。新平縣知縣。祿

勸州知州。勸州知州。麗江府知府。經歷。麗江府。鶴慶府。維西通判。維西通判。劍川州中

甸州判。甸州判。黑白二井提舉。彌沙阿陋二井。大使。彌沙井。大鶴慶。順甯。永昌。水北。永

赤金靖。逆柳溝。安西衛。陝西。雲州。陝西。餘各省官員。均算腹俸。在外有司官員以下雜

職以上。除不論俸滿即升。卓異等項官員。遇缺即行升補外。司道。閔俸二年。道。光。二十二年。定

准升。知府以下。閔俸三年。方准升轉。其邊地司道。閔俸半年為二年。知府以下。閔俸二年半為

三年。餘一日均作二日算。若邊俸腹俸相當。則先將邊俸升轉。康熙十年題准。邊俸官員。有

裁汰降級。還級等官。補授腹俸員缺者。或原係邊俸。後改為腹俸者。原閔邊俸已滿。仍計邊俸

例升。若原閔邊俸未滿。以十日作十二日。其前後兩任均屬邊地者。應准合算。如前任邊俸中

後兩任均屬邊地者。應准合算。如前任邊俸中



開任腹俸後任邊俸兩任邊俸已隔者不准合  
算仍將十日作十二日算凡官員有同日到任  
者查照原任俸次題疏名次先後升補○乾隆  
八年議准雲南廣西鶴慶後均永北後等府知  
府祿勸州後改知州改歸部選不作邊俸○十  
六年議准廣西分防五槽通判後改歸部選不  
作邊俸○十七年題准雲南府司獄裁汰改設  
廣西府屬之彌勒州知州竹園村巡檢以要缺  
註冊在外揀選調補作為邊俸○二十一年議  
准雲南劍川州中甸州判後改歸部選不作邊  
俸○二十四年奏准陝西赤金靖逆柳溝安西  
等衛裁汰改甘肅安西府並淵泉玉門敦煌三  
縣仍定為邊缺五年俸滿即升○二十五年奏  
准雲南維西通判定為邊疆久任○二十六年  
議准雲南劍川州知州新平縣知縣改歸部選  
不作邊俸○又題准雲南雲州知州吏目改為  
煙瘴要缺○二十九年議准雲南開化府同知  
改歸部選不作邊俸○又奏准雲南保山縣知  
縣定為極邊要缺計俸○三十五年議准雲南  
廣西府改為直隸州在外題調不作邊俸○又

議准雲南廣西府已改經歷裁汰麗江順甯二  
府新設麗江順甯二首縣照知府之例定為極  
邊要缺計俸○又議准雲南維西通判改歸部  
選不作邊俸○三十八年裁汰甘肅淵泉縣其  
安西府改為安西直隸州知州仍作邊俸  
升轉論俸扣算日期○乾隆四年奏准內外官  
員均按到任日期較俸升轉如有離任事故者  
計日扣除外任官員於升任內論俸降補官員  
於降任內論俸均將前俸截扣調任官員准其  
通理前俸其舊任卸事之後新任未到之前或  
本身交代未清或因患病稽留時日及往返程  
途候缺日期悉行扣除不准計算如有因承辦  
公事未竣一時不能赴任經該管官題咨到部  
所有留辦以後事竣以前日期仍准一例論俸  
○嘉慶五年議准由卓異即升之知縣知州同  
知等官推升京職後查辦引  
見奉  
旨仍以知縣知州同知各原官用者除前任內加級  
已於推升京職後改紀毋庸追紀外所有推升  
以前實歷俸次截至推升離任之日止准其帶



於新任接算。其京職任內俸次仍行扣除。京員出差軍前升轉。雍正十年奏准。在京現任各官俸滿應升者。除出差內地之員。仍照例俟回京時引。

見補授外。其往軍前效力辦事滿漢各官。如論俸應升得缺後。即行具題請。

旨補授。准照升任食俸升轉。所遺之缺歸於月分銓。選俟回京時補行引。

見。嘉慶五年奏准。派往軍前效力辦事各官。如推升外缺者。即將京俸停其支領。吏部將應送兵

差人員帶領引。

見。發往更替。行文該處飭令該員交代回京。引見赴任。

藩臬奏請

陞見。乾隆十四年

諭。藩臬兩司。有通省錢糧刑名之責。前經臣工條奏。令其抵任三年。請旨陞見。以明述職之意。朕已降旨允行。但伊等是否屆期奏請。該部未有查覈之例。嗣後藩臬到任。已滿三年。該員奏請陞見。或經朕批示。不令來京。即令其自行咨部。如逾期不行陳請。該部查

明具奏。○十八年

諭。藩臬兩司。履任三年。屆滿請旨陞見。乃古述職之意。朕得隨時察看。以備簡用。其奏請未經允准。次年以後。每年俱應復行具奏。若又待三年之期。是六年矣。近來各省藩臬中具奏之例。多未盡一。該部可通行傳諭。嗣後均照此旨行。

府佐州縣閱俸十年引

見。乾隆十八年

諭。前令各省督撫保舉堪勝知府人員。送部引見。其劣者駁回。優者已不次擢用。至教部記名者。不過備數

充用。各省府佐州縣。千有餘員。其中惛惰無華者。不見知於上司。或有十年不調之歎。而庸才幸膺簡缺。無他劣迹者。督撫亦未免苟且姑容。殊非澄敘官方之道。其各省同知通判及知州知縣內。有本任閱俸十年以上者。該部查明行文該督撫出具考語。陸續送部引見。著為例。欽此。遵

旨議定。凡調任。服滿裁汰。迴避等官。雖非一任。但一官已閱俸十年。自應前後接算。行令該督撫出具

考語。陸續送部引

見。其議降議革。奉



旨留任。及降革之後。仍補原官者。皆係棄瑕錄用之人。應於留任補任之後。計算年月。扣足十年。再行調取。各員任內。有降革留任之案。於疏內聲明引。

見其調取之員。或題升。推升。及降革等事。例應引。

見者。或本員適有因公來京。應引。

見者。該督撫照例給咨引。

見將十年調取之處。一併聲明。其調取之後。因事故離任者。俟將來赴補到部之日引。

見至陸續期滿。應行引。

見各官。嗣後定以三年之期。調取一次。以免紛繁。○

二十二年

諭。嗣後俸深人員。如本人情願引見。仍照例送部。其有不願者。聽不必僕僕道途。徒費往返。○二十四年議

准各省道府。定限六年調取引。

見其現任對調迴避。及奉

特旨調任。前後俸次。俱准接算。如有降革留任事故。

於摺內聲明。其有因公來京。及題升。推升。因公

降革等事。例應引。

見者。將調取之處。亦於摺內敘入。再各省鹽運使與

道員相等。亦應照此例辦理。○又奏准。直隸州知州引。

見之例。改為六年。毋庸陸續給咨。按年調取引。○又

諭。直隸州知州調取引。見。應與道府各員。一併按照省

分遠近。酌量分別年分。著為定例。直隸。山東。山西。河

南。江南等省。著以六年為期。江西。浙江。湖南。湖北。陝

西。甘肅等省。以七年為期。雲南。貴州。四川。廣東。廣西

福建等省。以八年為期。庶該員等赴部之期。既屬適

均。而甄擇人才。亦為有益。○二十七年

諭。嗣後年滿引見之道府各官。其任內設有承辦要務

著該督撫等酌量情形。或先期送部。或待事竣。再行

給咨。不必斤斤扣算時日。轉致有曠職守。○三十一

年奏准。嗣後俸深赴部官員。如展參事。闕降革。

無論二參。三參。到部均免其駁回。一體引。

見仍於摺內聲明。如奉

旨。以何項官員題補者。回任後。俟參處銷案。再行升

用。如未經銷案。仍不准升。○又

諭。各省知縣內。有拿獲盜犯送部引見時。以同知。直隸州知州用者。俱著仍回原任。遇有本省缺出。補用。至



知縣十年俸滿引見以同知等官升用者著該部一併辦理。○三十三年奏准各省同知通判州縣等官

歷俸十年以上情願赴部引

見者例准給咨其任內如有展參實應降革事故該

督撫遽為咨送即行駁回以杜規避。○三十五

年

諭親老改補近省人員定例在任停其升轉因該員日

後尚應坐補原掣遠省所以杜其擇缺規避也若因

十年俸滿遽行准其引見設令得隨久任人員量加

升用是該員竟得藉此超擢轉滋傲幸之階於例意

實屬未協嗣後凡有坐補近省人員不得援引十年

俸滿之例帶領引見著為例。○嘉慶四年奏准道府

直隸州俸滿立定年限調取引

見定以起限日期推升停升應行引

見人員以引

見之日為始

特旨補放及卓異未滿三年升任例不引

見人員以補放升任奉

旨之日為始。○十八年定二次俸滿者以初次俸滿

引

見之日為始計算俸次該督撫於接到部文即出具

考語送部引

見。○又

諭御史松長奏各省同知通判州縣內有歷俸十年者

無論該員願否引見概令該督撫出具切實考語送

部引見不得聽其自便等語各省丞倅州縣有俸滿

限期向由吏部調取引見願否聽其自便此內恐有

衰老之員不願來京藉以戀棧嗣後著於俸滿日吏

部行文調取該督撫出具切實考語概行送部引見

毋許該員託詞自便以杜掩飾。○又定各省運使道

府直隸州知州按照省分立定年限直隸山東

山西河南江南定期六年江西浙江湖南湖北

陝西甘肅定期七年雲南貴州四川廣東廣西

福建定期八年道光七年增同知運判提舉通判

除有展參降革事故不行調取外其餘吏部

查明已及年分者行文調取其中現任對調迴

避並奉

旨調任補授及由道員補放運使前後俸次俱准接

算。○二十二年

諭陳預奏鹽運司福珠隆阿歷俸已滿六年由吏部調

引

一經... 冊... 4... 三...



取引見該運司自上年八月到任。現在清釐積欠。未便遽易生手。請緩給咨。俟整飭鹽務諸有頭緒。再行出具考語送部引見等語。該撫摺內並未聲明展限年月。殊屬含混。但福珠隆阿係由補授荆宜施道之日起算。方滿六年。該員於上年八月已升任運司。何以仍接前俸計算。著吏部查明舊例。另行詳議。嗣後升任之員。有前俸將滿者。應加於新任內酌展年限。再行調取引見之處。妥議章程具奏。欽此。遵

旨議准。此項人員。俟到新任半年後。再行調取引見。

見。道光四年定。二次俸滿。遇有卓異及別項引

見者。即以後次引

見之日起。另扣年限。再行調取。光緒二年定。行文

調取人員。如有降革留任事故。仍行調取。於摺

內聲明。其餘各官行文調取。統限三十日。按次

定稿行文。不得先後凌躐。

即升加級紀錄。順治年間定。凡官員因勞績

加級紀錄。不論俸滿即升各官。除已經病故革

職者不敘外。現任官員。准於現任註冊。降調。終

養丁憂候補者。准於補授新任註冊。道光二十

三年定。其應議子不論俸滿即升。休致者。於原任註冊。者均改加一級註冊。

如有解任議處等官。俟事結之日。再行議敘。其

已經升任各官。應敘加級紀錄。亦准於升任註

冊。如前任之功。應准即升者。於升任內紀錄四

次。此指已如前經議敘即升。尚未升任後復

有前任之功。應准即升者。亦於升任內改為紀

錄四次。此指已議敘即升。尚未升

外官員。前任得有紀錄。無論調任升任。均准隨

帶。至所得加級。除對品調補。如調繁調簡。或

調補轉補。如右轉左。侍講轉侍並非升任者。仍

准隨帶新任註冊。如已經升任。無論品級大小。

均不准隨帶。俱改為紀錄一次。雍正三年題

准。凡內外大小各官。有降級留任者。後奉

恩旨加級及議敘加級。准抵銷前降之級。六年

諭在京官員。如有情願將議敘加一級。改為紀錄四次。

抵銷罰俸者。准其抵銷。特恩賞加之級。不准改抵。

乾隆四年奏准。升任之官。前任所得恭遇

恩詔及京察加級。均不准隨帶。改為紀錄一次。議敘

加級。題明隨帶者。准其隨帶。未經題明隨帶者。

不准隨帶。改為紀錄一次。惟軍功議敘加級。不

論曾否題明隨帶。悉准帶於新任。至議敘加級



改為紀錄之後。又經升任抵銷餘賸紀錄。若係隨帶之級所改者。仍准隨帶。若非隨帶之級所改。在任時抵銷過一次二次三次者。升任概行註銷。若在任時所改紀錄並未抵銷。止准將紀錄一次帶於新任。至

特恩賞加之級及捐納之級。不准改為紀錄四次。抵銷罰俸。至官員處分降級案件。應將加級抵銷。其有一人而加數級者。無論是否隨帶。均照加級年月先後次第。挨順抵銷。○又奏准。卿貳大員。議敘加級食俸。後經升任。如品級相同。本無

俸可加者。仍食本身之俸。如三品升至二品。及二品升至一品。均將食俸一級。改為尋常加一級。其三品升至二品。已將食俸加級。改為尋常加級。若又經升任。改為紀錄一次。○八年

諭。向來在京八旗武職。及外省駐防官員。遇有罰俸案件。准其將議敘加級。改為紀錄抵銷。惟在外文武各官。不在此例。朕思大小臣工。雖職分有內外之殊。而以功抵過。均屬一體。嗣後外省地方文武各員。有情願將議敘加級。改為紀錄抵銷罰俸者。著照在京文武官員之例。准其抵銷。○十六年奏准。內外滿漢各

官。革職後復經起用。原屬棄瑕錄用之員。所有原任內加級紀錄。自不應帶於新任。其降職人員。奉

特旨起用原官。或起用之官。優於所降之級者。所有加級紀錄。亦不准其隨帶。若既照部議降補。毋庸將前任加級紀錄。復行註銷。至官員緣事議革。奉

旨降補他職者。其罪原應革職。而降補出自特恩。與平常因公降調者不同。其原任加級紀錄。亦應概行註銷。不准帶於新任。○十八年議准。部

議革職降調。奉

旨從寬留任人員。雖經部議。究未離任。與議革人員。特旨降補他職者。有間。其任內級紀。未便概行註銷。嗣後內外各官。有部議革職降調人員。奉

旨從寬留任者。其加級紀錄。准其隨帶。即升卓異。亦准其隨帶。○四十四年奏准。凡官員著有勞績。奉

特旨交部議敘。或該管官奏請議敘者。照

恩詔加級之例。均以奉

旨之日為限。如奉



旨議敘之後。已經升任。改予紀錄一次。○四十五年  
 議准內外大小各官。有降職留任者。後奉  
 恩旨加級。及議敘加級。均准其抵銷前降之級。其在  
 京四品以下。在外道府以下各官。有部議降調  
 奉  
 旨從寬留任。並引  
 見復用。降級帶於新任者。均不准抵銷。○嘉慶十一  
 年定。京外大小各官。任內議敘加級。並著有微  
 勞。欽奉  
 特旨賞加之級。情願改為紀錄四次。抵銷罰俸者。准  
 其改抵。如改級之後。又經升任抵銷。餘積紀錄。  
 若係隨帶之級。所改仍准隨帶。若非隨帶之級。  
 所改。在任時抵銷過一次。二次。三次者。升任後  
 概行註銷。若在任時並未抵銷。止准將紀錄一  
 次。帶於新任。如恭逢  
 覃恩。並捐納之級。均不准改為紀錄四次。抵銷罰俸。  
 至任內有加數級。遇處分降級。俱照加級年分  
 先後抵銷。先將尋常加級。按次抵完。後再將隨帶及軍功加級。抵銷。○十四  
 年  
 諭。向來恩詔加級。均須俟各員到任後。分別註冊。但官

員赴任。有遲速遠近之不同。若以到任為斷。則同時  
 引見之人。其程途較近者。自必行走較速。到任可以  
 在恩詔之前。獲邀加級。其到任在後者。即不得加級。  
 殊未公允。而部中遇有參罰叢議之案。必須行查。到  
 任日期。不但輾轉稽遲。案多塵積。而其中先後參差。  
 含混捏報。易滋弊端。今兵部請將應行引見人員。以  
 引見奉旨之日為斷。毋庸引見人員。以具題奉旨之  
 日為斷。其各省拔補外委。亦以咨文到部之日為斷。  
 俱於新任內給予加級。自應如此辦理。至文武事同  
 一例。所有本年恩詔內文員加級。著吏部亦即照兵  
 部此次所定章程辦理。以昭畫一。○道光二年定。御  
 史轉科。員外郎補放御史。庶吉士授職編檢。或  
 改用主事。俱屬改除。其從前恭遇  
 恩詔。及京察所加之級。均不准隨帶。改為紀錄。○二  
 十七年定。各省地方升補。並河工升署人員。以  
 引  
 見奉  
 旨准其升補升署之日。將前任所得加級。改為紀錄。  
 其未經引  
 見。丁憂開缺。緣事離任。及終養開缺。病痊服滿者。如



奉

旨以升銜仍發原省原工候補即將加級改為紀錄奉

旨以原官用者毋庸改紀其地方州同以下升補例不引

見各官以准補堂稿畫齊之日行文該省接到部文之日改為紀錄河工升署人員俟題咨實授後再行改紀○光緒十二年定現任捐升保升各員加級應行改紀毋庸再扣交代文結其未改紀之先有因公處分准以所加之級議抵改紀

之後即照升階議降其有無級可抵者遇有降調均照升階議降其升補例不引

見之佐雜各員如處分咨文先行到部應俟處分議定堂稿畫齊之後辦理升補○又定現任各官報捐升階歸部選用者以接到開缺部文之日改級為紀其在任候選者以升選引

見之日改級為紀至佐雜各官以具題奉旨後五日行文按該省接到部文之日改級為紀其候選候補各官報捐升階歸部選用者以覈准戶部知照之日改級為紀在任候選有因患病

終養開缺嗣經病痊服滿例應坐補原缺者如情願捐免坐補以升階歸部選用以覈准戶部知照之日改級為紀其因勞績保舉免坐補以升階歸選者以保案奉

旨之日改級為紀在任丁憂者以開缺之日改級為紀○又定現任京員報捐升階在任候選應俟升選引

見之日改級為紀其捐升分發指省者以覈准開缺之日改級為紀學習候補各員均以覈准戶部知照到部之日改級為紀其咨補得缺者俟准補堂稿畫齊後五日行文按該省照限減半計算以接到部文之日改級為紀○又定候補各官勞績保舉免補本班以何項官員仍留原省或改留出力省分補用者以保案奉

旨後五日行文按該省覈算接到部文之日改級為紀○又定捐輸各官得有升階應行改紀如係捐資請獎者照捐納人員辦理如係勸辦捐輸出力獎敘者照勞績人員辦理○又定京外各官捐升候選隨案捐級查係照升階捐級銀數報捐者升選後仍將加級帶於新任若照原官



捐級銀數報捐者。升選後改級為紀。○又定。獲盜等項保升。推升人員。得缺時毋庸引見者。以奉

旨。准補准升。後五日行文。按該省覈算。以接到部文之日。改級為紀。其奉

旨。以何項官員用。旋因丁憂開缺。若原官已斷者。以丁憂開缺之日。改為紀錄。獲盜赴部人員。丁憂

起服引

見。以何項官員用。並無原官字樣者。以奉旨之日。改為紀錄。由部推升者。以引

見之日。改為紀錄。推升州縣以上各官。如由卓異保舉。並推升佐貳雜職者。均以具題奉

旨。後五日行文。按該省覈算。以接到部文之日。改為紀錄。○又定。各省保奏再升人員。於奉

旨。交部議奏之後。未經覈准。覆奏之先。有具呈改紀者。議駁。其各省保題再升。於奉

旨。之後。題覆之先。亦不准呈請改紀。並再調人員。於

題奏奉

旨。後具呈改紀。抵銷罰俸者。照再升人員辦理。○又定。現任候補各官。因勞績保奏。以應升之缺升

用。及補缺後。以應升之缺升用者。均不准將升案呈請改為加級紀錄。○又定。凡由虛銜得有級紀人員。嗣得實職。應將虛銜時所得級紀一概查銷。○又定。由大街借補小缺。續經補還本職。其前借補任內報捐之級紀。如係照借補小缺銀數報捐。應俟照大街補足後。方准帶於新任。○又定。官員處分降級案件。先將尋常加級挨次抵完後。再將隨帶及軍功加級。挨次抵銷。



欽定大清會典事例卷七十

吏部

漢員升補通理前俸官員停升官員不  
停升推升官員任即升推升推升月  
分即升推升文序科道內升外轉擢  
納試俸實授額外署職實授

通理前俸○康熙三十九年

諭凡復職官員必果屬冤抑准復者通理前俸其餘一

概不准接算前俸○乾隆五年奏准內外官員除丁

憂裁汰告假補授後前任所食之俸並即升加

級紀錄均准通理隨帶外若緣事議處應降應

革遇有

恩詔免議及督撫糾參革職提問或公事誣誤降革

後經本案審虛開復或欽奉

特旨以該員參處之案本屬冤抑復還原職者均准

通理前俸即升加級卓薦紀錄等亦准隨帶其

餘並非本案開復以及業經緣事降革奉

旨起用人員原係曾經獲咎棄瑕錄用與本係冤抑

開復者不同一概不准通理前俸即升加級卓

薦紀錄均不准其隨帶又品大之官已經降級

調補後經復還原職補用先降補任內所得即

升加級亦不准其隨帶○七年覆准向例革職

留任降級留任官員開復後其革職降級日期

仍接算俸次但思革職留任官員既例不食俸

其革職留任日期自應不准算俸至降級留任

官員仍照降級食俸其開復後降級日期均准

一併較算○二十年議定部議降革隨本奉

旨留任人員俱准通理前俸即升加級卓薦紀錄亦

准隨帶○五十一年奏准革職官員如奉

特旨起用者前任內所有降革留任及參罰案件均

帶於新任○五十八年奏准革職留任之翰詹

官如欽奉

恩旨准其食俸人員照降級留任官員之例通理俸

次一併接算○嘉慶八年

諭庶子王宗誠汪滋晚充當武英殿提調有年辦理書

籍五十餘種妥協無誤向來書成並未得邀議敘該

二員因本年大考三等降補今職例不計算前俸第

念其在館年久著加恩准其接算前俸以示鼓勵再

開坊翰林由大考降職者聞舊例本按前俸接算近

年數次大考降補人員均不准接算前俸是以俸深

各員一經左遷資格轉居最後此例始自何年因何

更改之處著吏部詳細查明具奏欽此遵



旨奏准。凡由翰詹大考降調者。查其現由何官任內降

調。即將此任內之俸。不論深淺。全行扣去。而以

現在應降之官。接算從前此官曾歷之俸。如少

士。降為庶子。講讀。止准接從前庶子講讀所歷

之俸。中贊降為編檢。止准接從前編檢之俸。

此內有從前升遷。本係越級。如由編檢即擢講

讀。而今降中贊。是中贊從前並無已歷之俸。則

但令接編檢之俸。餘俱照此辦理。其非由大考

降調者。仍不得援此為例。其滿缺翰詹。開列引

見等項。皆以一任俸比較。其升轉本不為遲。應仍照

舊辦理。○十一年奏准。月選論俸升轉。及部院

題升官員。如舊有降革等項事故。業經該部照

例咨請開復。毋庸復俟彙題奉

旨。始准升選。○十二年奏准。凡在京官員升授外任。

又經改補京職。以及部屬等官補放御史後。欽

奉

特旨。仍以原官補用人員。除前任所得加級。已於升

任時改為紀錄。仍准隨帶。其所歷前俸。不准通

理接算。○又奏准。京外官員升任引

見奉

旨。仍回原任。或仍以原官補用者。亦不准計算前俸。

其升任未經引

見人員。有該督撫並該堂官奏明仍留本任者。所歷

前俸。仍准通理。○十七年議准。各省候補人員。

加捐分發。例歸捐班補用。不准接算前俸。如該

員等前任內得有卓薦。並加級紀錄。參罰等案。

仍准隨帶。○道光十三年奏准。降調捐復人員。

又經捐入開復。或議革後。欽奉

特旨起用。或降補他職。概不准通理前俸。○又奏准。

保奏升用人員。升任引

見。仍以原官補用者。其保奏升案。不准隨帶。○又定。

即升卓薦。並各項勞績。得有升案。仍不准其隨

帶。均改加一級註冊。至降調補用官員。後奉

特旨復還原職者。前任並降補任所得加級紀錄。亦

不准隨帶。○同治七年定。呈請降歸原班人員。

從前所得紀錄。一概不准隨帶。

官員停升。○順治十三年議准。在京官員任內。

惟罰俸之案。不行停升。其別項參處事故。均俟

開復後再行升用。在外官員任內。凡有未完參

處罰俸事故。概行停升。○十五年議准。各官參

罰。皆據考功司移付文選司註冊。後經考功司



開復移付文選司。若文內年月款項與原付註冊前件不符。即取考功司原稿校對。○十六年議准。官員被參被訐。及因公註誤議處等事。考功司議覆未結。雙月擬升之時。文選司於十五日以前。將應升各官。現在有無議處。開單付查考功司。考功司於二十日查付。如考功司移付。註有現在議處字樣者。即停升轉。○康熙三年議准。內外大小官員。除移送停其升轉者。停升外。其提問官員。不候事結。即停升轉。○又議准。每月二十日截限。截俸後。雖有咨送開復者。亦不准升。○乾隆七年議准。月選官員。均於二十日截限。若官員議處之案。在二十日以後。續到者。不行補付。亦不停升轉。其外官罰俸之案。各省所完解銀兩。均令每年按定四季呈報戶部。戶部亦按季查覈。於督撫咨到之日起。扣限二十日。轉咨到部。逐案查銷。即准其照常升轉。停其扣滿罰俸年限。至二十日截俸後。知照銀兩完解者。亦不准升。○三十七年議准。外省官員完繳罰俸銀兩。在戶部就近完繳者。以戶部移咨吏部銷案之日起。扣限一月。方准論俸升用。

仍以二十日截缺為限。如截缺之日。未足一月之限。雖俸次應升。仍俟限滿後再行升用。○又定。另記檔案。改入民籍人員。如本身係現任官職。停其升轉外。如果係著有勞績。賢能出眾之員。在內許該堂官保題漢缺。在外准各該督撫具題請旨。其原係旗缺者。出缺後不准再補。原係候補漢缺者。仍准補用漢缺。停其升轉。○四十八年諭。向來滿漢官員人等家奴。在本主家服役三代。實在出力者。原有准其放出之例。此項人等。既經雇主放出。作為旗民正身。亦未便絕其上進之階。但須明立章程。於錄用之中。仍令其有所限制。嗣後此等旗民家奴。合例後。該家主放出者。滿洲則令該家主於本旗報明。咨部存案。漢人則令該家主於本籍地方官報明。咨部存案。經部覆准後。准其與平民一例應考。出仕。但京官不得至京堂。外官不得至三品。以示限制。著為令。○五十年奏准。京外正佐各官。有親老迎養任所。獨子之親年七十。眾子之親年八十。京官停其升用外缺。外官無論何項應升。概停升轉。統俟可以升用時。再行按班照例升用。○嘉







向不夾敘等語。白讓卿一員未經扣選。及未隨摺聲明之處。該部既係查照成例辦理。著毋庸議。嗣後遇有奉旨飭查事件。尚未奏結。該員推升到班。應否扣選之處。著該部隨摺聲明請旨。以昭慎重。而示區別。欽此遵。

旨議准。在任候選人員。遇有奉

旨飭查事件。尚未奏結。推升到班。應否扣選之處。聲

明請

旨。○光緒二年定。各項論俸推升。及捐升人員。如有

正項錢糧。及盜案處分。查係本任之案。將來展

參到部。有關降調者。均停其升轉離任。俟展參

到部議結後。方准升轉離任。○又定。俸深截取

州縣以上。及佐雜等官。有迴避以繁調簡。以簡

調簡各員。照推升捐升人員辦理。其捐輸捐納

在任候選。及計俸升轉人員。任內遇有降革留

任等項。有關展參降調各案。開復到部。應辦理

專案具題者。一律俟題本奉

旨後。再行銓選。其歸入彙題者。仍照例覈辦。考功司移付開

復到部即照常升轉。不

必俟彙題奉旨。官員不停升。○乾隆三十一年議准。直隸州知

州論俸應升知府。任內有罰俸。任俸。查係並無展參。及雖有展參。不至實關降調者。一體升用。俟到新任後。將原任罰俸銀兩。勒限一年完解。逾限不完。即飭令離任。仍以原官降用。○三十年奏准。兼三兼四知縣任內。罰俸在十案以內。例無展參。其雖有展參。不至實關降革者。准其論俸推升知州。任內如有命盜等案。住俸限者。雖罰俸在十案。俟到任後。將罰俸銀兩勒限一年完解。逾限不完。即飭令離任。仍以原官降用。

推升離任。○雍正十三年議准。直省推升之道

府運同。同知。知州。知縣等官。不論何項出身。均

調來京引

見其推升之員。由部代掣得缺之後。具題開缺。行文

各該督撫。將該員任內經手事務。交代清楚。出

具考語。給咨赴部引

見補授後。給憑令赴新任。其知縣以下推升官員。均

毋庸引

見由部具題開缺。將文憑給發該督撫。查明任內交

代清楚。催赴新任。○又奏准。應引



見之升任官員。其有因薦舉卓異引

見後續經推升者。由部查明該員引

見未滿三年。停其調取來京引

見將文憑封發該督撫。令赴新任。如已滿三年者。仍

令赴部引

見。○乾隆七年議准。推升人員。於解文到日。該督撫

即嚴飭該員交代。勒限赴部。如有託故遲延者。

查明題參。分別議處。○十五年議准。推升人員。

該督撫接到部文之日。該員如有承辦事件。半

年內可以完竣者。催令趕辦。仍將原由於兩月

內報部。如半年以上。方能完竣者。亦於兩月內

咨部奏

聞開缺。另行銓補。俟該員事完之日。給咨赴部。仍歸

原班先用。如有規避。題參革職。至該員承辦事

件。能否半年內完結。督撫不於兩月內覈實咨

部者。分別議處。○十六年定。推升官員。令該督

撫將各員居官如何之處。出具切實考語。給咨

赴部引

見。如有遺漏註考者。除咨該督撫補行。出具考語。到

日再行帶領引

見。仍取遺漏註考之各上司職名。送部議處。○二十

三年議准。推升人員。給咨後。該員中途患病。地

方官驗明。結報督撫。加結送部。一面出結。令該

員親齋赴部。若半年以外。尚不痊愈。該督撫就

近委員確驗。結報開缺。如有規避。分別議處。○

三十四年

諭。嗣後同知知州。至應推升知府時。著該督撫悉心確

覈。將實在堪勝知府之任與否。出具切實考語。送部

引見。其中設有冒濫。自難逃朕洞鑒。惟保送之督撫

是問。或應升之員。於知府實不能勝任。而平日尚屬

奉職無過者。即據實聲明。准其以知府升銜。仍留同

知知州之任。庶量能授官。尤為覈實。○又奏准。各官

推升。籤掣得缺。例應即行具題。將員缺另行銓

選。惟推升知府人員內。除煙瘴俸滿撤回內地

候升各官。並卓異引

見未滿三年人員外。其餘論俸各官。籤升得缺。應暫

停開缺。俟具題行文。該督撫確實查明。如實堪

勝任之員。出具切實考語。給咨引

見。俟奉

旨後。再將所遺員缺開選。至才具本非出眾。而平日



奉職尚屬無過堪以留任者亦即據實聲明於  
接到部咨一月限內專摺具奏以知府升銜仍  
留本任俟引

見奉

旨後將籤升知州之缺歸於下月另行銓補○三十  
五年奏准嗣後知州一項如遇通判佐貳等官  
及中簡知縣論俸推升照同知知州論俸推升  
知府之例亦暫停開缺該督撫於接到部文一  
月之內悉心確覈出具切實考語送部引

見如有不能勝任而平日奉職無過者據實聲明俟

引

見奉

旨後以知州升銜仍留本任○三十六年

諭各省推升知府該督撫驗係不能勝任之員亦著一  
體送部引見或仍令回任或留部另用候朕臨時分  
別降旨其向例升銜留任未免過優應改照卓異人  
員之例加一級以示平允著為令○三十八年議准  
外任人員推升通判亦照州縣等官之例令該  
督撫出具切實考語送部引

見補授○又議准知府由直隸州知州推升之員於

具題奉

旨後員缺即行開選或經督撫查驗難勝知府之任  
或於引

見時以不勝知府扣除歸入月分以對品同知改補  
者其應升之處於同知任內加一級不准仍留  
直隸州知州本任○又議准推升人員如有承  
辦事件半年以上方可完竣者該督撫於兩月  
內咨部奏

聞開缺俟該員事竣之日出具考語送部引

見准其升用其例不引

見之佐雜等官仍發往原推升省分遇有相當缺出

題補○四十一年議准同知知州推升員外郎

半年以上事竣到部亦俱俟引

見准升後即以各部員外郎遇有缺出先儘補用○

又議准知縣直隸州州同推升主事都察院都  
事經歷半年以上事竣到部即於此三項內無  
論何項缺出先儘通補推升小京官即以知縣  
應升之七品小京官先儘補用○五十年議定  
佐貳雜職保薦卓異人員查與例相符准其保  
薦卓異毋庸送部引



見。五十八年奏准。推升人員。如係州縣正印官。有倉庫錢糧之責者。該督撫嚴飭上緊交代。及經手事件。非必須一人經理者。亦即委員接辦。或催令趕辦。總不得逾半年之限。給咨。仍將緣由於兩月內報部。有遽難更易生手之事。又必半年以上。方可完竣者。亦務於兩月內聲明何項差務。必須該員經理之處。據實具奏開缺。如有逾半年之限者。分別查明。或本員遲誤。或督撫給咨羈延。均照例議處。○嘉慶十二年奏准。俸深人員內。有曾經卓異。俸滿即升。未經輪升到班。仍由俸深班內升用。籤掣得缺。均暫停開缺。該督撫接到部咨。如係實堪勝任之員。給咨赴部引見。○十七年議定。教授推升國子監博士。該督撫於接到部文後。勒限三月。給咨赴部引見。給咨之後。除去程限。逾限三月外者。即行開缺。並將該員照例議處。其餘小京官內。如由教職推升者。均照此辦理。○道光十一年定。推升官員。該督撫接奉調取部文後。勒限六月。令交代清

楚。再限領咨三月。並准扣除到京程限。如無故遲延。逾限在三月外者。吏部即奏明開缺。○二十年

諭。顏伯燾奏。推升太常寺博士雲南順甯縣知縣李秉鈞。現有經手審辦事件。請先開缺另選。俟經手事竣。再行赴部等語。著吏部議奏。○又奉

旨。雲南順甯縣知縣李秉鈞。業經推升太常寺博士。著即給咨赴部引見。不准留辦經手事件。欽此。遵

旨。議定。嗣後此項概不准奏請開缺。留辦經手事件。其有逾限吏部奏請開缺之員。嗣經領咨赴部。附

八月官驗看考試。帶領引

見。如奉

旨。准其升用。及奉

旨。仍以原官用者。俱入於單月應補班內補用。○光

緒二年定。各省教職。如輪班推升京外各官。該督撫於接到部文後。查其一學有教諭。訓導。二

缺。教諭勒限三月。令該員交代清楚。其訓導。毋庸再扣交代。如一學僅止一缺。及州縣鄉學亦

止一官者。無論教諭。訓導。仍勒限三月。令交代清楚。再限三月。領咨赴部引



見。○又定各省官員推升京職到班。如有曾經捐升。係在外省報捐。查其捐冊到部。覈准。及奏准奉旨之日。在推升未經具題奉旨以前。在京捐局報捐。奏准奉旨之日。在截缺以前。均准其捐升。將推升京職扣除銓選。若外捐奏准奉旨之日。在推升具題後。京捐奏准奉旨之日。在截缺後者。其推升京職之處。概不准扣除。仍行輪班升用。

即升推升月分。○順治年間定。每年二月。四月。六月。十月。此四月先將不論俸滿即升之員。如煙如瘴。均次將不論俸滿升轉之官。如押運。均各照日期先後推升。如縣以上。照奉旨日期。又次升卓異之官。以上各官。有同日奉旨者。則准俸深者先行升補。若無此等官員。仍將俸深之人升補。八月。十二月。升授俸深之官。此內有不俸滿即升。不論俸滿升轉卓異之官。係俸深者。仍論俸升補。其即升等案。照例查銷。○乾隆三十一年。議准。應升運同以下等官。先將俸滿即升之官。升補五人。次將照例升轉之官。

升補一人。如無照例升轉之官。即以卓異人員抵升。又次升卓異一人。惟道府缺出。不論月分。先將即升卓異之官。升補二人。次用俸深一人。○五十三年。議准。俸滿即升人員。保題到部。科鈔在十二日以前到部者。於十七日以前具題。歸於本月按班升用。十三日以後到部者。於二十一日以後具題。歸於下月升用。○嘉慶元年。奏准。嗣後雙月道府。外班用即升卓異各二人。俸深一人。○四年。奏准。嗣後卓異。即升到班。如有調任並內地補缺人員。無論曾否報到任。查其保薦奉旨先後。按次升用。○十九年。定。凡即升人員。有撤回內地候升者。無論曾否補缺。卓異官有調任者。無論曾否報到任。均仍按即升卓異日期推升。其撤回及調任以後日期。不行扣除。仍准論俸。○道光二十三年。定。凡即升卓異。照例升轉之兼俸俸深人員。如遇俸深到班。仍准論俸升補。即升推升次序。○順治年間定。京外官員推升。如遇月分所出之缺。均係應升者。悉按京外品



級大小。照品級考所載。俸深者。論俸次先後。即升。卓異者。論即升。卓異年月先後。先儘京官。次用外官。京外相同者。則以品級大小為序。如品級又相同者。則以品級考所載先後為序。挨次坐升。○乾隆十三年奏准。截取記名按班升用人員。俱照奉

旨日期先後升用。同日者再行論俸。○光緒二年定。凡在京各項截取人員。保送到部。適因該員患病告假。續有保送到部者。應照內外雜項人員人文到部。統按三十日內帶領之例。如該員於

一月病痊。仍先將該員帶領引

見。如逾一月之限。尚未銷假。即將在後之員。先行帶領引

領引

見。俟該員病痊。再行帶領。將來銓選到班時。即按奉

旨日期先後升用。僕同日引

見。仍行論俸。如俸滿日期相同。即比較其補缺時咨

文到部先後。

科道內升外轉。○乾隆元年

諭。科道內升外轉者。俟得缺後再離原任。其未得缺之先。仍食原官之俸。照舊辦事。○五年奏准。內升外轉

官。均按品級考註冊在任候補。係內升者。候缺具題。外轉者。不必投文驗到。亦不必論已未隔五十五日。於單月遇缺先補。其未經得缺以前。如遇丁憂告假降革事故。後經服滿。假滿開復。遇有應升。即具題升補。單月應轉員缺。亦即行轉補。若一時無應升應轉之缺。仍令其原官補用。在任候升。○十六年

諭。科道近列臺垣。優絀尤為易見。自可不次擢用。而定

例內升外轉。給事中則一年一次。御史則一年兩次。每逢奏請時。自康熙雍正年間以至今日。亦率降旨

停止者多。每年徒增此題奏繁文。於治理亦屬無益。嗣後內升外轉。著三年舉行一次。永為定例。○五十

五年

諭。向來滿漢科道。相沿前明內升外轉之例。徒資資緣。

都察院三年題請一次。殊為具文。滿漢科道。果有才具出眾。供職勤慎者。京察之年。原准該衙門分別保

送。引見時。記名以道府升用。或亦時有令各部院保送道府者。是升遷不致久滯。又何用相沿舊例。屆期

題本。徒滋案牘耶。嗣後滿漢科道內升外轉三年請旨之例。著停止。○又



諭科道三年內升外轉之例。原屬具文。昨已降旨停止。今思京察之期。都察院堂官原有保送記名道府之例。但外轉止此一途。熱中之輩。未免以壅滯竊議。嗣後漢科道當照六部漢郎中之例。都察院堂官覈其才具。分別繁簡。送部截取。御史以知府用。科員以道用。照例截取。

捐納試俸實授。○康熙六十一年議准。在內郎中以下。小京官以上。在外道府以下。雜職以上。均令其於現任內試俸三年。方照常升轉。試俸三年實授之後。仍接算試俸年月。照常升轉。不行扣除。其從前捐納各官。已滿三年者。停其試俸。未滿三年。仍以從前到任日期。接算試俸三年。現任各官。無論已未滿三年。又照例捐升者。仍令於升任內試俸三年。均自到任之日。扣算俸滿。在內各部院堂官。在外各該督撫。具題到日。准其實授。雜職教官。免其具題。止令咨部註冊。准其實授。○嘉慶四年定。河工人員。經歷三汛平穩。准其實授。實授後。即准題咨升用。五城兵馬司正副指揮吏目。三年俸滿。保題升用。刑部司獄。保送離任候升。均毋庸試俸。○十二年

奏准。在京各衙門。遇有應題缺出。如將捐納出身人員題升者。查係在部候選。及初捐分部。未經奏留。即行銓選。實缺人員。應於題銷試俸三年之外。食俸二年。方准題升。至分部學習期滿。奏留後。又行走過三年以上。始行得缺者。三年期滿。題銷試俸。准其題升。其得缺在三年以內者。如已捐免試俸。毋庸復行題銷。仍於得缺後。扣足三年。方准題升。如未捐免試俸。必須歷俸四年以上。方准題升。其三年期滿。止准題銷試俸。不准題升。如題銷試俸之後。該員情願捐免試俸者。准其捐免後題升。毋庸另扣一年之限。至由部推升人員。仍照舊例。按俸推升。毋庸於試俸年滿後。另扣年限。○十五年

諭向來分部行走人員。三年期滿。例應各該堂官秉公考察。分別去留。原為覈實程材之道。嗣後各該堂官。務於行走人員。隨時留心察看。報滿時。將應去應留。覈實甄別。毋涉冒濫。以副朕澄敘官方至意。○十六年

諭部院捐納各員。俱係籤分學習行走。既云學習。則必有優劣之殊。該堂官於行走年滿之時。自當詳加甄



別。乃近來各該堂官於捐納報滿人員。無不保留。一味市恩邀譽。止圖見好於人。不顧登進之濫。不辨賢否之別。近來大員。俱中此病。朕實寒心。嗣後各衙門於捐納學習各員。斷不准一概留署。務當秉公甄別。不但其才質高下。差使勤惰。不當混淆。即其平素行止。亦當留心審視。覈實去取。切毋稍涉徇情。浮濫干咎。○十八年奏定。凡捐納及援例開復補用人員。有業經試俸年滿。尚未題銷試俸。遇在外應題缺出。有才具堪勝繁劇者。准其一律升用。其試俸未經年滿者。仍不准其保題。○又定。在京各衙門。遇有應題缺出。如將捐納初任人員揀選保題。無論是否正途出身。並銓選分部奏留補缺。及曾否捐免試俸。均令實歷三年俸滿。方准保題。如捐免試俸人員。係由部論俸推升者。仍照例按俸推升。毋庸扣定三年之限。○道光二十一年奏准。凡降革捐復人員。除因別項議敘奉旨免其試俸者。毋庸計扣試俸年限外。如係正途出身。或經本衙門奏留。或照例仍回原衙門行走。並正途出身捐納之分部奏留人員。題補得缺。續經捐免試俸者。惟正途出身之捐納人員。仍應扣奏留後再滿三年。方准

捐俱毋庸再扣實歷年限。一體准其保題升補。其雖係正途出身。捐復後由部選授得缺。以及原係捐納出身。降革捐復人員。補缺後均須實歷三年。題銷試俸後。方准保題升補。與捐納初任人員。俱不准其捐免試俸。其捐納之即中試二年。准其裁缺。如有捐免試俸者。亦扣中試二年。仍應扣明實歷俸次三年。方准論俸。或與初捐人員三年俸滿。方准保題。○又定。各項小京官。由部論俸推升。本衙門並無題升班次。其捐納人員。仍准捐免試俸。捐免後查其實歷俸次。已滿二年。即准照常升轉。毋庸扣足三年之限。

○又定。河工佐貳人員。題升沿河州縣者。必須曾經卓異俸滿。保題堪膺民社。及因公出力。奉旨以州縣升用之員。方准保題升用。○光緒二年定。在京各衙門。凡應扣俸年限保題升用人員。如有捐納初任人員。於到任後即將試俸捐免者。扣滿到任半年後。作為俸滿日期。方准保題。與降革捐復現任捐升各項人員。一體辦理。○又定。凡由本衙門題補得缺人員。如有捐免者。應即以捐免上庫戶部數。准知照到部之日。作為俸滿日期。即准保題。



額外署職實授。○順治年間定在京大小官員。在部院行走。未經坐補正額者。俟坐補後。方准算俸升轉。額外之俸。不准通算。以實授後到任之日起。○雍正十二年議准。

命往試用道府以下。州縣以上。署職各官。銜大缺小。銜缺相當者。試用一年。銜小缺大者。試用二年。果能稱職。該督撫將差委效力。署印實在政績。序入本內。保題實授。果係卓越之才。即不滿年限。亦准聲明題請。○乾隆二年奏准。佐雜署職官員。亦按其銜缺。分別試用一年二年。果能稱

職。將差委署事勞績。查覈咨部。准其實授。附入月分彙題。○又定。凡署職各官。均俟本部覆准實授後。再行論俸。署職之俸。不在通算。以實授後到任之日起。銜缺相當人員。照缺升轉。銜大缺小。銜小缺大者。仍照各原銜升補。銜小缺大。借署。照銜升轉。專指試用官員。若現任官保題升者。在此例。○十年

諭各省要缺。有一時不得合例之人。該督撫題請越銜補授及升署者。雖與定例未符。尚因地方緊要。或一時不得合例之人起見。至署理之人。辦理事務。與現任無異。自應照例俟年限滿日。題請實授。今署瓊州

府之人。試用年限未滿。該督遠請實授。係有心博屬員之感。以致違例辦理。近來似此者頗多。該督著飭行。嗣後有似此者。即著該部隨本一併察議。○十八年議准。嗣後各省題咨署理人員實授。俱以奉旨及議准日期註冊。毋庸另報實授到任日期。○又議准。各省試用人員。大銜准其借補小缺。小銜並不准借補大缺。原例所載銜小缺大。照銜升轉之處。應行停止。○二十二年議准。嗣後遇有奉

特旨命往。指明署理道府人員。一年期滿。該督撫題報實授到日。議覆時。將原例聲明。應否實授之處。恭候

欽定。○四十七年議定。嗣後督撫保題實授。遺漏聲敘實在政績。應將該督撫隨本察議。如並無實在政績。雖經期滿。亦不准其實授。○嘉慶五年議准。署職官員。各該管督撫。府尹。鹽政。查明試用年滿。飭令按限詳報。分別題咨覈辦。適有違礙。參罰事故。應俟開復後。題咨實授。道光元年。除通有字。仍將該員應於何年月日實授。因有何案參罰。今於何年月日開復。於題咨內詳細聲明。



儻期滿不行題咨實授者。丁憂離任服滿仍赴原省時。查出將本員議處。○道光十七年覆准試署業經期滿應請實授者。即行照例詳報。不得逾限以杜取巧。○光緒四年議准。京官補缺並外任署職。例應題咨實授之員。如未屆期滿。題咨實授。恭逢試職各官俱准實授。

恩詔。其有接到覈准部覆後到任日期。在恭逢恩詔之日以前者。均毋庸另扣實授。即作為實授。其

例應引

見恭請實授之河員。如到任在恭逢

恩詔之日以前。即作為經歷三汎期滿。令該河督出

具考語。送部引

見恭請實授。凡京外應請實授各官。如適於恭逢

恩詔之日到任。即照到任在

恩詔之日以前人員辦理。○又定。知縣一項。其勞績

保舉初任候補人員。請補選缺。應照委用試用

人員之例試署。令該督撫詳加察看。如才不勝

任。即據實奏。其能循分供職者。以到任之日

起。試署一年。題請實授。如試署未滿一年。適遇

丁憂告病終養迴避。撤回降革各項事故。將來

丁憂服滿者。仍發原省。原班序補。病痊服滿。引見坐補原缺。及不必坐補原缺人員。均准其赴省候

補。與迴避撤回留省另補各員。俱俟得缺後接

算年限。題請實授。其降革開復人員。除因私罪

降革。不准仍回原省外。查係本案開復。仍令回

省另補。俟補缺後。前後接算。扣滿年限。題請實

授。如另案開復。捐復者。以後次到省日期。歸原

班補用。俟補缺後。另扣試署年限。題請實授。○

又議准。試用本班儘先人員。無論銀捐及減成

報捐。並由捐輸儘先改為本班前先用人員之

各員。均止准題咨署理。俟試暑期滿。另請實授。



欽定大清會典事例卷七十一

吏部

漢員升補無保舉人員升選升銜留任

丁憂候補擬升擬選升銜留任

用借補人員擬升擬選升銜留任

員不保題留任加級食俸升銜留任

各項佐雜人員回籍候補升銜留任

無保舉人員升選○康熙六年議准生員例監

生吏員出身等官經堂官及督撫保舉者方升

京官及正印○又議准由生員例監生吏員出

身之郎中員外郎主事等官無保舉者郎中以

運同升補員外郎以運同府同知升補主事以

府同知升補仍算京俸與應升人員較俸升轉

在外官員由生監吏員出身無保舉者亦不往

升京官及正印官○乾隆四年議准在外官員

如有曾經薦舉卓異一次及督撫指缺保題升

用正印官一次者准其以保舉註冊與應升京

官及外任正印官人員一同較俸照常升轉不

必復行保舉至在京官員如曾經京察保舉一

等一次及該堂官指缺保舉升補郎中員外郎

一次者亦應准其以保舉註冊照常升補至京

官內如戶部寶泉局大使禮部會同館大使鑄

印局大使兵部會同館大使刑部司獄五城

兵馬司吏目鴻臚寺主簿鳴贊序班理藩院副

使今順天府照磨司獄大興縣典史宛平縣典

史奉天府司獄承德縣典史雖算京俸無保舉

人員亦准升除○又奏准八旗漢軍捐納即用

人員例應

朝考後方准補用八旗漢軍補用後不論何項未

經

朝考者赴部之日由部請

旨照考試漢中書之例在

午門內考試恭候

欽點大臣會同本部堂官閱卷擇其漢文通順字畫

端楷者奏

聞交部各按其班次銓選其文理不通不堪錄取者

俟下次考取後再行補用○二十六年議准捐

貢指捐京官正印者俱照監生之例一體捐免

保舉未捐保舉俱以別項照例改補○嘉慶六

年奏准捐貢監生及吏員等項出身捐納正印



各官應捐免保舉及漢軍捐免考試之員戶部於該員交庫後總以每月二十日以前移咨吏部註冊覈計上庫之日起扣足一月之限方准銓選升補其不足限期不准選用○十五年議定凡捐納等項出身人員如奉

旨指明以知縣等官升用者免其捐免保舉○十六年議准現任京外佐貳各官有因勞績引

見奉

旨指明以正印官升用者不必復行保舉即准照常

升轉

升銜留任○順治年間定凡加銜出自

特恩無定秩其開列升轉仍照本任升轉○雍正二年議定官員升往別省經督撫保題以升銜留

任者必須實屬緊要其人其地必不可更易方許具題請

旨俟奉

旨准以升銜留任後即照升銜升轉如並非緊要一概不許題留○乾隆十六年

諭江蘇巡撫奏稱元和縣知縣籤升貴州永甯州知州該員操守謹飭才具幹練懇以升銜暫留元和縣任

遇有江省相當知州缺出酌量題補等語元和省會首邑既屬人地相宜以升銜仍留原任於理尚屬可行但既留任遇相當知州缺出即行題補又須離任仍於該地方未有裨益轉啟規避之端朕思守令久於其任可以勵官方而收實效既准予升銜已合古增秩進階之義嗣後知縣籤升外省督撫奏留本任者俟留任五年後遇有相當之知州缺出題補如首郡知府升任道員該督撫題留者視此著為例○十八年

諭據江蘇巡撫奏丁憂服滿知縣前經推升貴州永甯

州知州原任撫臣奏請以升銜仍留元和縣知縣任今回籍服滿來蘇應坐補原缺但該員籍隸山陰在五百里之內與例未符請令赴部別補等語著仍發往貴州以知州補用向來近省知縣內往往有任遠省而該督撫以人地相宜奏請升銜留任者雖因地方起見亦易啟規避之漸嗣後各省奏留人員內如遇丁憂事故起復之日皆令仍赴升任省分候補著為令○嘉慶八年

諭嗣後各部堂官等遇司員截取時惟當公同詳酌除照例分別保送繁簡缺知府外如果係必須留部之



員即具摺奏明將來入於京察一等設或京察引見時經朕記名外用而該員係部中必不可少之人准該堂官據實奏留仍不得以升銜懇請著為令

推升知縣等官截取○雍正十年議准應升知縣之教職以及經歷等官由部按其俸次最深任內無參罰案件及下第舉人補授教職按其科分名次輪班應選者酌量截取令該督撫詳加驗看擇其年力才具可勝民牧之任者出具考語給咨該員赴部照例升選與月選官一例考試引

見補授其有年力就衰辦事平常自揣不勝縣令之任者該督撫咨部註冊除正印官不准升用外其應升教職佐貳等官仍照例升用至教職等官有題定三年或五年俸滿即升者該督撫報滿部議准其即升後給咨赴部仍照即升月分升用以上截取人員將次用完再行酌量截取儻離任後原任內有降罰事故均照離任官例議處將降罰之案帶於新任其俸次在前應截取之員現任內有參罰事件未獲截取續經銷案即補行截取仍較俸升用○乾隆十七年奏

准俸深應升之教職及經歷等官遇應行截取時令該督撫驗明人才堪勝民牧之任出具考語咨部註冊在任候升掣籤得缺後行文該督撫給咨赴部引

見○二十二年議准候補教職之下第舉人未經指明截取之先有取文結報部者恰屆中式科分已經開選適該員因公來京准其取具同鄉京官印結赴部呈明仍照原文赴選免其另行回籍請咨<sub>謹案此條道光十八年刪除</sub>○道光十八年議准教職俸滿保薦後自揣不勝民社情願註銷保薦

仍留教職本任應升時除正印官不准升用外其餘仍照例升用即升卓異丁憂候補○康熙三十八年定凡外省官員本任內經督撫保薦即升卓異未經升用丁憂者起復赴補之日仍歸單月不入各項候補班次遇缺即補其卓異仍帶於新任○乾隆七年議准官員曾經卓異即升未經升用緣事降革後本案審虛開復候補亦照丁憂候補之例畫一辦理○二十六年議准俸滿保薦人員亦照即升卓異丁憂候補之例辦理○嘉慶



十七年奏准各省著有勞績人員經各督撫保奏奉

旨以應升之缺升用者如未經升用旋即丁憂或緣事降革本案審虛開復赴部者准照保題即升並卓薦未升人員服滿候補之例歸於單月不入班次遇缺即補其保奏奉

旨應升之案仍准其得缺後帶於新任○光緒十二年議在勞績保舉指明以何項官員升用如係並非應升之階及因勞績出力得有升案奉旨日期在丁憂離任以後俱不准歸卓異即用班內

選用

擬升擬選丁憂候補○乾隆五年奏准凡各省現任官員推升得缺具題之後應調來京引

見如未經引見奉

旨補授適遇丁憂事故或緣事降革後經服滿開復俟赴部候補之時仍歸所升班次原係即升者歸於即升月分先儘升用原係俸深者歸於俸深月分先儘升用即以升班積算其督撫保題升用人員如已經奉

旨引

見緣事離任者俟赴部候補之時引

見或准其以升缺仍發往該省別行題補或歸於月分仍以原官候補之處請

旨遵行至佐雜教職例不引

見如經部擬升擬選已經具題奉

旨補授該員適遇丁憂事故未及考試驗看到任及各省咨升佐雜等官本部已經議准彙題奉

旨補授該員適遇丁憂事故未及到任者將來服滿開復赴補均歸於應補班內悉照升缺選缺補

用其有雖經擬升擬選尚未具題奉

旨及督撫咨升人員尚未彙題奉

旨者仍歸各原班選用○八年奏准凡各省升署未經實授人員遇丁憂事故服滿開復赴部者無論已未到任均照試用人員之例令其赴原任

省分交與該督撫酌量題署○嘉慶五年奏准嗣後凡有外任官推升小京官未經引

見告病開缺病痊之日即以所升之項歸於單月應補班內與應補人員統較日期先後銓補○道

光二十一年奏准凡由外任推升京外各項官



員未經赴部引

見旋即告病開缺均覈其出咨日期是否接到部文如告病在接到部文之後病痊之日查係推升外官者均以推升之缺坐補推升京官者除員外郎主事仍歸單月應補人員之後統較日期先後銓補如未經接到部文以先者病痊仍令坐補原任之缺○又定京官推升及在部投供候選之京外各官例應引見人員月選得缺有於引見以後題本未經奉

旨以前適遇丁憂事故將來服闋均歸入應補班內補用○二十七年奏定各省道府以下至未入流題咨補署得缺如未接題准議准部覆遇有事故將來起復仍歸各原班如已接到部覆題補咨補人員歸應補班題署咨署人員歸委用班至題補人員內有未及引見遇有事故俟起復到部帶領引見後再行辦理○又定府州縣佐雜題升咨升到部如未接到題准議准部覆遇有事故起復時查其任內得有升案者歸卓異即升班無者歸應

補班業經接到部覆例應引

見人員如於未經引見之先遇有事故俟起復到部帶領引見後再行辦理毋庸引見者歸應補班○光緒四年奏准試署人員例應遵照試署期限期滿即應詳請實授不得逾限道府至未入流凡係題署咨署得缺並勞績保舉初任候補知縣題署選缺如試署已滿一年之限不遵照限期詳請題咨實授遇丁憂事故將來赴補即將該員歸應補班內銓選以杜趨避其期滿未請實授如有告病終養降革開缺者將來赴補亦照此辦理分別銓選京官降補○順治年間題准三品以上降至正四品者以小四品京堂補用降至從四品者不補祭酒以正五品京堂借補仍支從四品俸○乾隆四年奏准從四品內惟祭酒升轉甚優既不准其降補自不便照祭酒升轉應以從四品銜管五品京堂事遇有開列升轉列於各項五品京堂之先專以應升之四品京堂升轉如通政使司參議光祿寺少卿均係正五品京堂而參議又係光祿寺少卿應升之缺其由從四品借補



春遇有開列於通政使司參議之前事○又	升小四品京堂遇有參議不行開列借補○又	奏准京堂降至正五品從五品者不補郎中員	外郎各照依對品以堂官員缺補用 <small>如降正五</small>	政使司參議光祿寺少卿補用降四品以上京	堂降至六品以下者並無堂官可補應停其補	用 <small>四品以上京堂品秩優崇若降至六品以</small>	品京堂降從五品者亦不補員外郎以堂官用	降從五品堂官有鴻臚寺少卿降至六品以下	悉照所降之級與各項降官一例補用 <small>五品京</small>	六品以下均係司官若一概不降降補則降一	二級降屬無官可補故仍准與各項降官一例	補其餘各項降官均照所降之級序補 <small>悉按品</small>	載序補如降從五品以員外郎用降正六品以	主事寺丞京府通判都察院經歷用降從六品	以光祿寺署惟降至從五品者不補鴻臚寺少	正補用之類卿係堂官不便降至正七品者不補大理寺評	事太常寺博士 <small>詳事博士與六品升</small> 降從七品	者不補中書舍人 <small>中書亦與六品升</small> 降從九品	者不補司務 <small>司務品級雖微升</small> 均各照對品別	官補用又五品京堂及翰詹科道謫官如遇大	理寺寺丞一缺惟五品京堂謫官准其補用 <small>謫</small>	寺丞應開鴻臚寺少卿由五品其翰詹科道謫	京堂降補未為從優故仍准補
-------------------	--------------------	--------------------	------------------------------------	--------------------	--------------------	-----------------------------------	--------------------	--------------------	------------------------------------	--------------------	--------------------	------------------------------------	--------------------	--------------------	--------------------	-------------------------	-------------------------------------	-------------------------------------	-------------------------------------	--------------------	------------------------------------	--------------------	--------------

官不准降補以對品別官用 <small>翰詹科道謫官若准</small>	補即得以鴻臚寺少卿先行開列升轉過後故不	准補如已降至署正等官遇有寺丞仍准升轉俟	升至寺丞後再行此外各缺均與各衙門降官一	開列鴻臚寺少卿此例較本旨補用以後亦與各項官員一同較	例按其品級較文到日期先後補用 <small>道光二十</small>	日較本旨補用以後亦與各項官員一同較	俸凡遇應升概准升轉至品級考所載京堂翰詹	科道謫官寺丞開列升轉及謫官補用後推升之	處仍准兼升 <small>如寺丞應升員外郎係謫官又應開</small>	官又應升用寺丞之 <small>列鴻臚寺少卿署正應升主事係謫</small>	品以下者悉照品級與各項官一體以應得之缺	序補○五十五年奏准鴻臚寺少卿缺出由科道	與各部郎中分次開列具題將京堂翰詹科道謫	官大理寺寺丞一項補用之處刪除原例所載寺	丞惟京堂謫官准補翰詹科道謫官不准降補之	處均應一例刪除以歸畫一○嘉慶五年議定降	級官員降至正七品非原係正印職官及正途出	身者不補大理寺評事太常寺博士降從七品非	原係正印職官及正途出身者不補中書科中書	○十六年奏准革職人員續經奉	旨賞給官職如未經指明以何項官員用者應照降補
-------------------------------------	---------------------	---------------------	---------------------	---------------------------	------------------------------------	-------------------	---------------------	---------------------	-------------------------------------	--	---------------------	---------------------	---------------------	---------------------	---------------------	---------------------	---------------------	---------------------	---------------------	---------------	-----------------------



之例。註冊銓選。

外官降補。順治年間定。凡在外降級各官。皆照所降之級。遇相對員缺補授。惟布政使降一級。不補按察使。借補正四品道員。仍帶所餘之級。運使降一級。不補道員。通判布政使司經歷。理問。運判。州同。降級。不補知縣。任或不應降正印。無論何項出身。均不准其補用。凡降級官員內。有例監生員出身者。不論有無保舉。不補正印官。均以對品別官補用。前降係正印。此係無論正印。或降級。由例監生員出身。身者。概不准補正印。均以別官補用。如原係正印。由正途出身。應降正印。仍應准補。道光二十三年。定。如因缺缺。扶優等事。降調者。止准以對品之位。

或降補。不准用正印。 ○乾隆二十六年奏准。外官由監生

吏員出身之布政使按察使。降至正從四品。應否以道員知府補用。或以運同借補之處。具奏請

旨。○道光四年定。外官由監生吏員出身之布政使按察使。降至正從四品。應否以道員知府補用。或以運同借補之處。具奏請

旨。餘俱不准補正印官員。均按所降之級。以丞倅首領。位雜各缺補用。○十一年奏准。凡京外降調各官。毋論由何項降補。均照奉

旨日期註冊。統俟交代清楚。文結到部。按班銓選。此內

有先經錄事回旗回籍。後經降調。及應行赴部引見各員。俟後次之文到部。再行銓選。其有同日奉旨降至同官者。於合例到班時。代為掣籤。將得缺籤者

補授。

道府不准改用部曹。○乾隆十四年

諭。各省督撫於所屬道府內。有不能勝任者。或奏請調簡。或勒令休致。不得仍請以部曹改用。此定例也。朕思此等人員。既以不能勝任。經督撫奏請改補。由部執例詰駁。往返之間。轉得遷延時日。該員明知不能久留。未免意志隳頹。視同傳舍。甚至營情囊橐。蓋蓋不飭。於地方殊屬無益。嗣後各督撫題奏改補人員。務於本摺內分晰聲明。或宜調簡。或勒令休致。其才具平常。而年未衰老者。或以同知降補。皆著送部引見。有違例仍請改用部曹。吏部一面將該員議處。一面行令離任。毋致貽誤地方。此本內山東巡撫所請改補之登州知府。著送部引見。○道光三年

諭。國家設官分職。內外並重。外省道府州縣等官。固有察吏安民之責。在京各部院司員。綜覈外省奏咨事件。政務殷繁。亦須明幹勤慎。方資治理。乃近年以來。各省督撫率請將衰庸之員。以京職改補。將來人數增多。必致

...



庶司曠誤。於吏治大有關係。嗣後外任道府以下知縣以上各官。如有才具平常及年力衰邁者。著各該督撫等遵照定例甄別。改簡降補。及勒令休致。概不得奏請以京職改補。僕違例請改。該部即奏明更正。仍將該督撫照例議處。其從前改補京職各員。並著該堂官留心察看。如有衰庸不能勝任者。即隨時澄汰。不得稍事姑容。至因病解退之外任官員。病痊起補時。概不准呈請改補京職。以歸畫一。

試用借補人員升轉降補。乾隆二年奏准。凡各省試用人員。有大銜借補小缺。小銜借補大缺者。

除小銜借補大缺。照銜升轉外。道光四年刪。除小銜借補大缺一條。

其大銜借補小缺之員。如原銜係候補。候選捐納。即屬者。准其照銜升轉。如原銜係考職。捐職。惟河工效力人員。准照原銜升轉。其各省試用之員。均照現缺升轉。若各該省有應題升咨升之缺。與伊等職銜相當。或在原銜以下者。仍准該督撫酌量題咨升用。至借補各員。緣事降調。除小銜借補大缺。悉照原銜降調外。其大銜借補小缺者。惟候補候選捐納即用之人。准照原銜降調。其捐職考職者。無論河工效力及各省試用人員。皆照現缺降

調。其原有職銜。准其於降補任內隨帶。道光四年。職銜非其隨帶一條。刪除原有革任。給予原銜休致。不准補用。嘉慶十年奏准。大挑一等舉人。分發各省試用知縣。經該督撫甄別。以佐貳改補之員。如係已經得缺者。緣事降調。俱照現缺議降。其未經得缺人員。仍照該員知縣原銜議降。十四年

據阮元奏察看試用道府分別酌擬一摺。各省試用道府人員。均係初膺外任。該督撫原應隨時甄別。以收實效。今浙江試用知府內殷華一員。既察看其才具平常。未諳政事。惟年力正強。尚堪造就。著將該員降補同知。留於浙省酌量補用。史大誠一員。才具本甚平庸。兼以精力衰頹。兩耳重聽。不特難膺方面。即降補丞倅。亦豈能冀其稱職。即著原品休致。嗣後各省督撫。均著照此秉公覈實辦理。十六年

論。直省分發人員。試用期滿。例有甄別之條。各部院學習司員。期滿時認真區別。不准一概奏留。以博寬厚之名。司員分理部務。共相商辦。尚不止責成一人。若外省道府州縣。或身膺表率。或職司民社。各有專責。若將不能勝任之員。妄行保留。將來遇缺序補。必致貽誤地方。嗣



後各省督撫遇有分發試用期滿人員。務須嚴加甄別。如實係才具明晰辦事勤能者。准予保留。其才質平常者。不得一味姑容。或酌量改補。丞倅佐貳等官。俾聞曹自效。不致濫等貽誤。

借缺候補。乾隆四年奏准。凡各省大銜借補小缺。

小銜借補大缺。道光四年。刪除小銜借補大缺一條。人員服滿起復。赴

部候補。由部查明該員原銜。如係候補候選。捐納即

用。例應照銜升轉者。准其照原銜補用。如係捐職考

職。例應照缺升轉者。均令其照缺補用。至考職捐職

人員。惟借補河工者。方准照銜升轉。如緣事離任。後

經別補。若仍留河工。准河臣酌量補用。如並不留工。

赴部候補。亦照各省之例。概令照缺補用。不准仍帶

原銜。此內有銜小缺大者。即照原銜補用。三十年

議定。同知通判知州。不准借補知縣。其現由同知各

項借補知縣人員。遇有本項缺出。不分題調部選。俱

准其按銜改補。如任內有展參事關。將來降革離任

處分者。不准改補。嘉慶十七年奏准。各省候補直

隸州知州。准其借補府屬知州。同知准其借補通判。

無論升調所遺。及告病病故。休致各缺。俱俟本項候

補無人。方准借補。其委用人員。俟升調所遺。應歸月

選之缺。本項委用無人。方准借署。初任捐納分發人

員。俟本項缺出。方准題署。仍不准借補別缺。又定。

各省候補同知通判知州。概不准其借補知縣。遇有

各該督撫題請借補知縣到部。經部議駁。具題。欽奉

特旨。准其借補者。遇本項缺出。俱准按銜改補。二

十三年定。州縣以上捐納試用各員。如該省並

無本項應補之缺。始准其借署別缺。遇升調所

遺缺出。俟捐納本例到班時。與借署之項本例

人員。比較到省日期先後借署。其有本缺可補

者。概不准借署別缺。光緒八年覆准。試用直

隸州知州。遇有選缺。直隸州知州省分。如甄別

堪勝繁缺。遇應題缺出。准與應升應補人員。一

體酌量題署。如甄別堪勝簡缺。准以選缺府屬

知州借署。如該省並無選缺。或歸部選。或改發

有簡缺省分候補。其委用知州本項無缺可補。

遇有通判升調所遺選缺出時。本項委用無人。

亦准借署。試用儘先知州。如本項無缺可補。遇

有升調所遺通判缺出。俟捐納儘先到班時。比

較到省日期先後。題請借署。

首領佐貳俸滿保薦。乾隆二十六年議定。各



省首領佐貳雜職自從六品以至未入流並捐納之鹽庫大使俱准前後接算。歷俸已滿六年者該督撫鹽政調取驗看詳加甄別。其有舉人舉人捐納之鹽庫大使仍歸五年期滿案內料理其中實有人材出眾者有勞績堪膺保薦人員詳細確查出具切實考語送部引

見恭候

欽定如奉

旨准其照例升用。入於卓異班內以應升之缺統較

日期先後升用。仍令該員回任候升。○四十二

年議准嗣後首領佐雜人員俸滿應以實授之

日扣算六年。在其保薦。○五十年議准嗣後佐

貳雜職保薦卓異人員該督撫照例具題。由部

查明與例相符。准其保薦卓異毋庸送部引

見侯具題奉

旨後註冊入於卓異班內統較日期先後升用。如奉

旨日期相同者按其俸次先後升用。道光四年奉定

即以初次俸滿之日起算統俟升至知縣以上等官再行送

部引

見至引

見時以不在保薦不能勝任扣除者將歷經保舉升

用之督撫司道各官照例分別議處。○嘉慶十

一年奏准各省鹽庫大使並從六品以下雜職

咨署得缺業經詳請實授人員於俸滿甄別時

果有才能出眾者仍由州縣府道以上遞加查

覈該督撫出具考語隨時保題到部准其以咨

署到任之日計俸扣足六年保薦註冊升用。至

舉人出身之鹽庫大使五年俸滿亦即照此辦

理。○道光十一年奏准各省佐貳雜職俸滿保

題到部通過丁憂查其咨報丁憂到部日期已

在俸滿以後者仍准保薦於本內聲明具題以

奉

旨日期註冊俟起復補官到任後照例按班升用

道府請

旨○乾隆三十七年定道府請

旨缺出除捐納

特用各項候選人員暨部議降用道府並降革捐復

捐入補班捐升道員註銷仍補知府各項人員

均不准開列外應將丁憂服滿裁缺迴避候補

降革開復及終養病痊引



見不必坐補原缺人員開列名單交部記名另繕夾單以及

命往各省補用人員查其在部候補時係例得請旨之員遇本省請

旨缺出統較投文及奉

旨日期先後開列進呈恭候

簡用○四十二年議准嗣後遇有請

旨道府缺出其應行開單人員內如係曾任繁缺道府以及調繁卓異並六部員外郎用從前原係

保送繁缺者准其開列名單進呈恭候

簡用其原係簡缺未經調繁卓異者俱毋庸開列請

旨○五十八年奏准鹽運使各缺有請

旨補放開列具題之不同辦理稍涉參差且鹽運使與道員相同均係知府應升之缺嗣後一體改

為請

旨之缺恭候

簡用鹽運使服滿赴補有情願具呈改補道員者奏

明帶領引

見如奉

旨以道員用照奉

旨改補日期與候補道員較投文日期先後序補

丁憂人員不准保題留任○乾隆二十九年

諭御史秦贊以戶部郎中馮光熊刑部郎中杜玉林俱

係丁憂之員該堂官不應奏留一摺內稱若遇升遷

外任又未聞以幹練留部其持論實中事情即該堂

官等亦無辭可對官員遇有事故並聽離任終制原

係恤下常經第以堂官而請留司員督撫而請留屬

吏則上官之推情瞻顧與下僚之因事干求其流弊

將何所不有不可不懲其漸况國家分職任才豈必

少此一二與此一二二三年少待之期而必權

宜破格而為之誠亦可以不必嗣後凡朕特旨酌量

令其留任外內而部院堂官外而督撫等均不得率

行請留則弊端既無自而生而言官之撝拾建白者

亦無從藉口著為令

加級食俸○乾隆七年定卿貳大員議敘加級

食俸後經升任如品級相同本係無俸可加者

仍食本身之俸如三品升至二品及二品升至

一品俱將食俸一級改為尋常加一級其三品

升至二品已將食俸加級改為尋常加級若又

經升任改為紀錄一次



特旨升用人員回任題補。○乾隆三十三年

諭向來各省知縣內有拿獲盜犯等案送部引見者皆係留心政務可造就之材朕加恩錄用令其仍回原任以本省同知知州升補其無回任字樣者係一時降旨所未及並未分別於其間而該部即拘泥成例止令在部候選將原缺另行銓補不知此項人員原因其平日居官能事是以調取引見加恩擢用俾得及時自效若僅令其在部候選不能銓補而原缺又另選有人是徒有空銜而需次間居久淹時日非曰愛之其實害之非所以示鼓勵嗣後此等知縣引見

時以同知直隸州知州用者俱著仍回原任遇有本省缺出補用其從前在部候選之員均著該部給咨發往原省差遣委用以應得之缺即行題補至知縣十年俸滿引見以同知等官升用者亦係因其久任民社材具尚可擢用之員著該部一體辦理。○三十九年議准各省現任官員欽奉

特旨升任他省者該督撫於接到部咨即責令該員將任內經手事件交代清楚勒限起程赴任如任內有承辦要件難以遽易生手該督撫查明如在半年以內即可完竣者務於交代限內先

行咨部展限並咨明該員升任省分督撫查照其有半年以上方可完竣者即將緣由據實奏明加展一面催令依限趕辦事竣之日即行給憑赴任統不得逾一年之限如有逾違均照例分別議處其知縣以上等官有拿獲盜犯等案及十年俸滿引

見奉  
旨指明以何項官員升用者無論有無仍回原任字樣俱由部給予執照仍令回任遇缺題補其佐雜等官拿獲盜犯奉

旨以何項官員升用者俱歸入月分不論雙單月俟別項人員選用五缺之後補用。○嘉慶十七年奏定各省現任知縣以上等官有拿獲盜犯及十年俸滿引

見奉  
旨指明以何項官員升用者無論有無回任字樣由部給予執照仍令回任遇缺題補其佐貳雜職等官拿獲盜犯引  
見奉  
旨以何項官員升用人員亦照知縣以上等官之例



無論有無回任字樣即由部給予執照令其回任遇缺補用○道光四年議准拏獲盜犯題准送部引

見人員未經赴部旋即丁憂嗣經服滿引

見以何項官員用者亦由部給予執照仍回原任省分候補

候補候選人員回籍○原定到京候補候選內外大小官員有情願回籍者具呈准其回籍俟其來京之日仍照原文補授其考定內閣中書有呈請給假回籍者亦應准給來時仍照考取

註冊名次挨補○乾隆十九年奏准告假回籍人員到京之日仍令投供扣足五十五日之限方准銓選○二十年定在部投供人員有具呈回籍者查其是否頂選如係頂選之員不准回籍

各項佐雜人員回籍候補○嘉慶八年議准各項佐雜分發人員到省後試用一年期滿應令各督撫查明各項缺數減半酌留如從九品額設四十員即將新舊班試用從九品到省在先已滿一年者按照次序統留二十員其借補人

員即入本項統計有在二十員之外情願回籍者聽其餘各項視此如名次本在當留之列而亦願回籍者則是該員得缺本不甚遲而亦願回籍偷安此等人員回省之時仍照舊例查扣回籍日期其情願回籍之員該省一面給照一面專咨報部其持照回省者不必請領本籍咨文第報明起程日期原籍督撫一面咨明原發省分一面報部存案一經到省該省即將到省日期專咨報部以憑稽查應當留省之員閱時既久補缺者多而回籍者未見回省則恐有差

委乏人及懸缺待人之事嗣後令各督撫咨補一人即按名咨取一人足額以出咨之日起限省分遠者限以一年次遠者限以八月近者限以半年如逾限不行回省則咨取以後之人所有已奉咨取未見回省之員咨取後在籍日期亦即仍照舊例查扣該省仍將已咨取某員及咨取未到更復咨取某員詳開年月專咨報部查覈再從前試用已滿一年之告假人員大率多因補缺維艱資斧不繼回籍應與丁憂回籍者一併照此免其查扣謹案此例久經停止

一第... 冊... 頁...



欽定大清會典事例卷七十二

吏部

除授進士授職進士選用知縣進士選用教職學官進士歸班舉人內閣中書等官職補舉人兼掣州同舉人就教漢軍舉人知縣改補教職選拔貢生分部補用舉人知縣改補教職選拔貢生分部補用候補捐納考敘人員中式進士舉人

進士授職○原定進士除選第一甲第一名除翰林院修撰第二甲第三名除編修二甲三甲進士選庶吉士外分送各衙門觀政三月內外以次兼除○順治三年定二甲一名至五十名

除部主事五十一名至三甲十名除中行評博十一名至二十名除知州二十一名至五十名除推官餘除知縣○十五年

諭二甲三甲進士除選庶吉士外俱除授外官○十六

年

諭停授知州俱以推官知縣用○十八年題准停止進士觀政○康熙三年題准二甲進士除推官三甲進士除知縣○六年議准裁推官缺二甲三甲進士俱以知縣用○五十四年禮部以教習期滿三年進士具題奉

旨著考試將文理優者留京遇有月官扣缺即行補用其餘聽其回籍候應補之缺欽此遵

旨議定進士考試一等者按現考名次遇有月官扣缺知縣補用其餘回籍候缺照原科分按現考名次以知縣選用其現在留京修書與教習內官學生者照考試名次以內閣中書缺出補用用完之日遇有缺出將現在留京學習之進士補用○雍正元年議定辛丑科留京進士照壬辰科進士例禮部咨送內閣考試果有學問好者留京為內外教習俟三年滿後照例遇有月官扣缺補用其餘俱令回籍照原甲第名次候吏部截取赴部選用嗣後新進士除選庶吉士外揀選學問好者令為內外教習年滿照例補用其餘進士均令回籍候選○又

諭昨引見新科進士名單內有用點記名者朕看諸人皆有年紀人尚可用著以知縣即用有用尖圈記名者諸人年紀正壯將來可望進步傳問伊等有情願在各館效力及在內官學教習者令各人自陳若行走勤謹學問好者朕仍拔為翰林○二年

諭新科進士內有年紀者意謂趁伊年紀令其做官所



以點出。其年少者不便壓前科之人。朕點記人員內。如有年少者。查出奏聞。欽此。遵

旨議定。點記人員。以知縣即用者。於雙月例用甲班五

次之後。續用一人。照依年紀挨次補用。年少者。令在各館效力。○又引

見甲辰科進士。除選庶吉士並欽奉

御批內用外用之員。餘俱照例回籍候選。○又

諭。外用人員內。有年五十以上者。照伊等年紀用。其餘

仍照殿試名次用。○又

諭。朕批內用者。若用為六部額外主事。學習辦事。如好

即著實授。若學習懈怠。仍歸伊等原班銓用。○乾隆

五十五年

諭。新進士引見後。除已經錄用之庶吉士。部屬即用。知

縣外。其餘歸班進士。再交吏部按照甲第名次。通行

帶領引見。候朕記名二三十人。以中書錄用。不記名

者。仍行歸班。○嘉慶十年

○又

諭。向來新進士。以知縣即用者。原欲令其早日服官。用

資造就。近年因錄用人員較多。銓選不無壅滯。需次

仍復稽遲。是以此次新進士引見後。特降旨交吏部

籤掣分發各省。以知縣即用。因思辛酉壬戌兩科進

士內。即用知縣。現在未經銓選者尚多。中式在前而

得缺轉後。未免偏枯。著吏部查明一體掣籤分發各

省。其有現在未經到部投供者。並著該部代為掣定

省分。行知各該員原籍。由本省督撫給咨。徑赴該省

補用。以示朕體恤寒畯。俾得及時自效。至意。○二十

五年奏定。新進士奉

旨。以內閣中書用者。令其在閣行走。扣滿一年。由內

閣察看。辦事勤奮。咨部照例補用。以國子監學

正學錄用者。與考取人員。各按本項名次分缺

開用。○道光十八年定。新進士奉

旨。分發各省。以知縣即用。掣定省分後。始行呈改教

職。恐有規避情事。概不准行。○光緒十年定。繕

譯進士引

見。以主事用。呈請改歸知縣。聽候截取。即行奏明改

歸繕譯進士原班。俟本科截取後。照例銓選。

庶吉士散館。○原定。庶吉士散館奉

旨。留翰林院者。二甲授編修。三甲授檢討。以知縣即

用者。不論雙單月即用。以知縣歸班用者。仍歸



進士原班候選。○乾隆四年奏准庶吉士散館以主事用者。令其掣籤。先分發六部。在額外主事上行走。選用班滿。雙單月選法。其中如有實心辦事。熟練部務者。遇本部主事員缺。該堂官保奏引見補授。○三十年定庶吉士散館奉旨以部屬用者。亦照新進士以知縣即用人員之例照奉。

諭朕恭閱旨名次先後銓選。○嘉慶七年

高宗純皇帝實錄。乾隆十六年考試戊辰科散館庶吉士。

內有林明倫一員。曾再留館教習三年。因思此次散館之庶吉士。王以錕考列名次在後。引見時著歸原班銓選。但念其會試中式第一名。平日文理尚優。昨日散館試卷。止係字畫拙率。文義尚無大疵。王以錕著加恩。仍以庶吉士留館教習三年。○十六年諭國初庶吉士分習清書。係與漢書各半。雍正年間。每科派十四五員。十七八員不等。嗣於乾隆十六年。欽奉

皇考高宗純皇帝諭旨。除去雲貴川廣邊省不派外。其直隸山東河南山西陝西等省庶吉士。若在三四員

以上派一二人。浙江等省庶吉士。在五六月以上。派二三人。每科通計在十人內外。定制昭垂。自應循例酌派。若為數太少。亦不足以備典制。而均教育。嗣後每科清書庶吉士。著遵奉乾隆十六年

諭旨。仍著派在十人內外。毋致過少。謹案此例於道光十二年停止。○二十五年定庶吉士散館。以內閣中書用者。照奉

旨名次先後。除應補人員。並內閣扣留缺分不計外。不論雙單月。凡由部揀補之缺。計算五缺之後。補用一人。

進士分部學習。○雍正二年引

見新進士奉諭朕批內用者。著用為六部額外主事。學習辦事。○八年

諭今科進士。除選授庶吉士外。其點出之五十八人。著於六部額外主事上學習行走。三年之後。該部堂官題補。果有才猷出眾。明練政治之人。於一年之後。該堂官保奏引見。○乾隆元年議准。學習進士三年期滿。該堂官分別引見。其以主事用者。照甲第名次。歸於月分選用。詳班次



雙單月 未經補授之先仍令在部辦事如有熟練部務者遇本部主事員缺亦准該堂官保奏引

見補授以知縣用者歸進士原班選用如才具平常

奏明咨部以國子監助教監丞司經局正字

局正字乾隆三十六年裁三項遇缺挨次具題補授有情願

改教者准其呈明改補○二十二年奏准嗣後

庶吉士散館以及分部學習之人有甄別歸班

以知縣用者其科分適經截取之時免其回籍

請咨即由本衙門具呈移咨到部准其投供候

選○四十年議准學習進士期滿奏留本部以

主事用者仍照報滿日期先後及行走年分淺

深以次挨補同時報滿行走並無間斷者按其

科分甲第名次題補以免撓越儻有報滿之後

不知奮勉行走怠惰之人各該堂官隨時察覈

甄別辦理不得遷就姑容以致濫等

進士選用知縣○雍正元年議准進士歸班候

選知縣均令回籍俟投供候選進士將次用完

具題截取赴部投供照依甲第名次挨選○乾

隆元年奏准新科進士奉

旨以知縣即用者照奉

旨名次先後歸於雙單月進士班次之後各選用二

人

進士選用教職○康熙四十八年覆准進士候

選知縣有情願就教者無論已未截取具呈到

部以本省府教授按科分甲第名次挨選其有

進士未任知縣奉

旨以教職用者遇本省府教授員缺即行補用○乾

隆三十年定新進士以教職用者必

諭旨內有即用字樣始即行補用如無即用字樣仍

按科分挨班銓用○又定進士歸班候選知縣

在部具呈改教者按其具呈出缺日期先後如

出缺在先具呈在後者扣除另選俟續有缺出

再行選用

教職中式進士歸班○光緒三年定由現任教

職中式進士歸班人員禮部給照回任加銜管

事將來吏部具題截取奉

旨行文後如自揣難膺民社情願仍留教職本任令

由各督撫報部准其留任毋庸開缺應升時除

正印官不准升用止准應升京職佐貳等官其



願歸截取候選者。均令給咨赴部投供。按甲第名次選用。

內閣中書等官改補。○嘉慶三年奏准內閣中書准其註銷改補教職。○六年奏准國子監學正學錄准其註銷改補教職。○八年奏准分部主事內閣中書准其註銷仍歸知縣原班銓選。○九年奏准新進士即用知縣有情願改就教職者准其呈明以教職改補。○十年奏准滿洲新進士奉

旨以知縣即用人員呈請改補京職者以筆帖式改補。○十一年奏准新進士奉

旨以部屬用者籤分各部學習未屆三年期滿及奉旨以內閣中書用者行走不及一年未經出考咨部如有情願註銷者准其於本科尚未截取之前豫行具呈吏部准其歸於知縣原班銓選其業經期滿奏留保留之員無論本科曾否截取概不准其註銷翰詹等官大考改補主事中書及庶吉士散館以主事中書用者均係特旨改補之員不准其請改知縣。○十二年奏准新進士

殿試後未經

朝考適遇事故回籍續經補行

朝考引

見錄用人員仍按其中式科分甲第名次銓選庶吉士散館以知縣用者照奉

旨名次先後歸於不論雙單月遇缺即用其呈請就教改教人員適屆科分截取時不准再行截取以知縣選用。○十四年奏准進士候補國子監學正學錄准其註銷仍歸進士本班銓選以本科截取之期為斷其在截取以後具呈者概不

准其註銷。○道光十七年定進士引

見以部屬用內閣中書用及以國子監學正學錄用者部屬無論期滿奏留中書無論保留咨部及投供候選之學正學錄情願註銷者具呈吏部奏明歸於知縣原班銓選如本科業經截取不准註銷。舉人兼掣州同。○雍正三年議准直隸州州同歸於知縣班內令舉人兼掣補授仍與知縣一例升轉。舉人就教。○康熙九年議准舉人願就教職者



照考定名次以學正教諭用。○二十六年覆准免其

廷試。具呈到部。照科分名次補用。○乾隆七年議准舉人一科不第。如有情願就教及已經揀選知縣情願改教。取具同鄉京官印結呈部。或由本省督撫具呈。咨部註冊補用。與驗看註冊人員同較科分名次揀選。○三十年定在部具呈就教者。按照具呈日期與出缺日期先後。如出缺在先。具呈在後。扣除另選。俟續有缺出。再行選用。

漢軍舉人授職。○順治九年題准漢軍舉人以筆帖式用。○康熙二年覆准漢軍舉人以知縣用。○三十九年覆准漢軍舉人。照漢人例。三科不中願。就知縣者。以知縣用。各項知縣。每選過三班。大班選以十七人為一選。用一人。○乾隆七年奏准漢軍舉人。每科會試榜發後。願就知縣者。不論科分。取具該都統印文。具呈到部。揀選擇其年力富強者。以知縣註冊。按科分名次按班選用。如年力就衰者。以教職註冊。與直隸漢舉人較科分名次揀選。○嘉慶五年議准嗣後

漢軍舉人。於會試三科後。赴部揀選。方准投供候選。○十一年奏准。嗣後漢軍舉人。選用知縣。無論正額人數。是否五十一缺。總以輪屆三周後升班之末。即將漢軍舉人選用一人。○道光二十年議准。漢軍舉人願就知縣者。取具圖結確實聲明。有無就教。如匿不聲敘。一經查出。即將本員及出結官一併參辦。

小京官教職中式留任。○乾隆三年

諭現任教諭會試得中進士。例應歸班者。仍令回原任。以教授銜管教諭事。現任訓導鄉試得中舉人副榜

者。仍令回原任。以教諭銜管訓導事。若該員本班應選時。仍照常銓選。遇卓異薦舉。亦照常升轉。永著為例。○四年奏准。現任內閣中書中式進士。奉

旨以部屬用者。以六部主事補用。○七年奏准。訓導

中式舉人。又經中式進士。歸班者。亦令留任。以

教授銜管訓導事。○又奏准。七品以下小京官

中式進士。除

欽選庶吉士及奉

旨用為部屬。或以知縣即用者。該衙門即行移會到

部開缺。其歸班選用者。令留原任。不必加銜。仍



接算前俸。照現任推升。停其以知縣候選。○十年奏准。現任中書中式進士。奉

旨以部屬用者。先令掣籤分派各部額外行走。歸於五缺後補用。○咸豐九年定。七品小京官中式進士。改庶吉士。散館奉

旨歸原班銓選。如有呈請仍歸七品小京官原班補用者。准其仍回原衙門行走。○十年定。請歸七

品小京官原班。仍回原衙門行走。應以後次到衙門之日起俸。不准接算前俸。○光緒九年定。教職中式進士。以知縣歸班銓選。仍應回任人

員。如呈請開缺。聽候截取。以及教職中式貢士。未經

殿試。呈請先開底缺。均停其論俸推升。

進士舉人知縣改補教職。○原定。進士舉人出身知縣及直隸州州同。到任後不能勝任。如原係揀選

命往者。准該督撫以教職題請改補。俟回籍後。本省咨文到部。仍歸原班。與就教改教之人一體通較。科分名次先後。按班挨選。如原係月選之員。或年力衰邁。或才識庸愚。該員即當於未選之

先。或臨選之際。呈請改教。並令吏部堂官於銓選時。詳加甄別。凡年老才庸之人。即諭令改教。若本人不自度量。必欲銓選知縣等官。及到任後不能勝任者。該督撫或以才力不及。或以溺職。分別題參。不得奏請改補教職。如果有為人謹慎。學問優通者。著該督撫將其應否改教之處。具奏聲明。送部引

見如奉  
旨准行。方以教職改補。歸於月分不入班次。選用進士舉人。未任知縣。於月選引

見之時。奉

旨以教職用者。進士以教授即用。舉人以經制正論即用。以上改補教職人員。俟到任後。果能實心訓課。振興士習。大計之年。及六年俸滿。准與各該教職一體保薦。照例升用。未經保薦者。論俸應升之時。不准升用。知縣止以國子監博士與籍等官升轉。○乾隆十五年議定。由恩拔副榜。歲貢優貢。廩生捐貢。出身知縣。改補教職者。恩拔副榜。以復設教諭選用。歲貢優貢。以經制訓導。復設訓導選用。廩生捐貢。以復設訓導選用。



照進士舉人改教之例分別銓選如原係揀選發往者回籍後咨部各歸恩拔副歲原班選用如係月選得缺之員引

見後不入班次即用訓導例不升用知縣無論已未保薦仍照例以翰林院孔目各省州判府經歷縣丞州學正縣教諭等官升轉○四十三年奏准進士舉人出身之小京官有因親老情願改就教職者准其自行具呈各該衙門移咨吏部奏請改補回籍後本省咨文到部各按出身與改教就教之人通較科分甲第名次先後按班

揆選○四十六年奏准已任知縣緣事應補以及開復到部自揣年力就衰難再膺民社之任准其取具同鄉京官印結具呈吏部奏請改補教職如係一等舉人出身者回籍咨文到部歸於二等舉人班內照例銓選○五十一年

諭嗣後各省知縣除未經得缺到任經派出驗看之大臣及督撫甄別應行改教或該員願就教職者仍照舊例辦理外其已經得缺到任數月後不勝民社者即以原品休致概不准復請改教○嘉慶四年議准嗣後部選人員應令各督撫於該員到任後留

心察看定以半年之限如僅係才具未能開展而學問年力尚可者准其奏改教職若已逾半年及年力就衰仍照例勒休若月選得缺後具呈改教概不准行以杜規避之漸現任知縣奏請改補教職其有情願引

見者該督撫於摺內聲明給咨赴部引見以防考覈不公之弊如不願引

見亦即於摺內聲明○五年議准嗣後部選人員到任後儘屆期該督撫遇有更調不及奏請接任督撫扣限半年該員到任後不由督撫察看自

揣才難勝任呈請改就教職者毋庸定以年限惟察其任內並無貽誤規避情事而學問年力尚堪訓課者准其奏請改教歸於雙單月即用其揀發人員未經得缺僅止試署請改教職者毋庸定以年限既補實缺以後即照部選人員之例限以半年分別辦理○十二年奏准大批一等舉人分發各省試用人員如有情願改教以及督撫奏請改教人員仍俟咨報回籍日期到部再行按班以教職銓補○道光二年

諭御史趙柄奏請慎覈改教以重學校一摺所奏是國



家教化之興由於勸學各省教職得一品端學裕之員盡心化導於士習民風均有裨益近日各省甄別州縣凡才具平庸不諳吏治年力就衰各員率請改教此等衰庸之員即令其司鐸安望其實心化導克稱厥職乎如該御史所奏或因誤公虧項避重就輕或因替人騰缺設法量移特借出身名目藉以見好市恩騰缺量移事無確據亦不可空言妄論而避重就輕市恩見好之處在所不免溯查乾隆五十一年欽奉

聖諭各省知縣已經得缺到任數月後不勝民牧者即

以原品休致概不准復行改教等因欽此煌煌

聖訓永當遵守勿替嗣後各直省督撫於才不勝任之知縣如未經得缺將該員品學尚堪秉鐸之處切實聲明仍酌量奏請改教其實缺人員履任在半年外者才不勝任即概予休致不得因其正途出身率請改教該督撫務各秉公甄別尤不得因有此旨將闕冗各員一味姑容轉致貽誤地方也○九年議定降補知縣人員改補教職應查其原犯案情係因挾妓挾優等事降調及由知縣降調至佐雜等官者均不准以教職改補○十八年定七品小

京官分部學習人員如願改教職者未到部以前准其取結呈明吏部已到部以後學習未滿三年准其自行呈明該堂官移咨吏部並以知縣分發試用之員呈請改就教職者俱按其原考等第名次註冊以復設教諭經制訓導復設訓導三項勒令休致之缺與新拔貢引見以教職錄用之員一體銓選○同治七年議定其各督撫有將居心近利之員奏參改補教職者如係奉

旨允准仍應查明奏請撤銷勒令休致○八年定改

補教職如到任在半年以外未及一月者准其改補教職已及一月者即以原品休致○光緒十年議定奏改教職之員具奏日期在半年以外已及一月經吏部奏請以原品休致之員概不得給咨赴部引

見○十三年奏定各省甄別州縣各官如果別有劣迹控案應即奏參革職不得因係正途出身少為遷就儻僅係難膺民社並非貪劣之員其年力品學實係堪任學官奏請以教職改補應令該督撫詳細聲明毋庸定以半年之限准以教



職各按出身歸於應補班內選用。其甄別在半年以內者。仍按現任州縣改教之例辦理。選拔貢生分部補用。○乾隆四十三年奏准各省選拔貢生。

朝考後揀選一二等引

見以部員用者。令其赴吏部掣籤。分派各部在七品小京官上學習行走。給予正俸。以到部行走之日起。扣滿三年。該堂官確切考覈。如果行走勤慎。留心部務。准其奏明留部。授為七品小京官。食俸辦事。儻於部務未能請習。即奏明咨部。仍

以直隸州州判。復設教諭三項。聽其就職銓補。至給銜留部之員。歷俸又滿三年。該堂官復加甄覈。果能始終奮勉。熟悉部務。即遇有本部主事缺出。保題升用。其或行走平常。亦即據實奏明。以各衙門之正從七品小京官。內閣中書酌量改補。吏禮二部例用進士出身之人。分派學習之拔貢。如若扣除。未免壅滯。吏禮二部一併分派。年滿後果能稱職。一體准留部以主事升用。○五十五年奏准。嗣後拔貢分部人員。三年期滿。奏明留部。授為七品小京官。再食俸三年。

果能熟悉部務。准其作為額外主事。再滿三年。果能始終奮勉。方准作為報滿主事。與各項報滿人員一體統較。先後補缺升用。○嘉慶十二年奏准。選拔貢生於

朝考後揀選一二等字樣。改為

朝考錄取一二等。○咸豐二年議定。已經授為實缺七品小京官人員。有捐免歷俸者。以初次報滿之日起。扣滿半年。准奏留作為額外主事。候補捐納考敘人員。中式進士舉人。○乾隆四十年奏准。候補內閣中書中式進士。奉

旨歸班銓選。並中式之後。改授庶吉士。散館奉

旨歸班選用者。俱仍歸中書原班銓選。俟有缺出。歸於進士班內。以次補用。若遇舉人到班。亦准其按照考取名次。仍歸舉人原班補用。各項捐納考職議敘人員。中式進士歸班。及中式舉人。有願就原班選用者。候選之學正教諭訓導。准照現任教職中式之例。加銜管事。停其論俸推升。俟該員進士舉人本班截取應選時。仍照常銓選。如經卓異薦舉。亦准其歸卓異。即升班內。照銜升轉。其候選之州同。州判。縣丞。鹽庫大使。及



司府首領等官俱照七品以下京官中式各按本班推升之例辦理。停其知縣候選。州同以下各異選法不同是以不得照教職之例加銜管事。以上願就原班候選人員在京取具六品以上京官印結具呈投部。在外由本籍督撫咨部均免其註銷原職。不願者仍專歸進士舉人本班截取赴部候選。○嘉慶十二年奏准捐納分發試用訓導未經期滿以前中式舉人俟本員請就原班咨報到部後方准照例甄別報滿咨部註選。○十九年奏定候補內閣中書中式進士奉

旨分發各省以知縣即用呈請註銷知縣仍歸中書原班銓選歸於進士班內補用舉人到班亦准按照考取名次歸原班補用。○道光六年奏定各部額外主事候選國子監學正學錄中式進士奉旨分發各省以知縣即用及歸班銓選人員如有呈請註銷仍歸原班者各部額外主事准其仍歸主事原班上學習行走候選國子監學正學錄仍歸學正學錄考取原班按考取名次先後銓選其候補內閣中書仍歸中書原班俟有缺出

考取者歸於進士班內以次補用。若遇舉人到班亦准其按照考取名次仍歸舉人原班補用。捐納者仍按其捐納名次補用至候補中書中式進士改授庶吉士散館奉

旨歸班選用人員呈請仍歸中書原班銓選者亦即照此辦理。○十六年定新進士內有由捐納候選及分部學習之郎中員外郎主事等官中式者除奉

旨另行授職外如奉

旨歸部即選止准歸於捐納本班儘先選用。不得統壓別班。

如奉

旨以本衙門員缺即補止准以本項選缺儘先補用不得奏補題缺。○咸豐十年

論嗣後由部員中書中式進士以知縣用呈請改歸原班仍准行惟改歸後不准截取外用捐輸分發。若得有京察一等記名者由吏部專摺具奏並知會軍機處於名單內黏籤註明至由部員中式以中書用由中書中式以部員用俱不准改歸原班以杜取巧。○又定由候補內閣中書中式進士奉旨仍以內閣中書用者按中式進士科分名次歸於



進士班內以次補用。如進士尚未到班。其舉人原捐資深原班到班。仍准按資序補。如奉

旨。以內閣中書用者。呈請仍歸原班。准其仍歸原班。

接算原資。按班序補。如未呈請。仍歸原班。按照

中式進士名次。照例補用。不得接算原資。○同

治七年奏定。各部郎中員外郎。主事各官中式

進士。奉

旨。以主事分部學習。有呈請改歸原班者。即據呈代

奏。如奉

旨。准其改歸原班。仍接算從前行日期。

欽定大清會典事例卷七十三

吏部

除授舉人揀選 舉人大批

舉人揀選。○原定。舉人會試下第後。願就選者。

考授推官。知縣。通判等官。○順治九年。議准。會

試三科為限。以推官。知州。知縣。考用。○十二年

題准。福建。廣東。四川。湖南。地方邊遠。不拘科分。

即准揀選。○十五年。議准。廣西。舉人。亦不拘科

分揀選。○又

論直隸近省舉人。以會試五科為限。方准揀選。○十六

年題准。以推官。知縣。考用。○康熙三年

論停止揀選。○九年。議准。舉人揀選。仍照舊例。除四川。

廣東。廣西。福建。湖南。雲南。貴州。遠省。不拘科分

外。直隸近省。舉人。會試五科後。准其揀選。俱以

知縣用。○十年。題准。舉人。考定職銜。未經選授

及已選教職。願就試者。仍准其會試。○三十年

覆准。舉人揀選。改於四月十五日考試。○三十

七年。覆准。嗣後。揀選舉人。除雲南。貴州。四川。廣

東。廣西。福建。湖南等省。仍照舊例。外。直隸等近

省。舉人。俟會試三科不第後。有情願揀選。知縣







旨賞給。遇會試後挑選之年。本人情願得受京銜者。令其自行呈明。揀選王大臣查其實在年歲。開列清單。奏明請

旨。交部分別掣給職銜。如年在八十以上者。以六品之都察院都事。經歷。大理寺寺丞。光祿寺署正。四項京銜掣給。七十以上者。以七品之大理寺評事。太常寺博士。國子監監丞。中書科中書。四項京銜掣給。如六十以上。及雖未六十。而驗看實係衰頹者。以八品之國子監學正。學錄。翰林院典簿。國子監典簿。四項京銜掣給。此項人員

即毋庸入於截取之內。再會試後各省舉人挑選引

見。分別以知縣教職錄用。每於會試舉人雲集之時。吏部將每次挑發之人。已未用完若干。查明具奏請

旨。將應否挑選之處。候旨遵行。○三十四年

諭。嗣後督撫驗看截取舉人。著實心辦理。如衰庸難膺民社者。即著陳奏。其有自不服老。情願引見之人。著督撫照大計六法官例送部引見。候朕臨時定奪。著

為令。○五十二年

諭。各省舉人教職。由本科截取銓選。知縣例應該督撫驗看。其不勝民社者。隨時奏明。改為司鐸。或仍留本任。於澄敘官方之中。仍寓體恤寒畯之意。在各省督撫受朕簡任。身為封疆大吏。於驗看時。本應悉心甄別。秉公辦理。不致徇情受賄。任意愛憎。俾才具衰庸者。得以濫等。而年力尚堪驅策者。轉致屈抑。但思舉班選用。知縣需次多時。人人各思自效。一經督撫驗看。不勝民社。遽停其銓選。未免心懷缺望。妄生訾議。究不足以服人心。而昭公當。嗣後直省舉人教職。由

本班截取。知縣經該督撫驗看。難勝民社。如該員不甘就教。情願赴京引見者。仍著該督撫照例給咨送部。候朕鑒定。其或因路遠。跋涉維艱。不能赴京者。准其赴鄰省督撫呈明。覆加驗看。僅係年力未衰。原驗督撫果有不甚確實之處。即由鄰省督撫奏明。再行給咨送部引見。以示朕用人行政一秉至公。即微員亦不使稍有向隅至意。○五十七年議准。舉人截取。知縣除自揣不勝民社。呈請就教。及大挑一等。呈請改歸二等者。不准截取外。如係報捐教職人員。原係急公報效。與自揣不勝民社者不同。



仍應按照科分名次准其截取。○嘉慶五年奏准嗣後教習舉人年滿以教職用者無論已選未選遇本班截取時俱准一體截取。○又定凡舉人有親老及志切觀光具呈就教未經改入捐班者均不准截取。○七年奏准各省鄉試年老奏明

欽賜舉人並會試年老特恩賞銜人員概不准其截取揀選就職。○十二年奏准

召試

欽賜舉人於會試後唯其呈明揀選就職歸於各本年科分之後註冊一體截取選用。○十八年奏定各項就教及業經加捐各項職銜人員均不准截取。○十九年定各省舉人於每科會試榜後具呈吏部揀選如年力就衰以教職註冊。○道光十八年定現任教職例應截取之員輪屆本科應選時行文截取凡係自揣不勝民社呈請就教並現任教職註銷俸滿保薦仍留本任以及由舉人出身之教職降補訓導均不准截取。○二十年定各省舉人分別遠近省分科分

於每科會試榜後概令取具六品以上同鄉京官印結有無就教確實聲明親身具呈吏部揀選如有就教人員呈請揀選印結內匿不聲敘一經查出即將該舉人及出結官一併參辦。○二十三年定舉人知縣除本班應俟截取外其有先由謄錄教習及俸滿教職得有知縣並恩拔副貢生充補教習得有知縣後復中式舉人者查其銓選班次不止一項准其註銷一途專歸一途投供候選其有本科截取到班尚未輪選得缺者仍准其歸入截取本班免其回籍驗

看重取文結概令取結赴部呈明投供候選。○又定舉人截取查其曾否就教及有無別項不合例事故令據實呈明其有年力尚健堪膺民社者給咨赴部悉照科分先後銓選。○咸豐三年奏定舉人挑選二等教職及四項閒選教職截取時一體按照科分名次截取。○五年議定截取舉人如因留京會試適屆截取准取具同鄉京官印結赴部驗到均由欽派驗看月官大臣詳加察看或以知縣用或以教職用之處秉公酌擬交吏部附入月官人員之



未帶領引

見恭候

欽定內有現任教職裁取各員引由部給發執照仍

任回本其以知縣用各員取結赴部投供候選照

科分先後揆選○九年定截取人員情願就教

者准其在本省呈改停其給咨赴部其裁取以

知縣用者自奉

旨之日起扣足二年准其隨時取結呈請分發省分

試用有願捐指省者於未掣籤之前照例報捐

○光緒六年奏定補科中式舉人以補行年分

為斷查補行時係鄉試正科年分即歸本省鄉

試正科較名次先後截取

舉人大挑○乾隆二十九年

諭明歲丙戌春闈各省舉人雲集當於會榜後特派大

臣分別挑選引見量其年力才具及時錄用其有科

分已深非因丁憂事故自分年老才庸不願赴京會

試者亦聽其自便其作何給予職銜如何挑選錄用

及選班中更有如何可以疏通之處著大學士九卿

會同詳議以聞副朕體恤寒峻及時登進羣才至意

○三十七年

諭前於乾隆三十一年丙戌科會試曾降旨分別挑選

各省舉人以疏壅滯閱今已逾六載業經加恩降旨

於本年春闈後照例舉行但思前次挑選所有新中

舉人不應遽行入選者止扣除切近兩科而派出之

王大臣等於驗看時多取年力精壯之人是入選者

仍係近科舉子為多其科分較陳者仍致艱於與列

豈朕設法疏通本意自應再為參酌使官人造士並

得其中方為允協今計切近兩科如庚寅辛卯年分

竟與本年直接即推溯至戊子乙酉兩科距今亦不

過五年七年舉子半屬年富力强所歷科分未久自

會試中式以及中書學正學錄及教習膳錄等項皆

可資以進身較之乾隆初年舉人覈計懸隔三十餘

年者實屬相去霄壤若概與甄錄甚非情理之平此

次選挑著將乙酉戊子庚寅辛卯四科舉人均行扣

除王大臣等就應挑各科舉人內量其鄉科較深而

人材出色可用者列入一等以備分發各省試用俾

得及鋒自效無憾久淹其科深而才力不致近衰堪

勝司鐸之任者即予列入二等以教職銓選補用俱

照例引見候旨定奪其按省酌定人數俱照上屆例

行○嘉慶五年



諭各省舉人自乾隆六十年乙卯

恩科大挑後至明歲會試又閱六載著於辛酉科會試

後大挑該部屆期查照向例奏辦○又

諭大挑各省舉人業經降旨於明年會試後舉行原以

疏通寒畯及時自效俾各省膺民社者多讀書人於

吏治民生實有裨益近年定例將近四科舉人扣除

不挑是應挑者皆係遠科恐人數過少難以甄錄若

將近科概行與挑又恐挑取者多係新進而科分較

深者仍致淹滯所有明歲大挑舉人著將近年乙卯

戊午庚申三科舉人扣除其甲寅以上各科舉人俱

准一律與挑○六年

諭吏部議駁御史濟蘭條奏大挑舉人酌改章程一摺

已依議行矣朕在藩邸時曾蒙

皇考簡派與成親王永理及大學士阿桂劉墉等一同

挑選彼時朕與成親王坐位在前即係與眾大臣公

同商酌以定去取從無獨出意見之事目今派出之

王大臣等自不敢意存專擅如果挑選時派出居首

之一二人並不與他人參酌現有御史在旁原可據

實參奏儻竟有囑託等事訪查得實亦無難列入彈

章何必更易舊規始能剔弊若如該御史所奏令派

出之王大臣於名冊內各註記號挑畢後另派親信

大臣會同拆看始定去留挑額不敷再將此記圓圈

彼記尖圈之舉人另傳覆看如此煩擾周章成何政

體設覆看之大臣亦不可信又將簡派何人乎該御

史又請每排不必豫定額限亦屬非是歷來挑選每

排以十人為率無論遠近省分皆挑十分之五一等

者二人二等者三人按科分名次均勻選擇方有限

制若不按排挑取轉得前後任意通融更滋物議該

御史所奏皆斷不可行至大挑舉人原為疏通寒畯

以免淹滯其中年力精壯者自應列為一等俾得及

鋒而試即年齒稍長而年力未衰亦可與民社之選

若年力近衰之人則應列為二等俾膺司鐸以遂其

讀書上進之願惟派出之王大臣等仰體朕意秉公

選擇自必與論翕然不在多為條例將此通諭知之

○又奏准大挑一等分省試用之員中式進士

引

見以京職錄用者部屬未經掣籤分情願仍就大挑

一等分發試用准其呈明吏部將京職註銷令

赴所掣省分統較科分名次先後補用其挑取

一等知縣籤掣省分後嗣經中式進士引



見以知縣即用者即用知縣未詳情願仍歸大批知縣原班亦准其呈明吏部仍赴省分試用按照科分名次先後挨補均照例甄別○十二年

諭各省舉人自嘉慶六年辛酉科大批後至明歲會試又閱六年著於戊辰科會試後大批照上屆之例將近年辛酉甲子及本年丁卯三科舉人扣除其庚申以上各科舉人俱准一體與挑該部屆期查照向例奏辦○十三年

諭各項揀選人員前經該部奏定新例如欽派大臣內有與應行挑選之員係屬姻親宗族即令赴挑者迴避本年大批在即各省舉人現俱齊集候挑不下三千數百人若派出挑選各部院大臣有姻親宗族即將該舉人迴避不准與挑未免向隅但一體免其迴避又與現行之例不符著吏部於查取堂銜奏請簡放以前先行知照各部院大臣等如赴挑人員內有係姻親宗族者該部扣除毋庸開列○又

諭近年各省分發知縣班次較多前次挑發人員尚有未經補用者若此次仍照舊挑發恐需次多時轉形壅滯朕於藩邸時兩次親理挑務其分別一二等舊額向所深知所有此次大批舉人著於每兩班二十

人內挑取一等三名二等九名以示體恤寒峻至意○十八年

諭吏部奏各省舉人自十三年戊辰科大批後至明歲甲戌科已閱六載應否舉行挑選請旨等語各省舉人從前

皇考高宗純皇帝加恩寒峻特予大批俾多士及時自效朕親政以來每閱六年按次舉行惟現在分發各直省者為數過多該舉人等挑選以後補缺無期省垣需次資斧維艱此次若再照例挑選發往更形壅滯非所以體恤寒士之意所有明歲大批著暫緩一科於丁丑科會試後舉行並著嗣後每屆四科奏請大批一次仍照例扣除近三科舉人俟各省挑往人員漸次疏通該部即奏明再行照舊辦理○十九年定會試後各省舉人挑選引

見分別以知縣教職錄用吏部於每科會試前查明上次大批之後如已閱六年將應否再行挑選具奏請旨如奉旨挑選將近三科之人扣除由吏部奏請欽派王大臣揀選俟



派出後即日秉公挑取其應挑之人各按省分每排  
十名挑選一等二名二等三名○又定曾經挑  
入一等分省試用之員旋因中式進士欽奉  
特旨以京職錄用者如情願仍就大挑一等分發試  
用准其呈明吏部註銷京職令前赴所掣省分  
與大挑一等人員統較先後補用○又定各省  
舉人未經起文及未經取具印結會試者不准  
挑選未挑以前各舉人將年貌籍貫三代科分  
名次有無就職加捐詳細開明履歷赴部投遞  
吏部咨取貢院點名冊逐一覈對其冊內有名  
或臨場患病及迴避未經入場者均准挑選○  
又定挑選舉人內各項候補候選教職均於單  
內註明止挑取二等其呈請註銷候補候選教  
職亦止准挑取二等○又定教職終養並病痊  
候補例應坐補原缺人員不准挑選○又定各  
省舉人未經先期呈明赴挑經吏部奏請  
欽派挑選時始行呈明與挑者概不准行○又定舉  
人年至六十以上及雖未六十自揣年力就衰  
願得京銜者於挑選時呈明由王大臣驗看交  
部辦理准其給銜或於未經掣籤以前赴部呈

請亦准其給銜○又定各省丁憂舉人早經服  
滿及扣至會試場期以前始行服滿者其文結  
一時未能到部准其取具同鄉京官印結呈明  
會試此項舉人准其一體與挑○又定捐納候  
選小京官及正佐各官並已經傳補之謄錄教  
習均不准其予挑其有在奉  
旨大挑以前呈請註銷者始准挑選○又定各省現  
任教職均不准挑亦不准註銷現任呈請挑選  
如係例准截取者若在奉  
旨大挑以前呈請註銷准其兼挑一等如呈請就教  
未經加捐者無論何時註銷止准挑取二等○  
又定各省舉人內有先由各項貢生就職考職  
議敘候選佐貳教職等官並由廩貢生捐納訓  
導候選者嗣經中式舉人如呈請仍歸原班係  
候選教職者准其挑選二等候選佐貳等官不  
准挑選其中式舉人未經具呈者原班已斷准  
其挑選○又定各省舉人曾經  
賞給京官銜並鄉試時年至七十八十以上奉  
旨賞給舉人者均不准挑選○又定挑選一等舉人  
如自揣不勝知縣者准其呈請改入二等若掣



定省分之後不准呈改。○又定大批一等舉人引

見後籤掣各省發往試用。照月選官之例。知會河南道滿漢御史。公同監視。以昭慎重。○二十一年定。挑選二等以教職用者。截取時按照科分名次。截取其應行截取之現任教職。未經赴部。又經俸深截取。或俸深截取。又屆本科截取人員。俱令投供候選。如願在任候升者。無論何項。截取在前。本員呈明督撫咨部。歸於俸深班內。在任候升。○二十二年

諭大批舉人。原以疏通寒畯。近來各省分發人員。漸覺壅滯。昨經大學士會同吏部酌議章程。量加調劑。朕思南河東河北河三處河工。亦需員差委。若於此項大批一等人員內。分發試用。俾之學習河務。以河工之繁簡。定人數之多寡。既可策勵人材。亦可疏通額缺。其應如何酌定員數。並試用甄別限期及補用缺分章程。著吏部詳議具奏。欽此。遵

旨議定。發往河工人員。於挑定一等人員內。復加揀選。年力強壯。堪膺驅策者。揀選六十員。籤掣發往試用。南河三十員。北河十員。東河十員。○道光五年定。業經揀

選以知縣註冊之各省舉人。於會試三科後。由各省督撫專咨報部。投供候選。遇各省請揀知縣一體入挑。如已挑取二等。及呈請就教人員。不准投供候挑。仍俟截取後。照例銓選。如在部投供之員。適屆本科截取。免其回籍請咨。准其取結註冊。投供候選。○又定。滿洲蒙古漢軍舉人。於會試後。挑選引

見分別以知縣教職錄用。滿洲蒙古舉人。挑取二等者。無輪選教職之缺。應以

科甲小京官等。○六年定。大批一等舉人引

見奉

旨以教職用。不准截取知縣。○又定。滿洲蒙古漢軍文舉人。凡現任官員。並候補候選。正佐各官。以及非科甲額缺之雜項小京官。各項筆帖式。內閣貼寫學習。各項中書。概不准挑選。其候補候選等項。在奉

旨。大批以前註冊者。准其挑選。以後者。不准予挑。○又定。滿洲蒙古舉人出身。已歸候補候選人員。例止專用。國子監監丞。博士。典簿。詹事府主簿。光祿寺署正。翰林院典簿。科甲小京官額缺。及間散舉人。考取國子監助教。京府教授者。均止准挑取二等。其候補候選雜項



小京官筆帖式中書兼選科甲小京官或考取助教京府教授者與專選科甲小京官不同不准挑選。至間散舉人考取助教教授之員如在奉

旨大挑以前註銷者准兼挑一等。○又定漢軍舉人由議敘捐納候選教職並由候補候選教職續經中式舉人具呈仍歸原班者止准專挑二等如在奉

旨大挑以前註銷者准兼挑一等。此內如係自揣不勝民社呈請就教後經捐納議敘及外任甄別

改補教職雖經註銷亦止准挑二等。○又定滿

洲蒙古漢軍捐納議敘佐貳雜職等官續經中式舉人其原班例應查銷准予挑選如有呈請仍歸原班銓選者仍不准挑其候補騰錄教習未經傳補者准其挑選已經傳補實缺者不准予挑其補缺後告病或告假開缺銷假候補者亦不准挑選。至例應分別坐補原衙門原缺之候補科甲小京官教職概不准挑。○又定各省駐防滿洲蒙古漢軍舉人各按科分名次歸於在京之滿洲蒙古漢軍舉人某科某名之後一

體予挑。○又定挑選一等之滿洲蒙古漢軍舉人如有自揣不勝知縣之任情願改入二等者准其呈改呈改後不准再行選用知縣。○又定雲南貴州舉人每屆大挑年分掣定省分後即將挑取一等人員名單咨送兵部查覈。○七年定年老舉人不勝民社教職之任請給京銜者不拘定會試年分准其在部呈請。○十三年定大挑二等及業經就教各員均不准其赴部投供候挑。○二十年定就教舉人挑取二等者不准截取知縣。○又定捐納候選等項教職如註銷已在大挑奉

銷已在大挑奉

旨之後亦止准挑二等。至僅係具呈就教未經加捐及由就教加捐之人概不准註銷。○咸豐十年議定南河總督員缺業經裁汰其大挑知縣應挑河工三十員一律停止發往。○又定大挑一等各省舉人引

見奉

旨以知縣錄用人員內除呈請改歸二等教職外應覈計錄用人數按各直省已到省未經補缺大挑知縣多寡均勻配籤統掣分別赴省截留並







行走日期一併詳細聲敘以備查覈。○嘉慶五年奏准嗣後捐納分發各衙門學習主事人員均俟行走三年期滿之後如果留心辦事准各該堂官隨時奏留與各項奏留人員一體統較先後補缺其未經三年期滿之前豫行奏留並奏補實缺者概不准行。○六年奏准漢廕生及漢軍廕生候選主事令其先行掣籤分部學習。○九年奏准進士教習期滿候選主事令其先行掣籤分部學習。○十年議准凡捐納主事分部期滿奏留人員輪屆頂補時仍與報滿在後之進士分部人員遇缺相間補用。○十二年奏准各衙門題補主事遇有缺出將學習期滿進士進士學習期滿仍各按科分甲第名次已授額外主事又經報滿之選拔貢生並捐納議敘及教習期滿主事廕生主事俱自期滿奏留之日為始廕生學習期滿按題後先。○十六年定各衙門題補主事其由正途出身分部曾經奏留尚未補缺降革捐復仍回原衙門行走者以後次到部之日為始作為候補之員如捐納分部未經補缺降革捐復仍回原衙門行走者以後次到部之日另扣三年再

行甄別奏留補用。○又定捐納人員應按奏留日期先後如同日奏留者計其實在行走年分淺深為序如奏留及行走日期均同者以原捐名次先後補用如非同案報捐而同日奏留行走日期均同者由各衙門堂官掣定名次先後補用。○道光五年定捐納出身由議敘分部漢軍捐納筆帖式等議敘額外主事分部之類未經補缺人員緣事降革援例捐復原官者亦令其仍回原衙門行走無論該員從前曾否期滿奏留俱以後次捐復到部之日起扣滿三年甄別奏留補用如期滿未經奏留捐納分部之員歸於原捐班次選用其議敘分部無原班可歸者照實缺人員捐復之例酌量歸於實缺人員捐復之後選用。○十三年定各部保送揀發河工學習之候補主事於尚未差竣之先仍按原到部行走期滿之日各按各部比較日期先後先行題補俟差竣補行引見。○十六年定郎中等官捐納分部續經中式進士奉旨以本衙門員缺即補者止准以本項選缺儘先補



用不得奏補題缺。十九年定各衙門學習期滿主事各項留部之員無論奏留先後總以學習期滿之日為斷俟奉

旨准其留部後即行知照吏部以期滿日期註冊遇缺挨次補用其有業經期滿尚未奏其咨報吏部文內並將該員何日期滿及該衙門何日奏留各日期詳細聲敘以備查覈如有未屆期滿

該堂官及承辦司員照例議處光緒十二年定各部主事學習期滿部務未能請悉再行學習三年作為期滿者俟奏留後按後次期滿之日計算。又定

學習期滿進士同日期滿行走並無間斷者按科分甲第名次先後補用。又定七品小京官已授額外主事又經報滿之候補主事捐納議

敘並教習期滿主事廩生主事俱自期滿之日為始廩生主事內如有同日期滿行走並無間斷者按題廢先後補用題廢又復相同按題疏名次又定現任小京官奏明留部升用

人員以奏准之日為始應升主事之各項小京官俸滿裁取內用遵例捐足三班驗看分發籤掣部行走者此項人員專以應留選缺請補毋庸奏留以該員到部之日為起扣滿半年准其

作為奏留補用人員

軍機章京及刑部提牢廳人員議敘補用班次

軍機章京及刑部提牢廳人員議敘補用班次

○道光十九年定嗣後奉

旨指明以何衙門補用及軍機處保奏以主事分部

補用各員以該員等到部之日與提牢年滿之日比較先後補用其原係本衙門候補後經軍

機處保奏即補者以該員保奏奉

旨日期與提牢年滿議敘儘先補用日期比較先後

補用。同治九年定欽奉

特旨補用及奉

旨指明以何衙門補用之員均係

特用人員除遇題缺應與正途資深人員均由該堂

官察看才具酌量請補外如遇選缺與提牢議

敘人員照例先儘補用提牢年滿人員遇有題缺仍准照例先儘補用

其序補先後奉

旨以何衙門補用之員以到部之日與奉

特旨補用及提牢年滿議敘奉

旨日期比較何項在先即以何項先補均不積各項

班次之缺至保奏無論題選咨留補用人員應

俟

特用人員與提牢年滿議敘無人方准補用

副榜恩拔歲優各貢授職。原定各省學政歲

副榜恩拔歲優各貢授職。原定各省學政歲



科考竣會同巡撫將恩拔副榜與歲貢傳齊驗看彙冊送部註冊副榜照科分名次恩貢拔貢歲貢照年分先後係同年者由部遇缺代為掣籤副榜恩拔均以復設教諭用歲貢以訓導用○康熙二十六年覆准捐納歲貢以復設訓導用○雍正元年

諭直隸各省教職等官乃專教士子之人今准捐納以致文理不通少年反為學問優長年高齒長者之師可乎伊既捐納應照伊品級別任補用之處交與該部議奏欽此遵

旨議定嗣後各省教職除正途照舊選用外其由生員捐納貢生者教諭以縣丞改用訓導以主簿改用○三年

諭捐納教職人員內有由廩生出身者原通文理著照舊以教官用欽此遵

旨議定廩生捐納歲貢照捐納日期先後以復設訓導用○又議准直隸州州判漢軍令該旗都統漢人令各該督撫將恩拔副榜貢生揀選年力富強者造冊送部遇有員缺掣籤補授調取來京引

見與學正教諭較俸升轉○乾隆五十年議定恩拔副榜就職直隸州州判得缺後行文各該督撫驗看除年力衰庸者咨明開缺堪以供職之員照例給憑赴任免其赴部引

見○嘉慶十九年奏定拔貢來京朝考未經錄取及恩貢副榜歲貢優貢生遇鄉試之年有在京應試者准其取具同鄉京官印結具呈就職就教分別註冊選用如非鄉試之年不准就職就教○道光四年定各省保薦優行生員准作貢生願就教職者亦照歲貢之例由學臣會同巡撫

傳齊驗看咨部附於本年歲貢之末選用○五年定滿洲蒙古恩貢拔貢副榜貢生准其就職與漢軍漢員通較年分先後選用滿洲蒙古無缺不准○二十三年定優貢就教人員附於本年歲貢之末以經制復設訓導選用係同年者籤掣名次選用貢生肄業期滿○雍正八年覆准恩拔副榜歲貢生肄業三年期滿使充教職給發執照回籍候選○乾隆二年覆准在監肄業恩拔副榜貢生三年期滿如其中果有學問優深人品卓越



春令該監秉公薦舉引

見請

旨其餘循謹之士堪任訓迪者咨部以復設教諭選用如本班項選仍歸原班選用歲貢肄業期滿咨部以復設訓導選用本班項選者亦仍歸原班選用各省保舉優行生員准作貢生者照歲貢肄業期滿歸於各本年歲貢分內以復設訓導用肄業貢生選用教職各照期滿日先後按選班次詳載月選外如遇考職之時一同咨送○嘉慶十二年奏准候選訓導之歲貢生及年老鄉試

欽賜舉人仍准其於訓導到班時一體銓選○又奏准恩拔副榜歲貢優貢生就職及教習肄業例選教職人員後經中式舉人副榜由本籍呈明並在部具呈願改原班銓選者無論從前曾否就職統以後次咨報具呈註冊仍歸原班銓選○又奏准國子監肄業期滿之恩拔副歲優貢生候選教職人員如有情願註銷肄業仍歸各本班就教銓選者准其具呈吏部仍照科分名次選用○道光四年定恩拔副貢生在監肄業期滿以教職用者歸於肄業班內照期滿日期

先後以教諭選用優貢歲貢肄業期滿亦照日期先後均以復設訓導選用如係本班項選之員仍歸原班銓選○二十三年定康生捐貢肄業期滿照歲貢之例一體咨部以復設訓導較日期先後選用如遇考職年分亦照歲貢之例一體咨考○又定恩拔副歲優貢生就教及充補教習教職並肄業期滿候選教職各員中式舉人後又經挑取二等情願註銷二等歸原班銓選者均准歸於原班銓選其未經就教之副榜中式舉人及恩拔歲優貢生中式舉人副榜如願歸原班就教者亦准歸原班選用均照例兼銜管事

貢監考職○原定貢生監生考職一例以州同州判縣丞主簿吏目錄用○雍正六年議准貢監生考職照科場式例漢人取其地方官文結漢軍取具本旗印結及國子監肄業咨文到部將原捐執照呈驗並將年貌履歷三代籍貫投具親供取具同鄉京官主事以上印結及同考五人互結由部奏請

欽點大臣閱卷並滿漢御史二人本部滿漢司官各



二人點名給卷編列字號分坐如有包攬代作等弊該御史即行查叅○乾隆元年議准恩拔副榜歲貢生除本人已就教職及直隸州州判仍歸原班選用毋庸赴部考試其願就佐貳者准其照例考試恩拔副榜貢生考取一等者候選州同二等者候選州判三等者候選縣丞歲貢生考取一等者候選主簿二等者候選吏目入於雙月一應一捐之後選用二人均按考案年分名次均令在籍候選未經選用之先遇鄉試之年照舊聽其鄉試考取之後有願就教職者仍准

以教職用○三年奏准捐納貢監生照歲貢之例分別等第以主簿吏目考取貢生考職均不論起貢年分監生捐納未滿三年不准收考○又奏准貢監考職嗣後於鄉試之年定期五月內考試文結務於三月內到部其漢軍本旗印結及國子監咨文仍照舊例辦理○七年

諭國家定制漢軍人員俱歸併漢缺一體錄用其另置有漢軍額缺者雖選用之法微有不同亦仍由漢軍升轉惟外官主簿以下等微員舊例不用漢軍故貢監考職至縣丞而止嗣後漢軍貢監應一體准其考

取主簿吏目等職銜有願改降各項雜職者亦准改降其如何另立班次分別銓選之處該部酌議具奏  
欽此遵

旨議定漢軍歲貢及捐納貢監生亦照漢人之例准其以主簿吏目考取有願改降雜職者亦准改降主簿告降准以吏目用吏目告降從九准以巡檢等官用告降未入流准以典史等官用其改降人員不准遞行告降○九年奏准貢監考職務擇其文理優通者酌量錄取任少毋濫文不入選者不錄○又

諭嗣後除文武鄉會試並考試童生仍在貢院外其餘各項考試著照從前午門等處朝考舊例辦理仍於取錄之後再行嚴加覆試○十二年議定考職貢監應扣限期滿日方准咨送考試恩貢及廩生副榜扣滿六箇月增附生副榜及歲貢扣滿八箇月廩生拔貢及廩生捐貢扣滿十四箇月增附生拔貢及增附生捐貢扣滿十六箇月俊秀捐貢及四品廩監生官學生考取監生扣滿二十四箇月監生計其捐監月分扣滿三十六箇月連閏計算年分未滿不准收考考取之後未經



得缺以前照舊聽其鄉試。○二十二年議准考職州同州判主簿各指名截取十人。縣丞吏目各指名截取二十人。行文各該省督撫府尹詳晰驗看。嚴加甄別。如係年力衰庸者。咨部停選。其年力精壯堪供任使者。造具年歲清冊。並取地方官印甘各結。送部照班挨選。○三十四年議准。嗣後各項考試。人數在五十名以內者。仍照舊在

午門內考試。若人數在五十名以外者。於聚奎堂排清號次。列坐考試。以重關防。○五十六年奏

准考職之人。未選用者。共千餘員。毋庸三年一次增加。將來不敷錄用。臨時斟酌具奏。○嘉慶四年欽奉

恩詔。所有八旗漢軍及各省貢監生。准其考取職銜。遵旨於五年鄉試之前考取。其考試銓選等項。均照舊例辦理。○又奏准如係

特恩考試。其各項貢監生在

恩詔以前者。毋庸扣限。○道光五年定。滿洲蒙古考職人員。除監生拜唐阿。不准考試外。其考職等第職銜銓選班次。悉照漢軍之例。統入於漢人

班內。較考取先後。歸於雙月四選一升內。選用一人。滿洲蒙古漢軍優貢生。捐納貢監生。官學生及算法官學生。考中監生。考取一等者。以主簿用。二等者。以州吏目。照考案名次。另立一班。歸於雙月四選一升之後。選用一人。一併令其在旗籍候選。毋庸赴部投供。滿洲蒙古人不准就供。考職各項領照限期。○乾隆五十六年奏。准各項應給執照。在部之貢監考職肄業期滿。各館議啟。騰錄供事。俱於奉

旨文到之日。為始限一月內。取具同鄉京官印結。赴部祇領。至在京各衙門役滿書吏。於文到之日。查明合例。將執照封發。著役衙門限一月之內。給發。各省捐輸議敘。在外役滿書吏。於奉

旨文到之日。查明合例。即將執照封發。各省督撫轉發該管地方官。限兩月之內。傳令本員驗明。給發。如有違限。即將執照繳銷。應銓選者。停其銓選。應給予職銜頂戴者。一概查銷。其在京在外。給發執照。俱取具本員親領甘結。年終彙冊報部查覈。廢生錄用。○雍正元年。覆准尚書給予一品官



廕生以員外郎用侍郎給予二品官廕生以主

事用總督與尚書同巡撫與侍郎同。七年議

准正一品官廕生以員外郎治中用。治中光緒元年裁

從一品官廕生以主事用正二品官廕生以主

事都察院經歷京府通判用從二品官廕生以

光祿寺署正大理寺寺副用。寺副乾隆十七年裁正三品

官廕生以通政使司經歷太常寺典簿中行人行

司乾隆十年裁評博兼用從三品官廕生以光祿寺

典簿鑾儀衛經歷詹事府主簿京府經歷用四

品官廕監生與捐納貢監生考職者一例考定

職銜入於應選班內分缺輪班選用。乾隆四

年奏准漢廕生引

見除奉

旨外用及照例內用者均毋庸分部外其有奉

旨指出以何部員缺補用者即令其赴該部行走俟

有員缺該堂官題補未補授之前給予單俸。

七年奏准左都御史職掌與尚書同其廕亦同

○三十四年

諭大臣子孫子廕為國家推恩令典亦所以酬獎勤勞

渥澤所加自宜覈實嗣後子爵子廕著照三品例議

給男爵子廕照四品例議給其如何授以官資者詳  
細妥議具奏欽此遵

旨議定漢世職之子爵既改廕三品應照正三品例給

廕以中書科中書大理寺評事太常寺博士典

簿通政使司經歷外縣知縣等缺選用男爵照

四品例廕監仍與捐納貢監生考定職銜歸於

應選班內分缺輪班選用。嘉慶四年奏准四

品官廕監生應請一併考試其文理優通者以

縣主簿州吏目二項考定職銜入於捐納貢監

生考職分內分缺輪班選授。六年奏准漢軍

漢人二品官廕生引

見以主事用者按其應得部分籤掣先令學習行走

仍按原班銓選毋庸給予廉俸。八年奏准廕

生候選主事先行籤掣部分學習扣限三年期

滿始准奏留。十九年定漢軍正一品從一品

官廕生漢正一品官廕生引

見以員外郎等官補用者均照捐納分部人員之例

以應得部分籤掣令其學習行走毋庸給予廉

俸三年期滿奏留補用。道光元年定漢正三

品官廕生引



見以中書科中書等官補用及漢從三品官廢生引見以光祿寺典簿等官補用者均照捐納人員分部之例以應得部分衙門籤掣學習行走按品級給予正俸○同治十年定河道總督廢生內以主事用外以通判用○光緒元年定漢正一品官廢生專以員外郎用○八年定漢正二品官廢生掣用京府通判漢從三品官廢生掣用京府經歷均准其分發行走按品級給予正俸○十二年定漕運總督廢生內用者專以各部主事籤掣行走補用

漢軍廢生錄用○康熙十二年題准一品官廢生以員外郎用二品官廢生以大理寺寺正乾隆十七年寺正改為寺丞知州用○雍正七年定廢生例用知州者以主事改補○乾隆五年奏准三品官廢生以七品筆帖式用四品官廢生以八品筆帖式用○嘉慶六年奏准漢軍廢生以主事用者分部學習與漢人同  
廢生外用○乾隆元年奏准廢生奉旨以外任用者正一品官以府同知用從一品官以知州用二品官以通判用三品官以知縣用○

三十四年議定漢世職子爵廢生如奉旨外用者專以知縣銓選

廢生考試○原定廢生肄業期滿由國子監咨送到部照品級題廢年月先後挨選武職廢生咨詢兵部品級題廢年其同日具題者照題疏名次先後錄用○雍正三年定廢生咨送到部將年二十以上者奏請考試引

見○七年定各項廢生有二三人到部即考試履歷進呈帶領引

見○乾隆十一年奏准廢生到部試以古論及時務

策試題由閱卷大臣擬出奏請

欽點大臣閱卷定其甲乙恭呈

御覽其文理優通議論明暢者交部引

見荒謬者發回本籍讀書三年再行考試令考試大臣於進呈試卷摺內聲明停其引

見○十二年定廢生到部守候已逾三月尚無續至者即奏請考試引

見○五十六年奏准考試廢生題目恭請

欽命○嘉慶十一年奏准文職漢廢生其有隨任在京並隨任在外人員必須人文到部文內聲明



赴部字樣方准考試帶領引

見

補廢復廢。乾隆四年奏准凡文武官廢生廢監生未經出仕中式而病故及患病殘廢者均准將

詔前所生子孫咨部覈明具題補廢仍以原廢廢生題廢年分選授其由廢監生已得官職及科目中式者不准補廢已補而又病故及殘廢者亦不准復行補廢再文武官廢生廢監生國子監咨送到部除已經補用外其註冊未用者如所

廢之官降調少廢微職免其革廢其所廢之官革職廢生監生亦革去扣選後所廢之官還職或還職後別經降調及奉

特旨起用不論文武銜缺如品秩相當及在原品以上者均准其將原廢之人咨部具題給還原廢備原廢之人殘廢病故或於革廢後業經出仕中式准其別將

詔前所生子孫咨部具題補還原廢仍照先廢年分註冊換選。嘉慶五年奏准文武官廢生廢監生有業經遵例加捐京外各官分部學習分省

試用其原廢官遇有革職事故所廢之官免其革廢。八年奏准文武官廢生如先得廢之官因事革職續經起用而銜缺尚小其應廢之人咨部註冊不准引

見俟升擢與原官相當及在原官以上再行查辦。十七年

諭吏部奏駁汪本申呈懇改廢一摺所駁甚是汪本申係恩賞二品廢生因伊父汪承需獲譴將廢生革退迨嘉慶十四年恭祝萬壽呈獻詩冊恩賞七品京官並非賞還原廢現在伊因病呈請將七品京官改廢伊子汪向榮顯係取巧著照部議飭駁嗣後有似此呈請者俱一例不准行。道光四年定文武廢生廢監生請廢後如所廢之官革職復經還職或還職後例應降調者俱准其復廢

廢生改武。雍正三年議准武職廢生內除通習文理者照例考試以文職補授外其有幼習武藝人材壯健願改武職者呈報到部移咨兵部准以武職改用。十二年奏准文職尚書等官並四品廢監生如願改武者均准按照品級改用



難廢生錄用。康熙三年定三品以上廢知州

四品以下廢知縣。十八年定布按都三司首

領及州縣佐貳六品七品官之子。准廢縣丞八

品九品官之子。准廢縣主簿未入流之子。准廢

州吏目。均照本衙廢  
子不照附衙

廢生引

見。光緒元年定漢軍漢人文武官員應得廢生如

在恭逢

恩詔之前得有官職無論較承廢之官品級大小或

品級相同仍照廢生擬

旨帶領引

見將該員原有官職於排單及錄頭籤註明請

旨如照廢生錄用者即照廢生辦理如照原有之官

用者仍歸原班准作為廢生出身如在

恩詔承廢以後因中式科目榜下錄用及

特旨賞給官職者均照廢生辦理其因勞績議敘捐

納得有官職如所得之官小於承廢品級仍照

廢生帶領引

見請

旨錄用如品級相同或品級較大即作為廢生出身

毋庸帶領引

見

行聖公襲職及所屬執事等官題補。順治元

年議定行聖公襲封由山東巡撫題請吏部具

題承襲其所屬官員俱由行聖公咨部具題行

聖公由長子承襲主子思子祀事五經博士由

行聖公次子承襲主聖澤書院祀事太常寺博

士由行聖公三子承襲世襲國子監學正亦照

行聖公題請承襲尼山書院學錄由行聖公咨

送弟姪題補四氏學學錄洙泗書院學錄由孔

氏生員咨送題補

至聖廟司樂由各省生員題補其管句典籍掌書書

寫知印奏差等缺均由行聖公保舉堪用人員

咨部題補四氏學教授由行聖公於舉人貢生

內揀選保送吏部題補與直省各學教授一體

較俸升轉曲阜縣知縣由行聖公會同山東巡

撫於孔氏族中揀選擬定正陪二人保題送部

引

見補授遇大計年分仍令行聖公會同山東巡撫考

覈



聖廟執事官各按品級給予章服每遇

聖廟祭祀之時虔肅冠裳駿奔趨事遇有缺出令行

聖公會同山東學政於孔氏族中秉公揀選擇

其人品端方威儀嫺雅者報部充補吏部於年

終彙題每年各給俸銀二十兩如恭遇

覃恩悉照本身實在職銜給以應得

封典原無職銜之貢監生童等俱以八品給封其孔

氏子孫內情願充補之人或曾經出仕而退休

在籍或身有職銜而未曾出仕以及貢監生童

等皆可入選若屆鄉試之期其充補之生童有

情願入場者俱准以監生入場應試○乾隆二

十一年

諭吏部議覆曲阜縣知縣改為題缺一本闕里為毓聖

之鄉自唐宋以來率以聖裔領縣事夫大宗主也既

已爵列上公而知縣一官專以民事為職奉法令則

以裁制傷恩厚族黨則以偏私廢事甚至因緣為姦

簞簋不飭者有之且亦非古人易地而官之道我國

家尊崇

先聖遠邁前朝廷恩後葉有加無已豈於此而有斯

焉但與其循舊制而致疎官有乖政體何如通變宜

民俾吏舉其職民安其治於邑中黎庶孔氏族人均

有裨益著照該部所議行其現任世職知縣既已卸

事若歸部銓選不過恩及其身而止於朕心猶有未

愜著加恩授為世襲六品官仍令揀選充補用副朕

重道崇儒至意○又議准原世職曲阜縣知縣欽奉

恩旨授為世襲六品官准其專主

崇聖祠祀事缺出悉照執事官之例揀選咨部彙題

如係進士舉人補授遇本班應選之年照例銓

選由貢生生員補授者遇鄉試之年准其一體

鄉試○二十六年議准四氏學教授缺出令行

聖公於舉人貢生內揀選或於歷俸六年之學

錄內揀選移送撫臣驗看再行保送四氏學學

錄於孔氏歲貢及廩生捐貢內與生員現係廩

生者一體揀選亦移送撫臣驗看保送吏部題

補○嘉慶二十五年定行聖公嫡長子年及十

五歲題請

欽授二品冠服候襲公爵○道光七年定行聖公所

屬各員除司樂仍以生員咨部補用外其餘各

缺取具身家清白印甘各結咨部充補不得於

額設之外立豫選名目自行給照如有因措資



省親修墓等事告假者。自到任之日起。扣足三年。方准給假。其丁憂患病人員。准其隨時開缺咨補。

世襲五經博士。○順治元年。覆准主子思子祀事五經博士。由衍聖公次子承襲。顏曾孟仲五經博士。由嫡派子孫承襲。俱照衍聖公咨送題補。宋儒程子朱子五經博士。由禮部具題咨送。嫡派子孫到部。題請承襲。凡世襲五經博士。令衍聖公文現在博士。各將子弟嚴加訓導。將應行承襲之人。由衍聖公保送禮部考試。果能文

理通曉。註冊存案。俟應承襲之時。行聖公查案具題。准其承襲。○九年。覆准南宗孔氏五經博士。由嫡派子孫承襲。○康熙二十四年。以周公後裔世襲五經博士。○二十五年。以宋儒周子後裔世襲五經博士。○二十六年。以宋儒張子後裔世襲五經博士。○二十九年。以宋儒朱子閩派嫡孫世襲五經博士。○三十九年。以閩子後裔世襲五經博士。○又以端木子後裔世襲五經博士。○四十年。以宋儒邵子後裔世襲五經博士。○五十一年。以言子後裔世襲五經博

士。○五十八年。以關氏後裔世襲五經博士。○雍正二年。以顓孫子後裔世襲五經博士。○乾隆三年。以韓子後裔世襲五經博士。由河南巡撫查明大宗嫡派子孫承襲。具題禮部查覈。議准移咨吏部。給發劄付。○嘉慶七年。以秦博士伏勝後裔世襲五經博士。



欽定大清會典事例卷七十五

吏部

除授薦舉孝廉方正 徵召山林隱逸 各省書院

掌教年滿議敘 吏員授職 外省吏指授

薦舉孝廉方正。○康熙六十一年十一月

恩詔。每府州縣衛各舉孝廉方正。暫賜六品頂戴榮身。

以備召用。務期採訪真確。毋得濫舉。○雍正元年

諭。國家敦勵風俗。首重賢良。舉髦士以勸秀民。實為政

教之大端。封疆大吏。宜共體此意。廣詢博訪。不可視

為具文而漫不加察也。前所頒恩詔內。有每府州縣

衛各舉孝廉方正。暫賜以六品頂戴榮身。以備召用

一條。距今數月。未有疏聞。豈通郡大邑之中。海澨山

陬之遠。遂無潛修砥操。克稱俊乂。可應詔旨者歟。誠

恐有司怠於採訪。雖有端方之品。無由上達。殊負朕

殷殷延攬之至意。特著直省各督撫。速遵前詔。確訪

所屬。果有行誼篤實。素為鄉黨所推。即列名舉奏。毋

得隱蔽及濫引塞責。○二年引

見浙江孝廉方正二員奉

旨。以知縣用。○又引

見直隸福建廣西孝廉方正六員奉

旨。年五十五歲以上者。以知州用。五十五歲以下者。以

知縣用。○乾隆元年議准。欽奉

恩詔。保舉孝廉方正。今直省督撫轉飭府州縣衛各官。

令該地方紳衿耆庶鄰里鄉黨合辭公舉。該地

方正印各官採訪公評。詳稽事實。其所舉或係

主員。會同該學教官考覈。造具事實冊結。加具

印甘各結。申詳該管上司。逐加採訪。督撫覈實

保題。給以六品頂戴榮身。如其中果有德行才

識兼優。堪備召用者。准該督撫出具切實考語。

破格保薦。給咨赴部。會同九卿翰詹科道。公同

驗看。如果眾論相符。引

見候

旨簡用。○五年議准。嗣後保舉孝廉方正。除樸實拘

謹。無他技能。不能考試者。照例給予頂戴榮身。

毋庸送部外。其有德行才識兼優。督撫逾格保

薦者。俟驗看之後。試以時務策一道。牋奏一篇。

會同禮部定期具奏。於

太和門內考試。其試題先期移咨內閣。由大學士

恭擬進呈。會同禮部監試。將試卷進呈。引

見候



旨簡用。○嘉慶元年

恩詔。每府州縣衛各舉孝廉方正。暫賜六品頂戴榮身。以備召用。務期採訪真確。毋得濫舉。○五年。考試孝

廉方正試題。恭請

欽命。○道光元年

恩詔。每府州縣衛各舉孝廉方正。暫賜六品頂戴榮身。以備召用。務期採訪真確。毋得濫舉。○又

諭。御史許乃濟奏保舉孝廉方正請嚴實奉行一摺。國家

頒發明詔。令府州縣衛保舉孝廉方正。及薦舉才品優長之事。原以廣勵人材。莫收得賢之效。乃比來外省視

為不急之務。或數郡不舉一人。其所舉者。又或牽於情

賄。漫以衰庸充數。以致此事竟成具文。殊夫拔滯顯幽

之義。夫鄉舉里選。古有其制。天下之大。豈無遺才。此大

著各直省督撫。各飭所屬。悉心採訪。務得操履純潔。才

猷傑出。物望允孚。可備國家任使者。登諸薦牘。其行誼

幹略。各於名冊內切實註明。咨部引見。以備錄用。不得

託言於慎。率以無人可舉為辭。若以偽亂真。所舉不公。

則國有常罰。諒各督撫亦不肯出此也。○二十三年定。

保舉孝廉方正。京外引退家居各員。如有敦宗睦

隨時查明。給予獎勵。如有徇情濫舉。甚或鑽營賄

賂等弊。即將該地方官照濫保例議處。並將該管

上司一併議處。如以知縣直隸州州同州判佐雜

等官用者。准其呈請分發。籤掣省分試用。例不引

見人員。於掣定省分後。給照赴省試用。以教職用者。與

大挑二等舉人一體候委。於捐納分發人員之先。

先儘委署。○又定。嗣後考試孝廉方正。改在

保和殿。查照考試御史成案辦理。○咸豐元年

恩詔。每府州縣衛各舉孝廉方正。暫賜六品頂戴榮身。以

備召用。務期採訪真確。毋得濫舉。○九年

諭。吏部奏孝廉方正知縣。懇請分發試用一摺。向來各省

保舉孝廉方正各員。引見後。以知縣用者。例應雙月單

月歸部銓選。茲據該部奏。候選知縣孫長順等呈稱。銓

選無期。不甘自棄。自應量為變通。俾得及時自效。著准

其籤分各省。照拔貢知縣試用二年例。期滿後。歸於拔

貢補用一人之後。將孝廉方正補用一人。其以州同州

判用者。亦准其一體分發。歸於試用班內序補。○同治元年

恩詔。每府州縣衛各舉孝廉方正。暫賜六品頂戴榮身。以

諭。我朝自



列聖以來。於御極之初。令各直省督撫選舉孝廉方正。原以振拔幽滯。用端風俗。典至鉅也。朕於上年御極後。即詔各該省督撫秉公選舉。並因知縣黎庶昌條陳。復諭各督撫等迅速選舉。現距上年頒詔之日。已閱年餘。而各省選舉者甚屬寥寥。十室之邑。必有忠信。今各州縣大者不下數萬戶。小者亦萬戶。豈無忠信誠慤之士。堪膺是選。良由地方有司。視為具文。其何以振風俗而勵人才。著在京四品以上大員。及直省督撫學政。無論紳士布衣。其有實在堪膺孝廉方正之選者。各舉所知。總以躬行實踐為先。不准專取文詞藻麗者。濫膺盛典。俟送部引見後。候旨分別錄用。其有年登耄耋。或誠樸無華。足為里閭矜式。不願來京者。即著該地方官歲時存問。賜以酒米。俾後進知所則效。用副朝廷側席旁求。振興實行之至意。○光緒元年

恩詔。每府州縣衛各舉孝廉方正。暫賜六品頂戴。榮身。以備召用。務期採訪真確。毋得濫舉。○六年定。各省保舉孝廉方正。以恭逢

恩詔之日起。予限八年。人文到部。如人數在三員以上。每年二月八月間。各會驗奏考一次。所有各省保舉。業經吏部題覆奉

欽定大清會典事例 卷七五

旨者。該員人文到部。在本屆會驗以前。即歸本屆會驗考試。其有考試之月。該督撫題本奉

旨。科鈔始行到部者。如在十二日以前。吏部於十七日以前。內具題。歸本屆考試。如在十三日以後。即歸入下屆考試。其有已逾八年八月考試之期。於八年十二月以前。人文到部者。准其九年二月間再行展考一次。如遲至展考後始行到部者。止准頂戴榮身。不准予考。徵召山林隱逸。○康熙九年

恩詔。地方有才品優長山林隱逸之士。著該督撫具奏。酌予錄用。十年。十四年。十八年。二十年。四十二年。四十七年。五十二年。五十七年。恩詔皆同。

○雍正十二年議准。嗣後如有山林隱逸之士。該督撫具題覆准。令其赴部。其錄用之處。具題請旨。

薦舉優行生員。○雍正四年

諭。國家設學校以儲養人才。鄉會廷試。拔其尤者而用之。即古選士造士之遺意也。但士子作文。有一日之長短。縱使主司公明。揆羅豈能無遺。況去取惟憑文藝。其人品之高下。才能之優絀。無由得知。每有出羣拔萃之才。屢試不售。即或晚得一第。而年力衰邁。不堪為國家任使。朕思各省學政奉命課士。黜劣舉優。係其專責。嗣後學政三年任滿

二八一



將生員中實在人品端方有猷有為有守之士。大省舉四五人。小省二人。送部引見。朕親加考試。酌量擢用。現在報滿各學政。即遵照薦舉。其到任未久者。如有所知。亦即舉出。夫一省而舉數士。不可謂無人。學政巡歷各府。三年之久。日與士子相親。考文察行。不得謂不知。但能虛公衡鑑。所舉必得其人。且風聲所樹。凡讀書士子。必皆鼓舞振興。力學敦行。求為有用之儒。於士習人材。大有裨益。該學政其各實心奉行。毋得苟且塞責。○五年

諭。從來為政在乎得人。書曰野無遺賢。萬邦咸寧。蓋賢材登進。在位者多。則分猷效職。庶績自能就理。而民生無不被其澤也。朕即位以來。加意旁求。凡所以延訪擢用之道。盡朕心力。如現任官員。及候補候選科目諸人。每特令薦舉。遴選引見。廣開錄用之途。冀收羣策之力。又念各省學校之設。原以養育人材。爰命學臣。保舉賢能。升聞於朝。以備任使。乃直省學臣。所舉人數不多。又多草率塞責。不能副得人之實。夫十室之邑。必有忠信。今直省府州縣學貢生。生員多者數百人。少亦不下百餘。其中豈無行誼醇篤。好修自愛。明達之士乎。著知州知縣官。會同各該學教官。將府州縣之貢生。生員內。居家孝友。行止端方。才可辦事。而文亦可觀者。秉公確查。一學各舉一人。於今年秋末冬初。

申報該上司。奏聞請旨。其或僻遠中學小學。實無可舉者。令知縣教官。出具印結。該督撫查實奏聞。朕因廣攬人材。舉此曠典。所以黜浮華而資實用。州縣教職等官。為一方師長。選賢薦能。乃其專責。儻敢有輕忽之心。虛應故事。濫舉非人者。定照溺職例革職。若或徇情受賄。則又加倍治罪。八旗之滿洲蒙古漢軍。亦照此例。將人品端方。通曉漢文者。著該佐領各舉一人。如不得其人之佐領。亦具印結。令該都統彙齊奏聞請旨。庶使潛修篤行之士。得以表見。而國家亦收得人之效矣。○同治二年

諭。前據河南學政景其濬奏。請將品學兼優之副貢生蘇源生等。量予錄用。當經降旨。交部議奏。茲據吏部奏稱。景其濬所保各生。擬請比照考試優貢新章。附入下科優貢之末。由該部驗到考試。分別等第。請旨錄用。嗣後各省學政。於生員中。果有品學兼優之士。均歸入優貢一途。不得於優貢外。別開保舉之門等語。所奏自係為慎重選舉起見。惟此次景其濬所保各該生等。既經該學政詳加察覈。自應名實相符。且恐有敦品勵行之儒。年近遲暮。未能應試者。必概令考試。繩以舉業。殊非朝廷崇尚實學。鼓舞羣材之意。所有河南副貢生蘇源生。歲貢生李濬。曹肅孫。附生許靜。于錦堂。均著以本省訓導用。嗣後各省學政。於



該省生員中。務當綜覈名實。認真考察。如有經明行修之士。該學政真知灼見。許其酌保數人。以為鄉里矜式。不准視為常例。濫行保奏。以杜倖進而重選舉。儻有夤緣干進。舉非其人。必將該學政照例議處。以為濫保者戒。

幕賓議敘。○雍正元年議准。各省幕賓。凡籍隸本省者。概不得聘。如違交部議處。其督撫幕賓。務令選熟練老成。深信不疑之人。先將姓名履歷。具題造冊。報部存案。如果效力年久。勤慎無過者。該督撫保題議敘。原有職銜者。按其應得職銜。即行補用。無職銜者。量給職銜。如有才守出羣者。特疏薦引。從優議敘。○乾隆元年議准。司道以下各官幕賓。除緣事斥革及職掌書算內號瑣事。並本官子弟親屬來署幫助者。不准申送議敘外。其實在聘來管理刑名錢穀之幕賓。於到任時。先將姓名籍貫。申報督撫存案。自申報之日。計算六年期滿。該員任內並無參罰事故。果能深信其有為有守。才識兼優。出具印結。申送督撫詳加驗看考試。其文理欠優。才具平庸者。即行駁回。如果文理優通。熟諳吏治。才

具確有可用者。方准保送。將考試原卷一併送部。俟直省彙齊之日。由部照考職例請

旨。欽點大臣校閱試卷。分別等第。給以職銜。分班選用。原有職銜者。酌量予以先用。年老不能出仕者。給予頂戴榮身。如有文理荒謬。不諳律例者。將濫行申送之原保官。並具題之督撫。分別議處。○三十七年議准。嗣後流寓幕客。及有家屬居住該省者。若距所轄地方在五百里以內。亦照官員迴避之例。俱不得延請。督撫幕賓履歷住址。造冊報部。司道以下各官幕賓履歷住址。申報督撫。年終彙齊咨部存案。督撫藩臬一經遷調。前任之幕賓。不得留於後任。其餘在幕已逾五年。即行更換。未及年限。遇有更易。亦即隨時申報。如有違例延請。不行申報。及逾限不更換者。本官照例議處。其不肖幕賓。有樹黨盤踞及結納等事。該管上司一經查實。輕則立加驅逐。重則按其情罪。嚴行究治。不得稍為姑容。其督撫幕賓效力五年期滿。如果勤慎無過。該督撫保題議敘。奉

旨。嗣後。自該督撫於每年年終彙奏一次。並著軍機大



臣於奏到時。詳細查覈具奏。如有不遵例禁。視為具文。仍蹈前次陋習者。即行據實奏。○四十一年

諭。前因御史條奏。各衙門延請幕友。恐日久弊滋。定以五年更換。並不准延請本省之人。及鄰省五百里以內者。彼時覺所言似尚有理。是以諭令各省督撫通行查明。於年終彙奏。造報以備稽考。迄今已閱數年。各省屆期報奏。並未實在查出違例延請。及逾期不行更換之人。可見彙奏一節。不過沿襲具文。仍屬有名無實。各省幕友。在署幫辦事件。原不當令其出外交游結納。致滋弊端。惟在關防嚴密。隨處留心。自不

虞其顧私誼。而撓公事。若徒定以隔省。限以五年。而不能實力防閑。亦未必即為正本清源之法。嗣後著各該督撫實力整飭稽查。如有惡幕招搖生事。及劣員徇縱濫交者。即行嚴參究治。若督撫袒庇屬員。姑容消弭。或經科道糾參。或別經發覺。惟該督撫是問。所有各省年終彙奏幕友之例。著停止。○道光四年  
諭。御史蔡學川奏請嚴禁幕友濫邀議敘一摺。所奏是朝廷議敘之典。原所以鼓勵人材。至幕友襄理幕務。由本官自行延請。與在官供職者不同。若以有職人員。舍官就幕。遂得濫邀甄敘。既難免大員市恩瞻徇

等弊。且開各項人員規避取巧之端。嗣後各督撫鹽政等。奏請一切議敘。概不准將幕友保列。以杜冒濫。

○八年

諭。御史慕維德奏請釐剔積弊。以飭官方一摺。屬員私充幕友。久干例禁。聞近時仍不免此弊。以候補佐貳丞倅幫辦幕務。或專司摺奏。俟有駐省缺出。以之題補。俾仍留署辦事。亦有題補省外之缺。聽該員倩人代署。遇有應議敘事件。該員即未身蒞其事。亦得開列儘先。有應升之缺。即可不次升擢。該員巧於迎合。藉端撞騙。流弊不可勝言。嗣後著嚴行飭禁。僅有以屬員充當幕友者。一經查出。定將該督撫嚴加議處。並將濫充幕友之員。從重懲辦。○十三年

諭。御史尚開模奏請飭禁幕友濫邀議敘一摺。朝廷甄敘之典。所以鼓勵人材。其襄理幕務。由本官自行延請。與在官供職不同。朕曾通諭各督撫鹽政等。概不准將幕友保列。以杜冒濫。前據盧坤奏請將襄辦文案出力之幕友候選州同宋緒。加以獎勵。朕因係五品虛銜。與受職稍有區別。是以降旨准行。今據該御史奏。此端一開。各省相率效尤。將有職人員。延入內署商推公事。以為將來保薦地步。其需次各官。藉此



黃緣招搖均所不免。實不可不防其漸。所有候選州同宋緒賞給五品銜之處。著即撤銷。盧坤違例奏請。並著交部議處。嗣後各直省督撫。概不准以本省屬員入幕襄理。如再有以幕友濫行邀請議敘者。著吏部查明參奏。以重名器而肅官常。

各省書院掌教年滿議敘。○乾隆三十年

諭。省會設立書院。所以樂育人材。前經降旨。令督撫等慎選院長。如果教術可觀。六年之後。著有成效。奏請酌量議敘。乃降旨以來。各督撫並未遵旨具奏者。著將因何不行遵旨辦理之處。查明具奏。嗣後均以六年為滿。秉公考察。分別覈辦。庶於勸學程功。均有實濟。著傳諭各該省督撫知之。欽此。遵

旨議定。各省省會書院掌教。均以六年為滿。該督撫等秉公考察。如果教術可觀。著有成效。奏請分別議敘。

吏員授職。○康熙三年題准。吏員考職。分為四等。一。等以正八品經歷用。二。等以正九品主簿用。三。等以從九品雜職用。四。等以未入流雜職用。○雍正五年定。京通各倉倉書。五年役滿。倉糧毫無虧空。咨送到部。免其考職。以從九品未

入流二項。令其兼掣。禮部儒士。食糧三年期滿。咨送過部。免其考職。以府檢校典史。註冊選用。並由禮部以鑄印局大使。揀選題補。○十三年議准。各館供事缺。將頂補之人姓名籍貫著役日期。及頂補某人之缺。豫先咨部。如各衙門咨送者。務令在原衙門著役四年以上。方准送館。俟到館後。再補缺。食公費二年。方准咨部。如各館自行召募者。令其補缺。食公費之後。五年期滿。方准咨送考職。如不足年分者。不准選用。○乾隆二年奏准。內閣六部太常寺等衙門事繁

書吏。五年役滿。該堂司各官。察其平素勤謹。並無過犯者。出具考語。咨送過部。將從九品未入流二項。令其兼掣。以掣得之缺。註冊選用。○四年奏准。內閣六部。並各衙門。即用書吏。五年役滿。各該衙門。務於一月之內。即將該吏著役時。地方官印結。並取具同鄉京官印結。一併咨部註冊選用。○又議定。簡缺書吏。調補繁缺。著役未過二年者。仍以簡缺著役之日。扣算役滿。即用。已過二年以上。調補者。仍以繁缺日期。接算役滿考職。其由繁調簡者。無論幾年。總以簡缺



扣算。○嘉慶十二年奏准考職人員。如有因銓選無期。情願註銷職銜。另圖別業者。准其註銷。仍行文該吏原籍地方。不得再行充吏。

外省吏攢授職。○雍正四年議准。吉林將軍烏拉衙門書吏。考職之後。照例即用。○十二年議准。直隸等省吏攢。五年役滿。令該管衙門取具本吏親供保結。造送巡撫。於每年七月內考試。將試卷封固送部。限於十月內到部。與在京各衙門役滿書吏試卷。一併校閱。分為四等。考定名次品級。即將執照封發原省。給各該員收執。

在籍候選。○乾隆三十年定。開展雅爾等處新疆辦事書吏。五年役滿。經各該處大臣奏明交部議敘。俱免其考職。以應用之。各項代為掣籤。歸於雙月外應班七缺之後選用。若辦事好。奏留二年三年者。准其以原掣之項。統於雙月升選。十缺之後選用。如奏留年滿。又復留二三年者。准其遇缺即用。年滿後。俱令其回籍候選。○三十四年奏准。在京各衙門事簡書吏。五年役滿。由各該衙門自行關防考試。仍取具本吏親供。黏連印結。將試卷封固。加具冊結。移送過部。

年終由部開列九卿翰林等官職名。奏請欽點數員。在

朝房內。將京外書吏試卷。秉公校閱。分別去取。○又奏准。北路軍營隨印供事。三年期滿。免其考職。給予正八品職銜。歸於內閣各館供事班內。按考職年分即用。其有期滿留營。再行效力三年者。期滿報部。於內閣各館供事到班時。先用一人。不積內閣各館供事之缺。○五十二年議准。嗣後新疆書吏。期滿留辦。隨時咨部註冊。毋庸專摺具奏。○五十五年議准。新疆各處書吏。著役時。將該吏籍貫年歲著役日期。並酌定額缺。查覈頂補。如著役時不行咨部。至報滿後始行造冊送部者。均不准掣籤註冊。○又奏准。在京事簡書吏。各該吏員五年役滿。各該管官出具切實印甘各結。取具本吏親供保送。即令各堂官及各督撫。於每年七月內傳集。嚴密考試。自行錄取。在京不得過十分之七。在外不得過十分之五。其僅止一名。不敷錄取者。如實係當差勤慎。文理明通。仍准錄取。仍將錄取試卷。及該吏年貌籍貫三代姓氏造冊。限十月內咨送



部其錄取一等者。以從九品雜職用。二等者以未入流雜職用。填給執照。註冊銓選。其不取之姓名籍貫。亦令送部存案。以杜重考。○五十七年議准。禮部儒士。俱於現在經承內。擇其取結已過二年以上者。揀選充補。○嘉慶十五年諭。御史高鶚奏。請嚴禁新疆書吏役滿久留一摺。所奏甚是。向例各衙門書吏。五年役滿。即行飭令回籍。原以防積久弊生。立法至為嚴密。况新疆地處遙遠。尤非內地可比。若該書吏等。役滿後。仍以藉資熟手。留而再留。保無狡誦之徒。因緣為姦。有串通詐偽情事。不可不防其漸。嗣後新疆各處書吏。五年役滿。即照例速飭回籍。毋任逗遛。如因新吏生疏。暫留幫辦者。亦不得留過二年。其已留再留之例。著永遠停止。○二十一年定。熱河都統衙門額缺書吏九名。若將籍貫年歲著役日期並頂補額缺送冊送部存案如著役時並不送冊各節至報滿始行送冊送部者均不准其註冊內二缺作為議敘額缺。五年役滿。照例一體考職。統歸於外應班內選用。俟再留五年期滿。准照新疆之例。另立一班。歸於雙月外應班七缺之後選用。如留辦五年期滿。奏請再留三年。以二次留辦期滿之日起。雙月升

選八缺之後。選用一人。俟再到班時。再用一人。其二次留辦期滿後。仍飭令回籍候選。不得再行留辦。其餘各缺。俱五年期滿。照例考職。歸於外應班內選用。不得再行奏請留役。以示限制。○二十二年定。凡書吏供事。報捐官職分發。畿掣省分。因病告假。未經領照赴省者。定限一年。呈明病痊。領照赴省試用。如逾限不行。呈明病痊。領照者。將該員分發。並雙單月一併註銷。仍歸原班。飭令回籍候選。○道光四年定。新疆辦事書吏。如因新吏生疏。咨留二三年者。准其以原掣之項。統於雙月升選十缺之後。選用。如年滿復行留辦二年者。准其以二次留辦期滿之日。積缺起。統歸一班。較期滿日期。除即用不計外。毋論是否積缺。四缺之後。選用一人。俟再到班時。再用一人。不積各項班次之缺。其二次留辦期滿後。仍飭令回籍候選。不得再行留辦。外郎錄用。○原定。外郎六年滿日。考定州同州判。縣丞職銜。照漢人例。依次選用。○康熙二十九年題准。外郎六年滿後。考定職銜。歸於貢監分內。將貢監選七人。外郎選一人。○嘉慶五年



定。外郎考職州同州判縣丞歸於雙月推升七次之後再到升班時於升班之前選授一人不積正班之缺。

保舉人才。咸豐五年

諭。現在用兵省分。委用需人。如有才兼文武膽識出眾之士。自應隨時採訪。或令隨營。或辦團練。以收實效。此外衝茅伏處。不乏英奇。並著各省督撫。廣為諮訪。擇其素懷忠義。韜略過人者。據實保奏。一併給咨送部引見。候朕錄用。○同治元年

諭。國家陳紀立綱。得人而理。况值時事多艱。尤應登崇俊良。藉資幹濟。自上年屢降諭旨。飭令保舉人才。各省督撫大吏。已將各該省政績卓著之員。登諸薦牘。在京大員。如大學士周祖培。大學士銜祁寯藻。翁心存。協辦大學士倭仁。侍郎宋晉。王茂蔭等。無不各舉所知。以備簡用。科道如高廷祜。薛春。蔡郭。祥瑞等。亦各有所薦。舉人臣以人事君。在外者固應隨時考察。在京者亦應加意揆羅。果其人才堪世用。信之有素。原不必俟有明詔。始可敷陳也。嗣後大學士各部院大臣。於操守廉潔才猷卓越之員。平日真知灼見者。皆准臚列事蹟。隨時秉公保奏。惟明試以功。必須名

實相副。儻該大臣等徇情親故。結拜師生。或將彼此私人。互相援引。以致被薦之後。毫無實效。並另有貪汙劣蹟。必將原保之員。一併治罪。用副求賢若渴。循名責實至意。○三年

諭。嗣後內外臣工。於業經保人員。仍著隨時查察。儻有居官不善。聲名平常者。立即據實奏參。不得稍有徇隱。如原保之人。現已去任。例不應陳奏者。准其在步軍統領衙門都察院呈請代奏。庶賢否不至混淆。而朝廷收得人之效矣。○光緒十年

諭。為政以得人為先。疊經中外臣工遵旨保薦人才。均已陸續存記。其中不乏可用之人。而濫竽充數。亦所不免。選擇而使。其難其慎。因思一時之才。自足供一時之用。仍恐揆羅不廣。鑒識不精。致使真才伏處山林。或屈抑下僚。不能以時上達。著大學士六部九卿各直省將軍督撫。再行奏保。如有忠信閎通。體用該備者。亟宜登之薦剡。其操守廉潔。而才有專長。或吏治勤明。兵事諳習。或熟悉中外。交涉事宜。善製船械。精通算術。並著分別出考。以資節取。至經武以謀勇俱優為貴。如果忠勇奮發。熱嫻韜鈴。自當列為上選。若饒有機智。或驍勇善



戰。或諳練水師事宜及沿海情形。並著分別保薦。文武兩途。均不必拘其官階。及已仕未仕。期無遺佚。朝廷開門額俊。以耳目寄之。各該大臣。該大臣當念以人事君之義。務各澄心虛己。一秉大公。廣為訪求。叢以實事。詳加鑒別。出具確切考語。並臚列其人之實迹成效。詳悉陳奏。不得虛託空言。儻或瞻徇情面。致有夤緣干進。濫保非人。吏議恭嚴。不能稍為寬假。若以言舉人。徒採虛譽。甚至偏執己見。妄薦庸才。亦不能逃洞鑒也。慎之慎之。○又御史趙爾巽奏親信大員。非臣下所應論薦。昨左

宗棠保舉曾紀澤。實於體制不合。請將左宗棠申做。並將曾紀澤存記撤銷等語。從前保舉人才。曾有將一二品大員列保者。朝廷因才器使。自有權衡。若謂身膺峻秩。即不宜再行論薦。殊屬拘泥。該御史請將左宗棠申做及曾紀澤存記撤銷之處。著毋庸議。○又

諭。前有旨令中外大臣保薦人才。以備任使。茲據右庶子錫鈞奏密保人才。易滋流弊。宜覈真品而杜倖進等語。嗣後內外臣工進才薦舉。著臚陳實事。出具切實考語。其未經召對人員。均著送部引見。

○又

諭。前經降旨諭令大學士六部九卿各直省將軍督撫保薦人才。因思我朝

龍興東土。其時英賢濟濟。悉出天潢。現在宗支繁衍。當必有腹心干城之選。至旗漢世職。多係忠蓋後裔。諒亦不乏可造之才。著管理宗人府王公八旗都統各直省將軍督撫。悉心訪察。自不入八分公以下。至閒散宗室。並旗漢各世職人員。如有志行卓越。才識明練。或嫻習兵事。驍勇出眾者。出具切實考語。分別保奏。以備器使。該王公大臣等務當秉公遴選。不得徇私濫保。致干咎戾。總期賢才輩出。共濟時艱。用副朝廷額俊旁求至意。



欽定大清會典事例卷七十六

吏部

除授捐納候選上諭官員收錄軍機處給詳

捐納候選。○原定各項捐納人員。俱令取具本籍赴選文結到部後。毋庸自行具呈驗照。吏部於二十日查明原捐衙門咨文。具稿註冊。其有應行查者。亦於二十日內咨查。俟查覆到日。再行註冊。各照捐納日期先後。歸於各班分缺選用。如有與例不符者。即行咨駁。不准註冊。至捐納人員。有銓選無期。情願具呈註銷。准其註銷。

進士舉人。仍照原料分補用。捐升離任官員。仍照原職補用。其貢監生員。准其仍以貢監生員應試。至未經出仕捐納數層。止具呈註銷一二層者。概不准行。已經出仕捐升者。准其註銷。捐州判。又捐知縣。又捐通判。止註銷通判知縣。乾隆二十一年議定。凡初捐人員。戶部咨文到部。扣足五十五日之限。方准銓選。至舊班已捐本項。新班仍捐本項人員。如所捐選用月分。與原捐無異。戶部咨文到部。毋庸扣限。如舊班止捐雙月選用。及止捐單月選用。新班加捐

不論雙單月。即用人員。其原捐雙月者。單月非應選之員。仍於單月扣限。原捐單月者。雙月非應選之員。仍於雙月扣限。○二十三年奏准。同日捐納者。於戶部咨文過部之日。傳集上捐官生。先行掣定名次。先後按選。並出示曉諭。○三十九年議准。官生上捐後。由戶部知照各本籍督撫。於准咨之日。即行知布政司。分發各州縣。該州縣奉文之日為始。毋庸俟本員具呈。即查明該員有無違礙事故。取具鄰族甘結。逐名造具赴選冊結。限以半月出詳。再以出詳日起。至府司轉詳督撫出咨之日止。中間扣除程途日期。再限半月。統以一月之期咨部。儻有書寫舛錯。於定例無礙。即由府司院查明更正。不得藉稱駁換。聲明扣展。仍於咨文內。將由本員具呈起限。或由該州縣奉文之日起限。並出詳府司轉詳督撫各日期聲敘。以便查覈。儻有違限。一經查出。將州縣官並知府司道。及出咨督撫。一併分別議處。其有親身在部報捐。未及回籍各員。及八品以下佐雜等官。例應在籍候選之員。即遵照定限。徑詳督撫咨部銓選。毋庸本員親



齋以杜弊竇。○四十年議准。報捐官生。於具呈時。均令呈明其父有無欠項。及完欠若干。由戶部查條例限已逾。或未逾而數在三百兩以下者。即令照數全繳。方准報捐。其有欠數較多。尚在例限以內者。准其先行報捐。仍將未完銀兩著落該員按照原限如數全完。一面知照吏部。儻逾限不完。已選者即行解任。未選者停其銓選。若報捐時。將欠項隱匿。不行聲敘。事後別經發覺。將所捐之官註銷。仍照隱匿例治罪。嘉慶十二年。於其父有無欠項及完欠若干。○又議准。增入並援例呈請開復之員九字。

由貢監生遞捐知府。及未經筮仕候選人員遞捐者。於輪班得缺時。止准以簡缺選用。所有繁缺。概不准其掣選。在部郎中員外郎保送引見奉

旨記名以繁缺簡缺用。後經援例加捐者。仍照原定之缺。分別選用。外官現任加捐人員。如係曾任直隸州知州。同知。及州縣正印等官。仍照舊無論繁簡之缺。一體銓選。至由別項佐雜遞捐者。亦照初任人員之例。俱以簡缺選用。其例不載取。及未經俸滿之滿漢京職捐升人員。由吏部

行文各該堂官。詳加查覈。或堪勝繁缺。或僅堪簡缺。確實聲明。出具考語。咨送吏部註冊。照例銓選。加捐分發知府。原應專以簡缺選用者。分發後。不得以繁缺題補。其無簡缺省分。即毋庸歸入分發。○四十七年奏准。現任各官。援例捐升。未經銓選。緣事降革。續經捐復原官。其捐升之項。不准隨帶。如有後經本案審明開復。或隨本奉

旨留任者。准其帶於新任。仍歸原班選用。○嘉慶五年奏准。捐升人員。報捐離任後。已取有交代文結。報部即係實已離任候選之員。遇有降調處分。應照捐升品級。遞降註冊銓選。如雖捐離任。尚未有交代文結。報部仍係現在官。遇有降調處分。概不准照捐升品級。遞降註冊銓補。○又奏准。現任正佐等官。遵例捐升人員。未經離任之時。不准先換頂戴。○八年奏准。報捐官生。隨任祖父。及親伯叔。親兄弟。現任京外職官任所者。在京具呈本衙門。在外申報本省上司。准其請咨赴選。進士舉人。恩拔副歲優貢。亦准取具印結。具呈到部。俟行查禮部。如果科分名次。准



貢年分相符。亦准註冊銓選。均毋庸再取本籍文結。○又奏准。捐納人員。三代名字姓氏存歿實在年歲。以及有無次丁等項。總以原取赴選文結為憑。不得任意呈請更改。○又奏准。官生上捐後。領有戶部執照。如由候補候選人員報捐者。查其業經取有本籍赴選文結。以及降革捐復人員。已有前任交代清楚。並回籍文結到部者。均免其重取文結。仍令該員取具同鄉六品以上京官印結。具呈到部。呈驗執照。查與捐冊相符。即予註冊銓選。○又奏准。捐納人員。給有執照。由原籍地方官起文赴選者。該督撫嚴飭地方官。查明該員有無違礙事故。取具鄰族甘結。逐名造具赴選冊結。按限出詳。不得任意遲延。其中如有勒捐情事。准本員取具印結呈明註選。仍行文該督撫查明。果有勒捐情事。即行嚴參究辦。如本員未經在籍具呈。率行赴部呈請註選。將本員嚴行議處。○十年奏准。現任外官。有經管倉庫錢糧。遵例捐升離任。及部選實缺人員。各督撫等於該員赴部時。確實查覈。咨文內聲明交代清楚。實無虧欠字樣。方准銓

選赴任。○十一年奏准。現任實授之員。捐升離任。續經註銷。仍歸原職補用者。悉令其以原缺坐補。○又奏准。各項候補候選人員。有情願註銷捐納官職。及分發等項者。除原係正班毋庸置議外。其註銷捐班之議。敘數班數缺人員。凡未經註銷以前。已積班數缺數。統不准其接算。應以具呈註銷後。另行積班積缺。扣足原議敘之班數缺數。方准按班銓選。○又奏准。捐納道府。如係曾任知府。同知。直隸州知州。並州縣正印等官加捐者。及現任滿漢京職。堪勝繁缺。准以繁簡各缺。一體選用。其貢監生初捐。及現任滿漢京職。僅堪簡缺。並外任佐雜等官遞捐者。專以簡缺選用。○又定。捐納道府。加捐分發。不論繁簡。均准掣籤分發。俟試用一年期滿。其原係例准部選繁缺者。無論繁簡。均准該督撫酌量題補。至原係例應專選簡缺者。該督撫詳加察看。如果堪勝繁缺。據實奏明。留於該省。遇有相當缺出。酌量題補。其止堪簡缺。該省並無簡缺可補者。亦據實奏明。或歸部選。或改發有簡缺省分候補。請











各員領有執照。如未及赴本籍起文者。准取具同鄉京官印結。具呈註冊。呈驗執照。結內詳敘出身履歷。委係身家清白。並無隱匿犯案改名蒙捐情弊。即准註冊。扣限按班銓選。如由本籍起文赴選。地方官取具該員族鄰甘結。加具印結。聲明委係身家清白。並無隱匿犯案改名蒙捐等弊。造具清冊咨部。再行按班銓選。○又定。捐納教佐各員。查其赴選文內。如有未經聲敘隱匿犯案。已聲敘並無假冒頂替各項違礙。其義屬相同。及文內無本縣印結。供結已鈐縣印。或已造具印冊。均毋庸行查。即照例按班銓選。如文內並無聲敘字樣。又無本縣印結印冊。供結亦未鈐印。應於文到一月內。迅速行查。俟覆文到日。再行扣限銓選。不得於文到時延不行查。俟臨選到班。始以不合例扣選。○又定。各項舉貢教職佐貳雜職業經註冊赴選各員。續由勞績保舉加班。應令其取具本籍文結。或同鄉京官註冊印結到部後。照例扣限銓選。其保奏原案咨報到部據咨銷冊者。仍俟本籍赴選文結。或註冊呈結到部。扣限銓選。應行投供人

員亦一律辦理。○咸豐十年

諭吏部奏請將正途京員捐升道府選法酌議變通一摺。吏部銓選道府各官。其由正途京員捐升者。俱照現行章程辦理。相沿已久。若為特旨錄用人員。遽行更改舊章。殊多窒礙。且恐視為捷徑。紛紛改途。易開取巧之門。嗣後正途京員。未經補缺捐升道府者。著仍仿照咸豐元年二年奏定章程。專選簡缺。所請以繁簡統選之處。著毋庸議。○同治元年定。京外各官。由各項候選未經出任人員。及曾經出任人員。報捐分發。或捐升改捐降捐。及有職銜進士舉貢生監。報捐大小各官。分發試用補用。均應驗看分發。由現任及已經分發到省未經得缺。並例應仍赴原省遠省。正佐各官。捐升改捐降捐。正佐各官。仍發原省。或改發他省。均應驗看分發。由曾任實缺丁憂服滿。及告近親老事畢。終養病痊。坐補原缺。應歸部選正佐各官。報捐分發原省他省。或捐免坐選分發原省他省。並曾任實缺降革。嗣經開復。捐復。應歸部選正佐各官。復捐分發原省。私罪不准或改發他省。均應驗看分發。由保舉俟補缺後。以應升之缺升用。



捐免補本班離任三班以升階指定一項補用。並保舉指明俟補缺後以何項升階升用。捐免補本班離任三班以升階補用。及實缺人員保舉以應升之缺升用。捐離任三班以升階指定一項補用。並實缺人員保舉指明以何項升階升用。捐離任三班以升階補用。及勞績保舉免補。免選分發留省。及續經加捐指省者。均應驗看分發。以上各項報捐人員。如未經赴部驗看分發領照赴省以前。不得差委署缺。至並非正途出身之捐納。保舉議敘各員。赴部分發時。例

應引

見人員。於每月初三日。例不引

見之佐雜人員。於每月初四日。傳令該員等赴部。當堂自行開寫年貌籍貫出身履歷。三代姓氏。年歲存歿。二。分。蓋用堂印。一分存部備查。一分咨行分發省分。到省後。各督撫飭令當堂自行開寫年貌籍貫出身履歷。三代姓氏。年歲存歿。由各督撫將由部咨行履歷查對筆迹相符者。於咨部繳照到省文內。聲明查對筆迹相符。照例留省試用。補用。儻查有不符。難保無頂替情弊。

各督撫即將該員奏明參辦。如係在京先有託人頂替弊端。將本員與頂替之人。照例治罪。並查取出結同鄉京官職名。照例議處。至各督撫查對筆迹相符之員。仍不時咨調該員所寫履歷。送部查覈。其報捐指省人員。於每月二十日以前。呈驗指省執照呈結內。業經聲明並無各項違礙者。准其驗看。如原遞呈結。僅係分發省分。續捐指省。或先報捐指省。遞呈結後。續經本員聲明。或由戶部咨報。查係捐案未經覈准。或捐案雖經覈准。未據該員將所指之省有無各

項違礙。詳細聲明。如在未經驗看以前。即扣除

驗看。如在已經驗看後。應行引

見者。扣除引

見。例不引

見者。扣除給照。統俟捐案奏准。呈驗指省執照。並將所指之省。有無各項違礙。詳細聲明後。附入下月辦理。其由勞績保舉分發省分。續經報捐指省者。一律照此辦理。其驗看分發。已經到省。及已經驗看分發。尚未到省。正佐各官。仍以原官捐離原省。改指他省。毋庸驗看分發。應令赴部



換照或起本籍及服官省分咨文赴省。不得徑持捐照赴省。其報捐六部司員司務及正副指揮吏目均令取具並無充當六部五城司坊衙門經承貼寫同鄉京官印結或地方官印結方准註冊分發行走。如有改名蒙捐一經發覺將本員黜革出結官分別議處。○光緒六年定丁憂人員註銷官階班次者應俟該員服滿後分別扣選另積班數缺數再行銓選各項勞績保舉官階班次未經出仕人員無論所保幾案一經呈請即將該員疊次保案全行註銷如係先捐後保准其仍留所捐之階註銷保案後所捐之階應歸內選者到班時係項選之員扣選一次。已擬出仕人員仿此現任人員保舉開缺以升階補用呈請註銷保舉升階仍以原官補用應分別令其以原缺坐補坐署京員內註銷保舉官階班次仍留原有之官階班次照外補人員扣除日期及扣補一人之例分別覈辦候選人員捐升覈准到部將原班扣除銓選者續經呈請註銷捐升之階准其仍歸原班銓選如原班擬選到班將該員改歸即用班次後適捐升之案覈准

到部。其上一見日期查係在應歸捐升之階候選不准復呈請註銷捐升之階歸原班候選。○十年定曾任實缺之道府以至佐貳等官丁憂服滿起復例應赴部投供候選及例不投供在籍候選之曾任實缺丁憂服滿起復應補佐雜准其取具同鄉京官印結聲明並無各項違礙事故准其赴部呈請分發驗看回原省候補不准呈請分發別省。○十二年定如係現任人員捐升應升之階准其在任候選者籤掣名次後毋庸另取赴選文結及同鄉京官印結即准按班扣限銓選。○又定候補候選改入捐班人員其官階班次業經更易仍俟該員赴選文結或註冊呈結到部後扣限銓選若新例初捐雙月單月續經加捐不論雙單月人員亦應俟後次掣籤後取具赴選文結或同鄉京官印結到部註冊後扣限按班銓選。○又定候補候選捐升人員註銷後輪選到班時查係名次在前項選之員仍應扣選一次再輪選到班再行選用如本月分該員輪選到班業經扣選而本月缺多又經輪選到班仍不准選用應俟下月所出之缺



始准選用。○又定。現任小京官捐升道府者。專以簡缺選用。外任捐升道府歸部選用人員。如係曾任知府直隸州知州。同知。州。縣。曾經選補題補調補繁缺正印等官。無論繁簡之缺。准其一體銓選。其未任繁缺。或甫經筮仕。旋即捐升。應專以簡缺選用。其有現任簡缺正印。曾經得有升。業應升要缺。以及即用。候補。原係例得繁簡統補各員。題補繁簡各缺正印。亦准其繁簡統選。如由簡缺正印。捐升道府。在任候選。任內並無升案。續經調繁到部。應俟題覆奏准。奉

旨准其調補繁缺後。始准其繁簡統選。及由佐雜遞捐者。亦照初任人員之例。俱以簡缺選用。○又定。其勞績保舉道府之正途出身。及曾任實缺正印京官。方准中簡統選。如並非正途出身。又非曾任實缺正印京官人員。專以簡缺選用。官外如非正途出身。分別曾任繁缺。到班時。適遇中。正印之缺。照捐納人員辦理。缺扣除。用原班其次之人。將該員仍歸原班。俟到班時。再行銓選。○又定。捐納直隸州知州。府屬知州。知縣等官。如係正途。進士舉人恩拔副。歲優貢生廩生。出身。並曾任正佐教職各員。捐升改捐者。仍准

繁簡統選外。其餘並非正途。及非曾任正佐教職人員。報捐。應扣除兩字中缺。准以衝簡繁簡疲簡難簡之缺選用。不必專選無字簡缺。至勞績保舉直隸州知州。府屬知州。知縣。如係正途出身。或曾任正佐教職人員。准其中簡統選。如並非正途出身。又非曾任正佐教職人員。止准以各項簡缺選用。至捐納勞績人員到班。適遇中缺。如非正途出身。又非曾任正佐教職。扣除銓選。仍積本班之缺。將該員即歸於原月分。遇有衝簡繁簡疲簡難簡及無字簡缺出時。俟近

省即用。迴避即用。選竣後。即行選用。所遺中缺。以次遞推。不得再用本班其次之人。○又定。捐納分發各省試用。以及各部院衙門行走。並廕生各項京官。籤分部院人員。俱按其應得缺分。均勻配籤分發。道府以下至州吏目。每一缺。配籤一支。知縣。每二十四缺。配籤一支。府經歷。從九品。每四缺。各配籤一支。未入流。每三缺。配籤一支。京官郎中員外郎主事。由進士出身。報捐者。以吏部一支。戶部二支。禮部一支。兵部一支。刑部二支。工部一支。如非進士出身。報捐郎中



員外郎主事。應扣除吏禮二部。以戶部二支。兵部一支。刑部二支。工部一支。配籤掣分。○又定。捐納官員。如有短款。捐數正項銀兩之員。應扣除掣籤。俟戶部覈准。知照到部。隨時歸入現卯掣籤。○又定。在京各衙門候補人員。會試中式。貢士。未經

殿試。捐升分部行走。補行

殿試後。呈請分發驗看。到部。應扣除吏禮二部。

考補膳錄。○乾隆三十七年定。各館需用漢膳

錄。吏部行文禮部。國子監。將情願赴考之舉人。

恩拔副歲貢生。及捐納貢監生。查明造具清冊。

並取具六品以上同鄉京官。並無頂冒印結。彙

齊送部。奏請

欽點閱卷大臣。傳齊出結各官。於點名時。認識給卷

考試。取中者註冊。俟各館咨取時。挨名傳喚。咨

送充補。將次用完之日。再行考取。三傳不到。除

名。另送其次考取之員。遇有親喪事故。照例具

報。回籍守制。不准留館。起復到部。准其遇缺先

儘充補。未經充補者。丁憂服闋。仍按考取名次

咨送。其由候選人員。及記名中書考取教習者。

未經選補之先。仍准咨補。若已銓選得缺。或已

挑取在闈行走。即將膳錄註銷。現充教習尚未

期滿。不准兼補膳錄。兩處行走。至應行送館之

時。呈明患病者。俟病痊之日。仍令其坐補原館。

其未經咨送。呈明患病暫假調理。概不准行。如

回籍措費。及回籍調理。俱定限六箇月。方准銷

假。假滿仍按具呈日期。扣限三十日。限期未滿。

雖有缺出。亦不准咨送。以杜擇館之弊。至傳喚

不到之員。於除名之後。除因丁憂一項。不能赴

館者。具呈到部時。准據呈行查原籍。如果確實。

准其開復。仍照原考名次送館。其餘各項事故。

概不准其開復。○三十九年

論。四庫全書。曾要二處膳錄。著在京闈鄉試榜後。即落

卷內。擇其字畫勻淨。可供鈔錄者。酌取備用。交與吏

部。按照名次。折卷填註。出榜曉示。註冊挨補。○四十

二年

論。四庫全書。曾要二處膳錄。仍在鄉試落卷內挑取。○

五十七年。議准考取膳錄人員。於每月初一日

赴部驗到。遇各館咨取膳錄。即查照本月分驗

到人員。按其原考名次。傳喚咨送。其未經驗到



者。遇有缺出。不准咨送。並令該館於接准部文之日起。限一月之內。即將到館日期報部。如逾限不到。即行扣除。○嘉慶三年奏准。每逢順天鄉試及會試時。由部查明候補勝錄人數多寡。應否於未經中式薦卷內挑取。具奏請

旨。如奉

旨。准行。查照奏定名數。鄉試挑取一百二十名。臨時會試挑取四十名。

酌量分別挑取。移會至公堂。先將硃墨卷首彌封。令正副考官率同考官。秉公校取。擇其字畫端楷者。於墨卷面上擬定名次。咨部拆封。填榜

註冊。遇各館需人。仍照原奏。按其名次。將生監咨送三人。舉人咨送一人。其候補投供驗到。及丁憂告假等事。悉照考試勝錄之例辦理。○十三年

論。此次巡幸淀津直隸及各省士子迎鑾獻賦。踏跡抒誠。因命題考試。就其文藝高下。量加錄取。所有考列二等。其中有願在文穎館效力者。准其在館行走。俟有勝錄缺。即令充補。以示省方。觀風嘉惠儒林至意。○十六年

論。本日召試山西及各省士子。就其文藝高下。分別錄

取。所有考列二等者。令充文穎館勝錄。○又議定。召試各省士子。有奉

旨。賞給勝錄。指明以何館效用者。即傳令赴部驗到。後。照例移咨該館。遇有缺出。按奉

旨。日期先後。先儘補用。如同日奉

旨者。遵照原奉

論。旨所列名次。先儘挨補。○道光四年定。鄉會試挑取勝錄。上次送館。已選議敘候選人員。復經挑取者。准按科分名次咨送。其由候補教習及教習期滿候選知縣。復經挑取者。亦准咨補。現充

教習之員。不准兼補勝錄。大挑二等教習期滿。及國子監肄業期滿。各項候選教職人員。復又挑取勝錄。均准咨送。其有情願註銷候選班次者。亦准其註銷。仍留勝錄一體咨送。各館候補勝錄。統於初一日驗到。以先取具同鄉京官印結。或團結。有無候補候選分發試用各官。切實聲明。其續經中式。加捐各官。隨時聲明。如未經取具團結。不准驗到。○十八年定。候補勝錄。於傳喚送館時。呈明患病者。病痊之日。坐補原館。如已逾三傳限期。始行呈明患病。俟病痊投供



驗到後。遇本館咨取。扣除傳送一次。俟再咨取

時。傳送坐補原館。設原館停止。准其咨送各館。

亦扣除傳送一次。其未經傳喚之員。呈明患病。

概不准行。

軍機處繕譯

上諭官員議敘。○乾隆二十二年奏准。各衙門凡奉

清漢

上諭。譯漢繕清。俱送軍機處繕譯。該大臣於行走官

內。揀派繕譯精通者六人。定為六缺。專司辦理。

五年之後。如果辦理無誤。奏明交部議敘。紀錄

二次。

欽定大清會典事例卷七十七

吏部

除授。修書議敘。武英殿修書議敘。刑

部。司員。軍臺。議敘。廣。東。福。官。員。捐。墾。地。議

各。新。監。督。辦。官。員。議。敘。承。運。銅。鉛。無。欠。議

修書議敘。○康熙十一年。

世祖章皇帝實錄稿竣。將纂修等官內。停升轉之現任

官員。停補授之候補官員。議敘。以應升之缺。先

用。書吏。以州判即用。○是年告成。監修總裁官

加官保。副總裁。纂修。騰錄。繕譯。收掌。各官。加一

級。照加一級。食俸。監生。以通判用。生員。以州同

先用。○四十九年。

聖祖仁皇帝平定朔漢方略告成。議敘。監修總裁。加二

級。副總裁。以下各官。加一級。騰錄。監生。及供事

已經考職者。照所考之職。即用。未經考職者。俟

考職之日。照所考之職。即用。○五十二年。議准

修成。佩文韻府人員。舉人。貢生。照應得之缺。遇

缺。即用。監生。候選州同。六年滿者。以知縣即用。

其中勤敏貢監生。不必限定年數。遇缺。以知縣



即用。勤敏候補中書典籍等員。以應升之缺。加等即用。布衣。以翰林院待詔用。○五十七年。皇輿全覽書成。其修書人員。舉人原任教諭。以舉人應用之缺。加一等遇缺即用。副榜即用。縣丞。以知縣遇缺即用。○又議准。修書人員。未滿六年者。分派別館修書之處。補足年分。議敘。已滿六年者。候補知縣教習。以知縣即用。候選州同。以知縣用。生員。以教諭即用。○五十八年。議准。修成駢字類編人員。

內廷行走候補訓導之貢生。以中行評博即用。○

又議准。修成

萬壽盛典人員。由進士出身內閣中書者。除試俸一年不算外。再歷俸三年。以應升之缺即用。舉人加捐主事者。以本班主事內即用。教習知縣。以知縣即用。副榜捐教諭先用者。以知縣用。○六十年議准。

內廷行走之序班。議敘。以中行評博即用。○六十年。奏請議敘纂修算法人員。奉

旨。伊等俱朕親選。令學習算法。內廷行走之人。與在外各館效力者不同。且修算書處甚嚴。伊等行走。必然

勤力。所奏人員。分別等次。議敘。具奏。欽此。遵

旨。議定。分為三等。第一等。現任官。以應升之缺。加一等

遇缺即用。候選官。以應用之缺。加一等遇缺即

用。護軍。比照監生。以監生應用之缺。加一等遇

缺即用。第二等。現任官。以應升之缺。遇缺即用。

再加一級。候選候補官。以應用之缺。遇缺即用。

再加一級。第三等。現任官。以應升之缺。遇缺即

用。候選官。以應用之缺。遇缺即用。童生。比照生

員。以生員應用之缺。遇缺即用。庶吉士。已授編

修者。以授編修之日。扣算。俟三年期滿。遇應升

之缺即用。○雍正三年。議准。修成子史精華人

員。內童生。准作監生。○四年。議准。修成古今圖

書集成人員。已滿六年者。進士。以知縣即用。加

一級。舉人。以知縣即用。滿洲舉人。以應用七品

京職之缺即用。貢生。候選州同。以知縣用。候選

州判。以州判即用。監生。候選州同。以知縣用。候

選州判。縣丞。主簿。以應用之缺即用。監生。未考

職者。俟其考職後。以所考之職即用。廩生。以訓

導用。生員。俟其考職後。以所考之職即用。滿洲

生員。照伊應用無品筆帖式即用。原品休致翰



林院檢討以堂主事用現任官員各加二級○九年○

聖祖仁皇帝實錄告成允准監修總裁等懇辭議敘○

乾隆七年○

世宗憲皇帝實錄告成允准監修總裁等懇辭議敘○

四十五年奏准修書優敘即用之員遇各項應得缺出先用即用一人次用正班一人輪流開用○四十六年議定○

內廷三館纂修膳錄供事俱有定額每月給予公費書成議敘自滿漢翰詹部屬及漢中書等官

俱按該館所列等第予以加級紀錄不得援照並無公費

特旨開設之館率請從優其膳錄供事止准分別等第等第相同者科甲按其科分名次捐納按其上庫日期吏員按其結到日期挨次銓選不得請照該館冊開名次敘用以杜挪先移後奔競之弊○嘉慶十二年

諭慶桂等奏願懇停免議敘一摺此次恭纂

皇考高宗純皇帝聖訓實錄共有一千八百卷不但照乾隆年間纂書數目多至數倍即較之雍正年間纂

書之數亦倍為繁多館臣等盡心編輯懋著勤勞際茲盛典慶成若不予以恩施朕心實覺未愜但此時若發交部議諸臣仍必援照上兩次成案議覆請准轉覺多此具文著交吏部兵部將本日具摺辭免議敘之監修總裁查明任內有無革職降級留任未經開復及曾經罰俸尚未扣滿各處分並有無加賞官銜詳細開註清單呈覽候朕降旨酌量施恩○又

諭

皇考高宗純皇帝典謨魏煥館臣恭纂

聖訓實錄卷帙宏富際茲盛典告成若不酬獎勤勞朕

心實有未愜當經降旨諭令部臣將慶桂等八人任內有無降革未經開復等項處分及有無加賞官銜之處查明具奏茲據該部詳細開單呈覽自應分別酌量施恩所有慶桂任內革職留任一案董誥任內降五級一案德瑛任內革職留任一案均著准其開復曹振鏞著加恩賞加太子少保銜文甯著賞給加一級王麟任內降一級留任處分著准其開復劉鳳誥纂辦稿本敬恭蒞事伊任內降一級留任處分著准其開復仍加恩賞給太子少保銜英和任內降一級留任處分著准其開復用示朕慶成錫類至意○



又奏准提調纂修協修校對收掌繕譯騰錄各員分別給予議敘○十七年奏定各館書成議敘時照例給予議敘其有例所未備尚須援案辦理者如係照例議敘止准援引本館照例之案其從優議敘者亦止准以本館從優之案比照辦理○又

諭本日文穎館總裁等奏續編清涼山志纂輯西巡盛典告成請將提調纂修及騰錄供事等分別超一二等給予優敘等語朕披閱書內所載宸章恩綸秩祀閭武以及程途歌頌之類止須編次繕錄即可成書

且卷帙無多校讎較易若遽加之優敘則各館編輯無論卷數多寡皆思濫邀恩獎殊非所以示限制嗣後各館纂辦書籍至一百數十卷以上者方准其奏請優敘分別超一二等其不及一百卷者止准分別一二等照例議敘以杜冒濫欽此遵

旨議准

內廷各館每屆五年奏請議敘其撰刊纂辦書成無不在百卷以上溯查各館歷年成案各項議敘班次已極從優若援前次成案復於優敘之中再請加等未免漫無限制嗣後如有欽奉

特旨開設之館纂辦書籍告成按其卷數分別奏請議敘其常年久開之館撰刊續修纂辦書成其在一百數十卷以上止准照前次成案奏請議敘分別等第咨部如有援照已經優敘之案復請再予加優者悉照該館前次議敘成案覈辦不得再予加優○又定凡欽奉

特旨開設之館及常開各館有特交書籍纂辦者書成時其編纂人員內如有格外出力者該館臣擇其年久出力之員酌量保奏請

旨遵行其餘常年開設各館如纂辦尋常書籍議敘時均不准率請保奏升用致啟冒濫之漸至各館供事如有已邀議敘選用者不得奏請暫行扣遞其有保奏儘先選用並請分發各省試用者概不准行○又定凡有庶吉士派充各館纂修校對等官者書成時毋論是否

特開之館止准量予議敘概不准保奏免其散館○又定現任官員充補各館提調纂修等官遇書成應行議敘加級人員有於該館奏請議敘奉旨之後吏部未經題覆之先旋經升任者吏部即將



該員應得加級之處於題本內聲明准其於升任內改為紀錄○又定文舉人充補各館騰錄如有已邀議敘知縣雙月舉人一班之後選用者再遇議敘止准議叙加級不得復加即用班次○又定各館騰錄如有進士舉人及捐納出身之員充補遇書成應行議敘以知縣選用者應各按班給予議敘如雙月進士舉人均係選用五缺為一班捐納選用四缺為一班以奉

旨後扣足正班銓選不得復加數缺班次並捐職鹽庫大使應議敘數班選用者鹽庫大使定例一應補一捐納一舉一人為一班亦不得復敘數缺以免參差其應議一缺後用者應仍照舊辦理○又定滿洲蒙古漢軍文舉人充補繙譯騰錄等官者遇各館書成應得議敘時如係業經揀選以知縣註冊之員准其照知縣議敘加班選用如未經揀選者止准議敘以筆帖式照例補用其有本館奏請議敘奉

旨之後吏部未經題覆之前續經揀選知縣者准其各按各館照先經揀選以知縣註冊人員應敘班次酌減給予議敘○又定各館舉人騰錄有

請就教職者遇書成議敘時如係應敘數班選用之員即專歸雙月以經制教諭各按各館議敘班次選用經制教諭單月缺出例用應補之班選用者專○又定各項已邀議敘應升應選人員後次復邀議敘准其遞加升選班次如議敘之員有因前次議敘升選得缺者准其將後次議敘所得加班之案呈請改為加級紀錄如初用通該員因初次議敘雙月開用升選得缺者准其將二次議敘加班之案改為加級紀錄之類如係後次議敘班次得缺者其前次無論何項議敘概不准復請改為加級紀錄其後次議敘係由前次議敘加級為加級紀錄○又定各館已邀議敘候選人員又經奏請議敘者吏部查照該館原奏除應行加班者仍按各本館成案議叙予加班外不准再予加級紀錄如有已邀議敘無可加班者即給予加級紀錄○又定教習期滿知縣復充各館騰錄者議敘時應於教習本班加班銓選○又定世職並佐領及以旗員錄用人員充補各館繙譯等官書成議敘止准各照本職議敘不准改用文職○又定各館滿洲蒙古漢軍繙譯



膳錄等官。如有閒散。文舉人。繙譯舉人。充補者。既經奏准。照生監等項議敘。以筆帖式補用。○又定。漢軍筆帖式。議敘。應與滿洲。蒙古筆帖式。分班議敘。○又定。保奏。以堂主事用。本班人員。應與論俸。應升之員。分缺間用。○又定。繙書房。保奏。蒙古候補筆帖式。不補理藩院額缺。○又定。議敘。即用候補筆帖式。不得歸即用之前先册。○又定。漢軍人員。充當各館膳錄。有報捐外官。從六品以下。佐雜職銜者。議敘時。應照銜給予議敘。不准改補京職。其膳錄供事書成議敘。

凡由膳錄捐納郎中員外郎。道府。直隸州知州。品秩俱崇。除奉

持旨。給予班次。遵照辦理外。其餘不准議敘。班次銓選。止准隨案。給予加級紀錄。至候選各官。京官主事以下。外官同知以下。及捐納從六品以下。佐雜職銜。並供事捐納正八品。從九品。未入流職銜。如係未經奏請議敘。以先加捐者。均准其照依原銜敘用。如奏請議敘之後。始行捐銜。概不准行。或有呈請註銷。加捐升銜。仍照原有之職。議敘。並漢軍人員。充當膳錄。報捐外官職。

銜。議敘時。呈請改補京職者。均不准行。其貢監生員。充當漢膳錄人員。於各館書成。議敘。奏請奉

旨之後。未經題覆之先。續經鄉會試中式者。如該館專咨報部。吏部應照先經中式人員。各按各館議敘班次。酌減給予議敘。○又定。各館書成。應議敘。以滿洲中書及貼寫中書。即補者。並蒙古文舉人。繙譯舉人等項。考取教習人員。議敘。以中書補用者。止准以各本旗之缺。與各項應補人員。分缺間用。不准不論旗分。遇缺即補。如非考取

教習人員不准 議敘。以中書册。○又奉

旨。吏部奏酌定議敘章程。各款俱著照所議行。內辦工書算人等。不准照膳錄議敘。請照供事。應得職銜。選用一條。仍未允協。工程書算人等。與匠役無異。不但與膳錄。繕寫書籍。從事翰墨者。難以比例。即照供事選用官職。亦屬非倫。嗣後如有當差勤慎者。著管工大臣酌量獎賞。毋得奏請議敘。○十九年諭。董誥等奏纂輯全唐文完竣。懇將提調等官及膳錄供事。給予優敘一摺。著照所請。給予從優議敘。其所列等第。不得用超等字樣。著分別一二三等。造冊咨



送吏部照文穎館續編書成辦理欽此遵

旨議定凡各館書成奏請議敘止准各該館將在館提

調等官以及謄錄供事等均各按功課分別一

二三等造冊咨送吏部辦理概不准用超等字

樣違例者議處○道光四年

諭本日

皇考仁宗睿皇帝聖訓實錄告成朕祇肅受書實深欣

慶溯思開館以來所有在館臣工等皆能盡心編輯

各矢勤勞此內監修總裁正副總裁在館四年始終

經理其事允宜特加優獎大學士曹振鏞著加恩賞

戴花翎長子候選員外郎曹恩汗著遇缺即補次子

監生曹恩澂著賞給舉人准其一體會試大學士戴

均元長子候補員外郎戴詩亨著加恩遇缺即補長

孫監生戴嘉秀著賞給舉人准其一體會試協辦大

學士尚書英和著加恩賞加太子太保銜長孫錫祉

至十八歲即交吏部帶領引見尚書汪廷珍次子汪

報潤著加恩賞給主事長孫監生汪承佑著賞給舉

人准其一體會試休致大學士伯麟前已賞半俸著

加恩賞食全俸尚書文孚著加恩賞太子少保銜侍

郎王引之長子候補主事王壽昌著加恩遇缺即補

侍郎博啟圖前在館三年有餘著加恩賞戴花翎以

示朕推恩懋賞嘉獎勤勞至意○又奏准提調總纂

總校纂修等各員分別給予議敘○又定候補

內閣中書各館書成議敘奏請優敘者止准以

本班二班之後用一人尋常議敘者止准以本

班三班之後用一人各按考捐本班選用○又

定各館舉人謄錄議敘知縣及謄錄捐納鹽大

使職銜人員優敘者止准議敘雙月舉人二班

之後用一人尋常議敘者止准議敘雙月舉人

三班之後用一人如中書舉人列為一二三等

毋庸分別另議統為一班按等第先後補用再

有議敘止准加級不得再行加班其捐納知縣

議敘亦照此辦理○又定各館書成奏請議敘

准將承辦人員按其功課之勤惰到館之久暫

分別一二三等覈實註冊吏部按照等第分別

尋常議敘及從優議敘覈覆具題概不准各該

館自定班次開單聲請○五年定各館謄錄供

事書成議敘滿洲蒙古漢軍人員充當謄錄報

捐外官職銜議敘時呈請改補京職者均不准

行○十年定各館奏請照例議敘專以小京官



升用者。仍按應得正項之班數議者。給予雙月正班三班後用。○又定由各項就教。並捐納漢小京官。捐納捐職佐雜。及未經捐職之騰錄供事各員。初次議敘。從優者。准給雙月二缺後用。尋常議敘。准給予雙月三缺後用。再有議敘。仍照應加班次。加班惟從九品未入流二項。初次議敘。先給予雙月班次。再有議敘。准其遞加雙單月班次。其餘俱止。准議至雙月即用。不得加雙單月班次。如班次無可再加者。均給予加級紀錄。禮部儒士。專以典史一項。議以雙月選用。

○二十一年奏定。各館供事。有捐府經歷縣丞。及從九。未入等職銜者。准其照銜議敘。○咸豐六年。恭纂

宣宗成皇帝實錄告成。共四百七十六卷。又恭輯

聖訓一百三十卷。查照舊例。予監修總裁官正副總裁

官暨提調纂修校對收掌繕譯騰錄各員議敘。

○同治五年。恭纂

文宗顯皇帝實錄告成。共三百六十卷。又恭輯

聖訓一百十卷。查照舊例。予監修總裁官正副總裁官

暨提調纂修校對收掌繕譯騰錄各員議敘。○

光緒元年奏定。各館書成議敘案內。騰錄供事。漏敘職銜。及行查捐案者。俟題覆後。限一年內。將執照呈驗。准其照銜議敘。如逾一年之限。毋庸給予議敘。○五年。恭纂

穆宗毅皇帝實錄告成。共三百七十八卷。又恭輯

聖訓一百六十卷。查照舊例。予監修總裁官正副總裁

官暨提調纂修校對收掌繕譯騰錄各員議敘。

武英殿修書議敘。○乾隆三年

諭。武英殿寫字需人。著在國子監肄業之正途貢生內。看其年力精壯。字畫端楷。情願效力者。選取十人。送

武英殿。以備騰錄繕寫之用。其在監肄業。每月所領膏火之資。仍照舊給予。若有缺出。該監照例送補。俟數年之後。行走若好。該館王大臣等。秉公具奏。酌量議敘。○三十四年。議准

武英殿繕寫人員。國子監咨送貢生之例。停止。即於吏部考取騰錄內。遴選正途出身。書法端楷者。咨送。仍聽

武英殿覆加考驗。再行充補。○四十年。奏准。校對人員。由順天鄉試榜後。挑取候補四庫全書騰錄內。正途貢生。揀選充補。○四十五年。奏准。復



照舊例在國子監肄業之拔副優三項貢生內  
咨送充補。○嘉慶十九年奏定。

武英殿校對。五年期滿議敘。○道光二十三年奏  
定。

武英殿修書校對人員。五年期滿分別等第咨送  
吏部議敘。此內恩拔副榜之業經就職考職人  
員。准其以所就所捐之項議敘。未經就職考職  
者。均以應考之州同。州判。縣丞。三項兼掣。以掣  
得之缺議敘。其議敘應得班次。並未經期滿復  
經中式舉人。應得議敘之處。俱照各館之例辦

理。

議敘吏部堂司各員送都察院查辦。○乾隆三  
十七年奏准。吏部滿漢堂司各員。遇有應行議  
敘之案。俱將應敘職名。開送都察院查辦。  
刑部司員駁正案件議敘。○舊例刑部題咨案  
件。細小事情。與例不符。應行駁詰者。毋庸置議  
外。其有各省將應擬重罪人犯。竟令脫網。或無  
辜之人。羅織擬罪。刑部司官細心查覈駁行復  
經審訊果得實情者。於呈堂准行之時。即將定  
稿司官記名檔案。俟改正後。於每年十二月內

具題。交部議敘。每一案准其紀錄二次。○乾隆  
十八年

諭。刑部議駁外省題違案件。經督撫遵駁改正者。司員  
得並議敘。夫指駁案情。必有首先立議之人。乃將  
各員通行議敘。其中隨同畫押。並學習額外之員。均  
得濫邀敘錄。非覈實之道。且由刑曹升調別衙門者。  
恃有加級紀錄。可以抵銷。往往不肯認真勉力辦事。  
因思吏部司員。向因議處之案較多。別部僅將承辦  
之滿漢司員各一人。開送議處。此雖非正例。然吏部  
議罰。可以通刑部議敘。其於考課之法。方為平允。嗣  
後刑部各司。遇有因題駁議敘者。著照此旨行。○三  
十四年奏准。刑部司員主駁議敘。每駁一案。改  
為紀錄一次。○五十九年定。隨同畫稿之滿漢  
司官。駁行更正二次者。准其紀錄一次。駁行更  
正一次者。令刑部記檔。俟下次彙題時。聲明送  
部覈計議敘。其隨同畫稿。已經升任別衙門人  
員。即毋庸議敘。  
官員捐墾荒地議敘。○乾隆三十年定。本省文  
武官員。捐給牛種。墾荒地十頃。捐銀一百兩  
者。准其紀錄一次。四十頃。捐銀四百兩者。准隨



帶加一級多捐者計算增加令該督撫隨案咨部備覈吏部附入年終彙奏

軍臺議敘○乾隆二十一年奏准各部院現任筆帖式派撥坐臺三年期滿更換回京令該總管出具考語分別等第咨送吏部帶領引

見如奉

特旨指明以何項官錄用者遵

旨辦理外如奉

旨准作一等者准其加一級隨帶二等者紀錄二次

三等者紀錄一次

廣東福建商民運米議敘○乾隆二十一年議准廣東省生監商民有自備資本領照前赴安南等國運米回省糶濟民食者令地方官查明數在二千石以內者酌量獎勵數在二千石以上者確查取結奏請分別議敘其間運米二千石以上至四千石者生監給予吏目職銜民人給予九品頂戴四千石以上至六千石者生監給予主簿職銜民人給予八品頂戴六千石以上至一萬石者生監給予縣丞職銜民人給予七品頂戴福建省生監商民前赴暹羅等國運

米回至漳州泉州二府糶濟民食者令地方官查明數在一千五百石以上至二千石者生監給予吏目職銜民人給予九品頂戴二千石以上至四千石者生監給予主簿職銜民人給予八品頂戴四千石以上至五六千石者生監給予縣丞職銜民人給予七品頂戴六千石以上至一萬石者生監給予州判職銜民人賞給把總職銜其帶回米石情願運赴省城糶賣者照漳州等處糶賣之例仍按照米數分別生監商民給予職銜頂戴其有已邀議敘之人仍照米數遞加如廣東省生監已遞加至縣丞職銜民人已遞加至七品頂戴福建省生監已遞加至州判職銜民人已遞加至把總職銜又有運米數多者令該督撫酌量獎賞毋庸再議加給職銜頂戴

捐栽蘆葦樹木議敘○乾隆三十七年定江南蓄水諸湖豫東二省黃河兩岸月格等隄內外以及沮洳坑塘等處栽種蘆葦准其議敘印河官員栽種蘆葦一頃者准其紀錄一次二頃者紀錄二次三頃者紀錄三次四頃者加一級民



人有情願捐栽者。確查數目。分別造冊。咨部議。欵如捐栽蘆葦。不及議欵之數者。准其次年補栽。地方官先行查驗收管。申報河督存案。俟三年之內。統計種葦四頃者。造冊報部議欵。給予九品頂戴榮身。至捐栽樹木。除福建浙江廣西三省。凡可種植樹木之處。業已栽種無遺。無事再為勸種。貴州省現在試種桑麻。俟有成效。再行酌辦外。其直隸等十五省地方官員。有能自出己資。在官山官地栽種樹木。三年後培養長成。該督撫委員查驗數目。造冊送部。成活五千株者。紀錄一次。一萬株者。紀錄二次。一萬五千株者。紀錄三次。二萬株者。加一級。分別議欵。各省商民。如在官山官地栽種成活二萬株。及在己地內栽種成活一萬株者。給以九品頂戴榮身。如生監能於官地內栽種成活四千株。及在己地內栽種成活二千株者。免其考職。給以主簿職銜。

孳生馬匹議欵。○乾隆三十年定。游牧總管等所管馬羣。於應孳生額定正數外。多孳生馬一千五百匹者。以應升之缺即用。如再多生。以三

百匹計算。准加一級。

各倉監督議欵。○原定各倉監督。定以二年更換。滿漢監督。每一年一員更替。二年內。有俸滿應升人員。准其照常升轉。仍俟差滿更換。二年之內。果能出入公平。糧儲無虧。倉廩不致滲漏。米石不致微變。於任滿時。令倉場侍郎保題。交部議欵。准其加一級。○乾隆十七年議准。京通各倉監督。均改為三年期滿。○二十七年奏准。嗣後各倉滿漢監督。同時任滿。將各倉監督內。歷任一年以上者。揀選一員調補。仍將該員前後任內扣算三年期滿。○三十三年奏准。嗣後各倉監督。三年任內。實係才優守潔。辦事精詳。釐剔弊端。查修倉工。用歸實在之員。倉場侍郎出具切實考語保題。交部議欵。准其加一級。如係循分供職。才具不能出眾。未經保題者。概不准議欵。

押運抵通無欠議欵。○乾隆二十三年議准。江南浙江江西湖廣押運同知。通判抵通。如一次無欠。加一級。二次無欠。加二級。三次無欠。不論俸滿即升。其河南山東押運同知。通判抵通。一



次無欠。紀錄二次。二次無欠。紀錄三次。三次無欠。加一級。四次無欠。不論俸滿即升。押運官員。俱令該督撫出具考語咨部。抵通之日。船糧起卸。通完倉場侍郎送部引。

見如恭遇

駕幸熱河。運員未便久候。吏部奏明。令該員親身押

運回空。免其引。

見○四十二年

諭。本日吏部將倉場侍郎咨送押運漕船之同知通判。帶領引見。本年漕務早竣。該押運官何以遲至今日。

始行引見。殊屬遲滯。嗣後漕艘抵通。糧石交完後。所

有應行送部之運員。該倉場侍郎即行給咨送部。該部亦即循例帶領引見。著為令。○四十四年奏准押

運官員。議敘即升。均自初次起。至三次四次。並

無間斷。照例議敘。儻其中有失風失火等事。下

次押運抵通全完。均照初次之例議敘。不准前

後接算。至未邀議敘之先。已經升任人員。例應

即升者。准其於升任內紀錄四次。例應加級者。

准其於升任內紀錄一次。○嘉慶十年

諭。嗣後各省押運道員。均著該督撫照丞倅押運糧船

咨部引見之例。出具考語。給咨送部。如果沿途催趨認真。並無過失。俟到通交糧完竣後。准其由倉場侍郎查明送部引見。○十一年

諭。嗣後湖北省及湖南江西兩省糧道押運已屆三次。

如果催趨認真。並無過失。即著該督撫出具考語。給

咨。由倉場侍郎查明送部引見。此外豫東江浙等省

糧道直押抵通者。亦著俟押運三次後。送部引見。以

歸畫一。○光緒十二年定。道員督辦海運。三次全完。

並無過失。准由該省督撫出具切實考語。由倉

場侍郎查明給咨送部引。

見毋庸另給議敘。

報開新廠督辦官員議敘。○乾隆三十六年議

准。雲南開報新廠督辦之地方各官。有每年獲

銅二十萬斤以上者。紀錄一次。三十萬斤以上

者。紀錄二次。四十萬斤以上者。紀錄三次。五十

萬斤以上者。加一級。均於歲底查明。分別議敘。

如能獲銅至八十萬斤以上者。該撫專摺奏請

升用。如報開之廠。迄無成效。視年月之久近。查

明該廠員若有玩忽。隨時查處。

承運銅鉛無欠議敘。○嘉慶三年奏准。雲南貴



州同知通判知州知縣承運銅鉛抵京依限運交足數戶部帶領引

見後知照過部查明如係實授人員任內並無不合例事故與卓異之例相符者准其入於卓異班內按照引

見日期先後升用升署題署人員按實授奉

旨日期升用如試用人員題補者按到任日期題旨日期統較先後○

七年奏准嗣後滇黔二省運員並無虧欠逾限如有因公降革留任亦准以卓異先行註冊俟開復銷案後再行升用○十二年奏准滇黔二

省領運銅鉛官員如沿途遇有事故令各省督

撫另行委員盤查交收接運若在儀徵以南接運到京果能依限解交足額分別給予甄敘並

湖南等省領運鉛斤官員亦照接運人員之例

辦理○道光二年奏定實授現任人員領運京

銅如於差次緣事降革赴部引

見仍以原官補用又經戶部以運銅無虧帶領引

見仍回原省以原官補用者應令到省後歸於候補

班內照例題補俟得缺後將卓異之案帶於新

任遇卓異到班時統較引

見日期先後照例升用○六年奏定承運接運銅鉛

官員依限解交足額者議敘遇卓異輪升到班歸於卓異班內升用者毋庸計扣處分如俸深

到班仍照尋常推升之例辦理如有不合例事故及有盜案正項錢糧之案俟開復銷案後再

行升用○十六年奏定試用鹽提舉承運京銅

無欠交代清楚按照試用同知通判州縣之例

給予議敘○二十六年奏定坐補原缺人員運

銅無欠准其先以卓異註冊俟回原省坐補原

缺後入於卓異班內以應升之缺與本項卓異

人員統較引

見日期先後升用○光緒六年奏定勞績保歸候補

人員運銅無欠准其先以卓異註冊回省後入

於卓異班內以應升之缺儘先升用○七年奏

定試用知府管解京銅比照初任分發試用同

知州通判提舉知縣運銅依限交足給獎之

例辦理

好善樂施議敘○原定各省地方遇有收成歉

薄及修城築隄義學社倉等項公事紳衿士民

有蓋藏豐裕樂於捐輸者按其捐數多寡大者



題請議敘小者量加旌獎至應行議敘之員該督撫務須覈實具題並飭令地方官出具並無胥吏侵漁浮冒印結一併咨部仍將捐助動用數目逐一造冊具題係賑濟則報戶部係工程則報工部覈實確查如果相符會同吏部分別議敘儻有抑勒捐助及以少報多者或經人首告或科道糾參除本人不准議敘外將題請之督撫申明之地方官一併交部議處○乾隆二十年議准士民捐輸社倉稻粟捐至十石以上捐資修城銀十兩以上給以花紅穀三十石以上銀三十兩以上獎以扁額穀五十石銀五十兩以上申報上司遞加獎勵捐穀三四百石銀三四百兩據實奏請給以八品頂戴如本有頂戴人員於奏請時聲明聽部另行議敘其有捐資不及十兩者與出資較多之人無論捐資多寡將其姓名銀數統行勒石以垂永久捐至一二千兩及三四千兩者題請從優議敘其議敘頂戴人員令該督撫查明年貌籍貫三代履歷造具清冊送部填寫執照封發該督撫轉給該員收執遇有開捐事例准其照捐職人員之例

一體報捐○二十六年議准現任地方官捐資修城五十兩者記功一次一百兩者記功二次一百五十兩者記功三次俱聽該督撫自行查辦二百兩以上者紀錄一次三百兩以上者紀錄二次○道光十八年奏定凡捐輸軍餉河工辦賑修城重大事務者京外現任人員九品至未入流等官捐輸人員千兩以上加八品銜八品等官二千兩以上加七品銜七品等官三千兩以上加六品銜六品等官四千兩以上加五品銜五品等官六千兩以上加運同銜知縣五千兩以上加知州銜同知直隸州知州萬兩以上加知府銜知府一萬五千兩以上加道銜候選人員郎中員外郎直隸州知州捐輸二萬兩以上五品等官捐輸萬五千兩以上主事知縣捐輸萬兩以上六七品等官捐輸八千兩以上八品至未入流等官捐輸四千兩以上均准其保奏本班儘先選用各省試用人員直隸州知州萬兩以上其餘五品等官八千兩以上知縣六千兩以上六七品等官四千兩以上八品等官三千兩以上九品至未入流二千兩以上均



准其各就本班到班時。照分缺間用之例。先用正班一人。次用捐輸出力一人。其有銀數不符。僅以董事出力保奏。或並未捐銀。亦以董事出力保奏者奉

旨允准。吏部仍查明奏請更正。給予加一級。○二十三年奏定。紳士商民人等。有樂善好施。急公報效。捐修

文廟書院。義學考棚。義倉。橋梁道路。及捐輸穀石。銀兩。以備公用者。該督撫查明所捐穀石。每石以銀一兩計算。覈其實捐銀數。在數十兩以上。由

地方官獎以花紅扁額。一百兩以上。該省督撫獎以扁額。俱由該督撫自行覈辦。其捐數較多者。逐一造具清冊。覈實具題。係捐賑及報效各款。則報戶部。工程則報工部。覈實確查。如果相符。吏部分別議敘。士民二百兩以上者。給予九品頂戴。三四百兩以上者。給予八品頂戴。一千兩以上。給予鹽知事職銜。二千兩以上。給予縣丞職銜。三千兩以上。給予州判職銜。四千兩以上。給予按察經歷職銜。五千兩以上。給予布經歷職銜。六千兩以上。給予通判職銜。八千兩以上。

給予鹽提舉職銜。一萬兩以上。給予同知職銜。一萬五千兩以上。給予運同職銜。三萬兩以上。給予道員職銜。此內如候補候選。及現有職銜頂戴者。八品頂戴及九品以下人員。仍照士民一體議敘。八品以上職銜人員。應按士民捐數。本身職銜。照前項議敘銀數。減半抵算捐數。給予應得議敘。至候補候選京職。及京銜人員。應以京銜議敘。未入流京職。比照八品頂戴人員捐數。九品京職。比照從八品職銜人員捐數。從八品以上各京職。均照外官捐數。遞加一等。給予加銜。其應加京銜。准以從九品國子監典籍。從八品國子監典簿。正八品司務。從七品中書科中書。正七品太常寺典簿。從六品光祿寺署正。正六品主事。從五品員外郎。正五品郎中。各按捐數。分別議敘。其郎中以上。仍加道銜。其有不及加銜銀數者。均查照現任官員。給予加級紀錄。至捐數較多。業已議敘道員職銜。及原係道員職銜者。品秩無可增加。均按其所捐銀數。議予加級紀錄。捐輸人員內。有未經就職之恩。拔副貢生。照從八品人員。按其捐數。給予議敘。



未揀選舉人及未赴考之孝廉方正。照正八品人員。按其捐數。給予議敘。其不及加銜銀數者。均查照現任官員議敘。給予加級紀錄。現任各官。無論何項議敘。概不准請加升班。俱按其所捐銀數。給予加級紀錄。三品以上大員。捐銀至一千五百兩者。議予加一級。三百五十兩以上者。議以紀錄一次。其四品等官。捐銀一千二百兩。五品等官。捐銀一千兩。六品等官。並七品之知縣。捐銀九百兩。其餘七品等官。捐銀八百兩。八品等官。捐銀七百兩。九品未入等官。捐銀六百兩。均議予加一級。銀數較多者。仍准以此數計。遞予加級。但不得過五級。以示限制。其有不及加級銀數者。四品等官。三百兩以上。五品等官。二百五十兩以上。六品以下各項官員。二百兩以上。均議予紀錄一次。其不及二百兩者。仍聽該督撫自行辦理。各項捐輸奉

旨從優議敘人員。應得頂戴職銜者。按其捐數。應得議敘酌加一等。應得加級紀錄者。酌加紀錄三次。勸捐董事出力人員奉

旨從優議敘者。紳士及地方官。均給予紀錄三次。至

生監商及民等。均概給予九品頂戴。曾經獲罪人員。捐輸銀兩。該省督撫將從前獲罪緣由。詳細聲明。覈其情節。尚非貪汙者。按照捐數。應得議敘酌減一等。○光緒十年定。如有士民人等。捐輸各項義舉。無論捐銀若干兩。捐地若干頃。止准查照銀數。覈計分別給予議敘。概不准奏請官階班次。



欽定大清會典事例卷七十八

吏部

處分例 京察統例 京堂京察

京察統例

國初定內外官三年考滿視其稱職與否而黜陟之。○天聰八年初次舉行。令各部院衙門官所有過犯備開考覈。○崇德二年定各官辦事勤敏稱職而無過犯者准加授官爵。○八年定各官辦事勤慎考註一等二等者雖有小過亦准加授官爵。○順治初年定京官考察六年舉行一次。○四年定各官於考滿前或已升授官爵者今遇考覈俱不准重加官爵。怠惰庸劣者革職。○八年議准欽天監太常寺太醫院官九年考滿有缺升任無缺升俸二級。○九年題准在內四品在外布政使以下各官俸滿三年移送吏部都察院考覈分為稱職平常不稱職三等具題。○又題准督撫照在京官員考滿。○十二年題准凡在京所承大使副使司獄雜職等官考滿照例考覈註冊不具題。○十三年議准考滿稱職者給予

誥敕。○又題准凡京察三品以上京官及在外督撫具疏詳開履歷及有無過犯據實自行陳奏取旨

欽定其出征奉差于憂告病養親給假者俟回任之日自陳行查未結者俟事結之日自陳。○又議准在京各衙門屬官考察不論現任升遷公差丁憂告病養親給假降調及行查未結者俱聽本衙門堂官考覈照外官考察格式填註考語事蹟或賢或否應去應留造冊密送吏部都察院史科河南道以憑會考如將應考官員遺漏將不應考官員造入冊內者聽部院糾參。○又議准官員六年升調不一若會同參註反開推諉遺漏之端應專責現任考察。○又題准各部院衙門筆帖式照有職掌官員例一體考察。○又題准吏部都察院史科河南道封門閱冊公同磨對過堂考察畢各衙門掌印官俱赴吏部面議後即行具題。○又議准凡遇京察時大小各官俱暫停升轉俟事畢出榜後照常舉行。○又議准吏部封門後科鈔中有應處分各官亦俟京察事畢查議。○又題准凡京察處分年老



有疾者致仕。貪酷者革職。罷職無為。素行不謹者。給予頂戴閒住。滿洲人員罷職不謹者。革退衙門。浮躁淺露才力不及者。降一級調用。○又題准六科京察。吏科都給事中。將六科各官行過事蹟。開列冊內。不註考語。彙送部院考察。○十四年議准。考滿賞賚。部院衙門一品堂官。賜羊酒。表裏各四疋。二品堂官。賜羊酒。表裏各三疋。三品堂官。賜表裏各二疋。○十八年議准。滿洲三品郎中。原係自陳。今令該堂官考覈。滿洲六品以下官。原未考滿。今俱准考滿。○康熙元年題准。僉都御史。四品正卿。國子監祭酒。六科都給事中。五年改為掌印。及中書科。行人司。上林苑監。等衙門掌印官。咨送部院考覈。其餘官員。俱由各衙門堂官及掌印官註考。移送部院。○又議准。部院官升轉。食俸相同者。俱准通理。○又題准。凡京察。貪酷者。革職。拏問。罷職無為。素行不謹者。革職。為氏。浮躁淺露才力不及者。降一級調用。○又議准。

盛京侍郎京察。照例自陳。○又議准。京官四品外。官布政使以下。考滿分為五等。辦事一等稱職。

者。紀錄一次。若此後緣事議處。准其抵銷。降一級。辦事二等稱職者。止加賞賚。平常者。照舊供職。不及者。降一級調用。不稱職者。革職。○又定各官遇有升缺。俱照考滿等第升轉。○又題准六科左右給事中。並給事中考察。俱聽都給事中填註考語。○三年議准。考滿二等稱職者。改註勤職。○又

諭。內外官俱於康熙三年起。每三年彙考一次。其到任未及三月者。不與。○又議准。三品以上官。雖經升調。食俸相同。俱通理前俸考滿。○又議准。筆帖式與有職掌官員。一體考滿。由各衙門堂官填註考語。分為稱職。平常。不稱職。三等。移送吏部。都察院覆考。註冊不具題。○又議准。各旗京察。以才能咨送。補授部院衙門官員。未及半年者。由原任衙門註考。○又題准。各官考滿一等二等者。賞賚。在內四品五品官。在外巡撫及布政使四品以下官。賜表裏各一疋。在內六品以下。在外五品以下官。賜表一疋。○又題准。筆帖式考滿。亦照有職掌官員例。分為稱職。勤職。平常。才力不及。不稱職。凡五等。其考註優等者。照例先



用。有不及者。無級可降。即行黜革。○又議准。欽天監等衙門官。九年內考滿三次俱一等者。將二次考滿各紀錄一次。給表綴。其第三次考滿升俸一級。仍給表綴。○三年議准。筆帖式考滿賞賚。與有職掌官同。○又議准。筆帖式考註一等稱職。二等勤職者。照例開具實蹟。保舉賢能註冊。○又議准。尚書左都御史。轉大學士及各部院尚書左都御史。互相轉補。各部院侍郎。互相轉補。並通政使。大理寺卿。宗人府府丞。轉副都御史。考滿俱通算前俸。若學士。副都御史。選政使。大理寺卿。宗人府府丞。升侍郎。俱不算前俸。學士。副都御史等官。授巡撫。巡撫升總督。亦不算前俸。○又題准。考滿官員。應將所辦職掌及何事奉旨改正。何事駁回。何事議處。詳明開載。考註一等二等者。在內由該衙門堂官六科都給事中。在外由督撫保舉賢能具題。○又題准。京官考滿一人一疏。彙齊具題。外官考滿各直省將所屬一等者一疏。二等者一疏。平常者一疏。不及者一疏。不稱職者一疏。亦彙齊具題。下部院衙門覆

考。○又議准。內外官未經考滿升職者。於新任內考滿。○又議准。僉都御史。令其自行陳奏。中書舍人專管。誥敕。聽內院考覈。○又議准。各官已經升補。俱不算前俸考滿。○四年。停止考滿。止行京察。○六年。題准。凡京察才力不及有疾者。降一級休致。老病者。原品休致。○九年。題准。才力不及者。降二級調用。浮躁者。降三級調用。雖有加級。不得抵銷。止准帶於所補新任。○十一年。議准。京察文冊。各照八法。今改六法填註考語。○十二年。題准。六科京察。不分掌印給事中與給事中。俱將行過事蹟。開列冊內。不註考語。由吏科移送部院考覈。○十八年。題准。升轉降補各官。到任半年者。於新任衙門註考。未及半年者。於原任衙門註考。○二十四年。停止京察。○雍正元年。諭。在京部院衙門官員。三年考察一次。係好事。應行查例。議奏。欽此。遵旨。議定。舊例六年京察。為期甚遠。今遵旨。三年考察一次。○又議定。在京三品以上滿漢官員。在外督撫。



盛京五部侍郎奉天府府尹均將三年內行過事蹟過愆據實自陳○又議定在京部院等衙門所屬官員於雍正四年三月內該堂官填註考語造冊密送吏部都察院吏科河南道俟文冊到齊吏部請

旨另派大學士大臣會同都察院吏科河南道詳加考察分別去留○四年

諭嗣後遇京察之年著內閣滿漢大學士吏部都察院吏科河南道公同閱看著為例不必另派大臣○又諭嗣後凡降罰之案奉旨特免者不必載入自陳本中

著吏兵二部一例遵行○又題准在京大小各官遇京察時自二月二十五日起暫停升轉俟事畢出榜後照常升補凡科鈔文中應行議處各官亦俟事畢查議至現在奉

旨升調官員仍行遷轉察議官員仍行察議○又題准各衙門滿漢堂官有一員歷任已久者仍令本衙門填註考語其滿漢堂官俱經升轉新任堂官俱到任未久者應令升任堂官會同填註如原任堂官俱升外任或已經解任其考語俱令新任堂官填註○又題准嗣後六科滿漢官員

京察不分掌印給事中並給事中俱令將行過事實開列冊內送都察院堂官填註考語移送吏部會同考察○乾隆十七年

諭京察之年部院堂官各省督撫循例自陳求斥罷候旨照舊供職此雖三載考績之義但卿貳職贊機務督撫任寄封疆朕量材簡擢日復於懷其有不副委任或克稱簡畀者率已隨時黜陟斷無遠待三年之理凡可俟至京察解退者不過閒曹冷署年力衰昏而又非有大過介於可去可留之間者耳且身列大臣謬以斥罷為辭是相率為偽誠無謂也嗣自今內

而部院司官外而道府京察大計之例仍舉行以昭激勸其自陳繁文著停止以示崇實○二十一年

諭何國宗職司風憲乃於京察大典竟將伊親弟列為一等雖古有內舉不避親之語然有祁奚之公則可試問何國宗兄弟能無愧祁奚所言否乎此所關繫於官常者甚大不得不示以懲儆朕用人行政毫無成見賞罰予奪一秉至公期於各當將此宣諭中外知之○二十四年

諭向來內外文武三品以上大員遇京察軍政之年援例自陳文具相沿無裨實政曾經降旨停罷第念伊



等游陟崇階。並由特簡。其人賢否優劣。雖已均在洞鑒。然其間亦不乏旅進旅退。苟圖持祿戀棧之人。若以平時既無大過。足干吏議。又不按例甄覈。任其迴翔日久。必致職業不揚。甚非澄敘官聯之道。嗣後吏部於京察時。將在京之尚書侍郎以下。至三品京堂以上。在外之總督巡撫。分列為二本。繕具簡明履歷清單進呈。候朕簡裁。以重考績大典。著為令。○二十

七年

論昨引見京察一等各員。覈之各該堂官保列名單。其中等第參差。率不甚相遠。惟吏部郎中阿敏爾圖。各堂官俱列一等。而彭啟豐獨列為二等。則不免有心示異。非偶然品題高下之比。阿敏爾圖係滿洲世族。朕習見熟知。伊果有出眾長才。堪膺重任。外而封疆內而卿貳。當已早經擢用。豈尋常曹司之待留心甄擇而定者。况京察等次。不過就本任職守而言。並非即為一生定評。即如阿敏爾圖在部郎內安分供職。而又能持正無私。顧惜顏面。若選司之銓務。銀庫之出入。以該員素守論之。實可信其無他。彭啟豐之意。不過以其族望所在。非特為區別。眾人何以知其獨立不懼。彭啟豐人如其學。學如其文。亦從無一

言建白。一事指陳。乃欲於隨眾具摺之中。小示異同。如此獨立。誰則不能。朕衡量人材。如各部院兼攝之大學士尚書侍郎等。亦止令竭其分量。各抒己見。並不倚為黜陟。其間或同或異。原不加之責備。試問吏部各堂官。列阿敏爾圖於一等。是保為封疆乎。卿貳乎。即彭啟豐之斤斤示異。若此。為京察大典乎。為取巧市名乎。其事固不煩言而易曉。第恐不得見用之人。妄生議論。以為即如彭啟豐之不與人同。究可謂能自立崖岸。或又謂因有此奏。始有此旨。中外得悉朕甄材用人之意。然朕之勤政與否。能識人與否。二十七年於此矣。天下宜共悉。固不待朕之朝綸暮綽。以口舌化天下也。將此明諭中外。俾共知之。○嘉慶

五年

論三年考績。始自唐虞。至今日則為京察用人之典。至要而選士之方。必推氣節。未有阿諛諂媚之徒。而能有廉明之政者也。近年以來。六部堂官。所拔識之司員。大率以迎合己意者。為曉事之人。以執稿剖辯者。為不曉事之輩。以每日偃謁卑詞。巧捷者為勤慎。以在司坐辨口齒。木訥者為迂拙。遂至趨承卑鄙。乞憐昏夜。白晝驕人。仕路頹風。幾不可問。氣節消磨殆盡。



成何政體耶。近日堂司各官。雖比前稍知檢束。奔競之風。恐未能盡改。總由積習相沿。狂瀾難返。朕思轉移風氣之方。須立矜式。觀摩之準。現在將屆京察之期。各部俱應慎重選舉。詢謀僉同。果有猷守兼優者。自應首薦。餘則寧取資格較久。謹厚樸實之員。其少年澆薄。才華發越者。亦應令其經練。下屆再行保列。則相觀益善。更足以勵後起之俊。黜華崇實。於政治不無小補。再京察之時。尚書侍郎。應各備一冊。密識賢否。公議之日。再行同覽。眾所獎許者。拔之。眾所屏棄者。黜之。以公心辦公事。毋存絲毫私意。問心無愧。斯可對君。覈辨之時。不准司官書吏家人在旁窺探。亦不准豫為洩露。邀譽市恩。此旨通行曉諭。各錄一道。懸於公署。朝夕觀覽。觸目儆心。以副朕循名責實。務得真才之意。○九年

諭京察為考績大典。各部院衙門堂官。就所屬中。數年以來。供職勤慎者。保列一等。經吏部帶領引見。奉旨准其一等加一級。所以獎勞示勸。並非專為簡用外任而設也。至其中有經朕察看材堪任使者。特行圈出。交該堂官再出具切實考語。覆行引見。以備簡推外任。各該堂官於所屬人員。或素悉其才具優長。或

深信其居官廉謹。原可分別註考。朕因材器使。於簡用時。繁簡先後。自有權衡。其家有老親。或身非獨子。而侍養情殷者。即現任外官。尚得援例終養。此次京察記名後。此項人員。仍准其聲明留京供職。外其餘概不得以不勝外任呈請內用。該員在京供職。既係出色之員。經該堂官遴註上考。豈有畀以外任。轉藉口才不稱職之理。且該堂官既已舉才薦能。列名上達。亦不得復以本衙門辦事需人。奏請仍留本任。現在京察引見屆期。著先將此諭令各衙門知之。

○十一年

諭大學士六部尚書議奏京察事宜一摺。京官分隸司曹。辦理部務。公同酌覈。原不能指定一二事。註為某人勞績。即刑部司員。平反案件。亦事所常有。不能因一事即登之薦牘。三載考績。為激揚大典。各部院堂官。自應統計所屬司員平日人品之賢否。才具之優絀。秉持公正。推賢選能。自克名實相副。為朝廷收得人之效。此內除該司員得有尋常過失。例准保薦者。不計外。若三年內有處分較重。礙於升轉。仍照例扣除。以歸覈實。若捐納人員。初登仕版。自應令其經歷事務。藉資造就。大學士等議令分別年資。以示限制。



尚為平允。此等人員。如實有才品出眾者。原准一體保薦。予以上進之階。若年勞相等。則捐納出身之人。自不若科目正途。於事理較為明晰。嗣後各部院堂官保舉捐納人員。必取資格較深。才具實在優長。為眾論翕服者。方可與選。餘俱不准濫保充數。以杜倖進。至軍機處司員。自雍正年間定制以來。均係以本衙門額缺。承辦軍機處事務。其升遷保舉。悉由本衙門堂官註考。相沿已久。若以計典獨歸之軍機處。更定官制。事多格礙。惟軍機司員內。其辦事勤慎。又能兼部務者。自當列之上考。其止在軍機處行走。而於部務未能諳習者。本衙門堂官。不得意存遷就。濫行保薦。軍機大臣。尤不得授意各部院堂官。扶同薦舉。以昭公慎。又議定。捐納在部候選。及加捐分部學習。未經奏留。即行銓選。實缺人員。資格本淺。於部務多未諳習。若得缺後。一滿三年。即准保列一等。實覺過優。應於試俸三年外。食俸二年。統計歷俸已滿五年者。方准保送一等。並不准捐免試俸。以杜躁進。至曾經分部學習。期滿奏留。補用人員。行走有年。於部務稍經諳練。其奏留後。挨次補缺。先後亦有不同。除奏留後。又經行

走過三年以上。始行得缺者。仍准其按照向例保送外。其有得缺在三年以內者。查明該員如未捐免試俸。必須歷俸在四年以上。方准一體保送。如已捐免試俸者。仍照常例辦理。至捐納筆帖式。刑部司獄。五城兵馬司正副指揮。吏目。向例毋庸試俸。各官以及曾任部曹。降革後捐復補用。試俸期滿者。仍照舊例辦理。○十二年諭。向來部院各衙門京察一等人員。引見後。經朕圈出者。俱交該堂官再行出具切實考語。復行引見。以便簡擢道府。其家有老親。身係獨子。或雖非獨子。而侍養情切者。俱准其聲明留京供職。至內務府一等人員。向來引見後。有圈出者。並不復行引見。辦理殊未畫一。內務府記名後。既可一體簡放道府。自應交各堂官再行詳覈該員平日居官辦事。出具切實考語。復行帶領引見。即實有老親情願侍養者。亦當准其一體註明。庶考績大典。倍加詳審。而於部院定例。亦屬相符。所有此次內務府引見京察人員。即照此辦理。著為令。○十四年諭。京察為三載考績大典。自應覈其辦事勤惰。以分黜陟。必須擇其品行素端。才猷茂著者。登之上考。方足



以昭激勸若止取浮華奔競之徒嘉其趨走承順言語便捷工於迎合者即予保薦而不按其平日之品行慎加甄別則心術稍有不端才具又何足取且一等人員於保薦後可以帶領引見記名簡擢其次等者例不得預若猷守素優之人不獲仰邀登進於人才已多屈抑儻一等中竟有倖列之人一經記名擢用即可由道府洊擢大員其居心辦事素不可問將來必致貪酷債事關繫尤重前於嘉慶五年特降諭旨令各衙門慎重保薦茲因京察屆期特再行申諭儻有不揀擇人品率行保舉致記名擢用之後營私敗檢貽誤地方釀成重大案件則惟原保官是問○

十七年

諭京察為考績鉅典舉劾悉秉大公方足澄清仕路明年又屆舉行計典之期各堂官於保舉一等人員務當慎重遴選迨引見記名後復令出具切實考語以備簡用道府尤當加意甄別擇其才守兼優之人登諸薦牘不得以尋常供職者濫保充數用副朕慎簡賢良之至意○道光四年

諭京察為三年考績大典用以整飭吏治激揚人才所關甚重各衙門堂官果能黜華崇實推選賢能自可

為朝廷收得人之效若如近日侯際清贖罪舞弊一案牽涉官吏實出情理之外恩德盛思道均係刑部司員恩德又管理贖罪事務輒與市井棍徒朋謀賄囑撞騙多金該堂官既不能即時察辦猶復將恩德登諸薦牘其餘公同定稿各員亦皆該堂官保列一等或被供指得贓或以聽情徇隱並有形同木偶隨和畫諾竟置公事於不問者似此名實混淆是非倒置所謂澄敘官方者安在各部院大臣為朕素所信任其薦舉自應公允一經引見不能不量為甄錄何至以登明選公之舉竟有踰閑敗檢者諺劇其間是

該大臣於考察一事惟知奉行具文苟且塞責舉非其人各將誰屬且此等不肖人員服官輦轂尚敢藐視法紀營私贖貨設令得膺外任勢必紊撓公事朕削民膏益復何所顧忌向例九卿保舉官員如貪婪事發原保舉官定有濫舉處分此案既據托津等審明擬奏所有從前率將恩德等保列一等之刑部堂官交吏部查取職名照例議處因思刑部如是各衙門恐亦不無此弊明年即屆京察之期著先行諭知各部院堂官務當精白乃心秉公選拔於所屬內必平日深知其居心公正辦事練習者公議允協方准



書之上考。以備任使。若不加覈實。冒濫充數。甚至瞻顧情面。曲徇己私。將來該員等款蹟敗露。朕惟原保之堂官是問。○十七年議准。外官因不勝任。改用京

職奉

旨以京職改補後。復不勝任者。倉差咨回原衙門行走者。俸滿保送簡缺者。保繁奉

旨改簡。及仍回原衙門行走者。京察時均不准保送。一等。其由京堂御史緣案降補。及原係京職降調補官。指明以何官降補。或仍回本任。並廢員起用。捐復降捐人員。如係一體升轉。其原案內

並無不勝外任及奉

特旨停升者。查係計俸合例。俱准其保送一等。○二十六年奏定。在京堂司各官。有應行出考之處。如到任未及三箇月者。毋庸出考。○咸豐四年

諭京察為激揚大典。舉劾並行。即古三載考績之意。向

例各衙門保列一等人員。皆有定額。原所以防浮冒。或不得其人。即當任缺。毋濫。近來各堂官如數薦列。從無缺額。其上次一等人員。如或始勤終怠。原可改入二等。乃近來往往盡列一等。絕少更改。至應列六法人員。除年老有疾者。各衙門尚有數人。其填浮濫

不謹等款者。亦屬寥寥。殊非慎重舉劾之道。現屆辦理京察之年。著各衙門堂官認真考覈。務擇操守廉潔。通達吏治之員。列入上考。不得以濫竽充數。其庸碌無能及精力衰頹。不堪造就者。並著隨時淘汰。毋任戀棧。總期舉錯嚴明。毋蹈瞻徇之習。俾該司員等咸知振作。以備簡任。○又

諭吏部奏捐免試俸。歷俸人員。與京察保薦例義未符。

請旨定奪一摺。此項捐免試俸。歷俸人員。既得題升。截取已屬從優。所有京察大典。自不得與資深人員同登上考。著各該部院堂官。仍照舊章分別試俸。歷俸年限。辦理。以符定制。○十年

諭前因吏部議奏。刑部堂官京察保送不實處分。所引

例文。尚未允協。其兩次出考各堂官。又未分析聲明。當交端華彭蘊章另行覈議。茲據奏稱。援照嘉慶年間成案。議以降二級調用。該堂官等於京察大典。濫行薦舉。不諳本部例案之員。實屬咎有應得。惟念相習成風。不獨刑部為然。此次姑從寬宥。所有濫保之刑部堂官。均著加恩改為降二級留任。不准抵銷。其兩次出考之堂官。著吏部查取職名。再行罰俸三箇月。以示區別。亦不准其抵銷。嗣後每屆舉行京察之



期各部院堂官務各慎選賢能不得以劣員充數儻敢再行濫保一經查出即行實降不得再邀寬典也

京堂京察○舊例三品以上京堂官考滿令其自行陳奏黜陟取自

欽定准復職者給予

誥命

賞賜漢官復廕一子入監讀書應否加銜察例奏請

取自

欽定○順治十三年題准考察三品以上京堂令其據實自陳○又題准四品京堂亦令自陳下部

議去留五品以下不論堂屬俱聽部院會同該

衙門考察○又議准凡內閣翰林院詹事府衙

門少詹讀講學士左右庶子俱令自陳其餘各

官令部院會同大學士學士詹事府堂官一體

考察○十八年議准滿洲三品以上京堂考滿

照漢官例准其廕子○康熙元年題准四品京

堂令咨呈部院考察惟僉都御史在京者有考

察之責在外者係封疆大吏仍令自陳○又議

准

盛京侍郎照例自陳○四年停止考滿止行京察

○六年題准在京僉都御史各衙門少卿以下官員俱由各該衙門開列考語移送部院○又

題准侍讀學士以下各官俱由該衙門開列考語移送部院考察○十二年題准四品衙門各

官由正卿少卿及掌印官註考其正卿少卿及

掌印官屬部兼轄者由該部堂官註考不屬部

兼轄者冊內詳開行過事實不註考語移送部

院考察○十八年議准少詹事以下各官亦聽

詹事填註考語移送部院考察○二十四年停

止京察○雍正元年復議舉行○乾隆二年議

准京察一等官如內閣侍讀學士開坊翰詹以

上官階體制與外省藩臬無異雖列一等毋庸

加級○十五年

諭前經臣工條奏四五品京堂京察列為一等者請引

見又有奏布按二司應入大計者均未議准行朕思

兩司承辦通省案件大小事務無不由其擬議詳報

督撫自必隨時體察優者隨時奏薦稍不勝任必不

姑容誤事何待大計之年方入舉劾議駁自屬允當

至京官察典屆期三品以上堂官尚具本自陳部院

司官亦皆令引見而四五品京堂則不在自陳之列



考覈之後。亦不行引見。雖有吏部都察院填註考語之例。不過按冊過堂。虛文應事。其中龍鍾庸劣者。既得姑容。即才具優長。精力壯盛。堪供驅策者。亦無由自見。於培養人才。澄敘官方之道。蓋兩失之。嗣後京察年分。吏部開列王大臣等職名。請旨特點數人。將四五品京堂。秉公分別一二三等。及應去應留。具奏引見。以定黜陟。庶優劣分。而人知激勸。於實政有裨。其王大臣等。是否秉公據實。自亦不能逃朕洞鑒。即於本年為始。著為令。○十七年

諭。京察之年。部院堂官各省督撫。自陳繁文。著停止。○

十八年

諭。前經降旨。部院堂官稱職與否。久悉朕懷。自可隨時黜陟。京察之年。停其自陳。四五品堂官。特派王大臣秉公分別去留。奏聞引見。至三品京堂官。則非尚書侍郎可比。今既不令自陳。轉得散地容其濫竽可乎。其令吏部於京察時。將伊等事實。別繕清單。呈候朕親為裁奪。○三十八年奏准。翰林院讀講學士。詹事府庶子。與四五品京堂。一體考察奏

聞請

旨帶領引

見。○四十八年

諭。嗣後京察時。滿漢內閣學士。副都御史。仍著吏部照例開列具題外。其餘大小三品京堂。既不便派王大臣驗看。俱著吏部一體帶領引見。將履歷註明。所有本年京察三品京堂。即著照此例行。○嘉慶五年

諭。向來四五品京堂。及翰林院讀講學士。並左右庶子等官。每遇京察之年。係吏部開列王大臣名單。請旨簡派驗看。分別等第。由吏部帶領引見。但此等人員。職分較大。俱係朕特加簡擢。伊等與王大臣向無交涉事件。又無統屬。其賢否何由深知。所定等第。亦未必確當。况於驗看後。仍須帶領引見。又何必多此驗看為耶。嗣後四五品京堂及翰詹學士等官。即照三品京堂之例。一體帶領引見。不必由王大臣驗看。著為令。○九年

諭。內閣侍讀學士。係從四品官階。定例缺出時。以通政司參議光祿寺少卿鴻臚寺少卿。及科道各部郎中。分班輪用。止因京察年分。應歸大學士考覈。不得與各衙門卿員同邀引見。是以與京堂稍有區別。其體制介在堂司之間。殊屬未協。嗣後內閣侍讀學士。著照翰林院讀講學士之例。遇京察之年。同各京堂一



體引見○十二年

諭京察為考績大典所以甄別賢否明示激勸向來內外大員由吏部開列具奏朕覈其勤能者均特旨賞給議敘其餘或照舊供職或量予罷黜其司官等經各該衙門甄別等第後內保薦一等者亦皆引見各予加級惟三四品以下京堂向由王大臣驗看擬列一等者例無加級近年概行帶領引見除年老才具平庸者量予降黜外餘俱照舊供職並無甄敘之例因思三品以下京堂其才具優劣不同且三年內勤惰各異若有懲無勸既與內外大臣辦理兩歧並不得與各部院司官保列一等者同邀加級未免偏枯所有此項京察引見三品以下京堂各官太常寺少卿色克精額差使勤奮讀祝嫺熟太常寺少卿錢楷內閣侍讀學士文孚在軍機處行走有年供職勤慎著加恩交部議敘其太常寺卿陳鍾琛大理寺少卿楊長桂內閣侍讀學士通恩通政司參議聞嘉言或人本平庸或年已衰邁著以原品休致餘俱著照舊供職嗣後京察三四品京堂引見均即照此辦理○

道光二十二年

諭嗣後內務府署卿司員准由該總管大臣擬列等第

一體註考其三院卿員遇京察之年准將年歲履歷造冊咨送吏部隨各衙門京堂一體帶領引見以歸畫一○咸豐二年題准總管內務府大臣並非尚書侍郎兼任者照各部院尚書侍郎之例一體進呈履歷列於內閣學士之前



欽定大清會典事例卷七十九

吏部

處分例各衙門所屬官員筆帖式等京察  
順天府各官京察  
盛京官員京察

察考察官員出差

各衙門所屬官員筆帖式等京察。○順治十三年題准。覺羅官員。部院會同宗人府考察。○康熙十二年議准。宗人府覺羅官員。聽宗人府註考。○又題准。各部院衙門覺羅官員。聽宗人府考察。○十八年議准。升轉降補各官。旗員補授部院各官。到任半年者。於新任衙門註考。未及

半年者。各該原衙門註考。○雍正元年議准。在京各衙門官員。該堂官於三月十五日內。詳加考覈。填註考語。分別去留。造冊密送吏部。及都察院吏科。河南道考察。若有徇情遺漏舛錯者。吏部都察院吏科。河南道查出題參。其京察文冊。定於三月十五日到齊。吏部都察院吏科。河南道各封門閱冊。公同磨對。照該衙門所填四格考語。分別一二三等。會同內閣大學士。吏部都察院吏科。河南道。公同考察。隨知會各衙門所屬各官。以次過堂。分別去留。吏科。河南道均

赴吏部面議具題。○三年題准。宗室內有補授

宗人府筆帖式者。亦聽宗人府註考。○四年議

准。六科滿漢給事中。不分掌印不掌印。均令都

察院堂官註考。○又議准。一應考覈在京各官。

自二月二十五日起。暫停其升轉。俟事畢出榜

後。仍照各月出缺先後升補。凡科鈔公文中有

應行議處考察各官。亦暫停其議處。俟出榜後

察議至奉

特旨升調官員。仍行遷轉。察議官員。仍行議處。○乾

隆二年議准。應考察各官。令該堂官將才守兼

優政績卓著者。造冊移送吏部都察院吏科。河

南道會同大學士考覈。列為一等。繕冊進呈。吏

部引

見將奉

旨准為一等人員。加一級註冊。至

盛京五部等衙門所屬一等官員。有三年期滿。例

應以京官調補者。俟回京之時引

見。非三年期滿調回者。仍令送部引

見。以上一等人員。遇有奉

旨保舉時。該堂官即於此項人員內揀選。如下次京



察之期。經堂官降為二三等者。不准仍行保送。  
○四年議准六法。應去官員。照外官大計之例。由部引。

見○五年議准京察四格。務須切實註明。如守清才。長政勤。年或青或壯或健。稱職者列為一等。守謹或政勤才平。或才長政平。年或青或壯或健。勤職者列為二等。守謹才政皆平。或才長政勤而守平。年或青或壯或健。供職者列為三等。於此四格之外。再加確實考語。如列在一等。而才守政年及稱職等字樣。不遵定例開註者。考察

時。即將該員照所註字樣。改列等次。毋庸駁查。其應行議處者。必將應去之處註明。二等三等人員。均以應留造冊。至新任未試。未經到任官員。別具一冊。亦並咨送吏部。都察院。吏科。河南道。分繕黃冊進呈。○又議准凡考察時。保送一等官員。不必論其本任食俸。統計前後已滿三年者。即准保送。內除降調補用。及廢官起用。並非本案開復。及不宜外任。改補京官者。均不准計前俸外。如

盛京調補。及丁憂起復。告病起用。並外任補授京

職官員。到任已過半年者。均統計前俸。其各部額外官員。已經補授者。從前已經食俸辦事。亦准其統計。從前日期。如前後統計。已滿三年。均准一例保送。○又議准近京各工程處。委往官員。到工未及半年者。仍歸原衙門註考。已過半年者。令各工程處註考。○六年議准保舉一等官。遇有過犯。除該員於他處犯出。該堂官無從查究者免議。如在本衙門犯有貪劣事蹟。在保舉一等以前者。別經發覺。審實。將原保舉之堂官。降二級留任。在保舉一等以後者。別經發覺。審實。將原保舉之堂官。降一級留任。自行參出。免議。至各衙門筆帖式。司庫等官。向由該司覈定呈堂辦理。如係該司覈定保舉之官。犯有貪劣。別經發覺。審實。將原覈定保舉之承辦司官。亦照堂官濫舉例。分別事前事後議處。堂官照不行詳查例議處。其或該司覈定後。堂官酌改者。准其於咨送職名文內聲明。將堂官議處。該司官免議。○十一年

諭。三年京察之典。激濁揚清。所以敘官方而明黜陟。自當矢慎矢公。甄別允當。上次舉行之際。恐各部院堂



官有瞻徇情面濫列一等者。曾降旨大學士於驗看過堂時慎重分別有不稱一等者俱行裁去。嗣經大學士等分別去留。此亦權宜辦理之道。究之察覈司員。惟堂官最為親切。要在平日留心體察。臨時舉劾公平。方為允協。如上次定以一等者。三年中行走平常。即當改為二三等。不得稍存姑息之心。上次原列二三等者。三年以來。知所奮勉。即當列為一等。亦不得仍拘已成之見。惟一秉至公。分別等第。庶察典肅而人人知所勸懲。○十八年奏准文職官員內太常寺所屬各

壇

廟奉祀祀丞並贊禮郎讀祝官協律郎司樂等官。禮部

所屬

堂子七品八品官鑄印局大使會同四譯館序班大使

朝鮮通事等官。鴻臚寺所屬鳴贊序班等官。各

陵寢贊禮郎讀祝官。欽天監所屬五官正及博士。司書

靈臺郎監候學壺正司晨等官。太醫院院使院

判御醫八品九品。並額外吏目等官。向來每屆

京察。皆沿習舊例。填註守政才年四柱考語。但

此等官員與各部院辦理案件者不同。其沿例

註考全屬故套。嗣後如奉祀等官。則但論其禮儀之是否嫻熟。行走之是否敬謹。鳴贊等官。則但論其舉止之是否安詳。音節之是否洪暢。欽天監官。則但論其數學之是否精研。太醫院官。則但論其醫理之是否通曉。令各衙門堂官於三年京察時。秉公察覈。填註切實考語。以定去留。其四柱守政才年等字。一概不必填註。以崇實政。○二十六年

諭。今日理藩院侍班官內有四員。不惟清話生疏。甚至

有竟不能說者。伊等俱係滿洲人員。所司又係清字

事件。若全然不曉。何以辦事。由此而推。則衙門各員內不能清話者。當復不少。清話係滿洲根本。旗人首當以此為務。儻不專心學習。以致日久生疏。成何體制。此皆該堂官平日不以為事之所致也。從前各衙門官員。回堂俱用清話。近則漸漸廢弛。該堂官等如果留心試看。於清話好者。即加之鼓勵。生疏者。即予以訓飭。伊等何患不能精熟耶。著傳交各該堂官。嗣後一體實力遵循。外明年乃京察之年。必須清話熟習。辦事妥協者。方准保列一等。其不能清話。辦事雖好。亦不准保列。伊等如不照此保舉。引見時。留心試



問。有不能清話者。惟該堂官是問。○三十三年

諭。向來部院各衙門京察屆期。所有列入一等人員。均由吏部帶領引見。至二三等留任各官。並無引見之例。該堂官等。以其循分供職。無關黜陟之典。且人數衆多。其中即有年力衰庸。不無稍為姑息。人才既難考覈。公務未免曠廢。大典何由克副。嗣後京察二三等人員內。凡年至六十五歲以上者。並令吏部一併帶領引見。候朕鑒定。庶曹司不致濫竽戀棧。而該堂官甄別公私。亦可立辨。於澄敘官方。益昭慎重。著為例。○三十六年

諭。今日吏部引見京察人員。比較單內翰詹衙門保送一等者。已較上屆為多。其外又有兼部行走之員。由部註考。仍附本衙門引見。雖屬循例辦理。但此等人員。既以職係翰林。不占部員之數。而翰詹衙門。又以由部保薦。聽其溢於舊額。似此兩相影射。浮濫潛滋。殊非慎重考績之道。所有此次兼部翰林之保列一等者。俱著撤去。不准帶領引見。夫翰林既兼部務。掌院等。即不復顧問。其人之勤惰優劣。惟各部堂官體察而甄敘之。京察時。既與司員一例。殿最。又何必因其籍在詞垣。強為分別。不借曹司引對乎。嗣後滿洲

翰詹各員。有兼部行走。列在一等者。即入於各該部保送員數內。一體比較。其仍歸本衙門另班聲敘之例。不必行。又各部院衙門。有到任未滿半年之員。仍由原衙門註考者。該堂官等。往往因其業經遷調。曲為獎飾。莫博寬厚之名。按之激揚大典。究乖覈實。此等人員。任事之日既淺。即使才猷出衆。何妨暫置。二事。亟亟於此。一時為耶。著自今年為始。即為查明改正。所有原衙門註考之例。永行停止。至各衙門人員。在繕書房行走者。因其給事勤勞。亦准保送一等。以示鼓勵。向例由該管大臣註考。而引見。則仍歸各本衙門。並不於單內註明。尤易混濫。此後繕書房准其自為一項。所有該處現保一等人員。著吏部另行帶領引見。候朕閱定後。即為將來比較之數。並著為令。○又

諭。昨降旨。令滿洲翰詹各員。兼部行走者。京察時。入於各該部司員內。一體考察。固以防浮濫之漸。亦因滿洲翰林。多有由各部院升授者。向既未工文墨。在本衙門轉無可見長。而在部留心辦事。頗為有益。但既已兼部。則平日之勤惰優劣。該堂官皆所深知。較掌



院等更為親切視其現在供職而殿最之自屬覈實之道至太常寺鴻臚寺讀祝鳴贊等官其職專於宣贊自以儀矧聲亮者為優閒有升任各部院衙門者仍兼本寺行走遇典禮執事如常並不藉其專心部務與翰林兼部者不同是其考察又當責之本寺堂官而不必歸於部院矣乃向來京察太常寺鴻臚寺官升任部院者皆由所升之缺註考而本寺即置之不問所列一等率取其次者濫充既非所以示平允亦不足以昭勸勵嗣後讀祝鳴贊等官升任後仍兼本寺行走者俱由該寺堂官註考保送著為令○又

諭本日引見京察各員內翰林院庶吉士亦有列入一等者該員尚未散館授職不應遽膺薦剡著撤去嗣後庶吉士保列一等之例著停止○又覆准

陵寢官員筆帖式應入考察者令各該總管考覈填註考語○三十八年奏准部院衙門所屬覺羅官員由各部院衙門註考○又奏准京察官員照八法今改六法例開註考語處分亦照八法議處其才力不及浮躁例應降調滿漢人員俱照所降之級以京缺補用至京察保舉一等官擢用外任或遷調在京別衙門犯有貪劣事蹟將原保

舉之堂官降一級留任○四十二年

諭向來各衙門保送京察一等人員俱照上次數目比較寧缺毋濫引見時吏部開單進呈候朕閱定於甄簡才能之中仍寓慎重激揚之意惟是每次與上屆相較固以防其溢額然或過泥成例此次比上屆少一人下屆又比此次少一人遞行減少勢將無所底止亦非所以示鼓勵嗣後吏部引見進呈比較清單著將上兩次數目一併開列若此次比上屆多一人而較之再上一次數仍相仿即可毋庸裁減將來吏部較覈亦以此為準如此酌中定制既無慮濫膺保薦亦不至屈抑人材著為令○四十八年奏准翰林院滿洲侍讀侍講等官奏留兼刑部理藩院行走人員令各該堂官註考○又議准凡由別衙門升調及由外任升補京職人員須在現任衙門歷俸已滿一年方准保送一等○又奏准考察各官適屆京察之期年滿離任候補尚未得缺該員舊任已離新缺未補考察之典未便虛懸仍由原行走之處註考列為二等○又奏准官員由別衙門遷轉到任未滿半年該堂官填註考語有難於覈實者將由原衙門保送得缺



之員列為二等。年滿調京及循例升補之員。列為三等。○五十年

諭各部院衙門保送京察一等人員。例應比照上屆之數咨送吏部。向來辦理未能盡一。殊失慎重程材之意。夫三年京察一次。原以激揚黜陟。期於無濫無遺。現屆明年京察之期。著各該堂官將屬員才具賢否。秉公察看。照上屆四十八年保送一等之數。出考送部。毋許溢額。致啟濫觴。即定以為例。但向來有人數比上次多者。吏部必駁之語。此則不可。或該堂官因一人少。不能足額增送。即於咨部時聲明缺額幾

員何妨。至下次京察。若果出色之員較多。仍許其補還原額。吏部亦不必以上次既經缺額。即行予駁也。若一次少一次。則將來無人可舉。成何政體。若各部恐致數少。勉強足數。以符上次。是又徇情虛應故事。總成笑談矣。今應定例。率以不溢四十八年一等原額為準。○五十一年

諭今年派出後撥隨圍章京官員。看射布靶時。文官內多有指稱患病臂痛不射者。伊等雖屬文員。但係旗人。豈可在朕前託故不射。此風斷不可長。若不嚴加禁止。久則漸染漢習。竟至忘失滿洲本來技藝矣。此

次託故不射人員。著交各該衙門存記。下次京察時。不准列入一等。著為令。○五十三年奏准。京察為激

揚鉅典。必視其部務繁簡。辦事勤惰。覈實考察。方足以昭勸懲。從前保送一等。係遵照乾隆四十八年定額。籠統覈算。司員七缺內保送一員。筆帖式等官八缺內保送一員。今按其衙門額缺多寡。事務繁簡。分別覈定。其筆帖式內有由保送揀選得缺者。則稍寬其額。至事簡衙門。雖員數浮於舉額。亦毋庸議增。仍令該堂官秉公覈定。如不得其人。任缺毋濫。宗人府保送理事

官副理事官王事經歷二員。漢主事一員。筆帖式二員。共五員。內閣保送滿洲侍讀學士侍讀典籍三員。中書十一員。漢侍讀學士侍讀典籍中書五員。共十九員。吏部保送滿洲郎中員外郎主事司務四員。漢郎中員外郎主事司務二員。今增一員。滿筆帖式九員。共十五員。今共十員。漢相間輪保。

戶部保送滿洲郎中員外郎主事司務十一員。漢郎中員外郎主事司務六員。筆帖式十五員。共三十二員。三庫保送郎中員外郎主事司庫二員。筆帖式二員。共四員。禮部保送滿洲郎中



員外郎主事司務四員。漢郎中員外郎主事司	務二員。筆帖式五員。共十一員。兵部保送滿洲	郎中員外郎主事司務五員。漢郎中員外郎主	事司務二員。筆帖式九員。共十六員。刑部保送	滿洲郎中員外郎主事提牢司務十員。漢郎中	員外郎主事司務八員。筆帖式十五員。共三十	三員。工部保送滿洲郎中員外郎主事司務八	員。 <small>每增一員。漢郎中員外郎主事司務二員。今增一</small>	<small>相開</small> 筆帖式十二員。 <small>每增司庫一員。共二十二員。今</small>	<small>五</small> 理藩院保送郎中員外郎主事司庫九員。	筆帖式十二員。共二十一員。 <small>每增唐古特學司</small>	都察院保送滿洲御史。都事經歷四員。漢御	史。都事經歷指揮吏目六員。筆帖式五員。共十	五員。六科保送滿洲給事中一員。漢給事中一	員。 <small>今增一員。滿筆帖式七員。共九員。今共</small>	員。 <small>漢相開給保筆帖式七員。共九員。今共</small> 通政	司保送滿漢經歷知事止一員。筆帖式一員。共	二員。大理寺保送滿漢寺丞評事司務止一員。	筆帖式一員。共二員。翰林院滿漢讀講及無額	缺之滿漢編檢等官。各按其現任若干員。同讀	講等官數計七員內保送一員。 <small>每增滿漢典簿</small>
---------------------	-----------------------	---------------------	-----------------------	---------------------	----------------------	---------------------	---	---	------------------------------------	--------------------------------------	---------------------	-----------------------	----------------------	--------------------------------------	--	----------------------	----------------------	----------------------	----------------------	-------------------------------------

筆帖式五員。奏事處保送章京一員。 <small>道光</small>	起居注保送滿漢主事止一員。筆帖式二員。共三	員。詹事府保送滿洲洗馬中允贊善一員。漢洗	馬等官一員。筆帖式一員。共三員。太常寺保送	滿洲寺丞讀祝官贊禮郎典簿博士五員。 <small>今增</small>	漢寺丞署正署丞典簿博士一員。筆帖式一員。	共七員。 <small>今共</small> 光祿寺保送滿洲署正署丞典簿	司庫一員。漢署正典簿一員。筆帖式二員。共四	員。太僕寺保送員外郎主事王簿止一員。筆帖	式二員。共三員。國子監保送滿洲監丞助教博	士二員。漢監丞助教典簿學正學錄一員。筆帖	式一員。共四員。欽天監保送滿洲五官正王簿	博士止一員。漢五官正靈臺郎監保挈壺正王	簿二員。筆帖式一員。共四員。鴻臚寺保送主簿	鳴贊二員。筆帖式一員。共三員。步軍統領衙門	保送員外郎主事司務止一員。筆帖式二員。共	三員。倉場衙門保送滿洲坐糧廳監督二員。漢	坐糧廳監督二員。 <small>今增一員。滿筆帖式一員。共</small>	五員。 <small>今共</small> 緜書房保送章京一員。筆帖式一員。	一員。 <small>今增</small> 共二員。 <small>今共</small> 俄羅斯館保送教習一員。 <small>今</small>
------------------------------------	-----------------------	----------------------	-----------------------	-------------------------------------	----------------------	--------------------------------------	-----------------------	----------------------	----------------------	----------------------	----------------------	---------------------	-----------------------	-----------------------	----------------------	----------------------	---------------------------------------	--	---



稽察欽奉

上諭事件處保送章京一員。筆帖式一員。共二員。侍衛處保送主事一員。筆帖式一員。共二員。中書科保送滿漢中書止一員。筆帖式一員。共二員。鑾儀衛保送滿洲主事鳴贊漢經歷止一員。筆帖式一員。共二員。順天府保送滿洲教授漢治中。通判。經歷。照磨止一員。○五十六年奏准。詹事府洗馬。中允。贊善各官。令翰林院掌院學士出考。○五十七年

諭。昨召見新用四川雅州府知府恆溥。不特清語平常。

人亦平庸無能。斷難勝方面之任。因思各部院保舉京察原備外任之選。此時遇有道府缺出。經朕簡用。如果才具出眾。將來即可擢任兩司。所關甚重。該堂官等。或以人才難得。見其平日供職勤勉。人亦體面。因而登之薦剡。此則尚可。但初次引見。經朕圈出。後令該堂官分別內外任事。即當慎重遴選。詳加甄別。豈得以循分供職之員。使膺方面表率之責。除將雅州府知府員缺另行簡補外。恆溥雖不勝外任。念其並無過失。著仍回御史本任。所有率行保薦之都察院堂官。著交部察議。嗣後若復有似此徇情濫送情

事。不必俟該員到任後。另有貪酷劣蹟。但一經看出。其人才平常者。即當將該堂官從重嚴處。不能復如此。此次從寬辦理。至各部所送京察人員。雖皆去得。但都察院既有濫送之事。恐將來各部亦不無效尤。率保。並著一體加意留心。覈實甄別。以副朕慎重地方。遴選人才至意。○嘉慶三年奏准。京察二三等官內。年至七十以上者。帶領引見。其未至七十各員。年力尚不為衰。應毋庸引見。○五年

諭。從前

皇考因派出隨圍之旗員。竟託故不射布靶。此次未射布靶人員。下屆京察。不准列入一等。曾經

特降諭旨。此乃令旗人專務根本。毋忘舊習之至意。自應永遠遵行。明年即係京察之年。將此著交各部院衙門。各將所屬官員。查明嘉慶三年派出隨圍者。如有託故未射布靶之員。俱照此例。不准保列一等。嗣後派出隨圍應射布靶人員。如託故不到。該部院衙門查明註冊。下屆京察。不准列入一等。將此交各部院衙門。永遠為例。○又

諭。從前將詹事府衙門。歸入翰林院衙門兼管。究非體



制嗣後詹事府京察及一切應辦事宜仍著照舊辦理翰林院掌院不必兼管○又

諭向來翰林院編修檢討遇有京察保列一等引見記名者俱與開坊各員一體簡放道府但編檢止係七品而道府則係四品職級相去甚遠乃編檢等一經保列記名即邀簡用道府未免太優且編檢職係詞垣其由掌院學士保列一等者大率因其學問較優年力精壯登之薦牘引見時量予記名並非考試優等者可比該員等即長於文藝究未經歷政務於地方民事豈能諳習遠膺方面恐不免致有貽誤嗣後除業經開坊之翰詹等官及修撰京察一等記名外用者遇有道府缺出仍開列請旨外其編修檢討京察一等記名外用者遇有同知直隸州知州缺出開列簡放著為令○又

諭昨已降旨將翰林院編修檢討京察一等記名外用者遇有同知直隸州知州缺出開列簡放原因編檢與道府品級相去較遠遽加擢用未免過優今思編檢開坊者皆係按照俸次其京察引見准列一等記名之員於引見排單綠頭牌及開列本內詳細註明如各該員開坊後遇有道府缺出即一併開入簡放

著為令○又

諭奏事批本二處官員俱在內廷行走多係循分供職嗣後遇京察年分所有實缺各員著由本衙門註考列為二等至繕書房提調繕譯官京察遵照舊例概由管理繕書房大臣註考○又

諭向來京察二三等人員凡六十五歲以上者另為一班帶領引見後經改為七十歲以上此次著仍照舊例將六十五歲以上之員通行帶領引見○又奏准保舉一等官簡放外任後犯貪劣或引

見請

訓以不勝任扣除或經督撫以不勝任叅劾將原保舉之堂官照九卿保舉不實例議處○七年奏准翰林院編檢等官京察記名外用未經

簡放道府人員除已升至正五品以上係屬京堂不揀選道府外其升至從五品以下者遇有揀選時仍一體傳挑○八年奏准唐古特學生轉升內閣蒙古堂中書向係在內閣辦事仍入唐古特學計額定制考覈未能允協應歸入內閣一體考察其唐古特學司業助教二員如果有出眾之員照事簡衙門之例准其保送一員不得







式二員共六員。保送筆帖式原額○又議定在

京旗員。遇三載考績時。吏部考功司於帶領引

見後。將記名人員。移付文選司。查照官冊。將丁憂未

滿服制之員。另註清單。咨報軍機處。暫行扣除。

俟其服滿。另報再行開列。其奉

旨交吏部記名者。遇有丁憂事故。文選司亦即照例

扣除。俟服滿後。再行開單請

旨簡用。○十三年

諭。管庫大臣。近日雖按年更換。將來即閒留一二年。未

為不可。惟更換之年。若適當京察屆期。此數年內。屬

員賢否。自未能深悉。嗣後司員京察。著三年內。管庫

大臣會同考察。以歸覈實。○十五年

諭。御史周鉞奏請。飭禁保留記名人員。各衙門京察外

用人員。除親老准其自行聲明留京外。其餘既經該

堂官薦列上考。自不得以本衙門辦事需人。復行奏

留。該御史為申明定例起見。嗣後均著遵照辦理。不

得率行奏請。○又奏准新設熱河都統衙門理事司

員筆帖式。如遇京察之年。到任已在半年以上。

即由都統出考。送理藩院覈辦。其未及半年者。

仍歸理藩院出考辦理。○十七年奏定。凡員外

郎任內。遇有京察一等。除已經記名人員。仍照

向例。無論曾否題升。准其一體請

旨簡放道府外。其保列一等。未經記名外用者。無論

曾否題升。仍准其復帶一等。其餘應用道府人

員。無論曾否升任。均照此辦理。至保列一等。未

經記名。有出差三庫。並坐糧廳錢局各監督例

歸京察人員考覈。非出外差。可比。應准其一體

復帶引

見。○二十年奏准。各部院保送一等人員。引

見時有奉

旨改為二等者。若三年內辦事奮勉。至下屆京察。仍

准保列一等。○二十一年

諭。各衙門京察保列一等人員。經硃筆圈出者。仍令該

堂官出具切實考語。吏部復行帶領引見。有親老願

留侍養者。無論獨子眾子。准其在部具呈扣除。但不

可不示以限制。嗣後凡有呈請親老者。其親年過六

十。方准留養。○二十五年奏准。一等記名人員。適屆

全行簡放。奉

旨。將未經記名人員復帶引

見。此內遇有升調及出差人員。如到任在半年以內



者仍由原保之衙門出考。如到任在半年以外者。即由新任衙門出考。○道光四年奏定。滿漢一等人員引

見已奉

硃筆圈出。令各該堂官出具考語。交吏部再行帶領

者。適遇丁憂事故。係滿員。俟百日後。係漢員。俟

起復補缺後。俱准其補行引

見。若於未經初次引

見之先。有出差于憂事故。俟差旋孝滿。滿員於百日

後。漢員於服滿補缺後。亦准其補行帶領引

見。○又奏定。現保一等人員引

見。吏部於奏摺及綠頭牌內。將該員從前曾經保送

一。等次數。詳細註明。○五年

諭。京察為激揚大典。自應一體加以鼓勵。嗣後京察一

等之宗室理事官。各部院宗室郎中。引見圈出後。著

准其一體復帶引見。候朕酌量錄用。其副理事官等

員。仍照舊例辦理。如有不稱職之員。亦著隨時甄別

○十年奏定。藩臬以上。奉

旨。來京另候簡用。又因別案降補京職者。不准保送

一。等。○十二年奏定。各衙門保送一。等人員。造

冊封送後。適有

特旨簡放。及本員病故。並漢官丁憂出缺者。若在未

封門考覈以前。俱准其揀員補送。其並無不得

已事故。係告病告假。推升別衙門。或該堂官題

升保送外差。並原保不合例。以及緣事降革者。

俱不准其更換。○十三年奏定。揀發河工學習

人員。應歸河督察看。原衙門毋庸註考。○又奏

定。外官告病。病痊。例應坐補原缺。奉

旨。內用者。不准保送一。等。○十七年

諭。嗣後凡京堂御史。緣案降補。以及原係京職降調補

官。指明以何官降補。或仍回本任。並廢員起用。捐復

降捐人員。如係一體升轉。其原案內並無不勝外任

及奉特旨停升者。計俸合例。俱著准其保送京察一

等。並著吏部於本內。將該員等原案情節。詳細聲敘

○十八年奉

旨。嗣後各部院京察一。等人員。引見先經圈出。復帶奉

旨。毋庸記名者。如遇再次復帶。著准其與未經記名

各員。一體保送。帶領引見。○二十年奉

旨。翰林院侍讀侍講。詹事府洗馬。中允。贊善等官。京察

列為一。等者。向例並無加級。與別項一。等人員。殊不



畫一。自此次為始。京察一等之翰林院詹事府等官均著准其一等加一級著為令。○二十九年議准官員任內有革職留任處分業經捐復上庫知照到日准其保送一等毋庸俟具題奉

旨。○又議定在奏事處行走者由奏事處

御前大臣註考。○三十年奏准滿蒙中書筆帖式等官。遇京察之年各該堂官詳細考選通曉繙譯者方准保送一等。○咸豐四年

諭。太常寺奏京察員數懇恩添保一摺。太常寺滿洲寺丞贊禮讀祝等官向係三十六缺保舉五員現已增

至四十二缺嗣後辦理京察著准其添保一員。○六年

諭。吏部奏京察一等人員呈明親老請明定限制一摺。各衙門京察一等人員其有因親老情願留養者例准於初次圈出後在部呈請扣除乃近來有俟記名後始行移咨吏部者雖同係據實呈請究屬辦理兩歧。嗣後京察一等人員如有親老情願留京供職者著於初次引見奉旨圈出後即由各該衙門咨報吏部扣除其初次未經記名再遇復帶人員亦著該衙門於保送時咨明吏部扣除均毋庸帶領引見如於

奉旨記名外用之後始行呈明親老者概不准行以示限制而歸畫一。○七年奏准宗室人員無論理事官郎中副理事官員外郎遇有保列一等奉

帶引

見記名者以道府恭候

簡用未經記名者遇復帶時仍准保送引

見宗室科道人員一律辦理並咨查宗人府如係最

近支派於排單綠頭籤內照向例一等人員註

明內用。○同治十二年奏定每遇舉行京察之

期各部院堂官務各慎選賢能不得以劣員充

數如有濫保者一經查出即將該堂官照濫保匪人例降二級調用

順天府各官京察。○順治十五年題准順天府

治中通判等官由府尹填註考語開送部院。○

雍正四年定順天府治中通判經歷照磨司獄

教授訓導並大興宛平知縣縣丞巡檢典史及

崇文門稅課大使等官俱由順天府府尹填註

考語開送部院。○乾隆三十八年覆准大宛二

縣知縣縣丞巡檢典史等官均歸大計考覈其



治中通判。經歷司獄。照唐滿漢教職。仍入京察。由府尹註考。

盛京官員京察。○康熙六年題准。照在京官員例一體考察。○雍正元年議准。

盛京五部所屬官員。奉天府丞以下。城內官員。均令各部堂官府尹考覈。填註考語。於雍正四年四月內。造冊移送吏部都察院吏科。河南道考察。分別去留。○乾隆十八年奏准。

盛京五部京察。俟由部具題咨覆到日。盛京兵部會同各部堂官。將吏部等衙門考察各

官。按冊唱名宣示。以昭甄別。而示鼓勵。○十九年奏准。每遇京察之年。將熊岳錦州各城各邊門筆帖式。令該管將軍副都統。詳細考察。其威遠等六邊門司官筆帖式。令管理六邊之將軍。詳細考察。分別等第。擬定去留。造冊咨送吏部各衙門。以憑考覈。○三十八年奏准。

盛京將軍衙門主事筆帖式。並吉林黑龍江將軍衙門主事。令各該將軍填註考語。○又奏准。

盛京禮部所屬讀祝官八員。贊禮郎十六員內。擇其為人謹慎。通曉文義者八員。分與左右兩司

檔房果樓等四處。即令其協同司員學習辦事。果能辦理妥協。而聲音洪暢。舉止合儀者。於三年京察之時。揀選二三員。列為一等。以示鼓勵。倘有舛錯遺誤等弊。亦照司員例參處。○五十年

論。嗣後盛京官員。於京察之年。著盛京將軍副都統暨五部侍郎。會同秉公揀選。擬定等第。○五十四年奏准。

盛京各衙門京察員數。嗣後仿照在京各衙門之例。覈准定額。畫一辦理。

泰陵保送郎中員外郎主事讀祝官贊禮郎。四員筆帖式一員。共五員。

東陵保送郎中員外郎主事讀祝官贊禮郎。三員筆帖式二員。共五員。

盛京三陵保送筆帖式一員。

盛京戶部保送郎中員外郎主事司庫。六品官二員。筆帖式二員。共四員。

盛京禮部保送郎中員外郎主事助教讀祝官贊禮郎。六品七品官。二員。筆帖式一員。共三員。



盛京兵部保送郎中員外郎主事一員筆帖式一員共二員

盛京刑部保送郎中員外郎主事司庫司獄二員筆帖式三員共五員

盛京工部保送郎中員外郎主事司庫六品官二員筆帖式一員共三員

盛京將軍衙門保送主事筆帖式共二員黑龍江將軍衙門保送主事一員吉林將軍衙門保送

主事一員奉天府尹保送治中今裁教授經歷司獄止一員○嘉慶五年奏准奉天府府尹府

丞二員應否來京引

見於本內聲明請

旨○道光十七年

諭奕顛等奏請酌量鼓勵司員等語據稱盛京五部司員別無升途著自本年為始每屆京察之年所有該處五部郎中員外郎主事內有連次保舉一等者題覆到日准其由該將軍副都統五部侍郎會同揀選二三員出具切實考語專摺具奏並咨送吏部帶領引見其餘一等人員仍著照例辦理○二十六年奏准

陵寢並

盛京五部各衙門京察逾歲官員於下屆辦理京察時查明前屆調取並未赴部即將該員勒令原品休致

考察官員出差○順治十三年議准凡京官有出征公差丁憂養親告假候補降調未補者各該衙門仍填註考語移送○乾隆十八年議定出差人員准原衙門保送一等其丁憂告病養親人員並非現任辦事者可比嗣後離衙門未過半年者准其保送一等其已過半年者不得復行保送○三十八年奏准凡丁憂終養告假降調人員官非現任何從別其優劣應免考察其出差之員離衙門一年以內者一體註考若一年以外亦免考察至出兵官員雖離衙門一年以外其應列為一等者仍准保送○嘉慶十一年奏准考察官員有因公出差如關務監督差所無堂官考察人員離原衙門在一年以內者一體註考若一年以外免其考察出兵官員雖離衙門一年以外其應列為一等者仍准保送其出差三庫已開原衙門之缺者即由新任



衙門照例註考。如倉場坐糧廳錢局各監督。並不開原衙門之缺者。到任未及半年。仍歸原衙門註考。半年以外者。由差所衙門註考。其近京各工程處派往官員。到工半年以內。仍歸原衙門註考。半年以外。令各工程處查其辦事優劣。註冊送部。仍由原衙門按其考語分別等次。○道光二十九年奏定。張家口等處稅差監督。一年期滿。即回原衙門者。無論離任一年內外。仍由原衙門註考。

欽定大清會典事例卷八十

吏部

處分例 大計統例 上司等官卓異 內外考察官員呈牌 被劾人員挾私報復 註考違例

大計統例 ○

國初定。內外官三年考滿。○順治三年定。外官大計。憑各直省督撫覈實官評。分別彙題。吏部會同都察院吏科河南道詳加考察。分別奏請。填註考語。用才守政年四格。才則或長或平或短。守則或清或平或濁。政則或勤或平或怠。年則或青或中或老。其考語務按人指事。應去應留。明白直書。不得鋪敘繁文。徇情毀譽。○又定。在外官評。全憑撫按。如有賢否倒置。不合公論者。聽部院堂官及科道據實糾參。以溺職論。巡按員缺順治十一年。○又定。大計官員賢否冊籍。限十一月內到部。以憑磨勘會參。○又定。藩臬為一省大吏。與督撫親近。恐有結納徇情之弊。不准卓異。○四年定。大計三年一舉。永為定例。○六年題准。鹽運使海鹽道。照各道例。令布按二司填註考語。○又題准。鹽運司運同運判提舉首領屬



官令各該衙門正官考覈呈布按二司覆考申  
送督撫按○又題准凡大計離任官員考語與  
現任官一同造報○七年議准卓異官紀錄即  
升仍

賜之衣一襲以示激勸○九年題准大計八法貪酷  
並在逃者革職提問罷職無為素行不謹者革  
職年老者疾者勒令休致才力不及浮躁者照  
事蹟輕重酌量降補雖有加級紀薦不准抵銷  
其處分官員不准還職○又題准官有改節毋  
因前薦後參而存顧忌事有已著毋因去任現

任而生偏私道府考州縣不公先參道府布按  
察道府不實並參布按○十年題准卓異官先  
行紀錄以備優擢○又題准卓異官員必才守  
俱優督撫方會疏特舉○十二年議准道員賢  
否布按不許徇情以升任去任者塞責備開報  
不公督撫按糾劾如有容隱科道指參學道必  
公明服衆方列上等有司優劣責督撫按虛公  
察覈果有實心為民治行卓異者即當獎薦以  
勵官方佐貳官如才守平常年力衰老者題請  
罷職雜流斥逐○又議准撫按造送計冊果另

有灼見許持疏直奏庶免扶同○又議准各省  
督撫造冊三本一投吏部一投都察院一投吏  
科毋得參差○十三年題准兩經大計處分才  
力不及官員照罷職例革職○十五年題准各  
官履歷年歲覈實開列何事參罰何日開復及  
現任參罰帶罪等項逐一詳載不得隱匿○又  
議准大計官評務期詳慎責成本道府開報署  
任官不必造冊其計處各官不得苛求去任刻  
責卑官並將已經處分之官舊事塞責○又議  
准州縣佐貳首領屬官令州縣正官開造賢否  
事實申送本府知府將所屬知州知縣佐貳首  
領屬官填註考語入冊送本管守巡各道轉呈  
布按二司覆考經督撫按考定彙冊咨達部院  
等衙門直隸州知州不屬府轄知府不註考語  
其直隸州所屬各縣悉從知州考覈○又題准  
直省各官註考如遇卓異貪酷等官即明註冊  
內○又題准同知知州政績卓異者准升知府  
其餘各官照應升職銜不拘俸薦先用推官知  
縣若已經行取升補主事者遇考選時仍與各  
主事一體開列

推官員考康  
熙六年裁

○又題准官員首



重才品兼論資俸必錢穀全完聽訟明決城守鞏固者方准特舉卓異若到任未及年餘不得濫舉○又議准外官果有奇貪大酷令督撫按露章糾參毋庇現任而苛去任毋寬大吏而責卑官如開報不實聽科道糾參○又議准外官若錢糧號件積至十件未完或遲至二三年不結者總督撫按隨大計冊露章特參○又題准長蘆運同運判首領屬官止從本衙門運使註考徑送撫按○又議准布按兩司互開賢否撫按細訪覈實奏報○十六年議准布按兩司不必呈關賢否憑該督撫按採訪分別薦舉○十八年議准布按衙門參政參議副使僉事及首領屬官俱從本衙門正官註考仍令布按二司互相考覈○又議定吏部考功司吏科河南道詳覈各官應去應留者照八法議處吏部都察院堂官嚴覈如冊內賢否倒置造報不實者科道特疏指參○又題准丁憂官於原任考覈未及一年者於舊任考覈○康熙元年議准停止大計止行考滿凡外官俸滿三年吏部咨行戶禮

兵工四部查覆必錢糧全完者方准考滿或錢糧盜案未清冒稱考滿或歷俸三年規避不考或明知屬官俸滿不行考覈者一併題參治罪○二年議准考滿各官將任內錢糧事實造冊送布政使糧道並按察使暨經管道府申詳督撫覈實註考造冊咨送吏部都察院覆考具題如部院衙門需索許科道據實糾參若外省借名暗派民間者該督撫嚴加參處○又議准司道歷腹俸二年邊俸一年半有司歷邊俸二年半腹俸三年者即與考滿○又議准外官考滿據督撫開報並無未完錢糧事件部院按冊磨對查其果無參罰事故即准考滿不必於戶禮兵工四部咨查○三年題准外官考滿分別地方開註若地方荒殘者必詳開舊有荒地逃亡若干三年內墾地增丁若干以增墾多者為一等少者為二等仍舊者為平常復荒復逃者居下其衝疲地方必詳開三年內支應幾處兵馬差使不致擾民解過幾次餉銀不致有誤並拏獲逃人若干酌量分為等第其充實簡易地方則以操守廉靜為上詳開三年內錢糧有無加



耗行戶有無虧損。刑名有無苛罰。除弊政幾事。緝盜案幾件。揭送衙憲幾人。修治水利幾處。斟酌多寡。以定等第。以上四項地方。若各有優等。則荒殘而兼衝疲者先升。荒殘者次之。衝疲者又次之。充實與簡易者居後。○又題准州縣各官。並府首領雜職考滿。令知府會同推官註考。並申送該管道官考覈。布按二司轉詳督撫。知府考滿。令該管道官布按二司會同考覈。轉詳督撫。同知通判推官考滿。令知府考覈。申詳該管道官。布按二司覆覈。轉詳督撫。各道並布按都運四司首領官考滿。令布政使按察使考覈。註考申送督撫。布政使按察使考滿。專責督撫填註考語。其各官考滿冊內。必將本官申文及各上司註考日期。或有駁查事件。明白開註。○又題准考滿各官。以本官申文日為始。扣至督撫咨送日期。定限三箇月。咨冊內將本官申詳月日。並駁查寬限緣由。詳明載入。如司道各衙門遲延。聽督撫指參。督撫遲延。聽部院指參。○又題准州同州判以下各官考滿。查覈明白。註冊不具題。○四年題准停止考滿。復行大計。○

六年題准。直省督撫。應將所屬官員事蹟過犯。逐員指實開註。如賢否倒置。令部院科道指參。○又議准。奉天府府丞以下。京縣典史以上等官。雖在京考察。仍應照例入大計冊內。其奉天錦州三府所屬各官。責令府尹註考。○又題准。解任官。除督撫糾參貪劣者。不註考外。其餘或一事論劾。或彼此訐告者。亦宜詳註考語。不得因一時緣事。遂略平日政績。○又題准。老病休致。終養等官。不必註考。丁憂裁缺。降調等官。未經補授者。仍於原任註考。○又題准。官員浮躁者。降三級調用。才力不及者。降二級調用。○又覆准。督撫濫將貪酷匪人。徇情特薦者。經科道糾察情實。督撫降二級調用。申詳之司道府等官。降三級調用。如薦舉卓異後。原任內有貪酷不稱職事蹟。而原薦舉各官。即揭報題參者。免議。如不揭報題參。發覺時。亦照例議處。其薦舉卓異官。或經升轉。新任內有貪酷擾民事蹟者。原薦舉之督撫。司道府官。俱免議。如薦舉官有未完錢糧盜案者。督撫罰俸一年。申詳之司道府等官。降一級調用。○又題准。司道以下推官



以上必註明不科派節禮不索取小費不藉端勒詐屬官不生事煩擾百姓知府以下知縣以上必註明不科派雜差不索取火耗不虧刻行戶不强貸富民方准特舉卓異○七年議准各直省知縣中如有才守兼優無錢糧盜案叅罰者督撫司道需索留難不行舉報或被部院查出或經科道糾叅將督撫各官從重治罪○八年題准直隸府州縣各官由專轄道員註考其守巡二道各照錢穀刑名項下評定優劣另填考語造冊達部院衙門雍正三年直隸設布按後與各省同○又題准順天府屬州縣教職等官由府尹註考造冊送部院○又題准直隸正定等七府各屬教職由該管道府註考送學院考定造冊達部院衙門○九年題准八法處分貪酷者革職提問如事在赦前免罪永不敘用不謹罷軟皆革職年老有疾皆休致才力不及降二級調用浮躁降三級調用皆不准援赦紀薦加級不准抵銷○又題准離任之官或應註考語者不註或不應註考語者違例填註或開

報年貌互異或遺註去留字樣者俱罰俸一年督撫罰俸六月○又議准錢糧盜案未完官員薦舉卓異者督撫罰俸六月申詳之司道府等官罰俸一年○又議准戶口錢糧刑名逃盜屯餉等項冊籍各省布按都三司造送其府州縣衛所概令停造○又定大計文冊限十二月內到部○十年題准露章為特糾重典必係貪酷官員例應提問者方行題叅不得以老病不及等官充數○又題准卓異官員查閱吏部冊籍若有未完事件者不准並將題薦之督撫等官治罪○十一年議准官員被叅款蹟審虛者仍照冊內考語處分○十二年題准官員必能興行教化無未完錢糧盜案者方准疏舉卓異○又議准官員雖無錢糧盜案而未能力行教化者督撫司道府等官濫舉亦照例罰俸○十五年議准教官大計送學道轉呈布按二司覆考經督撫按考定彙冊咨達部院等衙門○十八年議准各省濫將匪人徇情薦舉者督撫司道照定例處分俱降實級雖有加級紀薦卓異即升俱不准抵銷○二十四年議准各省布按停



其薦舉卓異。○又議准薦舉保舉各州縣官。第一條。令填寫一無加派火耗等字樣。第二條。令填寫一實心奉行。

上諭每月吉講解等字樣。如無實蹟。妄行填寫保薦者。照例處分。○二十五年覆准督撫將所屬官員賢否文冊。止造三本。一送吏部。一送都察院。一送吏科。其布按二司所造各官賢否及錢穀刑名等項冊籍。分送各部院衙門者。俱行停止。○二十六年議准大計卓異者。仍行薦舉。溺職者。仍照八法通為一本。參奏照常留任者。停其開

具四柱冊送部。○二十八年議准。凡遇計典。教官年紀雖老。而精力未衰。尚能課士者。停其照年老例參劾。○三十一年覆准。河官大計。凡係管理河務。兼有刑名錢糧之責者。總河並該省督撫各行考覈。其專管河官。並無刑名錢糧之責者。令總河詳察具題。○三十六年

諭國家舉行大計。原期黜陟幽明。大法小廉。以為又安民生之本。所關甚重。比年以來。督撫等官。視為具文。每將微員細故。填註塞責。至確實貪酷官員。有害地方者。反多瞻徇庇護。不行糾參。以致吏治不清。民生

莫遂。重負朕愛養元元至意。殊可痛恨。今當舉行大典。各督撫等官。應洗心滌慮。力改前轍。矢公矢慎。整肅官方。務期薦舉一人。俾眾皆知。勸糾一人。俾眾皆知。倘仍苟且因循。徇私溺職。國法具在。決不輕恕。○三十八年覆准。凡督撫及司道府官。值計典之時。如有需索名色。藉端斂派。或被科道糾參。或被旁人告發。將容隱苛派各官。一併照貪官例治罪。○三十九年

諭大計官員。察其錢糧有無虧空。造冊報部。○又覆准各督撫於該屬官。除薦舉卓異及貪酷八法之外。凡不入舉劾之州縣。必逐一詳查。每年錢糧曾否徵解全完。倉庫銀米果否解存無缺。彙造一冊。開列各屬姓名。註明虧足字樣。並具印結報部。如有虧空。立即參追。儻或誣捏。事發連坐。○四十三年覆准。薦舉卓異官員。該督撫照例查明俸滿無錢糧盜案參罰者。開列事實。令其隨本引

見。○又覆准。凡薦舉卓異官員。查其平日將御製訓飭士子文。曾否實心講究奉行。添入事實款內。○又覆准。卓異官員。吏部會同都察院科道考



覈合例者引

見。如果才品兼優。准其卓異註冊。令回原任。照例升

轉。○四十四年

諭。官員薦舉卓異。關係激勸大典。所列事蹟。期有實濟。

於地方百姓。開載虛文無益。嗣後薦舉卓異。務期無

加派。無濫刑。無盜案。無錢糧拖欠。無虧空倉庫銀米。

境內民生得所。地方日有起色。方可膺卓異之選。其

他所用虛文。俱不必入。○五十年覆准。大計考覈教

職。有學道之省。令藩臬會學道考覈。造送督撫

具題。有學院之省。藩臬造送督撫學院會同考

覈。雍正四年。各省學道俱改學院。○雍正元年

詔。直隸各省官員內。有降級罰俸者。例俱不准卓異。以

此賢員因公註誤。不能得升。以致壅塞。此後如果有

居官清廉能幹。因公註誤。罰俸降級者。該撫亦與卓

異。○又

諭。三年舉行大計。其居官優者。列為卓異。劣者。分別輕

重。置之八法。所以澄敘官方。勸善懲過。典至重也。朕

思卓異八法。所舉所劾。不過數十人。而平等供職。不

列舉劾者。尚有多員。如文官倉庫之盈虧。辦事之能

否。皆未填註考語。是考課羣吏。尚有遺漏之處也。嗣

後大計。除卓異八法。照舊例舉行外。其平等官員。文

職。自知縣以上。俱以大計之年。令督撫註明考語。造

冊。詳報吏部。務期秉公覈實。不得徇情任意。顛倒是

非。○又覆准。每逢大計之年。雜職內。果有才能傑出。

操守卓越。能辦地方之事。盜息民安。該督撫開

具事實。造冊送部。聽部院衙門詳加考覈。准其

卓異。以示鼓勵。○又議准。大計不入舉劾官員。

自知縣以上。令該管各上司。出具印結。該督撫

逐一填註考語。造冊送部。○又議准。大計考覈

教職。由藩臬二司。造送督撫學院。會同考覈具

題。○四年

諭。三年舉行大計。所以激濁揚清。整飭吏治。必舉劾之

聞。至公至當。方足以昭勸懲之典。查定例。卓異人員。

俱送京引見。而叅劾人員。則聽部院議奏。不行引見。

此中或有冤抑。及避重就輕等弊。亦未可知。嗣後大

計之年。除貪酷之員。既已指明劣蹟。叅奏毋庸再行

引見外。其叅劾等官。該部照例處分。出缺。其應作何

引見之處。九卿詳議具奏。欽此。遵

旨。議定。大計題叅各官。部院分別議處。除貪酷官員。及

知縣州同以下微員。毋庸引

1. 續修四庫全書 史部 政書類 3 反之下



見外。至不謹。罷職無能浮躁才力不及。年老有疾。被  
參各官。俟交代清楚。該督撫給咨該員來京。吏  
部帶領引

見如有實係年老有疾。不能來京引

見者。令其回籍。其中或有非係實在年老。該督不給

咨赴部。勒令回籍者。許其到籍之日。呈明原籍

督撫給咨赴部引

見其有八法人員。情屬冤抑。及避重就輕等弊。發覺

將該督撫降一級調用。原報之司道府等官。降

二級調用。尋改督撫降二級調用。○六年議准

薦舉卓異官員。該督撫查明食俸已滿三年。改尋

調任官員在本省。無錢糧盜案參罰者。開列事

實具題。由部會同都察院科道考覈題覆。其合

例者。行文引

見俟奉

旨准其卓異註冊後。令回原任。照例升轉。再卓異等

官。給咨引

見該督撫即令該員交代清楚。於文內聲明並無未

清錢糧等案字樣。儻奉

旨留京。及升任後。原任內又有錢糧盜案未清發覺

者。將原薦舉之督撫各降二級調用。申詳之司

道府州縣官。各降三級調用。尋改督撫降三級

府州縣等官。各降二級調用。○又議准。卓異官員。原任內有

貪酷不法之處。原薦舉官即行揭報題參者。免

議。如不行揭報題參。經旁人告發。科道糾參。將

原薦舉之督撫降五級調用。司道府等官皆革

職。乾隆四十八年。改督撫革職。若官員卓異後。

或復回本任。或升轉他省。別犯貪劣。審實者。其

原薦舉之各上司。仍與卓異之員同在一省。如

於未敗露之先。查參者免議。若不行揭報題參

將督撫降二級調用。司道府等官。降三級調用。

尋改督撫降三級調用。司道府等官。降二級調用。

其不與卓異之員同

在一省。於該員貪劣之處。無從揭報題參者。將

督撫降一級調用。司道府等官。降二級調用。尋改

督撫降二級調用。司道府等官。降一級調用。此等濫舉之上司。皆降

實級。任內雖有加級紀錄。軍功級紀。卓異即升。

皆不准抵銷。尋改凡事屬因公例內。不司道濫

舉知府卓異。及州縣濫舉所屬微員卓異。其處

分與知府同。各省學政濫舉教職卓異。其處分

與督撫同。○十年



諭嗣後特參文武官員。比照大計之例。如浮躁不及等款者。亦著送部引見。永著為例。○乾隆元年議准。浙

江地方官。凡遇大計之年。必查明無鹽案。參罰。方准卓薦。○二年議准。各省舉行大計。務令於

所屬各官內。秉公考覈。其佐雜教官。除實在庸劣衰朽者。照例劾參。若果樸實勤謹。尚堪供職者。不得任意填汰。如有率意苛求。參劾者。將參劾之上司。照參奏不實例議處。○三年

諭嗣後吏部引見六法官員。將該員被參劣蹟開單一併進呈。○六年議准。官員卓異後。別犯貪劣。經同薦

舉官揭報題參者。與別經發覺不同。將升調他處。無從揭參之原薦舉各上司。一例免議。○七年

諭國家舉行大計。乃三載考績黜陟幽明之要典。督撫大臣。職司其事。必當秉公去私。杜絕請託。精詳鑑別。無黨無偏。舉一人而眾皆知勸。劾一人而眾皆知儆。則官方以肅。吏治以清。百職修舉。而民生共受其福矣。昔我

皇祖 皇考 屢降諭旨。訓飭再三。乃朕見近來各省計典。頗有

視為具文。苟且塞責者。或賢員不行薦舉。或劣員不行糾參。或就目前之一端。而不察其居官之素。或任一己之愛憎。而不參乎輿論之同。又或庇護私人。瞻徇情面。而使貪墨不職之人。姑容在位。將教職及佐雜微員。草草填註。以充其數。所謂旌別淑慝者。安在乎。督撫受朕股肱心膂之寄。於此等切要政務等語。泛常。朕將何所倚賴。今年乃大計之期。用是特頒諭旨。各督撫等。務精白乃心。矢公矢慎。以肅鉅典。儻有仍蹈前轍者。經朕訪聞。或被科道糾參。必當加以嚴譴。該部即通行曉諭知之。○又議准。凡官員錢糧盜

案未清者。不准薦舉。如督撫因其人品才具。破格保舉。列為附薦具題者。仍令於本內將何項錢糧盜案未清。議處之案聲明。如有遺漏聲明者。一經查出。將薦舉之督撫。罰俸六月。申報之司道府州縣。罰俸一年。○九年議准。鹽務各官。該鹽政會同督撫考覈。其有操守廉潔。才具優長。政事勤敏者。開列事實具題。有干八法者。題參議處。○十四年覆准。卓薦官員。如有前任內應徵錢糧。因未滿限離任。議以照離任官員例。罰俸一年。完結之案。除所罰銀未經抵繳銷案。



並該員離任之處。如係告病及捐升者。恐其中仍有規避情節。應不推於新任內卓異外。其餘實無規避情節離任者。果能於新任內已滿三年。並無正項錢糧未完處分。應一併歸於合例人員內聲明具題。送部引。

見○二十三年奏准各省督撫如遇升調於新舊交代時。適在舉行計典。其屬員事實。自必先已覈定。應即行趕辦。或密交代題。不得概請展限。其有時距計典尚遠。各冊未經申報覈定者。仍照舊例請展。○二十四年

諭外省大計八法官員。均關澄敘大典。內如貪酷二款。既有實迹。例應特疏題參。另行審結。其年老有疾。罷職無為。才力不及等款。尚屬見聞所共知。至不謹浮躁官員。向來參本內。俱未將其何事不謹何事浮躁。一一聲敘。此內或有公事本屬無誤。而節目偶爾闕疏。才具尚可。有為而氣質不無粗率。此等人員。其才未必不堪造就。上官不能舍短取長。但以意見不甚相洽。遂概登之白簡。固屬可惜。甚或該員平日本有敗檢踰閑。而該督撫意存瞻徇。僅與避重就輕。轉借此為周旋劣員捷徑者。均非整飭官方之意。嗣後三

年計典內。如有不謹浮躁等官。俱著確據實迹。詳細登註。不得籠統參劾。以昭慎重。著為令。○又奏准各省犯貪酷官員。該督撫隨時題參。計典革職。提問。永不敘用。其年老有疾。罷職無為。才力不及。不謹浮躁。六法等官。仍照原例議處。○二十六年

諭工部奏各省卓異官引見後。向例文職賞給朝衣。武職賞給蟒袍。由工部領銀製造轉發。該員等不能久候親領。易致書役等冒領隱匿諸弊。嗣後請停止賞給。實屬允當。但遽請議裁。伊等循績既昭。雖回任候升。自應即示獎勵。嗣後著加恩循照內官京察一等者。令於引見。准其卓異時。各准加一級。仍註冊回任候升。著為例。○又

諭嗣後吏部帶領卓異正薦官員引見時。將從前曾經正薦次數。俱著於履歷摺及綠頭牌內。詳悉註明。以備簡覈。○二十八年

諭向來親老改補近省者。赴補時。即照例歸部坐補。原缺得缺後。然後引見。但念該員等在部需次。動輒經年。其才具尋常者。原不妨稍待時日。儻其中或實有出眾之材。坐令淹滯。未免可惜。嗣後著照病痊赴補



之例一體帶領引見。候朕酌量降旨。分別錄用。又例稱此項人員。內在改補之缺。一經卓異。即改入升班。免其坐補原缺。同一養親。而得遇薦剡。遂為終南捷徑。恐日久漸開黃緣趨避之風。將來此等改補近省卓異人員。並著該部於引見時。將緣由附摺聲明。其公當與否。自難逃朕洞鑒。如此則有用者。既可及鋒而試。而卓異者。亦可杜干進之門。於銓政更為平允。著為例。○二十九年

諭。向來大計附薦人員。吏部查明該員與例相符者。覆本內將應否引見之處聲明。候朕降旨。其有正項錢糧未完及革職留任未經開復各員。部議則俱以毋庸議題覆。朕亦無從量為甄別。第思此等人員。多以才具可造。由簡調繁。及莅任以來。處分多而開復不易。即服官頗知奮勉。得列附薦。又以格於成例。並不獲隨眾引見。其中人材。誠恐不無屈抑。嗣後於此等人員中。應如何分別年例。酌定章程。俾伊等得以自見之處。著該部詳悉定議具奏。欽此。遵

旨議定。嗣後附薦官員。除係簡缺有錢糧處分及革職留任者。仍照例議駁外。其係現在兼三兼四繁缺之員。必其人材尚有可觀。即有處分註誤之

員。自應於歷俸年例之中。酌為變通。以示鼓勵。但竟與現無註誤之員。一體扣算。未免過優。應於俸滿三年之外。再加兩年。以該省大計題本科鈔到部之日。統計該員歷俸在五年以上。雖有正項錢糧參處及革職留任案件。覈明將應否送部引

見之處聲明請

旨。至附薦人員。其處分有於題本到部時。現經開復者。即照正薦合例人員。亦令其送部引見。其應否准其卓異之處。恭候

欽定。其正薦人員。如有前項處分。查係兼三兼四繁

缺。亦一例聲明請旨。再所屬官員。必在本省歷俸至三年之久。其平日循聲政績。該上司已能灼見真知。然後列入薦章。始為允協。如新補人員。在本省服官未久。雖曾於別省歷俸有年。而從前居官賢否。本省上司無由而知。未便接扣兩省食俸月日。遽行保薦。嗣後卓異計俸。以在一省屆滿三年者為例。限其前在別省歷俸年月。無論繁缺簡缺。俱不在其接扣。庶於激勸之道。較為慎重。○又奏准

准其接扣。庶於激勸之道。較為慎重。○又奏准



各省大計。藩司到任未及三年。又無新舊交代。適屆舉行之時。准其具詳督撫酌覈。奏請展限三月。○又奏准各省大計薦舉卓異官員。臬司道府直隸州知州。到任未及三月。如前官已經覈定者。令前官於冊內列銜。交接任官用印代送。未經覈定者。據冊申詳。該督撫於本內將某官到任不及三月未經保薦之處。聲敘具題。以憑查覈。○三十年奏准教職令督撫學政設立賢否總冊。如有辦事未妥。或經學臣申飭記過。或經督撫等衙門及該府申飭記過。均互相登記。至辦事曾經嘉獎者。亦許學臣知府互相登記。遇大計之年。知府造入詳細考語冊內。以備上司查覈。如有舛錯遺漏。將知府照例罰俸一年。○三十四年

諭。歐陽永禕奏大計才力不及之員。例應降調。請將科目出身之知縣。概以教職降調一摺。所奏甚屬非是。大計為激揚鉅典。所以飭吏治而示懲創。六法官各有應得處分。定例遵行已久。豈容輕議更張。至才力不及之員。必因其闕茸無能。始行糾劾。降補佐雜。已屬優容。又何得妄為區別。况由科目銓授之人。或平

日尚無大過。僅止不勝民社者。各督撫久經隨時奏請改教。安能留待弊吏之時。則此等列於不及之員。並不堪司鐸明矣。且計典被劾者。例俱送部引見。候朕定奪施行。該上司從不能稍有屈抑。而此輩庸碌者流。當官既不能舉職。即為國家無用之人。科目與他途何異。况黜陟乃朝廷馭下之柄。即大僚貶居末秩。尚不敢違。顧於科目出身之縣令。竟不屑以丞簿卑棲。公然與成憲相抗。綱紀尚安在乎。聞歐陽永禕前在河南驛鹽道任內。舉發私得鹽規一案。外人有議其刻覈者。其實係伊分所應辦。伊必因前事不愜人意。欲以此舉博取名譽。莫為掩蓋。所見已非公正。且伊身任藩司。考績是其專責。乃當舉行計典之時。敢為此奏。陽託量材授職之名。陰施分途擇官之計。明係袒徇科目。取悅庸流。實屬有心取巧。明季科目官官相護。甚至分門植黨。債事誤公。惡習牢不可破。乃朕所深惡而痛斥者。方欲悉力屏除。豈肯聽此等伎倆巧為嘗試乎。歐陽永禕著交部嚴加議處。○三十五年議准各省大計。無論正附薦舉之員。有顯然歷俸未滿三年。該督撫故違定例濫行列入。將該督撫隨本查議。照越次保題例降一級。



留任○三十七年奏准卓異人員於接准部文之後限二十日內詳請委員署理各按省分遠近依限到部如有遲延照赴任遠限例議處或任內實有經手未完緊要事件即將情由呈明督撫咨部存案事竣日即給咨赴部引見○三十八年

諭前因熊學鵬奏到屬員賢否清單內將梧州府知府溫葆初列入三等並指為才具中平朕以其評隲未允或緣熊學鵬之父熊本寄籍江甯溫葆初前任江甯時與之不甚周旋存有芥蒂填此考語因降旨李侍堯令其秉公密訪確查據實覆奏今據奏到溫葆初明白老成辦事妥協詢以地方諸務亦俱詳悉曉暢等語所奏自屬公當溫葆初並非不能辦事之人特恐其或因降調有意退阻遇事不肯奮勉上進果爾尚當重治其罪今李侍堯稱溫葆初在知府中頗為出色則熊學鵬列之三等實不足以服其心至所稱熊學鵬性情褊急輕喜易怒辦事雖欲認真而好惡不無任性是以定人優劣未能至當等語所奏實酷肖其為人不但朕以為確當即內外臣工應無不首肯是言因念熊學鵬平日雖器量褊淺尚肯辦事

而此等疵病實所不免與其隱而不露不如明白宣示俾熊學鵬自知省改而溫葆初亦當知朕之大公至正胥教誨成全之道也將此通諭知之○又

諭大計之年著督撫等於藩臬考語另指具奏聲明交部存案毋庸於本內夾單以昭畫一著為令○又奏

准卓異人員州縣官由道府等官具結保送督撫率同兩司覈實具題如道府等官並無保送文結係督撫商同兩司混列道府銜名保題者該道府立即聲請更正或督撫等抑勒不為更正許該員直揭部科將該督撫兩司均革職儻

該員隱忍不舉至所保之員貪劣事發後始行申詳將該道府仍照保薦卓異不實原例分別議以降調革職○三十九年奏准大計題參引見官員俟交代清楚限六箇月內該督撫給咨來京吏部帶領引見如過限期毋庸送部○四十八年

諭卓異官員貪贓不法原薦各上司自有應得處分但須覈其犯贓年月若在原保上司任內後雖離任不可謂無從揭參也自當查覈犯贓年月分別議處至各省保薦卓異官員俱係督撫藩司主政該管道府



能持正不阿者少。不過隨上司按例轉詳耳。所得處分亦應分別輕重。著吏部酌覈定例。另行詳晰妥議。欽此。遵。

旨議定。嗣後卓異官員。於原上司離任後犯賊者。仍照無從揭參例。督撫降二級調用。道府等官降一級調用。其在原上司未離任之前犯賊。後經發覺。即照同省不行揭參例。降三級調用。道府等官降二級調用。至屬員保薦卓異。覈實全在藩司。自不得與轉詳之道府一律處分。應將保薦不實之藩司。改照議處督撫例。一體查議。其隨

諭。各省舉行大計。與京察事同一例。前屆甘肅湖北江南等省分。因各屬內處分人員較多。是以比歷次卓薦人少。自不可援以為例。而向來各督撫保薦人員。本未明定限制。亦非慎重考績之道。且各省卓異人員。有正薦附薦之名。同一卓薦而分正附。是名為區別。實易開倣幸之漸。殊不足以澄敘官方。著吏部詳覈各省大小缺分多寡。酌中定制。除有處分不合例人員。毋許保薦外。其某省應行卓薦幾員之處。按其缺分多寡定額。並將附薦之名裁去。毋使庸材濫膺

薦剡。而才能之員。不致稍有沈抑。該部即詳晰妥議具奏。欽此。遵。

旨議定。大計卓異。按省分大小。缺分多寡。州縣以上至道員。計十五員內。准薦一員。教職佐雜計一百三十員內。准薦一員。教職佐雜人數較多。雖不能劃為兩項。不得全舉一途。以致偏枯。並將附薦之名裁去。歸入正薦定數之內。總不得濫出原額。如遇大計之年。合例人員較少。而該督撫濫舉充數。至引見時奉

旨。不准卓異者。即將原保之上司。照保舉不實例。議處。直隸保薦地方州縣以上官十三員。教職佐雜四員。保薦河員通判以上一員。鹽場運判以上。經歷以下。二項內保薦一員。奉天保薦州縣以上官一員。教職佐雜一員。江蘇保薦州縣以上官七員。教職佐雜三員。鹽場運判以上。經歷以下。二項內保薦一員。安徽保薦州縣以上官六員。教職佐雜二員。江西保薦州縣以上官八員。教職佐雜三員。浙江保薦州縣以上官八員。教職佐雜三員。鹽場運判以上。經歷以下。二項



內保薦一員。福建保薦州縣以上官六員。教職	佐雜三員。鹽場大使一員。湖北保薦州縣以上	官七員。教職佐雜三員。湖南保薦州縣以上官	七員。教職佐雜三員。河南保薦州縣以上官九	員。教職佐雜三員。山東保薦州縣以上官九員。	教職佐雜三員。鹽場運判以上。經歷以下。二項	內保薦一員。山西保薦州縣以上官九員。教職	佐雜三員。陝西保薦州縣以上官七員。教職佐	雜大使二員。甘肅保薦州縣以上官六員。教職	佐雜二員。四川保薦州縣以上官十一員。教職	佐雜四員。大使七缺歸入地方額內。止准一員	雲南保薦州縣以上官七員。教職佐雜二員。提	舉大使二項內保薦一員。貴州保薦州縣以上	官五員。教職佐雜二員。廣東保薦州縣以上官	八員。教職佐雜四員。運同以上。經歷以下。二項	內保薦一員。廣西保薦州縣以上官六員。教職	佐雜二員。江南河道總督所屬。保薦通判以上	官二員。雜職一員。 <small>江南河道各缺。咸豐十年裁。</small> 河東河道總	督所屬。保薦通判以上官二員。雜職一員。烏魯	木齊都統。 <small>今裁缺。改為新經巡撫。</small> 所屬。通判以下並雜職
----------------------	----------------------	----------------------	----------------------	-----------------------	-----------------------	----------------------	----------------------	----------------------	----------------------	----------------------	----------------------	---------------------	----------------------	------------------------	----------------------	----------------------	--	-----------------------	---

共十三缺。後增二缺。共十五缺。二項內果有實係出色者。准其保薦一員。如不得其人。任缺毋濫。吉林將軍所屬。同知學正巡檢共三缺。後增十七缺。共二十缺。果有實係出色者。亦准其保薦一員。如不得其人。任缺毋濫。○又

諭。所有各省保題卓異佐雜人員。應照部議。毋庸引見。以省其盤費外。其各省奏請在京揀發佐雜微員。由欽派大臣揀選者。仍著照舊帶領引見發往。○又奏。在親老改補近省官員。有以親老迎養在署。咨部存案者。遇有薦舉卓異。暫停引見。

見。應在任候升者。暫停推升。俟可以推升時。再行照例引見。

見。○五十二年奏定。向來大計年分。藩臬考語。皆專摺具奏。現在各省總兵等第清單。遵旨止須咨部備查。毋庸專奏。所有大計藩臬考語。應令各該督撫。照武職軍政之例。出具考語。繕寫履歷清單咨部。由部彙摺具奏。○五十三年

諭。嗣後各省督撫於府道大計卓異。自當公同具奏。其密奏考語。務宜各抒所見。分別填註。自行陳奏。其大計之年。亦著將藩臬考語。各行咨部。不得彼此關會。

一 考 4 7 冊 續修四庫全書 第 24 頁 反內



致啟扶同徇庇之弊。○嘉慶八年議定。督撫隨時參劾聞宥懈弛平庸怠玩老病等事。並未列敘案由實迹者。未經奉

旨引

見如有情願赴部引

見者。照大計六法之例。給咨送部引

見即令其將願否來京引

見之處。當時呈明。願來京者。該督撫即行給咨。其呈

明不願者。該督撫亦將情由報部查覈。如任所

督撫指不給咨。由原籍督撫給咨。原籍督撫亦

不給咨。仍准其赴部呈明查覈辦理。若本員並

不呈明任所及原籍督撫。遽行赴部呈請者。概

不推行。○十年奏准。道府以下州縣以上官員

本省歷俸已滿三年。題看人員引見後到

實授之日起扣升署人任之日。即行算俸。母屬以

員以實授之日起扣。任內並無正項錢糧參

罰。及革職留任處分。准其薦舉卓異引

見奉

旨後。吏部將准其卓異加一級之處註冊。令回原任

照例升轉。首領佐雜內。果有才能傑出。操守卓

越者。該督撫亦開列事實具題。吏部查明與例

相符。准其保薦卓異毋庸送部引

見俟奉

旨後。准其卓異加一級註冊。照例升用。統俟升至知

縣以上等官。再行送部引

見。○又奏准。現茲兼三兼四繁缺官員。任內有正項

錢糧未完。及革職留任處分。經該督撫保薦卓

異者。吏部查覈該員本省歷俸。扣至該督撫具

題之日。已滿五年。會同各衙門具題。將應否送

部引

見之處。聲明請

旨。其並非兼三兼四繁缺。任內有前項處分。並歷俸

未滿五年者。仍照例議駁。○十一年

諭。據貢楚克扎布奏。會議西甯辦事大臣節制兼轄附

近鎮道各員酌定章程一摺。西甯鎮道與青海大臣

近在同城。向無統屬。遇有蒙古番子交涉事件。僅令

貴德廳營各員專司辦理。未免呼應不靈。不足以資

彈壓。嗣後著照該大臣等所請。西甯文員自道府以

下。武員自鎮協以下。俱歸該大臣兼轄節制。遇有蒙

古番子交涉事件。即由該大臣主政。其民人地方事

務。仍由該督主政。該鎮道等於關涉青海蒙古番子



案件。自當申報青海大臣。若止係尋常地方案件。即當專報總督。免致牽混干預。至軍政大計年分。該鎮道等辦理蒙古番子案件功過。由該大臣出具考語。咨會該督。再將該員等平日辦理地方事務。是否認真。由該督會同參酌舉劾。以昭覈實。而示勸懲。○又諭御史楊世英奏請定題限銓法。以防弊竇。一摺。據稱

嘉慶十年各直省大計所出之缺。因內閣辦理遲延。致逾二月截缺期限。誠恐有壓缺改選之弊。請將嗣後各直省題本到閣進呈。及吏部題覆。均各明定期限。其此次計典應選各缺。可否仍請以二月到班人員於三月銓選等語。所奏係為杜弊起見。部例雙單月銓選各缺。皆有一定到班人員。原不容前後挪移。稍滋紊亂。此次內閣具題大計本遲延。業經吏部將承辦之員參奏。查明尚非有心壓閣。但銓政攸關。若俱可因事挪移。不惟雙單月班次混淆。且恐下月應行到班人員。急思得缺。設法鑽營。而承辦之員。又明知處分不重。不惜身為擔任。以巧遂其積壓之私。易滋弊竇。嗣後每屆計典。各直省題本到閣進呈。及吏部題覆。除奏明展限者。另行辦理外。其餘均著明定期限。總不得過二月之期。所有此次應選各缺。該御

史請於三月銓選之處。尚未明晰。均著仍歸於二月銓選。該部知道。欽此。遵

旨議定。嗣後大計六法人員。除奏明展限省分。另行辦理。餘俱令各直省督撫府尹等。於上年封篆以前。具題。按照程途遠近。統於次年開印後。到通政司衙門。通政司即日送內閣。於二月初十日以前具題。吏部都察院吏科京畿道會同議覆。於二月二十日以前具題開缺。如有遲延。即將何處遲延之員。照例分別議處。○十七年奏准。凡遇計典之年。該督撫於題本之日起。半年以內。概不得以年老劾參休致。至有疾人員。如實係猝然成廢。將來不能起用者。該督撫必將因何不及歸入大計緣由。切實聲敘。以憑查覈。僅於甫經大計後。未及半年。將年老有疾官員。籠統劾參者。除員缺不准扣留。照例歸部銓選。仍將該督撫照違令公罪律。罰俸九月。如查有謀缺情事。藉詞扣留。冀圖弊混。除員缺仍歸部銓選外。將該督撫照不應重私罪律。降三級調用。至教職佐雜。年終甄別。係屬常例。無論大計後。半年內外。該督撫仍照例辦理。○十八年覆



准順天府所屬之四路同知及大興宛平等二十四州縣正佐各官。由該府尹分別舉劾。移行直隸總督。歸入通省大計具題。○又奏准薦舉卓異人員。任內如有正項錢糧未完。果係居官清廉能幹。或現莅兼三兼四繁缺。在本省歷俸已滿三年。或並非兼三兼四繁缺。在本省歷俸已滿五年。均准該督撫一體保薦。○又奏准薦舉卓異官員。如前任及署任內。有正項錢糧未完。已經卸事者。無論曾否照離任官例議結。俱一體准其卓異。○道光元年奏准親老告近人員。如有薦舉卓異者。一體調取引

見奉

旨回任候升。在外准以本省應升之缺保題升用。在內准以近省之缺論俸推升。至離京較遠省分。本員有因親老不願赴部者。呈明督撫咨部存案。俟養親事畢。照例補行引

見吏部將該員親老告近。卓異後應入升班。免其坐補原缺緣由。於摺內聲明。○四年奏定卓異人員。於接准部文後。限二十日內詳請委員署理。該督撫扣明交代例限。即行給咨。如該員實有

承辦要件。約計半年內可以完竣者。於交代案內咨部展限。如必須半年外方可竣事。准該督撫據實奏明。總不得過一年之限。儻該督撫不依限奏咨。照應申不申律。罰俸六月。係本員赴部遲延。逾限一月以上。罰俸一年。半年以上。降一級留任。一年以上。降一級調用。其俸滿人員赴部逾限。亦照此例辦理。○二十九年奏定卓異人員。原任內曾犯有貪酷不法等款。原薦舉官如不行揭參。別經發覺。將督撫藩司革職。臬司及道府等官。降五級調用。至薦舉以後。別犯

有貪酷劣迹。原薦舉之各上司。仍與該員同在一省。儻別經發覺。查係有意迴護者。將督撫降三級調用。司道府等官。降二級調用。其止失於覺察者。將督撫降二級調用。司道府等官。降一級調用。如原薦舉之上司。已不與該員同在一省。而所犯事迹。仍在該上司未經離任之先者。亦照此分別議處。若所犯在該上司離任之後。無從揭報題參者。將督撫降一級調用。司道府等官。降一級留任。

土司等官卓異。○雍正四年議准。各省土司果



能奉法稱職。裨益地方者。該督撫不拘三年大計之例。隨時舉薦。照同知以下官員之例。

恩賞雜緞領袖補緞朝衣一件。○又奏定。土司皆係世襲之職。必選貪酷不法。始行革職。其餘處分均與流官不同。既無考覈。亦無優升。且土司卓異。皆由府道申報。或因請託不遂。致結嫌啟釁。將土司等官卓異。永行停止。

內外考察官員呈辯。○順治十年議准。考察處分官。果冤抑情實。許督撫按據實代奏。吏部都察院覆覈無異。即為昭雪還職。如督撫按明知

誣罔不為申理。一併議處。至本無冤抑。妄行反噬者。從重治罪。○十三年題准。考察處分官。不許潛住京城。刊刻款單。撝拾妄奏。違者不分有無頂戴。俱發口外為民。○康熙十一年議准。處分官員。控告註考官受賄侵勒者。將所告不准行。有冠帶者革職。無冠帶者交刑部議罪。如止呈辯本身冤抑。將所告亦不准行。有冠帶者初次罰俸九月。復控降二級調用。其控告通政使司鼓廳者。初次罰俸六月。復控降一級調用。無冠帶者。交刑部議罪。○乾隆六年議准。處分官

員。如赴都察院及別衙門控告者。亦照具告通政使司鼓廳例議處。

被劾人員挾私報復。○雍正十二年定。被劾人員。若挾私妄捏。察覈官別項贓私。不干己事。奏告。以圖報復者。不分現任去任官。皆革職。已革職者。治罪。奏告情辭不問虛實。立案不行。

註考違例。○原定。凡官員應註考語者。不註不應註考語者。違例填註。或開報年貌互異。及失註。應去應留者。皆罰俸一年。督撫罰俸六月。○康熙三十八年定。註考不由司道府州縣等開

報。係督撫自行填註者。將督撫罰俸一年。如將舉劾官員合為一本具題者。將具題之督撫罰俸一年。



欽定大清會典事例卷八十一

吏部

處分例 京官保舉 外官保舉 外官參劾

京官保舉。康熙五十二年議准。九卿保舉官員內。除因公註誤外。如有貪婪事發。將原保舉官照督撫濫舉例降二級調用。保舉後自行訪出揭參者免議。吏部司員不行查出保舉之案。照失察案卷例罰俸兩月。○雍正四年議准。各部院衙門筆帖式。令各該堂官照司分之繁簡酌量分定額數。即將各司筆帖式姓名旗分咨

部註冊。不准私行調撥。至考察筆帖式之勤惰。應照府州縣統轄佐雜官例專責該司官考覈。如筆帖式內果能勤謹繕譯稿案無誤。令該司官秉公據實於年終公同出具考語呈堂註冊。遇有保舉之處。該堂官即於註冊筆帖式內遴選保送。倘有因循怠惰。託故不到衙門。以致案件壅積不能完結者。該司滿漢郎中。即行具揭呈堂咨革。倘郎中等徇情庇護。不據實揭報者。經堂官查出。或經科道糾參。照正印官不行查報。左貳例議處。○十三年覆准。部院衙門保舉

司官。皆令先期將原缺扣留。及題補之人。一併咨部查覈。不合例者駁回。定限於次月二十日。吏部截限以前。即行保奏。如所題之人。遇有出差事故。亦於次月截限以前咨部。儘留缺後保題。遲延。照督撫保題遲延例議處。○乾隆三年諭。國家宣猷敷政。首重得人。而以人事。君公爾忘私者。乃人臣之大義。况身列九卿。受恩深重。彼徇情妄舉者。固不足言。而視為具文。苟且塞責者。亦大虧薦賢為國家之道也。昔我

皇祖

皇考。延攬羣材。常降九卿保舉之旨。其濫舉匪人劣蹟敗露者。每加嚴譴。以示懲儆。朕臨御以來。亦間有所諮訪。冀收得人之益。目今各省督撫。皆出朕心斟酌簡用。其藩臬二司。陸續調來引見。亦知其大概。至於道府等官。乃方面大員。職任緊要。目下為州縣之表率。將來即可遞進於兩司。所當留意於平日。以備擢用於臨時者。若九卿將可為道府之人。各據所知。秉公舉出一二人。或二三人。用露章啟奏。不必密封。大凡論人之道。才品兼長。固屬甚善。但二者不可得兼。若才勝於品。雖一時塗飾可觀。而心志不誠。根本不



固將來蕩檢踰閑。必至難於駕馭。若品勝於才。雖一時肆應不足。而心術端方。操守廉潔。將來擴充歷練。必能不愧循良。九卿既受國恩。又奉朕旨特行詢問。其所舉之人。將來除因公註誤。情有可原者。不將保官處分外。若以劣款被參。審實治罪。定將保官照濫舉匪人例處分。不少寬貸。案例內官員將貪酷匪人為舉卓異者。皆擬降二級調用。司道府等官降三級調用。九卿濫舉。應照督撫例處分。○四年覆准。凡各部院應行留缺保奏人員。務將題補之人。於文內聲明。並行文知照科道。按限稽察。除定例開載揀選題補之缺。應行題補外。其餘滿漢司官。悉歸月分銓選。如該衙門事務殷繁。司官內果有才猷出眾。勤敏練達者。令該堂官將所出之缺。應行題補。或應行月選之處。於摺內詳細聲明請旨。儻有保題遲延者。照例議處。如不將原缺聲明。應題應選者。罰俸三月。○八年

諭。編修檢討中。有能勝知府之任者。著大學士等揀選數員。交與吏部帶領引見。○又

諭。昔蕭何相漢。終舉曹參。羊祜佐晉。亦進杜預。薦賢自代。青史稱焉。是以宋有詔觀察薦忠勇自代之條。金

有敦宰臣奏賢良自代之論。今三載考績。黜陟幽明。邦之要典。大臣徒遵例自陳。乞賜罷斥。而不舉賢自代。使遂其高尚。職將誰任乎。豈朕夢寐求賢。寅亮天工之意耶。其以明歲為始。凡大臣自陳斥罷者。令各舉德行材能堪以自代之人。隨疏奏聞。若一人兼數職者。材恐難全。舉二三人。或三四人。食祿及革帶之士均許。但不得舉同列及位在己上者。著為令。○九年題准。各部院所出滿漢司官缺。近年以來。保題者多。歸選者少。致令挨俸應升。與候補候選者。多致壅滯。應酌量變通。除刑部司官員缺。准其咨二留一外。其餘各部院。應令各堂官查明辦理事宜。酌定應題額數。遇有員缺。准其保題。仍照舊例於截限以前。將所題之人。合例與否。行文吏部察覈。俟咨覆後。聽該衙門自行帶領引見。見補授。儻各衙門保題無人。仍歸部選。如濫行保題。照例察議。○十二年

諭。朕令大臣自陳者。舉可以自代之人。凡以拔茅如願。俊乂之意也。今吳同仁之囑周學健。乃許兩千之數。朕不解焉。問之錢陳羣。始知為二千之賦。夫考績黜



涉。豈可為苞苴之門。豈朕若渴之懷。尚未喻於二三大臣耶。朕甚惡焉。其罷之。○十四年奏准。部院堂官。保送應升道府之司官。除保送繁缺後。經奉

旨補用簡缺。保送簡缺後。經奉

旨扣留回任者。其優劣相去。尚未懸殊。該堂官應免

置議外。如有保送堪勝繁缺。至引

見時奉

旨以不勝外任留部者。應將保送不慎之該堂官。照

失於覺察。例罰俸一年。○三十六年

諭。昨據吏部將各部分別堪勝繁簡缺之知府人員。帶

領引見。內有保送簡缺一員。朕閱其人。年力衰庸。即簡缺亦難勝任。因降旨將該員仍行留部。各部院司員在署辦事情形。該堂官皆所習見。至年滿截取分別繁簡。自當秉公覈實。不得稍事姑容。方為允協。夫尚書侍郎身係國家大臣。乃於保送一事。惟知奉行具文。莫博屬員虛譽。此在品秩卑微者。已難辭議。見猥鄙之咎。况堂官有為國甄別人才之責。而不知顧名思義可乎。且此等截取人員。出為知府。有表率僚屬整頓地方之任。是一人之得失。所屬州縣百姓之利病隨之。今欲姑息一衰庸無用之人。俾得遂其一

度出守之私願。而置地方利病於不顧。范仲淹之語。該堂官寧未之前聞乎。向來外省驗看截取舉人。率

多沿襲故套。不能實心澄汰。惟何燭前護撫篆時。曾

有請將衰老舉人徐廷槐改教之奏。當經明降諭旨。

令各該督撫仿照遵行。而兩年來各省仍未見有一

據實奏辦者。昨惟何燭復有請將舉人申超改補教

職一摺。所辦甚是。又申諭各督撫實力奉行。以重民

社之寄。今以部院司員。截取知府大員。職任尤鉅。若

該堂官等如此心存瞻顧。漫不經心。竟以外任以後。

該員賢否。諉之該省督撫。設令該督撫亦如此居心。

則貽誤甚大。就使到任後一經體察。即行登之彈章。

於該員既難保全。而人缺紛更。官方已深受其弊。大

臣等撫衷自問。亦何所為。而因循出此耶。所有此次

濫行咨送之兵部堂官。俱交部議處。嗣後各部院堂

官。於保送堪勝繁簡知府之員。如有仍蹈此轍者。必

不再為寬貸。○又奏准。部院堂官保送應升知府人

員。如已補繁缺知府。有犯賊獲罪。即將原保堂

官照濫舉例。降二級調用。○四十一年

諭。裴宗錫奏石汧府知府洪彬。由刑部司員俸滿截取

以簡缺知府用。該員才質中平。辦理地方公務。每形



竭蹶難勝表率之任請給咨赴部引見可否以府佐改補恭候欽定所奏甚是各部郎中員外郎俸滿截取知府令該堂官酌量繁簡分別出具考語送部引見其不勝外任者即聲明留部原屬慎重甄別之意乃相沿日久各該堂官率徇情取悅以繁缺保送者多而簡缺及留部者少昨經降旨申飭今裴宗錫適有此奏可見各部堂官之保送不能公當矣簡缺與不勝外任相去止差一間該堂官遇司員才具平庸者送以簡缺計圖掩飾其短殊屬非是向來各部保送人員遇有貪贖敗露原舉之堂官考成甚重而簡缺選用人員或有不勝任者該堂官向無處分遂不免於任情濫舉嗣後各部保送簡缺知府經督撫奏其不勝方面之任者其原舉之堂官各無可辭雖不必如濫保貪員之重亦當予以議處俾知儆惕其應如何酌定之處著該部詳議具奏儻督撫因有此旨輒瞻顧原保之堂官情面遇簡缺知府之庸劣者曲為姑容不能如裴宗錫此次之據實陳奏則督撫等之獲戾甚大一經察出或經科道糾參必將該督撫從重治罪斷不能如尋常過失之得邀從寬留任也朕辦理庶務每事必求其至當如此一事諭吏部定

濫保之堂官處分即防各督撫之不免看情庇護不使稍滋流弊於此可見為君之難著將此通諭知之欽此遵

旨議定各部保送簡缺知府到任後不能勝任經督撫奏將原保堂官照濫保繁缺知府致犯貪婪之例酌定減為降一級調用如該督撫因係部中甄別因循瞻顧不即查參以致貽誤地方者將該督撫降二級調用○四十五年

諭向來各部院司員保送三庫稅差錢局坐糧廳等項每有將曾經得差人員未隔數年復行保送者不知在京滿漢司員人數本多此等得項較優之差自應令其均霑普及若出差未久復予保送則從未得差者未免多有向隅嗣後保送此等差使之司員及已經派過者著於十年後方准再送如堂官等違例蒙混保送經朕察出及被人參奏者即照徇庇例議處著為令○四十七年奏准各部院主事等官保送直隸州知州後經督撫以不能勝任參劾者將原保堂官降二級留任○嘉慶四年

諭朕恭閱皇考御極初年



諭旨。曾令在京大臣。密保才守出眾之員。以備擢用。於延訪人材之中。收兼聽並觀之效。朕躬攬庶政。首重得人。自當率循舊章。舉行。用資簡任。著滿漢大學士六部尚書侍郎。及三品以上之都察院通政司大理寺堂官。於京外各員內。有操守端潔。才猷幹濟。及平日居官事蹟可據者。各舉所知。密行保奏。不必急遽。塞責。不得稍有徇私。濫舉充數。以副朕廣諮博採至意。○五年奏准。各部院保送知府人員。如保送繁簡各缺。至引

見及請

訓時。以不勝外任扣除留部。或到任後不能勝任。經督撫參奏。均將原保之堂官降二級留任。其由京察記名。以不勝外任扣除劾參者。亦照此例議處。○道光二年奏准。漢郎中俸滿應升知府人員。如保送繁簡各缺。至引

見及請

訓時。以不勝外任扣留。或到任後經督撫以不能勝任參奏。其原保之堂官有奉旨交部查議者。將該堂官降一級留任。若犯有貪劣奉

旨將堂官交部查議者。降二級留任。其由主事保送直隸州。後以不能勝任及貪劣劾參者。該堂官亦照此例議處。科道俸滿保升。與郎中同。○同治四年奏准。各衙門保送御史。毋得但計資俸。總須認真考覈。如保送後有犯貪汙劣迹者。將原保之堂官照京察保送不實例。降二級留任。自能訪出揭參者免議。

外官保舉。○康熙六年覆准。凡督撫保舉府州縣官。必開列實在政績。僅並無實在政績。妄行空填字樣。及保薦不實。別經發覺者。將督撫各降二級調用。申詳之司道府直隸州知州等官。各降三級調用。加級紀錄。不准抵銷。○二十五年議准。凡督撫濫將屬官坐名保題留任補用者。照含糊具題例。降一級留任。○五十二年議准。降調革職官員。賄囑百姓保留者。審實。將官民皆照枉法例治罪。如督撫指稱與情將革職降調官員題留原任者。照徇情例降二級調用。轉詳之司道府。亦照此例處分。○又議准。凡出差監督。該督撫以商民保留為辭代題者。將督撫照含糊具題例。降一級留任。再監督差期將



滿以缺額為辭。題請展限者。將該監督照應職例降一級調用。○雍正元年覆准。各省督撫延請幕賓。應遴選老成練達。深信不疑之人。先將姓名履歷具題。造冊報部。如果效力年久。勤慎無過。該督撫保題議敘。如有才守出眾者。該督撫特疏薦引。從優議敘。其司道府州縣等官。亦豫將刑名錢穀各幕賓之姓名籍貫。申報督撫存案。計算六年期滿。並無叅罰事故。果能深信其有為有守。才識兼優。平日實無公私過犯者。出具確實印結。申送督撫。詳加驗看。秉公考試。除文理欠優。才具平常者。不准咨部外。如果文理優通。熟諳吏治。才具確有可用。方准據實保題。將考試原卷一併送部。俟直省彙齊之日。吏部照考職例奏請。

欽點大臣閱看試卷。分別等第。給予職銜選用。如有文理荒謬。不諳律例者。將原保官照徇情例降二級調用。保題之督撫。照含糊具題例降一級留任。或有冒名頂替者。將原送官照頂冒出結例革職。或係出身不明匪人。將保送官照濫舉匪人例降二級調用。保題之督撫。照失於覺察

例罰俸一年。本人送刑部治罪。其考定各員。出任之後。除因公註誤降革外。如有貪婪革職者。將原保官亦照濫舉例降二級調用。保題之督撫。亦照失於覺察例罰俸一年。督撫自行薦舉幕賓內。如有此等情弊。皆照原保官例議處。以上外官幕賓。如本官緣事降革。及官吏書算內號瑣事人等。與本官子弟親族來署幫辦者。均不准保題申送。其所延幕賓。概不准延請任所本地之人。致啟弊竇。如違例延請任所本地之人。將延請官照違令例罰俸一年。○十二年覆准。保舉賢良方正出身人員。如犯貪酷不法等事。審實。查明該員保舉緣由。於疏內附叅。將原保舉之州縣等官降三級調用。轉詳之司道府直隸州知州。降二級留任。不能查出之督撫。降一級留任。○乾隆元年議准。直省應行題補員缺。各該督撫於屬官內擇其才守兼優者。准以應升之官題補。不得越級奏請升用。其佐雜等官。例不具題。亦止准以應升之官咨部請補。至因公註誤降革人員。或經該督撫保題留任。或奉



旨留任者。該督撫遵例保題開復後。方准再行題請  
升用。如將銜缺懸殊。不應題升之人。越次保題。  
指缺奏請升用者。將該督撫照含糊具題例降  
一級留任。如將革職降級留任官。不俟開復遽  
行保題指缺奏請升用者。將督撫照革職降級  
官擅行委署例降一級調用。又議准督撫保  
題人員。係道府等官。取具兩司確結。務將本人  
居官如何之處。出具切實考語。進呈

御覽。並將該員任內事蹟。於本內聲明。照例造冊出  
結。送部存案。州縣官員。毋庸取具道府文結。該

督撫即將該管上司季報本官任內事蹟考語。  
摘取入疏。加具切實考語。進呈

御覽。並造清冊送部。以憑察覈。所保之人。或改操於

後。致干嚴處者。查明從前所開事蹟。果有確據。  
將出結開報各官。准予免議。如所結不實。將原

結各。照例議處。又議准直省督撫。轉飭

府州縣等官保舉孝廉方正。詳稽事實。造冊加

結。申詳該管上司。遞加訪察。督撫覈實保題。儻  
所舉不實。將平日並非敦崇實行之人。以資緣  
奔競。輒行保薦。或被旁人舉發。或被訪察題參。

除本人斥革追究外。將濫行出結各官降三級  
調用。受財者從重論。如各衙門胥役藉端需索。  
該管官失於覺察者。照失察衙役犯贓例分別  
議處。○二年

諭道府等官。皆屬親民要職。必才幹素著廉潔自持者。  
方克勝任。是以

皇考當日。曾令督撫兩司各行保舉。今朕仿照此例。著  
於各省道府官內。令督撫藩臬各舉所知。保舉一二  
員。二三員。俱各密封具奏。不得會同商酌。如所保之  
人。不當。日後劣蹟敗露。將保奏上司一併治罪。○三

年覆准。督撫越次保題。如不將越次之處。於疏  
內聲明者。將督撫照定例處分。若督撫疏內已  
經聲明越次。因人才公務起見。奏請者。除將所  
保之人。照例題駁外。其保題之督撫。照承問官  
錯擬。經部改正承問官免議之例。免其處分。○  
十二年

諭教職六年俸滿保題。原以具人才品出眾。堪膺民社  
之寄。是以許其格外保薦。為督撫者。自應一秉虛公。  
覈實保題。方不負人臣以人事君之義。若將平庸之  
員保薦用為知縣。一二年後不能勝任。仍請改教。是



不以民社為重也。於吏治民生實有關係。嗣後如有不稱保題該督撫濫行保薦者。朕必加以處分。○三十五年議定。教職六年俸滿保舉知縣人員內。如升任後復以不勝民社奏請改用教職。將原保舉學政照保薦不實例降二級調用。申詳之司道府州縣等官。降三級調用。加級紀錄。不准抵銷。○三十七年奏准。各省督撫將試署年限未滿。並不合例人員。題請實授者。將具題之督撫照違令公罪律罰俸九月。列名具題之督撫罰俸六月。至例應實授之員。未將任內實在政蹟敘入本內者。亦照此例議處。○又奏准。降革官員督撫保留。若果清廉愛民。許督撫題請留任。儻將不肖之官保留。或有劣蹟敗露。或經科道糾參。將督撫司道等官照舉薦劣員例降二級調用。○又奏准。首領等官。三年准調。五年准升。以到任之日起算。其題署該督撫如人員以實授之日起算。將年限不足人員。題請升調者。亦照部選缺出混行題補調補例議處。○四十二年議定。教職俸滿保舉知縣人員。除事犯貪酷不法等官。仍照舊例分別議處外。如升任後復以不勝民社

奏請改用教職。並劾參才力不及者。將原保之督撫學政降二級留任。申詳之司道府州縣等官。降一級留任。如督撫學政司道等有與該員同在一省。據實揭參者。免其處分。仍將未經會同揭參之員。照例議處。若原保官已不與該員同在一省。無從揭參。將原保之督撫學政降一級留任。司道等官罰俸一年。該督撫於劾參時。不將該員原由教職保舉。及原保上司保薦不實之處。詳晰聲敘。吏部即隨本查參。係貪劣發覺。將該督撫降一級留任。係昏庸被參。將該督撫罰俸一年。儻有瞻徇原保之上司。姑容貽誤。並因自行保薦。迴護前非。不即揭參者。經特旨指出。或經吏部查出。及科道糾參者。將該督撫革職請旨治罪。○四十四年議定。凡官員曾經奏請升調。繫缺後以才不勝任。復請調簡者。將原任之督撫降三級留任。如接任之督撫有與前任不合。有意苛求。肆行更調。於引見時奉旨指出。並非實不勝任者。將奏請調簡之督撫降二



級調用。道光四年改定。照抑勒例。降三級調用。若因循姑息。並不

奏。別經發覺。亦照徇庇例。降三級調用。道光

改定。照徇情例。○又奏准。督撫保舉府州縣等

官。保薦不實。別經發覺者。督撫降三級調用。若

由司道府等官申請者。將司道府等官降二級

調用。由督撫自行保薦者。司道以下免議。○嘉

慶五年

諭。向來各省州縣要缺。往往以人地相需。將不合例之

員。專摺奏請升調。及交部議駁後。而督撫等仍以原

請升調之員。復行具摺奏懇。此等人員。如果於該省

要缺實在相宜。若不准其所請。則督撫等無由收指

臂之效。但一經議駁。又復奏懇准行。竟成故套。在辦

事公正之督撫。原屬為缺擇人。而稍涉偏私者。未免

為人擇缺。致啟夤緣奔競之漸。不可不明示防閑。以

杜流弊。嗣後各省督撫於部駁不合例之員。復行具

奏懇請允准者。竟當責令保其終身。毋論將來該員

曾任原省。或任他省。若不過因公罷斥。尚可免其追

問。如係貪汙獲罪。則原保之督撫。自難辭徇情濫舉

之咎。著吏部嚴定處分。用昭懲儆。欽此。遵

旨。議定。督撫題請升調人員。經部議駁後。復經該督撫

以人地相需。專摺奏請升調。奉

旨。著照所請行者。此等人員。後係因公罷斥。免其追

問。若犯貪劣。係原保上司訪聞揭參。無論本省

隔省。均應免議。若不行揭參。別經發覺。將原保

之督撫。降三級調用。申詳之司道府等官。降二

級調用。該督撫奏者。不准司道府補行揭報。

仍照例議處。○又奏准。督撫遵例題請升調官

員。如原任及新任內有貪劣等事。該督撫自行

查出參奏。方予免議。如不行參奏。別經發覺。將

督撫降二級調用。司道等官。降一級調用。如有

未將原保上司查明聲敘。將該督撫降一級留

任。若督撫查出參奏。不准司道府等官。補行揭

參。仍照例議處。○又奏准。各省保題升用及調

繁人員。如有昏惰糊塗辦事乖張悖謬。被參。將

不行揭報題參之原保督撫。降二級留任。原申

請保舉之司道府等官。降一級留任。由教職保

薦升用者。將學政照督撫例議處。○又奏准。降

調革職官員。如督撫捏稱輿情愛戴。題留原任

者。仍照例議處。如司道府州轉詳者。將該司道

等官。降一級調用。如果係清廉愛民。因公降革。



許督撫題請留任。儻將不肖之員保留。或有劣蹟敗露。將督撫司道。仍照舉薦劣員例議處。十四年

諭。國家登進用人。原不能竟拘資格。各直省州縣中。由捐納出身者。固有不肖之徒。即正途出身各員。其蓋簋不飭。逢迎大吏者。亦不能保其必無。全在該管各上司。平日留心訪察。秉公覈實。必係循聲確著之員。方予保薦。庶可遴拔真才。若將夤緣鑽刺之劣員。濫邀薦舉。一經發覺。該上司處分定例。綦嚴。嗣後各督撫。倘舉各員。惟當倍加慎重。儻再有濫保致干憲典者。必將該上司從重懲治。○十九年奏准。投效人員。必驗有執照。方准收錄。如並無執照呈驗。即准其投效差委。將該督撫降三級調用。○二十五年

諭。各直省督撫。所有兩司道府州縣。以及營伍員弁內。如有實在才德兼優。認真辦事者。著出具切實考語。密摺保奏。歷任後除公罪不論外。若作姦犯科。身罹私罪。惟該保之督撫是問。如有貪婪不法。以刻為明。或年老昏憤。不能辦事者。亦著據實參奏。不可任其尸祿。有害民生。○道光四年奏定。督撫學政司道府

州等官。保題之員。後犯貪劣昏庸等款。如原保官與該員同在一省。據實揭參者。免其處分。其同省未經會同揭參之上司。仍照例議處。如原保官已不與該員同在一省。無從覺察揭參。犯係貪劣者。將原保之督撫學政。降一級調用。司道府州等官。降一級留任。犯係昏庸者。將原保之督撫學政。降一級留任。司道府州等官。罰俸一年。若經同省之原保官查出揭參。將離省無從覺察之原保官。一體免議。○同治元年

諭。詹事府左中允錢寶廉奏。請飭大臣督撫。不得將降革獲罪之員。率行請留請調等語。朝廷賞罰。一秉大公。凡係降革獲罪人員。必其咎有應得。始予罷斥。近來緣事久經黜退之員。往往謀入軍營。希圖奏留。奏調。為將來開復起用地步。雖其中不盡無可用之人。而庸劣各員。夤緣巧滑者居多。一經留調。始則謀據要差。繼則濫竽薦膺。甚至把持要挾。無所不為。其實在出力人員。轉因之壅蔽擠排。未由自效。何以明勸懲而肅官常。嗣後各路統兵大臣。暨各直省督撫。務當破除情面。認真釐剔。凡降革獲罪之員。必其人實有才能超卓。人地相需者。始准臚陳事迹。專摺奏請。



仍由該部將該員帶領引見候旨遵行。不在僅以差委需員。撫拾虛詞。率行請留請調。以做徇濫而杜詭隨。十二年奏定。各路統兵大臣。及各省督撫。於降革獲各人員。調往軍營。應遵

旨出具切實考語。送部引

見。其曾經在營降革獲各人員。果係才堪驅策。亦令

出具切實考語。送部引

見。如奉

旨。在其發往軍營。將出考語之督撫大臣。註明存記。

僕所調之員。實犯姦賊劣蹟。即將原保之大臣

督撫。隨時奏明。照濫舉匪人例。參處。如投營未

經引

見之員。統兵大臣督撫等。撫拾虛詞。遽謂先經出力。

著有勞績。登諸薦牘。即屬故違定制。由吏部從

嚴參處。光緒九年奏准。省會首府首縣。該上

司若保非正途人員。越次以各項人員列保者。

如所保之員。犯有貪酷劣蹟。別經發覺。即將原

保之上司。降三級調用。

外官參劾。康熙十四年議准。凡上司揭參所

屬官員。或將經管事件。並日月錯開。以致本官

誤行革職者。將申報之上司。降一級調用。督撫

降一級留任。如誤致降級者。將申報之上司。降

一級留任。督撫罰俸九月。如誤致罰俸者。將申

報之上司。罰俸六月。督撫罰俸三月。如將不應

參之官。誤報題參。未經處分。經部察出。如係革

職降級事件。將誤揭之上司。罰俸一年。督撫罰

俸六月。如係虛革虛降及住俸罰俸事件。將誤

揭之上司。罰俸六月。督撫罰俸三月。雍正十

年

諭。向來大計參劾官員。除貪酷發審外。其餘著送部引

見。嗣後特參文武官員。比照大計之例。如浮躁不及

等款。亦著送部引見。永著為例。十二年議准。凡督

撫糾參屬官。必將應參之事。備列款蹟。或無款

可列。必將所參情由。一一據實指出具奏。如有

不列款蹟。不據實情。含糊具題。將督撫照含糊

具題例。降一級留任。所參之官。仍行令該督撫

秉公確訪。或列款蹟。或將應參情由。據實指出。

題覆到日。交部照例分別議處。乾隆十四年

諭。向來被參官員。題請交部定議後。始行開缺。朕思病

廢之員。非有劣蹟可比。即交部議處。亦不過勒令休



致而雲南等遠省。文移往返。羈延時日。懸缺久待。於吏治殊屬無益。但題到即行開缺。又恐啟抑勒之弊。嗣後此等人員。即照八法內年老有疾之例。一面具題。一面勒令休致。或該員有不甘廢棄。情願來京引見者。該督撫給咨送部引見。○十五年

諭。各省督撫參劾不職屬員。或請革職休致。或請降補改教。皆地方公務。並非應行密辦之事。理當繕本具題。方合體制。近來督撫有先具摺奏聞。聲明另疏題參者。尚屬可行。而亦竟有摺奏代具題者。究於體制未協。著通行各省督撫。凡遇此等參奏。概用題本。以

昭慎重。再向例各省參案。除特參貪酷拏問質審等犯。一面具題。一面摘印看守。至其餘降革休致改教之員。必俟部覆允准。方令離任。此等人員。既昏惰無能。多留一日。即誤一日之事。理應即令離任。另委賢員速為整頓。方於地方有益。且自該督撫出本以後。該員即已豫知不能保全。而幸其印猶在手。往往乘機舞弊。即瑣細無關緊要。如田房稅契之類。或本人或子弟。或吏役。以及素相來往之紳衿。俱於印官將去未去之時。恣意妄行。及至部覆到日。近者亦必二三月。遠者或至半載以外。此數月中。何事不可為。即

丁憂人員。尚有隱匿遲報者。豈可任其據缺營私。殊非澄敘官方。整理民社之意。嗣後各督撫。於屬員有題請革職。或勒令休致。另行降補。改用教職。以及丁憂告病之類。離任者。俱一面具題。一面即行委員收取印信署事。並將任內經手錢糧。一一清查。毋得瞻徇。著為令。○十七年議准。各省督撫。遇教職考覈案件。例應會同學政舉行者。務遵定例會同辦理。其或自行密訪查參之案。亦於咨題之後。即知會學政。以備稽考。○四十七年議定。凡上司揭報所屬官員。誤致革職者。將申報之上司。降二

級調用。專改降三轉詳官。降一級留任。督撫罰俸一年。如誤致降級調用者。將申報之上司。降一級留任。轉詳官。罰俸一年。督撫罰俸六月。如誤致降革留任者。將申報之上司。罰俸一年。轉詳官。罰俸六月。督撫罰俸三月。如誤致降俸住詳官。罰俸六月。督撫罰俸三月。如誤致降俸住俸罰俸者。將申報之上司。罰俸六月。轉詳官。罰俸三月。督撫免議。未經處分。經部查出。係革職降調事件。將申報之上司。罰俸一年。轉詳官。罰俸六月。督撫罰俸三月。係虛革虛降及住俸罰俸事件。將申報之上司。罰俸六月。轉詳官。罰俸



三月督撫免議。嘉慶四年奏准。督撫隨時參劾。聞其懈弛平庸。怠玩老病等事。並未敘列案由實蹟者。未經奉

旨引見。如有情願赴部引

見者。照大計六法之例。給咨送部引

見。又奏准。各督撫參劾屬員。不得用嚴加議處字

樣。違者照誤揭屬員例處分。○八年

諭。外省參劾屬員。定例固有不應奏請嚴加議處之條

但既有此請。經朕閱看。其中或有不應嚴議者。朕必即行更改。若既發交部議。即同奉旨嚴議。豈可不遵

該部如以嚴議一節。惟特旨交部之員。照例加等。若係臣工奏請者。仍照常例辦理。即當隨案聲明。或將

違例參劾之大員。據實參奏。方為正辦。今吏部於黔陝軍需兩案。未經詳晰聲敘。未免拘泥。嗣後除特旨

交部嚴議之案。仍加等嚴議外。其各省參劾屬員。如有情節本輕。而上司遽請嚴議。或情節較重。僅請議

處者。著該部即將奏請處分未協之原參督撫等。隨摺聲明。候朕定奪。○道光六年

諭。據伊里布密奏。調任迪南道現署雲南府知府保亮

識見暗昧。不勝道員之任。承審案件。詢問多未了晰。

即降補知府。亦難望其稱職等語。保亮著即勒令休

致。各直省督撫。於所屬道府中。有才具平庸。或心地

糊塗。不能稱職者。自應據實參奏。俾知做畏。方合大

臣實力辦公之道。若皆為密奏。各員轉不知所勸懲

嗣後各省督撫。於所屬道府等官。不稱職者。俱應據

實入奏。毋庸密陳。更不可因有此旨。稍存避嫌遠謗

之見。動輒一味姑容。殊失朕望治之心矣。慎之。○九

年

諭。裕泰奏甄別辦事任性不洽與情之知縣一摺。湖南

巴陵縣知縣嚴暉吉。既據該護撫奏稱該員偏執粗

率。不洽與情。著勒令休致。各省收令之賢否。關係地

方之治忽。各該督撫原應隨時查察。嚴行甄覈。然必

須將其庸劣款迹。據實陳奏。庶可以昭鑒戒而飭官

常。近來各省大吏。之於所屬。非不留心察訪。隨時甄

別。而亦有因其事若實參。即不止於斥革者。遂以平

庸疏率等語。從寬空參。僅予改降休致。轉令被劾者

有所藉口。豈整肅吏治之道。即如裕泰所參之嚴暉

吉一員。既經撤任於前。又復甄別於後。其庸劣不職

可知。是以降旨勒令休致。嗣後直省督撫甄別所屬

務須究明劣款。覈實奏辦。不得僅以空詞參劾。致失



平允。○二十七年奏准。官員各項案件處分。開報月  
日。有關降調革職者。儘以錯誤為詞。更正一二  
字。即應減議之件。應不准其更改。如本員開報  
本無錯誤。實係上司代開錯誤者。本員仍准更  
正。上司即照誤揭屬員以致降調革職例議處。  
雖在本員未經部議降革之先。即已更正。亦不  
准免上司處分。

欽定大清會典事例卷八十二

吏部

處分例

外官甄別去留 為貪 委署失當 徇庇容隱 屈廉 題補調補失當

外官甄別去留。○乾隆三十七年奏准。各省首

領佐貳雜職。並鹽庫大使。自六品以至未入流

等官。接算前後歷俸。已滿六年者。銓補各官以 到任之日起

其各署各官以前 咨署之日起各府州具文申請。巡道加考。不

由道府州所屬之首領等官 應聽各該管官具文考覈移司查實。轉呈督

撫調取驗看。詳加甄別。將才具平庸不堪辦事

者。斥革。年力衰頹者。勒令休致。勤慎供職者。准

其留任。以上皆隨時咨部。年終彙辦。咨報軍機

處。吏部彙覈具題。即以此次俸滿之日起。俟六

年再滿。仍照例辦理。如有貪劣不職。衰庸廢弛

者。隨時揭叅。不得拘定年限。至六年俸滿內。實自 授之日起。其由舉人出 身之鹽庫大使。仍以五年實有人才出眾者。有

勞績者。該督撫出具切實考語。保薦除舉人出

身之鹽庫大使。送部引

見如奉

旨。准其升用。仍令該員回任候升外。其餘佐雜等官。

查明與例相符。准其保薦。奉



旨後照例升用。至派往新疆辦事佐雜人員六年俸滿俱令新疆辦事大臣甄別移咨督撫照例辦理。○又奏准各省教職除貪鄙衰庸不職隨時咨參不得拘定年限外俱以該員到任之日起扣算六年俸滿各府州具文申請巡道加考移司查實轉呈督撫學政調取驗看詳加甄別如果才能出眾堪膺民社者出具考語保題送部引

見如奉

旨准其升用者留部銓選年力衰邁者咨部令其休

致內有情願來京引

見者照大計之例聲明咨送引

見其餘應准留任人員年力才具堪以策勵者列為勤職僅堪司鐸者列為循分供職俱填註考語咨部註冊即以此次俸滿之日起俟六年又滿再行甄別如勤職中果有明白幹練堪膺民社者仍准保題送部照常奮勉者仍列勤職若辦事少次於前即改為循分供職不堪供職者即令休致其供職中有能實心訓迪較前奮勉者准予拔置勤職照常辦事者仍列循分供職才

力衰庸者即勒令休致均隨時咨部年終彙辦咨報軍機處吏部彙具題至年逾七十應行勒休內有精力尚健堪以留任之員亦止准展限五年概令休致。○又覆准凡由同知直隸州知州推升知府經督撫驗係不能勝任引

見仍令回任人員俟回任之日起三年限滿由司道遞加考察督撫調取驗看果係奉職無過於地方事務毫無廢弛准其留任若年力衰頹精神不能振作勒令休致其有別項劣蹟不職貽誤地方者該管道員隨時揭報督撫據實題參不得拘定年限儻該管上司瞻顧情面任聽濫竽即照徇庇例議處。○五十一年

諭知縣有民社之責原不應令才不勝任者濫竽其間但如分發試用之員及年滿赴補舉人等未經得缺以前該督撫察其才具平庸奏請改教本屬可行若業經補缺之員果其才識迂鈍難膺民社即司鐸有教士之責亦豈能勝任此等人員即應令其休致何得復請改補教職以為庸才養拙地步從前定例究未允協嗣後各省知縣除未經得缺到任經派出驗看之大臣及督撫甄別應行改教或該員願就教職



者仍照舊例辦理外其已經得缺到任數月後不勝  
民牧者即以原品休致概不准復行改教○五十七  
年

諭據吳省蘭奏督臣梁肯堂咨送年滿教職保薦甄別  
鈔疏令學政衙門備案因業經具題咨商無及已咨  
令梁肯堂行司調送補驗等語各省教職係學政專  
管其保薦堪膺民社之員升任知縣後如才具平常  
不能勝任原保之學政處分定例基嚴各省保薦教  
職時自應與學政會商擇其才具優長者會銜保題  
今梁肯堂所保教職二員並未先與學政酌商於會  
銜具題後始行鈔疏知照備案殊非慎重保薦之道  
竟係梁肯堂不以學政為事率臆徑行國家簡任學  
政豈不竟同虛設乎梁肯堂著嚴飭行此後遇有甄  
別保薦教職等事均應照例會同學政先行酌商秉  
公辦理聯銜具題毋得仍前徑行專辦以符體制至  
各省督撫若於保薦甄別地方官員亦有似此並不  
彼此會商輒以一人專主即會銜具題者一經發覺  
朕必重治其罪○嘉慶五年奏准各省甄別教職佐  
雜定例按該省額缺以百之二三為率參劾及  
數者免議如該省果無衰庸應缺應行參劾之

員令該督撫將無可劾參緣由切實聲明亦免  
其議處參劾不及數未經聲明者將督撫學政  
降三級調用後改定照應申不如有別案參劾  
究出因衰庸貽誤者將該督撫學政亦降三級  
調用後改定降○又奏准調補煙瘴人員如有  
不稱職之處該上司隨時揭參不必俟其俸滿  
至俸滿時如果辦事精勤者有實在政績該道  
府連具事實冊分別保題註冊升用備分供  
職而年力強壯尚堪驅策者將俸滿  
應升之處註錄仍以原品之缺補用若任內雖  
無劣蹟可指而俸滿時年力已衰者即行查參  
令其休致若該管道府於在任時因循不揭至  
俸滿時又不覈實查參以及捏填事實混行保  
送者均降二級調用兩司罰俸一年○又

諭朕上年親政以來遇有謝恩請訓知府俱經召見其  
中才具明幹者固不乏人而年力衰頹才識迂拘及  
新例報捐年輕全未諳悉者亦復不少以天下知府  
額缺而論經朕召對之員不過十之一二而才具優  
劣已有區別則其餘各省未經見朕之知府或聞草  
應棧或少不更事經督撫姑容留任想各省皆所不  
免著通諭各該督撫於現任知府內詳加考察認真  
甄別如有不勝知府方面之任者即據實奏聞送部



引見或勒令休致或降補丞倅等官。母任因循貽誤。此次降旨考察知府之意。原為地方得人起見。並非沙汰年老之員。知府中或即有年齒稍增而精力尚健。且辦理地方事務。歷練熟悉。正應資其治理。若督撫誤會朕意。惟將年老之員。概行參劾。豈綜覈名實之道。至初任年少之員。於吏治民情。全未歷練。或有限於才識。難望其振作有為者。即當據實劾奏。豈得因其年齒方強。稍涉瞻徇。各督撫等務善體朕意。秉公甄別。以收化民成俗之效。其直隸州知州。應照此例行。將此通諭知之。

徇庇容隱。○康熙九年議准。總督貪婪。巡撫不行糾參。巡撫貪婪。總督不行糾參。如發覺審實。無論同城不同城。皆降三級調用。藩臬兩司。免議其方面。以下大小官員貪婪之處。司道府等不行揭報。被督撫訪實題參。將同城之司道府。各降三級調用。不同城者。各降一級留任。○雍正六年議准。臺灣地方文職同知以下等官。有貪酷乖張。以致起釁生事者。將不行揭報之道。府降三級調用。不行查參之巡臺御史。降二級調用。瞻徇隱匿。不行告知督撫之武職。皆照不

行察報例。降一級留任。如武職遊守以下等官。有貪酷乖張。以致起釁生事者。將不行揭報之副將參將。降三級調用。不行查參之總兵官。降二級調用。瞻徇隱匿。不行告知提鎮之文職。亦照不行察報例。降一級留任。○又議定。凡方面以下大小官員貪婪之處。劣蹟昭著。該管各官不行揭報。被督撫訪察題參者。同城之知府降三級調用。司道降二級調用。不同城之知府降一級留任。司道罰俸一年。其因事受賄劣蹟未著。同城之知府。失於覺察。降一級留任。司道罰

俸一年。其不同城在百里以內之知府。罰俸一年。司道罰俸九月。百里以外之知府。罰俸九月。司道罰俸六月。遇有失察題參。該督撫即於疏內將里數聲明。以憑查覈。儻有里數聲明失實。將轉詳各官。皆照徇情例。降二級調用。至屬官貪贓。上司已確有聞見。或士民告發。業經審實。或雖未告發。而行賄過伴。確有其人。而不揭報。是有心徇庇。應無論同城不同城。在百里以內百里以外。各降三級調用。其雖有風聞。正在訪察。而督撫先已查出。若即行具揭者。該督撫仍



將同城與不同城及不同城在百里以內百里以外之司道府於疏內聲明照例議處其直隸州知州照知府例議處若署知府直隸州知州事不揭報者罰俸一年如知府直隸州知州貪婪司道不行揭報亦照知府例議處其司道將貪劣官員申詳督撫知府不行揭報或知府申詳司道不行揭報及科道開列本官劣款指參者將本官解任審實其不行揭報之司道府等官皆照此定例分別處分並不題參之督撫亦皆照司道例分別處分若督撫既參貪婪官不開未經揭報之司道府職名指參者罰俸一年如官員互相訐告該管官不行申報及督撫知覺行查又行遲誤並督撫密行察訪漏洩風聲以致有自盡脫逃等事者皆各罰俸一年其自盡之人如有威逼致死情由經部行詢取具妻子口供審問情實確有證據者將逼勒之官革職提問至管鹽務各官貪劣事實或被督撫科道糾參審確者將不參之巡鹽御史及不報之鹽運使等官皆照督撫司道例分別處分如巡鹽御史後裁將所屬貪劣鹽官題參與督撫司道

無涉者免其議處○又議定署印官於署任內事犯貪婪被參者除將本人治罪議處外其委署之上司自行糾參者免其處分儻上司徇庇私人容隱劣員或自護其短不行參奏於他處發覺時將委署之上司照徇庇例降三級調用○十二年議准雲貴川廣等省苗疆地方照臺灣之例令文武官弁互相稽察如文職同知以下等官武職遊擊守備以下等官有將苗夷科派擾累及將土目索詐陵辱等情除將該官弁參處治罪外其同城文武如有徇情面含糊隱諱將不行揭報之道府副參並不行告知督撫提鎮之文武官弁皆照臺灣之例分別議處再邊地官兵出征如不肖之官並不親身前往將勦賊辦糧重任專委土弁經理以致惡弁乘機搶奪生事等情亦令文武官互相稽察呈報督撫提鎮嚴訪重處如有瞻徇隱匿情弊亦照臺灣之例分別議處○乾隆五年奏准各省督撫照例題升調補官員原任及新任內有貪劣等事如係該督撫等自行查出究參無論該員升任原任貪劣皆免其議處如不行參奏別經



發覺者皆照不揭報劣員例分別察議。○十年奏准凡上司失察屬官貪劣其不同城之上司及在任不及一月者免議。○三十五年覆准調繁人員不加奮勉頓改前操致有廢弛貽誤該上司不即嚴參究治曲為徇隱照徇庇例降三級調用。○嘉慶五年奏准官員貪婪劣蹟已經昭著該管各官不行揭報經督撫題參同城之知府司道不同城之知府司道仍照例議處同城之上司到任在二十日以内者免其查議若屬員所犯貪劣即在該上司已經莅任之後仍照同城不同城分別議處概不准其援免該督撫於題參疏內即將是否同城並在任月日詳細聲明儻有聲明失實將轉詳各官照徇情例議處直隸州知州不揭參劣員照知府例議處直隸州知州貪婪司道不行揭參亦照知府例議處至屬員貪贓經督撫兩司飭查或士民告發得實該上司仍不揭報有心徇庇無論同城不同城將該上司降三級調用若督撫未經題參並不將未經揭報之司道府職名指參轉將清廉官員屈為貪劣題參者仍照例議處。○七

欽定大清會典事例 卷八二

年

諭各直省設立督撫原以糾察屬吏惟在見聞周密有弊必除庶屬員知所懼吏治自臻整肅若必待朕先有所聞降旨詢問督撫始行查辦則安用督撫為耶試思四海之廣臣民之衆為人君者安能一一周知雖以堯舜之君明目達聰設無九官十二牧為之分職亮功亦何能從欲以治乎至外省一切陋規早應隨時禁革粵東借贓罰為名按缺派送銀兩相沿已久督撫並不查辦一經朕詢問始據實陳奏可見此等陋規未經革除者尚復不少嗣後各督撫於地方吏治務當隨時訪察釐剔弊端如有作姦犯科之事即當據實嚴參不得徇情袒庇亦不可為屬員蒙蔽以期大法小廉副朕澄敘官方至意。○九年

諭各省督撫將軍都統提鎮及藩臬大員俱有地方營伍專責安可容衰病人員日久戀棧致有貽誤蒙混君上市恩僚佐不顧公事惟博私恩若本人自揣精力不能勝任即應具摺陳明而同城官員見聞更確尤當隨時奏聞乃近日相率姑容既經降旨詢問仍復含混其詞不肯遽行劾奏試思大員衰老多病眾所共見猶復曲為容隱其官階較小各員老病戀職



及年雖強壯不能任事。聲名平常者。更不知姑容。幾詐於吏治。官方大有關係。嗣後各督撫將軍都統提鎮等。各發天良。於所屬各員。留心查察外。其同城文武大員。遇有年老多病。及官聲平常。俱著據實具奏。儻仍前徇隱袒護。經朕訪聞確切。必當一併究治。決不寬貸。○道光四年。奏定屬員犯有貪婪劣蹟。該管上司失察不行揭報。經該督撫先行查出。參奏同城之知府直隸州知州。降二級調用。司道降一級。留任。司道罰俸一年。到任未及一月者免議。○

同治元年。奏定直省督撫如有奉旨查辦交訊之案。為屬員開脫罪名。僅予空參者。若日久敗露。或別經審實。督撫照徇庇例從嚴加等議處。如屬員犯有枉法濫刑。橫征苛斂。及侵吞捐項。棄城不守。種種罪狀。督撫為之開脫者。非身有疵瑕。慮人指摘。即受其賄賂。甘與通同。將該督撫一體治罪。

屈廉為貪。○雍正六年。議定督撫如將清廉愛民之官。屈為貪婪。題參審虛者。將原報之司道府等官。各降二級調用。督撫各降一級調用。○

又議准管鹽務各官。如將清廉官屈為貪劣。題參審虛者。將原報之鹽運使等官。各降二級調用。巡鹽御史降一級調用。其總督參過劣員。巡撫不必再參。巡撫參過劣員。總督不必再參。○

又奏定督撫等大員。如將清廉官吏屈為貪劣。題參者。將該督撫等革職。如由司道府州運使等官捏報者。將捏報之員革職。督撫等降三級調用。

委署失當。○康熙十五年。議准委署州縣印務。該督撫酌其事簡者。令鄰近州縣署理。事繁者。於同知州判等官內。選擇廉能之人署理。如委署之後。有玷官箴。司道府官知覺揭報者。免議。如不能揭報。或經督撫糾參。或被士民控告。審實。將司道府官皆照不揭報劣員例分別處分。如在督撫參出之後。雖揭報不准。如督撫不行糾參。亦照不揭報劣員例分別處分。至將革職降級官員。及巡檢大使典史驛丞等官。委署州縣印者。將司道府官各降一級調用。督撫罰俸一年。如司道府官不詳督撫擅行委署者。皆降一級調用。如上司已經委署。本官藉端推卸不



赴任者。罰俸一年。○二十六年覆准。各省如委三司首領署理州縣印務者。申詳該管之上司。照委巡檢大使。典史。驛丞等官署州縣印例議處。○雍正六年

諭州縣為親民之官。地方事務。全資料理。凡有委署印務者。必鄰近地方。始能兼顧。向來督撫藩司等。委官署印。每憑一己之私心。而不計道里之遠近。此習相沿。已久。近日秉公之上司。已將此等陋習。滌除。而其餘尚有未能盡改者。如廣東巡撫。以韶州府乳源縣令。署廣州府之花縣。又以廣州府花縣令。署惠州府之海豐縣。此皆隔府差委。相去數百里之遠。者夫州縣一官。錢糧必及時徵收。盜賊必立時緝捕。人命必當時相驗。承審案件。必如限完結。若於數百里外。兼攝印篆。不但顧此失彼。諸務廢弛。而吏役奔忙。人犯拖累。種種遲誤之處。難以悉數。嗣後州縣員缺。該上司等。必須選委鄰近官員。署理。儻正印官。一時不得其人。即遴選鄰近之賢能。佐貳官署理。如係地方要缺。鄰近難得其人。則將隔府正印官。委署。而別委官員。以署該員本縣之事務。期人地相宜。而各縣公務。又不致於遲誤。斯有裨益。儻該上司。有市恩徇情。任

意委署者。經朕察出。定嚴加處分。○嘉慶五年奏准。凡試用人員。到省後。巡撫等並未委署。遽行出考。保題實缺。將巡撫布政使。均降一級調用。○又奏准。凡委署州縣印務。首領佐貳內。經卓異保薦者。准其委署。如將未及卓異保薦之首領。佐雜等官。委署州縣印者。將督撫各降一級調用。如由司道府州申詳者。將申詳官降一級。留任。如司道府不詳督撫。擅行委署者。照擅行委署例議處。○又

諭州縣為親民之官。必須官民相習。始於地方有益。朕聞近來各省督撫。於州縣缺出。往往計其肥瘠。輾轉調署。以致各州縣多非本缺。其中為公事通融。調劑者。亦所時有。而上司愛憎所屬。為人擇缺。居多。勢必本缺署缺。皆易生手。兩相貽誤。於吏治大有關係。此弊各省皆有。而廣東為尤甚。督撫如果為人起見。何不奏明更調。乃任意高下其手。致啟屬員夤緣趨避之端。其風斷不可長。况州縣違例調署。督撫等原有處分。自當通行飭禁。嗣後各督撫等調署州縣。若不具摺陳奏。一經部中查出。或被他人參劾。必將該督撫等交部嚴議。○八年



諭各直省揀調州縣凡係省會首邑及邊疆要缺經該督撫專摺奏請實係人地相需雖交部議駁奏上時朕無不俯加允准並將該督撫處分加恩寬免至州縣互相調署久經飭禁誠以州縣官各有地方專責如果人地不宜何難奏明更調若不行陳奏輒將員缺彼此互易殊非覈實辦公慎重職守之道乃近日各督撫漸又不遵定制率以調劑地方為辭紛紛互調並或避調署州縣名目將實缺州縣委署同知通判而另以他員委署州縣本缺在督撫中居心公正者或實為地方起見如稍有私意即不免以愛憎為子奪較量肥瘠為人擇缺種種弊竇由此起實於吏治大有關係著再行申諭嗣後督撫將州縣官互相調署或委署同知通判必須人地實在相需始准專摺奏請候旨遵行仍一面咨部查覈其有應行會銜之處照例會銜具奏儻仍沿舊習陽奉陰違經朕查出或被入糾參定將該督撫議處不貸○道光四年奏定道府遇本屬府州缺出同知通判遇本屬州縣缺出均不准該督撫委署其州縣事簡者令鄰近州縣及試用候補等官署理事繁者於別府同知通判等官內選擇廉能之吏署理

諭州縣係正印官員定例州同州判府經歷縣丞等官非曾經卓薦或歷俸五年以上不准委署正印其照磨司獄等官非應升知縣之員豈可委令代理著各督撫遇有州縣缺出仍遵定例不得以佐雜人員濫行代理並著吏部詳加查察或委署任內得有處分如係違例濫委之員即將原委之上司查明參處題補調補失當○康熙五十二年覆准督撫將不應題補調補之缺濫行題補調補者照徇庇例降三級調用轉詳之司道府亦照此例處分如調缺有應調之人以無人具題反濫行奏請升用將該督撫司道府等官亦照此例處分○



乾隆元年議准凡遇有應行題補之缺於出缺時該督撫接到部文之後限一月內即行揀選題補如無合例之人亦即據實奏請

簡用。儻有任意遲延經部科察出將督撫議處。違限不及一月者罰俸三月。違限一月者罰俸六月。違限二月者罰俸九月。違限三月者罰俸一年。違限四五月者降一級留任。違限六月以上者降二級留任。違限一年以上者降三級調用。○七年議准督撫題補官員任內有參罰事故皆於本內聲明聽部定議其已經覈參未准部覆案件亦將原參之事敘入本內聽部定議如有遺漏由部查明即於議覆本內將具題之督撫附參照不行詳查例罰俸六月。○三十三年覆准督撫題補官員任內有參罰事故及已經覈參未准部覆案件俱於本內聲明如有遺漏將具題之督撫照定例議處其遺漏之案如係錢糧將藩司罰俸一年。臬司罰俸六月。若係刑名將臬司罰俸一年。藩司罰俸六月。○嘉慶四年覆准督撫將應歸部選之缺並不聲明混行題補調補查有徇庇情事降三級調用若由司道

府州等官申請者將司道等官降二級調用查無徇庇情事止係違例將督撫照違令公罪律罰俸九月司道等官申請者罰俸六月其主稿之督撫應降三級調用者會銜之督撫降一級留任主稿之督撫應罰俸九月者會銜之督撫罰俸三月。○又覆准凡直省應調缺出該省現有應調之人捏稱無人將他員奏請升用者將督撫司道等官均照部選缺出混行題補調補例分別議處。○又覆准各省應行題補缺出該督撫等將銜缺懸殊不應題准之人越次奏請升用者將督撫司道等官均照部選缺出混行題補調補例分別議處。○七年

諭嗣後外省題補人員均當按照成例不得率意奏請干咎。○十一年

諭近來督撫等違例保奏者漸多明知部議必駁部駁之後仍可邀准而一經恩准則處分亦無不寬免遂爾心存玩易任意保題積習相沿成為故套恐滋流弊試思一省之大州縣佐貳不少豈無廉能任事合例可保之員何至出一缺即非此一人不可必欲違例奏請此在存心公正之督撫一時為人地起見



諒無別情而假公濟私者或因此徇情薦舉意為愛憎不論人才之當否惟視缺分之肥瘠其弊將何所不至所關於吏治者甚大朕固不疑天下督撫俱有不肖之心然不明定條例恐封疆大吏保舉屬員竟致無所顧忌不可不防其漸嗣後督撫等違例保奏之員除照依部駁者仍照例議處外其有部駁之後仍奉特旨准行者著交該部存記將來所保之員如犯有貪私亂法之事其原保之上司竟當奏請革職如係別項劣蹟致罹參革者亦應照本員罪名之輕重以定原保上司獲咎之等差著該部詳議章程載入則例永遠遵行欽此遵

旨議定凡督撫違例題請升調經部議駁欽奉

特旨准行人員後有緣事革職擬罪者應分別公私斟酌定議如係因公罷斥本員革職後無論應擬何罪原保上司仍免其追問若犯貪劣係原保上司訪聞揭參無論本省隔省均應免議如本員係犯貪賊亂法應擬斬絞罪名者若不行揭參別經發覺將原保之督撫革職申詳之司道府等官降三級調用如本員所犯應擬軍流係屬私罪者將原保之督撫降三級調用申詳

之司道府等官降二級調用如本員所犯應擬徒杖係屬私罪者將原保之督撫降二級調用申詳之司道府等官降一級調用如本員應犯私罪例止革職或以昏憤糊塗辦事乖張悖謬等情劾參革職者將原保之督撫降一級調用申詳之司道府等官降一級留任如所保之員並非由司道府等官申詳者止將原保之督撫議處司道以下俱免議其有違例題請升調經部議駁奉

旨依議後該督撫復以人地相需專摺奏請仰邀

特旨允准者此等人員如犯有前項事故其不行揭參之原保督撫較之初次保題經部議駁奉

旨准行者獲咎較重應行加等議處如所保之員有犯貪賊亂法應擬斬絞罪名者若不行揭參別經發覺原保之督撫無等可加仍照例革職申詳之司道府等官加等降四級調用應擬軍流者將原保之督撫加等降四級調用申詳之司道府等官加等降三級調用罪擬徒杖者將原保之督撫加等降三級調用申詳之司道府等官加等降二級調用如僅止革職者將原保之



督撫加等降二級調用申詳之司道府等官加等降二級留任如所保之員係督撫自行專摺奏懇司道等官並未復行申詳將原保之督撫加等議處司道以下毋庸加等仍照初次具詳之例議處再此等案件凡係督撫違例題請升調由部照例議駁欽奉

特旨准行或由部議駁奉

旨依議該督撫復以人地相需專摺奏請欽奉

特旨准行者均由部查明原保之督撫並原詳之司道府於官冊內註明存記俟屬員犯案之日查明該員係何人保奏即將該督撫等照例議處

○十五年

諭著通諭各省督撫嗣後遇有州縣要缺例應在外揀選升調者先儘合例人員如無合例之員方准揀員保送著將所保之員平日居官實蹟敘入不得以含混考語率行奏請干咎○十六年議定各省道府請旨及應歸部選之缺不准外省扣留題請升補如該督撫有違例瀆請奉

特旨斥駁及交部議應行議駁者查有徇庇情事將該督撫照徇庇例降三級調用查無徇庇情事

止係違例將該督撫照違令公罪律罰俸九月

○十七年

諭嗣後各督撫違例題請升調經部議駁並將該督撫議處者著即另選合例之員具題儘該督撫藉詞員缺緊要仍將議駁之員復行保奏除所保之員不准升調外仍將瀆奏之督撫再行交部議處○又

諭廣東海陽縣一缺係潮州首邑俗悍訟繁素稱難治徐一麟先經署任民情悅服械鬪漸息蔣攸銛等據實保奏係為整飭地方起見特旨允行嗣後如海疆邊要缺分該員先經署任治理有效者方准該督撫

據實聲請候旨酌定如係尋常升調之缺該督撫將議駁之員復行保奏仍遵前旨除不准行外將該督撫照例議處○道光四年定各省請升請調請補如例有專條所保之員與例相背雖全行聲明無

論奉

旨允准或交部議均行議駁將該督撫照違例保題例加等議處○同治二年奏准軍營督帶兵勇各員准各督撫及統兵大臣據實奏明暫緩赴部外凡由現任候補人員因各項勞績保舉道府以至州縣等官題補升補等缺該督撫接到



奉

旨部文後。按照例限給咨送部引

見。回省後方准保題升轉。未經引

見以前。概不准遽行題升。如有違例奏請者。即將該

督撫議處。

欽定大清會典事例卷八十三

吏部

處分例 夫察夫報 官員呈報 冤抑 外官  
直揭部科 言官奏事不實 開缺

載限

失察夫報。○康熙九年題准。凡姦徒私造假印。

執持假票。冒稱職官。或詭戴花翎。或假稱差官。

所在地方州縣不行查拏者。降一級調用。如給

此等姦徒印結執照者。事發革職。○又議准。所

屬現任官員。有潛逃不行申報者。罰俸一年。或

有員缺不報者。處分同。又各官有詭報因公出

境者。降一級調用。○雍正十二年議准。凡各省

地方官於升遷降調。以及有事故離任之後。遇

有疏防失察等案。如在任時。實係因公出境。接

任之人。務將前官公出月日。及因何事。公出何

處。分析詳報督撫。據實聲明。聽吏部察覈。儻接

任之人。將前官公出之處。失於查報。誤將職名

開送者。將接任官照失報事故例。罰俸一年。轉

報之上司。照不行詳察例。罰俸六月。○乾隆三

十七年奏准。各省大小官員。遇有公出。申報上

司查明。於每月底通報督撫。並統轄各上司。如



有誣報及挪移時日者。係尋常事件。仍照例降一級調用。其失察之該管官。罰俸一年。如係緊要事件。規避降革處分者。革職。不行查出之該管官。降二級調用。○嘉慶十一年奏准進士舉貢及捐納貢監並捐職人員犯罪。該州縣官失察者。如高匪唆訟賭博之類。例有州縣官處分者。照失察平民之例議處。係有心徇庇者。降三級調用。○又奏准州縣官員。將在籍候補候選等官病故情由。不行申報。經部選給憑後始行補報者。罰俸一年。申詳情由外錯者。罰俸六月。該上司免議。如州縣官申詳上司。上司不行轉報者。上司罰俸一年。州縣免議。如州縣未報。謾稱已報。及州縣已報。上司。上司不承認已報。推諉屬員者。俱罰俸二年。此等不行查報處分。不得以本家未經呈報聲請免議。其病故之員。由部提審對質。始行申報者。亦照此例處分。○十七年奏准倉米被竊。不行查察。應按其被竊次數。分別處分。如失察被竊一次者。罰俸六月。二次者。罰俸九月。三次者。罰俸一年。四五次者。降一級留任。失察自六次以上者。議以降一級調用。○十九年奏准官

員失察各項處分。除實係自行訪聞獲犯究辦。准其寬免外。其有案經別處發覺。或由鄰境關查或由部民而本員隨即獲犯究辦者。或實係訪聞在先。因却事而移交後任獲犯者。各照鄰境獲犯之例減等定議。若自行訪聞並未獲犯究辦。因却事而移交後任仍未獲犯。則訪聞係屬空言。應不准。失察衙役家人滋事。以致釀成人命。雖訪獲究辦。仍應照例議處。其未經釀命而訪獲者。仍免議。○道光四年奏定。接任之員。於前官公出月日。失於查報。誤致前官降革離任者。除將前官處分開復外。將誤開之接任官。降二級調用。○二十六年奏准在京堂司各官。遇有失察之案。如到任不及一月者。免其議處。○又奏准捐納貢監生。責成州縣官約束稽察。遇學政案臨時。照例舉報優劣。儻有素行不端。而瞻徇不報。或優行可舉而勒指不申。後經上司查出。或別經發覺。將州縣官降一級調用。其止夫於覺察者。罰俸一年。官員呈辯冤抑。○康熙八年覆准官員冤抑。舊例許於吏部呈辯。嗣後凡年久已結之案。有在吏部呈辯者。概不准行。如果有冤抑。許赴通政



司鼓廳控告。至降級革職之官。或在通政司鼓廳呈辯具題者。吏部查明冤抑果實。准其開復。其同案內處分之人。一併昭雪。○九年議准。初次叩

閣審虛者。罰俸九月。復稱冤枉叩

閣者。降二級調用。初次具告通政司鼓廳審虛者。罰俸六月。復稱冤枉。具告通政司鼓廳者。降一級調用。若於原詞之外。捏造言語。妄生枝節。具呈通政司鼓廳者。照定例處分。外。再降一級調用。若已經革職之官。即交刑部治罪。若官員辯

冤。具呈原議衙門不為申理者。許赴通政司鼓廳控告。果有冤抑。將不申理之官。罰俸六月。如實無冤枉。已經控告不准。又復向原議衙門申辯者。係官罰俸六月。係平民交刑部治罪。○又議准。官員捏告上司受賄私派等事。審虛者革職提問。○十一年議准。處分官員。不得控告。註考官受賄侵勒。違者革職。無項戴者交刑部治罪。若止控告本人冤抑。不及註考官者。照叩閣具告通政司鼓廳例處分。○十九年議准。官員被上司揭報。糾參之後。始首告上司索詐苛求

者。照京察大計降革官員控告例處分。○乾隆四年奏准。凡候補候選。以及曾經議處官員。如有應行呈明情節。咸准其赴部具呈。交與該司。將應准應駁緣由。詳加考覈。逐款明晰批示。分別辦理。至既經具呈一次之後。如有復行捏詞妄控者。一概不准收錄。儻此內果有實屬冤枉。令其自行赴都察院具呈。該院查明應行准理者。行文調取該部辦理原案。及一應定例。如實係外錯。即為奏請改正。該部堂官如有辦理未協。亦即奏明請

旨察議。儻有營私受託等弊。都察院一經察訪。即行參奏。  
外官直揭部科。○雍正元年

諭。旗員為外吏者。每受該旗都統參領等官所制。自司道以至州縣。於將選之時。必勒索重賄。方肯出結咨部。及得缺後。即遣人往其任所。或稱平日受恩。責令酬報。或稱家有婚喪等事。緩急求助。或以舊日私事要挾。或五旗本王府不體下情。分外勒取。或縱本府人員肆意貪求。種種應酬。不可枚舉。以致該員竭蹶餽送。不能潔己自好。凡虧空公帑。敗壞身名者。多由



於此嗣後如有仍蹈前轍。恣意需索等弊。許本官據實封章密詳督撫轉奏。督撫即據詳密奏。儻督撫瞻顧容隱。即許本官封章揭都察院轉為密奏。儻不為奏聞。即各御史亦得據揭密奏。務期通達下情。以除積弊。外任旗員。毋得隱忍畏懼。朕不治以犯上舉首之罪。○十三年議准。直省各上司。有恃勢抑勒者。許屬官詳報督撫。即行題參。若該督撫徇庇上司。不行參究。或督撫自行抑勒。致屬官受屈難伸者。仍准其直揭部科。查明揭內情詞。如果有抑勒實情。即行據揭具奏。將原揭一併行令該督撫確審。該上司暫免解任。如審明該上司果有抑勒情由。題參到日。照抑勒例議處。若屬官已知訪揭題參。罪無可逭。即乘參本未到之先。撫砌款蹟。捏詞誣揭部科者。部科查揭內情詞。毫無確據。即據揭參奏。將該員解任。行令督撫確審。如審係誣揭。該員革職治罪。

言官奏事不實。○康熙九年題准。言官如將貪婪官員。列款糾參。審問全虛者。或參官員老病衰庸。若虛者。皆降二級調用。其譏刺條議。奉旨議處者。或因不據實回奏。奉

旨議處者。或凡事不據實陳奏。及並無可據。稱風聞具奏者。皆降一級調用。如將官員列款糾參。有一二處實者。免議。○十四年議准。內外無言責大小官員。如不係密事。妄行密奏。及借公將私事具奏者。除所奏不准外。各降二級調用。或言官及無言責各官。藉端條奏。陷異護黨。挾詐報復。並允受囑託。及行賄作弊具奏者。事發將本官革職。交與刑部。如督撫科道題參。應密而不密。不應密而密者。皆各罰俸六月。○三十九年諭。嗣後各省督撫將軍提鎮以下。教官典史千把總以上。官員賢否。若有關繫民生者。許科道官以風聞入奏。儻懷恩怨。互相朋比。受囑託者。國法自在。○雍正十三年議准。科道被人參劾之後。並不靜聽部議。候旨裁奪。倚恃言官之職。妄行具揭陳辯者。降三級調用。

開缺截限。○康熙十五年議准。督撫糾參貪酷官員。應革職提問。或應解任來京質審者。皆開缺銓補。外官奉旨提解來京者。亦開缺銓補。直隸官員。除提解來京



審問者。開缺銓補外。其質審來京。不係提拏者。不開缺。若此省官員。有發彼省質審訊問者。仍行開缺。在本省內者。不開缺。○二十八年覆准。凡具題應出之缺。十二日以前到者。於十七日以前具題。作本月之缺。十三日以後到者。作下月之缺。其不具題微員之缺。二十日以前到者。作本月之缺。二十一日以後到者。作下月之缺。○三十九年題准。升轉等官。以科鈔到部之日。開缺。革職降級病退等官。到部分司第二日。該司即付文選司開缺。二十日到部者。本日即分司。該司即於本日付文選司。作本月之缺。至外任病故官員。以病故之日起。限一月內。由各該處移咨送部。以該處咨文到部之日開缺。○雍正元年議定。各官如有侵挪錢糧被叅者。皆令離任開缺。或應還職者。赴部別補。不必懸缺久待。○三年覆准。滿漢雙單月升選各官。得選之後。如有保留暨奉旨扣除者。其員缺留於下月補授。其俟具題奉旨方准開缺者。務於截限以前具題。如有遲延。罰俸三月。如係有意遲延。歷缺滋弊者。如受賄請託及縱容失察

書吏受賄等項各從重論。書吏送刑部治罪。○又覆准。凡升轉降調革退。迴避病故。各官員缺。該衙門於五日內行文過部開缺。如逾限五日之外。尚在本月截限以前者。免議。其逾至本月截限日期以後者。皆照歷缺例分別處分。若文已到部。事屬考功等司。不即回掌移付文選司開缺者。亦照此例議處。○乾隆六年奏准。凡遇官員升選。將不應升之人擬升。不應開之缺誤開者。將不行詳查錯誤辦理之司官。降一級留任。隨同畫押各官。罰俸兩月。○七年奏准。凡本月應開之缺。或至截缺限期之後。科鈔始行到部。如在未經驗看考試之前。即令補掣。同本月官引見。如在引見之後。將缺存留於下月銓選之期。將原選月分應選之人擬用。同下月月官引見。於摺內聲明。至每月十二日以前。應辦開缺之本。僅於二十日以前。有例不進本日期。由部專摺奏聞。請旨開缺。○十四年奉



旨。道府等官患病。題請解任。其員缺應題者。即揀選具題。應請旨或歸月選者。該部即行查明辦理。不必候部覆。准方行開缺。著為例。○又奏准。外任降調官員。奉旨依議之後。即行開缺。其有令督撫出具考語送部引見者。亦行開缺。至外任推升京職。尚未引見。續經降調。奉旨俟引見之日。將降調之處具奏請旨者。若將該員所升之缺。即行開選。則該員原由推升得缺引見。既經開缺。則無由引見。若不即行開缺。則現任官員降調。尚行開缺。而得補未經引見者。轉不開缺。未為允協。嗣後推升京職人員。有似此者。將本人所升員缺。即行開選外。俟本人到部之日。另行奏請引見。請旨。如以原官補用。即將所降之級。帶於新任。如照部

議降調。即照所降之級另補。○二十一年議准。知縣以上。應行具題各官。定例於每月十二日到部者。作本月之缺。為日寬裕。可以從容辦理。其州同縣丞以下。例不具題各官。定例二十日。以內到者。作本月之缺。係指已經降革等項。即應出缺者而言。至現在應行察議之官。應否出缺。尚須酌定。若為日過迫。恐滋草率。嗣後議處州同縣丞以下等官。十五日以內到部者。作本月之缺。十六日以後到部者。作下月之缺。○三十年奏准。官員患病解任。與老疾休致。告請終養。情事相同。科鈔到部。即行依限開缺。不必等候具題。丁憂病故者。據揭帖到部。即行開缺。不必等候科鈔。○又奏准。部院司員承襲世職者。如世職品大。文職品小。例應在世職上行走。所遺部院員缺。另行銓補。如果係才具出眾之員。准該堂官具奏保留帶領引見。見時不稱保留。或保留之後。辦事不能妥協。將具保留之該堂官。降一級留任。如有囑託徇情等弊。將該堂官降二級調用。○三十七年奏准。鹽庫大



使等官以本月所出之缺用本月投供之人照滿月官議覆開缺之例二十一日以前科鈔到部者於本月具題奉

旨作本月之缺將本月投供之人擬用其在二十二日以後科鈔到部者作為下月之缺遇有本月應開之缺至下月議覆科鈔始行到部仍將本月投供之人擬用其內閣中書兵馬司正副指揮吏目有應行議覆開缺者俱照此辦理○四十五年

諭嗣後吏兵二部於文武員弁在部具呈告病者查明

該省如遇緊要事務顯有託病規避情節即行具摺參奏不必行查該督撫欽此遵

旨議定現任同知以下等官奉差或引

見來京有患病願回籍調理者係漢員取具同鄉京官印結在部具呈令該司坊官驗看報部係旗員由該佐領出具圖片報部即行開缺銓選仍令該員在京等候移咨該員任所督撫查明並無未清事件規避情節係居官尚好之員准其回籍調理若係解運銀兩銅鉛木植等項來京者移查該部實無虧缺然後行查任所並無未

清事件再准回籍其在部具呈時吏部查明該省現遇緊要事務顯有託病規避情節者即行具摺參奏不必行查該省○五十八年奏准各省督撫將所屬各員奏請革職問罪革職審擬奉

旨交部議奏或該部嚴參議奏或覈議具奏者吏部悉照革職提問之例一面移咨刑部覈擬一面先行開缺銓選具有緣事參奏革職奉

旨交軍機大臣會同該部議奏及三法司覈議連奏並交該部議奏等案吏部於閏鈔到日行文主

稿衙門會同查議其或各該衙門自行覈覆未及送吏部會議於摺內聲明俟

命下之日移咨吏部辦理者吏部於知照到日即行開缺毋庸再行題覆○嘉慶五年奏准各部院等衙門所屬滿洲官員缺出於月底截缺每月大建於三十日截扣小建於二十九日截扣如必須具題請

旨者二十一日以前到部之案務於本月二十六日以前具題二十二日以後到部者歸於下月截缺如有遲延罰俸三月若失察書吏受賄壓缺



者。照夫察衙役犯贓例議處。如縱容書吏壓缺及受賄請託等弊。各從重議處。○又奏准各部院等衙門所屬漢官。及外省知縣以上缺出於二十日截缺。如必須具題請

旨者。十二日以前到部之案。務於十六日以前具題。十三日以後到部者。歸於下月截缺。其不具題微員之缺。亦於二十日截缺。如有必須具稿呈堂定議者。以十五日以前到部者。作本月之缺。十六日以後到部者。於下月截缺。其有遲延壓缺等弊。照辦理滿洲月官之例議處。○又奏准

內閣中書兵馬司正副指揮吏目及鹽庫大使等官缺出。截缺限期。及遲延壓缺等處分。俱照辦理滿洲月官之例議處。○又奏准筆帖式缺出。於十五日截缺。如必須具題請

旨者。初七日以前到部之缺。務於十二日以前具題。初八日以後到部者。歸於下月截缺。其遲延壓缺等處分。均照前例。○又奏准各部會稿內有。關官員實際實革開缺具題事件。奉

旨後。毋庸照五日行文之限。應於奉旨本日即行知照。以憑開缺。儘適屆截缺日期。當日

不及用印。先用畫押白片知照。再補印文。吏科遇各部會題事件。有關開缺者。科鈔內摘敘簡明案由發部。以憑查覈。儘適遇截缺日期。亦於即日鈔發開缺。如有遲延。亦照前例議處。○又奏准。凡遇官員升選。漏註事故。以致升選錯誤者。將漏註之員。照經手遺漏事件例。罰俸一年。○九年

諭。此後各衙門缺出。引見以及外省送部引見人員。著吏部酌定期限。仍隨時知照各衙門稽察。如有逾限。即行參處。示儆。欽此。遵

旨。議定。嗣後除滿漢月選筆帖式。各省保薦俸滿教職。及現任人員升補。有關開缺者。各按截缺日期。先期帶領引

見外。至在京各衙門。應行題補之缺。出缺後。向由各該堂官酌擬定稿。應以出缺後限二十日內帶領。如遇有不合例事故。須報轉行查者。酌寬十日。定限三十日帶領。再內外雜項人員。人文到部。於驗到後。統限二十日內帶領。其有歷任事故。須行查各部。往返需時者。亦酌寬十日。定限以三十日內帶領。至應行帶領人員內。有驗到



後呈報事故。或遇直日推班。並封印日期。不能帶領者。自應稍緩。仍將詳細緣由。移咨稽察各衙門查覈。○又奏准。在省告病病故。丁憂休致。終養。參革等項出缺者。亦以該省題奏。出咨之日。作為出缺日期。如奉

特旨簡放。降調革職。及出差人員。遇有事故出缺者。以該省接咨之日。作為出缺日期。如開復日期。在出缺之前者。議准開復日期。在出缺之後者。議駁。嗣後各省升調各官。均於題奏及咨文內。聲明何日出缺。何日開復。以備稽考。而昭慎重。

○十年奏定。凡外參革職有餘罪人員。吏部於奉

旨後。即行依限開缺。其

旨內有議奏字樣者。悉由主稿衙門定議。會同吏部題覆。其或各衙門自行覈覆。未及送吏部會議。於摺內聲明。俟

命下之日。移咨吏部辦理者。吏部於知照到日。即行開缺。毋庸再行具題。若並無餘罪。僅止聲請議處。革職者。刑部若不及會議。應於摺內聲明。仍俟

命下之日。移咨吏部辦理。吏部於知照到日。覈覆具題。依限開缺。○十一年奏准。凡遇官員升選開缺。將不應升選之員。誤擬升選。不應開之缺。誤行開缺者。其承辦錯誤之員。降一級留任。隨同畫押各員。照失察檔案例。罰俸兩月。漏註事故。以致升選錯誤。將漏註之員。照經手遺漏例。罰俸一年。其誤擬升選之後。別經發覺者。承辦官如係明知錯誤。有心迴護。不行檢舉。降一級調用。如並無知情迴護等弊。實係一時未能查出。僅止承辦錯誤者。仍照誤擬升選本例議處。○

十二年奏准。現任官員捐升。並捐免實授保舉考試。以及捐免坐補等項。如在上月二十日以後。上庫者。戶部於下月二十日。截缺之前。知照過部。以備截缺開選。如遇折本。則奉

旨之期。難以豫定。與例不進本。可以計日候鈔者。不同。毋庸歸入本月。○十三年

諭。據御史陸言奏。本年八月內。廣西蒼梧道鶴綸。參革之缺。刑部議覆咨文。遲至二十二日。截缺以後。經吏部具奏議處。而於此缺復聲明。歸下月銓選。恐原選人員。與選司書吏等。有串通賣缺擇缺情事。應將此



缺請旨簡放。以重銓選而杜弊端等語。所奏甚是。廣西蒼梧道一缺。應歸八月分銓選。吏部既以刑部咨照遲延在截缺以後。查明叅處。本所以杜壓缺之弊。但此缺改歸下月銓選。豈不慮書吏等設法串通。巧為避就。或下月有應選之人。謀得此缺。正可以遂其壓缺之願。况定例每月應開之缺。有至截缺後科鈔始行到部者。即掣籤引見。皆已無及。仍於下月銓選時。將原選月分應選之人擬用。開載甚明。何以吏部此次竟奏歸下月銓選。該部辦理實屬錯誤。承辦司員。着交都察院議處。在京吏部各堂官。交都察院察議。除蒼梧道一缺。業已簡放外。此後有似此文到在截缺後者。俱著照定例辦理。欽此。遵

旨奏准。嗣後各項官員開缺。由內閣鈔科鈔及各衙門咨文。其應在截缺以後到部者。仍照二十日截缺定例。歸入下月銓選外。其應歸本月而逾限到部者。一函具摺叅奏。一面將員缺仍歸本月銓選。○十六年議准。各衙門查覈行文限期。吏部以堂到發司之日起。文選司限五日內具稿。呈堂。堂官亦限五日內畫齊。扣滿十日行文。不得故遲。亦不得少遲。以杜壓缺趕缺之弊。如有

違者。即將該司員交都察院議處。儻有不合例事故。例應駁查者。以後次咨到之日起。限惟恭

巡幸啟鑿前後封篆屆期。各衙門查覈到部。在半月以前者。即飭司趕辦行文。毋庸拘定十日定限。以便帶領引

見。至各衙門題補應行引

見之員。前經議奏定限三十日內帶領。今既嚴立限期。各衙門亦應一體明定例限。嗣後各衙門於出缺之日起。限十日內查覈。吏部按限查覆後

各衙門限十日內帶領引

見。前後統限二十日。仍於引

見後。將日期知照吏部。及稽察各衙門。查明有無往返駁查。如有遲延。即查取職名議處。其所遺月選之缺。在二十日以前出缺者。即歸本月。在二十日以後出缺者。即歸下月。不得遷就挪移。○十九年奏定。各部院等衙門所屬滿漢官員。遇本月應開之缺。以及本月應選應扣之人。該衙門於缺出五日內。即行文知照吏部。如逾五日之限。至截缺以後。始行咨部。尚在過堂以前者。



將承辦官罰俸三月。如遲至過堂以後始行知照。以致本月應選之員。不得銓選。將承辦官降一級留任。係失察書吏受賄壓缺者。照失察書役犯贓例議處。儻有縱容書吏壓缺及聽受賄囑等弊者。俱革職。如知照已經過部。該司不即回堂開缺。亦照此例。分別議處。○道光二年奏准。外任各官。遇有應行查訊事件。係革職審訊者。即行開缺。係解任質訊者。無論遠赴別省。及提解來京。俱不開缺。其在京各衙門現任人員。有應解任赴外省質訊者。亦不開缺。統俟定案

報部再行覈辦。其有解任質訊在先。而續請革職審訊者。即以奉

旨。革審之日開缺。○三年奏准。滿漢官員。適屆截缺之期。有奉

旨降革勒休。應行開缺者。總以內閣奉

旨之日。為開缺之日。如滿官。並各項揀選之缺。係三日。傳鈔。奉帖。武缺。係十五日。奉旨。而內閣於初一日。於十六日。傳鈔。漢官。及知縣以上。並教佐。徽員。等缺。係二十日。奉旨。而內閣於二十一日。傳鈔。者。俱以奉旨之日。為開缺之日。歸於

聖駕駐蹕熱河及歲時

巡幸。如有降革勒休。應開之缺。奉旨。在截缺以前。傳鈔。在截缺以後者。係三十日之缺。以初三日。報到為限。係十五日之缺。以十八日。報到為限。係二十日之缺。以二十三日。報到為限。俱仍歸本月銓選。其報到在初三等日以後者。歸於下月銓選。○二十七年奏定。京外大小官員處分。咨文到部。例關降革。考功司即行付查文選司。該員有無捐升。升選。升補。升署。再升。如有前項人員。應行引

見者。有無引

見咨文。佐雜人員。有無升補。咨文到部。如已先行到部。其引

見者。以述

旨之日。為斷。例不引

見者。以議准。升補。堂稿。畫齊之日。為斷。如在初七。二十。十五。二十一。等日以前。仍按限。辦理。作為本月之缺。如在初八。十三。十六。二十二。等日以後。歸於下月。截缺。文選司。均於即日。移付。考功司。辦理。儻有遲誤。將承辦之司員。議處。各部院會稿。內有關降革之員。以會議到部之日。為文到

稿內有關降革之員。以會議到部之日。為文到



日期。戶部會稿。以送改事故之日。為文到日期。如遇各該員捐升。升補。升署。再升。引。

見咨文到部在先。各部院會稿。及戶部會稿。送改事故。到部在後。先行知照。會稿衙門。仍俟引。

見後再照。升階。覈議。其佐雜各員。仍俟升補。議准。堂稿。畫齊後。再照。升階。覈議。其降留處分。有關。級紀。抵銷者。亦應按照。辦理。至各項處分。有候。戶刑。各衙門。知照到部。始能。辦理者。以知照到部之日。為文到日期。○咸豐元年。奏准。各省。各項。缺出。以每月。截缺之日。起。遠省。限。九十日。次。遠

省。限。七十日。近省。限。五十日。按照。定限。揀選。升調。題補。如有。實因。揀選。未定。不能。依限。題咨。調補者。仍令。於。定限。內。先行。咨部。存案。加展。兩月。統不得。過。正展。限期。如有。遲延。將該。督撫。照例。議處。於。題奏。咨文。內。將。藩司。詳請。日期。聲敘。如。藩司。遲延。即將。藩司。議處。督撫。減等。覈議。其。並。非。同城。之。督撫。應。行。會銜。者。近者。加展。二十日。遠者。加展。三十日。○同治四年。奏准。在京。各衙門。官員。遇有。議降。議革。應行。開缺。之案。吏部。具。題。具。奏。奉。

旨後於本日即行知照。



欽定大清會典事例卷八十四

吏部

處分例

官員迴避 選官考驗 官員赴選 官員赴部 官員文結 官員赴選 官員考職

官員迴避。○康熙三年題准。外任官員。現在上

司中有係宗族者。皆令迴避。○九年議准。官員

有應迴避之缺。不行申說迴避者。降一級調用。

○四十二年議定。選補官員所得之缺。在五百

里以內。均行迴避。或應在部呈明。或應在本籍

均詳職銓 若事例若有以遠報近。以近報遠。希圖規避。

擇缺之美惡者。或經部察出。或到任後督撫題

參。照規避例革職。如無規避捏報之處。不行申

說迴避者。照不行迴避例降一級調用。○雍正

七年議准。各省候選雜職人員。於起送赴選冊

結時。即於地方官呈明祖籍。地方官查明一併

開載冊內送部。除祖籍之員缺迴避外。將他省

之員缺掣補。如不豫先報部。至臨選時方行具

呈者。照例議處。○又覆准。外任官有外姻暨鄉

會試分房取中之人。例應迴避者。亦皆迴避。至

考官外任督撫。屬官內有係伊取中者。咨部存

案。遇舉劾時。於本內聲明。考官外任司道。其屬

官內有係伊取中者。申報督撫存案。如有舉劾

督撫本內。亦將該員與司道誼係師生之處。一

併聲明。凡督撫司道有所舉劾。僅於取中之人

有徇私廢公等情。察出。將徇私舉劾之督撫司

道。交部照例議處。○十三年議准。嗣後直隸各

督撫題補委署人員。俱令查明該員原籍地方

如係鄰省在五百里之內。應行迴避之缺。不得

混行題補委署。與兩省交界。添設佐雜等官。如

駐紮衙署。與該員原籍附近在五百里之內者

亦令照例迴避。如有諱匿等情。照例議處。○乾

隆七年奏准。月選各官。例應迴避之缺。除故意

捏飾。希圖規避。及隱匿不報者。或別經發覺。或

到任後經督撫糾參。仍照定例分別議處外。至

於應行迴避之處。過堂時未經呈明。至掣籤後

自行查出呈報者。將該員照例議處。如係州縣

等官以上。例得引

見之人。即於本內聲明請

旨引

見。恭候



欽定如係佐雜等官不應引

見者令其再掣別缺照微員無級可降甫經到任之  
例令該督撫試看一年如能黽勉供職效力贖  
愆該督撫報部註冊於試看之日起扣限三年  
無過開復如不能黽勉效力該督撫照例題參  
○又議准凡應行迴避隱匿不報者照不行申  
說迴避例降一級調用至捏稱迴避希圖規避  
者發覺將捏報之人照規避例革職本人捏報  
規避其扶同徇隱之人照本人捏報例革職出  
結官照捏結例降二級調用○九年覆准現任

各官有任所與原籍鄉僻小路在五百里以內  
者均令呈明該督撫酌量改調迴避至在部候  
選各官亦照月選迴避之例如月分所出之缺  
有鄉僻小路與原籍相距在五百里以內者悉  
令於二十四日過堂時呈明迴避如應聲說迴  
避而不聲說並虛捏者一經查出皆照例議處  
○十四年奏准凡官員遇有迴避原籍五百里  
以內之缺者皆有別缺可以補用故律有捏報  
遠近及不行呈明之處分以杜規避遠缺之弊  
至孤缺人員見此缺迴避他處即無可補之缺

每誤以為不必迴避以致失於呈明嗣後議處  
未經呈明迴避之孤缺人員照應申上而不申  
上罰俸九月例議處○十八年議准鄉僻小徑  
與大路原有不同該員等領憑時難以周知若  
到任後詳請迴避者即行議處未免無所區別  
嗣後凡本籍鄉僻小徑與任所在五百里以內  
例應迴避人員於到任後三月以內詳請迴避  
者免議如三月以外始行詳請者照例議處○  
三十年奏准外任官有例應迴避者如或隱匿  
不報照不行申報迴避例降一級調用○又奏

准考官外任督撫屬官內有係伊取中者咨部  
存案遇舉劾時於本內聲明考官外任司道其  
屬官內有係伊取中者申報督撫存案如有舉  
劾督撫本內亦將該員與司道誼屬師生之處  
一併聲明如將不稱升調之員徇情保舉照徇  
情例降二級調用將應參之員徇庇不參者照  
徇庇例降三級調用○三十七年奏准凡本籍  
鄉僻小徑與任所在五百里以內例應迴避人  
員到任後三月以內詳請迴避者免議如三月  
以外始行詳請者照不呈報迴避例降一級調



用○三十九年

諭外省道府大員於外姻親屬同在一省為丞倅州縣等官者向來原無迴避之例近因蔣賜榮條奏經部議覆准行自定例以來旋據周元理節次具奏本省道府外姻親屬例應迴避因思外姻為類甚繁若以其誼屬姻親恐有徇私瞻顧之弊即非本屬亦應迴避則凡年家世誼同在一方者正不乏人且有交情親密更甚於姻親者豈能一一概令迴避此等人員惟有該督撫實力留心體察自不致瞻徇營私原不在科條繁設今新例甫行而直隸一省已多至如許其餘他省恐復不少且或調往他省又有應行迴避之人徒令僕僕道途於公事轉無裨益所有道府大員內外姻親除本屬仍照舊例迴避外其隔屬迴避之例著該部另行妥議速奏欽此遵

旨議定各省道府大員隔屬姻親毋庸迴避如有輟轉囑託徇私瞻顧情弊該督撫查出立即指名嚴參如該督撫徇隱不參別經發覺照徇隱不舉例降一級調用○又覆准鹽場大使及批驗所大使原籍省分照例迴避係商籍人員於起文赴選文結內聲明某省商籍咨送吏部註冊銓

選時照例呈明以便查覈迴避如有諱飾隱匿別經發覺照規避例革職○四十年議准由祖籍改入寄籍者應以何處現有房產及本宗有服親屬之處作為迴避五百里之籍令該員自行照例呈明行令該督撫將該員是否現有房產住居何處親屬俱係何人詳細查明取具地方官並族鄰甘結咨部如所查與原呈不符即將該員照例議處○四十二年

諭戶部帶領浙江解餉官紹興府通判張廷泰引見聽其所奏履歷似紹興語音因加詢問據奏幼曾隨父至紹興居住數年遂習其土音等語此與浙人寄籍順天者何異而其言尚未必信然也通判雖係閒曹但以本籍人備官其地於體制究為未合張廷泰著交與鐘音於福建通判內調補至於順天大宛二縣土著甚少各省人民來京居住積久遂爾占籍從前曾令自行報明改歸本籍其中或實係無家可歸者亦令呈明原籍某處一體迴避今張廷泰既係如此恐各省現任官員內類此者尚多著交各督撫通行確查令其自行呈明奏聞與鄰省對調此乃不罷其官何不可之有如此加恩而尚諱匿不報經該督撫



察出。即應治罪矣。至順天應試。則有審音御史。驗看月官。則特派九卿科道。皆宜悉心詢察。且朕於各官引見奏對履歷。為時無幾。尚能辨其語音。諸臣審音驗看時。如果留心聽察。南北音聲。無難立辨。皆由諸臣視此等事。不以為意。遂至混淆莫辨。殊失故事之義。至冒籍人員等。即呈明原籍。不過迴避本省。於他省仍可銓授。並不礙其仕進之途。何所顧忌。而必不肯改。甚至於本籍居官。非但政體有關。且筮仕之初。公然習為欺偽。其於世道人心。所繫匪淺。此次降旨之後。如冒籍者。儻敢匿不報明。其審音驗看諸臣。復不認真糾劾。經朕查出。除將本人究治外。定查明審音御史及原派之九卿科道。一併議處。至仕途本寬。尚有不由科目銓選者。其如何分別稽覈之處。並著該部詳悉妥議具奏。欽此。遵

旨議定。捐納及考職役滿在館。謄錄供事議敘人員。赴部驗看。期滿各項文結內。俱聲明祖籍寄籍。並何年月入籍改歸。或係土著之處。令各該管官確實查明報部一體迴避。投供人員。於同鄉京官印結內。並令載明寄籍祖籍及實係本籍字樣。以備查覈。銓選得缺後。在部投供者。責令科

道九卿悉心詢察。在籍在館領憑者。責令督撫提調詳加詰問。如有混冒等弊。別經查出。糾參治罪。並將濫行出結之地方官。及同鄉京官。不行查出之九卿科道。並督撫提調等官。均照例議處。照出印結例。地方官革職。轉詳之府州使。罰俸一年。同鄉京官。降一級留任。督撫布政九卿科道。提調等官。照督撫例議處。○嘉慶五年。奏准。候選推升官員。有應行迴避之缺。令於過堂時。豫行呈明。不行呈明迴避者。降一級調用。如過堂時。未經呈明。至掣籤後。自行查出呈報者。照檢舉例。減為降一級留任。○又奏准。寄

籍人員。祖籍應一體迴避。在部投供人員。於同鄉京官印結內。聲明銓選得缺後。令驗看之九卿科道。悉心詢察。在籍在館領憑者。令督撫提調等詳加詰問。如有冒籍等弊。別經查出。參革治罪。地方官及各該上司。照捐納等官假冒頂替例議處。不行查出之九卿科道。並該館提調。照督撫例議處。出結之同鄉京官。降一級留任。如不豫先呈明者。仍照不呈報迴避本例議處。○又奏准。捏稱宗族。姻親師生迴避。擇缺美惡者。照規避例。革職。上司自認姻族師生。扶同捏



報亦革職。出結官降二級調用。凡假借迴避。有意擇缺者。均照此例議處。○八年議准。嗣後外省官員。概依京員之例。師生毋庸迴避。以歸畫一。至座師為上司。如門生有實在政績。堪膺保薦者。仍一體聲明。秉公保舉。不必避嫌。如有貪縱不法情事。上司瞻顧不行。叅劾。或別經發覺。或被科道糾叅。應於徇庇例上加等議處。○又議准。考試各官。及外任上司屬員。凡妻之胞姪。與胞姑之夫。均令一體迴避。如有隱匿不報。別經發覺。照規避例議處。○又議准。鹽場大使。止令其迴避本省。毋庸迴避祖籍。其祖籍省分。如現在實有鹽務事業。令該員於赴選文結內。詳細聲明。俟銓選分發時。分別扣除。准其迴避。仍行查祖籍督撫。儻有捏飾。照例議處。河工官員亦照此議

止令其迴避 ○道光二年奏准。凡寄籍祖籍俱應一體迴避。在部投供人員。先於赴選文結內。申報。並取具同鄉京官印結聲明。如遺漏呈報者。將本員降一級調用。若有冒籍等弊。查出叅革治罪。係地方官聽情受賄者。革職。轉詳之府州降一級調用。布政使罰俸一年。若止失於覺察。

將地方官降一級調用。轉詳之府州降一級留任。出結之同鄉官。失察者降一級留任。不准抵銷知情者降一級調用。○又奏准。各省現任官員。及選補外任官員。凡遇現在督撫藩臬及統轄全省之道員內。有係伊宗族外姻。俱令官小者迴避。其同省隔屬之道府。毋庸迴避。若道府以上。有同胞同祖兄弟姪。同在一省。為同知通判州縣等官者。雖非該管本屬。俱仍令官小者迴避。

如有捏稱宗族姻親。擇缺美惡者。革職。該上司自認姻族。扶同捏報者。亦革職。在外失於詳查之出結官。降一級調用。在京失於詳查之出結官。降一級留任。凡假借迴避。有意擇缺者。均照此例議處。○二十八年奏准。各省現任。及候補試用人員。祖孫父子。伯叔兄弟。自道府以至佐雜等官。無論官階大小。概不准同官一省。其同祖兄弟。及例應迴避之外姻親族。同在一府為丞倅。牧令。佐雜等官。俱令官小者迴避。亦不准同在一府當差。如有藉詞出繼。仍應令其迴避。至河工鹽場人員。一體照地方辦理。再河督兼管沿河各缺。鹽政及兼管鹽政之督撫。各省鹽運使所銷引地各官。如有與該督撫等。係屬



祖孫父子伯叔兄弟及例應迴避之外姻親族亦令其迴避分別調補。倘有隱匿不報別經查出即將該員從嚴議處。○咸豐八年奏准指省分發人員飭令於赴選文或註冊結內聲明並未在該省督撫司道府廳州縣衙門裏辦刑名錢穀等事。如有隱匿不報及捏稱游幕希圖改省者別經發覺均照規避例革職。其出結之同鄉京外各官照迴避寄籍祖籍不行呈報例失察者降一級留任不准抵銷。知情者降一級調用。該管上司漏未覺察照失於查察例罰俸一年。知情者照徇隱例降二級調用。○同治四年奏准游幕迴避人員將所游何人之幕取具延請之員印結咨部。僮延請之員去任應令後任查明代出甘結。如有捏飾情弊別經發覺照規避例革職。至學幕代庖各員雖未經人延請亦令一概迴避。如有捏飾隱匿即照此例議處。選官考驗○乾隆三十年奏准月選各官考驗履歷如有倩人代寫者查出將代寫之人及本人一併照違制律革職。○又奏准教職雜職並在外推升等官領

憑時有老病者布政使即申詳督撫確加驗看分別題咨令其休致。官員赴選○乾隆十六年奏准邊遠省分需人奏請揀發並指缺奏請揀發吏部於候補候選投供人員內指名傳喚無論專項別項人員均行一體親投履歷聽候揀選。倘無故不投履歷及投遞後臨期不到者照規避例革職。五城司坊官遇有吏部行文指名傳喚人員不行轉傳者將該司坊官罰俸一年。○三十八年覆准滿漢月選官員筆帖式及籤分部院籤發各省人員吏部堂官代為掣籤各員會集聽唱名籤缺籤及分發衙門省分如有患病者准其豫行呈明免議。倘臨期無故不到者罰俸一年。○四十四年覆准月選及分發人員應行驗看者如遇患病准其赴部呈明停驗俟病痊後補入下次驗看。倘不豫行呈明臨期無故不到者罰俸一年。○四十五年諭嗣後教職截取選授知縣人員其到任五年後督撫以衰老甄別者則原驗之督撫大臣竟毋庸置議若未屆五年即以衰老被劾則距驗看時甚近何至遽



行衰邁其查驗之不實可知即將該督撫及派出驗看之大臣均照例議處著為令欽此遵

旨議定現任教職由舉人進士本班截取督撫驗看給咨如果衰庸難膺民社即行據實奏明或仍留教職或送部引

見儻驗看不實選授知縣後經督撫以才具不勝民社効參者將從前驗看給咨之督撫及申詳之司道府等官降一級留任以年老効參者督撫司道府等官亦照此例議處並將驗看之九卿大臣罰俸一年○道光二年奏准各省奏請揀

發投供人員均應一體聽候揀選其有先期患病亦即赴城呈報若猝病未及呈明經司坊官驗實補報者將該員照違令私罪律於補官日罰俸一年○三十年奏准遠近各省奏請揀發曾任實缺各項應補人員有於奉

旨後取結呈報患病者毋庸行查五城司坊官即將該員照違令私罪律於補官日罰俸一年其有臨時唱名不到者亦毋庸行查應令該員將因何事故不到之處限十日內漢員出具同鄉京官印結旗員出具圖片自行呈報現任人員由

本衙門專咨報部如有逾限不報者照規避例革職該員何時報病總以五城呈報到部之

作為報病日期以杜創提月日諸弊如係軍務者即照例從嚴加等議處其舉人候○咸豐三年奏准各省理事同知通判缺出無論內地邊

地如係遠省及軍務省分有患病告假者照各省揀發告病人員之例議處再遇有各該省缺出仍將該員列入儻有連告假二次者即照規避例議處其並無軍務之近省缺出即將該員扣除

官員赴部○乾隆三十五年覆准凡奉旨特用人員除有實在事故或由本籍詳報或在部呈明者准其給假外如無故不行赴部候補照赴部遲延例議處○嘉慶十年議准凡因公赴部引

見官員如未經引見以前遇有降革事故奉旨送部引見者准該員赴部呈明查照原咨考語帶領引見其有因公來京例無引



見。應行回省者。仍令該督撫出具考語。給咨赴部。再行帶領引。

見。○十一年奏准。誤被揭參官員。後經查明開復。如該員未經離任。即准其仍留本任。其原缺另擬有人未經奉

旨者。將原官仍准其留任。如原缺所補之人。已經奉旨。將新任官令其赴任。原官准其留省另補。毋庸送部引。

見。至誤被揭參官員。已離本省。或赴部引見奉。

旨後始行查明開復者。該員無任可回。歷時已久。其

在州縣以上。應令原籍督撫給咨赴部引。

見。其佐雜各官。即令原籍督撫驗看給咨。仍赴原省

補用。

官員文結。○康熙二十九年覆准。凡例監吏員。

捐納候選主事。小京官同知通判。知縣等官。令

該督撫將此等官員三代履歷籍貫年貌。及有

無假冒頂替情弊。逐一詳查。取具府州縣衛所

印結。照直隸各省部限。速行報部考對。如原籍

並無其人。及查送後病故者。該督撫令地方官

詳查。取具印結。咨部註銷。若督撫地方官。將假冒頂替者不行查出。即出保結。將已故之人捏

稱現存移送者。發覺將假冒頂替之人。交與該

部治罪。出結之地方官。照假冒出結例革職。該

督撫照錯選假官例。降一級罰俸一年。其出結

定限。以文到之日。限兩月。速行查明報部。違限

者照

欽部違限例議處。若府州縣衛所官員。不行出結。抑

勒遲延者。令該督撫將抑勒情由指參。照升官

離任藉端抑勒遲延例。各降二級調用。○六十

年覆准。凡候選候補官員。赴選文結內。小有舛

錯不符者。旗員取具旗文。漢員取具同鄉京官

印結改正。概不准駁詰。其駁詰文結。換到之日。

毋庸再扣五十五日之限。如有應駁詰者。限二

十日移查。投供驗到人員。限十日內。即行查明

若並無舛錯不符之處。限二十日。即行註冊。銓

補。其捐納人員。咨冊到部。亦限二十日內。查明

僮條例內。不應駁詰之處。任意駁詰。或已註冊

後。無可駁詰。而臨選又故意駁詰。以致紕前伸

後。去此取彼者。將司官照應結。故為駁詰。例罰



俸六月書吏送刑部治罪。○乾隆二十五年議  
 准凡各省服滿假滿病痊起復赴補等官。地方  
 官申送文冊內不聲敘候補字樣致咨部後候  
 補人員守候需時將遺漏聲敘之員。罰俸六月  
 ○三十年奏准候補候選等官起文赴部在京  
 者限十五日投文直隸限兩月奉天山東河南  
 山西限三月陝西浙江江南湖廣江西限四月  
 福建兩廣四川貴州限五月雲南限六月遇有  
 違限若實因患病及風水阻滯等情許其取具  
 印結送部免議如無印結違限在半年以上者  
 得官日罰俸六月一年以上者罰俸一年○又  
 奏准親老具呈改近人員查與赴選文結內所  
 開年歲不符係本員浮開規避者革職出結之  
 同鄉京官罰俸一年係地方官原文錯誤者將  
 地方官罰俸一年若具呈之後經部指名行查  
 該原籍地方官尚不確實查明因循捏覆別經  
 發覺者將查覆之地方官降二級調用轉詳官  
 罰俸一年督撫罰俸六月○三十七年覆准初  
 選人員及各項在部候選人員如有親老即行  
 取具同鄉京官印結赴部呈明其在任應升者

豫詳督撫取結咨部辦理掣缺後不准再行呈  
 改違者照應行迴避不行呈報例降一級調用  
 ○三十八年覆准順天大興宛平赴選人員取  
 具同鄉六品以上京官印結載明某人籍隸某  
 處並無假冒字樣備事後仍有假冒情弊別經  
 發覺將出結官降一級留任地方官不詳細確  
 查致有混冒亦照出結官例議處○又議准大  
 興宛平捐納貢監取具同鄉京官實係土著印  
 結如有假冒事務將出結官亦照前例議處至  
 各項報捐職銜人員先行開具三代履歷鄰族  
 切實甘結呈縣詳查繕冊咨送戶部准其報捐  
 如有出身不明及一切過犯情事別經發覺將  
 該縣亦照前例議處○三十九年覆准貢監吏  
 員捐納候選等官俱令本籍地方官查明有無  
 身家不清假冒頂替情弊繕冊申送該管府州  
 覆轉該督撫報部查覈註冊銓選如將身家不  
 清冒名頂替之人給文赴選將地方官革職轉  
 詳之知府直隸州降一級調用布政使督撫罰  
 俸一年道光二年改定查係地方官聽情受賄者革職轉詳之府州降一級調用布政使  
 使到俸一年若僅止失於覺察將地方官降一  
 級調用轉詳之府州降一級留任其出結之同



辦官失察者降一級留任。不准抵銷。知情者降一級調用。其中申送定限州縣以接到部文之日起限半月內出詳。毋庸俟本員具呈。府司轉詳督撫出咨。扣除程途亦限半月。統於一月內咨部。其有未奉文之先。本員有將捐照呈驗者。以具呈之日起亦限一箇月。咨部。倘有逾限將出詳之州縣官降一級留任。府司督撫遲延照事件遲延例議處。若地方官勒指遲延不行申送。該督撫查明指參。將地方官降二級調用。○道光二年奏定。身家不清之人先經前任地方官給文赴選。而後任官。又為其子弟赴選。申送冊結。迨日久始行發覺。將前任官降一級調用。府州降一級留任。後任官降一級留任。府州免議。若係前任官聽情受賄。後任官復明知容隱者。仍照例革職。○咸豐六年奏准捐納人員。除由本籍起文赴選。照例辦理外。其在京仍飭令五六品京官出結。再於該省京官正途出身人員內公舉一二員。總司查覈書押。務須查明該員實係身家清白。並無隱匿犯案改名。朦朧捐等弊。方准銓選分發。如有身家不清及假冒頂替之人。出結之同鄉官失察者降

一級留任。不准抵銷。知情者降一級調用。其總司查覈之員。如出結官例應降一級留任者。查結官罰俸一年。出結官例應降一級調用者。查結官降一級留任。其或均係知情。一併議以降一級調用。○九年奏准。難廢例應承襲人員。如在部取結呈明。或在殉難地方。取具地方官文結到部者。應仍行查原籍。倘有假冒蒙混等弊。除本人照例治罪外。應將地方等官及出結官查照貢監吏員捐納候選等官註冊銓選。如有假冒頂替之例。分別議處。○同治元年奏准。身家不清。假冒頂替之人。報捐以前。另犯有姦賊不法等事。因案發覺。其同鄉京官濫行出結。失察者降三級留任。不准抵銷。知情者降三級調用。至捐生所犯姦賊不法。出結官如通同舞弊者。革職。不准捐復。至總司查覈之員。如出結官降三級留任者。查結官議以降一級留任。出結官降三級調用者。查結官議以降三級留任。出結官革職者。查結官議以革職留任。如查結官知情容隱。即議以降三級調用。如通同舞弊。即議以革職。均不准捐復。



貢監考職。康熙五十七年覆准各省領文赴考貢監生。該地方官取具本生親供里鄰結狀黏連地方官印結。該督撫給予咨文保送赴部。其在監肄業者。國子監取具本生親供黏連同鄉京官印結。給予印文保送赴部。旗人令該都統取具本生親供黏連該參領佐領保結。都統印文保送赴部考試。如有試卷筆迹與親供筆迹不符。即係假冒頂替。查出將本生黜革。與頂替之人一併治罪。雍正元年題准貢監考職。將九卿翰林等官職名開列請

旨

欽點試官。出題考試。吏部司官按名查對。內有字迹不符。聲音不合者。不送試官閱取。其實係本生應試者。將試卷封送試官看閱。各照應得職銜取定大小名次先後。仍行令國子監並各直省督撫嚴加查覈。給咨本人。飭令親齋赴部投文。驗到方准註選。如有假冒頂替等弊。查出將濫出印結之原籍地方官照濫行出結例革職。加結轉詳之知府直隸州照豫先不行查出例降一級調用。布政使督撫照失於詳查例罰俸一

年其出結之同鄉京官暨給文之國子監各官皆照原籍地方州縣官例議處。國子監堂官照督撫例議處。若本生入場之後有換卷代情等情。止應將巡察等官議處。出結轉詳各官無從稽察。皆應免議。旗人由各該都統咨送考職。如有假冒頂替等弊。將該都統及參佐領各官交兵部照例議處。又議准凡考職貢監取具文結到京者。恩拔歲副貢生。令將出貢中式年分。有貢單者呈驗貢單。並年貌籍貫三代親供送部。捐納貢監。將原捐執照送部呈驗。並年貌籍貫三代及捐納年分事例親供送部。仍於卷

面備細註明。以憑查覈。至考試之年。由部奏請

欽點閱卷官。並請

旨點滿漢監察御史二人。吏部滿漢司官各二人。臨期將該生逐一點名。挨次給卷。編列字號分坐。令該御史不時巡查。如有包攬代作等弊。查出題究治罪。儻該御史不行嚴查。致滋弊端。照失於詳查例罰俸一年。儻係瞻徇隱匿。照徇隱例革職。又議准監生考職。京官印結之外。再取同鄉同考監生五人連名互結。結內註明並無假冒頂替字樣。儻有扶同等弊。發覺之日。本生



照詐假官律治罪。出結官照濫行出結例處分。  
互結監生照知情詐假官律治罪。出結五結人  
等。如扶同徇  
隱。假冒頂替。照此例議處治罪。若本生入場之  
後。有換卷代倩等情。止將巡察等官議處。出結  
官及互結監生皆免議。再監生真偽原據文結。但京官出  
結之時。有本生委係實在在京。及至臨期倩人  
代考者。出結京官無憑查覈。考試之日。將出結  
京官傳至考處點名識認。其識認儻非本生。即  
令出結官舉出。該御史拏究。如出結官知情不  
舉。查出一併照例議處。○又議准貢監考定職  
銜。除將職銜執照給發本人外。部中一面註冊。  
一面行文知照各該省。轉行各州縣存案。俟截  
取時。令該地方官將各員執照與部咨覈對相  
符。給咨候選。如有職銜年貌籍貫不符。及假冒  
頂替等弊。咨部褫革治罪。○乾隆元年議准。恩  
貢拔貢副榜貢生。准以州同州判縣丞。分別考  
取。歲貢並捐納貢監生。准以主簿吏目。分別考  
取。照依考定職銜名次註冊。入於雙月選用。今  
其在籍候選。○二年奏准。各省恩拔副榜歲貢  
捐貢考職及監生考職。無論在籍在監。各俟三  
年期滿。一例咨送考試。儻有仍前索取陋規。倒

提年月者。或被科道糾參。或經別處發覺。將該  
管官降二級調用。不行查出之堂官。降一級留  
任。書吏人等。交刑部治罪。其納賄之貢監生。即  
行褫革。○三年奏准。向例貢監生每年考試一  
次。為期太近。嗣後於鄉試之年。各貢監生情願  
考職者。就原籍具呈。取具地方官文結申送督  
撫。於三月內轉行咨送到部。五月內考試。○九  
年奏准。考職定例。分別等第錄取。向來凡應考  
人員。無論多寡。不顧文字優劣。盡行錄送。嗣後  
務擇其文理優通者。酌量錄取。甯少毋多。雖不  
必定有額數。亦不得過為濫取。著為定例。永遠  
遵行。○三十年奏准。凡身故及黜革貢監生實  
收部照。按季追繳。送戶部銷毀。毋得私相頂替。  
混行考職。如地方官於未經繳照之人。不行嚴  
追。罰俸一年。儻有故縱頂替等事者。革職。○嘉  
慶四年奏定。貢監考定職銜。至截取時。該州縣  
官給咨赴選。如有職銜年貌籍貫不符。及假冒  
頂替等弊。即咨部黜革。追照治罪。如失於查察。  
給咨赴選。將州縣官降一級調用。轉詳之府州  
降一級留任。係州縣官聽情受賄者。革職。轉詳



之府州降一級調用布政使罰俸一年。○五年奏准貢監生考職各省咨送時務嚴加查覈給咨本生親齎赴部投驗如有假冒頂替等弊事發將申送之原籍地方官其職轉詳之府州降一級調用布政使督撫罰俸一年其由國子監咨送者將國子監官降一級留任出具臨場識認印結之同鄉京官亦降一級留任本犯照詐假官律治罪互結監生照知情詐假官律治罪旗人有假冒頂替等弊查出將該都統及參佐領各官交兵部照例議處考試之時御史不時巡查如有包攬代作等弊即行參究治罪儻該御史不行嚴查致滋弊端罰俸一年瞻徇隱匿者革職。○又奏准貢監考定職銜截取時令該地方官將各員執照與部咨覈對相符給咨候選如職銜籍貫年貌不符及假冒頂替等弊該地方官不行查出給咨赴選別經發覺者照將頂替之人給咨考職例議處。又道光二年改定如臨場時有假冒

頂替等弊出結官知而不舉降一級調用失於覺察降一級留任本犯照律治罪若入場後有

按卷代情等弊令監御史巡察若入場後有

嚴查致滋弊端將該御史罰俸一年知情徇隱

者降一級調用

吏員考職。○雍正十二年議准在京各部院衙門書吏並各館供事役滿報部彙至三月於吏部關防考試一次本部堂官委出司官稽察將試卷封固收存俟年終各省吏員試卷到齊之日由部一併校閱考定名次品級奏聞請旨。其年滿書吏考職之時各部院衙門照例咨送仍取具本吏親筆親供黏連印結保送赴部考試如試卷筆迹與親供筆迹不同者查出假冒頂替將本吏黜革與頂替之人一併治罪。○又議准各省吏措役滿各衙門印結取具本吏親筆親供里鄰結狀黏連地方官印結保送巡撫巡撫於每年七月內傳集考試其所考試卷即行封固並各典吏著役日期履歷清冊送部定限十月內到部考定名次品級咨發巡撫存案仍將執照一併給發各巡撫轉發各該衙門令吏員自行領取其本省考試時該巡撫嚴行稽察儻有假冒頂替託人代考等弊事發將頂替之人及託人代考之人照律治罪巡緝官失於稽察者罰俸一年巡撫罰俸六月至典吏未經役



滿混入考職。查出將典吏照例治罪。結送官降一級調用。收考官罰俸一年。○乾隆五年定。供事書吏役滿得職者。一例回籍候選。不准潛住京城。其有願候挑揀者。各呈明本衙門。並取具同鄉官印結送部。由部三箇月揀選一次。即著回籍。仍註冊。其延住一月外者。步軍統領五城嚴查。有生事者。照例治罪。○六年定。簡缺書吏及宗人府律例館供事。役滿而結未到者。勒限一年。令取具原籍印結。仍准其考職。如限滿無結。除不准收考外。仍斥革。勒令一月回籍。○十五年議准。嗣後從滿吏攢考試。後吏部嚴加校閱。分別去取。在京者吏部三月一次考試。將試卷固封。在外者各督撫於每年七月嚴考。將試卷固封解部。於年終彙齊校閱。

欽定大清會典事例卷八十五

吏部

處分例 引用律例 官員罰俸 官員降革

引用律例 ○雍正八年

諭。國家法令科條。原一定而不可易。其有應行從重者。亦必待朕酌其情罪。特頒諭旨。此加倍二字。非臣工所可擅定者也。嗣後凡有議罪議處之條。皆應照本律定議。其有自恩犯法。情罪重大。應從重定擬。必須執中於法之至平至允。不得擅用加倍字樣。開蒙混苛刻之端。負朕立法。屬人做省防閑之至意。○十三年覆准。嗣後議處官員。引用律文。按照答杖等罪定議者。皆照例分別公罪私罪。係公罪。答一十。罰俸一月。答二十三。各遞加一月。○答二十。兩月。答三十。各遞加三月。○答四十。六月。答五十。杖六十。罰俸一年。杖七十。降一級。○答六十。杖九十。降三級。皆留任。杖一百。降四級。調用。私罪。答一十。罰俸兩月。答二十。罰俸三月。答三十四。五十五。各遞加三月。○答三十。杖六十。杖九十。杖六十。降一級。杖七十。降二級。杖八十。降三級。杖九十。降四級。皆調用。



杖一百革職。○乾隆五年議准。凡議處官員。例無正條。必須旁引。比照者。如比照則例。可以引用全條。務將全條載入。如不便引用。務將所引則例。或一段。或數語。載入稿內。如例無可引。比照律文定擬者。亦務將律文。或一段。或數語。引用定議。總期案情。例意。兩相照合。不得徒取字面相似。以滋高下之弊。如律例並無正條。又無可旁引。比照之案。令該司官。將案情詳細。察數酌定處分。該堂官等。再行斟酌定議。於疏內聲明請

旨。著為定例。以備引用。○又議准。部內承辦議處事件。自罰俸以至降革。款項繁多。情事各別。除將應行議處官員。故行割裂增刪。例文援引。比照免議者。其中必有情弊。自有應得處分。毋庸更行定議外。嗣後承辦之員。有將情罪相符之例。不行引用。擅行割裂增刪。別條摘取字面。以致將不應處官員。竟行革職降調。離任者。別經發覺。除將本人開復外。將承辦之員。照所議降革。議處。如於議處之後。未經發覺之先。自行察出。准其改正。照承問失出。改正免議例。免議。○七

年奏准。官員議處。悉照本條律例定議。其有應從重定擬者。亦必取自上裁。非奉

特旨。不得擅用加倍字樣。違者。以故入人罪論。○又議准。官員不引用情罪相符之例。加重處分。查係有意營私。或係書役舞弊。承辦之員。分別治罪議處。○嘉慶四年

諭。向來刑部引律斷獄。於本律之外。多有不足蔽辜。無以示懲。及從重定擬等字樣。所辦實未允協。罪名大小。律有明條。自應勘覈案情。援引確當。務使法足蔽辜。不致畸輕畸重。方為用法之平。既按本律。又稱不足蔽辜。從重定擬。並有加至數等者。是仍不按律辦理。又安用律例為耶。即案情內有情節較重者。朕自可隨案酌定。總之不足蔽辜之語。非執法之官所宜出。嗣後問刑衙門。俱應恪遵憲典。專引本律。不得於律外。又稱不足蔽辜。及從重字樣。即雖字但字。抑揚文法。亦不准用。上諭後。經朕閱看案情。或有酌加增減者。亦不治以失出失入之咎。用副朕矜慎庶獄至意。○九年

諭。各部院衙門事件。原應遵照定例辦理。其例有未備



者。方准以舊案比照。誠以事端百出。從前定例。或有未盡周備。而成案日積日多。其中又不無辦理參差之處。於是吏胥得以意為援引。高下其手。此案積愈紛。而隱匿蒙混諸弊。所由滋也。著各部院堂官。飭司員將各該衙門例案。逐一檢閱。遇有例意未盡昭晰者。詳細註明。使人人易曉。其成案前後兩歧之事。酌中參覈。將不可遵行者。概行刪去。免滋清混。統俟將來增修則例時。明晰開載。庶足以杜弊端而歸畫一。

○十六年

諭。副都御史曹師曾奏清釐各部院衙門例案一摺。部

院衙門。為政事總匯之區。慎守紀綱。必以定例為憑。其吏胥高下其手。堂司意見參差。總由於舍例言案。蓋例有一定。而案多歧出也。該副都御史所奏。係為釐除弊混起見。著照所請。交部院各衙門堂官。各率所屬。將現行定例。詳加查覈。如例有未備。而案應遵照者。即檢明彙齊。纂入則例。其案與例不符者。造冊註明事由。將原稿即行銷毀。若有例案不符。而稿件仍有關查覈者。著另冊登記。鈐印貯庫。辦稿時不得再行援引。該堂官等務督飭司員。加意清釐。同矢公慎。以絕弊源而歸畫一。○又

諭。各衙門纂修則例。一經編輯成書。即為將來辦案成

式。若辦理不得其人。或假手吏胥。詞意含混。易滋高下其手之弊。現當清理例案之時。尤當慎重辦理。所有各衙門纂修官員。著各該堂官等擇其在署年久。熟諳政務。及平素端謹之人。責令詳慎修輯。務使義意貫通。詞句明顯。以便永遠遵守。不得將新進資淺。未諳政務之人。濫派充數。○二十二年

諭。向例各衙門辦理事件。錯誤後經自行檢舉。京堂以

上各官。該部將照例處分。及檢舉後寬免之處。兩議請旨。內閣票擬雙籤進呈。原以該員失誤於前。後經自行查出檢舉。是以朕披閱時。每多加恩寬免。若前此辦理錯誤。及查出檢舉時。該員已經離任。並未隨同具奏。亦一體免其處分。殊未平允。此案刑部辦理減等遺漏之堂司各官內。彭希濂成格崇祿。係自行檢舉者。所議罰俸處分。俱著加恩寬免。帥承瀛。穆克登額。成甯。熙昌。宋鎔。韓蔚。章煦。並未隨同檢舉。俱著照例議罰。嗣後如有似此之案。均著照此分別辦理。○二十五年十月

諭。六部議覆整飭部務條陳一摺。所議甚是。六部律令。務在持其大綱。則政清而易理。外省庶務。原皆責成。



於地方官。此在督撫分別賢能庸劣。舉錯公明。自收得人之效。其或不效。則督撫豈能辭咎。部中多列科條。州縣無日不奉行具文。轉荒其教。養本務於事何益。而公罪繁多。賢吏或因之廢黜。不肖者巧於規避。部書得以舞文納賄。皆由於此。嘉慶十八年。曾

敕吏兵二部刪減例條。該部未能實力遵行。又

諭題調要缺。不計因公處分外。而該部續議章程。仍多牽混。殊不知公罪從嚴。則中材以下之官。益多巧避。嚴其經徵處分。則多墊欠。而挪新掩舊。即成虧空。嚴其承緝處分。則多諱盜。而縱惡養姦。轉貽大患。故曰

徒法不能以自行。著吏兵二部。各將處分則例。悉心確覈。於各條下。皆註明公罪私罪字樣。其公罪有至降調革職。非事關重大者。酌改從寬。各部煩苛無當處分例文。互商裁汰。務歸簡明。其公罪處分。除盜案及正項錢糧停升外。餘皆不呈推升。至題調要缺。則一切因公處分。皆毋庸計算。各纂成例冊呈覽。○道光四年。奏准凡部院衙門。辦理議敘議處事件。未能允協。如議敘過輕。議處過重者。將承辦官罰俸九月。堂官罰俸三月。如議敘過重。議處過輕者。將承辦官罰俸六月。堂官罰俸一月。係由

堂官定議者。減承辦官一等。承辦官免議。○又奏准各衙門處理事件錯誤者。承辦官罰俸一年。○又奏定承辦議處事件。務將律例正條載入稿內。若將別條割裂增刪。援引比照。致應行議處之員。或免議或減議者。將承辦之員。參革審擬。係失察書吏舞弊。照失察書吏舞弊。弄法例分別議處。若將應議之員。不引情罪相符之例。將別條割裂增刪。加重處分。以致被議之員。革職降調離任者。別經發覺。除將本員處分改正外。將承辦之員。照所議之降革議處。如將應

行免議減議之員。增刪例文。致令降革離任者。亦照此例。行。係失察書吏舞弊。亦照前例議處。○咸豐三年。奏在京司官。在外道府以下等官。辦理事件失察。自行檢舉。應否於具題時奉旨寬免。及照舊減等議結。奉

旨。在京司員處分事無多者。即遵照此次諭旨。將可否寬免之處。聲明請旨。至外省道府以下等官。著照舊例減等議結。著為例。

官員罰俸。○康熙四年。題准凡原任內事件。應罰俸者。升任官員。於新任罰俸。降調官員。照所



降之級罰俸。裁缺給假。丁憂解任等官。皆於補官日罰俸。至離任官員。有虛降虛革。及初選官員。有應罰俸者。皆照此例行。○雍正元年

恩詔。王以下。世爵以上。兼攝任內有罰俸之罪。照兼攝任內職銜罰俸。其餘銀仍著給予。○三年議定。各官任內。凡有承追承緝督催等項未完事件。應議降俸。任內職銜。降級革職。及罰俸三月六月九月。仍令催追緝等案。於未經滿限之先。或別經降調離任。或升遷離任。或保題升轉。及丁憂事故離任。皆以罰俸一年完結。假如承緝城外失事。盜案。例有

四。各該員於初限二限三限四限內。未及滿限。先離任者。皆照離任官員例議結。本條內。未及滿限。先離任者。仍照本例議處。其餘承追承緝未完事件。例有承追承緝督催等項未完事件。應議降俸。任內職銜。降級革職。及罰俸三月六月九月。仍令催追緝等案。於未經滿限之先。或別經降調離任。或升遷離任。或保題升轉。及丁憂事故離任。皆以罰俸一年完結。假如承緝城外失事。盜案。例有

特旨升調各官。原任內因承督未完案件。應議降俸。任內職銜。降級革職等案。仍皆以罰俸一年完結。

結如遇有應罰俸三月六月九月者。各照原任內處分議結。○六年

諭。吏戶兵刑工五部堂官。今皆各殫厥職。贊勸政治。共相黽勉。矢勤矢慎。端方自持。剔除情弊。杜絕請託。甚屬可嘉。朕深許之。夫大臣者。果能廉潔自守。其用度必不敷。朕因國家政事。資藉大臣之力。而使之分心家計。朕心不忍。五部大臣內。除差往外省署印外。俸銀俸米。著加倍給予。其署理之大臣。亦照此賞給。若遇罰俸案件。將朕分外所給之俸。不必入議。○七年

諭。外任大小官員。罰俸之例。如罰俸一年者。則將本年應領俸銀扣抵。如再有罰俸之案。則勒限一年。追出俸銀解部。如一年不完。又罰俸一年。輾轉增加。常有因一二年之罰俸。而積至數年。或十數年者。此例不甚妥協。在罰俸多案之州縣。與力薄難完之微員。深為可憫。著該部通行各省。凡有此等罰俸之人。若該員情願照所罰之俸。豫先完納。以圖銷案。為升遷之地。則聽其自便。僕力不能完。即將伊任內應得之俸。逐年扣抵。不必勒限追繳。又定例。凡有休致革職。病故之官。其應追罰俸銀。悉行豁免。惟江南等省。該員有休革等事。止將虛俸豁免。其在罰俸以前。食過之



俸仍行追出。直省例不畫一。今著將休致病故官員食過之俸概行免追。其革職之人則追編俸以示懲儆。直省照此例遵行。○十二年議准革職留任官員如有罰俸事件。仍行罰俸。亦照現任官員之例。俟開復日。逐年扣抵。不必勒限追繳。若該員情願將所罰之俸豫先完納。聽其自便。○乾隆元年

諭。禮部堂官照五部堂官例給予雙俸。○又諭。從前在京文員俸入未足供其日用。特慶皇考聖懷。是以雍正三年

特旨增添漢官俸米。而各部堂官。又加恩給予雙俸。其餘大小各員。原欲次第加恩。俾得均霑渥澤。今朕仰體

皇考加恩臣工之意。彷彿雙俸之例。將在京大小文員俸銀加一倍賞給。令其用度從容。益得專心官守。所給恩俸。著自乾隆二年春季為始。再從前賞給各部堂官雙俸時。欽奉

皇考諭旨。遇有罰俸事件。止罰正俸。其恩俸仍行支給。今各員所加之俸。亦照此例行。○二年  
諭。昔年

皇考念部務繁多之尚書侍郎

特恩加賜雙俸。並令遇有罰俸處分。免罰加賜恩俸。此格外曠典也。上年朕將在京文官俸銀概加一倍。大小均霑。雖名恩俸。實即正俸。若遇處分時。亦照從前部堂之例。不罰加增之恩俸。是在京文官。竟無罰俸之事。何以示懲。嗣後大小京官。遇有罰俸案件。將本身應得之俸。按年按月計算。不必分析扣除。○三年覆准。知縣以下佐貳雜職等官。因貪贓枉法革職者。任內有降罰案件。仍追編俸。如實係因公。註誤革職。無論任內降革案件多寡。食過編俸一概免其追繳。○十六年議定承緝盜案定例。勒限三年。限滿不獲。予以降調處分。其或有緝限未滿。有事故離任者。向照離任官例。以罰俸一年完結。以致限期屆滿。例應降調之員。亦得假借告請病假。希圖俸免。嗣後凡州縣承緝盜案。除奉旨題補之缺。如無合例之人。不論何項叅罰。皆准保題。應題應調之缺。凡任內有降調。例有展叅。不准題升調補。仍照定例辦理。其特旨升調。與迴避別補。及別案革職降調。丁憂治喪



等事離任者。仍照定例處分。至告請病假及終養者。如初參未獲例。應住俸處分既輕。為期尚遠。亦照舊例辦理外。其二參三參例。應降一級留任者。遇有病假終養離任。即議以補官日降一級留任。三年無過開復。其四參例。應降一級調用者。遇有病假終養離任。即議以補官日降一級調用。再官員任內有承督未完事件。如承緝案犯。並徵收承追錢糧等項。若於未經限滿之先離任者。向例皆以罰俸一年完結。今既將盜案遵

旨定例。其別項係有展參各案。亦應統照此例。如參限未滿。告請病假。及終養離任。例應住俸停升。降職降俸。及罰俸三月。六月。九月者。仍以罰俸一年完結。其餘處分。均各照本例查議。不得概照離任官例。僅議罰俸。○三十七年議准。各項限緝人犯。參限內被鄰境別汛拏獲。如承緝之員。限滿應停升。住俸降職者。以罰俸六月完結。罰俸三月者。以一月完結。六月者。以三月完結。九月者。以六月完結。一年者。以九月完結。二年者。以一年完結。降級留任者。以罰俸二年完

結。本係降級留任。限滿再留任一年緝拏者。以罰俸三年完結。限滿革職留任者。以降三級留任完結。限滿應降調者。改為照所降之級留任。應革職者。改為革職留任。扣滿年限開復。係承緝官協同拏獲者。免議。該管上司所屬州縣拏獲者。免議。別屬州縣拏獲。照承緝官上司本例減議。應緝人犯自行投首者。承緝各官亦照此例減等議結。○四十三年

諭。宗人府管理旗務之王公等。遇有罰俸案件。如係私事。則罰伊等王公之俸。如係因公。俱罰職任之俸。其承辦

陵寢事務員子公等。雖無兼銜。亦屬大臣職任辦事。自應照宗人府管理旗務之王公一體辦理。嗣後承辦陵寢事務員子公等。如有因私事罰俸者。仍罰伊等員子公俸。如係因公。即照都統職任之俸。於伊等俸內坐扣。著為令。○嘉慶十一年奏准。各官任內有承督未完案件。或因別案降革升遷及終養。丁憂等項。於限內離任者。俱以罰俸一年完結。起限之一月者免議。展參限內離任者。前次限滿。已得處分。統俟完解。降罰銀兩。知照。到日。准其查銷。如錢糧未完各官。限內離任。本案已經聲明卸



事日難考。應照離任官例議結。原參停升載罪。督催之案查銷。其有已經離任。未經聲明卸事者。令該督撫務於復參本內。扣明參限。並卸事日期。聲明議結。或隨時專咨報部。將參限分析。扣明。並聲明卸事日期。以憑分別查銷。改議完結。其有已離原省。而該督撫並未聲明卸事。報部議結者。如該員已經在任別省。亦准隨時聲請。該省督撫專咨報部。由部查覈原案相符。分別議結。將原參停升僉徵之案。即行查銷。若特旨升調各官。有原任未完案。應降俸。住俸。降職。降級。停升。降留。革職等案。仍俱改罰俸一年完結。遇有應罰俸三月六月九月者。俱各照原處分議結。○二十二年奏准。部院衙門司員辦事錯誤。有奉旨記過一次者。予限半年。限內並無過失。准其查銷。如未經查銷之先。再遇奉旨記過一次。即罰俸六月。若係由該堂官記過一次者。予限三月。二次者。予限六月。三次者。予限九月。限內並無過失。准其查銷。記過至四次者。即罰俸六月。如有多者。按數遞加。

官員降革。○康熙十五年議准。凡已經革職官員。如有前事故到部議處。必分開應降應革。題明註冊。不得止以毋庸再議。將前事故一概抹銷。僅事後辯復還職。仍將前事故逐一察覈。如再有應革之罪。不得即與還職。如有應降之罪。即照原職降級。如有應罰之罪。仍於補官日罰俸。○雍正三年議准。官員兼文武職銜。並世爵者。若犯貪汙行止不端。例應革職。不論何任事發。將本身所有各職。悉行議革。其世爵交與該旗。將應承襲之人承襲。若係溺職官治罪者。將位領兼管文武之職。革退。其世爵應否存留。該旗具題請旨。至奉旨。革退各官。係由武任獲罪革退者。其所兼之文職及世爵。應否去留。該部院衙門及該旗各具奏請旨。在文任內獲罪革退者。其所兼之武職及世爵。應否去留。該旗具奏請旨。其因公誣誤止革本職之罪者。在文任誣誤。革其文職。仍留所兼之武職及世爵。在武任誣誤。革



其武職仍留所兼之文職及世爵降級調用者。於何任議處。即由何任降調。革職留任者。於何任議處。即停何任之俸。若所贖之職尚有餘俸。仍行給予。因病具呈者。照例停俸。文職以病痊補官日給俸。若文職兼世爵。所犯之事。不由職任得者。世爵大則就世爵議處。職任大則就職任議處。○六年

諭。革職降調留任之員。再有降革處分。朕復加恩寬免。

留任者。將後案註冊。俟前案開復。再將後案計至三年無過。准予開復。其有數案處分者。計案遞加。永著為例。○七年議定。凡議處內外微員。除京察大計舉劾。及例載加級紀錄。不准抵銷者。仍照舊例遵行外。其文職從七品以至正九品。雖屬微員。尚有級可降。如緣事例應降級留任。向議以革職留任者。今止議以降級留任。三年無過。准其開復。如係承督等案。於事完之日開復。如數案降級留任。仍按年逐案開復。例應降級調用。向議以革職者。今止議以革職留任。三年無過。開復。凡無級可降微員。及各部院筆帖式。如一案內所降調之級。過於三級者。即行革職。不准留任。

或已經革職留任。未經開復。又遇別案降調。即行革任。如遇降級留任。仍准其留任。逐案開復。○又

諭。凡外任文武官員。因公誥誤革職者。朕恐其人材尚屬可用。而罷黜之由。乃限於定例。不忍使之廢棄。終身。是以格外施恩。於部議革職之時。往往酌量降旨。令其於交代後。該上司出具考語。送部引見。此朕愛惜人材。體恤下情之意。惟是外官在任。叅罰之案常多。每有先經革職。奉旨來京引見之人。陸續又有別案革職者。此等官員。著交部察明。若續叅之案。情罪

重於前案。非係因公誥誤。則不應引見。若後案仍係因公誥誤。與原叅革職之案。情罪相同。仍著引見。於摺奏內將該員共有處分幾案之處。聲明候旨。○又

議准。外任官員。有先經緣事降調。奉旨令督撫出具考語引見。如陸續又有別案降調者。亦即照例議處。仍將前案奉

旨引見之處。於本內聲明。如奉

旨著照前旨送部引見者。俟該員到部日。查明降革處分。共有幾案。統於奏摺內聲明。帶領引



見候

旨如奉

旨依議降革而未奉有照前送部引

見之

旨者毋庸帶領引

見○八年議定凡京外無級可降之員遇應行降調

之案在三級以內者該管官將居官如何之處

出具考語送部如居官好者議以革職留任三

年無過開復居官平常者議以無級可降革職

或甫經任事尚未定其賢否該管官聲明到部

議以暫行革職留任仍令該管官試看一年如

能供職效力該管官報部註冊准於奉文試看

之日扣限三年無過開復如不能供職效力照

例參革○十年議定凡內外官員升任之後遇

有原任事發情罪尚輕應行降調者皆於現任

內議以降調○十三年議定在京無級可降微

員原由引

見補授者遇應行降調之案於各該管官出具考語

分別去留具題外省無級可降微員並

盛京各省將軍都統督撫等衙門筆帖式等其例

應降調者即於題參咨部之日將該員居官如

何之處於本案內先行聲明該部將應革應留

之處敘入本內其有本案內未將該員居官如

何之處聲明者部內咨詢到日將該管官出具

考語及應革應留之處附入彙題○乾隆二年

奏准凡捐職考職借補小缺各員遇大計六法

以及特參例止降調者除候補候選捐納即用

原屬應行銓補之人仍照原銜降調外至考職

捐職各員如照其原銜降調補用是竟以降級

調用轉得升遷與例未協應止照現職降調其

原有虛銜准其隨帶降調之任不准照原銜升

轉僅現任無級可降即行革任仍給予所餘職

銜令其休致不准補用○十年奏准各省現任

官員推升得缺如未經引

見奉

旨補授通過丁憂降革後經服滿開復赴補者例內

皆仍歸原升月分升用是推升各員雖未引

見係已經升任之員遇有事故起復既例得以升缺

補用則遇有降調應皆從升任內降調○十二

年



諭各省文武官員。有因公註誤。部議降調。係該員應得

之處分。部覆時。酌其情罪。或令該督撫出具考語。引見酌量錄用。已屬格外之恩。至於降旨依議降調之員。自應照所降之級。赴部候補。乃又有送都察院考覈引見之例。此等人員。有原參督撫所出考語。平常遲至數年。俟督撫離任。始行赴部。更有降調並不請咨考語赴部。及督撫屢更。復以無憑。出具考語。呈請引見者。既滋弊竇。抑且事屬重複。大抵為政貴簡。而得要。例愈繁而弊愈多。嗣後著停止。其在京文武並旗員及各駐防人員。因公降革。有令該堂官該旗大臣

臣出具考語引見者。又有送都察院考覈者。條例亦覺繁多。不免啟趨避之途。其如何刪繁就簡。酌中定例之處。著大學士九卿八旗都統詳議具奏。欽此。遵旨議定。嗣後在京各部院司官及五城正指揮等官。並

旗員。因公註誤。至於降革者。其中如有辦事勤練。人材可用之員。任內並無錢糧不清及治罪之案。該管大員會同都察院詳加察覈。如果應行引見。

應交該管大員出具切實考語。保奏引見。應否去留。候

旨定奪。○十五年

諭。向來因公降革人員。朕令該督撫出具考語。送部引見。後仍令以州縣等官補用。又經別案降調。定例復應送部引見。朕思該員既加恩寬宥。必其人材尚堪錄用。若復令往返交代更替。轉多拮据。嗣後此等人員。引見未滿三年者。遇有因公降革之案。皆令該部將應否復行引見。及免其引見之處。於本內聲明請旨。即已經升選者。查係未滿三年。亦照此例行。○二十九年

諭。向來緣事降調官員。例應引見者。俱由該督撫出具考語。送部引見。朕既覈其人之才具。亦因以覘該督撫之鑒別屬員。法至善也。其離任候補之員。因係前任內案件註誤降調。本籍督撫。向係非現屬之員。無從出具考語。嗣後離任人員。緣事降調。例應引見。並著原隸之督撫。一體出具考語。送部引見。著為令。○又

諭。前經降旨各省離任候補之員。有因前任案件註誤降調者。令原隸之督撫出具考語。送部引見。但此等人員。離任事故不同。多有遲至二三年及數年後始行請咨赴部。其原隸上司。早經更易。代任者又未悉



其賢否。何從懸擬考覈。蓋由傳諭之後。部臣未經分  
析條例。殊多隔礙。嗣後著於該員等甫經請咨回籍  
時。該督撫將該員居官如何。出具切實考語。即行咨  
明本籍督撫存案。俟例應引見時。由本籍督撫查照  
原咨考語。敘入文內。毋庸再赴原隸上司衙門請咨  
詳考。以昭畫一。○三十三年奉

旨。馬伯翰係兩次降調之員。該部帶領引見時。題奏。嗣  
後似此。兩次降調之員。該部帶領引見。俱行題奏。○

三十四年

諭。錢度經朕擢任封疆。屢獲罪戾。僅降補雲南布政使。

已屬格外加恩。乃不知實力報效。於應賠銅斤定價  
一事。並不據實查辦。仍敢瞻顧情面。避重就輕。其取  
巧沽名之惡習。尚不知改。不可不明示懲儆。伊現有  
經手承辦軍需之事。若即將伊罷斥治罪。轉得卸責  
偷安。但伊係屢經革職留任之員。即再予以革任。註  
冊。伊仍視為固然。罔識愧畏。錢度著革去頂戴。仍留  
雲南布政使之任。以觀後效。儻尚不力為悔改。必重  
治其罪。嗣後屢經革任寬免之員。有似錢度之居心  
巧偽。市惠徇情者。遇有應嚴加議處之案。即照錢度  
之例行。○三十九年奏准。宗人府自五品理事官以

下。凡遇降調。降至七品者。照例議降。至八品九  
品者。無缺可補。即於本內聲明革任。○四十一年

諭。外省因事註誤人員。向令該督撫出具考語。送部引

見。其由外任升授京職者。遇伊原任內因公處分。概  
從實降。並無出具考語之例。辦理未為畫一。嗣後外  
任人員升京職。伊原任遇有因公處分。部議降調者。  
亦著令其一體引見。如任京職已經一年。即令該堂  
官填註考語。咨送吏部。其未滿一年。仍令該員原任  
之督撫註考。送部。候朕量其人才。酌定去留。以示平  
允。著為令。欽此。遵

旨。議定外任升授京職人員。該督撫於該員離任時。出  
具切實考語。送部註冊。遇有因公降革處分。吏  
部議處本內。夾籤具題。凡有奉

旨著該部帶領引見者。如任京職已滿一年。即令該  
堂官填註考語。咨送吏部。將原隸督撫  
考語咨送。吏部將該員已未滿一年。並由何衙  
門出考之處。於摺內聲明。帶領引

見。恭候

欽定。○又覆准。大計所參才力不及浮躁等官。無論



何項職銜。止照現職降調。○四十六年奏准承緝盜案。及例內有比照盜案議處。並失察邪教。降革人員。引

見時奉

旨。照部議及降等補用者。仍照例辦理。其加

恩。仍以原官用者。無論原議降級革職。俱改為革職

留任。補官日帶於新任。八年無過。方准開復。○

四十七年議准。凡微員降級調用者。議以革職

留任。三年無過。開復。其無級可降微員。及各部

院筆帖式。如一案內所降調之級。過於三級者。

即行革職。不准留任。或已經革職留任。未經開

復。又遇別案降調。即行革任。如遇降級留任。仍

准其留任。逐案開復。至因私罪降級調用者。亦

即行革職。不准留任。○五十三年

諭。內務府議處副關防董濬。照向例降調處分。改為罰

俸一摺。此例因國初年間。內務府人數本少。執事較

多。是以定例。遇有降調處分。俱改罰俸。免其降調。今

內務府生齒日繁。堪以當差者。本不乏人。其議處各

員。除奉特旨留任外。自應照部院衙門之例。按其情

節輕重。分別實降抵銷。以示公允。嗣後議處內務府

官員。著照吏部處分則例辦理。其從前改為罰俸之

六年

諭。向來定例。兼將軍副都統之宗室王公等。遇有案件。

應與同事大臣降調者。每降一級。俱加倍罰該職任

俸四年。抵銷。第念因一案將同事大臣等實降。王公

等僅於兼管職任內罰俸抵銷。並不降級。仍行留任。

未免於宗室王公等稍有袒護。殊失平允。本日因偷

盜內庫銀兩一事。業經降旨將崇尚斌甯所兼職任

俱行實降。著交宗人府及該部。嗣後凡兼職任之宗

室王公等。遇有案件。應與同事大臣降級調用者。均

著照此次之例。將宗室王公等所兼職任。實行議降。

其加倍罰俸之例。著即停止。況所降者僅兼任之級。

於伊等承襲原爵。殊無干涉。○五十九年

諭。向來武職承緝盜案。限滿無獲。例應降調。把總無級

可降。例得詢問居官。該督等查其平日居官尚好者。

仍准留任。即文職內未入流一項。無級可降者。亦係

如此辦理。而各省巡撫。往往以平日居官尚屬可用。

咨部留任。是此等承緝不力人員。徒有降調之名。並

無懲誡之實。總由督撫等意存姑息。不能嚴行察覈。



率請留任。以致該員弁無所顧畏。於承緝案件。不肯認真出力。國家愛惜人才。如係因公處分。尚無大過者。原可棄瑕錄用。若此等微末員弁。既非必不可少之人。且業有應得處分。亦無足深惜。嗣後文武各員內。職分較小。無級可降者。遇有承緝降調處分。除居官平常。照例罷斥外。其經該督撫察其居官尚屬可用者。即使准其留任。亦不得支領廉俸。如革職留任之例。四年無過。開復庶該員弁等知所做畏於一切承緝案件。不敢稍存怠玩。以示懲創而專責成。嘉慶二年議准。派往新疆廢員。賞給單俸。無論原

犯公私罪名。俟年滿回京。該管大臣出具考語

咨部。吏部將該廢員案由詳敘開單。帶領引

見。應否錄用之處。恭候

欽定。○道光元年奏准。凡給咨赴部引

見人員。該督撫已經出具考語。如未引

見以前。遇有降革事故。奉

旨仍送部引見者。准該員赴部呈明。查照原咨考語。

帶領引

見。其各省差委來京。例不引

見之員。亦令該督撫於咨文內添註考語。儻到京後

遇有降革處分。奉

旨送部引見者。准該員照例呈明。查覈原咨。一體帶領毋庸再回原省出考。以示體恤。○四年奏准。凡現任各官。援例捐升。報捐離任後。已取有交代文結報部。即係實已離任候選之員。遇有降調處分。應照捐升品級降調。如雖捐離任。尚未有交代文結報部。仍係現任官。遇有降調處分。概不准照捐升品級降調。○又奏准。凡河工升署尚未實授人員。遇有降調處分。仍照原銜降調。如從九品升署主簿。尚未實授。遇有降調處

分。應先行開缺。仍准其查詢居官如何。報部覈

辦。其升署後已請實授者。仍照現缺降調。○同

治十二年奏定。宗室道府應降京員。降至七品

筆帖式。如降至八品九品者。無官可補。亦於

本內聲明革任。○光緒二年奏准。官員承緝督

緝各項限緝人犯。並承審案件。經徵督催各項

錢糧關稅承修承追。賠補賠修。以及一切未完

案件限滿例關降調革職。及展參例關降調革

職人員。儻該員等捐升。該上司率准出咨離省。

或出差他省。他省督撫率行咨留辦公。事竣後



遠行給咨赴部。或代為移請原省督撫給咨赴部。將蒙混請咨之員。照規避例革職。其各上司督撫等。均比照交代未清人員離省定例。一律分別議處。

欽定大清會典事例卷八十六

吏部

處分例 官員降罰抵銷 官員開復

官員降罰抵銷。○順治十四年議准。薦舉官員亦照紀錄官員例。抵銷降罰。至有加級之官。後遇降級。准其按級抵銷。○康熙元年覆准。凡紀錄四次。抵銷降一級。紀錄二次。抵銷罰俸一年。紀錄一次。抵銷罰俸半年。若紀錄浮於降罰之數者。除抵銷外。所餘仍留註冊。如應罰俸一年。止有紀錄一次者。准其抵銷罰俸半年。仍罰俸半年。○二年議准。官員有不論俸滿。即升及卓異一次。或加一級者。皆抵銷降一級。○又議准。因公註誤。及因錢糧未完。降革官員。後經開復。將任內原有之加級紀錄。皆准給還。至於老病休致官員。原任內如有加級紀錄。仍准註冊。後遇事故。准其抵銷。○九年議准。官員將先經抵銷之加級紀錄。卓異。即升等項。後又重抵銷者。罰俸一月。○十五年議准。京察大計。處分官員。任內先有即升及卓異。不准抵銷。亦不准隨帶。若別項加級紀錄。不准抵銷。仍准隨帶。至處分



挖欠錢糧官員有軍功及錢糧全完加級紀錄者方准抵銷別項加級紀錄皆不准抵銷○雍正三年

諭朕體恤臣工凡官員辦事著有勞績者無論大小皆敕部議敘其有過誤致干吏議者亦照例處分夫一人之身有功有過一官之級有降有加舊例官員降革留任停其升轉必三年無過方准開復降後雖有恩詔加級不准抵銷殊非以功補過開人自新之義嗣後降級留任官員遇有恩詔及議敘加級皆准以加一級抵銷降一級庶人皆奮勵勉圖後效亦鼓舞

吏治之一道也至降級後捐納加級者不得抵銷前案○八年議定凡議處內外官其定例所載不准抵銷者均於本內將該員原有加級紀錄卓異即升與例載不准抵銷相符合之處一併聲明其餘例應抵銷者即於議以降級罰俸時察明該員加級紀錄卓異即升概行抵銷至降級留任之員原係虛降除戴罪承追督催督運完納賠補賠修及限年承緝督緝等案必俟本案完結日方准開復外其因公註誤降級留任者如有加級紀錄均准其抵銷除捐納加級不准抵銷過

有

恩詔加級及議敘加級皆准抵銷僅被議之員有加級紀錄應行抵銷而該司官遺漏失錯者若自行察出檢舉仍照定例罰俸兩月如明知遺漏不自行檢舉被堂官察出或本人詳報上司咨參者將該司官照不行詳察例罰俸六月若司官遺漏抵銷而本人明知受屈隱忍不行詳明被科道糾參或該管上司察出咨參者將本人加級紀錄不准於本案改正抵銷仍照議處司官之例處分○十二年題准軍功紀錄二次抵

降一級軍功加一級抵降二級如遇降一級調用之案將加一級抵銷免其降調仍給還軍功紀錄二次其軍功紀錄一次抵銷罰俸一年○乾隆四年奏准在京官員遇有罰俸之案如願將議敘加級改為紀錄抵銷罰俸者准其改抵其抵銷外餘贖紀錄查其原係隨帶之級所改者升任時仍准隨帶若非隨帶之級所改者在任時抵銷過紀錄一次二次或三次者升任時概行註銷若在任時所改紀錄並未抵銷罰俸照例將紀錄一次帶於新任至一人而加數級



者如遇處分案件。皆按其加級年月之先後。挨次抵銷。再例內有不准抵銷者。如引用正條。原有不准抵銷字樣。照例不准抵銷。若比照處分定議者。仍准抵銷。○七年

諭。官員紀錄一次。抵罰俸半年。若遇罰俸一月至五月。因不至銷去紀錄一次。遂不准抵銷。照常罰俸。又有因兩三案並發。所罰之俸。雖至銷去一次。紀錄亦不准抵銷。照常罰俸。於伊等生計。亦屬無益。嗣後旗員應罰之俸。不至銷去紀錄一次者。著照王等紀錄之例。暫行註冊。俟再遇罰俸案件。合算抵銷。以示體恤。

○八年

諭。在京各衙門事務。皆係滿漢堂司公同辦理。至遇罰俸處分。旗員止註冊。合算漢官則照常罰俸。例未畫一。嗣後在京臣工。有罰俸案件。不至銷去一次。紀錄者。皆照旗員之例。註冊合算。○又奏准。定例革職官員。後經開復。將任內原有之加級紀錄。均准給還。又官員原參重罪。審虛。尚有輕罪。應降級罰俸者。查明該員原任內。如有加級紀錄。即行抵銷。是開復之員。於本案內。應行議降。議罰。其從前之加級紀錄。尚得抵銷。本案降罰。至別案降

罰註冊。若因其案件業經議結。遂將原有之加級紀錄。概不議抵。未免偏枯。况該員既得本案開復。則原任內所有之加級紀錄。例准給還。與非係本案開復。別行起用人員。前任內加級紀錄。不准隨帶者不同。一例抵銷。庶為平允。嗣後凡遇開復革職人員。如有降罰之案。有加級紀錄。應行抵銷者。令該督撫於該員開復之後。查明該員降罰註冊各案。咨部覈議。如有例應引見者。即於引見文內聲明。准其抵銷。○十四年

諭。近定因公降調人員。如以原官補用。仍將所降之級。帶於新任。嗣後引見時。如經朕特旨降補者。不拘所降級數。概行註銷。不必隨帶。○十七年。奏准。外省官員。遇有議處案件。止係降調離任者。自知縣以上。例具專疏題覆。微員入於彙題。至處分。僅止罰俸及議降議罰。有加級紀錄。抵免之案。無論官之大小。亦皆附入彙題。但方面大員。不當與州縣佐貳等官。概入彙題之例。嗣後道府以上各官。例應降調之案。雖有加級紀錄。抵免者。亦皆專疏具題。若止罰俸及降革留任處分。仍照



舊例彙題完結。○十八年議准凡革職官員業已降補他職者即係離任之人其前任加級紀錄等項不准帶於新任。至於部議降調革職奉旨從寬留任人員雖經部議究未離任其任內加級紀錄未便概行註銷。嗣後內外各官有部議降調革職人員奉

旨從寬留任者其加級紀錄以及即升卓異皆准其隨帶。○又奏准凡司官遺漏抵銷之案除罰俸降級留任之案及雖經議以降調尚未至開缺離任者仍照舊例處分外至降調之案本有加級紀錄不查明議抵以致本員離任者從重議以降一級留任。○三十三年

諭內外文武各官遇有承辦事務如失察遲延之類其錯誤本屬因公自應將加級紀錄准其抵銷。若意涉營私於政事官箴皆有關繫而該員得藉加級紀錄為護符吏議不能持其後殊非黜陟本義。吏兵二部所定准抵條例未能明晰周備嗣後吏部兵部議處文武各員以公罪私罪為斷其被議之事本屬因公者仍照例准抵外其因犯私罪交部議處一概不准抵銷庶辦公者得邀寬典而營私者不致長姦於澄

敘官方之道更為允協者為令。○四十三年

諭吏部於議處降調之案不查加級抵銷其事與刑部失入相似而實不同刑部失入重於失出者因罪犯一經失入即罹重辟所謂死者不可復生嚴其處分所以重民命也至失出因即遣放仍可審覈更正故其議處從輕若吏部辦理議處疏忽失入固有應得之咎但事後尚可自行檢舉或可查明更正不至終於枉屈其議處可以從輕至失出則以應行議降之人妄為擬抵安知非徇情受賄高下其手久之易滋流弊不可不重其處分俾知儆惕以刑部出入輕重反而用之方為平允著交部會同都察院另行定擬具奏欽此遵

旨議定官員有加級紀錄卓異即升等項先經抵銷後遇降罰事件重複抵銷查係徇情受賄嚴參究辦若一時失檢罰俸兩月。○五十九年議准官員有議處降級之案其捐納加級紀錄上庫日期京官在該部未題參之前者准其抵銷出本之後者不准抵銷外官在督撫題奏出咨之前者准其抵銷在題奏出咨之後並吏部查取職名之後者不准抵銷。○嘉慶十一年



諭近來吏兵二部於議處文武官員事件例應降調者往往有援引定例仍於摺尾聲敘應否准抵請旨定奪其意不過以部臣原係聲明雙請凡從嚴處分者係屬出自上裁歸怨於朕朕為天下共主原應任勞任怨而諸大臣必欲市恩邀譽其意何居文武官員公私罪案處分如應降若干級及應否留任准抵之處均有定例可循部臣自應參酌案情按照定議即或例文有未盡該備亦當比照確切酌中定議具奏俟奏上披閱時或其人照例處分本重朕特加寬宥此則恩出自上其或照例處分較輕而特從嚴者朕必降旨宣示如果部臣原議於定例並不舛誤朕亦斷不加之責備若將例應嚴議之案動以請旨定奪為詞是部臣欲博寬厚之名而轉以嚴刻歸之於上殊非大臣實心任事之道嗣後吏兵二部辦理議處案件務當屏除積習詳細覈例公同悉心定議不得輒用請旨定奪字樣為調停兩可之說○又

諭吏部本日具題議處戶部堂司官等失察直隸監生劉姓捐名未協一本係司官自行檢舉罰俸減等輒將該堂官照例免議辦理非是此事戶部堂司等於捐生命名未協不即飭令更名雖係自行檢舉其疏

忽之咎究有難辭是以戶部前此奏請議處時並未將堂官處分寬免今吏部即因檢舉舊例堂官有免議之條亦止當於本內聲明請旨何得遽爾免議此與昨日都察院吏部之本正同所有戶部出結不慎之司官著罰俸一年失察檢舉之司官著罰俸六箇月其堂官等均著罰俸一箇月吏部堂官率行定議亦著罰俸一箇月均准其抵銷○又

諭嗣後吏兵等衙門遇有特旨交議之件該堂官等止須將該員應得降級罰俸處分查覈例案定議具奏並於摺內聲明係奉特旨交議之件毋庸查取加級紀錄議抵俟奏上時朕覈其情節輕重量予區分其加恩准抵者於奉旨後再將該員有無加級紀錄詳覈彙題該堂官不得仍以咨查為詞藉端遲滯僕復任意延閣必將該堂官懲處不貸○十三年

諭嗣後吏兵二部於議處罪案除私罪不准查抵外如有實係公罪經特旨交議者其應否准抵之處著於摺內聲明請旨候朕裁奪○十四年

諭兵部題遵旨查議成都副都統東林一本昨因東林未經派出來京祝嘏輒行奏請赴闕叩祝且摺內語多繁絮特降旨申飭並交部查議該部將該副都統



照違令例罰俸九箇月。復聲敘查有紀錄次數。應否准其抵銷。請旨遵行。殊屬非是。此係特旨交議之件。何得率行議抵。兵部堂官辦理此案。未免徇情。著交部察議。東林即著罰俸九箇月。不准抵銷。嗣後如有自行奏請來京祝嘏者。即著照此辦理。亦毋庸再交部議。欽此遵。

旨議定。將兵部堂官罰俸九月。毋庸查紀議抵。○十五年

諭吏部議處欽天監堂官。將綿恩等罰俸處分。應否抵銷之處。請旨所辦。非是。向例各官自行檢舉及尋常處分。是否准抵。自應照例雙請。若係特旨交議之件。止宜將該員等應得處分。奏上候朕酌奪。嗣後毋庸再行雙請。所有此次綿恩等罰俸之處。著不准抵銷。○又

諭大員中交部議處者。自應由該部覈議辦理。亦當於數日內專摺具奏。不應遲延日久。歸入彙題。嗣後大員議處。由該衙門覈議。業經降旨依議者。該部即毋庸查抵。欽此遵。

旨議定。承辦司員遲延。照違令公罪例。罰俸六箇月。堂官罰俸三箇月。○十六年

諭本年辛未科覆試中式武舉弓力不符。罰停殿試。由於原監射王大臣等校閱草率。不能認真拔取。所議罰俸之處。均著實罰。不准抵銷。此後著為令。○十七年。奏准官員任內有革職留任之案。如續遇降調處分。無級可降。改為革任者。如革職留任處分。續經完案開復。吏部即於開復案內。將革任之案。一併查銷。仍照原議降調處分註冊。查照所降之級用。其有奉

旨送部引見者。即於引見摺內聲明。如該員革任後引

見奉

旨照部議者。續將革職留任之案開復。仍准其將革任之案查銷。照所降之級用。如奉

旨以原官用。或降等用者。該員既已邀

恩錄用。所有革任之案。一概毋庸查辦。至從九品未入流等官。係無級可降之員。遇有因公降調處分。例准查詢平日居官如何。若有似此者。將來開復革職留任時。亦准其查銷革任。仍查詢其平日居官如何。再行辦理。○十八年。奏准地方官承緝命案。於未起四叅之前。捐納加級者。准



其抵銷在四參起限之後者不准抵銷。○又奏准地方官承緝情重命案擄殺期功於未經報官以前捐納加級者准其抵銷既經報官以後者不准抵銷。○又奏准地方官承緝盜案於未經失事之前捐納加級者准其抵銷在疏防之後者不准抵銷。○又奏准地方官承緝搶奪良家婦女之案於未經報官以前捐納加級者准其抵銷既經報官以後者不准抵銷。○二十二年

諭向來部院遇有議處事件每因查被議之員有無加

級紀錄以致議奏遲延嗣後著於奉旨五日之內即行議上其例不准抵者於摺尾聲明即係應以級紀錄抵者亦毋庸先行查計著於摺尾聲敘均係應行議抵之案可否准其抵銷請旨遵行如奉旨不准抵銷毋庸查計若准其抵銷再行查明覈辦。○道光四年奏准官員任內止有加一級而有兩案處分同日到部一係降調一係降留並非私罪者則准抵降調不抵降留以寬公過其非同日到部者無論降調降留仍按文到日期覈辦。○又奏定官員任內有加數級如遇降級處分先將捐

納加級按上庫年月先後抵完再將

恩詔加級議敘加級隨帶加級及錢糧軍功加級挨次查抵或軍功紀錄二次及尋常紀錄四次亦各准抵降一級此係通指降留降調而言若降調之員級不敷抵方以不論俸滿即升一次或俸滿即升一次或卓異保題一次或俸滿保薦一次議抵。○又奏定軍功加級不論曾否題明悉准隨帶新任。○十九年奏准刑部會稿到部時如該員例應降罰即按到部先後挨次查明級紀抵銷於會稿內敘入毋庸俟刑部送改事故時始行查

抵。○咸豐九年奏准凡降級之案係戴罪完納戴罪承追督催督運賠補賠修及限年承督等案必俟本案限滿之日方可照例議結現在雖有級紀不准抵銷如例有展參捐升不准難任作為限滿將加級紀錄先於未經限滿之先呈請行抵銷原案者應不准行。○光緒九年奏准議敘加級止准給予尋常加一級從優者再給予紀錄二次概不准請加二級三級。官員開復。○順治十八年定內外官員有因事故降級留任者三年無過方准開復如三年之內復有降級者即以後降之日為始計滿三年



開復其三年之內。遇有罰俸案件。將罰俸月日扣除。外官令該督撫詳覈咨部。題請復還原級。京官令該衙門堂官詳覈咨部。由部具題。降級開復官。如係例得自陳之大臣。即令其自行奏請。其不得自陳者。由該堂官移送吏部。題請復級。若外官則自布按以下。並由該督撫具題。吏部仍行覆覈。○又奏定。凡因公註誤。如拖欠錢糧。能速催完解。緝拏盜賊。能依限捕獲者。不拘月日。俱即准題開復。○康熙九年議准。內外官員。儻不將降級罰俸情由查明。遽行咨請開復者。將咨請官。內為該衙門堂官。外為該省督撫。罰俸六月。轉詳之司道府等官。罰俸一年。如該堂官督撫將本官續有之降級罰俸情由。不行聲明。咨請開復者。罰俸一年。如本官已經申呈開復。該管上司抑勒不詳者。罰俸一年。該堂官督撫不咨部者。罰俸六月。若屬官隱瞞己身罪過。呈請開復者。罰俸一年。○三十八年

諭嗣後官員。有因公註誤降級者。三年滿日開復時。停其具題。該部繕摺具奏。○雍正二年  
諭凡官員虧空錢糧倉穀。該管上司失於盤查。自應革

職分賠。但定例虧空官員。審無侵欺入己之項。勒限一年內賠補全完。准以原職補用。而失察革職之上司。反不得與本官一體開復。似屬可憫。嗣後虧空銀數限內全完。例應開復者。該督撫查明原參失察之上司。一併題請開復。○四年

諭向來革職留任官員。從無開復之例。但年久奉職無愆。亦應開復。以示鼓勵。嗣後革職留任之員。如四年無過。該督撫等題明。准其開復。著為定例。○又議准。凡革職降級官員。不應開復。督撫濫行保題開復者。  
復奉

旨交議者。將濫行保題之督撫降一級留任。如將應行開復官員。抑遏不行。題請者。亦照此例降一級留任。○八年議定。凡官員被參革職發審者。如審係全虛。督撫並該衙門於本內聲明。照例准其開復。不得稱已經革職。毋庸議完。結如革職發審之員。有別案降革者。本案審虛。止將審虛之案開復。其別案降革。不得概與開復。如革職發審之員。有別案革職留任降級留任及罰俸案件者。本案審虛。亦將審虛之案開復。照例於補官日。仍將從前降革留任罰俸之案。皆帶



於新任至原參重罪審虛而該員尚有笞杖輕罪例應降級罰俸者亦於本內聲明將該員原參革職之案准其開復按其所犯輕重應降級者降級應罰俸者罰俸照例分別議處○乾隆五年奏准凡內外降革留任官員於三年四年限內遇有罰俸案件如能全數繳完及京官按季扣完者皆免扣罰俸月日各照原限計滿三年四年題請開復如罰俸銀未全數通完即按其完過銀數計算免其扣除罰俸月日如全未扣繳者仍照向例扣除罰俸月日計滿年限題請開復○七年議准凡例應革職降調奉旨留任官員再遇處分例應革職降調復奉旨留任者將後案註冊扣算前案滿日即將後案接扣三年滿日准其開復有數案革職降調皆係奉旨留任者計案遞加如一案內一人而議處兩層降復時作一案計或前有一案降級革職隨後又有一案降級革職或兩案降級革職皆在離任之後於一次奉旨如未經開復之前遇留任者仍作兩案計第有例應降級革職留任處分不便計案遞加其後案在前案年限之內者前案開復後案皆准

其開復若後案在前案年限之外者總以後降後革之日為始計滿年限方准一例開復○十四年議准在外督撫在京三品以上大員遇有降革留任等案扣滿年限即從各本衙門將年限內有無過愆之處逐一查明如年限內並無罰俸及別案降革留任事故或雖有降罰之案業經以級抵銷者准其咨部具題開復若有罰俸之案未經抵銷即照例俟罰俸之銀繳完扣完再行咨送開復或別有降革留任之案亦照定例後案在前案限內滿者前案限滿後案並行咨送開復後案在前案限外滿者俟後案限滿一併咨送開復至若開復之限已滿續有議處之案應行罰俸及降革留任者其後案處分既在前案開復限滿之後應仍將前案移送開復由部逐一詳覈具題其應行開復案件原可隨時咨報查辦不必限定彙題○三十五年諭從前暫開捐例原屬一時權宜以遂海內士民急公上進之願究於事體非宜停捐以後曾有奏請再行開捐者朕皆斥而不允至於降革留任人員原屬因公處分且其人尚不至擯棄是以量予加恩俾得在



任自效。但一經議處。即停其升轉。直待數年無過。方准開復。從前曾有捐復之例。復經部議刪除。第念此等人員內。未嘗無可及鋒而試之人。若以微言淹滯多年。亦覺可惜。自當仍准援例捐復。俾得電勉自新。如何定例之處。著該部詳悉妥議具奏。欽此。遵

旨議定。凡內外降調革職人員。除翰詹科道藩臬以上

外。如有情願捐復者。在部具呈。吏部查覈緣事原案。凡事屬因公。情節稍輕。俱准其捐復。其事涉營私。情節較重者。俱不准捐復。又京察大計。參劾及隨時以闕宥懈弛參劾者。不准捐復。又

曾擬死罪。後經贖免。問擬軍流新疆。贖回放回者。不准捐復。原議永不敘用者。不准捐復。承問夫入者。不准捐復。

特旨革職及奉

特旨加級紀錄。不准抵銷者。不准捐復。又接

駕廢員引

見止給職銜者。既經

欽定。不准再請捐復。其正印捐復原官。已經奏駁。後以降捐佐貳雜職。及由科目降捐教職者。仍准覈辦。又降調後業經補官者。不准捐復。官員有

疾隨時休致者。准其捐復。又革職之外。問擬笞杖徒罪。及軍臺已滿。換回者。俱令加等報捐。至呈請捐復人員。吏部將應准應駁開單。每月彙奏一次。其奉

旨准捐人員。由戶部按限收捐。後吏部帶領引

見教職。佐雜仍毋庸引

見凡內外降級革職留任人員。除翰詹科道藩臬以上。不准捐復外。其餘人員降級革職留任。例無展參者。俱准其隨時報捐。係姦贓不法。不准捐復。至部議降調革職奉

旨仍以原官補用。降革之案。帶於新任。又部議降調革職奉

旨從寬留任。並降調革職。經該堂官督撫奏留。或奉

旨留任。給予年限。開復人員。已邀

恩格外。俱不准捐復。○又覆准凡降補候補。及前已邀

恩賞給職銜頂戴人員。如遇

巡幸各省。隨同廢員前赴

行在接

駕者。吏部查辦時。分別扣除。毋庸與廢員一例查辦。



○四十五年

諭本年南巡接駕廢員經吏兵二部查明情節較輕者帶領引見除加恩錄用外其賞給職銜者業經朕親加甄別不得再准捐復至慶祝萬壽賞給職銜各員及此外緣事降革人員如有在部呈請捐復者該部覈明情節無論應准應駁俱著具奏請旨准捐人員並著該部帶領引見候朕欽定○又議准捐復人員自奏准奉

旨之日起限三月扣除將捐項上庫如逾三月之限無故不將捐項呈繳即行扣除不准捐復如限

內實因患病及丁憂事故經兵馬司申報吏戶二部有案者即於呈報病痊服闋之日起勒限二十日內上庫如再逾限即有事故亦不准補繳至患病丁憂補繳捐項人員從前不能依限上庫致有遲延若與依限上庫者一例銓用似無區別此等人員補繳後帶領引

見奉旨仍發原省者於到省後扣滿一年之限方准補缺奉旨照例用者應歸部選於到班時扣選一次俟再到

班時方准銓選其試用人員仍發原省者亦以一次到班時扣足一年方准題署至候選人員及例不引

見之佐貳雜職均照此辦理○四十六年

諭開復加級之案係朕特恩該督撫提鎮等何以遲至年餘尚有未經查明咨部該部酌限六月內造報尚屬過寬嗣後此等事著定限奉文三月內查明報部如逾限不行咨部該部即予銷除毋庸再議伊等為自己邀恩之事自當上緊辦理所有文職各員吏部即照此例辦理○又議准凡遇

恩旨開復加級各省督撫藩臬大員俟彙齊到日再行具題外其四品以下各員該省造冊送部吏部查明即歸入議敘議處本內彙題開復毋庸俟各省到齊再辦其未經到部者遇有升調該督撫隨本聲敘吏部覈明開復務於奉文三月內查明報部如逾限不行咨報者即行銷除毋庸再議○五十年奏准外任官員緣事降革後經本案開復如獲犯審令各該督撫出具考語送部引見如係滿員照丁憂人員回旗之例帶領引



見或以外任補用或留京職之處恭候

欽定○五十九年議准直隸辦差人員俟

回鑿差竣之日起扣限一月造冊報部如有逾限概

予銷除

欽定大清會典事例卷八十七

吏部

處分例官員開復二開列應議職名行

任內議敘議處合辭具題從重歸結

嘉慶九年

諭謝正原英安二員均經革職特降諭旨以主事錄用

已屬邀恩均不准其捐復嗣後遇有似此加恩錄用

之員在吏部呈請捐復原官者該部即行飭駁毋庸

隨摺聲請○又奏准知縣緣事議以降一級調用奉

旨令該督撫出具考語送部引

見如引

見時奉

旨著照部議降調者呈請捐復時令繳降一級銀兩

捐復原官如奉

旨以縣丞用者呈請捐復原官時令繳降二級銀兩

始以知縣原官補用○十年奏准原例內開內

外降級革職留任人員除翰詹科道藩臬以上

革職留任不准捐復外其餘人員降級革職留

任例無展參有情願捐復者俱准其隨時逐案

報捐具呈戶部移咨吏部覈明案由除係姦賊



不法。不准捐復外。其餘俱准捐復。咨覆收捐後。知照吏部。彙題銷案。至部議降調革職奉

旨仍以原官補用。將降革之案。帶於新任。及部議降

調革職奉

旨從寬留任。降調革職後。經該堂官督撫奏留。或奉

旨留任。給予年限開復人員。業已邀

恩格外。俱不准其捐復。十八年改定。照尋常捐復之例。酌加十分之五。一體准其

報捐銷案。至革職有餘罪人員。仍應查明原案

附入彙題。情節分別准駁具奏。如係問擬笞杖。已經贖免

者。照革職捐復銀數。酌加十分之二。未經贖免

者。酌加十分之三。輕徒已竣者。酌加十分之五。

滿徒已竣。及軍臺已滿。換回贖回者。酌加十分

之六。原擬軍流贖免者。酌加十分之八。原擬新

疆發遣。已經放回贖回者。加倍。其僅止捐復原

銜。並降捐職銜者。仍照本例報捐。毋庸令其加

等。○又議定。捐復人員。定例於具呈時。均令其

呈明有無欠項。及完欠若干。由戶部查係例限

已逾。或未逾。而數在三百兩以下者。即令照數

全繳。方准報捐。其有欠數較多。尚在例限以內

者。准其先行報捐。仍將未完銀兩。著落該員接

照年限如數全完。一面知照吏部。儘逾限不完

已選者。即行解任。未選者。停其銓選。若報捐時

將欠項隱匿。不行聲敘。事後別經發覺。將所捐

之官註銷。仍照隱匿例治罪。○又議定。滿漢文

員革職離任等官。有情願捐復原銜者。准其報

捐。至京察。大計。六法各官。例不准其捐復原銜。

但此項人員。止因不能臨民莅事。究無姦贓情

罪。仍准其捐復原銜。並加捐至原銜以上。皆不

准補用。○又奏准。降革人員。奉

旨引

見後。仍照部議降革者。其原案情節。本屬因公。該員

既踴躍急公。有心報效。應一體報捐補用。○又

奏准。降革人員。應將續參降革註冊各案。分別

報捐。如具呈時。漏報續參降革處分。數明該督

撫查參日期。在該員未經離任之先者。將漏報

之案。令其加倍報捐。如係該員離任以後。該部

查明檔冊指出。准其逐案報捐。○十二年

諭。嗣後凡外任官員。有因公獲咎。送部引見。經朕特旨

改用京員。仍請捐復原官者。該部即將原呈駁回。毋

庸入奏。○又奏准。凡大計案內。劾參有疾休致。現經



調治痊愈者。均照隨時休致之例。於正項之外。酌加十分之五捐復。○又奏准。接

駕並慶祝

萬壽。

賞給職銜。及原品休致人員。一體報捐。○十三年

諭。本日吏部奏。不准捐復各員。內有陸費元。鑽一員。因

天津縣任內。辦理撥船。失察經紀人等。得受錢文。私

放船隻革職。本年春間。朕巡幸淀津。該員於途次接

駕。業經降旨加恩。以縣丞錄用。是該員已得進身之

路。不思勉力圖效。必欲捐復原官而後已。豈國家起

廢之典。可以出資俸進乎。所有陸費元。鑽呈請捐復

原官之處。著不准行。嗣後各廢員內。有似此已經邀

恩。復懇請捐復原官者。該部即當照例批駁。毋庸再

行入奏。○十九年

諭。金湘由黑龍江贖罪回籍。捐復原官。本應照例加倍

報捐。念其投效軍營。著有微勞。著令其於已交捐項

外。再補交十分之五。嗣後新疆放回人員。呈請捐復

原官。如在軍營出力奏准者。著即照此例辦理。○二

十四年

諭。吏部奏。捐復人員。照例分別准駁。請旨一摺。申啟堂

曾崑圖蔣濟川。俱著准其捐復。胡兆蘭。准其改捐內

閣中書。其林紹光一員。部擬不准捐復。所駁甚是。向

來各省道員內。應補郎中。知府內用。應補員外郎。

今林紹光係由知府甄別降調之員。何得援照內用

員外郎之例。呈請改捐。嗣後凡降調道員。呈請改捐

郎中。降調知府。呈請改捐員外郎者。吏部毋庸奏請。

俱照此例批駁。○道光元年。奏准。科道因公降革。呈

請改捐部屬。編檢因公降革。呈請改捐中書者。

俱予覈辦。○又奏准。奉

特旨。加級紀錄。不准抵銷之員。不敢捐復原官。呈請

降捐改捐者。亦予覈辦。○又奏准。公罪中情節

較重者。不准捐復。如濫差斃命。因派故之類。○又奏准。近

京五百里內。疏防盜案。特參革職者。不准捐復。

○又奏准。失察邪教。釀成滋事重案。係例不准

抵者。不准捐復。○十二年定。嗣後各直省有降

捐捐復之員。均赴部具呈。聽候覈辦。毋得由各

該督撫奏請。以杜徇私。○二十四年。奏准。各項

降革例。准捐復降捐人員。在外捐輸。如該員原

犯案由。漏未聲敘。係鄰省督撫。無從查覈原案

者。該督撫免其失察處分。將本員分別遺漏之



輕重酌量議處。係本省督撫。本有案卷可數者。摺內如有漏敘。將本員與督撫分別議處。並將該員等降革原案漏敘情節之處。分析奏明。應否准其報捐。恭候

欽定。至該員等如有續降續革之案。令照離任未離任定例。逐案報捐。及逐案加倍報捐。州縣以上各員。捐項交清後。由該督撫給咨送部引

見。○又奏准官員失察虧短庫項革職。已將賠項交清。而奉

旨仍行革職者。不准捐復。如奉旨實有官職人員。准其報捐。其曾任大員。

外官止准其捐至道府。京官止准其捐至郎中。○二十八年奏准官員遇有應行查訊事件。奉

旨撤任開缺者。嗣經訊明無關實降實革。將原參撤任之案查銷。毋庸送部引

見。○二十九年奏准。本案開復人員。比照錢糧開復留任留省之例。分別辦理。○咸豐二年奏准。私罪降革人員。投效軍營。保奏開復。並請免繳捐復銀兩。係奉

旨允准者。即欽遵辦理。係奉旨交議者。仍令分別補繳加五。加倍。加倍半。捐復銀

兩。俟銀兩繳清。給咨送部引

見。其開復後續有勞績。暫行存記。俟引

見時一併聲明。○四年奏准。官員緣事降調。並未奉旨拔去原翎者。一品至五品。仍准戴用花翎。六品至從九品。未入流。仍准戴用藍翎。其大員降至六品以下。並凡革職人員。一概不准戴用原翎。如因本案開復。或奉

特旨賞還。並續有軍功。經該大臣督撫奏請開復原翎者。均仍戴用。至另案開復。或捐復原官。不准仍戴。亦不准隨案聲請。○五年奏准。城池並未

失守。而地方被賊滋擾。及地方失守。本無城池。降革人員。如得有勞績。經督撫大臣保奏開復者。俱令補繳加倍捐復銀兩。不准奏請免繳。○又奏准。失守被擾降革人員。保奏開復。並儘先遇缺等項。除令其分別加成補繳捐復銀兩外。其儘先遇缺等項。並令逐層補繳減半銀兩。俟銀兩繳清。給咨送部引

見。○又奏准。私罪降革人員。投效軍營。係常例不准捐復。而情節尚有可原者。如先行捐復降捐。續有勞績。保奏儘先遇缺等項。免其補繳銀兩。如



未經捐復降捐。得有軍務勞績。保奏開復。除令其分別加成補繳捐復銀兩外。其儘先遇缺等項。並令逐層補繳減半銀兩。俟銀兩繳清。給咨送部引。

見○又奏准。原在軍營獲咎降革人員。旋因奮勉立功。保奏開復者。免繳捐復銀兩。其另案降革後。留營效力。或投效軍營者。仍令補繳捐復銀兩。

○又奏准。降革人員。先行降捐。及僅捐復原銜。續行捐復。若不聲明原案。至捐後自行檢舉。呈明補繳者。如係捐復原官。即照不應重公

罪律降二級留任。僅係始終隱匿。別經發覺。照不應重私罪律降三級調用。○又奏准。革職發遣廢員。如有報捐虛銜者。除實犯姦賊不法。不

准報捐外。其餘俱得照常例報捐虛銜。仍不准其捐至原銜以上。亦不准其銓選補用。○七年

奏准。降革人員開復後。續因勞績保奏。仍於清單內將開復之案詳細註明。以憑覈辦。如並未開復有案。遽保官階。隨時奏請撤銷。毋庸另給

獎敘。○又奏准。宗室道府降革後。呈請捐復道府原官者。由部查覈案情。分別准駁。如請捐京

職者。由宗人府覈辦。○十年奏准。私罪降革捐復人員。如係曾任實缺。應歸部選者。遇到班時。毋庸掣原省之缺。其從前未經得缺。例應回省人員。概不准仍赴原省。其私罪降捐及雖係公罪情節較重者。如濫差斃命。因派做之類。照此辦理。各該員報捐時。如不聲明降革緣由。徑行指捐原省。即照蒙混捏飾例懲辦。○又

諭。參員許告上司。定例立案不行。其有情節較重。或牽涉贓私。不得不加以查辦。惟審訊既屬虛誣。則挾嫌陷害之人。自應從重懲治。以昭平允。嗣後各直省參

員許告上司者。除立案不行外。其有欽派大員審訊。因許告而罪擬徒流者。均不准贖罪。因賄和而被革職者。亦不准捐復。以儆官邪而懲刁健。○十一年奏

准。分防各官。本無城池可守。如所轄地方。猝被賊擾。焚劫官署。特參革職。復能隨同勦捕。奏請開復原官者。仍予開復。令補繳加倍捐復銀兩。

不准奏請免繳。如該督撫聲明所轄地方。並無被賊滋擾者。免議。○同治元年

諭。御史呂序程奏。休致及永不敘用人員。請不准開復捐復等語。向來休致人員。例不准其捐復。其永不敘



用之員。劣迹昭著。情節尤重。是以終身擯棄。以示重懲。定例暴嚴。纖毫未能寬假。乃近來各省於休致人員。往往保舉開復。並於永不敘用人員。亦請先行開復。永不敘用之案。以為將來保舉地步。實屬故違定制。殊非朝廷澄敘官方之意。嗣後各省督撫。及各路統兵大臣。於此二項人員。不准濫行保舉。亦不准代請捐復。如有仍前錮習。違制濫保者。必將該督撫大臣從嚴懲處。並將所保之員。查明賄囑情託等弊。分別從重治罪。以杜鑽營而肅吏治。○又奏准。凡加倍半不准捐復人員。非軍功勞績。不得保奏開復。

○二年奏准。同城之道員及佐貳官。失守城池。革職無餘罪者。如准其留營督同克復。給予虛銜頂戴。再有勞績。准其開復。均令補繳加倍捐復銀兩。至不同城之知府。革職無餘罪。不同城之道員。例止降調。如准其留營督同克復。著有勞績。經該督撫奏報到日。即予開復。亦令補繳加倍捐復銀兩。不准奏請免繳。其例應引

見之員。俟捐項繳清。給咨送部引見。○三年奏准。失守發遣人員。奏准釋回。復奏留在戍。得有勞績。准其奏獎虛銜頂戴。再有勞績。保

奏開復。仍令補繳加倍半捐復銀兩。不准奏請免繳。俟銀兩繳清。給咨赴部引見。

此項人員。必扣足三年之限。始能出。不得因偶有勞績。遽請開復。如非該員實能始終奮勉。出。該處辦事。實在不需。不得益請留。保。虛銜。及開復原官地步。至發遣釋回。未經留戍。已回籍者。得有尋常。○四年

論。近來降調革職人員。往往因未奉拔去翎枝諭旨。託詞戴用。其另案開復各員。亦或恃無不准戴用原賞翎枝明文。輒圖蒙混。殊屬非是。嗣後因事降調之員。未奉旨拔去翎枝者。除一品至五品。仍准戴用外。大員降至六品以下。以及革職各員。一概不准戴用。其開復原官者。必須本案開復。或奉特旨賞還。及續有軍功。經大臣督撫。奏請開復翎枝。方准照常戴用。儻因另案開復。或捐復原官。仍不准冒昧戴用。以昭體制。而杜微幸。○又

論。御史王師曾奏。獲譴較重人員。請不准留營差遣。以杜倖進等語。所奏不為無見。近年獲譴人員。往往在各省軍營。逗遛差委。或以奔競結大吏之知。或以矯飾為起用之計。一朝任事。故態復萌。最足為人心風俗之害。著各直省督撫。及各路統兵大臣。嗣後遇有各項廢員。除因公註誤。才具可用者。准其留營差委。



以觀後效。俟著有勞績。仍准據實保奏外。其被參斥革情節較重。及軍營債事各員。均不准留營效力。以肅營制而儆官邪。○五年奏准。降革人員。或尚未保奏開復。或開復之案已駁。或行查尚未議准。或開復之案已准。仍令補繳銀兩。如續有勞績保舉。令該員將前案曾否開復。有無堆駁。自行詳細呈明。於保案內聲敘。以便稽查。如不呈明前案。致後案蒙混照准。一經發覺。照蒙混例革職。○又奏准。州縣及同城知府捕盜等官。失守城池革職。減等議罪後戴罪留營人員。再次得有勞績。方准免罪。由刑部知照吏部。暫行存記。三次得有勞績。給予虛銜頂戴。四次得有勞績。准其開復。免罪留營人員。再次得有勞績。給予虛銜頂戴。三次得有勞績。准其開復。均令補繳加倍半捐復銀兩。不准奏請免繳。其例應引見之員。俟捐項繳清。給咨送部引見。至戴罪免罪留營各員。必須克敵陷陣。戰功卓著。方准保奏。其辦理文案。籌辦糧餉等項。尋常勞績。不准濫行保奏。○六年奏定。加倍半不准捐復十三條。一凡

特旨降調革職者。不准捐復降捐。一休致人員。不准捐復降捐。一凡實犯姦賊。酷虐不法者。不准捐復降捐。一凡承問故入人罪。及軍流等犯。錯擬斬絞凌遲而囚已決。及因濫刑斃命。擅受釀命。降革者。不准捐復降捐。一凡京察大計。及隨時甄別降調革職。並指明以何官降補。暨外官送部引見。奉旨改用京職者。俱不准捐復降捐。一凡案關倫紀名節。及吸食鴉片煙身家不清革職者。不准捐復降捐。一軍營失守城池降革人員。及豐工緣事降革者。不准捐復降捐。一凡降革人員。案情過重。例止准其捐復原銜。降捐虛銜者。不准捐復降捐。一凡事涉贓私。聽受書吏囑託。革職者。不准捐復降捐。一凡因收受陋規革職者。不准捐復降捐。一凡因挾妓挾優革職者。不准捐復降捐。一凡因藉端勒派。肆意誅求。罔念民瘼。致釀事端革職者。雖無姦賊入己情事。亦不准捐復降捐。一永不敘用人員。不准捐復降捐。○光緒五年奏准。除實犯姦賊不法。在十三條不准捐



復降捐之列者。呈請捐復。即行駁斥外。其有常例不准捐復。而情節尚有可原者。分別降調人員。准其加五。革職人員。准其加倍。具呈吏部。詳覈案情。開具清單。隨時奏明請

旨。如奉

旨。准其捐復。即行知戶部。按照例定銀數。加成收捐。

○九年奏准。降革人員。無論開復捐復。概不准保分發省分。留省補用。○又

諭。向來已革人員。例不准戴用頂戴。近有仍行戴用者。殊屬非是。嗣後官員因事降調。如曾經賞加頂

戴。仍准戴用。至革職人員。概不准其戴用。其有棄瑕錄用。因案開復及捐復者。均不准仍戴前賞頂戴。以肅體制。

開列應議職名。○乾隆二十七年

諭。吏部議處安甯等失察水手一案。原參摺內。將冠軍使常恆列於中書陸耀之前。本無諱舛。而部本拘泥顛倒書寫。將中書列於冠軍使之前。可謂無識膠柱。如云此因吏兵二部會稿所致。果爾則文職丞倅等。可列於武職提鎮之上乎。嗣後如疏防等事。文武自為一條者。仍各行按次分敘。其文武同屬一事一案

者。俱按官階為後先。以昭秩序。○三十三年奏准。內外各官議處事件。俱由吏部考功司覈辦。其吏部滿漢堂司各官。凡有應得處分。及議敘。議處開復案件。將職名送都察院查辦。○四十五年覆准。京畿道為都察院代辦堂事之員。凡本衙門議奏議覆事件。及吏部議處議敘。俱由該道覈定。遇有應行議處之件。將京畿道一併奏。分別察議。○四十七年

諭。各部院遇有議處案件。僅止送滿漢司員各一人。積習相沿。官官相護。試思同在一司辦事。既經叅處。豈有止開送一二人之理乎。且將來承辦事件。各司員恃有卸責歸過之人。不肯一體留心辦公。亦非所以勵職守而昭懲儆。嗣後各衙門有承辦錯誤。應送該司員等職名時。將該司主稿及隨同畫稿司員。一併咨送分別議處。其有應行議敘之處。亦將合司開送。庶於懲勸之道。方為平允。

行取職名遲延。○康熙九年議准。凡官員奉上。司行取職名。遲延者罰俸一年。轉催官罰俸六月。○乾隆四年奏准。凡屬員應行叅處事件。該專管上司。如並無情節。應行查詢者。即當依限



揭叅。若專管上司揭報遲延。皆照事件遲延例議處。不得藉本人自行開送職名遲延名色。希圖推卸。○又議准。事件遲延。該管府州遺漏不行查叅者。於揭報遲延處分之外。再罰俸六月。明知遲延不行查叅者。降二級調用。已經查叅。或司道遺漏揭報。或明知不叅。亦照府州例議處。○三十三年

諭。前因吏部議處刑部辦理延錫保一案外錯。該堂官將應議職名咨送遲延。已降旨交部察議。查送應議職名。不過開寫銜名。移送過部。並非難辦之事。何至動輒遲延月餘之久。即此可見各衙門諸事廢弛。不可不加整飭。著吏兵二部。將在京各衙門咨送議處職名日期。另行定議。嗣後並於議處本內。將何日查取職名。何日覆到之處。詳晰聲明。至在外各省分。均按其道里遠近。以次定議。儘各省有應在所屬地方轉查。不能於定限日期開送者。即令該督撫將轉查展限若干日之處。咨部叵查。該部亦於本內將行查覆到日期。一併聲明。並知照應行稽查之內閣科道等衙門。如有逾限。即著據實奏。欽此。遵旨議定。在京各衙門議處事件。該衙門自行奏。將

應議職名列入摺內。奉

旨後。即咨部議處。毋庸另文立限。如有不列職名。籠統奏。將該管大臣罰俸三月。不由本衙門奏。必待查取職名者。定限五日開送。若有關歷任處分。必須詳查。定限十日開送。俱於文內聲明。吏部即將查取開送月日。於議處本內聲敘。如有遲延。請

旨交議。將咨送逾違之員。照部院衙門事件遲延例議處。其外省各衙門到京日期。俱照里數定。○四十七年奏准。州縣承辦案件遲延。該上司例有議處者。即於查叅州縣案內。將上司職名。一併開送。如不行開送。或開送之中。復有遺漏。經部行查者。除該上司照例議處外。再罰俸一年。○又議准。官員承辦案件。有應議降俸降職降級革職留任。當補送職名時。事未完結。尚有展叅者。照例議處。俟結案之日開復。如補送職名時。其案已結。不便一面議處。一面開復。將降俸降職等案。俱以罰俸一年完結。降革留任等案。俱以罰俸二年完結。○嘉慶十一年奏准。官員議處職名。開報遲延。十日以內者。免議。十日以外。未及一月者。罰



俸三月。一月以上者。罰俸一年。半年以上者。罰俸二年。一年以上者。降一級留任。二年以上者。降一級調用。再有遲延。按年以次遞加。儘實係有意延挨。經督撫奏。即照規避例。革職。該上司轉報遲延。亦按其任月日。照所屬開揭遲延例議處。○道光元年奏准。官員開揭本身應議職名遲延一月以上者。罰俸一年。半年以上者。罰俸二年。一年以上者。降一級留任。二年以上者。降一級調用。三年以上者。降二級調用。儘係有意延挨。希圖倖免。經該督撫奏。查係例應實降者。照規避例。革職。如例止降留者。議以降一級調用。例止罰俸者。議以降一級留任。其屬員已將職名開送。而上司轉報遲延者。一月以上。罰俸六月。半年以上。罰俸一年。一年以上。罰俸二年。二年以上。降一級留任。三年以上。降一級調用。若本員已毋庸議。休致病類其上司轉報遲延處分。亦予寬免。○又奏准。接任官開揭前任職名。以到任之日起。聽給三月之限。如限外遲延一月以上者。罰俸六月。半年以上者。罰俸一年。一年以上者。罰俸二年。二年以上者。降

一級留任。三年以上者。降一級調用。其接任上司。轉報遲延一月以上者。免議。半年以上者。罰俸六月。一年以上者。罰俸一年。二年以上者。罰俸二年。三年以上者。降一級留任。如前任之員。已毋庸議。其開揭轉報遲延各處分。均予寬免。若例應補取職名之案。覈計已在三十年以前。則事閱多年。官非一任。但須將案由明白造報。毋庸扣算遲延。

議處出師官員。○雍正九年議准。差往出征官員。遇有議處之案。例應罰俸者。准其註冊。於事竣之日。補行罰俸。應降級留任革職留任者。仍按年限咨題開復。應降級調用者。帶所降之級。仍留軍營效力。於事竣之日。該管官將該員出具考語。給咨送部引。

見請  
旨。其例應革職之案。即於議處本內。將該員應否仍留軍營效力之處。聲明請  
旨。如准留軍營效力。亦俟事竣之日。該管官將該員出具考語。給咨送部引  
見請



旨。以上降革留營效力官員。暫停開缺。照原官支食俸餉等項。以資養贍。○乾隆三十八年奏准。伊犁。烏魯木齊。巴里坤。三處。駐防額缺大臣官員。遇有降革罰俸等案。毋庸註冊。照內地駐防一例定議。○咸豐十一年奏准。官員處分。事關軍務。惟失守城池。統帶兵勇所得處分。不准查抵。其餘因公處分。仍照例准其抵銷。

兩任內議敘議處。○雍正十一年。四川省題請議敘。拏獲賭具。由部議覆具題奉

旨。此本內議敘之處。該部照例於總督任內議敘。又於

署提督任內議敘。但拏獲賭具僅一案。以一人而兩處議敘。未免重複。巡撫總督。皆著紀錄二次。嗣後有似此一人而兼數任者。遇有議敘事件。若僅止一案。止就一任內議敘。如遇有處分事件。亦止就一任內處分。將此永著為例。

合辭具題。○康熙九年題准。督撫將會議事件。並未會同議定。遽稱合辭題奏者。罰俸六月。○十五年議准。總督合辭具題之事。未經詳查。即行列名之巡撫。亦罰俸六月。○二十三年議准。督撫會題之事。如有不合。分別議處。凡承行具

題官革職。將列名具題官降四級調用。如承行具題官降級調用。將列名具題官降一級留任。如承行具題官降級留任。將列名具題官罰俸一年。如承行具題官罰俸一年。將列名具題官罰俸六月。如承行具題官罰俸六月。將列名具題官罰俸三月。如承行具題官罰俸三月。將列名具題官免議。○嘉慶八年

諭。據顏檢奏請將三河縣知縣張力勤調補武清縣。已批交吏部議奏矣。閱其摺尾。有會同兼管順天府尹戴衢亨等恭摺具奏之語。本日召見軍機大臣。面詢戴衢亨。據稱並未知此事。可見外省於會銜具奏事件。並不事前咨商。僅於陳奏後關會。實為相沿陋習。此等調補人員。本非迫不及待之事。既係例應會銜奏請。自當將人地是否相宜。彼此詳細公商。以昭慎重。况奏調之員。若列名會奏之人。竟不與聞其事。將來設遇所保非人。自當一律交議。徒代他人任咎。則會銜一節。不幾成具文耶。著通諭各督撫。嗣後遇有彼此會銜。及會同府尹河督漕督學政等衙門具奏事件。總當先期咨會。共同商定。俟有回文。始行具奏。儻應會不會。或僅於事後關會者。即著應行會銜之



員據實參奏。交部議處。以杜專擅之弊。○又

諭。據高杞奏。前此會同吳熊光題請將臨湘縣知縣周甯遠調補湘潭縣知縣。現經部駁。將該督撫均議以罰俸。此案吳熊光並未會稿。不敢不據實陳明等語。外省會奏之事。往往列名之人。尚未豫知。即將銜名一體列入。僅於事後送稿補畫。最為相沿陋習。本年五月內。因直隸總督顏檢將三河縣知縣張力勤調補武清縣。並未咨商順天府尹。即行會銜奏請。曾經降旨通諭。嗣後督撫等。凡涉會銜。皆須先期咨會。公同酌商。俟得有回文。再行具奏。今高杞於題請臨湘縣知縣周甯遠調補湘潭縣一事。又係一人專辦。並未與吳熊光會商。實屬非是。今周甯遠既不合例。督臣撫臣。皆有應得處分。吳熊光並未會稿。與伊何涉。即如在京部院堂司各官。若將題稿內未經閱畫之人。亦率於本內一體列名。設有錯誤。又豈能代他人任過耶。此次高杞辦理錯誤。在未奉前旨之先。姑免深究。所有吳熊光罰俸處分。著寬免。嗣後內外各衙門。務當遵照前旨。於會題會奏事件。必俟會商定稿後。方准題奏。儻再專擅錯誤。必當交部懲處。

從重歸結。○乾隆四年奏准。凡官員議處案件。

實係一事。而其中有兩罪名相因而致者。如承審事件。錯擬罪名。有失入之人。即有失出之人。職司關汎。衙役賄縱出口。失察出口之人。即失察賄縱之人。似此確係一事。而罪名實為相因。自應從重議處。再如命案檢驗。錯認傷痕。以致不能審出實情。又如清文譯漢。情節舛錯。以致事件誤行准駁。似此所犯罪名。雖有先後。實係一事相因而及。亦應按其所犯重罪議處。再科場內作弊頂冒之人。又復作弊換卷。所犯雖屬二事。而作弊總屬一人。既與兩次犯罪者不同。

即與兩次失察者有間。似此犯罪止係一人。而處分應有兩罪者。亦應從重定議。至頂替換卷等弊。犯罪各有數人。或先發覺者一起。後發覺者一起。查參既分兩次。失察亦屬各項。即應分案議處。此外如辦理公務。失察衙役犯贓。又失察家人犯贓。所犯之人。既有兩種。失察之咎。亦必逐案分議。又如盜案疏防。一日數起。倉場放米。前後冒領。雖同在一日。共屬一事。而疏防冒領。皆不得混行牽引。再如列款糾參。一案之內。而罪名實不相同。刑名錢穀。一人之事。而款件



各不相涉。皆應仍照向例分別察議。

處分遇

赦○康熙五十二年議定。凡違限初參各官。援

赦免議。嗣後復以違限題參者。照初參例處分。若未

經過

赦之初參各官。復經題參者。仍照復參例議處。○雍

正十二年奏准。凡官員承追督催等項案件。遇

赦。皆於

赦後起限。限滿仍未完結。皆作初參處分。至承追督

催官員。已經察議咨行。

赦後別行扣限承辦者。從前原議處分。皆准寬免。若

於遇

赦時。參限次數屆滿。止將處分寬免。不必別行起限。

○道光四年奏准。承催督催錢糧。欽奉

恩旨。豁免承緝督緝罪犯。欽奉

恩旨。赦免該員。雖在任內。已無承督之責。應將現參

及原參各案。一併查銷。○又奏准。官員恭遇

恩詔。開復原議處分。凡歷任現任內。所定降革等項

事故。但於

詔內開復之款相符者。即予銷冊。毋庸具題。宗人府內務府

各官處分。不由吏部。裁議者。若居多。應聽本衙門自行查銷。

恩詔寬免現議處分。凡任內承督未完事件。無關展

參各處分。與

詔內寬免之款相符者。即予援免。至尚有展參之案。

如於初參二參限內。遇有

恩詔。即以

恩詔之日。另起初參二參限期。三參四參限內。遇有

恩詔。即另起三參四參限期。俟限滿日。仍照例議處。

○又奏准。官員承審交代。已逾初參例限。適於

二參限內恭遇

恩詔。准將

詔前遲延月日扣除不計。止將

詔後遲延月日計算議處。



欽定大清會典事例卷八十八

吏部

處分例各部院事件限期 直省承辦稽查八旗事件 稽欽部事件限期

各部院事件限期○順治十二年

諭事下部議者限十日內具奏須咨會各衙門者限二十

十日內具奏其事關刑名錢穀不能如限即結者先

期題明○十三年議准事由本衙門覆奏者限二十

日由咨會各衙門覆奏者限一箇月如有限內

難結事情聽該衙門豫行題明展限○康熙四

十六年定部院事務每月將已完結及未完結

之處造冊分送六科科鈔並現理事事件造冊分

送各道勘對限期有遲延違誤者查叅將遲誤

之人照遲延例分別議處註銷冊內遺漏事件

者照失察案件例罰俸兩月行查月日難結情

由不行聲明及已經聲明尚有舛錯蒙混者照

行查未結概稱已結註銷例罰俸三月○又議

准各部院承辦科鈔事件凡行詢各部及外省

不能依限完結者於每月註銷冊內將行查緣

由逐一聲明如有行查未結之案概稱完結註

銷者查出將承辦註銷之人照文卷舛錯例議

處○雍正元年

諭戶部事繁科鈔限三十日會稿限四十日○又覆准

各部院繕譯筆帖式於漢字稿既定後限一日

即行繕譯繁難者限二日具稿呈堂倘有誤承

辦事件記過一次再有犯者將該筆帖式即行

革退倘有串通經承洩漏招搖等弊將該筆帖

式與經承一例治罪○又覆准定例部院衙門

案件皆有二十日限嗣後各部院堂司皆立用

印檔案事件一到即行定稿定稿後即行繕譯

說堂不得彼此推諉觀望堂號簿用堂印司號

簿用司印以便稽察○二年

諭凡交下達議事件限五日內完結○五年

諭議政大臣九卿各部院衙門八旗將應奏事件遲延

者甚多從來寬定期限者特為難辦之事應待行查

有需時日故耳今看三兩日內可以完結之易事亦

謂尚未及限怠慢推諉不即辦理具奏及至屆限始

行具奏與原定期限之意實屬相違凡事應隨到隨

即辦理完結乃將並非難辦之事藉延時日此不過

從中作弊以為請託之地而已毫無裨益著議政大



臣九卿將易於辦理事務。作何另定期限之處。詳細議奏。欽此。遵

旨議定。嗣後除兩衙門會稿。八旗會議。仍照定限完結

外。一應不待查覈易於辦理事務。如吏禮兵刑工等衙門。向例二十日完結者。今定限十日完結。戶部向例三十日完結者。今定限二十日完結。其八旗及當月旗分。所辦易結事件。俱定限十日完結。至議政及九卿會議。向無定限。嗣後如有行查事件。定限三十日完結。不待行查易完之事。限十日完結。定限之後。儻仍有急緩遲

延。互相推諉。以致違限未結者。內閣科道查出糾參。照例議處。再兩衙門會稿。雖有定限。但止有主稿衙門逾限處分。以致稿案吞送去後。會稿衙門。往往任意遲延。嗣後會稿移送之處。定限十日送回。如逾限不行送回。主稿衙門。即知會科道等題參。○十二年定。部院一切應行文字事件。均於到司五日之內。即令行文。其有訛誤舛錯之處。未經查出者。將專管直日之漢司官。照文案舛錯例議處。至應行文字事件。遺漏未行。或遲延日久。滿漢各官。均難辭咎。應將滿漢各

官。一併查參。遺漏未行者。照例罰俸兩月。再各部院衙門。彼此文移。均兼清漢。嗣後如字內有舛錯訛誤之處。未經查出。並將專管直日之滿洲司官。照例議處。○又議准。各部院咨文事件。於文到之日。該司務廳按日登記號簿。呈堂標到部日期。分發各司。該司又按每日所收咨文。註明日期定稿。即將原咨黏連稿後。並於稿內將咨文到司日期註明。如有辦理遲延者。該堂官計日扣限。易於稽查。如有行查各衙門者。亦令按次詳載。以憑查覈。○乾隆四年覆准。凡部

院將應結之事。故為駁詰者。各該稽查之科道衙門。即行參奏。交部將該司官罰俸六月。堂官罰俸三月。○又議准。凡議敘案件。一案之中。有一二字重複錯誤。原卷可以查明者。即查明改正。准予議敘。不得藉端駁詰。及巧為需索。如有濫行駁詰者。將承辦之員。查明題參。照故為駁詰例。議處。如有不肖官吏。藉此需索者。訪明嚴參。交部治罪。○五年議准。各衙門具題事件。以交繕本處日期為止。九卿會議事件。以九卿上班日期為止。如應行查者。承辦衙門除去咨詢



日期。按限完結。遲延一日至十日者。罰俸一月。十日以上。罰俸三月。二十日以上。罰俸六月。三十日以上。罰俸一年。該堂官於屬官逾限事件。自行查參者免議。倘有逾限既未完結。又未查參。經別衙門查參。如承辦官罰俸一月者。堂官免議。承辦官罰俸三月者。堂官罰俸一月。承辦官罰俸六月者。堂官罰俸三月。承辦官罰俸一年者。堂官罰俸六月。○十四年

諭。嗣後各部事件。在本部題結者。吏禮兵工等部及各衙門。均定限二十日。戶刑二部。定限三十日。行查會稿。係吏禮兵工及各衙門主稿者。定限四十日。戶刑二部。定限五十日。內所會各衙門。各定限五日。戶刑二部。定限十日。逾限即行參處。○十五年

諭。嗣後各該衙門支領文移。遇有不兼清漢。及一切應駁事件。皆令收文之員。回明堂官。移查本處。並將移文之員。留待咨覆。收文處不得隨收隨駁。無可稽考。如此則查覈尤為詳密。而作偽者無所容。將此永著為例。○十六年。覆准各衙門如有自行奏准工程及事非尋常。係格外支領等項。務將辦理緣由。備具清漢文移。報明戶部。戶部驗確。即知會該衙

門。出具印領。委官齋赴戶部。覈對相符。然後劄庫給發。○十七年。議准部院衙門。各司屬中移付事件。凡有關題奏等案。均照各衙門會稿定限移覆。付督催所稽查。照例註銷。○二十九年。覆准各部院衙門。封印期內。各省投到公文。仍令各提塘照常隨時投遞。標寫開印日期發司。緊要者隨時趕辦。如係尋常事件。次第查案辦稿。○又奏准各部會稿。有應送數衙門會議者。主稿衙門。即一面查辦。一面將所會各衙門事理。分繕副稿。同日咨送會議。俱令依限送回。仍

於註銷冊內。將會稿定議日期。逐一詳開。移會科道。以便查覈。會稿內有關現任文武官員實降實革者。主稿衙門。於會齊之後。限五日內。即行具題。刑部題案繁多。限十日具題。仍將出本日期。按月造冊。交科道稽查。○三十年。奏准戶部承辦奏銷案件。於科鈔到部日。限十日內。先將應行查覈款項。摘出呈堂。行文各衙門查覈。一面將不待行查款項。逐一詳悉覈算明確。即行具稿呈堂。辦理。俟各衙門咨覆到齊之日。一併敘入稿內。如有遲延。該堂官即將遲延之司



員查參。至行查各衙門。逾限不行查覆者。亦令該堂官將該司員查參。○又奏准各部司員係已仕歷任者。遇有會稿事件。令其辦理。係初任之員。務於一年後稍諳部務。方准承辦。如未滿一年。果能辦事無誤。亦必經該堂官派出。准其一體辦理。儻互相推諉。仍令初選不諳之員承辦。以致事有舛錯。應將該司推諉之滿漢司員。照推諉事件例。罰俸一年。○三十二年覆准各部院衙門應題事件。吏禮兵三部專題案件。呈堂定議後。即於二十日限內。交本房繕本。交本房後。限十日內具題。彙題案件。均於交本房後。限二十日內具題。戶部題本。於交本房後。限二十五日內具題。刑部專題。彙題。案件。於交本房後。限五十日內具題。工部題本。於交本房後。限三十日內具題。都察院以及事簡各衙門專題。彙題。案件。俱於交本房後。限十日內具題。彙題案件。交本房後。如有應送會稿衙門。更改事故者。照限扣展。各衙門具題時。適屆限滿。遇例不進本日期。仍按日扣除。刑部參案。立決情罪。重大案件。應即時趕辦具題。禮部題本。案件。有

各省壽民壽婦本章。酌留二三件。以備御門恭進。均毋庸定限。○三十七年奏准刑部現審尋常案件。如遇鞠訊難結之事。呈堂時。適已屆限。堂官內未能盡全者。即將未曾盡全緣由。於冊內聲明。准入註銷。俟完竣行文後。於下次註銷時。知照科道查覈。○四十五年奏准吏部承辦議敘。議處彙題案件。有十日一月半月盜案之別。每題一次。自一百件。至二三百件不等。除堂畫小稿。及繕本各限期。仍照例扣算外。其彙辦行文付。註冊繕清。查抵加級紀錄各事宜。統限以三十日辦竣。即交與檔房繕本具題。○五十五年奏准在京各部院衙門行查事件。單片聲覆者。如查例及現辦易覆各案。限五日咨覆。辦稿呈堂聲覆者。如查覈錢糧。及遠年舊事。難覆各案。吏禮兵工四部。限十日咨覆。戶刑二部。限十五日咨覆。○五十六年奏准各部院會稿內。如文武各員。均應議處。其一人任內。僅止會銜。無關處分者。均令主稿衙門查註各兼銜。毋庸會議。○又

諭。向來戶刑二部。案件繁多。定例題本限期較寬。但查

一第 冊 賣多日車全書 第 10 反文內



覈錢糧。研求情罪。雖比別部事件。稍需時日。亦不宜過於稽緩。嗣後戶刑二部題本。俱著統以八十日為限。刑部八九兩月應題之本。仍准照百日之限。其各部題本限期。俱照舊例辦理。毋任遲延。○嘉慶五年。奏准部院衙門一切先行及專題事件。俱限五日內行文。彙題事件。限一月內行文。如有遲延。照在京衙門事件遲延例議處。○八年。

諭。近來各部院衙門承辦事件。每有遲延。昨日朕偶思及通政司參議誠存。早經加恩議敘。何以日久未據該部具題。諭令軍機大臣查明覆奏。茲據奏稱此件。諭旨。自四月初三日傳鈔到部。吏部於初八日定稿。移文繕書房。繕譯諭旨。至二十二日經繕書房繕出。交部。二十九日送交本房繕寫等語。此等議敘之本。有何難辦。既無須輾轉行查。多為商酌。何以必待頂限始行具題耶。乃繕書房遲至十五日。而吏部承辦司員。又不趕緊交辦。復遲六日始交本房繕寫。雖未逾定限。究屬因循疲玩。著將繕書房及吏部承辦各員。交各該衙門察議。其管理繕書房及吏部各堂官。俱著分別察議。嗣後各部院衙門辦理題奏事件。固須詳慎。但必當督飭承辦之員。認真趕辦。毋任稽延。

致滋曠廢。將此通諭各部院衙門知之。○九年。諭。御史王瑤臺奏請定升遷人員引見限期。以防流弊。所奏甚是。各衙門升遷員缺。事關職守。豈得任意遲緩。此後各衙門出缺引見。以及外省送部引見人員。著該部酌定限期。以杜流弊。仍隨時知照稽察各衙門。如有逾限。即行參處。示儆。欽此。遵。

旨議定。嗣後除滿漢月官月選筆帖式。各省保薦俸滿。教職及現任人員升補。有關開缺者。各按截缺日期。先期帶領引見。

見外。至在京各衙門應行題補之缺。出缺後限二十日內帶領。如有須行查者。酌寬十日。定限三十日內帶領。再內外雜項人員。到部驗到後。統限二十日內帶領。其有須行查者。亦酌寬十日。定以三十日內帶領。其雜項人員。隨時驗到。積至一二十員。即作為一班。儘數帶領。設人數過多。不能按限儘數帶領者。總以有關積缺開缺人員。先儘引見。

見。至應行帶領人員內。有驗到後呈報事故。或遇直日推班。並封印日期。不能帶領引見者。仍將詳細緣由。移咨稽察衙門查覆。其各衙門



應行帶領引

見之員均定限在三十日之內如有不能依限帶領

之處亦即自行知照稽察各衙門以憑查覈○

十年

諭據兵部彙題議覆盜案等項尋常事件一本向來吏

兵二部於此等議覆各案俱歸入彙題本內或十日

具題一次或十五日具題一次即遇有特旨交議事

件亦並不另本題覆以致本內臚列案件紛繁多者

篇幅盈尺少者數百頁朕披覽章疏固不厭繁多而

部中於應辦事件積壓遲延久懸案牘殊非慎重辦

公之道即如本內議敘司鑰長舒隆阿等獲書吏陳

瑞華偷盜印冊一案係於三月十六日經奕紹具奏

奉旨特交議敘之件迄今已閱三月始據歸入彙題

案內議覆實屬任意遲緩試思此等議敘案件非如

議處各案尚須輾轉咨查致稽時日者可比嗣後吏

兵二部於尋常交議案件固不得怠緩遲逾若有特

旨交議案件或專摺具奏或另為一本及早議覆不

得歸入彙題本內併案辦理以致因循延閣若再有

特旨交議歸入彙題者該堂司各員一併嚴議著為

令欽此遵

旨議准將承辦此案之司員罰俸三月堂官罰俸一月

○十一年

諭嗣後吏部等衙門遇有特旨交議之件該堂官等止

須將該員應得降級罰俸處分查覈例案定議具奏

並於摺內聲明係奉特旨交議之件毋庸查取加級

紀錄議抵俟奏上時朕覈其情節輕重量予區分其

加恩准抵者於奉旨後再將該員有無加級紀錄詳

覈彙題該堂官等不得仍以咨查為詞藉端遲滯儻

復任意延閣必將該堂官懲處不貸○又

諭吏部具題湖南嶽麓書院掌教羅典主講又屆六年

照例准其紀錄二次一本已依議行矣此係十月初

九日批交該部議奏之摺距今已及一月此等照例

議敘掌教之件止須遵照上次成案予以紀錄二次

毋庸輾轉咨查何至稽延一月之久始行繕本具題

殊屬延緩所有吏部堂官著傳旨申飭嗣後各部院

衙門遇有特交事件俱著隨時具摺覆奏不得延至

頂限之期始行具題○又奏准凡奉

特旨交議事件除宗人府內務府各官有無加級紀

錄等項必須行文咨取者先將該員應得降罰

處分定擬具奏俟



命下之日。移咨辦理外。至各部院以及各省大小官員。向有冊檔可稽者。仍將該員有無加級紀錄。革職留任之處。隨摺聲敘。俟奉

旨後。將准抵者。即行註冊。其不准抵者。即行開缺。○又奏准。八旗官員俸米冊檔具領。於每月初十日內送部。八旗甲米並家口冊檔具領。於每月十五日內送部。如有逾限。照造冊遲延例。議處。倉場限兩月內放完俸米。一月內放完甲米。仍將各旗送檔。戶部劄倉各倉開放月日。咨明都察院查覈。如有逾限。係何衙門遲延。查明參

奏。至補領米檔。於劄倉之日。限十日放完。交查旗御史。就近稽查。如限內不完。將監督並監放米石旗員議處。違限一日至十日者。罰俸一月。十日以上者。罰俸三月。二十日以上者。罰俸六月。一月以上者。罰俸一年。兩月以上者。罰俸二年。凡官兵俸餉。亦照此例辦理。○十四年

諭。現屆封印日期。不遠。各衙門自應將應辦事件。上緊趕辦。次第陳奏。庶不致有積壓之慮。乃本日悅心殿傳膳辦事。止有步軍統領衙門封奏一件。此外六部俱不奏事。將來封印期迫。勢必至一日之內。紛紛陳

奏。轉多擁擠。殊非辦公之道。嗣後各衙門務將應辦事件。隨時上緊陳奏。毋得仍前延緩。○十六年奏准

各衙門滿漢各官應題之缺。查覈到部時。吏部以堂到後發司之日起。文選司限五日內具稿。呈堂。堂官亦限五日內畫齊。扣滿十日行文。不得故違。亦不得少速。以杜積壓之弊。儻有不合例事故。例應駁查本衙門者。以後次咨到之日。另行起限。各衙門於出缺之日起。限十日內查覈過部。吏部按限查覆各衙門。限十日內帶領引見。前後統限二十日。仍於引

見後。將日期知照吏部及稽查各衙門。查明有無往返駁查日期。如有遲延。即查取職名議處。○十八年

諭。嗣後部中題奏事件。著照該御史所奏。將科鈔咨文何日到部。該衙門何日具題。俱於本尾聲明。如有遲延。即行附參。至題本奉旨後行文。以及咨行外省事件。著各衙門設立號簿登記。如有遲延。分別記過參處。○二十二年

諭。向來部院遇有議處事件。每因查被議之員。有無加級紀錄。以致議奏遲延。嗣後著於奉旨五日之內。即



行議上其例不准抵者。於摺尾聲明。即係應以級紀議抵者。亦毋庸先行查計。著於摺尾聲敘。例係應行議抵之案。可否准其抵銷。請旨遵行。如奉旨不准抵銷。毋庸查計。若准其抵銷。再行查明數辦。○又

諭。吏部議處事件。奉特旨交議者。仍依定限於五日內專摺具奏。其各衙門自請議處。及參奏議處者。事件繁多。若概用摺奏。未免煩瑣。均著照例具題。惟此內應專案具題之件。亦當予以限期。著定限二十日具題。如有違逾。將該部堂司官議處。道光四年奏定。文武官員。有同案議處者。如文職在先。則由吏

部主稿移送兵部會議。如武職在先。則由兵部主稿移送吏部會議。俱令依限送回。二十五年

諭。前據御史張錫庚奏請飭覈對文簿。以免積壓。當有旨交各衙門堂官悉心議奏。節據各該衙門分別情形。或量為變通。或照舊辦理。均經定議具奏。各衙門文移往來。皆有簿冊可憑。如果實力稽查。何致有延閣不辦之事。現既據議立章程。嗣後著各照所議。責成該司員等詳細覈對。認真辦理。其有已發咨移。而承辦衙門日久未辦者。內而大小衙門外。而督撫均著將所發文移。註明日。一體查催。係由何處捺閣

不難從此根究。立予嚴懲。經此次嚴諭之後。如該司員等仍敢漫不經心。任令不肖書吏。將所收文移。延閣科房。並不稟請標畫。以致積壓日久。不行辦稿。一經發覺。即將本任專管之司員革職。永不敘用。其承行書吏。立即鎖拿。交刑部治罪。並將該堂官等照例議處。咸豐七年

諭。嗣後凡有加恩諭旨。均著於五日內行文。毋得遲延。稽查八旗事件限期。乾隆二年覆准。凡各旗都統參領所辦事件。有未妥協以及遲延者。稽查該旗御史。不行查出參奏。別經發覺者。將查

旗之御史。照不行詳察例。罰俸六月。儻有瞻徇情面。明知錯謬。不行參奏者。照徇情例。降二級調用。三年定稽查內務府衙門。並上三旗之御史。亦照稽查八旗之例。不必逐年更換。如該御史有升遷離任等項事故。即令新補之人。辦理稽查。儻有遲延。違限。經該御史查出題參。將承辦之郎中。員外郎等官。及徇隱之內務府總管。均照事件違限例。議處。如該御史徇隱不參。照不據實陳奏例。降一級調用。嘉慶五年奏准。內務府衙門事件。儻有遲延。違限。稽查該衙門御



史查出題。如徇隱不參降二級調用。道光四年奏定。內務府衙門事件。遲延逾限。如稽查該衙門御史。失於參奏。罰俸六月。徇隱者降二級調用。直省承辦。

欽部事件限期。順治十三年題准。直省

欽件限期。地有遠近。事有繁簡。直隸限三箇月。奉天

同。山東。山西限三箇月半。河南限四箇月。江南

湖廣陝西延綏通限五箇月。浙江湖南甯夏通

限六箇月。南贛限六箇月半。福建四川廣西甘

肅廣東通限七箇月。各令依限奏結。如事有限

內難結者。聽該督撫按詳開事由。於限內題請

展限。十八年題准。凡行查在外事件。按地方

遠近立限。以文到為始。直隸山東山西河南陝

西限四箇月。江南浙江湖廣江西限五箇月。福

建廣東廣西限六箇月。雲南貴州四川限七箇

月。儻有繁重事情。限內不能即結者。許題明展

期。其違限一月者。罰俸三月。違限二月者。罰俸

六月。違限三月者。罰俸九月。違限四五月者。罰

俸一年。違限半年以上者。降一級調用。一年以

上者。降二級調用。二年以上者。革職。違限不及

一月者免議。至各部院題覆一應事件。違限者俱照此例治罪。其本章咨文送到日期。務於疏內註明。又議准。甘肅巡撫。照四川例限七箇月報完。又議准。直省督撫。凡遇部院移行

欽件。必逐一查明。某部某事。係何月何日咨到。或前任

督撫。已違限期。方行交代者。令其明白具題。康熙

元年議准。直省衙門事件。由督撫行司道府司

道府行州縣者。俱不得過二十日之限。若事不能

如限即結。亦必豫請展期。違者聽督撫糾參。照例

治罪。三年議准。督撫題參。遲延官員。必開明違

限月日。違者聽該部院糾參。督撫罰俸六月。其違

限緣由。仍駁回查明。九年議准。直省巡撫。遇

欽部事件。以文到之日為始。通限以四箇月具題。其

總督駐紮本省地方事件。照巡撫限期。統轄隔

省地方事件。限六箇月具題。違限者。罪坐督撫

不得分坐道府州縣等官。又題准。陝甘總督

所管甘肅兩廣總督。與廣東巡撫。所管瓊州。雖

係本省地方。相隔遙遠。應照隔省例。限以六箇

月具題。十五年議准。各直省事件。督撫違限一

月者。罰俸三月。違限二月者。罰俸六月。違限三月



者。罰俸九月。違限四五月者。罰俸一年。違限半年以上者。降一級留任。違限一年以上者。降二級留任。違限二年以上者。降三級調用。○又議准承辦欽部事件各官。均照定限辦理完結。如案情繁重限內必不能完結者。承辦官將此情由。申詳督撫題明。

展限如承辦官將易結之事。遷延不結。或將難結情由。不豫行申詳督撫。經督撫題參。雖期限未滿及逾限不及一月者。將承辦官罰俸三月。至逾限一月及一月以上者。不論事件已結未結。將承辦官罰俸一年。督撫計月處分。○二十三年議

准凡督撫新任接署事件。俱以到任署任日期扣算。原限四箇月者。展限兩月。原限六箇月者。展限三月。各遵照完結。○又題准新任督撫有欽部事件難結者。以到任日期為始。展限兩月。停其具疏題請。○四十六年

諭部院事務。科道官員。於每月稽查其完結與未完結之處具題。其各省事務。並無稽查具題之處。以致錢糧盜案人命事務。往往遷延數年數月。嗣後凡奉旨之事。交與何官料理究審。完結與未完結之處。令該督撫等於春夏秋冬四季奏聞。其各部所交之事。完

結未完結。亦令各部稽察。於四季奏聞。○五十二年恩詔。內文武官員。除大計軍政處分外。其現在議革議降議罰戴罪住俸等項。各該衙門悉與奏明寬宥。欽此。遵

旨議定。違限初參各官。援

赦免議。嗣後復以違限題參者。照初參例處分。若未經遇

赦初參各官。復經題參者。仍照復參例議處。○五十

七年覆准。凡交代承審遷延。與追緝不力等應參事件。該督撫不必另本具題。各照例限咨明

各部。處分俱入彙題完結。○又覆准部駁再審事件。令該督撫虛心按律改正具題。承審官從

前舛錯之處。免其議處。若駁至第三次。該督撫不為酌量情罪改正。仍執原擬具題者。該部院

衙門覆覈改正。將承審各官。並該督撫交部議處。○雍正元年

諭各省已未完結事件。停其四季造冊奏聞。○五年覆

准各省州縣奉到部文查審事件。定例均以督撫准咨日期扣算。四箇月咨題。州縣距省程途

遠近不一。若俱一例扣限。參處似未均平。嗣後



奉部查審事件。除臺灣瓊州苗疆地方仍照定例遵行外。其各省內地。均以州縣奉文之日起。扣限四箇月。各題完結。其各州縣距省水陸里數。行令各督撫查明。造冊報部存案。於限滿各案。將里數各內聲明。各衙門照冊查對。以杜捏飾。遲延之弊。至各督撫接准部文。俱限於三日內。即行檄飭所屬。不得遲緩。如逾三日之限。照遲延例參處。又督撫將部文行司。必由司而府。轉行州縣。未免遲緩時日。應令督撫行司之後。即飭該司一面徑行州縣。一面仍行該道府。轉行所屬。○乾隆十五年議准。凡都察院據呈各行案件。該督撫即將准咨日期。先行咨報一面。速飭承辦各官。依限查覆。果有難結緣由。即於正限內。詳報咨展。如並無難結而逾限不行。咨覆者。照事件遲延例。分別議處。如限內任意耽延。及至逾限之後。捏詞蒙混。託故申覆者。經都察院參奏。將承辦官照蒙混造冊例。降一級調用。轉報之上司。罰俸一年。不行詳察之督撫。罰俸六月。○又奏准。官員辦理

欽部事件。逾限不及一月完結者。比照逾限不及一

月事未完結。罰俸三月之例。量為酌減。罰俸一月。○又奏准。凡接扣限期。均於初參限滿日。接扣二參限期。不得以接到部覆之日。始行起限。致滋延展。○四十七年奏准。官員承辦

欽部事件。逾限一月並一月以上者。仍照舊例。罰俸一年。若遲延半年以上者。罰俸二年。一年以上者。降一級留任。○五十四年奏准。凡通行各省督撫。按依本地情形。詳細妥議案件。及奉部咨取駁查事件。俱以接到部文之日為始。除道路遠近。按例扣算往返程途外。統限二十日內。出文咨部。如有必須輾轉行查所屬。以及行款過多。應行造冊咨覆者。以一月造冊咨覆。有因報銷錢糧冊籍繁多。一時不能確數者。即於限內咨明扣除。如有遲延。照例議處。新疆辦事大臣。遇行查事件。亦照此例。扣算議處。該部仍計各省程途遠近。按月查覈。其有例限已屆。尚未覆到者。即行嚴催。如承辦司員。不行查催。該堂官查參議處。僅部駁至再。仍含糊聲覆。即覈明本案題駁。將督撫及承辦之員。隨時查參議處。○嘉慶七年



諭嗣後各直省督撫。凡遇地方應辦事件。務須依限完結。不可遲延。至奉旨特交之件。尤當迅速辦理。若再有延玩。定當嚴行懲治不貸。○九年

諭嗣後各該督撫等於部行事件。總當嚴飭屬吏。上緊辦理。毋得玩愒從事。自干咎戾。○十二年

諭近來各省文審事件甚多。而奏結者甚少。該督撫於奉文之後。任意延宕。經年累月。怠惰因循。以致善良赴訴不休。而姦民告訐愈甚。獄訟之繁。皆由於此。第各衙門奏交咨交之件。其情事輕重。竟有不同。尚應分別覈辦。即如特旨交審事件。此與派欽差前往無異。何以欽差馳至該省。無不迅速奏結。而督撫承審之案。動輒稽延。即云案犯不齊。亦無難勒限嚴提。何得有心泄泄。嗣後特交事件。著該督撫於奉文之後。隨時咨報軍機處。自原告到省之日起。依限審結。即有因人證難齊。或該督撫有公出事件。不得不稍為展緩。亦當隨案報明。儘涉遲逾。即行分別奏奏。其各衙門咨交事件。亦著照此登記檔案。依限飭催。如違分別辦理。至各省距京道路遠近不同。案情亦繁簡互異。即各省交審案件。亦多少不一。其應如何分別立限酌定處分。並著吏部參考舊例。定議具奏。欽此。

遵  
旨議定。凡特旨交審案件。以提齊人犯之日起。限兩月完結。部院咨交之件。以接奉咨文之日起。限四月完結。俱令該督撫親提審訊。不得有逾例限。如或因隔省行提人證。或該督撫有公出事件。限內實有難結緣由。係特交之件。令其隨時咨報軍機處。係咨交之件。隨時咨報原交衙門。俟審結之日。仍於奏摺後。並咨覆文內。將例限起止。及曾經咨報展限若干。月日之處。逐細聲明。兼報吏部查覈。照例准其扣除。儘無故遲延。逾限不及一月者。將該督撫罰俸三月。逾限一月以上者。將該督撫罰俸一年。如無故遲延至三月以上。即將該督撫照任意耽延例降一級調用。如無故遲延至半年以上。即將該督撫照易結不結例革職。○十六年奏准。部院衙門咨交案件。督撫因公務繁劇。將情節較輕之案。轉委屬員訊辦者。應給予分限兩月。如有遲延議處。逾限不及一月者。罰俸三月。逾限一月以上者。罰俸一年。如無故遲延至三月



以上者。即照任意耽延例降一級調用。如無故遲至半年以上者。照易結不結例革職。其委員審辦遲延。每屆彙案之期。將督催不力之督撫藩臬。併計覈議。將藩臬兩司罰俸一年。督撫罰俸六月。應令各督撫於每屆半年逾限未結者。即分別奏請議處。至關提人犯。務令各該管地方官迅速拏解。歸案審辦。免差至控案。如有人犯潛逃。要證遠出。令該地方官確切查明。取具鄰族甘結。該縣加具切實印結。詳報上司備案。仍一面查明該犯貿易何處。及潛逃何方。詳報

關查。速即拏解。如逾限不發。分別議處。○十八年

諭。外省遇有特交咨文審辦各案件。如實有不能依限完結者。均著分別奏咨。以備查覈。即疊覆部院咨查事件。亦著將何日接准部文。何日咨覆。一併詳敘。違限者均予參處。○二十三年奏准。直省督撫於各部院查催事件。咨覆遲延。自十一案至二十案者。罰俸六月。二十一案至四十案者。罰俸二年。四十一案至六十案者。降二級留任。六十一案至八十案者。降四級留任。八十一案以上者。降二級調用。其由司道府州縣等官詳覆遲延者。仍

照承辦

欽部事件遲延例議處。○道光五年

諭。御史劉光三奏請嚴定咨查直省事件。逾限不覆章程一摺。向來六部等衙門咨查各省事件。無論案關題奏。俱應依限咨覆。所以照庶績而做泄玩也。如該御史所奏。近日外省接到部咨。大半視為具文。任意遲逾。案懸不結。以致書吏夤緣為姦。員弁規避取巧。弊端百出。著六部等衙門。將歷年咨查直省各案。派員逐一檢出。分別奏催咨催。如該省仍延閣不辦。即著查取遲延職名。參奏辦理。



欽定大清會典事例卷八十九

吏部

處分例 直省衙門事件限期 直省事件限期 盛京衙門事件限期 直省事件限期

直省衙門事件限期 ○康熙元年議准直省衙門事件由督撫行司道府司道府行州縣者俱不得過二十日之限若事不能如限即結亦必

豫請展期違者聽督撫糾參 ○二十三年議准州縣官易結之事遲延不結違限三箇月者降

三級調用四箇月者革職 ○二十四年議准凡

本章揭帖不論密題並平常事件俱令原題衙門計程定限發行揭帖內即註明日期於日期

上鈐蓋印信以便稽察所給火牌令經過驛遞用印即填註所到起發日時同本章投遞通政

司至交與驛遞齎送本章所給傳牌亦令經過驛遞填註所到起發日時投遞通政司查明有

違限者將提塘承差交該部治罪如有作弊事情從重究擬若原題衙門於本章揭帖批迴內

不寫日期到京之後在印信上填註日期者除提塘承差交部治罪外將原題將軍督撫提鎮

等題參議處 ○三十七年覆准嗣後督撫題參違限者務將易結不結情由詳查註明題參照違限月日定例議處如督撫將易結之事以為難結不行註明蒙混題參者經部查出易結不結情由將該督撫照例議處 ○乾隆十八年議准各省官員到任日期該督撫每月彙報一次其中有即應升用者上月到任之官務於次月報部以憑升用其廣東瓊州雷州廉州三府距省較遠瓊州府准展限一月雷州廉州二府准展限半月上月下旬到任官准彙入下月詳報倘有不按月咨報者照事件遲延例議處 ○二十三年奏准各省一切彙題事件限開印後兩月內具題如有遲延該部隨本查參交部議處 ○二十七年覆准各省承緝承查承追承變交代各督撫按限查參俱停其扣除封印日期若封印期內有一切犯逃之案地方官立即籤差追捕通詳各上司分關鄰境地方一體查拏各督撫按限分別查參亦不得扣除封印日期 ○三十年奏准各省督撫移咨外省查緝追變等項俱以文到之日按各定例限期令承



辨之地方官依限完結。如有推諉延挨逾限不行查覆關解及追變不力等弊。即令該管各上司。按限咨參。照例分別議處。○三十三年覆准。凡官民呈請上行事件。如起文赴選赴補。呈請開復。及民人留養贖罪等項。俱以呈報之日為始。限三月分別咨題完結。並將具呈月日聲明。以憑查覈。如有逾限。照

欽部事件。遲延例議處。儻原呈內實有舛錯遺漏。應行駁查者。俱將本案內初次呈報及批駁換詳月日。摘取簡明情由聲敘。如有毛舉小疵。故為

駁飭。以致遲延逾限。並捏改月日者。按遲延日期。照例議處。係故為駁飭。再罰俸六月。係捏改月日。再罰俸九月。○三十七年奏准。各省彙查遺犯及班館門包衣織脫鞵抽改綱目。發明廣義民殺數。護送銅斤。工程已未完。扣展公出通省城垣。改修船隻。坐補防禦。收繳烏槍。禁用紙繩。著賠盜賊等十五件。及河灘並無新添村莊。陶北河有無淤墊二件。於每年十月內。截數咨報軍機處及該部。均限十二月初間咨齊。即由軍機大臣會同該部彙開清單。於年底先行具

奏。仍交部分別覈議具題。至常義各倉實存皮甄別教職佐雜千總二件。及拏獲盜竊功過各屬倉庫無虧藩庫實存二件。於每年十一月底出咨。不得遲至臘底正初。均由軍機大臣彙覈查辦。道光二年改定。由各部分別覈議。照例具題。其各省咨到各件。出咨日期。有無逾限。彙覈奏

諭。嗣後著通行飭禁。無論大小文武各官。現有去思德政等碑。俱查明什毀。該督撫務須實力查辦。毋得視為具文。並著每年年終奏聞。○五十一年

諭。戶部彙奏各直省錢糧報銷未結事件一摺。內有經部駁查二次未覆。及至三次未覆。各省動用錢糧報銷。俱有定例。該督撫等自應覈實速行具題。乃經部駁查後。復輾轉行查。至數次尚未題覆。實屬疏玩。所有駁查二次未覆者。姑免議處。其駁查三次尚未題覆者。俱著交部議處。著為令。嗣後該督撫等務須覈實查辦。安速。○五十八年

諭。前因各省士子。有肄習坊間刪本經書一事。降旨令各督撫嚴行查禁。將此項刪本起出。解京銷毀。節據該督撫等陸續查繳。但恐日久懈弛。不可不再申厲



禁以端士習而崇實學。夫經籍自孔子刪定。豈容後人妄為芟節。皆由不通士子。或落第之人。不能通經致用。遂以弋名之心。轉而弋利。往往於經書內。避去諱用語句。任意刪減。或標寫擬題。以為庸陋士子場屋揣摩之具。而坊間即為刊刻傳播。彼此沾潤。此等貪鄙之見。不特非讀書上進者所為。亦且有玷士林。自慚名教。各督撫當飭屬留心查辦。使若輩知所儆懼。自不敢復蹈故轍。而坊間既無此種書本。亦無從刊布漁利。况六經為聖賢垂教之書。字字俱有精義。乃竟臆為揀擇。作此刪本經書。而躁進之士。又欲於

糟粕之中。另標捷徑。不但失前聖立言之意。於士風亦大有關係。想自用制義取士以來。或即有此項刪本經書。亦非起於今日。然不清其源。安能禁其流之。不滋甚耶。該督撫若以此次查繳之後。即視為具文。弛其禁令。則牟利書坊。又復漸行出售。輾轉流傳。終難盡絕。嗣後仍著落各省督撫。嚴飭所屬。認真查禁。並將繳過刪本經書數目。及有無傳習之處。三年彙奏一次。○嘉慶十一年

諭各省審辦事件。懸宕甚多。上司既輾轉派委。致稽時日。而州縣復不以地方公事為重。每日自辰至午。在

上司衙門。趨承伺候。精力先已疲耗。以應酬之餘。辦理公事。勢不能不草率因循。多所積壓。殊非所以整飭吏治。此種怠玩習氣。亦非獨外省為然。近來京中部院各衙門辦事。亦覺遲緩積壓。司員等到署不早。難免怠惰偷安。朕孜孜勤政。近皆秉燭閱事。從不憚勞。乃大小臣工。於入內遞事之日。尚知起早進朝。而尋常進署辦事。輒遲至巳刻以後。是豈急公趨事之道。至外省督撫等。偷安晏起。及屬員等同候上司。彼此貽誤公事。更屬不免。嗣後務當痛改積習。振作有為。於應辦公事。認真經理。慎毋仍前遲誤積壓。視清

釐積案為歷任交代之具文。庶吏治民生。稍有裨益。○十二年

諭外省詞訟案件。如果大小各衙門。悉皆認真經理。各自清釐。自可無虞。歷積乃州縣官。狃於積習。一味怠惰偷安。置民事於不問。以致小民冤憤莫伸。層層上控。而上司衙門。又不過以批發了事。日久宕延。前任付之後。任塵案堆積。漠不經心。是以近來京中控案日多。都察院及步軍統領衙門。具奏發審之件。幾至每日皆有。總由地方官因循疲玩所致。各省承審案件。動以人證不齊為詞。試思案證如果不齊。何難勒



限催提。若催提不到。原當照例參辦。如欽差審辦案件。一經到彼。從無因案證未齊。延閣不辦者。乃無識者流。每以伸理控案。易啟百姓刁風。殊不知刁風之長。正係地方官審斷不勤之故。如果地方官勤於聽斷。並無壅滯。則案情立分虛實。在銜冤控告者。既可立時剖雪。自不致再行赴懇。若姦徒逞刁捏控。一經審明。速行懲辦。凡在地方不法之徒。孰敢輕為嘗試。今案件延閣不審。良民既多負屈。而姦徒懷私挾詐。遂得私意訐訟。陰快其挖累之計。效尤無已。實由積案不清。有以啟之。嗣後外省大小各員。務當隨時清理案件。毋得仍前闕宕。倘再有積壓多案。延不審結者。一經查出。必當從嚴懲治。慎無泄洩。○十七年

諭。刑部奏各省秋審後尾到部遲延。請旨飭催各省秋審後尾。定例限於四月內具題到部。本年將屆五月下旬。未到者尚有十一處。而其中山東山西直隸熱河道里俱近。亦復遲延。恐不免有意觀望。私向部中書吏探聽實緩情節。再行改合。冀免將來失入失出處分。不可不嚴防流弊。所有此次辦理遲延之山東山西直隸各督撫及臬司。並熱河都統均著交部議處。其貴州廣西廣東福建湖南湖北浙江各督撫及

臬司均著交部察議。並將此旨由四百里發往。令其速行具題。違部嗣後俱著遵照定限。如有遲延。刑部查參。即照此次一律懲處。欽此遵。

旨議定。各省秋審後尾。定限於四月具題到部。如有遲延。經刑部查參。將道里較近之直隸山東山西河南熱河都統

盛京刑部。照事件遲延例議處。道里較遠之安徽江蘇湖北湖南浙江江西陝甘四川福建廣西廣東雲南貴州等省。照事件遲延例減等議處。○二十五年

諭。戶部題銷恩賞直隸兵丁錢糧一本。嘉慶十二年恭奉

皇考高宗純皇帝實錄

聖訓前赴盛京尊藏禮成。朕普錫恩施。內有賞給沿途護送兵丁半月錢糧一款。乃遲至本年始行題銷。計已越十三年之久。外省於應行報銷事件。任意耽延。因循疲玩。相習成風。而直隸為尤甚。屢經降旨訓飭。恬不知改。非明定處分。不足示儆。著吏兵二部酌議。嗣後各省題銷事件。遲延在三年以內者。免議。其有越三年以上者。分別議以罰俸。六年以上者。分別議



以降調九年以上者。即行革職。酌定條款。奏准後。通飭各省一體遵行。欽此遵。

旨議定。各省題銷錢糧事件。由戶工二部覈明。月日。遲

延在三年以內者免議。如遲延在三年以上者。

將該督撫罰俸一年。四年以上者。罰俸二年。五

年以上者。罰俸三年。六年以上者。降一級調用。

七年以上者。降二級調用。八年以上者。降三級

調用。九年以上者。革職。係藩司承辦遲延。即將

該藩司照此議處。如題銷時尚在三年以內。因

部駁以致遲延者。除扣去往返程限外。統計先

後遲延月日。按其所逾年限。各照本例減等議

處。若題銷時已在三年以上。雖經部駁。止准其

扣除往返程限。仍按其所逾年限。各照本例議

處。

盛京衙門事件限期。○康熙二十二年題准。奉天

將軍府君及

盛京各部。一切移部咨文。兩箇月。回文不到。即咨

部請查。甯古塔將軍。一切移部咨文。三箇月。回

文不到。亦令咨部請查。逾此限者。議處。○雍正

元年覆准。

盛京一切事件。均照京城之例。勒限完結。○乾隆十七年覆准。

盛京各部衙門辦理事件。禮兵工三部。並將軍等

衙門。限十五日完結。註銷。戶刑二部。限二十五

日完結。註銷。如遲延未完者。該巡察御史查參。

照在京衙門事件遲延例議處。其行查及會稿。

條。禮兵工三部。並將軍衙門。各限五日送回。戶

刑二部。各限十日送回。主稿衙門。准其將行查

分會日期扣除。如逾限送回者。該主稿衙門。知

會該巡察御史題參。行提人犯。以人文覆到之

日扣限。完日註銷。如違限未完。該巡察御史題

參。謹案巡察御史。續經裁撤。道光四年改定。

如有遲延。及逾限送回。仍均照前例議處。

直省事件限期。○康熙二十二年議准。督撫監

臨科場日期。准其按日扣限。隔省出境者。准令

題請展限。若有公務在本省內。不准展限。○二

十三年議准。督撫新任接署者。均以接署日期

扣算。原限四月者。展限兩月。原限六月者。展限

三月完結。○又議准。布政使暫行護理。巡撫印

務者。不准展限。○乾隆三年覆准。嗣後凡通行

各省督撫提鎮。按依本地情形。詳細妥議。及查



議案件。該督撫於四月六月正限之外。若事理易結者。展限兩月。事理難結者。展限四月。該督撫分別咨題事件。按限完結。○十五年奏准通行各省查議事件。凡專行一府一州者。限四月完結。原屬寬嚴允協。毋庸酌減。應將通行各府州查議事件易結者。定限六月之外。不准加展兩月。其難結者。六月之外。加展兩月完結。不准展限四月。至有不需地方官查議。在省司道可以覈定聲覆者。毋庸照四月扣限。應酌減兩月。以兩月扣限題咨。○三十年奏准各省難結案件。咨部展限時。並報明科道。事結後題覆本內。聲明註銷。科道於年底分別已未完結。造冊彙奏。其有久不題覆。又不展限者。科道查明題參。○五十五年議准督撫兩司到任。前任內承審承查等案。俱以到任日期。扣算前官歷過日期。准其扣展。歷限過半者。准其扣半加展。至欽部緊要事務。仍速行完結。如有難於完結者。展限一月完結。○嘉慶五年奏准道員任內事件。如值入闈充監試提調者。按日扣限。因公出所屬境內者。申請展限。未出所屬境內者。不准。○又

奏准知府以下。因公展限。分別是否出境。與道員同。道府以下。舊任內事件展限。與督撫兩司同。邊遠事件展限。○康熙九年議准各省苗疆條邊遠地方。承辦事件。於正限外展限兩月。○又題准廣東瓊州。欽部事件。限六月具題。其命案於六月正限外展限兩月。○二十四年議准福建督撫管理臺灣府事件。因阻隔重洋。以八箇月為限。○二十五年覆准臺灣。欽部事件。限十箇月具題。○乾隆十五年議准廣西苗疆潯州府屬之武宣縣。南甯府屬之宣化縣。橫州。永淳縣。柳州府屬之馬平縣。容縣。柳城縣。羅城縣。融縣。懷遠縣。象州。來賓縣。思恩府屬之賓州。遷江縣。上林縣。慶遠府屬之思恩縣。共十六州縣。湖南苗疆永州府屬之道州。甯遠縣。永明縣。寶慶府屬之邵陽縣。武岡州。新甯縣。辰州府屬之沅陵縣。瀘溪縣。辰溪縣。溆浦縣。沅州府屬之黔陽縣。麻陽縣。郴州屬之桂陽縣。桂東縣。宜章縣。興甯縣。靖州。並所屬之會同縣。澧州



屬之永定縣桂陽州並所屬之臨武縣藍山縣  
二十二州縣細察情形與內地無異不准展限  
其餘仍照舊加展○二十五年覆准廣東瓊州  
府屬承辦

欽部事件及承查等項展限一月臺灣展限兩月

領取刷卷限期○乾隆二十年奏准在京大小  
衙門領取刷過卷宗定期於每年二月內河南  
道監察御史照衙門次序豫定領卷日期知照  
各衙門令各經承按知照日期赴河南道衙門  
領卷該御史查明即行給發儻河南道衙門書

役有藉端勒索等弊交刑部治罪該御史知情  
者革職不知情者照失察例議處至各衙門不  
依期赴領該御史照例查參道光四年定遲延

一月一月以上若該衙門依期赴領該道不按  
者罰俸三月若該衙門依期赴領該道不  
期給發亦照此例處分道光四年定將

之時案卷有遺失不全者照遺失科鈔例議處  
道光四年定○三十年奏准官員送刷文卷數

目舛錯者罰俸三月

行查外省職名限期○乾隆三十三年議定各  
部院查取外省職名時將限何日到省之處於

封面上註明該省以接奉部咨之日為始定限

十日出文咨送如有必須行查所屬者即按轉

查程途月日若干逐一扣明咨部亦將限何日

到京之處於封面上註明如有逾違照事件遲

延例分別議處直隸總督衙門至京三百六十

里限四日熱河副都統衙門至京四百二十里

限四日察哈爾都統衙門至京四百一十里限

四日山海關副都統衙門至京六百七十里限

七日山東巡撫衙門至京九百六十里限九日

青州副都統衙門至京千里限十日歸化城副

都統衙門至京千一百二十五里限十一日綏

遠城將軍衙門至京千一百二十五里限十一

日河東河道總督衙門至京千一百四十五里

限十一日山西巡撫衙門至京千二百五十里

限十二日河南巡撫衙門至京千五百四十五

里限十五日

盛京將軍奉天府府尹衙門至京千五百里均限

十五日漕運總督江南河道總督衙門後至京

千九百七十五里均限二十日兩江總督江甯

將軍衙門至京二千二百六十一里均限二十



三日。京口副都統衙門。至京二千三百十二里。限二十三日。安徽巡撫衙門。至京二千五百二十六里。限二十五日。陝西巡撫。西安將軍衙門。至京二千五百五十里。均限二十五日。江蘇巡撫衙門。至京二千六百七十里。限二十七日。湖廣總督。湖北巡撫衙門。至京二千八百二十七里。均限二十八日。吉林將軍衙門。至京二千八百八十二里。限二十九日。浙江巡撫。杭州將軍衙門。至京三千零五十里。均限三十日。乍浦副都統衙門。至京三千一百二十里。限三十一日。

江西巡撫衙門。至京三千一百九十六里。限三十二日。荊州將軍衙門。至京三千三百八十里。限三十四日。湖南巡撫衙門。至京三千七百五十七里。限三十七日。黑龍江將軍衙門。至京三千九百八十三里。限四十日。甯夏將軍衙門。至京四千零五十里。限四十四日。陝甘總督衙門。至京四千一百十五里。限四十一日。涼州副都統衙門。至京四千三百里。限四十三日。四川總督。成都將軍衙門。至京四千七百七十里。均限四十八日。閩浙總督。福建巡撫。福州將軍衙門。至

京四千七百七十五里。均限四十八日。貴州巡撫衙門。至京四千九百里。限四十九日。廣西巡撫衙門。至京五千四百六十九里。限五十五日。兩廣總督。廣東巡撫。廣州將軍衙門。至京五千五百七十里。均限五十六日。雲貴總督。雲南巡撫衙門。至京六千零二十五里。均限六十日。○嘉慶五年奏准。外行事件。該部院按照各省程途遠近。按月查覈。其例限已屆。尚未覆到者。即行嚴催。如承辦司員。不行查催者。罰俸兩月。○光緒十年議定。甘肅新疆巡撫衙門。至京八千四百九十里。限八十五日。○十一年定。臺灣巡撫衙門。至京七千二百五十里。限七十二日。

新疆登答錢糧案件。○乾隆三十六年覆准。凡新疆地方辦理登答。其事關錢糧冊籍者。如乾隆三十年以前案件。伊犁烏什烏魯木齊。以奉文之日起。扣限十月咨覆。塔爾巴哈臺葉爾羌。喀什噶爾。以奉文之日起。扣限八月咨覆。關展庫車。哈喇沙爾。以奉文之日起。扣限六月咨覆。其三十一年以後。登答冊籍。俱各遞減。三月咨覆。至往返日期。及行查案由。俱於文內聲敘。統



入正限之外。並照例扣除程限。其從前未結一切登答案件。俱照此扣限辦理。至無關錢糧一

切尋常

欽部事件。仍照定例遵行。謹案葉爾羌。喀什噶爾。聞

緒年間。改隸新疆。省分為廳縣。

欽定大清會典事例卷九十

吏部

處分例 文憑定限 給發文憑 查憑遠限  
職文憑 赴任遠限 給發文憑 查憑遠限  
發憑 繳 臺灣瓊州 給發文憑 查憑遠限  
家人長隨 冊報 督撫 新官攜帶家口 督撫衙門  
差及外任 大員 不准請帶京員 官員 不准  
虛報到任

文憑定限。康熙九年議准。除授各官。於

命下後。將文憑用印。移送吏科填限給發。○又議准。

官員赴任。呈繳文憑時。該布政使查明部科印

信限期相符者。即行咨繳。或有油痕水迹破損

等項。不得駁回。倘仍有書吏藉端需索等弊。許

本官據實詳報該上司。即行究處。○雍正七年

議准。各官自京赴任。計道里遠近。酌量憑限。造

冊移送吏科。順天限十日。奉天限三十日。直隸

限二十日。江蘇省。江甯常州鎮江。限四十五日。

淮安揚州。限四十日。蘇州松江。限五十日。安徽

省。安慶甯國。限五十五日。池州。太平。廬州。限五

十日。徽州。限六十日。鳳陽。限四十日。山東省。濟

南兗州。東昌青州。限三十日。登州萊州。限四十

日。山西省。太原潞安汾州大同甯武朔平。限三



十。日。平陽。澤州。限三十五日。蒲州。限四十日。河	南省。開封。歸德。彰德。衛輝。限三十日。懷慶。河南	限三十五日。南陽。汝甯。限四十日。陝西省。西安	延安。限五十日。鳳翔。漢中。限五十五日。甘肅省。	平涼。鞏昌。限五十五日。慶陽。甯夏。臨洮。限六十	日。西甯。涼州。甘州。限七十日。浙江省。杭州。紹興	甯波。限五十五日。湖州。嘉興。限五十日。金華。衢	州。嚴州。限六十日。溫州。處州。台州。限六十五日。	江西省。南昌。饒州。廣信。建昌。南康。撫州。臨江。瑞	州。袁州。限六十日。九江。限五十五日。吉安。限六	十五日。贛州。限七十日。南安。 <small>今增甯都</small> 限七十五日。	福建省。福州。興化。泉州。邵武。限八十日。延平。建	甯。汀州。限七十日。漳州。福甯。限八十五日。臺灣	限百有十日。湖北省。武昌。漢陽。德安。襄陽。限五	十日。安陸。鄖陽。黃州。荊州。限五十五日。湖南省。	長沙。常德。限七十日。岳州。限六十五日。寶慶。永	州。限八十日。衡州。辰州。限七十五日。四川省。成	都。限八十日。甯遠。夔州。限八十五日。順慶。限九	十日。敘州。重慶。限九十五日。保甯。限一百日。雅	州。限百有五日。龍安。限百有十日。廣東省。廣州
---------------------------	---------------------------	-------------------------	--------------------------	--------------------------	---------------------------	--------------------------	---------------------------	----------------------------	--------------------------	--	---------------------------	--------------------------	--------------------------	---------------------------	--------------------------	--------------------------	--------------------------	--------------------------	-------------------------

肇慶。限九十日。韶州。南雄。限八十日。惠州。限九	十五日。高州。限一百日。廉州。雷州。限百有五日。	潮州。瓊州。限百有十日。廣西省。桂林。平樂。限一	百日。柳州。慶遠。梧州。潯州。限百有五日。思恩。南	甯。太平。泗城。限百有十日。雲南省。雲南。臨安。楚	雄。潯江。曲靖。東川。廣西。武定。 <small>今改</small> 限百有十日。	大理。順甯。永昌。開化。景東。蒙化。水北。 <small>今改</small> 限	元江。 <small>今改</small> 限百有十五日。廣南。麗江。鎮沅。 <small>今改</small> 限	百二十日。貴州省。貴陽。思南。鎮遠。都勻。平越。安	順南。籠。 <small>今改</small> 遵義。限一百日。思州。限九十五日。	石阡。黎平。限八十日。銅仁。限九十日。威甯。限百	有五。日。○又定。八品以下。在籍。候補。候選。及在	外。推升。例。不。引。	見。官員。將。文。憑。封。發。督。撫。驗。看。給。發。者。除。將。發。憑。到	省。日。期。扣。算。外。應。以。得。缺。省。分。與。原。籍。原。任。地	方。比。較。遠。近。定。限。由。順。天。至。奉。天。山。東。山。西。河	南。均。限。三十。日。至。江。蘇。湖。北。陝。西。均。限。五十。日。	至。安。徽。浙。江。均。限。五。十五。日。至。江。西。限。六十。日。	至。湖。南。甘。肅。均。限。七十。日。至。福。建。四。川。均。限。八	十。日。至。廣。東。廣。西。均。限。九十。日。至。貴。州。限。百。日。
--------------------------	--------------------------	--------------------------	---------------------------	---------------------------	--	---	--	---------------------------	---	--------------------------	---------------------------	-------------	--	-------------------------------------	-------------------------------------	------------------------------------	------------------------------------	------------------------------------	-------------------------------------



至雲南限百有十日。由奉天至順天。直隸均限三十日。至山西限五十日。至山東河南陝西均限六十日。至湖北限七十日。至江蘇安徽江西浙江甘肅均限八十日。至湖南限九十日。至福建四川均限百日。至廣東廣西均限百有十日。至雲南貴州均限百二十日。由直隸至奉天。山東山西河南均限三十日。至江蘇湖北均限五十日。至奉天江西陝西均限六十日。至福建湖南均限七十日。至甘肅限七十五日。至四川廣東貴州均限八十日。至廣西限九十日。至雲南限百二十日。由山西至順天。直隸山東河南陝西均限三十日。至甘肅限四十日。至奉天湖北均限五十日。至江蘇安徽江西湖南均限六十日。至浙江四川均限七十日。至福建限八十日。至貴州限九十日。至廣東廣西雲南均限百日。由
--

河南至順天。直隸山東山西江蘇安徽陝西均限三十日。至湖北限四十日。至江西甘肅均限五十日。至奉天浙江湖南均限六十日。至貴州限七十日。至福建四川均限八十日。至廣東廣西雲南均限九十日。由蘇州至安徽限二十日。至山東河南江西浙江湖北均限三十日。至順天直隸湖南均限五十日。至山西福建陝西四川貴州均限六十日。至奉天甘肅廣東廣西均限八十日。由江西至江蘇安徽福建浙江湖北湖南均限三十日。至廣東限四十日。至河南限五十日。至順天山東山西四川貴州均限六十日。至直隸廣西均限七十日。至奉天限八十日。至陝西雲南均限九十日。至甘肅限百。由福建至江西浙江均限三十日。至江蘇安徽湖北廣東均限六十日。至山東湖南均限七
---



十日。至順天直隸。山西。河南。廣西。均限八十日。	至奉天。四川。貴州。均限百日。至陝西。甘肅。雲南。均限百二十日。由浙江。至江蘇。安徽。江西。福建。均限三十日。至山東。湖北。均限五十日。至順天。直隸。河南。湖南。廣東。均限六十日。至山西。限七十日。至奉天。限八十日。至陝西。四川。廣西。均限九十日。至甘肅。貴州。均限百日。至雲南。限百二十日。由湖北。至江蘇。安徽。江西。湖南。均限三十日。至河南。四川。貴州。均限四十日。至順天。直隸。山東。山西。浙江。陝西。均限五十日。至福建。廣東。廣西。均限六十日。至奉天。甘肅。雲南。均限七十日。由湖南。至江西。湖北。四川。貴州。均限三十日。至江蘇。安徽。甘肅。廣西。均限五十日。至山西。河南。浙江。陝西。廣東。雲南。均限六十日。至順天。直隸。山東。福建。均限七十日。至奉天。限九十日。由陝西。至甘肅。限二十日。至山西。河南。均限三十日。至湖北。四川。均限五十日。至順天。奉天。直隸。山東。江蘇。安徽。湖南。貴州。均限六十日。至江西。浙江。雲南。均限九十日。至福建。廣東。廣西。均限百二十日。由甘肅。至陝西。限二十日。至山西。限
--------------------------	--

四十日。至河南。湖南。均限五十日。至四川。限六十日。至順天。直隸。湖北。貴州。均限七十日。至山東。限七十五日。至奉天。江蘇。安徽。均限八十日。至江西。浙江。雲南。均限百日。至福建。廣東。廣西。均限百二十日。由四川。至湖南。貴州。均限三十日。至湖北。限四十日。至陝西。雲南。均限五十日。至江蘇。安徽。江西。甘肅。廣西。均限六十日。至山西。廣東。均限七十日。至順天。直隸。山東。河南。均限八十日。至浙江。限九十日。至奉天。福建。均限百日。由廣東。至廣西。限三十日。至江西。限四十日。至福建。浙江。湖北。湖南。貴州。均限六十日。至四川。限七十日。至山東。江蘇。安徽。均限八十日。至順天。直隸。河南。雲南。均限九十日。至山西。限百日。至奉天。限百有十日。至陝西。甘肅。均限百二十日。由廣西。至廣東。限三十日。至湖南。限五十日。至湖北。四川。貴州。均限六十日。至江西。限七十日。至江蘇。安徽。福建。雲南。均限八十日。至順天。山東。河南。浙江。均限九十日。至直隸。山西。均限百日。至奉天。限百有十日。至陝西。甘肅。均限百二十日。由雲南。至貴州。限三十日。至四川。限
--



限五十日。至湖南限六十日。至湖北限七十日。至廣西限八十日。至河南。江蘇。安徽。江西。陝西。廣東均限九十日。至直隸。山西。甘肅均限百日。至順天限百有十日。至奉天。山東。福建。浙江均限百二十日。由貴州至湖南。四川。雲南均限三十日。至湖北限四十日。至河南。江蘇。江西。陝西。廣東。廣西均限六十日。至安徽。甘肅均限七十日。至直隸。山東均限八十日。至山西限九十日。至順天。福建。浙江均限百日。至奉天限百二十日。吏科皆依定限填憑發給。○乾隆十六年題准官員領憑赴任陸續增改新設之府並直隸州自應別行定限。湖南省永順府限八十日。沅州府。桂陽州。郴州均限八十五日。澧州限六十五日。靖州限九十日。廣西省鎮安府限百三十日。鬱林州限百二十五日。山東省泰安府。武定府均限三十日。曹州府限三十五日。沂州府限四十日。四川省潼川府。綿州均限八十日。嘉定府。資州均限九十日。眉州。邛州。茂州均限八十五日。忠州。達州今升縣限百一十五日。瀘州限九十五日。酉陽州限百二十五日。陝西省同州

府。商州。鄜州均限五十日。榆林府。綏德州均限四十日。興安州今升府限六十五日。邠州。乾州均限五十五日。○又題准雲南省昭通府限百十日。普洱府限百二十日。湖北省宜昌府限七十日。施南府限八十五日。甘肅省蘭州府。階州均限五十五日。秦州限五十日。肅州限八十五日。河南省陳州府。許州。汝州均限三十五日。陝州。光州均限四十五日。○又題准貴州省大定府限百十日。安徽省潁州府限四十五日。泗州限五十日。滁州。六安州。和州均限五十五日。廣德州限六十五日。山西省遼州。沁州。忻州。保德州。平定州。代州均限三十日。解州。絳州。吉州均限四十日。隰州限三十五日。○又題准江蘇省徐州府。海州均限四十日。通州限五十日。太倉州限五十五日。福建省永春州限九十日。龍巖州限百日。廣東省嘉應州。連州均限百一十日。羅定州限百有五日。○二十七年覆准安西限百日。哈密限百一十五日。巴里坤限百二十日。烏魯木齊限百四十日。○三十六年覆准在京官員奉



旨簡用藩臬並具題補授升授及在外升調藩臬扣限給憑照正限減半。如由山東至甘肅省限七十五日者改為三十七日之類。道府照正限四分減一。如由山東至甘肅限七十五日者改為五十六日之類。如有違限照例議處。○乾隆五十二年題准伊犁限一百五十八日。○盛京限二十日。○道光十六年題准西藏限二百二十七日。○同治元年題准黑龍江限六十七日。○光緒十年題准吉林限四十五日。給發文憑。○康熙四十九年議准自京赴任官員及在外推升官員由原任地方赴新任均照各省遠近定有程限。違限者照赴任違限例處分。其在京補授領憑者自奉旨之日起限十日內給憑。給憑後亦限十日。係旗員交與該旗。係民人交與都察院轉行五城。該兵馬司指揮嚴催照限赴任。在外推升知縣以上官員亦自奉旨之日起限十日。將文憑即行發與各該督撫伊等。向有兩月交代之限。應俟交代全完領憑之日起亦限十日。該督撫嚴催照限赴任。令該管官

將起程日期報部存案。如不於十日內將文憑給發者照。欽部事件違限例處分。如不速催赴任者將督催之員罰俸六月。○乾隆四十一年覆准兵部推升武職亦照文職給憑之例奉旨。後十日內將限票封發各該督撫俟該員交代清楚領票之日起限十日內嚴催照限赴任。如該督撫不於限內將限票給發者亦照欽部事件違限例分別議處。○道光二十七年奏准由京赴任並揀發分發赴省官員有告假回籍修墓省親等事於承領憑照後定限十日內赴部呈明。比照十日發憑之例於十日內標發假照。其赴任赴省回籍程限即以給發假照之日起限。如於十日限外始行具呈請假或雖於十日限內呈明直至標發假照限滿後赴部承領者俱不准其扣展。統俟呈繳憑照到部仍按初次承領憑照之日除去告假日期並回籍修墓省親及赴任赴省各程限外覈計有無逾限分別辦理。○咸豐元年奏准各省奏請揀發並進士即用大挑一等拔貢



朝考以知縣用者均限一月內赴部領照並各項分發已經驗看人員適因事故不克領照令於限內呈明扣展至兩月止如並無事故兩月限滿仍未赴部領照即照給憑之例議處其一月內呈明事故至兩月不領照者即以兩月限滿之日起其逾限日期按領照赴省逾限之例分別議處

畫憑違限○康熙九年議准各官赴吏科畫憑無故遲至一月以上者罰俸一年兩月以上者照規避例革職遇

赦免議

赴任違限○順治四年覆准各官領憑赴任違限一月以上者罰俸三月兩月以上罰俸六月三月以上降一級調用四月以上降二級調用五月以上降三級調用半年以上革職不及一月免議如中途患病及風水阻滯等情取有地方官印結咨報部科者免議儻實無事故遲延不赴新任並繞道歸里捏稱中途患病者均照文憑違限例計月處分出結官罰俸一年轉詳出咨各官罰俸六月○康熙三十八年覆准凡

外官升授京職如原任內實有不得已之事該督撫查明具題如中途患病阻滯本官具呈地方官驗實出結申報該督撫詳覈題明皆免議儻實無事故藉端觀望遲延及繞道歸里捏稱中途患病者將本官及出結轉詳代題各官皆照文憑違限例分別議處○雍正十三年議准赴任官員如遇中途事故阻滯違限一二月不取具地方官印結者該員呈明督撫查係確實移咨部科免其參處若違限至三月以上有地方官印結者免議如無印結仍照例查參議

處○乾隆十五年議准外省推升各官事竣之日即行給咨赴部如有因缺之美惡故為規避者即照規避例革職儻督撫將規避情由代為徇隱亦照徇庇例降三級調用如該員任內承辦事件能否於半年內完結之處該督撫不於兩月限內覈實咨部者照

欽部事件違限例分別議處○二十三年覆准推升官員各督撫接到部文即責令交代清楚查明該員任內並無未完事件照例催令起程赴部其有承辦事件約在半年以內即可完竣者催



令趕辦。仍將承辦緣由於兩月內報部。如半年以上方可完結者。亦於兩月內分別題咨開缺。○二十七年覆准。赴任各官。實係中途患病。難以前進者。許呈明地方官親驗確實。具報該省督撫。即轉咨任所督撫。俟病痊之日。給予印結。載明起程日期。咨報部科免議。均不得逾兩月之限。如兩月以外不痊者。該處地方官再行親加驗看。申報該省督撫。分別題咨開缺。准其回籍調理。俟病痊日照告病官員例補用。如係沿途風水阻滯。應隨時按日覈算者。其停滯日期。於起程時亦應報明地方官。查訪實情。詳報督撫。轉咨任所省分。於繳憑文內聲明。咨報部科。以憑察覈免議。其違限者。中途患病。違限兩月以外。止准其扣除兩月之限。風水阻滯。違限三月以外。止准扣除三月之限。其餘仍按違限月日。分別查議。備稽端觀。望不赴新任。及有心遲逾。並繞道歸里。捏稱中途患病。風水阻滯等情。一經查出。除將本官不准扣限外。仍照違限例加等議處。逾限三月以上者。降二級調用。逾限四月以上者。降三級調用。逾限五月以上者。革

職。其驗看患病。並查訪風水阻滯之地方官。但據該員呈報。並不親往詳加驗看。查訪實情。扶同出結。或有瞻顧親友故舊。故為詳報者。照例情給結例。降二級調用。道光四年改定。未經親往查驗者。罰俸一年。○三十三年奏准。在京滿漢月選官員。無論初任補任。俱以吏科具題奉旨之日起。定限十日內到任。如引見補放。毋庸具題人員。以該衙門接准部咨之日起。定限十日內到任。該衙門均即於到任後五日內。咨報吏部。其准咨起限人員。於咨報到任文內。將何月日接准部咨之處聲明。以便查覈。如遇患病及別項事故。不及限內到任者。漢官取具同鄉京官印結。滿官由該佐領圖結。呈明吏部查覈。如無故到任。逾限將本員罰俸三月。若已經到任。該衙門不按限咨部。將承辦之員。照在京衙門事件。遲延例處分。逾限一日至十日者。罰俸一月。十日以上者。罰俸三月。○四十年奏准。由京領憑赴任官員。有在部呈請回籍省親修墓等情。無論是否順道。俱准給假。並准其



一體扣算往還程限如於假限程限之外尚有  
違限仍由吏科指參交部分別議處。○四十二  
年題准外任文武旗員或因引

見或因奉差來京者俱由部院衙門將該員來京緣  
由並回任給照各日期咨明本旗以便查催。○  
四十九年覆准各學教習以送補部文到學之  
日起算違限十日不到者將該教習照京官赴  
任違限十日例議處補官之日扣俸。○嘉慶七  
年

諭新授江甯副都統田國榮係上月二十五日簡放至

今已逾六日而伊尚未請訓經朕召見詢以行期據  
稱須於四月二十日起程詰以因何遲滯之故則云  
伊有二女隨行尚須遲日。是直以家務細故任意逗  
遛殊不成話國家設官各有應辦之事一經簡任職  
守攸專若遲一日赴任已存怠忽之見不以公事為  
重又安望其莅官後勉辦公耶及經朕訓飭之後  
伊又云於初三日即當遵旨起程可見伊並非不能  
克日起行不過藉此滯留耳近來簡放人員每有依  
戀闕廷虛詞奏請或以懇求埽墓多住數日均非  
故事急公之道嗣後滿漢文武大員簡放之後雖不

必定以限期亦須兩三日即行請訓請訓後即當迅  
速起程赴任毋得藉詞濡滯致曠職守。○二十年奏  
定領憑赴任官員除去正展限期如有逾違統  
由吏科題參移會吏部議處違限不及一月者  
免議一月以上者罰俸三月兩月以上罰俸六  
月三月以上降一級留任四月以上降一級調  
用五月以上降二級調用半年以上降三級調  
用一年以上革職其違限不及四月各員吏科  
將應否寬免之處聲明請

旨。○又奏准領憑後並未赴任在京在途繳憑者如  
有遲延照例議處。○又奏定赴任官員有沿途  
稽留藉端觀望或私行繞道歸里捏稱阻風患  
病等情一經查出除不准其扣展外即照赴任  
違限例議處不准抵銷其違限不及四月各員  
吏科亦毋庸聲明請

旨。○道光二年奏准外省官員有在任奉  
旨升調經該督撫奏請暫行緩赴新任復奉  
諭旨准留者俱以交代清楚之日作為領憑之日其  
未經卸事以前月日皆准扣除迨已抵新任後  
仍令該督撫於繳憑文內將原省之上司曾否



將該員奏留之處詳細咨報部科以憑覈計如有未經奏留而逾期及奏留已經卸事而逾期者均按其遲延日月照例議處○二十七年奏定赴任官員有因沿途逗遛捏稱阻風患病一經查出即將該員照不應重杖八十私罪律降三級調用○又奏准赴任官員並未在部呈請告假私行繞道歸里者一經查出即將該員照違令私罪律罰俸一年仍按其遲延月日照例議處○又奏定赴任官員遇有中途患病阻風覈計在正限以外展限以內者准其扣展至發往各省人員亦照赴任官員一體辦理○又奏准部選人員領憑到省後經該上司因地方緊要留省察看或劄調入閣及派委各項差使應隨時分別奏咨立案除闌差有定限可計准其照扣其留省察看及派委各項差使統限三月不得分扣如有未經立案僅於繳憑文內聲扣者除本員毋庸置議外仍將該管上司查明參處○又奏准官員赴任中途阻風患病如有已報明地方官日期又有未及報明日期不准兩項分扣統計阻風報明不及三月患病報明不

及兩月准將未報明日期補扣總不得逾三月兩月之限仍按正限外展限內覈辦○又奏准官員自領憑之日起直至正限已滿後始聲扣阻風患病者不准扣展其正限內或展限內聲扣阻風患病日期仍不得逾例限至展限外阻風患病不得再扣即限內所扣阻風尚不及三兩月患病尚不及一兩月亦不准將展限外日期補扣○又奏准赴任官員中途遇賊受傷應照中途患病之例扣展假限兩月調理如遇道路梗塞報明在正展限期以內准其照風水阻滯加展如在正展限期以外不准扣展○咸豐六年奏准

陵寢衙門官員差派來京差竣領取回票於是日起限回任銷差如有任意逗遛者除去程限外按其違限日期嚴予處分不及十日免議十日以上罰俸三月一月以上罰俸六月兩月以上降一級留任三月以上降一級調用四月以上降二級調用五月以上降三級調用半年以上革職至有因塌墓取租等事告假期滿不銷假當差以及升補人員領照後延不到任者均照此一



律議處○同治元年

諭御史劉慶奏軍務省分新選人員請嚴定到省限期等語據稱選授軍務省分人員往往延不到省實屬規避取巧著吏部嚴定章程於新選人員領憑後即由部另文聲明何日領憑扣至何時滿限知照該省督撫如逾限不到即由該督撫咨部覈辦以免員缺久懸其從前憑限久逾且有未經繳憑者並著該部查明參辦欽此遵

旨議准各該員領憑逾限及各督撫咨報違限均有例定處分毋庸再議惟現在多事之區需人治理

豈容有四百數十員之多任意延宕自此大部咨之日起分別確查如有選授已久迄今並未到省到任各員作速查明奏咨參辦開缺並嗣後各宜遵照例限如上月到任官員即於下月將到任日期出咨報部所繳文憑即於次季造冊咨繳以憑稽考其從前未繳憑各員亦即查照咨催部文於接到部文後一律查明報部俟咨覆到日再行分別覈議如有憑限久逾者即從嚴參辦如該督撫等有不能認真查報暨並不照例按月按季報部者即查取該督撫府尹

職名從嚴議處

赴部投文限期○康熙十五年議准候補候選等官起文赴部在京者限十五日直隸限兩月山東河南山西限三月江南江西浙江陝西湖廣限四月福建四川兩廣貴州限五月雲南限六月均令照此限內到部投文若有違限者皆照赴任違限例議處○乾隆十四年奏准候補候選各官與已經得缺者不同况領咨之後或因資斧維艱或因選期尚遠以及患病阻滯等情若概照赴任違限例議處殊覺過重嗣後投文違限取有事故印結送部者免議若無前項情節無故遲延違限至半年以上者得官日罰俸六月一年以上者罰俸一年如司官不行詳查致有錯誤亦照例議處○二十四年奏准在籍候選之就職州判人員遇選時吏部代為掣籤行文調取之後該督撫據實驗看年衰者即咨明開缺其應給咨之員近省限一月遠省不得逾五十日即行給咨依限到部違限查明參處○二十七年覆准現任官員赴部引見各督撫即照各省程限於咨文內限定到部日期



依限遵行。遇有中途患病及風水阻滯。報明地方官驗明申報。亦止准扣限三月。若有遲延。計其違限月日。查照赴任違限例。分別議處。僅申報不實。將本員與地方官一併照例議處。或患病至三月以上不痊。地方官即驗看申報。該省督撫分別題咨開缺。病痊仍照例查辦。○三十七年議准。外官降調人員。如有經手未完事件。責令接任及地方各官。嚴催趕辦。交代清楚。定限三月。應赴部者。即給咨赴部候補。應回籍者。即給咨回籍候補。設遇患病。驗明結報。許展限三月。逾期不痊。咨部勒令回籍調理。病痊之日。由原籍督撫給咨赴補。如無故逗遛。任所除定限三月外。遲一二月者。補官日罰俸一年。三個月者。補官日降一級調用。四五月者。補官日降二級調用。五六月者。補官日降三級調用。半年者。革職。地方官不上緊催令起程。照督催不力例。罰俸一年。徇情濫結者。照徇庇例。降二級調用。教職文憑。○康熙五十六年議准。直省教職文憑。以到布政使司之日計算。限一月給發。該員將給發日期報部。如布政使司違限。照

欽部事件違限例處分。其教職領憑之後。以布政使司發憑之日起。限一月內赴任。違者一例查照文憑違限例處分。○乾隆三十年奏准。各省教職文憑到省。該督撫即轉飭布政使嚴催。以文憑到司日計算。限一月內考驗。合例者。即給憑速催赴任。一面將給發日期報部。如該教職不依限赴省考驗。照不領憑赴任例。按月議處。該布政使不行嚴催。以致違限。照督催不力例。罰俸六月。其考驗後。布政使給發遲延。仍照欽部事件違限例議處。

臺灣瓊州給憑限期。○康熙四十三年議准。福建臺灣廣東瓊州遠隔海洋。升員領憑於交代兩月定限外。再展限兩月。教職領憑於一月正限外。再展限一月。道光四年定於正限兩月外。再展限兩月。起解各項人犯。於兩月正限外。再展限兩月。命案。於六月正限外。再展限兩月。官員歸旗。仍限三月內回旗毋庸展限。

督撫衙門發憑。○康熙四十三年議准。月選郎中以下。知縣以上官員。並在京升用。在外現任。推升道府運同同知州縣各官。仍照例引



見外。其現任論俸推升。例不引。

見官員吏部具題奉

旨後。將憑封發該督撫詳加驗看。如果居官好有才

能者。即行給憑。令其速赴新任。有年老不及者。

即行具題。由部別行銓選。如將年老不及者。給

憑令赴新任。到任後不能供職。將給憑之督撫

照保薦不實例降二級調用。○嘉慶五年議定。

外官現任論俸推升例不引

見人員。將憑封發該督撫詳加驗看。如將年老不及

者。給憑令赴新任。照保舉昏庸不職例降二級

留任。○道光四年奏定。在籍候選候補之佐雜

接奉行知。限二十日內赴省驗看。經督撫驗看

後。該司於十日內將憑給發。令於領憑後二十

日內起程赴任。如該司不行嚴催。及給憑違限

將該司照例處分。如該員不即赴省赴任。將該

員照例處分。○又奏准。凡教職佐雜。支憑到省

適該員有出外教讀游幕等事。未能於二十日

內赴省考驗者。准該家屬呈明。由地方官詳報

該督撫。於憑限兩月以內。即行咨部。扣展不得

於憑限已滿之後。始行咨部。仍以該家屬接奉

行知之日起。按其外出省分遠近。除去往返程

限之外。統限三十日內考驗領憑。若再遲延。照

不領憑赴任例議處。

繳照逾限。○雍正五年題准。各省調來引

見回任各官。由部按憑限日期。給予執照。該員到日

令督撫查明回任日期咨報。並原領執照繳部。

有回任違限者。該督撫照赴任違限例題參。逾

限十日以外。即照違限一月例議處。如有患病

等情。照官員領憑赴任中途患病例查覈。○謹案

三十年修例。增委解赴部各官。又嘉慶五年。增  
京官奉差及外省委解赴別省人員。凡有赴任

遲延者。皆同此例議處。○乾隆五年議准。凡奉

旨命往各省人員。由部給照前往。其繳照違限。如中

途果有患病及風水阻滯等情。皆照領憑赴任

中途患病例查覈。其有並無事故逾限。查參到

部者。照赴任違限例分別議處。具題。仍將違限

不及三月。應否照領憑赴任。違限不及三月。寬

免之處。於本內聲明請

旨。○十七年題准

陵寢官員。距京最近。不難依限赴任。如有繳照違限在

三月以內者。照例議處。毋庸兩議請



旨。○十八年議准嗣後繳憑違限官員均由吏科於每年六月底及年終彙題交部察議其繳照違限官員亦毋庸逐案具題應照吏科之例亦於每年六月底及年終彙題完結。○三十年奏准命往發往各省官員繳照違限不及三月各官照吏科摘參憑限之例於每年六月底年底二彙彙題。○三十六年覆准教官會試回任限期俱按照官員赴京回任定限辦理其違限處分亦照回任官員分別遲延月日查議禮部於揭曉後五日內給發執照按省分遠近填明限期該員回任後該督撫將原領執照咨繳禮部查覈若有遲延咨送吏部查議至教官由貢生出身赴本省鄉試回任者亦於揭曉後五日內各按府州縣程途遠近每日按五十里計算如有逾限該督撫學政即行查參亦照會試回任遲延例議處。○四十五年奏准赴任及發往各省人員領憑領照後又復呈報患病者在兩月以內毋庸繳銷憑照至兩月以外不痊即將原領憑照送部查銷如患病至兩月以外未經繳照者將該員罰俸一年其因省親修墓告假回籍又

欽定大清會典事例 卷九〇

復呈報患病者亦照此例辦理如該員業已呈繳地方官未經咨繳或詳繳遲延者將地方官分別察議。係違滿罰俸一年係遲延照事件遲延例議處俟病痊之日原籍督撫一面咨報吏部一面給咨該員赴原掣省分試用。○道光二十五年奏准赴任分發及候補候選領有憑照各員呈報遺失除實係水火盜劫經地方官驗明確有顯蹟者免議其呈報遺失被竊者照防範不嚴例降一級留任如有私行典押赴省遲延規避處分捏報竊失者別經發覺即照違制私罪律革職。○又奏准官員領憑照後有遵例捐升加捐離任在部呈請繳憑照者除去告假等項事故如遲至兩月以上者照患病兩月以上未經呈繳之例議處。○同治元年諭本日吏部具題繳憑違限之鮑懷降調一本經內閣票擬雙籤進呈已准將繳憑違限半年以上之湖南辰溪縣知縣鮑懷交該督撫出具切實考語送部引見矣近年軍務省分銓選各員往往沿途逗遛藉詞規避嗣後遇有此等違限之案著該部將領憑繳憑年月日期詳細聲明不得以違限半年以上等詞籠



統聲請以杜規避而免牽混

外官攜帶家口○康熙二十五年議准外任官員除攜帶兄弟妻子外漢督撫帶家人五十名藩臬帶家人四十名道府帶三十名同知通判州縣帶二十名州同縣丞以下官員帶十名其所帶婦女亦不得過此數漢督撫有管兵之責如有多帶者令其自行陳請至旗員有邊疆差遣之事非民官可比督撫所帶家口不許過五百名乾隆二十五年改不許過一百五十名司道以下等官所帶家口照漢官加一倍如違定數多帶者降一級

調用○乾隆二十五年議准凡州縣多帶家人該上司不行詳參者降一級留任或係失於查察罰俸一年

外任家人長隨冊報督撫○雍正二年議准外任旗員到任後限三月內將所帶家人姓名年貌冊報督撫如管事家人有更換者亦冊報督撫僕本官有虧空者該督撫將該管事家人一併審訊若有歸旗追比不能完結者將管事家人照挖欠錢糧家產全無之子孫治罪例治罪若本官冊報不實任其飽颺者照隱匿逃人例

治罪家人照三次逃人例發遣其不行詳查各官照失察逃人例處分得財者計贓以枉法從重論○乾隆元年議准州縣收用長隨照旗員例於到任後限三月內將長隨姓名籍貫年貌並管何項執事一一開明造具清冊印結分報該管上司存案有辭退回籍及驅逐者亦即開具事由申報上司查覈僕本官以劣蹟贓款被參即將長隨一併看守審明完結至現在州縣之長隨亦令一併據實開報以便稽覈如該州縣官將所用長隨冊報不實經上司查出指參

即將該州縣官照遺漏造冊例罰俸三月各上司未經查出據冊轉報者罰俸一月○十四年議准各省督撫務令將州縣長隨按季查覈出具並無冊報不實印結申送督撫衙門存案如督撫以及上司不實力稽查別經發覺將該管上司照失於覺察例議處該督撫照不行詳察例議處謹案督撫處分道光四年刑○二十四年覆准現在大小官員如將犯案刺字之長隨濫行收用係刺面之犯顯然可驗者將本官降一級調用係刺臂之犯誤行收用者將本官罰俸一年如明



知係犯案刺臂之犯仍容留在署者將本官亦降一級調用。○嘉慶五年定州縣官所用長隨冊報不實者降一級留任。○八年

諭前此長蘆鹽政屆應行更換之期朕即令賽尚阿回京當差於開列本內簡放玉慶前往更代以玉慶身係宗室又係都察院官員或尚知認真辦公以矯內務府人員積習乃本日召見琳甯詢以伊子玉慶簡放鹽政後有無請託薦囑等事據琳甯奏稱尚無請託情事惟薦到長隨竟有一百餘人此內雖無大員薦託均係伊家親友引致聞之殊為可詫試思鹽政衙門即事務稍繁需用長隨亦何至百餘人之多日後將何所位置此等游手無藉之徒貴緣轉薦希沾餘潤其流弊何所不至琳甯經朕面詢始據實具奏似此類推其餘廉俸豐贍衙門似此者當復不少著傳諭玉慶就此百餘人中擇其人尚小心誠樸並知有根底者酌留一二十人以供使令足矣其餘著傳旨概行驅逐毋許收留嗣後外任大小官員均應不聽囑託屏絕華靡減汰僕從潔己奉公以省浮費而飭廉隅

新官不許遠迎。○乾隆二年議准新官到任令

舊官於書役內量撥數人止准在交界處所等候呈送須知冊籍其餘書役概令隨印交代不許結約多人執批遠迎並將頭接二接三接陋習嚴行禁止如舊任官一任書役多人中途遠接將舊任官照不行管教例罰俸六月新任官令其遠迎將新任官照上司令屬員出界遠迎例罰俸一年。

諭嗣後出差人員除軍機大臣仍准其隨帶軍機章京外其餘所有率行奏請者即將該大臣治罪另行簡放。○又

諭向來軍機大臣出差隨帶軍機章京原以堂司統屬故令帶往辦事乃年來出差及簡放外任大員如阿迪斯長麟等並非軍機大臣亦在朕前率意請帶軍機章京殊屬非是大臣等奉派出差各有屬員可以隨往何必將素非所屬之員帶往辦事至簡放外任向無隨帶京員之例况軍機章京現有定額若出差大臣俱請帶往軍機處安得有如許人員且難保無軍機章京向出差大臣營謀前往沿途倚仗軍機處虛張聲勢此時軍機大臣實皆小心謹慎不敢作福



作威章京等亦皆奉公守法若屢派出差恐小軍機之故態復萌沿途又受苦累是朕並非欽派各大臣出差竟係派軍機章京出差矣嗣後出差人員除軍機大臣仍准其隨帶軍機章京外其餘如有率行奏請者即將該大臣治罪另行簡派○七年

諭國家設官內外各有體制嗣後在京部院大臣除有兵差審案等事仍准隨帶司員外其餘放督撫及署理督撫者不但不准請帶御史即所屬官員亦均不准奏請隨帶如有違例陳請者即當交部議處以肅政體而杜弊端○光緒八年

諭太僕寺少卿鍾佩賢奏督撫奏調京員體制未協並指調他省人員沿習成風請飭禁止各摺片自係為嚴防流弊起見嗣後各督撫不得再行奏調翰林部屬等官用符定制至隔省人員業經申諭不准濫行奏調如果委用需人原可遵照舊章奏請揀發毋得紛紛指名奏調以杜夤緣而肅政體

○又

諭前據張樹聲奏調翰林院侍講張佩綸幫辦北洋水師事宜當以該督擅行奏調未允所請茲據翰林院侍講學士陳寶琛奏張樹聲擅調近臣實屬

冒昧請照例議處等語張樹聲著交部議處○十二年

諭御史文郁奏請嚴禁疆臣奏調京員一摺山東河工關繫緊要前據張曜面奏准其隨時調員差遣旋經該撫先後奏調各員均已降旨允准與尋常奏調不同他省自不得援以為例嗣後各督撫非因辦理要務需人奏明在先不准率行奏調以符定制

官員不准虛報到任○乾隆四十七年覆准凡新選人員必親身到任後將文憑申送繳銷由

該管各上司出具實無在省逗遛確切印結申送藩司覈明加結詳送督撫咨部存案俟戶部將該督撫送到交代冊結移送吏部查覈姓名月日是否相符如有捏報即將出結各上司照徇情例降二級調用該督撫於屬員赴任時僅有勒令在省繳憑虛報到任及到任未幾檄調來省稽留不能回任並另委他人署理者即無勒索別情一經發覺將該督撫照藉端勒指留難例降二級調用如有勒指等弊將該督撫革職治罪○道光二年奏准各省官員到任日期



該督撫按月報部一次。凡上月到任之員。務於下月咨報。其有離省寫遠之區。該員申報到司。已在彙咨之後。即令造冊補送。不必再俟下月彙齊始行報部。如有遲延。照事件遲延例議處。○又奏准各省道府直牧丞倅等官。並實缺州縣。非遇有地方緊要公事。概不准藉詞調署別缺。如有必須調署者。該督撫聲明緣由。照依例限按季造冊報部。如有遲延。即將該督撫照欽部事件遲延例。加等議處。其有州縣缺出。請以佐雜人員委署者。該督撫必須將該員署理緣由。詳細聲明。隨時專咨報部查覈。若查與定例不符。除不推行外。仍將該督撫照違令公罪律罰俸九月。○又奏准各省實缺州縣佐雜。共有若干。吏部合計一年之內。該省調署員數。已逾十分之二。即行奏參。將該督撫藩司俱降二級調用。

欽定大清會典事例卷九十一

吏部

處分例 大員離任 部院案卷交代 京五部案卷交代 外官案卷交代 州縣交代 司道府交代 直隸河官交代 代 教官交代 雜任 運過及委署遲緩

大員離任 ○康熙十四年議准。凡解任督撫於

部文到日。令其離任。總督事務。令巡撫署理。巡

撫事務。令總督署理。其無總督及總督兼轄之

省分。遇巡撫解任。將

敕書印篆及一切事務。交與布政使護理。○二十五

年議准。凡官員不許將離任督撫具題保留。若

有違例題請者。降一級留任。○雍正三年

諭。嗣後督撫丁憂。不得遽行送印。其任內文卷。擇司道

一人代行。聽候諭旨。方行離任。○五年

諭。內外各官。皆有職業。不可一日曠缺。屬在大員。尤為

緊要。外任督撫在任丁憂者。已令聽候諭旨到。方行

離任。嗣後三品以上京官升轉之日。其原任內若無

同堂辦事之人。仍令本人辦理。俟吏部具本開缺。奉

旨補用人員之後。方行卸事。其兼管別衙門者。亦一體遵行。

部院案卷交代 ○雍正元年



諭凡一應衙門卷案各有職掌之官稽查引據全以檔案為憑此固一代之典冊六官之掌故不得視為具文也收貯卷案封禁雖嚴而翻閱查對不能逃書吏之手盜取文移改易字迹百弊叢生莫可究詰皆由司官漫不經心或且通同作弊遂至於此嗣後司官遷轉將所掌卷案新舊交盤各具甘結說堂存案如有疏失換易等弊一經發覺與受同罪爾各部院衙門急宜查覈清楚設法封貯永杜弊端不得因卷案浩繁畏難生阻其交盤事例爾部院諸臣公同確議具奏欽此遵

旨議定從前所有卷案歷年已久不無損壞微爛應嚴飭各司官備細詳查各立號簿登明號件呈堂用印加謹收儲外其自雍正元年起將所辦案卷專責滿漢司官躬親檢點記明號件小心收儲遇有查閱之處滿漢司官親身驗看毋得專假書吏之手若遇遷轉之日將所有經管卷案逐件交代出具並無遺失甘結說堂存案儻有不肖司官與書吏通同作弊盜取改易之處立即指名題參並將書吏從重治罪○乾隆三十年奏准部院司官遷轉之日將經管卷案逐件

交代出具並無遺失甘結說堂存案儻有官吏通同作弊盜取改易題參治罪其失察書吏作弊者照詞訟交代失察書吏隱匿添改之例罰俸一年作弊之書吏送刑部治罪

盛京五部案卷交代○乾隆十八年覆准

故令接任司員同掌稿筆帖式將所存稿檔逐一清查其年久微爛者呈堂辦理儻年不甚久而即多遺失者查出將掌稿筆帖式照失竊文書例罰俸一年掌印司官照遺失科鈔例罰俸

兩月

外官案卷交代○雍正十三年覆准各省州縣交代時將任內自行審理戶婚田土錢債等項案件黏連卷宗鈐蓋印信造入交盤冊內仍彙錄印簿摘取事由照依年月編號登記註明經承姓名隨同卷宗交代並將累任遞交之案一併檢齊加具並無藏匿抽改甘結交與接代之員交代完日照例報明上司查覈儻有不肖胥吏違玩不行查明交代並有乘機隱匿增改作弊等情將失察之該管官照失於詳察例罰俸



一年。○乾隆九年議准。凡有關定例之部文。該督撫接到三日。一概通行藩臬衙門。到司之後。該司於行府外。分移各道。到府之後。該府於行州縣外。分移丞倅等官。則大小臣工。嫻習律例。並令大小衙門。將奉行條例。委撥專書彙總。齊全。入於新舊交盤之內。儻有疏忽。將該管官照遺漏行文例察議。其該管典吏。照遺失官文書律治罪。○二十九年覆准。凡審理詞訟衙門。無論正署官員。於詞訟審斷後。即令該吏將全案犯證呈狀。口供勘語。黏連成帙。於接縫處鈐印。遇離任時。將一切已結卷宗。鈐印造冊。交存外。其未結各案。分別內結外結。及上司批審。鄰省咨查。並自理各項彙錄印簿。逐一開具事由。按年月編號登記。註明經承姓名。造入交盤冊內。並將歷任各舊案檢齊。加具並無藏匿抽改。甘結。交與接任官。限一月按冊查對。出具印文。將各項件數。照造款冊。由該管上司覈明。詳齎巡道臬司存數。臬司查明。仍移送藩司。入於交代案內彙詳。若造送遲延者。照官員造報文冊遲延例。按其違限月日。分別議處。儻不黏連卷宗。

降一級留任。已黏連而不用印者。罰俸一年。已經黏連用印。有書吏乘機隱匿。添改作弊等情。將失察之該管官。罰俸一年。未經黏連用印。以致抽匿。改抹滋事舞弊。降二級調用。○三十年奏准。各省督撫。應將節年所奉。上諭。俱敬繕錄成冊。一一詳載。每日觀覽。觸目儆心。前後任交代之際。將冊轉交。不許失漏藏匿。○三十四年覆准。外省各衙門。凡有奏事之責者。毋論正任署任。所有奏案稿底。奉旨准行各事件。尚未辦竣。需後任接辦。及所奏雖未准行。仍應存案備查者。均於內署彙錄一冊。鈐蓋印信。封交後任。以便查覈接辦。儻舊任官不行移交者。罰俸一年。○嘉慶十四年諭。朕恭閱雍正元年世宗憲皇帝實錄。內載頒發訓諭直省文職。自督撫學政。至州縣等官。武職自提督。至參遊等官。共上諭十一道。仰見皇祖澄敘官方。諄諄誠勉。不特當日之利弊。言無不盡。即此時之相沿陋習。亦早經



洞燭無遺。

天語煌煌。實為萬世不易之官箴。各督撫等衙門。久蒙頒發。原期永遠遵循。朕仰述

前謨。若此時再加申諭。不能更出範圍。而我萬萬世子孫。整飭官聯之法。亦無有過於此者。朕每日幾務之先。敬閱

列聖實錄。周而復始。夙夜懍懍。無事不恪遵

成憲。各督撫學政司道府州縣提鎮副將參遊等。亦應隨時故覽。互相策勵。務使大法小廉。訓兵養士。崇實行而不尚虛名。秉公忠而不持偏見。潔己奉公。愛民

盡職。以期佐治分猷。奠安黎庶。切毋視為具文。歸入交代。僅令日久存貯。無裨身心。是則不能仰體

聖訓。亦有負朕委任。誥誡之至意也。將此通諭知之。

州縣交代。○順治十八年議准。升轉官員。錢糧未清。不准即赴新任。違者革職。如該督撫蒙混徇庇。聽其離任者。降三級調用。○康熙二年議准。地方失盜。未經題叅之先。升任者。亦照錢糧未清例。不准即赴新任。○四年議准。升任官員。錢糧未清。限一年完結。盜賊未獲。限二年緝拏。不准離任。其所升之缺。另行選補。依限全結者。

仍照原任論俸升轉。逾限不結者。降三級調用。

○五年議准。升任官員。以吏部文憑到日為始。

兩月內。該督撫確查。如有錢糧盜案未清。即行題叅。如無錢糧盜案。一月內。即令交代。催赴新

任。以起行日期申報吏部。若藉端觀望。遲延不

行。或枉道歸里。詐稱中途患病者。該督撫查明

題叅。本官黜革。或上司乘隙藉端。抑勒遲延者。

督撫指叅。降二級調用。或任內果有錢糧盜案

未結。而道府廳官不報者。亦降二級調用。督撫

降一級留任。○六年議准。升任官員。若錢糧盜

案未完。每一案照原任降一級調用。其未完事

件。責令接任官督結。○八年議准。錢糧盜案未

完。免其降調。每一案罰俸一年。○十五年議准。

升任官員。文憑到日。該督撫即行委署。限二月

內。交代明白。准其離任。如任內有未完事件。不

於限內呈報。或不與接任官交代。或接任官推

諉不受者。俱各罰俸一年。上司督催不力。罰俸

六月。如已申報上司。而上司不即轉報。或督撫

不即委官署理。及具題遲延者。俱罰俸六月。○

又定。升任官將錢糧等項事件。不候交代明白。



即行離任者。本官降二級調用。嘉慶二十二年增補失察之該管官降一督撫罰俸一年。至各項錢糧冊籍未完詐稱已完。或假捏印結。申詳上司。或增改投遞者。革職。如本官將冊籍案件未交代以前。被衙役燒毀擲水藏匿等情。降一級調用。至衙役乘機作弊。侵匿庫銀者。照失察衙役侵盜錢糧例處分。其鹽課錢糧未交清楚。遽行離任者。巡鹽御史。運使等官。皆照此例處分。○又議准。新舊官員交代之時。如前官有侵欺透冒挪移墊解。並控欠未清等弊。署官。新官。徇隱不行揭報。交代後始行察出者。該督撫覈實題參。將虧空之官。照例革職治罪。接任官照徇隱虧空例。革職。欠項照例賠補。如有侵挪控欠等弊。接任官不受交代。通詳督撫。司道府。而上司不行詳報。題參。徇庇舊官。逼勒新官交代者。新任官即行據實報部。將逼勒之上司。以徇庇例議處。本官於別省員缺調補。○二十六年題准。嗣後因公註誤解任等官。照升員離任例。定限兩月內交代。旗員則催令回旗。逾限者。照容留廢官之例議處。如有錢糧未清。兩月之外。再限六箇月完。

結限滿不完。該督撫將承追督催各官。參處。將本官並其家口。催令歸旗。將未完錢糧確數造冊送部。轉交該旗都統。查變產業賠補。再逾此限。不令歸旗者。亦照容留廢官例處分。○二十七年議准。廣東瓊州府屬地方遙遠。凡升任並解任歸旗人員。交代。於定限外展限一月。○三十一年議准。交代遲延。如該督撫止以遲延題參。而不查明因何遲延之處者。將申詳之司道府。照徇庇例降三級調用。督撫照含糊具題例。降一級留任。○雍正四年議定。州縣交代。除實欠在民外。其有將已徵之錢糧。侵蝕虧空。捏稱民欠。令接任官接受者。接任官即行揭報。督撫司道。如該督撫護庇舊任。不行題參。而該府州又畏慮分賠。因而抑勒交盤者。許被勒之人。直揭部科。部科代為陳奏。將所揭之司道府州。行令該督撫據實確審定擬。其干連督撫者。將具揭之人。與前任虧空之人。皆押解來京。交都察院審明。將抑勒之督撫。以徇庇例議處。如係捏枉揭報。將誣捏之員。交刑部加倍治罪。儻前官虧空。後官瞻徇容隱。出結接受者。將欠項坐後。



官賠補又或已經接受。及至本身離任時。有虧空未清。始稱係前任虧空者。將欠項追賠外。仍照徇隱虧空例革職。其出揭之人。後經調任他省。該上司有因該員從前揭報之故。多方按求。藉端誣陷者。許該員於都察院呈辨。果係參處冤抑。將該上司照屈廉為貪例議處。如該員本有應得之罪。藉從前揭帖之名。誣行呈報者。交刑部治罪。○五年

諭。凡新舊官員交代遲延。大約由於舊官案件不清者多。而由於新官勒索者少。若新舊一例處分。未為允協。著九卿分別定議具奏。欽此。遵旨議定。凡督撫覈參交代遲延者。將遲延情由詳細確查。如係舊任官希圖掩飾。不於兩月內將錢糧等項徹底清白造冊交送。則遲延之咎。專在舊任官。與新任官無涉。該督撫即將舊任官遲延情由明白開註指參。將舊任官罰俸一年。新任官免議。如舊任官遲至例限將屆。始將冊籍造送。新任官又不上緊查覈。以致遲延。則遲延之咎。固在舊任官。而新任官亦難辭責。該督撫將情由分別開參。舊任官罰俸一年。新任官罰俸

六月。如舊任官已徹底清白造冊交送。而新任官推諉不接。以致遲延。該督撫將情由指參。新任官罰俸一年。舊任官免議。其督催不力之上司。仍照定例議處。○又議。在州縣倉糧多至五萬石以上者。於交代定限兩月外展限一月。○又

諭。直隸各省倉穀。若有前任官折價存庫者。不許新任官接受交代。仍令前任官買穀交倉。不許顆粒短少。其該管督撫上司。亦不得徇情寬縱。僅有故違。定將本官及該管官分別從重治罪。永著為例。○六年議定。凡州縣不將倉廩黏補修理。以致米穀微爛者。照溺職例革職。並令先動帑銀。將微爛米穀照數買補實儲。仍勒限一年內。照動帑買補銀數賠完。如限內不完。依律治罪。再各府州縣倉廩均造入交盤項內。新舊交代。若有木植毀爛。牆垣傾圮。滲漏者。接任官即行揭報。不准接受。前任官仍照原例議處賠補。如接任官有徇情濫受者。即係接任官之責。亦照例議處。仍令賠修。其微爛虧空米穀。即著落接任官限年賠完。如限內不完。亦照例治罪。○又

四九四



諭錢糧交代五萬兩以上者亦令展限一月十萬兩以

上者展限兩月十五萬兩以上者展限三月著為定

例○又議准倉穀五萬石以上者展限一月二萬五

千石以上者展限十五日或一人而有兩處交

代者展限一月○又議准官員盤查交代正限

內不能完結該督撫劾參到日照例議處再限

兩月完結如逾限不結照易結不結例革職○

八年覆准州縣交代錢糧各照定限如已接收

清楚申送冊結必於文內註明到任與出結各

日期其中申送到府州即按程途冊內日期計算

至該管府州加結文內亦即註明到省程途日

期如到任在限外出結亦在限外即行揭參若

州縣相隔遙遠冊結雖到在限外而出結實在

限內免其參處仍將出結日期報部查覈如兩

月定限已逾按其程途日期計算已屆仍無冊

結繳司該督撫即行指參儻州縣捏報出結日

期及該管之府州通同徇隱亦由該督撫據實

指參○乾隆元年覆准直省各州縣委署之官

一經到任即令舊任之員將任內一切正雜錢

糧等項造冊交代署任官依限交盤如實有虧

空難於接受即行揭報如易於交盤而署任官

故意延挨希圖卸責以致遲延者將署任官降

二級調用此條原奏因署任官每於交代時故

已到復從新任官到任之日起限而署任官全

局脫卸則是有意遲延與實在難於交盤而遲

延者迥異是以處分從嚴仍將例意註明以免

與前條新任官推諉不接以致遲延一條牽混

如該管上司徇隱不舉降一級調用○四年覆

准各省州縣交代時令於限內將正項錢糧交

代清楚再展限一月將社倉米穀稽覈交代如

有虧空據實詳揭報部審追如無虧空結報上

司存案○九年覆准官員奉調八閩者其交代

項下有無虧缺無由而知應將奉調八閩公出

日期扣除展限○十二年覆准各省倉穀交代

時若有前任官折價存庫者除實應出糶存價

未買之銀准令接任官照例接收並出具印結

詳報外如有私行出糶折銀移交者接任官不

許接受據實揭報該管各上司將前任官照例

題參留於任所按數買補交倉接任官接受折

銀結報不實者照買補倉穀遲延例革職留任

買補完日開復該管上司或係扶同徇隱或係

失於覺察均照挪移官項議處上司之例分別



議處完日開復。○二十四年覆准江蘇州縣錢糧接收交盤。即責成後任官徹底清查。將節年民欠開列揭報。數在五萬兩以上者。於原限外展限兩月。不及五萬兩者。展限一月。交盤出結之後。道府直隸州歲底盤查。出具印結。咨部存案。如有以完作欠。吏役包收侵蝕等弊。隨時揭參。免其議處。徇庇不報者。降三級調用。○二十七年覆准州縣錢糧倉穀交代。原例兩月內出結申府。舊任官造冊。以二十日為限。新任官查覈轉造。以四十日為限。其例得展限者。均照加展限月日遞算分扣。僅有逾限。照例分別開參。○三十四年奏准嗣後遇州縣交代遲延。將督催不力之知府罰俸六月者。道員罰俸三月。○三十七年議准州縣錢糧交代。五萬兩以上者。展限十五日。十萬兩以上者。展限一月。十五萬兩以上者。展限四十五日。○五十年覆准各省州縣交代清楚。取結送部時。即將監盤委員職名一體送部存查。仍令該督撫留心訪察。如有錢糧數本不足。而監盤之員。意存徇庇。勒令接收者。即據實奏。將監盤官依委官盤點錢糧

數本不足。扶同申報。足備者。以監守自盜論治。罪如藩司不將監盤職名一併申送。照徇庇例降三級調用。嘉慶二十二年改定。上司不行揭參。降一級調用。係有心徇庇。降三級調用。○五十九年奏准驛站馬匹限一月內交代清楚。如有虧缺遲延勒指等情。俱照錢糧交代之例議處。○又奏准州縣離任。應委員署理者。督撫遴員署理。除原委之員。遇有升遷降調。丁憂等項。不得已應行離任者。准其另行改委。仍將改委起限緣由。確切聲明。咨部查覈。如原委之員。正在交代限內。並無必應離任事故。督撫執行託故改委。將改委之上司降三級調用。如原委之員。交代限內。已經出結造報。及交代限期。尚在前官期內。即經離任。並原委一時不克到任。先令就近人員代理。例不接收交代。又候補試用人員奉委署缺。後經指補得缺。應回本任。又奉委署缺。員缺題補他人。應令題補之人。及試用人員。才不勝任。撤回改補者。俱在免職。○嘉慶五年奏准官員交代。二參定限已逾。按其程途日期已屆。仍無冊結繳司。該督撫即行指參。照例議處。若該督撫不行查參。降三級調用。道光四年改定。該督撫不行查參。降一級調用。如係有心徇隱。降三級調用。○又奏准交代未清。誑稱已清。或假捏印結申詳者。除本官革職外。該管上司通同徇隱。亦降



三級調用。○二十二年奏定。州縣交代。正限內不能完結者。先行照例查參。其二參限期。仍照初參之例。予限兩月。舊任官造冊限二十日。新任官查覈轉送限四十日。總以兩月完結。不得以新舊兩任輾轉駁查為詞。冀免逾違。二參處分。僅逾兩月之限不結。該上司即查明何任遲延。揭報該督撫題參。如係舊任官於二參分限二十日之外移交。以致新任官不能依限出結者。將舊任官革職。新任官免議。如舊任官已於二參分限二十日之內造冊移交。新任官遲至分限四十日之外出結者。將新任官革職。舊任官免議。如舊任官雖於二參分限二十日之外始行移交。而新任官能上緊查覈。在二參統限之內出結者。舊任官仍免其革職。○道光四年奏准。州縣交代。凡徵存未解款項。部中逐案登記。以初次限滿扣起。勒限兩月。歸數提解藩庫。隨時專案報部。逾限不完。即將結報之員參辦。統於年終開單奏報一次。每案有無徵存。限滿有無欠解。曾否參辦。一一註明。○十年

諭御史王瑋慶奏直省州縣交代請飭照定限結報一

摺直省各州縣交代不清。皆由倉庫多虧。接任之員未肯遽受。遂至不能依限結算。各該上司意存瞻徇。往往於咨部文內倒填出結月日。捏稱造冊舛錯。再三駁查。以為耽延歲月。規避處分地步。即或參劾。皆係病休降革之員。查抄監追。多屬無著。仍於帑項無補。如該御史所奏。東省虧空。屢經查辦。比年以來。仍復時有參案。一省如此。各省可知。嗣後著各督撫於州縣交代。嚴行督催。務令遵照定限。盤查清楚。扣明到任及出結日期。即時咨部查照。不得於限外捏稱造冊舛錯。扣除往返駁查日期。藉詞延宕。其任內一有虧短。立即奏參懲辦。如逾限已久。始行揭參者。將該上司照徇隱例議處。決不稍寬。○二十六年奏准。五城正副指揮升遷外任。如有交代未清。及未完米豆錢文等事。即照依憑限。以題本奉旨之日起。限兩月內將未完款項全數交清。方准畫憑。如逾兩月之限。尚未交清。即行開缺。比照在京候選得缺告病人員。兩月限滿。未能畫憑之例辦理。○三十年奏定。官員歷任交代。無虧缺遲延者。試用候補人員。准保以遇缺儘先補用。實缺人員。准保以應升之缺升用。均不得越次



指定升階並請加記名字樣及先開本缺等項以示限制。○咸豐七年奏准州縣官交代該督撫照例限續報二叅仍將各州縣到任卸事各日期先行咨報戶部並由吏部將升遷調補委署各缺知照戶部互相考覈。備查有二叅已逾該管上司延不揭叅即由戶部奏叅請

旨將逾二叅限期之州縣即予革職該管上司交吏部照徇隱例議處。○同治元年奏准各省州縣交代如有虧短接任之員限一月內稟揭其交代未清未經後任出結者停其署補。○四年

諭戶部奏請飭直隸等省清釐交代一摺直隸州縣交代各案前經譚廷襄酌定章程分別新案舊案立限清釐乃時逾多年並未依限結報各該州縣視為具文任意積壓該管上司又復置而不問玩泄因循實屬不成事體著照該部所請所有直隸省各州縣交代著仿照山東新章辦理將同治四年以前未結各案作為舊案無論任數多寡統限三箇月將未完銀數按員造冊逐案報部同治四年以後即屬新案應依例限結報二叅逾期即將該州縣奏叅革職懲辦該管上司延不續報由戶部查叅照例議處其新舊

各案分別已未完結定限半年彙奏一次如有應行扣展者隨時奏請儘屆限不奏即將該總督藩司交部議處至結報章程無論正署各員總須各任分報不准累任統報以杜牽混並不得以駁改冊籍扣算時日巧脫處分一有虧款立時追繳亦不得以清出抵款批解為辭巧飾虧挪其軍需墊款總以覈准報部者為憑不准籠統列抵蠲緩錢糧以奏銷到部者為斷不准混作民欠如此明定章程嚴行考覈庶錮習可除藉資整頓其順天府屬熱河承德府屬交代著一律照辦即由戶部將交代未結各州縣開單分別知照該總督府尹都統等遵照辦理直隸為畿輔近地積弊尚復如是外省難保無此等情弊並著各該省督撫體察情形參酌山東新章一體認真查辦毋任不肖州縣暗虧國帑以肅吏治而裕餉源。○十三年定司道府州縣交代如前任官有侵欺透支挪移墊解挖欠未清等弊接任官無論實任署任如有徇隱不行揭報及交代後始行查出者該督撫題叅將虧空之員革職治罪接任官照例議處欠項照例賠補如有侵挪等弊接任官已經通詳而上司不行詳報題叅徇庇舊任



抑勒新任接受者許被勒之員直揭部科部科  
據揭代奏請

旨飭交嚴審。審實將抑勒交代各上司及虧空之本  
員從重治罪。審虛將誣揭之員加等問擬。○光  
緒十三年

諭前據御史胡俊章奏州縣交代請飭部定章責成  
道府督催等語。當令戶部議奏。茲據該部酌覈定  
議所稱盤庫加結分成罰賠及題參摺內聲明該  
管上司應行分賠各節。舊例新章本極周密。乃各  
該省奉行不力。甚至設法彌縫。所有虧空州縣直

至已故已革始行參劾。此等積習殊堪痛恨。嗣後  
各該督撫辦理交代之案。即著遵照部議督飭藩  
司及該管道道府直隸州。隨時實力嚴查。如各該管  
上司有心容隱並不揭報。即行據實奏參。著落賠  
繳分別議處。

司道府交代。○乾隆六年覆准。凡知府到任無  
論正署悉照州縣之例。咨部扣限兩月交代。令  
該管道員按限督催。接任之人盤量清楚。即照  
例取造冊結。咨部查覈。如有逾限交代不清立  
即分別參處。○十四年覆准。司道府存倉米穀

亦照州縣例。二萬五千石以上者。展限十五日。  
五萬石以上者。展限一月。○三十六年覆准。藩  
臬運司道府交代。均定限一月。舊任官造冊限  
十日。新任官查覈轉送。限二十日。有社倉米石  
交代者。亦照例展限。○五十九年奏准。凡州縣  
升任本府及本府升任本道。所有任內經管錢  
糧等項。飭令接任之員。一面遵照例限盤清結  
報。一面遴委鄰封廉幹道府。前往徹底清查。加  
結詳報。藩司轉詳督撫。咨部查考。儻委員並不  
實力盤查。通同捏報。照盤查官偏袒之例議處。

治罪。○道光二十七年奏准。直省布政使交代  
定限兩月。新舊任各分限一月。若升任本省巡  
撫。其任內經手錢糧。令總督確查。如無總督省  
分。令接任官覈明具題。○又奏准。鹽運使交代  
照布政使之例。運同運判提舉大使等官交代  
照州縣官之例。廣東運使運同廣西鹽○又奏  
准。鹽課錢糧交代。案內遇有處分。鹽政照督撫  
例。運使鹽道照藩司例。議處。○又奏准。貴州省  
除遵義一府。仍照知府交代例。扣限一月外。其  
餘貴陽思州思南鎮遠銅仁黎平安順興義都



勻石阡大定等十一府。並直隸省承德一府。俱有經徵錢糧積儲倉穀。與直隸州及各州縣無異。其交代限期均予限兩月。仍按其銀穀多寡分別加展。他省不得援以為例。○又奏准直隸州知州交代。照州縣之例辦理。其冊結由該管道員覈實轉詳。如有遲延等事。將道員照知府例議處。○又奏准司道府州等官交代。上司有抑勒接收者。照州縣交代之例辦理。○同治十二年奏定浙江杭州府經管省倉南米交代。於正限兩月之外。准其展限一月。專案結報。

直隸河官交代。○雍正十三年議准直隸河工錢糧及存儲物料堆積土牛等事。令廳汛各官毋論實授署事。遇有升遷事故。均照州縣倉庫錢糧之例。定限兩月。造具交代清冊。移送新任官查覈。新任逐一覈明。出具交代清楚印結。呈送該管上司考覈咨部。如舊任官將錢糧物料工程等項。不交代明白。或新任官扶同徇隱。及抑勒遲延。並該管上司督催不力。以致違限者。該督照例題參議處。所蓋堡房。責令該管汛官隨時查驗。稍有破壞。即行修葺完固。交代之時。

飭令接任官造冊送部。倘有破壞。接任官即行揭報請參。責令賠修。俟驗明完固。題請開復。如該管廳官不加督察。或扶同徇隱。或損壞堡房。不令該汛官隨時修葺。一經揭報。照礮臺邊界烽墩等項。不催之上司例參處。至承修工程。如保固限期未滿。而該員遇有升調緣事離任者。不在交代之例。著令承修官照例保固。毋致疏虞。○乾隆十八年覆准。河工廳員交代。照直隸州例。由該管道員覈實加結詳咨。如承修大工。當另案歸結。其餘一切工程。該廳員遇有離任事故。俱限三月內。將經手錢糧。並每歲搶修工程。交代清楚。出結申報。如錢糧繁多。應展限者。照州縣例。咨部請展。倘有虧缺遲延。勒捐等情。將新舊任官一併題參。照州縣錢糧交代之例議處。

教官交代。○乾隆六年議准。各學正副教官離任時。均照州縣之例。將所有頒發存儲書籍器物。並一切經手學田租穀。造冊出結。交與新任官覈明接受。造冊出結。由府州縣查明加結詳司。轉送督撫學政各衙門存案。仍



將交明緣由報部。僅離任之官。有心隱匿者。查明題參。缺少者責令賠補。若接任之官。不行查明。濫出冊結。接受。即着接受之官。暨加結之府州縣。賠補。府學教授。責成知府。加結分賠。州縣教官。交代。既有州縣督催。毋庸再令知府。加結。如逾限交代不清。亦照州縣之例。咨參議處。○又議。准凡新任及別學接署者。均令交代出結。若教授學正。教諭離任。而本學訓導署理。及訓導離任。而本學教授學正。教諭兼攝者。該員原係經營之人。毋庸送冊具結。○十四年議。准教職交代。不過書籍祭器學田等項。非州縣官可比。所有兩月限期。酌減一月。限一月完結。○二十七年覆准。各學教官。如遇交代期內。有因送考赴省赴府赴州。不能回署交代者。准其豫行申報。俟試竣回署之日。仍扣限一月交代。僅有捏飾。嚴參議處。離任逗遛。及委署遲緩。○康熙九年議。准裁汰官員。別無事故。久戀者。降一級調用。容留之該管官。罰俸一年。督撫罰俸六月。○雍正五年奉旨。嗣後遇有錢糧刑名事件。應行降調革職之員。該督

撫題參之日。即行摘印。委員署理。俟該部議覆奉旨定案之日。再行開缺。若有旨寬免。仍准復還原任。將此永著為例。○乾隆元年覆准。外省官員卸任之後。務於交盤限內。即行出署別居。不得久占衙舍。如不依限出署。接任官即詳明上司稽察。將舊官降一級調用。接任官聽其久住。不行詳報者。罰俸一年。○五年覆准。各省督撫。以屬官才具不勝繁劇。題請調簡。不必等候部覆。於拜疏日。即令離任。員缺別委署理。僅該員任內有承追督催。經徵展參等案。由部別行議駁。並令該督撫立即題參。分別議處。其蒙混具題之上司。亦一併察議。至調繁之員。統俟部覆議准。方離原任。○十五年諭。各督撫於屬官有題請革職休致。別行降補。改用教職。以及丁憂告病之類。應離任者。皆一函具題。一函即行委官署事。並將任內經手錢糧。一一清查。毋得贍徇。著為令。○二十九年覆准。被參官員。其情節須斟酌。覈議者。應聽候部覆到日。委員摘印署理。令其離任。若不令離任。將該督撫等降三級調用。至於錢糧及盜案限滿處分。定例內指明應



革應降查無加級紀錄抵銷必應離任者該督撫於查叅之日即委員摘印署理不得等候部覆方令離任。○三十九年

諭吏部將題升湖南辰州府同知之新田縣知縣柴楨帶領引見已准其升署矣。閱柴楨履歷據開係乾隆三十六年七月內經吳達善保題升任因節次委署清泉祁陽等縣現在卸事送部引見等語各省題升人員送部引見向無一定限期自因該員既經保題升任諒不致有規避情事是以未經定有章程今柴楨距題升之期將及三載為日未免太久若因該員

有承辦之事難以遽易生手須辦完方能送部亦在本任則可今乃節次委署致所升之本缺懸曠多時勢又不得不另委人代署與其留此人署別缺何如及早給咨引見令其升本缺即以應委之員代其另署別缺乎嗣後此項人員應作何定限之處著交吏部詳酌定擬具奏欽此遵

旨議定題升官員該督撫於接到部咨責令交代清楚限三月給咨送部引

見如有無故遲延逾限一二月者罰俸一年三月者降一級調用四月者降二級調用五月者降三

級調用半年者革職道光四年改定一月以上者罰俸六月三月以上者降一級留任四月以上者降一級調用五月以上者降二級調用半年以上者降三級調用○嘉慶五年奏准凡捐升離任知縣以上官員於交代清楚後照現任官員送部引

見之例給咨勒限赴部如有無故遲延者按其違限月日照前例議處○又奏准降調人員限三箇月給咨赴部候補倘有無故逗遛任所者按其違限月日照前例議處○又奏准離任官本任內實有承辦要件不能依限赴部其事半年內

即可完竣者於交代限內咨部展限半年以上始可完竣者該督撫奏明加展總不得過一年如不依限奏咨照事件遲延例議處○又奏准離任官適遇患病不能起程赴部該督撫委員驗明結報許展限三月逾限不痊即給咨勒令回籍病痊之日由原籍督撫給咨赴部捏病者革職驗看官徇情具結降二級調用○又奏准官員離任接任及各該地方官不上緊催令起程者罰俸一年道光二年改定罰俸六月○又奏准離任赴部官有省親修墓各項不得已事故必須回籍



者許呈明任所督撫酌給假期回籍仍咨明本籍督撫於事竣後飭令赴部若不呈請給假輒自回籍者照違令私罪律罰俸一年其例應回籍候補者給咨回籍○又奏准督撫將應離任官委署別缺者降一級調用○道光十六年

諭御史况澄奏請飭禁降革人員違例逗遛藉端保奏一摺各省革職降調人員例應分別飭令回籍及給咨赴部豈容任其遷延觀望藉事夤緣是以屢經降旨諭令該督撫等於此項人員不得瞻徇情面為見好乞恩地步若如該御史所奏近年各省降革之員並不同籍赴部往往逗遛省垣覬覦差使或干謁上司妄希委署或囑託僚友遇事吹噓雖經離任仍復干預公事藉圖開復又或勸助勒幫求飽囊橐甚或放債漁利窩留軍犯行止卑鄙紛紛效尤是該督撫等但知徇庇屬員罔顧政體縱謂該省要務需人儘可於現任候補內遴選差遣豈通省竟乏賢能專藉茲降革人員始能蔽事耶似此藉端取巧致開奔競之風於吏治官方大有關係嗣後各督撫等務當破除錮習一秉至公遇有屬員因案革職者飭令回籍降調者給咨赴部候補即有交代經手事件亦應照

例勒限咨部辦理不得任意遷延妄生希冀經此次諄諭之後各督撫等如敢視為具文仍將此項人員留省差委甚至登諸薦牘吏部即行指叅並將此旨載入則例○又

諭嗣後凡緣事革職降調應行離省之員該督撫於交代清楚後不給咨令其回籍及回籍候補赴部候選轉將該員留省差委藉端保奏者著照委署別缺之例定為降一級調用私罪該部即載入則例通行各直省著為令○二十九年奏准捐升離任指捐他省人員如有交代未清該上司不行扣留遽准出

咨離省者將申詳之司道府州等官照徇庇例降三級調用督撫降一級調用如不由司道府州詳請者將該督撫照徇庇例降三級調用司道府州免議



欽定大清會典事例卷九十二

吏部

處分例 京官給假 道府告假 教職告假 候補候選人員告假 京官告病 外官告病

京官給假○順治初年定在京大小官員告假祭祖父者食俸十年以上省親者食俸六年以上遷葬者食俸五年以上親老送回原籍者不論食俸○康熙十年題准各官給假取本衙門堂官咨文並同鄉京官印結到部由部具題得旨方准給假至俸深於應升月分不准告假其定限

直隸各省均一例許住家四月往返路程直隸限四月山東山西河南限六月江南江西浙江湖廣陝西限八月福建四川廣東廣西貴州限十月雲南限一年其衙門咨請暫假不開缺者不准至假滿時人文到部令其候補○乾隆五年奏准在京官員有聞其父母患病急欲省視或父母年逾七十而衰憊者均不俟六年俸滿亦不得定以限期即取具同鄉京官印結具呈本衙門該堂官具奏請旨給假回籍該堂官具奏之後知照吏部開缺不必

彙題如有止請暫假數月假滿回任並不聲明例應開缺含糊陳奏者俟知照到部後除仍行開缺外並將具奏之該堂官交部議處其食俸六年告假省親仍照舊例行○三十七年議准文職旗員緣事告假京堂以上自行具奏其餘令該堂官酌量給予假期除去程途往返限期總不得過四月移咨吏部於月底彙題其候補文職各官令該旗都統照現任之例給予假期仍咨吏部彙題如有不按照限回任回旗者照赴任違限例議處其有患病及中途阻滯情由即

報明地方官詳查報部照例展限○五十七年

諭

鑾儀衛奏整儀尉喀隆阿告假赴伊父任所等語殊屬錯誤旗員有父母在外任告假前往者或因伊父母病重前往省視或因病故後接取骨殖回京於事尚為有因今喀隆阿之父並無事故率行告假若可准行則旗員有父母在外任者必至盡行告假前往省視殊非政體該大臣等何得轉為具奏嗣後似此無故告假者俱不准行○嘉慶五年奏准京官因歸祭省親遷葬送親婚娶等事告假者除去往返日期在家止許住四月如假滿之後不赴京候



補照病痊赴補遲延之例議處。○十五年

諭本日吏部彙題官員丁憂告病一本。已依議行矣。朕閱本內告病項下。庶吉士孔傳綸等呈請回籍調理。至二十二名之多。其中恐不免有假託情事。該員等幸列詞館。如果患病屬實。驟難痊愈。請假調理。自應原情允准。儻因散館之期尚遠。託故閒游。是進身之初。已失勤慎職業之道。著教習庶吉士將該員等患何病狀。因何同時具呈之處。分析查明。據實具奏。○

又

諭昨朕閱吏部彙題官員告假事故本內。庶吉士患病呈請回籍調理者。共二十二名。降旨交教習庶吉士查明具奏。茲據秀甯等覆奏。京官告假省親等項。定例須食俸六年。始准具呈。惟患病准其隨時呈明。給假。各該庶吉士。有實因患病回籍者。亦有因甫得一官家有老親。不能迎養。又未符省親例限。偶有微疾。即以患病呈請。取結咨部辦理等語。新科庶吉士由舉子會試來京。中式後蒙恩錄用。如家有父母。即年未衰老。急思歸省。原屬人子至情。或留京資斧不給。回籍設措。亦屬事所恆有。儘可據實呈明。何必紛紛託詞患病。而教習及吏部亦明知事由假託。委驗咨

題。虛應故事。殊非覈實辦公之道。著交吏部改擬條例。嗣後庶吉士告假。除實係患病者。循例辦理外。其請假省親。不必拘食俸六年之例。准其據實呈明。給假。但亦須定以限制。如除去來往程期。應給假幾箇月。準情酌議。其資斧不給者。該部本有回籍措費舊例。著一併酌議奏明。載入則例。○又

諭庶吉士一項人員。向不計俸。又無報滿日期。其告假之久暫。亦漫無定限。殊非勵品覈實之道。嗣後庶吉士等呈請給假。除實係患病終養外。其請假省親。修墓等事。不必論歷俸年分。俱令據實呈明。仍各按省分遠近。除去往返程途。定限在家居住四箇月。期滿即應起咨銷假。如違限不到。查係無故逗遛者。著奏明將該員懲治不貸。欽此。遵

旨議定。庶吉士有因省親。接眷。修墓。葬親。並實因資斧不給。請假回籍措費等事。不必拘以歷俸年限。准其取具同鄉京官印結。據實聲明。具呈本衙門。咨明吏部。附入彙題。其程限假限。以准假之日扣算。悉按其省分遠近。除去往返程途。在家許住四箇月。期滿後。即日請咨赴館銷假。如違限不到。查係無故逗遛者。照例查明奏請議處。



其各衙門額外人員。有告病省親。接眷修墓葬親等項。並資斧不繼。呈請回籍者。亦毋庸拘以年限。令其取具同鄉京官印結。具呈本衙門。咨明吏部給假。俟報滿補缺時。俱將告假日期扣除。其分部人員內。如有例應在部投供候選者。仍查照該員是否頂選。分別辦理。

道府告假。乾隆十六年

論道府等官。於請訓赴任時。有面奏暫假回籍。經允准者。皆於次日具呈吏部覆奏。此雖向例。而人容有不知者。文員告假。有何關係。此不過陛見之時。以為奏對塞責耳。嗣後各省道府等官。皆不得於請訓時自行乞假。皆令赴部呈明。其應否准行。即由該部酌定。給以假期。仍按月彙奏。以昭畫一。欽此。遵

旨議定。道府等官。告假回籍者。有省親及祭掃祖墓之分。應除去往返程途計算。如呈請省親祭掃者。准其告假二十日。修墓及遷葬者。准其告假一月。總不得逾一月之限。

教職告假。乾隆五年議准。各省教職。食俸三年以上。如有父母在家。不能迎養。欲回籍省親及葬親省墓等事。准其咨明州縣官。轉詳該管

上司。查明委係實情。取具該州縣印結。計其程途遠近。酌給假期。報明存案。員缺毋庸開選。不得一學兩官同時告假。亦不得告假之後復行請假。如一學止設一官者。亦准一例給假。令該州縣暫攝學篆。其准假之員。該上司勒限回任。倘逾限不到。該督撫照例咨參。十二年議准。嗣後教職告假期內。聽其食俸。其假期屆滿。果係一時抱病。令原籍地方官驗明結報。許其展限一月。病痊回任。如一月限滿。該員病體難以驟痊。令原籍地方官。照告病例。驗明出結通詳。咨部別選。如有捏飾徇延等弊。將該員並地方官照例分別參處。再定例。內外官員。皆按到任日期。較俸升轉。如有離任事故。按日扣除。嗣後遇有教官告假。該督撫酌定假期。務將起程回任日期。分析報部註冊。升轉時。亦照離任事故之例。按日扣除。又定例。調任官員。如有未報到任者。雖值論俸應升之時。不准升轉。今教官既定有告假扣除日期之例。嗣後如遇論俸應升之時。該員正在告假限內。亦應停其升轉。俟假滿回任。咨報到部之日。再行升用。



候補候選人員告假。○康熙十年議准。內外大小候補官員。如有情願回籍者。具呈准其回籍。俟來京之日。仍照原文補授。大選官員。亦准給假。選授之時。仍照原序。○又議准。凡考取內閣中書。有具呈給假回籍者。亦准給假。來時仍照考取註冊名次挨補。○乾隆三十二年

諭朕因舉人銓選壅滯。是以加恩揀發各省。俾得及鋒而試。其未經得缺以前。原與現任官員有閒。伊等如有情願告假回籍者。聽其自便。並毋庸定以一年之期。

京官告病。○康熙九年議准。在京漢官告病給假者。回籍調理。停其勒限年分。俟病痊之日。該督撫咨部註冊。赴部補用。如大學士。尚書。左都御史。侍郎。內閣學士。左副都御史。告病告假。自行具奏。其餘各官。具呈該部院衙門。取具同鄉京官並無假捏印結。該部院移咨吏部彙題。准其回籍調理。如身無疾病。具呈者。將本官降一級調用。驗看出結官。各罰俸一年。堂官罰俸六月。其告病回籍官。在地方生事營私。發覺將本官革職。所屬地方官不報督撫者。降二級調用。

該地方官既報督撫。督撫不行具題者。將督撫降一級留任。其丁憂告假回籍官員。在地方生事。發覺後亦照此例。○二十六年題准。在京各部院衙門滿漢官員。告病之後。若病痊。俟一年限滿。方准起病補用。如有不及年限咨部者。概不准行。○雍正十二年定。凡告病告假。丁憂等事。皆半月彙題一次。值初一十五日不進本。○乾隆四年奏准。文職旗員。無論現任及指缺推升擬補。或未經引

見與已經引

見尚未到任之員。如實係患病。均令該管官委官確實查明。並無捏飾。酌量給以假期。咨部存案。准其在家調理。總不得過六月之限。如逾限不痊。開缺別補。俟病痊之日。仍以原衙門補用。其額外食俸官員。如遇患病。亦照此例定限。如逾限不痊。即行停俸。俟病痊之日。仍在原衙門行走。如無疾捏稱有疾呈報者。別經發覺。照漢官之例。將本官降一級調用。驗看官罰俸一年。出咨之該管官。罰俸六月。○三十七年奏准。盛京五部官員。除偶爾患病。為日無多者。酌量給



假外。其有調理須經數月者。照在京各部之例。委員查明患病屬實。豫將告假月日。行文盛京兵部。移咨吏部註冊。限滿未愈。照例取結。移咨

盛京兵部。轉咨吏部開缺。○又覆准。在京各部院衙門滿漢官員。具呈告病之後。不及一年。病已痊愈者。如無額缺人員。即令在本衙門行走。扣足一年。方准領俸。其得實缺之員。亦先在原衙門辦事。仍扣滿一年。准其補缺食俸。嘉慶十年於其得實缺之員下。增加該堂官業經奏留者九宗。○又奏准。太醫院吏目醫

士等官。年老有疾。不能行走者。具呈該院。驗實具題。准其告退。病愈仍在該院具呈。准以原缺補用。若有推諉託故。不行具呈。在外行醫者。照京官身無疾病告病例。降一級調用。若非年老有疾。該院徇情。准其告退者。將該院院判。照驗看官例。罰俸一年。○又奏准。滿漢堂司官病。假滿服滿。俱毋庸具題。移咨吏部註冊。其病假守制在旗在籍。續又有各項事故者。俱同此例。○嘉慶五年奏准。京官告病。調治痊愈。即行起文赴補。如病痊之後。不赴部候補。違限不及一

年者免議。違限一年以上者。罰俸一年。違限二年以上者。行查原籍。並非無故逗遛。降二級留任。有在籍不安本分。無故逗遛。不來京供職者。降一級調用。○九年

諭嗣後順天奉天治中。遇有告病人員。著該府尹驗明屬實。並查明有無未完事件。專摺具奏。以奉旨之日開缺。○又奏准。順天府治中。通判等官患病。由該府尹驗明是否屬實。其任內有無承辦未完事件。據實奏明。即以奉旨之日開缺。病痊之日。仍令原籍督撫。照例給咨送

部引

見至奉天府治中一缺。後亦照此辦理。○十二年

諭嗣後科道等引見各項差使。如實係見缺規避。臨時告假一二次至三次者。如何分別給予處分。其患病屬實。並非遇缺規避者。應如何酌定請假章程。畫一辦理之處。著該部詳細妥議具奏。○又奏准。科道等官。遇有引見

見巡城。巡漕。巡倉管理街道等項差務。如因病告假不到。其告假在未見缺之先。與見缺告假之後。旋經銷假。不誤引



見及驗明患病屬實。經都察院咨明吏部存案。確無規避情事者。均毋庸置議。至見缺無故告假。不行引。

見者。按其次數分別議處。初次罰俸一年。再次降一級留任。接連告假至三次者。照規避例革職。○又奏准。凡遇

陵寢掌關防郎中。

盛京戶部銀庫掌關防監督黑龍江銀庫主事。三項缺出。行文各該衙門咨取。均不得以無員保送聲覆。其保送人員。於引

見時咨報患病告假者。照侍班不到例議處。再遇此項缺出。仍以該員保送。如有連次患病告假者。即照例參辦。以杜規避。○十三年

諭本年大考翰詹。少詹事史評。侍講學士福保。右贊善福祿。均經告病。不能一體考試。著即開缺。嗣後凡遇大考之期。如於降旨後始行告病者。即行開缺。俟病痊補考後。再行補缺。○十四年

諭御史許球奏實缺人員。告假開缺。請嚴出結官處分。以杜捏飾一摺。京外實缺人員。遇有告病終養等項。事故。請假開缺。例取同鄉同城官印結。方准辦理。原

所以杜趨避而防捏飾。乃日久視為具文。遂至弊端百出。如該御史所奏近日告假人員。竟有因員缺瘠苦。或經手事件艱難。藉詞規避。似此進退自由。已非實心供職之道。甚至有員缺較優。恐遇丁憂事故。將來起復。另選他缺。藉端告假。豫為日後坐補原缺地步。並有得受頂升頂補之員。賄囑騰缺讓入者。其詭詐營私。尤於官方大有關係。必應嚴行飭禁。嗣後京外實缺人員。無論何項請假開缺。著該管上司詳查確實。並責成出結官。出具並無規避營私甘結。方准開缺。倘有捏飾情弊。或因事發覺。或經科道糾參。即將出結官照本員應得處分。一律懲處。俾內外官員。恪供乃職。無所施其趨避。以昭覈實而肅官方。欽此。○

旨議定。京外實缺官員。告病告假。該上司詳查確實。並責成出結官。出具並無規避營私甘結。方准開缺。倘有因員缺瘠苦。或經手事件艱難。藉詞規避。告病告假。或員缺較優。恐遇丁憂事故。起復另選他缺。藉端告病。豫為日後坐補原缺地步。或得受頂升頂補之員。賄囑騰缺讓入。告請病假開缺。一經發覺。或經科道糾參。將本員照規



避例革職出結官照本員一律議處該管上司  
照外官告病之例議處。○十七年

前因各衙門保送內閣侍讀學士除戶部郎中寶壽  
外皆非京察一等人員當降旨著吏部妥議章程具  
奏茲據奏稱查覈各條例內所載不一以致各衙門  
歷次保送不無參差嗣後內閣滿洲侍讀學士通政  
使司參議光祿寺少卿鴻臚寺少卿並內閣蒙古侍  
讀學士各項京堂缺出輪應部員升用著各衙門先  
儘一等人員揀選保送如一等無人或一等人員另  
有不合例事故及出各項差使方准保送二等人員  
其應保舉二員者如該衙門一等止有一員先將一  
等保送外仍准保送二等一員以足二人之數此項  
人員於引見時有患病告假扣除者著照侍班不到  
例議處再遇京堂缺出仍將該員保送不得另行更  
換如有保送後連次患病告假者該部照例參辦以  
杜規避其漢員內閣侍讀學士鴻臚寺少卿二項輪  
用郎中時亦著照此次酌定滿洲人員章程一律辦  
理以歸畫一欽此遵  
旨議定滿漢京堂缺出輪屆科道應升如都察院保送  
各員內有因患病告假者亦照侍班不到例議

處下次再遇應升京堂缺出仍將該員保送不  
准更換若保送後連次患病告假應由吏部覈  
實參辦。○光緒十一年奏定滿洲蒙古御史缺  
出傳取記名人員履歷帶領引

見請

旨補授如於傳取履歷後有患病告假者照侍班不  
到例議處如有連次以患病告假者從嚴照規  
避例議處。漢御史臨期告假亦照此例辦理○又奏定滿漢給  
事中缺出傳取各道監察御史帶領引

見請

旨補授傳取後有患病告假者照侍班不到例議處  
如有連次患病告假者照患病例開缺○又奏  
定遇更換殺虎口張家口監督差引

見不到由戶部聲敘次數奏參一次不到罰俸一年  
二次不到降一級留任如接連告假至三次者  
照規避例革職

外官告病○康熙九年議准總督患病巡撫驗  
明具題巡撫患病總督驗明具題如無總督之  
省巡撫自行具奏○又議准告病官員託故詐  
病者發覺之日令本官赴部驗看如無疾病將



本官革職。驗看官保結官各降一級調用。代題督撫罰俸一年。○雍正五年

諭外官告病。督撫查明確實具題。令其回籍調治痊可。有情願起用者。於本籍起文赴部引見。仍以原官補用。○六年

諭督撫大吏。以事繁任重。無人可代。力疾辦理。竟致不起。皆因勉強視事。未得調攝。雖生死有一定之數。然朕軫念大臣。勤公事而廢頤養。實愀然不忍於懷也。嗣後督撫等僅有一時患病。難以辦事者。不可勉強支持。即著一面奏聞。一面將印務酌量委人署理。俾

得安靜調攝。則所患自然易於痊可。足以慰朕體恤臣工之至意。若兩司中有似此者。著該督撫仰體朕心。亦酌量委人代辦。具摺奏聞。○十三年議准。布政使以下等官告病。該督撫委官驗看確實具題。令該員解任。留於本省調理。病痊之日。該督撫給文赴部。仍以原官補用。○乾隆元年題准。知府以下等官告病。委官驗實。出具印結。一面題咨。一面催令將經手倉庫錢糧一切案件。交代清楚。即給咨令其回籍。不必守候部覆。○四年奏准。現任州同以下等官告病。除平常稱職居

官無實迹可據者。令其休致外。其有居官勤慎

辦事優長。實係出眾之才。於告病時。不論食俸

年限。許該管官開列事實。加具印結。詳報督撫

詳加查覈。委無捏結情弊。將該員居官辦事才

能出眾之處。出具考語。咨部註冊。准其解任調

理。病痊之日。該督撫給咨赴部。仍以原官補用。

至微員告病。例不具題。皆由該管官具結申詳。

司道府固無驗看之責。督撫止據結報部。嗣後

佐雜等官告病。如有扶同假捏等弊。本官革職。

驗看官。出結官降一級調用。督撫司道府等官。

免其議處。○又奏准。凡甫經授職尚未到任道

府州縣。以及佐雜等官。如有中途患病。不能赴

任者。即報明該地方官驗看出結報部。准其回

籍調理。俟病痊之日。原籍督撫給咨。應引

見者。令其赴部引

見。例不具題者。咨部註冊。均以原官補用。至試用之

員告病。經該督撫題咨病痊起用者。亦照現任

之例。有任者在省調理。無任者回籍調理。俟病

痊之日。如州縣以上等官。該督撫給咨赴部引

見。其州同以下等官。該督撫給咨該員赴部。由部給



咨該員赴原試用地方試用。○八年奉

旨。外省官員告病者。准督撫題請解任。留於該省調理。病痊復用者。乃國家愛惜人才之意。但該員既以患病解任。又復留於該省調理。未免食用艱難。情亦可憫。嗣後同知以下官員告病者。皆准其回籍調理。病痊照例銓補。不必留於該省。若道府等官。該督撫具題請旨。著為定例。○十四年

諭。向來此等病廢被參官員。具題交部定議後。始行開缺。朕思病廢官員。非有劣迹可比。即交部議處。亦不過勒令休致。而雲南等遠省。文移往返。稽延時日。懸缺久待。於吏治殊屬無益。但題到即行開缺。又恐啟抑勒之弊。嗣後此等人員。即照八法年老有疾之例。一面開缺。一面勒令休致。儻該員不甘廢棄。情願來京引見。仍令該督撫給咨赴部引見。○又

諭。督撫題請屬員患病調理。與例不符。該部自應照例議駁。但因現在議駁懸缺久待。於吏治無益。嗣後如有道府等官患病題請解任。其原缺應題者。即揀選具題。應請旨或歸月選者。該部即行查明辦理。不必俟覆准。方行開缺。著為例。○十六年

諭。盜案承緝處分例。載印捕官限一年緝拏。限滿不獲

州縣等官降一級留任。三限不獲。再留任一年。如再不獲。降一級調用。若未滿一年之限升遷者。照離任官例罰俸一年。其遇告假丁憂等事離任。亦俱照此辦理。因而承緝各官。於例應降調之先。告請病假離任。俱得按例僅以罰俸完結。是明予以規避之路也。緝盜乃地方官專責。其處分自不得巧圖倖免。如果係幹練循良之員。該上司據實保題。自屬可行。若曲為瞻徇。令得却事自全。處分不及。盜案之塵積日多。未必不由於此。著該部將此例另行議奏。欽此。遵旨議定。州縣官承緝盜案。除

特旨升調。與迴避另補。及另案革職降調。丁憂治喪等事離任者。仍照定例處分。至告請病假及終養者。如初參未獲。例應住俸。處分既輕。為期尚遠。亦照舊例辦理外。其二參三參例。應降一級留任者。遇有病假終養離任。即議以於補官日降一級留任。三年無過開復。其四參例。應降一級調用者。遇有病假終養離任。議以於補官日降一級調用。再任內承督未完案件。例有展參者。如參限未滿。告請病假及終養離任。例應住俸。停升。降職降俸。及罰俸三月六月九月者。仍



俱以罰俸一年完結。其餘處分俱各照本例查議。不得概照離任官例。僅議罰俸。各直省督撫於例有展參之案。俱將離任官員。因何事故。於咨題文內隨案聲明。以憑覈議。○二十三年

諭向來外省布政使以下等官告病者例應解任。留於

本省調理。但思方面大員。如果有捏飾規避。託病回籍等事。則當督撫代奏解任時。自難逃朕洞鑒。不待再奏。始可信其無他。也。若該員患病屬實。已經奏明准其解任。使未能即愈。復令留滯該省。亦屬無益。嗣後布政使以下等官。有似此者。既經奏明解任。即准其回籍調理。毋庸再奏。請旨。○三十五年

諭李侍堯奏推升都司之守備高天琪。上年七月暴發

眼疾。迄今醫治未痊。請勒令休致一摺。所奏非是高天琪於上年七月內已准部文推升。即應飭令赴部引見。武職交代。有何要務。直待半年之久。始赴省謁見該督。其因病遷延。已可概見。該員目疾已久。營務必致廢弛。該督不即早為參劾。所謂實心察屬者安在。今因給咨送部引見。慮難逃朕洞鑒。始將該員病廢情節陳明。掩其平日姑容之迹。封疆大臣。豈宜若此。李侍堯著交部察議。嗣後各督撫於所屬文武各

員。平日不加查覈。直俟推升引見時始行陳奏者。俱照此行。查此案議照因循瞻顧。不即查參。以致貽誤地方。降二級調用。降二級調用。○三十七年議准。外省道府州縣等官。遇有患病。詳請解任回籍調理者。詳報到日。遴委鄰封不同

城不同鄉之員驗看。如果患病屬實。出具切實印結。該管上司。復行驗看申報。如知府直隸州。告病。責成本管道員。州縣告病。責成本管府州。廳員告病。責成府道。由司轉詳。其有一時患病。而平日居官尚好。於地方有益者。將該員才具尚堪辦事之處。於疏內聲明。即准其解任回籍調理。毋庸另行具題請旨。俟病痊之日。各該督撫給咨赴部引見。仍以原缺補用。如有虛捏不實之弊。將本員及驗看之員。均照例革職。申報之上司。照徇庇例。降三級調用。轉詳之上司。降二級留任。具題之督撫。降一級留任。至司道與督撫毗近。易於覺察。遇有告病事故。聽督撫酌量委員驗看。如有瞻徇情弊。將督撫照申報官之例議處。○四十一年

諭向來道府遇有告病之事。督撫具題到日。該部以應



否准其回籍請旨。朕視其本任無急需承辦事務。又非規避上司者。多准其回籍調理。其丞倅以下。俱不由部覈請。舊例尚未允協。嗣後同知通判及知州知縣。遇有告病乞假等事。應作何覈議之處。著該部定例具奏。欽此。遵

旨議定。丞倅以下及州縣等官。遇有患病題請解任乞休者。令該督撫將該員現任何缺。有無承辦緊要經手事件。於疏內詳細聲敘。其無前項情節。吏部仍照例開缺。附入彙題。如有承辦緊要事件。吏部一面開缺。一面即於本內聲明。將可否

准其回籍請

旨遵行。○又覆准。州縣告病乞休。均照丁憂人員之例。與知府同城者。即令知府收印。暫行兼攝。如不同城者。就近酌委賢員。先為代辦。倉庫錢糧。查明封儲。俟上司委員到日。再行交替。該管上司於文到日。一面遣員前往暫署。一面委員查驗有無捏飾。分別辦理。○四十二年奏准。現任同知以下等官奉差。或引

見來京。有患病願回籍調理者。取具同鄉京官印結。在部具呈。令該司坊官驗看報部。除一面移咨

該員任所督撫出考。查明並無未清事件。規避情節者。准其回籍調理外。其所遺員缺。即由部銓補。毋庸暫停開缺。○又覆准。告病人員。該督撫等應詳慎註考。其有患病劣員。出具應補考語。至病痊補用後。或犯有貪酷劣迹。並才力不及者。其從前出考之督撫。及該上司。與保薦無異。均照保薦不實例。分別議處。○又覆准。凡病痊起用。及終養丁憂服滿起用。赴補人員。均由本籍督撫驗看。如果年力不至衰庸。查敘原咨考語。給咨赴部引

見補用。佐雜各員。咨部銓選。僅精力就衰。難勝原官之任。即行據實分別奏咨降補。改教。勒令休致。其中有不甘廢棄。情願來京引

見者。即照大計六法人員情願引

見之例。給咨赴部引

見。○四十三年定。各省分發人員。有因省親。修墓。告假回籍。復於原籍呈報患病者。係在兩月之內。毋庸繳銷部照。至兩月以外不痊。即將原領執照。送部查銷。如有將原領執照未經繳銷者。將該員照違令律議處。如該員業已呈繳。地方官



未經咨繳。或詳繳遲延者。將地方官分別查議。俟病痊之日。原籍督撫一面咨報吏部。一面給咨該員赴原掣省分試用。○四十五年奏准。凡遇各省揀選人員。臨時呈明患病者。吏部存案。俟病痊之日。亦另扣投供限期。再行銓選。以杜規避揀選之弊。○又

諭嗣後吏兵二部。於文武員弁在部具呈告病者。查明該省如遇緊要事務。顯有託病規避情節。即行具摺奏。不必行查該省。○嘉慶五年奏准。甫經授職。尚未到任。及分發揀發。並來京會試教職官員。如

有在京及中途患病。不能赴任。赴省者。在京報明司坊官。在外報明該地方官。照例驗看出結報部。准其回籍調理。俟病痊之日。原籍督撫給咨應引

見者。令其赴部引見。佐雜等官。咨部註冊。俱以原缺補用。○又奏准。告病人員。已經回籍者。仍由原籍督撫驗看題咨病痊。在任所告病。未經回籍。旋經調治痊愈者。仍准其由任所督撫。府尹驗看報部起病。京官及外官因差來京患病。並銓選分發後告病。尚

未出京。旋即痊愈者。准其由五城兵馬司驗看。具結報部起病。其餘概不准以來京就醫。藉詞在五城呈報病痊。○十年奏准。分發各省大挑舉人。未經甄別以前。及甄別以佐貳改補者。如遇告病。仍照例咨部覈辦。病痊時。由原籍督撫驗看。給咨該員赴原省試用。其已經甄別以知縣用者。如遇告病。即照現任之例。令該督撫專疏具題。病痊之日。原籍督撫驗看。給咨赴部引見。仍赴原省試用。○又奏准。內外各官。任內有承督未完事件。於未經限滿之先。告請病假離任者。

至參限滿時查參。如例止住俸停升降職降俸。及罰俸三月六月九月。仍令催追緝拏等案。俱以罰俸一年完結。其餘處分。各照本例議結。如緝城外失事。二參三參例。應降一級留任者。遇有病假離任。即議以補官日降一級留任。三年無過開復。其四參例。應降一級調用。不得概照離任官例。僅議罰俸。各直省督撫。於例有展參之案。俱將離任官員。因何事故。於咨題文內隨案聲明。以憑覈議。如告病離任官員。遇有降革處分。照本例議結之後。復有降革處分。仍照告病離任之例議處。○十一年奏准。得缺未經領憑。



試用未經領照。告病開缺回籍者。將來病痊時。得缺人員。令原籍督撫驗明。實係痊愈。年力可用者。給咨赴部。其尚未出京。旋即痊愈者。一體令其投供。坐補原缺。其揀發分發及試用人員。在外令原籍督撫驗明。給咨赴部。在京報部給照。令該員前往原掣省分補用。均毋庸於病痊後帶領引。

見其得缺已經領憑試用已經領照人員。俟病痊後應行引。

見者仍照例給咨赴部引

見○道光四年奏定。外省道府各官告病。本員詳報到日。該司即詳請該督撫分別題咨開缺。一面委員驗看。由該管上司加結轉詳。除去程限之外。各予限十日。儘實有規避捏飾情事。立予揭參。不得以文結錯漏駁查。藉端扣展。若有遲延。查係驗看遲延。即將驗看官職名附參。係轉詳遲延。即將轉詳官職名附參。均照事件遲延例議處。○二十六年奏准。外省官員告病開缺。尚未接到部覆。續報丁憂。即作為丁憂開缺。遇有處分。照離任官例議結。將來病痊時。毋庸引。

見及坐補原缺



欽定大清會典事例卷九十三

吏部

處分例 旗員歸旗 旗員子弟隨任

旗員歸旗。康熙二十六年奉

旨。歸旗人員。皆令該督撫嚴行催促。限五月內回旗。

又議准。革職解任官員歸旗。若不撥兵護送。取

具沿途官交送印結者。罰俸九月。○二十九年

題准。凡應歸旗人員。無故不速起程。逾限一月

以上。或已起程。中途逗遛。或不進京。在他處居

住。或本身已來。而家口在他處居住。有官者。革

職。已革職者。交該衙門治罪。其該管州縣官。同

城知府。不速催起程。容留一人者。降一級留任。

二人者。降一級。三人者。降二級。四人者。降三級。

五人者。降四級。皆調用。六人以上者。革職。道員

及不同城知府所屬地方。容留一二人者。罰俸

一年。三四人者。降一級留任。五人以上者。降一

級。十人以上者。降二級。皆調用。督撫所屬地方

容留一二人者。罰俸三月。四人者。罰俸六月。五

人以上者。罰俸一年。十人以上者。降一級留任。

僕歸旗人員。已經起程。該地方官不將起程日

期申報。或已申報。而督撫不行咨明。該部該旗

以致逗遛生事者。亦照此例議處。如歸旗人員

於原任地方。起程逾限不及一月。或實因患病

及有不得已情由。難以起程。或已起程。中途患

病難行。阻滯情實者。取具該地方正印官印結

報部。概行免議。如並無事故。妄藉事端。誑取印

結。其地方官不將此等情由申報。濫給印結。一

經發覺。將誑取印結之員。仍照逗遛逾限例處

分。出結之地方官。照容留例處分。○又議准。革

職降級旗員。家口居住原任地方。有錢糧未清

者。勒限兩月之外。再限六月完結。如限滿不完

該督撫將承追督催各官題參。照例議處。一面

即將拖欠錢糧之官。並家口一併催令歸旗。將

未完錢糧。詳細總數。備造清冊。咨送該部。轉交

該旗都統。變產賠補。儻逾此定限。不令起程歸

旗。亦照容留廢官例處分。至原參督催承催官

員。降俸戴罪督催之案。該旗將此項拖欠之錢

糧催完。該部覈明具題。咨部查銷。○雍正三年

議准。歸旗人員。大路有驛站者。每日行一站。僻

路無驛站者。每日行五十里。自本任地方。照站



數里數計算。扣定到京日期。咨報該部。該旗查覈。○四年議准。凡應回旗人員。除原無水路地方。及能自備腳力。並願從陸路回旗者。任由陸路外。其有水路之處。應聽由水路行。即於呈內開明。由某省水路。照原定限期計算到京。儻無故逗遛。致違定限。照例議處治罪。其起程時。原地方官不報明督撫。及督撫不行咨報該部。該旗。並沿途地方官。不挨程催促者。仍照容留旗員例。分別議處。○又議准。八旗外任官員。凡有降級革職。及升轉休致。應歸旗者。一經離任。該督撫即令接任官。將該員所有家口。逐一詳查。共有若干名數。備造清冊。一面依限催令起程。一面出具。並無遺漏。隱匿印結。同冊一併咨送該部。該旗。以便查覈。儻接任官。將前任旗員家口。聽其隱匿。不盡行造入冊內。或被旁人首告。或被該部。該旗查出。將接任官。及不行查察之各上司。皆照容留旗員例。分別議處。至沿途地方官。遇有歸旗家口。經過。務行逐一詳查。遞送。毋使潛匿在境。如有瞻徇遺漏。事發。將沿途地方官。亦照容留旗員例。分別議處。如歸旗人員。

不候造冊給咨。及沿途不俟詳查家口。撥兵護送。竟行越度者。許該地方官。即行詳報督撫。指名題參。照起程逾限中途逗遛例治罪。如聞訃奔喪。不候給咨文。先行歸旗。中途並無逗遛者。照違令私罪例。於補官日罰俸一年。○五年

論盛京人員習氣澆薄。營謀鑽刺。朋比侵盜。甚是无恥。屢加教誡。終不悛改。皆緣犯法參革。究治之後。仍在本地居住。往往生事滋擾。誘人為非。無所不至。此等敗類。若不即令遷移。望風俗之歸於淳厚。終不可得。嗣後盛京居住滿洲蒙古漢軍文武官員。除因公註誤獲罪者。仍准本地方居住外。其犯侵盜虧欠錢糧。及姦貪訛詐之事。降革者。酌其所犯事由。或令來京歸旗。或著於各省滿洲駐防之處安插。如此則不肖之徒漸少。而盛京澆薄之習可息。嗣後凡遇盛京人員犯罪案件。俱照此定擬。○七年

論嗣後歸旗人員。有逾限逗遛在外。應行枷號者。按其逗遛年月之多寡。以為枷號之期。若逗遛一年。即枷號一年。照此計算。儻另有生事犯法之處。從重歸結。永著為例。○乾隆元年奏准。嗣後外任旗員。呈報丁憂。凡一切公務。概不准差委。於該員聞訃時。



詳明督撫。即行委員署理。飭令交代清楚。各按省分遠近。計程定限。給咨歸旗。將該員聞計及起程日期。咨明吏部。並咨該旗存案。該旗於該員歸旗後。以在任聞計之日為始。不計聞。扣算二十七箇月。服滿。咨部起服補用。至該員未經丁憂。先奉差委。如實係緊要公務。聞計後勢難另委接辦者。令該督撫將原由聲明。俟事竣後。給咨歸旗。亦准其以聞計之日丁憂。按月起用。若該員所辦差事。可委員接辦者。仍飭令交代清楚。勒限歸旗。其歸旗定限。或有逾違。該旗咨報吏部。按其遲延月日。照官員領憑赴任例。分別議處。儻該員在任並無差委事件。於聞計後。希圖逗遛。鑽營差委。及所奉差已經委員接受。仍故意延挨。不行交代者。該督撫據實題參。照官員聞父母喪仍行戀職。例革職。各該上司於該員聞計後。不即催令歸旗。復行差委。及另委事件。不勒令交代。任其藉端留滯者。將差委之各上司。照濫委廢官例。降一級調用。○四年奏准。外任旗員。緣事解任。隨任子弟。有應實事件。由接任官申報上司。咨明該部。該旗仍留任所

候質。如無候質事件。給咨先令歸旗。儻地方官不請給咨。私令回旗者。降一級留任。隨任子弟。不候給咨。私離任所。該地方官未經查出申報者。罰俸九月。其擅自潛往之子弟。有職者。革去職銜。閒散人。照例鞭責。○又奏准。各省駐防旗人來京者。令各該將軍等。查明本人三代。造冊出結。先行知照在京該旗。仍出具印文。交本人親身投遞該旗。以憑查對。至外任文武旗員。隨任子弟來京者。由任所該父兄。造具本人三代年貌清冊。呈請該管將軍副都統督撫提鎮府尹。城守尉等官。出咨知照在京該旗。仍給文本。人親齎投遞該旗。如任所父兄。係文武大員。可以自行出咨者。其隨任子弟。有事來京。即由該父兄自行給咨。其有不領咨來京。及領咨潛往他處。有職者。革去職銜。閒散人。鞭一百。如隨任子弟之父兄。不為請咨給咨。擅令來京者。罰俸一年。如已經呈明。而該將軍副都統督撫提鎮府尹。城守尉等官。不給咨文者。罰俸九月。至旗人。有事來京。仍回原處者。呈明在京該旗。亦照該地方給咨之例。出咨知照該地方。仍給文本。



人親投該管駐防。或任所上司衙門。以憑查覈。其有不領咨私回。或領咨潛往他處。及已呈明該旗官員不給咨文者。皆照前例辦理。○八年

諭。外省官員告病。准督撫題請解任。留於該省調理。病痊復用者。乃國家愛惜人材之意。且以杜藉名規避之弊也。今田懋所奏。該員既以患病解任。又復留於該省調理。未免食用艱難。情亦可憫等語。似亦實情。况原有病痊坐補原缺之例。亦不慮其藉端規避。朕思同知以下官員。亦無甚規避情節。其告病者。俱准其回籍調理。病痊照例銓補。不必留於該省。若道府

等員。准該督撫具題請旨。其有無規避情節。臨時自難逃朕之洞鑒。著定為例。高鈺准其回旗。○十五年

議准歸旗人員。限三月催令起程。廣東瓊州所屬官員亦照

此限。母庸加展。如有實在不能起程緣由。詳報展限。○

四十七年奏准歸旗人員。中途患病。違限一月。

及風水阻滯。違限一二月。不及報明地方官。照

領憑赴任人員例。查覈辦理。○嘉慶五年奏准

容留歸旗人員。不計眷口。如係眷口逗遛一家

照一人例議處。○九年

諭。據鑲黃旗滿洲都統等奏稱。該旗有原任福建延平

府上洋通判普祥。於嘉慶七年十一月內。告病回旗調理。該員及家屬等。至今未回等語。著玉德李殿圖接奉此旨。即將普祥是否尚在該省。因何延久未回之處。查明具奏。一面仍嚴飭該員。攜帶眷屬。迅速回旗。如係沿途逗遛。亦著就近咨查明晰。轉飭速回。毋得再有遲緩。○又

諭。前因鑲紅旗漢軍都統等具奏。該旗有原任福建詔安縣知縣鞠清美。自嘉慶四年參革。問遣後。其家屬尚未回旗。行催已至七次。查該革員名下。尚有應賠官項銀三千四百餘兩。未便任令久懸。因降諭旨。令

玉德查明覆奏。茲據該督奏稱。查詢該參員之子鞠紹勳。據稱現在衣食無資。實無盤費回京。該督等已公捐銀兩。勒令即日起程回旗等語。該員服官外省。遇有事故。該督撫等即應飭知該員家屬。早日回旗。

况如鞠清美名下。尚有未完官項。安知非該家屬藉詞逗遛。希圖延宕。即實因赤貧無力回京。該督等亦應據實奏聞。一面催令料理起程。乃事閱數年。並不

陳奏。又不嚴催。直待降旨詢問。始行查辦。若非該旗具奏。經朕特旨飭查。仍必延閣不辦。任令日久稽留。成何事體。玉德李殿圖著傳旨申飭。嗣後外任旗員。



一有事故該管上司即當飭催家屬迅速回旗毋任延緩○又議准外任官員應歸旗者限三箇月內

東廣州所屬官員亦照此限毋庸加展起程大路有驛站者每日行

一站僻路無驛站者每日行五十里由水路行

走者呈明由何省水路該督撫按日計算扣定

到京日期咨報該部該旗查覈如無故不速起

程逾限不及一月者免議若逾限一月以上或

已起程中途逗遛或不進京而在別處居住或

本身已來而家口在別處居住有官者革職已

革職者交該衙門治罪其該管州縣官同城知

府不速催起程容留一人者不計眷口如係眷

口逗遛一家照一人降一級留任二人者降一級調用三人者降

二級調用四人者降三級調用五人者降四級

調用六人以上者革職道員及不同城知府所

屬地方容留一二人者罰俸一年三四人者降

一級留任五人以上者降一級調用十人以上

者降二級調用督撫所屬地方容留一二人者

罰俸三月三四人者罰俸六月五人以上者罰

俸一年十人以上者降一級留任若歸旗人員

已經起程該地方官不將起程日期申報或已

申報而督撫不咨明該部該旗以致中途逗遛

生事者亦照前例議處如實因患病及有不得

已情由令該督撫查明確實咨報該部該旗准

其展限三箇月展限後不即起程違限不及

一月者仍免議違限一月以上有官者降一級

調用二月以上者降二級調用三月以上者降

三級調用四月以上者降四級調用五月以上

者降五級調用半年以上者革職無官者交該

衙門分別治罪至中途患病及風水阻滯取有

地方印結報明該部該旗者其應展例限及違

限處分亦照此辦理其並無事故妄藉事端誑

取印結地方官即行混給照容留例處分○十

年

諭據鑲黃旗滿洲都統等奏原任山東登州鎮總兵富

寬之子安榮於嘉慶七年發往貴州以同知試用八

月內具報起程今富寬卸事回旗伊子安榮亦隨同

進京詢係因病在伊父富寬任所居住三年並未咨

報本旗等語安榮係試用同知於具報起程後即應

前赴貴州聽候差委即有患病等事應咨報本旗照

例辦理乃安榮前往伊父富寬任所居住三年之久



並未前赴黔省。亦未咨報本旗。雖訊據富寬聲稱。伊子安榮因患病留署調養。富寬業經呈報山東巡撫等語。恐亦不足憑信。著傳諭全保。即查明安榮是否實因患病。留住登州鎮署。伊父富寬曾否報明。該撫曾否行知黔省。何以並未咨報本旗。並諭福慶將安榮因病留住東省。曾否接據東省知會。何以亦未具文向部旗查覈。俱各詳細確查。據實覆奏。○又

諭。前因分發貴州以同知試用之安榮。前往伊父富寬登州鎮署。因病居住三年。並未赴黔。亦未咨報本旗。當經降旨諭令全保確查具奏。茲據覆奏。分發貴州

同知安榮。在伊父富寬登州鎮任所居住三年之久。前任巡撫倭什布咨明吏部及貴州巡撫。並未咨報本旗。該府縣又未能隨時查報。均屬疏忽。請將登州府知府百歲。蓬萊縣知縣馬振玉。與從前咨部時漏未咨報本旗之前任山東巡撫倭什布。一併交部議處。並自請交部等語。登州府知府百歲。蓬萊縣知縣馬振玉。並前任山東巡撫倭什布。均著交部分別議處。全保甫經到任。即將富寬年老叅出。所有自請交議之處。著寬免。○十九年奏定。外任旗員丁憂。業經於限滿時呈請給咨。其在省具呈者。該上司限

十日內給發。在各府州縣具呈者。該地方官限十日內轉詳。該上司於文到十日內給發。飭交地方官轉給。其轉詳轉給往返程限。均准其聲明扣展。如有遲延。令該督撫於咨部咨旗文內。據實聲明。將具詳之地方官。給發之上司。違限不及一月者。罰俸六月。一月以上者。罰俸一年。兩月以上者。降一級留任。三月以上者。降一級調用。本員免議。僅該督撫並未聲明。以致本員誤被降革。除本員開復外。仍將具詳給咨之員議處。並將漏未聲明之上司。照誤揭屬員例議

處。○又奏定。外任旗員丁憂。如有不即起程。逗遛省城。鑽營差委。干預公事者。將本員革職。該督撫不行查叅。降二級調用。若該督撫有以河工及一切工程。並經手緊要事件。違例奏留。而該員亦願留效力者。將該督撫降三級調用。本員仍革職。其有因軍營要務。該督撫自行扣留。不即奏明者。照應奏不奏公罪律。降二級留任。○又奏定。丁憂旗員。漏報起程日期者。罰俸六月。○又奏定。丁憂旗員。不候給咨回旗者。罰俸一年。○二十三年奉



旨。旗員補放外任。遇有事故回旗。原不准在外日久。違  
違。是以定例較漢員加嚴。但遲延一月以上。即議降  
調。半年以上。即議革職。亦未免過重。嗣後外任旗員。  
丁憂回籍。除正展限期外。如起程遲延半年以上者。  
著降一級調用。一年以上者。著革職。欽此。遵。

旨議定。外任實缺州縣以上等官。遇有丁憂事故。應交

代離任者。總以丁憂之日起。給予交代。應得例

限。州縣交代限期。初二。各限四箇月。有社倉者。初二。各限兩箇月。共六箇月。其藩臬道府。

河工官員。各照其錢糧倉穀較多。並有民欠驛

站之州縣。及一人而有兩任交代者。均准其各

照本例限期扣展。或接任之員未及交代。旋又

卸事。或接任官已接交代。經上司撤回降補。經

委員另算交代。亦准其覈實扣展。統俟交代清

楚之日。由該督撫各按其加展限期。於咨部文

內詳細聲敘。如有患病情事。准其再展限三月。

儻別有控案質訊。及勒追銀兩未完。令該督撫

專案咨部扣展。如別無前項事故。不即起程。除

該員應得正展加展限期。並該督撫地方官給

咨具詳例限。及轉詳轉給往返程限。悉予扣除

外。其在省請咨者。以該督撫給咨之日起。在各

府州縣請咨者。以地方官轉給之日起。扣至該

員起程之日止。遲延半年以上者。降一級調用。

一年以上者。革職。○道光元年奏准。外任佐雜

實缺旗員。遇有丁憂事故。交代離任。照實缺州

縣之例辦理。如實有患病及設措盤費等事。准

其再展限六月。○又奏准。各省分發候補旗員。

遇有丁憂事故。如係署缺有交代者。照現任人

員之例辦理。未經署缺無交代者。限三月起程。

此係正位其州縣以上等官。因患病情事。准其

再展限三月。若佐雜等官。因患病及設措盤費

准其再展限六月。如無故不即起程。除該員應

得正展加展限期。並該督撫地方官給咨具詳

例限。及轉詳轉給往返程限。悉予扣除外。其在

省請咨者。以該督撫給咨之日起。在各府州縣

請咨者。以地方官轉給之日起。扣至該員起程

之日止。係候補州縣以上人員。遲延半年以上

者。降一級留任。一年以上者。降三級調用。係候

補佐雜人員。遲延半年以上者。降一級留任。一

年以上者。降二級留任。○四年奏定。凡應歸旗

人員。適因患病。及有不得已情事。未能按限起



程者。令該督撫查明確實。咨報部旗。准其展限三月。如無故不即起程。有官者。遲延半年以上。降一級調用。一年以上。革職。無官者。交該衙門治罪。其起程之後。或有中途患病。及風水阻滯。由沿途地方官出結報明。該部該旗者。各准其展限三月。僅有已報起程。而中途無故逗遛。以致歸旗逾限。遲延半年以上者。降一級留任。一年以上者。降二級留任。其或在省在途。別有鑽營干預情事。以及本員雖已到京。而家口仍在別處居住。有官者。革職。無官者。治罪。○又議定。

凡應歸旗人員。令其將家口人數呈報。並令該地方官逐一點查。造具清冊。咨送部旗。備隱匿不報。地方州縣官。失察一二人者。罰俸一年。三四人者。降一級留任。五人以上者。降一級調用。十人以上者。降二級調用。府州失察一二人者。罰俸九月。三四人者。罰俸一年。五人以上者。降一級留任。十人以上者。降一級調用。道員失察一二人者。罰俸六月。三四人者。罰俸九月。五人以上者。罰俸一年。十人以上者。降一級留任。沿途地方官。於歸旗家口。不行點查。遞送。致有潛

匿在境者。將該州縣府州道員。亦按其人數。分別議處。○八年奏定。八旗外任實缺人員。父母在旗病故。如適遇截缺之期。令該家屬於遺喪之日。呈明該參佐領。該參佐領即行出具圖片。報部開缺。如有遲延。照例議處。至外任候補候選人員。父母在旗病故。無關開缺。仍於五日內呈報。○又奏定。外省丁憂旗員。於領咨起程之後。如中途遇有患病。及風水阻滯等情。即於呈報到旗文內聲明。准其各展限三月。其扶柩回旗人員。行走自未能迅速。並准其於程限外加半扣展。總以領咨起程之日起。扣至到旗之日止。除去正展程限。遲延半年以上者。降一級留任。一年以上者。降二級留任。○又奏定。漏報到旗日期者。罰俸六月。旗員子弟隨任。○雍正三年議定。外任旗員子弟。至十八歲以上者。不令帶赴任所。其未至十八歲者。具呈該都統存案。至十八歲。悉令歸旗。○乾隆五年奏准。外任旗員。將任內所生之子。隱匿不報。本旗註冊。或假捏過繼。潛匿他處。除將令其隱匿及潛留外省之員。斥革治罪外。該



地方官。在任半年以上。不行查出。或被人告發。或別經發覺。將失察之該地方官罰俸一年。該管道府罰俸六月。如居住失察未及半年。及自行究出者免議。如該地方官故為容隱。不行查報者。降一級留任。該管道府罰俸一年。○七年。諭。向來旗員子弟自幼隨任在外。年至十八歲者。例應來京。若有欲留任所協辦家務者。准督撫代為題請。聽候部議。其新授外任之員。子弟在京長養。年過十八歲以上者。非奉特旨。不得隨任。此舊例也。朕思旗員子弟。不許擅隨任所者。一則恐在地方滋事。一則留京以備該旗當差。如外任旗員。能嚴加約束。為督撫者。又不時稽查。則皆知守分循理。可無慮其多事。至該旗佐領。本有可以當差之人。而父兄外任者。將子弟帶往。則本人既可省兩處之費用。該佐領閒散之人。又得當差支領錢糧。以資養贍。洵為兩便之道。嗣後外任旗員子弟。年至十八歲以上者。在外仍令該督撫題請。在內著呈明該都統查奏。俱准其隨任。其不願隨任者亦聽之。若隨任之後。或出署交遊。及干預地方之事。著該督撫即行查奏。從重議處。○十八年。議准。外任大臣官員。十八歲以上之子弟。

挑取拜唐阿。二千五百里以外省官員子弟。挑取哈哈珠子。均令送回京城備挑。如或幫辦家務。另有不能相離之情。或有殘疾不能挑取。係大臣令自行具奏。其無具奏之職者。呈明該管大臣代為轉奏。均行文該旗除名。如有捏報等情。查出從重治罪。○三十八年。議准。凡官員隨任子弟。如聽其藉辦公事為名。與人接見。致有營私滋弊等事。干涉本官者。照應得罪名革職治罪。如雖未營私滋弊。而聽其與人接見。出入無忌者。照約束不嚴例降一級調用。至該管上司。明知屬員信用子弟。以致營私滋弊。不行查察。照徇庇例降三級調用。若僅止失察。照失於覺察例。降一級留任。兼轄上司。俱照失於查察例。罰俸一年。○五十年。諭。從前准令外任大臣官員等。各帶一子隨任。辦理家務。係朕曲成之恩。乃伊等藉此將所有子孫。俱留任所。是誠何心。嗣後飭令八旗嚴察伊等子嗣。年已及歲者。止准奏請一人隨任幫辦家務。其餘年已及歲之子弟及孫。俱著催令回旗。以備挑取差使。儻贍徇情面。不行咨催者。將該都統等一併治罪。○又奏。



准。現在奉

旨查辦挑取侍衛拜唐阿之人。俱係知府以上子弟。至

同知通判州縣以及佐雜等官子弟。俱未奉

旨查辦。其八旗別項差使。則在京閒散。既可挑差以資

養贖。本人亦可免兩處費用。應仍准本員詳請

留任。俟升至知府時。由該旗查明子弟及孫內

年已及歲者。准留一人外。其餘即令回京。以備

挑取侍衛拜唐阿。僅有逗遛及贖徇不行查催

者。將本員及該管都統等一併議處。○五十六

年

諭。福康安奏慶遠府知府張肇祥之子閒散柏齡。上年

奉旨交部咨取來京。該府任意遲延。及屢次檄催。復

稱伊妻患病身故。扶柩由水路回旗。現在催令改由

陸路赴京。請將張肇祥交部嚴加議處等語。八旗外

任官員子弟。年至十八歲。例應回京當差。張肇祥之

子柏齡。年已及歲。並不即令回旗。已屬不合。經朕圈

出。指名調取。又復有意遲延。而該督屢催。輒以攜眷

赴任。伊妻中途患病身故。丁憂。於本年三月二十八

日。令其扶柩由水路進京。藉詞稟覆。殊出情理之外。

張肇祥於上年十一月初。業已接奉部咨。令伊子赴

京。自應即令起身來京。若尚未起身。適伊母病故。即

應將不便赴京之故。報明該督撫。且向來旗人守制

以百日為期。計算本年二月內。早已服滿。何以遲至

三月二十八日。始令由水路起程。是其有心延玩。實

屬咎無可辭。張肇祥種種託故遲延。庇留伊子。尚屬

罪之輕者。至以奉旨調取來京引見之人。竟稱令其

扶柩歸旗。措詞舛謬。豈上對君父之言。大不敬矣。張

肇祥著革職送京。交部治罪。以示懲儆。○道光元年

奏准。外任旗員。文職自州縣以上。至督撫大員。

如宗族親戚內。有品行端方。諳習吏治。情願令

其隨任幫辦公務。或因親族子弟。材堪造就。帶

往讀書肄業者。大員咨報本旗。其餘呈報本省

督撫。轉咨本旗。查取本人父兄情願。令其隨任

甘結。由部給發路照前往。不願者聽。若並非本

員呈請。概不准行。如有請以尊長隨任者。亦須

該族長出具並無勒令呈請甘結。該佐領加結

呈報本旗。查覈屬實。方准隨任。如有私行潛往

仍照例治罪。其漢軍佐雜各官。亦照此辦理。至

由京補放及部選人員。有願攜眷。口子弟親族

偕往者。亦由本員呈報本旗。准其一體隨往。僅



該參佐領等有勒捐刁難情事。或被告發。或經查出。從重懲辦。若該子弟親族。於到署後不服管束。不安本分。則咨遣回旗。重則照例懲治。係本員失於覺察。照失察子弟犯法滋事例。降一級調用。儻有徇庇等情。即照徇庇例。降三級調用。自行查出究辦者免議。

欽定大清會典事例卷九十四

吏部

處分例 漢員回籍 容留提鎮等官任所入籍置產 官員更名改籍 賞給微員路費回籍

漢員回籍。○康熙二十九年議准。漢官革職離任者。照旗員之例。勒限回籍。將起程日期報部。○雍正三年議定。漢官革職提問。應於原籍地方追贓治罪者。在內令司坊官。在外令該督撫作速催令起程。將起程日期報部。並知會原籍地方官。仍照旗員歸旗例。按各省遠近程途。定限。有驛站者。每日行一站。無驛站者。每日行五十里。除從陸路者。任其由陸路外。其有由水路者。亦聽其便。並將由某省水路之處。即於呈內開明。自本任地方。照水路程途。站數里數。扣定到籍日期。該督撫俟本人到籍。將日期報部。查覈其革職免罪之員。外官交代完日。限三月內。京官限一月內。該地方官催令起程。按照程途。定限回籍。儻違限不即起程。及逗遛中途。並回籍違限一月以上者。都察院並該督撫題參。照處分旗員例。交部分別治罪。儻該管官不速催



令起程。或他省官員聽其逗遛境內。皆照容留旗員例議處。同城知府照州縣例議處。不同城知府照道員例議處。司坊官照地方官同城知府例議處。巡城御史照督撫例議處。如實因患病及有不得已情由。難以起程。或中途患病難行。阻滯情實者。該地方官出具印結申報督撫查明咨部免議。若並無患病暨阻滯情事。故違定限者。本官與容留之地方官。皆照旗員例分別議處。其解任休致丁憂給假等官。應聽其便。○乾隆元年議准。嗣後告病調理等官。除該督撫出具考語。俟病痊起用者。於咨題之日。即令解任。照例留於原任地方調治。俟病痊之日。應給咨引。

見者送部引

見應咨補者。即行咨補外。其實係老病告休官員。該督撫委員驗實出結之後。亦照丁憂官員之例。一面題咨。一面催令將任內經手倉穀錢糧一切案件。交代清楚。給咨令其回籍。○二年議准。官員告請終養。照丁憂之例。一面題咨。一面即飭交代清楚。給咨先令回籍。不必守候部覆。儻

告請終養之員。有情雖可憫。而與例不符者。仍照舊例具題請

旨。聽候議覆。遵行。如有浮開年歲。詭捏事故。以及藉名規避等弊。或經該督撫查參。或被旁人首告。將本官及轉詳出結各官。均照例一併議處。○又覆准。革職官員。應於原籍地方追贓治罪者。仍行給咨押解外。其革職免罪之人。別無未清事件。遵照定限催令回籍。免其請咨遞解。○六年議准。嗣後回籍官員。與現任司道等官。非因公事接見周旋。隨行逐隊。猶如現任者。俱令各省督撫據實查參。將妄行交結之休致各員。及不行拒絕。相與往來之督撫司道等官。俱照違令私罪律議處。○十四年奏定。嗣後佐雜教職等官。一有事故。如例應請領路費回籍者。限一月內。令該府州出具印結通詳。批准後。該府州接到銀兩。即傳該員。或家屬當堂給發。俟該員領銀之後。遵照半月定限。催令起程。至不應領路費之微員。仍照三箇月定限回籍。○二十七年議准。凡官員革職後。原任內有應行著追之項。即行嚴追完繳。以清帑項。如不能全完。即照



定限催令起身。速令回籍。仍將起程日期。並有無款項。分咨吏部等衙門。轉咨該籍。勒令嚴追。儻逾限不速起程。將該員照逗遛例治罪。該管各官。俱照容留廢員例議處。○二十九年定。如有應行回籍人員。各督撫府尹等。務照定例。給咨催令回籍。其回籍文內。應令將該員因何回籍。情由一面詳細聲明報部。以憑查覈。○又

諭前經降旨各省離任候補之員。有因前任案件註誤降調者。令原隸之督撫。出具考語。送部引見。但此等人員。離任事故不同。多有遲至二三年及數年後。始行請咨赴部。其原隸上司。早經更易。代任者。又未悉其賢否。何從懸擬考覈。蓋由傳諭之後。部臣未經分晰條例。殊多隔礙。嗣後著於該員等甫經請咨回籍時。該督撫將該員居官如何。出具切實考語。即行咨明本籍督撫存案。俟例應引見時。徑由本籍督撫。查照原咨考語。敘入文內。送部。毋庸再赴原隸上司衙門請咨註考。以昭畫一。著為令。○三十年奏。凡入奉天籍貫中式者。即令於奉天所屬州縣居住。如居住祖籍並別省者。該府尹查出。咨部褫革。其出仕後經革職解任者。仍令於奉天所屬州

縣居住。如居住別省。該府尹查明題參。送刑部治罪。如各省地方官。不行查出。俱照容留旗員例分別議處。○三十四年議准。嗣後凡現任官員。捐升離任。交代清楚之後。除八品以下。係回籍候選之員。分別道路遠近。勒限回籍外。其凡捐升離任。知縣以上官員。於交代清楚後。給咨赴部。照現任官赴部引

見例酌量遠近。勒限赴部。其間或有省親修墓。及有別項事故。必欲回籍。許該員在外呈明任所督撫。酌給假期。按照定限回籍。仍咨明本籍督撫。於事竣後。飭令起程赴部候選。如赴部遲延。即將本員照現任官赴部引

見遲延例。按其違限月日。分別察議。其有到部後。並未呈請。而無故輒自回籍者。照違令私罪律議處。○三十七年覆准。在任丁憂人員。自應遵例回籍守制。不便久留任所。令該管上司。於交代完日。限三月內催令起程。仍令原籍督撫。將回籍日期報部存案。不准在原任省分寄住。如有逗遛。將本員照旗員處分。該管官及該上司。即照容留旗員例議處。其有經手未完工程等件。



必須該員留辦完結。令任所督撫將不能遽令回籍。或應行展限之處。於咨內聲明。以憑查覈。

○四十一年

諭三寶奏杭州東防同知陳虞威現在告病。所遺之缺。請以秀水縣張圖南升署等語。近年海塘情形頗有可慮。西塘一帶。迴溜頂衝。鑲墊等事。均須辦理。該同知係專管塘務之員。工程正資熟手。何以急急告病。安知非近來潮溜北趨。惟恐有事干礙。先為規避之計乎。該撫理應委員勘驗。並親加覆勘。不應遽爾准行。即使其病屬實。亦當留於工所。未便即准回籍。三

寶何竟見不及此。若查明據實覆奏。至向來道府遇有告病之事。督撫具題到日。該部以應否准其回籍。兩請內閣。俱票擬雙籤。請旨。朕視其本任無急需承辦事務。及原無緊要。又非規避上司者。多准其回籍調理。其承倅以下。俱不由部覈請。舊例尚未允協。嗣後同知通判及知州知縣。遇有告病乞假等事。應作何覈議兩請之處。著該部另行定例具奏。欽此。遵旨議定。嗣後承倅以下及州縣等官。遇有患病題請解

任乞休者。令該督撫將該員任內。有無承辦緊要經手事件。於疏內詳細聲敘。其無前項情節。

照舊例開缺。由部彙題。如有承辦緊要經手事件。一面開缺。一面即具本聲明。仍將可否准其回籍之處。照道府例。兩議奏請。

欽定。其中有規避捏飾諸弊。及該督撫徇庇屬員。不將實在情節聲敘。查出。照例嚴行覈議。○又議准。分發佐雜人員。到省差委。無論年限。有情願告假回籍者。聽其自便。如回籍後。有情願復來者。由原籍督撫給咨赴省。仍將給假回省日期。報部查覈。按前後到省日期。接算。扣足一年之限。咨補。○四十五年奏准。嗣後凡有外省人員。

因公到京。以患病告請回籍者。吏部即飭令司坊官詳加驗看。如果患病屬實。所有員缺。即行銓選外。仍令該員在京等候。行查任所。平日居官尚好。並無未清事件。及規避情弊。然後准其回籍。若係解運銀兩。銅鉛木植等項。事隸戶工二部者。除一面飭交司坊官驗看外。並移查戶工二部。實無虧缺。然後行查任所。均無未清事件。再准回籍。○五十二年

諭據保甯秦潼川府知府張松孫因病懇請回籍調理。所遺員缺。請以龍安府知府賈廷彥調補。一摺。已批



交該部議奏矣。向來道府告病人員。自雍正年間。改定條例。惟准督撫題請解任調理。至應否回籍。由內閣票擬。雙籤請旨。其中有准回籍者。亦有不准回籍者。所以防規避而杜瞻徇。立法至為詳善。朕臨御以來。俱係遵循辦理。然亦多有令其回籍者。今該督於具題時。即行奏請回籍。則內閣又何必雙籤請旨耶。著通飭各督撫。嗣後遇有道府以上告病人員。止應循照向例。題請解任調理。其准令回籍與否。聽候部議請旨。毋得遽請回籍。以符定制。○嘉慶十年。奏准漢官丁憂回籍。除因患病等情。不克起程。業經

豫行呈明地方官。轉報有案者。該督撫將豫行呈明緣由。隨咨聲敘。准其免議。如並未豫行呈明。僅於請咨回籍時。呈明患病等情者。令該督撫確切查明。委無捏飾。據實報部。免其遲延處分。仍將該員漏未呈明之處。照應申中公罪律。罰俸六月。至該員等業經領咨後。或因患病不即起程。或起程後。又因患病中途阻滯。亦應隨時報明地方官。轉詳督撫。先行報部。以備查覈。倘並未呈明轉詳咨部。迨至回籍後。始行聲明補報者。仍照無故遲逾限本例議處。如實係患病

病沈重或在偏僻處所。離地方官寓遠。不能即時將患病情由呈明。或回籍後。即將情由報明。本籍地方官。出具患病屬實印結。申請該督撫查明。委無捏飾。據實報部。仍照應申中公罪律。

○十三年

諭。王宗誠現丁母憂。例應回籍守制。但伊父王懿修供職京師。業已年逾七十。病體甫痊。正須伊子隨侍調養。且王宗誠身係獨子。因父暮年多病。不忍遠離。是以未能即扶母柩南歸。自屬至情。並非無故逗遛。王宗誠著准其在京隨任侍養。俟伊父氣體復元後。再行回籍。因思吏部新定章程。所有內外一應丁憂人員。有逾限不即回籍。及到籍遲延者。統行嚴予處分。原屬國家教孝之意。惟是京外各官。亦稍有不同。外任官員。聞訃丁艱。間有在省冀圖保留。或在莅任地方。遲延不回者。於吏治風化。殊有關係。自當嚴設例禁。若京員聞訃丁憂。及外省微員。或因盤費缺乏。偶致回籍遲延。亦屬情事所有。若與無故逗遛者。一體概加嚴議。殊覺無所區別。其應如何準情酌理。永遠可行之處。著該部再行妥議具奏。○又

諭。近來丁憂人員。夤緣請託。以及督撫等市恩取巧。率請奏留者甚多。實屬違例。試思此等人員。若由督撫勉強留。則該員等遭父母之事。方寸已亂。若係該



員自願留省便於鑽營是其於父母喪葬等事且置之不顧此等忘本之人又安望其移孝作忠為國宣力乎嗣後督撫等概不得再以河工及地方工程為辭將丁艱各員違例奏留其各省先經奏留之人現在如並無經手要工應即飭令回籍守制即有緊要經手工程亦著於事竣後回籍補行守孝俟守孝畢再行送部引見候旨欽此遵

旨議定外任漢官丁憂州縣以上等官交代無論正限

再限以及倉庫錢糧數多並一官而有兩任交代總以遺喪之日起限六箇月交代起程如逾

六箇月之限實有經手未完及患病等情督撫於咨報該員起程文內隨案聲明准其展限三箇月倘別有控案質訊及奏明有勒追銀兩未完令該督撫專案報部均准其扣展如並無別項事故不即起程除去正展限期按其違限月日分別議處逾限半年以上降一級留任逾限一年以上降一級調用逾限二年以上者革職如丁憂人員逗遛在省實有鑽營差委干預公事等情別經發覺將本員革職該督撫不即查參照徇隱例降二級調用至以河工及一切工

程並經手緊要事件違例奏留者係該督撫等市恩取巧有意奏留將督撫降三級調用係該員自願留省冀圖鑽營將本員革職其因軍營要務該督撫私自准留不即時奏明將該督撫照應奏不奏公罪例降二級留任○又議定州縣以上丁憂人員既經領咨起程逾限不即回籍如中途逗遛地方實有黃緣等情及所過地方督撫等有以河工及一切工程並緊要事件違例奏留者照前例分別議以降革如並無別故僅止回籍遲延應自給咨起程之日扣至呈報到籍之日止程途定限照例扣除扶柩回籍人員行走未能迅速准其於程限外加半扣展遇有中途患病或風水阻滯等情即於呈報到籍文內聲明准其各扣展三箇月如正展各限外再有遲延一月以上罰俸一年一月以上處州半年以上降一級留任一年以上降二級留任○又議定在京漢官丁憂限三箇月起程令該員將起程日期呈明報部存案如有患病等情准其展限三箇月如實有不得已事故許其呈明報部倘不行呈明照應中不公罪例罰



俸六月。如係無故逗遛。不即起程。以及由京起程後逾限不即回籍。除去正展限期。並程途加展月日。遲延半年以上。罰俸一年。一年以上。降一級留任。○又議准。佐雜微員。丁憂。有因設措盤費。不能依限起程。及起程後。不能按限回籍者。准其再展限六箇月。如再有遲延。逾限一月以上者。罰俸一年。一月上處分。道光四年刪。半年以上者。降一級留任。一年以上者。降二級留任。儻實有鑽營干預等事。別經發覺。以及該督等違例奏留者。悉照州縣以上等官之例。分別降革。○又議定。在京候補候選人員。丁憂。如起程回籍。遲延。照京官之例。辦理。○又議定。在外分發候補人員。丁憂。如起程回籍。遲延。照京員之例。辦理。如未經署缺。無交代者。限三箇月起程。其有經手事件。及患病等情。亦准其展限三箇月。○又議定。在部候補候選官員。聞訃不報。即行回籍者。罰俸一年。○道光元年奏定。丁憂人員。業經於限滿時。呈請給咨。其在省具呈者。該上司限十日內。給發。在各府州縣具呈者。該地方官限十日內。轉詳。該上司於文到十日內。給發。飭交

地方官轉給。其轉詳轉給往返程限。均准其聲明扣展。如有遲延。令該督撫於咨部文內。據實聲明。將具詳之地方官。給發之上司。違限不及一月者。罰俸六月。一月以上者。罰俸一年。兩月以上者。降一級留任。三月以上者。降一級調用。本員免議。儻該督撫並未聲明。以致本員誤被降革。除本員開復外。仍將其詳給咨之員議處。並將漏未聲明之上司。照誤揭屬員例議處。○四年奏定。在部投供之候補候選官員。聞喪不報。徑自回籍者。罰俸一年。僅止呈報遲延者免議。○八年議定。外任實缺州縣以上等官。遇有丁憂事故。應交代離任者。以丁憂之日起。給予交代。應得例限。州縣交代限期。初二。參。限四月。有社倉者。初二。參。再限兩月。共六月。其藩臬道府河工官。其錢糧倉穀較多。並各照交代應得例限。其錢糧倉穀較多。並有民欠驛站之州縣。及一人有兩任交代者。均准其各照本例限期扣展。或接任之員未及交代。旋又卸事。或接任官已接交代。經上司撤回降補委員。另算交代。亦准其覈實扣展。統俟交代清楚之日。由該督撫各按其扣展限期。於咨部文內。詳細聲敘。並該督撫地方官給咨具詳



例限及轉詳轉給往返程限悉予扣除其在省請咨者以該督撫給咨之日起在各府州縣請咨者以地方官轉給之日起扣至該員起程之日止。遞延半年以上者降一級留任一年以上者降一級調用二年以上者革職。○又議定州縣以上等官丁憂後因患病情事准其再展限三月。若佐雜等官因患病及設措盤費准其再展限六月。如無故不即起程除該員應得正展加展限期並該督撫地方官給咨具詳例限及轉詳轉給往返程限悉予扣除外其在省請咨者以該督撫給咨之日起在各府州縣請咨者以地方官轉給之日起扣至該員起程之日止。係候補州縣以上人員遞延半年以上者罰俸一年一年以上者降一級留任二年以上者降三級調用。係候補佐雜人員遞延半年以上者罰俸一年一年以上者降一級留任。○二十六年奏准丁憂回籍人員予限一月即令將回籍日期報明該管官如逾一月之限始行報明即照遺漏例議處。僕到籍日期已經呈報而服官省分漏未報明起程或起程日期已經報明而

原籍漏未呈報到籍俱准其於服滿文內聲明仍照漏報各本例議處。如有丁憂後並未領咨亦未呈報起程到籍後亦未報明月日。至服滿後悉諉諸遺漏者即自該員呈報丁憂之日起至補報到籍具呈之日止除將交代患病勒追及給咨往返程限由服官省分到原籍程限如有患病阻風照例展限並呈報到籍一月程限悉予扣除外。數計起程並無遲延者仍照各項漏報例議處。如有遲延計其遲延月日本例應罰俸降留者即照規避罰俸降留例實降一級調用。本例應降調者即照規避例革職。○咸豐九年

論近來各省紛紛奏留丁憂人員難保無夤緣請託之弊。嗣後軍務省分除管帶兵勇打仗出力實為軍營必不可少之人准其奏留差委並就近起復俟軍務告竣仍飭令回籍分別補行守制守孝外其餘辦理糧臺文案勸捐團練抽釐等項差使均不得將丁憂人員請留差委其業經奏留丁憂並就近起復人員著統兵大臣及各省督撫嚴行裁汰飭令回籍守制守孝不得以經手事件未完為詞再行瀆請其從前



未。在。軍。營。丁。憂。後。姑。行。調。往。及。業。經。回。籍。奔。喪。復。籍。詞。游。幕。探。親。投。效。軍。營。奏。留。差。委。者。亦。概。不。准。行。以。杜。鑽。營。至。軍。務。告。竣。省。分。曾。經。奏。留。丁。憂。人。員。尚。未。服。闋。者。即。飭。令。回。籍。補。行。守。制。已。經。服。闋。尚。未。回。籍。奔。喪。之。候。選。候。補。及。曾。經。補。缺。者。即。飭。令。回。籍。補。行。守。孝。百。日。已。補。缺。者。毋。庸。開。缺。以。符。舊。制。以。上。應。回。籍。各。員。未。經。回。籍。之。先。均。應。停。其。升。調。選。補。並。責。成。統。兵。大。臣。各。省。督。撫。認。真。詳。查。分。咨。部。科。及。該。員。本。省。督。撫。以。備。查。覈。如。仍。逗。遛。在。省。在。營。有。營。求。差。委。干。預。公。事。等。情。別。經。發。覺。將。本。員。照。例。革。職。不。即。查。參。之。大。臣。督。撫。亦。照。例。議。處。再。軍。務。省。分。奏。留。人。員。多。有。就。近。起。復。後。並。未。回。籍。守。孝。即。行。改。捐。並。指。捐。他。省。者。尤。屬。有。心。取。巧。著。由。服。官。省。分。之。督。撫。查。明。飭。令。回。籍。補。行。守。孝。其。尚。未。分。發。者。俟。補。行。守。孝。後。方。准。分。發。至。實。任。人。員。遇。有。丁。憂。例。不。准。請。留。本。省。嗣。後。非。奉。特。旨。作。為。署。理。人。員。不。得。率。請。留。任。其。丁。憂。差。委。人。員。即。打。仗。出。力。亦。不。准。請。署。實。缺。以。前。業。經。奏。留。者。事。竣。後。仍。飭。令。回。籍。補。行。守。孝。以。重。倫。紀。而。肅。官。方。○。光。緒。十。一。年。奏。定。官。員。在。籍。呈。報。丁。憂。者。及。在。外。丁。憂。回。籍。後。呈。報。到。籍。日。期。者。州。縣。

官。於。呈。報。到。日。均。限。五。日。內。具。詳。各。上。司。司。道。府。州。於。申。詳。到。日。各。限。十。日。轉。詳。該。督。撫。府。尹。於。詳。報。到。日。即。行。按。限。咨。部。如。有。延。閣。查。明。係。何。官。遲。延。令。該。督。撫。府。尹。於。咨。部。文。內。據。實。聲。明。將。轉。申。之。地。方。官。詳。報。之。上。司。違。限。不。及。一。月。者。罰。俸。六。月。一。月。以。上。者。罰。俸。一。年。兩。月。以。上。者。降。一。級。留。任。三。月。以。上。者。降。一。級。調。用。容。留。提。鎮。等。官。任。所。入。籍。置。產。○。康。熙。五。十。一。年。議。准。現。任。提。鎮。以。及。副。參。遊。都。守。並。丁。憂。休。致。及。有。事。故。解。退。之。提。鎮。等。官。均。不。許。在。任。所。入。籍。置。產。今。該。地。方。各。官。嚴。察。如。有。此。等。入。籍。置。產。者。勒。限。六。箇。月。逐。回。原。籍。若。該。地。方。官。不。行。查。明。逐。回。原。籍。將。容。留。之。地。方。官。降。一。級。調。用。該。管。道。府。上。司。等。官。罰。俸。一。年。督。撫。罰。俸。六。月。○。雍。正。十。三。年。奏。准。八。旗。人。員。置。買。產。業。於。各。省。者。令。各。旗。人。員。據。實。首。報。應。交。與。各。督。撫。按。其。產。業。之。多。寡。酌。量。限。期。勒。令。全。數。變。賣。回。旗。儻。有。隱。匿。不。首。及。所。報。不。實。令。督。撫。詳。查。題。參。所。有。不。行。實。心。查。察。之。州。縣。官。照。徇。情。例。降。二。級。調。用。未。經。查。出。之。知。府。照。不。知。不。報。例。降。



一級留任督撫司道照不行詳查例劉倬六月  
○乾隆三十年奏准除奉天回籍官員仍勒限  
回籍外直隸各省如有實在無籍可歸之廢弁  
著該府州縣官查明取具供結呈報聽其入籍  
當差如有原籍可歸稱係無籍容留者將該府  
州縣官及道員督撫均照容留廢官例分別議  
處○又奏准各省武職緣事革退果無原籍可  
歸在任所地方安葬祖父墳墓歷年已久不得  
已欲入籍者副將以上等官照例奏

聞請

旨定奪其參將以下等官由該督撫確查報部兵部  
即行咨查該員原籍如果無產業宗族無籍可  
歸即由原籍地方官查明報部准其於任所入  
籍如係假捏希圖逗遛任所將本員照例治罪  
押回原籍其不行詳查之地方官照濫行出結  
例議處

官員更名改籍○嘉慶二十二年

諭國家用人行政首防蒙蔽在廷大臣皆當侃諤直言  
不避嫌怨以助朕明目達聰之治即如此次軍政正  
藍旗漢軍卓薦之參領順祥即係從前不准保舉副

都統之李履順該員改名冀圖蒙混而本旗之都統  
副都統遂從而登之薦牘考驗之王大臣復不加查  
察即有知者亦或佯為不知惟恐人怨設非成格據  
實入奏則該員竟以作偽復遊升用成何政體乎朕  
因思李履順現任旗員近在京師尚有此改名蒙混  
之事其直省文武各員似此奉旨不准保升及曾經  
獲罪不准捐復並奉有特旨永不敘用者恐改名蒙  
混冒考之弊俱所不免其如何酌定條例將此等人  
員禁止改名如有私改弊混發覺作何治罪之處各  
該部會議具奏欽此遵

旨議定官員更名先由本員自具呈結聲明任內並無

奉

旨不准保升及曾經獲咎不准捐復並

特旨永不敘用各事故旗員取具佐領圖結或由該  
旗都統咨報漢員在京者取具同鄉京官印結  
外任及在籍候補候選者由任所及原籍各督  
撫出咨經部查明並無前項違礙事故准其更  
改如有蒙混將呈請更名之員降三級調用在  
內出結之同鄉官降一級留任在外詳報之州  
縣官降一級調用轉詳之府州降一級留任藩



司罰俸一年。督撫罰俸六月。其有徑由督撫咨部改名者。將督撫照州縣例議處。若無關銓選人員。有蒙混更名者。將出結之京官。罰俸一年。詳報之州縣。降一級留任。府州。罰俸一年。○又奏定。內外官員。呈請復姓歸宗。入籍改籍等事。如有捏造假冒。通同蒙混情弊。將本員與出結官。悉照前例議處。

賞給微員路費回籍。○乾隆三年議定。各省文職縣丞。主簿。巡檢。典史等微員。僕有離任身故。實係窮苦不能回籍者。除參革人員。有貪劣重

款。係有罪之人。不得濫行給予路費外。其餘雖經參革而無劣迹。及丁憂解任告病身故者。該地方官各就本省情形。按照該員家口多寡。程途遠近。於存公項內酌量賞給還鄉路費。其病故之員。或有親僕扶柩歸里。或無親僕而有同鄉近土之人。情願代送。該督撫查明。照例給予勘合。令其回籍。如病故之員。並無親僕與代送之人。該督撫仍照例給發勘合。令地方官選差的役二名。務令送回原籍。取具地方官印結送部。如地方官選差不到。以致中途遲延。或不送

至原籍。及將病故不能歸葬之員。隱匿不報上司者。該督撫題參。將該州縣官。罰俸一年。如州縣已報上司。上司不行申報者。將不報之上司。罰俸一年。州縣免議。○十四年奏准。各省教官。如遇病故。休致。及因公革職。並無餘罪之員。有相隔本地。在五百里以外。實係艱窘不能回籍者。該州縣官結報上司。照縣丞以下微員例。覈實支給。自縣丞以下各該員。僕有力捏稱無力。冒領事發。除將冒領銀兩著落結報不實之員。賠補外。仍罰俸一年。



欽定大清會典事例卷九十五

吏部

處分例 九卿會議不齊 推諉事件 嚴禁

事錯誤 筆帖式臨考規避 換教習不實心  
訓導 稽察時憲書違呈 蒙捐官職  
慈城守 規避改駐

九卿會議不齊○雍正七年

諭凡會議會審九卿因有他務不能到班者仍照例行

文知會主稿衙門嗣後著令滿漢御史二人將有事

不到之九卿註冊備考不必參奏至於宗人府府丞

太常寺太僕寺光祿寺正卿少卿嗣後凡過會議會

審秋審之時皆令在旁觀聽使之與聞但不得參議

亦不必畫題儻九卿所議未當或伊等別有所見在

其密奏○又議准凡九卿會議除在

內廷行走及奏事並該班出差有別項事故不到

外其應會議之九卿務如期到班或有本衙門

辦理緊要事件不能到班者將緣由行文知會

主稿衙門令都察院委滿漢御史二人將有事

不到之九卿登記案卷以備日後考覈如無故

不行到班者查出即行參奏照推諉事件例罰

俸一年○嘉慶二十一年

諭嗣後凡遇特交會議之事務須公同定議必意見毫

無異同方可會銜陳奏若意見不合即單銜具奏其

會奏摺內毋庸列名此時在廷並無攬權專擅之臣

儻有遏抑羣言阻其獨奏者准其人指名參劾若於

畫稿具奏之後向朕前別生異議則是首鼠兩端其

人殊不足取茲特明降諭旨詳細曉諭以後凡特交

會議摺內俱先將此旨恭錄於前

推諉事件○康熙九年議准官員承辦事件已

經遲延因而推諉他人者除將推諉之官照遲

延月日處分外因其推諉再罰俸一年若將應

辦事件推諉他人者罰俸一年○十八年議准

漢官在署不待事畢推諉滿洲官員早歸遲進

燕會嬉游或料理公務瞻徇遲延不行即結司

官聽堂官題參堂官聽科道題參皆革職○雍

正元年覆准各部院事件到司係清字者譯漢

字係漢字者繕清字滿漢司官斟酌畫一即定

清漢字稿公同畫押回堂遇有事涉疑難遽難

定稿滿漢司官或有意見不同各據所見回堂

斟酌定議務期依限速結如有故意推諉及遲

延者或係滿員或係漢員或係通同遲延一經



科道糾參堂官查出將滿漢司官照例分別議處其各部院衙門事件堂司皆立用印號簿以備稽察○又議准官員將自己遲延事件推諉他人者仍照定例處分其各部院司官內如有故為巧詐徇私誤公者經該堂官查出參奏將承辦之員照規避例革職○又議准除尋常事件仍按日辦理外其有緊要事件均嚴定條約勒限催辦作速完結儻有任意推諉或稱無例可據或稱無案可稽以致遲延者該堂官即行參奏送部議處其承辦事件如別有徇情納賄

者查出即行題參交刑部治罪○乾隆三十年奏准各部院衙門司員有患病出差及各項事故准於稿面填註儻有稿不著押又無事故填註後經查出應議者將無故不著押與著押之員一例議處道光四年改定滿其或不著押之員本有出差等項事故而同司之員失於查明漏註事故准該員自行呈明行查確實免其處分將失於查註之員罰俸三月謹案夫於查註處分道光四年

刑○三十二年

諭軍機大臣查奏吏部考功司檢查學政處分一事內

有聲明檢查案件滿司員俱不經手之語此係向來辦理錯誤各部承辦案牘滿漢司員俱係公同畫押議行若因檢查漢字成案滿員竟不與其事由此例推則漢員亦必以滿文案件自行諉卸且畛域一分則滿漢各司一局其中偏徇把持尤易滋生弊端不可不防其漸吏部此案因傳諭詢問始知相沿陋習之非其各部院似此者恐復不少嗣後各衙門無論滿漢案件俱著專派滿漢司員各一人公同檢查辦理著為令○三十五年覆准順天府衙門錢糧戶婚田土等案令治中檢閱呈堂詞訟禮儀雜務令

通判檢閱呈堂俱令書名畫押遇有應得處分照部院定稿司員之例分別題咨議處○三十年

六年

諭向來各衙門遇有公事動輒彼此推諉以致遷延貽誤最為辦公惡習前經降旨訓飭不啻再三乃日久因循此習全未悔改凡事理條件各有專司自應即時承辦其中即或事稍疑難該堂司官不能自行定奪亦不妨據實請旨候朕指示遵行有何為難之處蓋因司員等識見鄙淺未免各分畛域又或因例限將滿藉此行文往復以為展卸時日之計該堂官等



京加體察遂至相習成風不可不通行申儆嗣後八  
旗及各部院衙門辦理公事如有本係該旗應辦率  
行咨議部院者即令該部院據實奏聞附摺聲明察  
議其各部院之互相推諉者悉照此例毋得仍蹈前  
轍以重政務○四十五年奏准在京各衙門事件司  
員具稿呈堂堂官有扣稿不畫者該堂官即於  
辦事衙門及相見公所將異同之處面商酌定  
如有僅令司員轉達致稽時日者交部議處○  
四十七年

諭向來刑部議駁外省案件經督撫遵駁改正者將首

先立議之司員送部議敘而各該部遇有應行議處  
案件亦僅咨送滿漢司員各一人積習相沿官官相  
護試思事君故事後食豈有同在一司辦事既經參  
處止開送一二人之理即如滿漢堂官有應交議之  
件亦止將先畫題之人送部查議有是理乎且將來  
承辦事件各司員恃有卸責歸過之人不肯一體留  
心辦公亦非所以勵職守而昭德儆嗣後各衙門承  
辦錯誤應送該司員等職名時將該司主稿及隨同  
畫稿司員一併聲明咨送分別議處其有應行議敘  
之處亦將闔司開送庶於勸懲之道方為平允○嘉

慶五年奏准各部院將該衙門應辦事件推諉  
他衙門者照應辦事件推諉他人例議處○九  
年

諭昨因總管內務府大臣等管理部旗事務者均在圓  
明園豫備宣召並不到署業經降旨諭令按日輪流  
進城赴署辦事因思南書房尚書房行走之各部院  
堂官於朕駐蹕圓明園時每日散直甚早亦止安坐  
寓所並不到署辦公惟待司官回稿畫諾每於召見  
時詢及部務多不能詳晰奏陳殊非故事恪恭之道  
况南書房尚有翰林等常川住園筆墨之事本屬無  
多足可辦理尚書房師傅有專課之責者遇因公赴  
署日期儘可將功課交與同直代為檢理至總師傅  
並無專課之責不過旬日一到書房又何必藉此在  
園轉置本任於不問嗣後遇朕駐蹕圓明園時南書房尚書  
房行走各員除職務本簡及翰林等仍每日入直毋  
庸到署外其管理部院之堂官均著輪流進城赴署  
至冬月朕進宮後即著每日於散直後入署辦事以  
期無曠職守○又

諭君臨天下救政治民仔肩至重奚能獨任哉我朝特  
設內閣綜理樞機六卿分職各率其屬即古之四岳



九官輔弼匡贊之職也。朕德薄才疏，寅承大統，惟求天下乂安，兆民蒙福，孜孜圖治，不敢暇逸。奈諸臣全身保位者多，為國除弊者少。苟且塞責者多，直言陳事者少。甚至問一事則推諉於屬員，自言堂官不如司官，司官不如書吏，實不能除弊去害。是甘於旅進，旅退，忘職思其居之義也。諸臣皆我

皇考所用之人，似此萎靡不振，自暴自棄，諸臣自為計則可矣，何以報

皇考數十年之恩遇乎？自大學士尚書侍郎以及百司庶尹，唯諾成風，皆聽命於書吏。舉一例牢不可破，出

一言惟令是從，今吏部京兆相爭一事，任書吏之類倒是非變幻例案，各堂官受其愚弄，冥然不覺，所爭之情節與所為之弊實毫無干涉。良可慨歎！一部推而至於五部，若堂司如此，屬祿書吏如此，狡猾上無道揆，下無法守，太阿倒持，羣小放恣，國事尚可問乎？諸臣各宜痛改前非，急圖後效。念朕求治之苦心，佐予不逮，亟思致君澤民之實政，莫存尸祿保位之鄙見。使朕成一代之令主，諸臣亦得為千古之名臣。經朕諭之後，尚不知悔改，是激朕之怒，必欲朕受薄待大臣之名，朕寧受此名，為敢廢法，必挽回乃止。其無

諭○十三年

諭各部院衙門議奏事件。該堂官等自應集思廣益和衷共濟，按其情節斟酌允當。或有意見不同之處，原准兩議，何得因往復商推稽遲時日，致多積壓。嗣後各堂官務宜公同會議，其承辦司員具稿呈堂，或一時未能定擬，自可再行熟商。若有意見參差，堅不盡諾者，即著兩議具奏，候朕裁奪，不得仍前輾轉駁商。日久宕延，貽誤公事。○道光七年

諭此案刑部原稿滿洲司員列名甚多，除那清阿畫押外，餘皆未畫。詢因兼司兼檔房各員向係止畫題咨，不畫現審案件，殊屬非是。各衙門稿件凡列衙各員，俱應畫押，不獨防掌印專擅，或不肖司員有徇情聽囑情弊，列名者均可據理回堂駁正。即如部院大臣兼各衙門事務者甚多，其題奏行存稿件，除出差告假外，從無不畫之稿。該司員即兼司兼檔房較兼部院之大臣繁簡判然，何得藉口於不能常川會審置身局外，試思已辦稿件尚不肯盡心閱畫，該司員等每日進署所司何事，殊出情理之外。此次調查該部現審稿件未畫押者甚多，詢係相沿積習，並非起自近年。姑從寬免其置議，嗣後各衙門稿件列名各員



務各和衷商榷通行閱畫毋得仍前疏漏以昭慎重  
經此次訓諭之後如再蹈前轍一經查出或經朕別  
有訪聞非特將不盡押司員嚴加究處並將該堂官  
等從重嚴懲決不寬貸

嚴禁燕游○康熙二十一年議准在外官員居  
住各城有偷安不早出堂理事任意燕會嬉游  
事務叢積者題參革職○嘉慶八年

諭本日據御史保明呈遞封奏一摺因京城地方有開  
設酒館戲園名曰某堂某莊聞各衙門官員自公退  
食常集於此更有外省大吏進京亦借此地為燕會

之所實為杜漸防微起見京師為四方輻輳之地紳  
士商民等偶爾燕會鼓吹休明原所不禁即各衙門  
官員遇有喜慶公會等事或於某堂某莊戲劇燕會  
亦屬事之所有至於無故游燕酒館戲園本干例禁  
嗣後著步軍統領衙門五城巡城御史於外城開設  
酒館戲園處所隨時查察如果有官員等或改装潛  
往或無故於某莊游燕者據實查參即王公大臣亦  
不得意存徇隱○又議准官員蓄養優伶者革職上  
司徇隱不參降三級調用失於覺察者照不揭  
參劣員例分別辦理自行查出揭參者免議

案件假手書吏○雍正四年覆准司道知府等  
衙門一切案件如假手書吏致書書作弊者照  
溺職例革職督撫不行題參照不參劣員例降  
二級調用○乾隆三十三年奏准外省督撫藩  
臬等衙門一切題稿批詳事件俱應於內署定  
稿書吏等不過檢查則例登記冊檔收掌卷宗  
不得令其擬批如有仍前令書吏擬批致滋弊  
端者一經發覺將該督撫藩臬等吏部議處○  
嘉慶九年

諭前經屢降諭旨令各該堂官按日至本衙門辦事將  
所有例案詳細查覈剔除弊竇庶案件得以隨時清  
釐而吏胥亦無由乘機蒙混今御史邱勳復有此奏  
係為慎重公務起見嗣後各該堂官除赴圍明圍直  
日奏事之期往返稽時不及再到衙門辦事外若在  
城無事自應到署率同各該司員將應辦事件悉心  
覈辦儻無故不到經朕查出必當照例懲處  
直月官公事錯誤○乾隆五年奏准各部院衙  
門除內務府太醫院並無委官直月之例外各  
部院衙門有職掌相同者亦有彼此互異者儻  
該衙門向例不係直月官掌管之事若有疏失



仍專責該管之官。僕向係直月官之所掌管者。如稽察上。

朝事件。若有失誤。照失誤朝賀例。罰俸一月。鈔錄上諭並。

特交事件。不校對明確。致有舛錯者。照本內緊要字。遺漏例。罰俸三月。如奉傳不即赴鈔。或鈔出不即交發。以致遲延者。照遲延例。罰俸三月。如有遺失者。照遺失官文書律。降一級留任。呈送題奏本章。奏事名籤。

御門聽政及各衙門該班奏事名單。致有汗損者。照

墨汗本章例。罰俸一月。失誤者。照表文遺漏不奏例。罰俸一年。軍營奏事報匣。挂號舛錯遺漏。及呈送遲延。照表文舛錯遺漏例。罰俸一年。文發報匣遲延。錯誤者。亦照此例。罰俸一年。接受文移知會。並應行文鈔寫。傳報送交公務。辦理遲延。違誤者。照疏忽例。罰俸三月。登記遺誤者。照造冊舛錯例。罰俸三月。收受假印文冊。不行查出者。照失於詳查例。罰俸一年。收掌印信。如有遺失者。照遺失印信律議處。失誤請領鑰匙。擅開印封者。照擅開官封律。罰俸一年。遺失鑰

匙者。照中樞政考遺失鎖鑰例。罰俸一年。監看印信。如有詐為文書。盜用印信。失於詳察。已行者。照失察假官例。降一級調用。失察盜用印信。尚未施行。別經發覺者。照豫給用印白結例。罰俸一年。漏用印信。及全不用印者。皆照漏使印信律議處。庫門啟閉。不親身會同查驗封鎖者。照不應輕律。罰俸六月。不實力稽察官兵。卑役以致閒人擅入。龍亭。並竊失文書冊籍。存公銀者。照防範不嚴例。罰俸一年。如係庫儲金銀。

冊寶器被竊。照遺失

制書律議處。曠班員役。失於查出申報者。照疏忽例。罰俸三月。署中失火。照地方官失火延燒文卷例。罰俸一年。失察賭博。照失察衙門書吏犯賭例。罰俸三月。閒人擅入。並牲畜損壞官署。及不能查禁。酗酒鬪毆者。照看守疏忽例。罰俸三月。官員在署。酗酒賭博。不行申明回堂者。照應申上而不申上律。罰俸六月。再各部院衙門。司官筆帖式。均係輪流直月。如互相推諉。以致曠班者。將未經轉交離署之人。照中樞政考不交與



接班之人曠班例罰俸一年。其推諉不接班之人照推諉事件例罰俸一年。私離官署者照擅離職役律罰俸九月。再各衙門有直宿官員其各司署內有失火賭博酗酒鬪毆失竊等項失於防範覺察將該司直宿官照現議直月官例議處。直月官免議。如不係各官署內及該衙門原無直宿官者。直月官仍照例議處。其各衙門設有管庫管獄等官者。一應庫獄地方是其專責。倘有疏失。惟該管官是問。直月官免議。再各衙門官署損壞以及卑役人等酗酒鬪毆賭博等事。皆係首領官專責。直月官止係夜間巡防約束。如係白晝失察。將首領官照例議處。直月官免議。夜間失察。仍責成直月官。○二十三年奏准軍機處交發內閣票籤處事。係該班中書畫押領出。轉行傳鈔各衙門承辦。嗣後令軍機處專司交發之滿漢官員。將逐日所發上諭及指奏事件。每屆十日。彙開一單。交與票籤處轉行各衙門逐一查對。如有遺漏。若係平常事件。即可作速補鈔趕辦。若事屬緊要。除一面補鈔趕辦外。仍將遺漏之員。奏議處。如單開十

日之內。並無遺漏事件。即於單內註明繳回。○又奏准。當月滿漢司官各一員。一同赴闕。凡係清字。責令滿洲司官自行鈔出。凡係漢字。責令漢司官自行鈔出。○又奏准。各部院傳鈔事件。令稽察房將票籤處每日所發指奏事件。按日鈔出。登記一冊。俟各衙門知會到日。即照冊內件數逐一查對。如有遺漏。即行發片詢問。令內閣於傳鈔後。即移會上諭館。以憑稽察。○又奏准。除奉旨特交該部事件。不由該科外。其餘一應傳鈔事件。俱令部科同日鈔出。一體扣限稽覈。如該部或有遲誤遺漏等情。該科即行摘叅。儻該科不行摘叅。別經查出者。將該給事中等照例議處。○又奏准。欽奉

上諭。並特旨。交辦事件。致有遺失遺漏者。將經手之員。降一級留任。道光四年改定。遺失者降一級留任。再罰俸一年。遺漏者降一級留任。再罰俸一年。如係尋常事件。將經手之員。降一級留任。道光四年改定。遺失者降一級留任。再罰俸一年。遺漏者降一級留任。該科給事中及內閣稽察房侍讀中書。不行查出者。均罰俸



一年。○三十四年議定各處印文到部該收文  
司員不行回堂擅自駁回者查出即行參奏照  
不應重私罪律降三級調用加級紀錄不准抵  
銷。○道光十年

諭嗣後著責成當月司員督飭門役晝夜輪流查察毋  
許再有閒雜人等混迹署內並著各司掌印司員酌  
派妥役在該司署輪流直宿儻仍前玩視致有遺失  
官物之處一經發覺定將該司員等交部嚴議並將  
該卑役等從重治罪不稍寬貸。○十六年

諭當月官與首領官分司晝夜易啟推諉之漸嗣後各  
該部一切稽察閒雜及賭博等事除當月司員照例  
直宿外每日仍派司務廳一員在署住宿俾得周歷  
巡查互相稽察以杜推諉而昭嚴密

筆帖式臨考規避。○乾隆四年議准現任筆帖  
式遇三年應行考試之期臨考規避查明實係  
無故不到者革職。○嘉慶五年奏准現任筆帖  
式三年考試臨考規避無故不到仍照定例議  
處如實係事故不行呈明者照違令私罪律罰  
俸一年  
教習不實心訓導。○乾隆四年議准各旗義學

教習如有因循苟且不實心教授以致有誤學  
生經該處奏奉者將該教習照教官因循苟且  
不嚴加考試例革職

稽誤時憲書進呈。○康熙十五年議准官員不  
會推時憲書承認會推以致有稽進呈者革職  
永不敘用

撫綏無術。○康熙七年議准督撫係封疆大吏  
該省百姓如有困苦流離失業拋棄田地徭賦  
難輸地方毫無治理者或被部院或被科道糾  
參如果情實將該督撫革職該管司道府官亦

革職若各屬州縣等官不行釐剔陋弊不舉行  
便民之利以致百姓不安生業地方困苦者督  
撫司道府等官訪察題參將州縣等官革職。○  
乾隆三十年奏准大臣為小臣表率若屬員虧  
空錢糧者多即係上司不能以清儉為率盜案  
繁多諸務廢弛即係上司不能以勤慎為率許  
科道官查實題參

虛懸城守。○康熙六年題准官員因公事將城  
守倉獄事務交與不應交之人而去者罰俸一  
年如上司將城守官員不輪流傳喚盡行傳去



以致城空者亦罰俸一年。○乾隆元年

諭督撫有節制重寄而提鎮乃彈壓大員凡到任離任及因公出境入境例應具題者所以慎職守重封疆也查川陝江西等省提鎮與總督隔省駐紮遙遠無越境相見之例惟雲南廣東浙江福建等省有因赴任之初由省而見總督者有因巡查地方離省不遠順便謁見者蓋因苗疆重地或濱海要區當日軍務倥傯海氛未靖之初是以不行題達竟赴省城與總督面商機務此乃一時權宜遂爾相沿成習此時若不酌定規條恐大小官弁視為固然徒長奔競趨謁之風而不顧職守之曠誤與否是不可不防其漸也嗣後提鎮之於總督若係平常事件止許文移來往如有緊要公務必須親見總督面言者或總督有應行檄調面議者俱將因公起程及回署日期繕疏題明至所帶兵役仍照部議巡查地方之例不得過三十名免致兵丁擾累汎守空虛永著為例。○又

諭督撫於屬員體統雖分尊卑均有辦理地方事務之責朕聞附省之首府首縣不論有無緊要公務每日伺候督撫衙門侵晨而往日午未歸率以為常恬不知怪其督撫同城者撫傳未歸督傳又至僕僕於道

奔走不遑夫附省郡縣催科獄訟較他處更為殷繁即令專心致志猶恐精神不逮乃似此竭蹶趨承必致廢弛本任事務嗣後各宜留心改易凡附省郡縣督撫非有面詢之事不得無故傳喚其附省各屬官尤不得輕離職守如有逢迎應酬作無益以害有益並啟黃緣弊竇者朕必加以嚴譴。○十八年覆准州縣官非有緊要事件必待面稟者止宜詳請上司批示遵行僅以無關緊要之事藉詞到省該督撫即行查參照擅離職役律議處。○二十八年覆准各省凡有缺出需人署事令該督撫於試用人員及鄰近之府州縣佐雜等官內揀選暫委不得於相距太遠者檄委署理至於地方緊要人地相需遴選差委之處仍聽該督撫酌量辦理其有擅離職守無故赴省者即行查參照擅離職役律罰俸九月如久居省會逗遛不歸照改駐官員戀居城邑例革職督撫司道等官不行揭參將司道府降一級調用督撫降一級留任。○三十二年

諭吏部議覆歐陽永荷條奏州縣不得擅離職守一本所稱分別公出事由准展限不准展限之處殊屬有



名無實。州縣官每藉公務為名。進省謁見上司。以圖識面。不顧曠日誤公。此等陋習。於吏治大有關係。雖屢經嚴禁。而各省比比皆然。若如吏部所議。因緊要事件赴省。仍准扣展限期。則安知狡猾之吏。不假捏名目。奔馳會城。既得倖免處分。復可遂其私智。督撫又從而加之庇護。誰復糾察其非。雖名為增一科條。究屬具文無當。又豈能杜黃緣巧託之弊。嗣後州縣官。概不准託故赴省。扣展公出日期。其有因派委會審。及查辦緊要事件。必須檄調到省者。該督撫將應行扣展之故。於年終彙奏一次。交部查覈。如有假公濟私。並無實據者。或由部查出。或別經發覺。惟該督撫是問。著為令。○三十七年奏准。凡上司非有緊要公件。將州縣官違例差調詳委者。雖於地方公事尚無貽誤。將擅交之員。並濫調之上司。俱罰俸一年。○四十二年覆准。各省州縣佐雜。不得調署別缺。以及報轉更署。如有必須將實缺州縣佐雜調署者。將因何調署緣由。並委調若干員。按季造冊咨報吏部。上季之冊。務於下季到部。如有遲延不及一月者。罰俸三月。一月以上者。罰俸一年。並查明通省實缺人員。調署數在

十分之二者。毋庸置議。至十分之二以外。由吏部彙覈奏。將該督撫藩司照徇情例降二級調用。○嘉慶五年

諭朕聞近來各省督撫於州縣缺分。往往計其肥瘠。輒轉調署。以致各州縣多非本缺。其中為公事通融調劑。亦所時有。而上司愛憎所屬。為人擇缺者。居多。勢必本缺署缺。皆易生手。兩有貽誤。於吏治大有關係。此弊各省皆有。而廣東為尤甚。各督撫如果為人地相需起見。何不奏明更調。乃任意高下其手。致啟屬員黃緣趨避之端。其風斷不可長。况州縣違例調署。督撫等原有處分。自當通行飭禁。嗣後各督撫等調署州縣。若不具摺陳奏。一經部中查出。或被他人參劾。必將該督撫等交部嚴議。○又奏准。擅交城守之員。如貽誤地方公事。查明所誤何事。照各本例議處。濫調之上司。亦按所誤之事。照本員應得處分議處。○十四年

諭本日盛京戶部侍郎榮麟。兵部侍郎兼盛京副都統伊冲阿。同時來京陛見。一因侍郎年班。一因副都統年班。雖係照例輪直前來。但盛京侍郎五員。同時竟有二員來京。該處辦事未免乏人。嗣後每年盛京侍



郎副都統仍各輪直一人來京其侍郎內兼副都統者如侍郎副都統年班俱應輪直即著一人來京如一侍郎一副都統兼侍郎者應行輪直即於不兼侍郎之副都統內另著一人前來不得兩侍郎同時來京著為令○道光十年

諭給事中程德潤奏請飭禁外任實缺人員無故逗遛省垣一摺國家設官分職各有攸司不得擅離職守若如該給事中所奏近來道府以至佐雜竟有無故赴省逗遛而州縣為甚或冀調劑缺分或因規避處分輟轉委署流弊叢生其接任署事官執存五日京兆之見地方應辦命盜事件延閣廢弛於吏治殊有關係著通諭各督撫嗣後實缺人員除奏明撤任及奉差出省者在委員署理外其無故在省逗遛不回本任者即嚴參示懲概不在輟轉委署以杜弊端而肅吏治

規避改駐○雍正六年議在凡委官駐紮地方經督撫題准該員仍戀居城邑不即改駐者將該員照規避例革職如該管之地方官聽其規避不行詳報及督撫司道等官不行揭參者將該管地方官降二級調用司道府等官降一級

調用督撫降一級留任如該管官及司道府等官已經揭報而督撫不行題參者將督撫降一級調用其揭報之官免議○乾隆三十八年奏准官員規避不即改駐如該管司道府等官不行揭報經督撫糾參將該管地方官降三級調用司道府等官降二級調用督撫免議○嘉慶七年

諭順天府尹設立專員管理地方刑名錢穀等事非如各部院衙門可比自應住居官廨以專責守如外省督撫藩臬以下等官皆係在公署居住辦事即順天府屬之大興宛平等縣亦然其文書卷案等件皆應在公署存貯豈有隨府尹私宅轉移之理現據該部查明從前各府尹原在府衙居住自乾隆四十年以後歷任府尹俱在私宅居住辦事違例顯然嗣後除兼理之尚書侍郎仍准在宅居住外其本任順天府尹著遵照舊例在署居住辦公以符體制

蒙捐官職○同治三年

諭毛鴻賓等奏查明長隨虧餉為子婿蒙捐官職咨提審辦請將蒙捐各員革職解訊一摺據稱已故代理揭陽縣知縣潘銘憲長隨唐幅即唐希燕又名唐錦



於咸豐九年間先後領文管解地丁稅羨等銀赴省  
 投納。輒敢任意侵挪。為其子唐應坤蒙捐同知分發  
 福建。又為其婿王有源報捐縣丞分發廣東。事後復  
 將解文稿件銷毀滅迹。實屬膽大妄為。目無法紀。唐  
 幅現經逃往唐應坤寓所。即著移咨福建巡撫派員  
 將該犯唐幅並伊子唐應坤一併拿解廣東。從嚴究  
 追懲辦。王有源現已捐升知縣。更名秉康。著與唐應  
 坤一併革職。歸案質訊。唐幅之次子唐美謙。唐美讓  
 均經蒙捐官職。並著查明分別咨革提究。以慎名器  
 而肅紀綱。

欽定大清會典事例卷九十六

吏部

處分例 餽送囑託 勒索科取

餽送囑託。○康熙九年議准。官員因事賣緣。餽  
 送禮物發覺之日。與者受者皆革職。如餽送雖  
 未收受。不行出首。後經發覺者。將不行出首之  
 官。罰俸一年。○又議准。官員縱容親友。在任所  
 招搖撞騙者。革職。失於覺察者。降一級調用。○  
 十五年議准。官員將上司衙役索銀之事。受囑  
 徇隱不報者。革職。○十七年覆准。府州縣等官  
 並無公事。謁見上司。有意逢迎。並赴省拜壽。行  
 賀。賣緣。通賄。餽送銀錢等物者。均照餽送禮物  
 例處分。○又議准。督撫差內使人等。妄藉訪事  
 為名。逾越州縣。並督撫布按。自開便門。令官役  
 人等出入傳事者。革職。○又議准。官員將游客  
 星卜及優伶人等。或留住省城。或轉送各府州  
 縣。以致擾害地方。及在京官員致書薦送者。將  
 薦送之官。皆照親友招搖撞騙例。革職。○十八  
 年議准。內外官員。除係至親平日往來外。如督  
 撫司道州縣等官。赴任時。謁見在京大小各官。



或自任所差家人及子弟提塘人等。來往行走者革職。大小官員不行自首者亦革職。至督撫司道府州縣等官之家人子弟提塘與在京大小各官家人家下來往行走其主知者革職。將家人寬免。其主不知者降二級。將兩家家人皆交刑部治罪。其子弟及提塘有職者革職。無職者亦交部治罪。其在京大小各官拜見督撫司道府州縣等官餽送裘馬等物及差人至督撫司道府州縣等官任所若督撫司道府州縣等官不行舉出將餽送差人之大小各官及不行舉出之督撫司道府州縣等官亦皆革職。督撫司道府州縣等官向在京大小各官因事營求或諂媚求譽餽送禮物者將餽送收受之人皆革職。擊問地方官吏於民間正項錢糧之外溢收苛派諂媚餽送大小官員者將餽送收受之人亦革職。擊問。○十九年議准上司與州縣借貸等弊發覺者照貪官例革職。○二十五年復准科道官員如果有關繫國家大事令其陳奏有貪惡者據實指參其有希圖利己及允受囑託妄行引奏結交朋黨作姦

誣陷者事經發覺革職治罪。其告假終養丁憂之科道官員有不安分自守包攬錢糧干預詞訟侵害小民並徧游各省生事晉謁督撫挾詐有據者令該地方官申報督撫題參將本官亦行革職治罪。如該地方官隱匿不行申報者降二級調用。如該地方官既報督撫而督撫徇庇不行糾參者將督撫降一級留任。○三十七年復准凡上司藉訪事為名差家人衙役更番疊出陽稱路過陰言採訪抑勒州縣餽進奉者革職。如州縣官揭報督撫而督撫徇庇不行題參許該員開其實蹟密封徑達通政使司衙門奏聞事實將該督撫照徇庇劣員例降三級調用。○雍正四年奉旨官員因事囑託事發者革職。○七年議准凡官員與本地紳衿除慶賀萬壽宣講聖諭舉行鄉飲及一切公事禮節彼此接見拜往毋庸禁絕外如新選官員有本處之人在京餽送禮物投拜門生者令五城御史及順天府稽察題



參。係官革職。候選之員。革去職銜。貢監生員。革去衣頂。如新選官員。利其所贈。即與交通。往來受其投拜者。革職。自行出首者。免議。若官員未入境時。本地紳衿。差人持帖。遠接交界。到公館擺席迎風。到任後。私行餽送。及拜為門下。聯為宗誼。本官不行禁革。反行收受禮物。私行交結者。皆照在京交往餽送例議處。其上司與所屬官。私相交結。往來餽送者。亦照此例處分。州縣各官。令道府稽查。道府各官。令督撫兩司稽查。如州縣官有私相交往餽送情弊。而道府不行揭報者。將道府照徇庇例降三級調用。道府等官有私相交往餽送情弊。而督撫兩司不行揭報題參者。將督撫兩司照徇庇例降三級調用。今改為上司查出揭報者。先議若徇庇不揭。降二級調用。夫於覺察。降一級調用。○八年

諭。聞外省衙門請換印信。其使費竟多至百金。或數十金。止因繁費太多。以致州縣官員。任印信模糊。而不行詳請。夫換印乃國家之公事。該管衙門。何得視為取利之途。嗣後著嚴行禁止。不許得受一文。儻有仍前需索。或藉端稽遲者。經朕訪聞。定行從重議處。○

乾隆元年

諭。朕聞近日督撫中。於屬員餽送土宜物件。間有收受一二者。此風斷不可長。夫吏治以操守廉潔為本。而持廉之道。莫先於謹小慎微。是以懸魚留擯。前史著為美談。而陸贄亦云。鞭鞫不已。必及珠玉。古名臣持身之謹恪如此。我

皇考世宗憲皇帝宵旰勤勞。日以整飭官方。澄清吏治。為惠養斯民之要道。十餘年來。直省督撫。類能懷守訓諭。砥礪清操。用使大法小廉。以貪墨為懼。而閭閻共受其福。朕繼緒以來。實冀中外臣工。於

聖訓實力奉行。一如

皇考臨御之時。豈可以交際之微。開苞苴之漸。督撫為一省表率。既收州縣土宜。則兩司道府之餽送。又不可卻。而州縣既送督撫土宜。則兩司道府之餽送。又不可少。層層遞及。督撫之所收有限。而屬員之費不貲矣。且我

皇考酌定養廉之意。原欲使上司下屬。無絲毫之授受。則舉劾悉出公心。無所瞻徇回護。至督撫養廉之項。頗為寬裕。一絲一粟。不必取辦於有司。而屬員亦不得藉端獻媚。俾督撫得潔己秉公。盡察吏安民之職。



設因些微土產而於黜陟之間稍干物議抑豈遠嫌之道哉

皇考澄清整飭之良規萬世所當遵守者何忍稍有踰越漸致縱弛是用特申誠諭務各懷遵如有暗中收受者或經朕訪聞或被風聞叅劾必嚴加議處以為簞篋不飭者戒○五年覆准凡在京官員與至親切友同鄉世誼往來慶弔原於名節無關設或請託公事瞻徇情面亦不論其為何等之人皆干嚴例至或家貲富厚有意結交朝紳計圖光寵其朝紳素無往來情分而濫行結納希圖肥潤此等結交一經發覺者均照不謹例革職○六年

論各省上司收受屬員餽送土宜物件有關吏治官箴昔蒙

皇考嚴行禁止朕又屢加訓飭近年以來漸知慍遵惟是同官僚友禮文往來雖非屬員可比但文武大吏各有職掌事務繁多即屏棄一切殫心竭力尚恐精神未能周到若再留意於僚案之應酬如時節生辰餽送禮物酒食彼此酬酢往來頻仍以此分心甚屬無益可曉諭各省文武大吏學政織造關差等共知

之○又議准外任官員如有隨任父兄與地方紳士晉接出名拜賀燕會應酬及回籍官員與現任督撫司道等官非因公事私相接見周旋隨行逐隊猶如現任官員者俱令各督撫據實查叅將私相交接之隨任父兄不行勸阻之現任子弟並妄行交結之回籍各員及不行拒絕相與往來之督撫司道等官俱照違令私罪律議處○十年覆准凡州縣佐雜等官毋得與在籍候選之吏員往來請託備有事發均照因事囑託例議處革職○二十五年覆准凡告假回籍之

內外大員及翰詹科道等官其有無端謁拜地方官與督撫有司結納照不應重私罪律降三級調用督撫有司不行拒絕令其進署晉接者亦照此例議處○二十六年覆准上司之子姪親戚經過屬員境內拜候往來屬員亦趨承供應餽送禮物降三級調用今增為如子弟親戚身係職官亦照此例該上司自行查出叅處者免議其未經查出別經發覺者降一級調用如係知而不舉降三級調用○三十年奏准上司衙門書役倚恃衙門聲勢拜謁屬員各該屬員即行舉報該上司即



行訪出擊究者免其參處。如屬員任其拜謁不行舉報者。罰俸九月。如有需索情事。不行舉報者。降一級調用。復與私相往來者。降三級調用。該管書役之各上司。如不嚴行約束。訪查揭參擊究者。降一級調用。○三十四年

論各王公屬下人等。惟京員向各門往來。仍照舊不禁。外。其有現居外任職官。因事來京者。概不許於本管王公處謁見通問。以清弊源。著為令。○三十七年奏准。各省同官換帖及託故赴省。並上官與屬員燕會等事。俱行禁止。令督撫時加約束稽查。年

終將有無此等之處。切實咨部。如有前項事務。本員降三級調用上司。降一級留任。○四十五年。各省督撫藩臬等衙門。需用物件。如有託交首縣中軍購買者。革職。首縣中軍亦革職。其有屬令屬員購買。短發價值。及屬員藉此餽送短領價值者。革職治罪。○四十六年

論各省督撫等。養廉優厚。贖給身家之外。一切延請幕友。賞給家人等項。甚屬寬餘。何得任聽家人向屬員恣索門禮。况督撫家人。既向屬員索取門包。則司道府廳等家人。勢必尤而效之。以州縣官供給各上司

門包力有不支。勢必取之百姓。如此層層剝削。於吏治民生。大有關係。且督撫原係封鎖衙門。一應親族奴僕。俱例禁出入。與屬員接見。是以設有中軍及巡捕等官。以供稽察傳稟。今伊等仍用家人傳事。以致積收門包。盈千累萬。所謂封鎖者安在。如李侍堯勒爾謹俱經敗露。而此外督撫諒俱不免。特未經發覺耳。若不明示禁革。流弊恐無所底止。即奏事處向有收受督撫隨封銀兩。此係舊時規例。相沿至今。但督撫為朕所管。教若不一體裁減。伊等轉有所藉口。著通諭各督撫。嗣後奏事處隨封銀兩。俱照向例裁減一半。即向得雙分者。亦止許得半分。其督撫至道府。概不許收受屬員門包。各督撫傳事稟話。交中軍巡捕等官傳稟。不許另設立管門家人。致滋弊竇。仍令各行知所屬官吏。一體遵照。毋許一人送給。再將此旨各錄一道。懸之督撫署門。並著於年終彙奏一次。○四十九年奏准。上司留待屬員飯食。收受屬員押席銀兩。及令首府首縣承辦筵席者。均革職治罪。督撫設立管門家人者。革職。其藩臬以下。縱容管門家人收受屬員門包者。亦革職。失察者降一級調用。○嘉慶四年



諭陳大文奏查明山東省漕幫旗丁經費陋規開列清單進呈朕遂加披閱內開該幫漕船三十九隻得過各州縣幫貼陋規銀五千餘兩而用項內如通州坐糧廳驗查費銀四百兩倉場衙門科房漕房等費自八十兩至二十餘兩不等又本幫領運千總領費七百兩及本衙守備年規四百二十兩生日節規十六兩其總漕巡漕及糧道各衙門皆有陋規下至班頭軍牢轎馬費自數兩至數十兩者不一而足實為漕務蠹弊漕船領運米石如雇覓舵工水手及沿途提溜過橋起剝等事皆係應用正項自不可省但以旗丁分例應領之款覈計途次應需之費本足敷用近復酌議增添津貼米石各帶貨物免其上稅丁力自處寬舒如謂革去浮費兌運尚有不敷其誰信之若如所開各種浮費不行禁革即再津貼亦復何益且漕員取之州縣州縣取之小民層層侵蝕浮收之弊伊于何底况此等陋規例干嚴禁如稍知自愛者原可自矢潔清即如從前額勒布揚志信在坐糧廳任內不肯得受陋規並不稍形貧乏總緣歷任總漕倉場侍郎及坐糧廳並各糧道運弁等陋規相沿任情收取以致積弊困民本應查明嚴行治罪姑念人數

諭山東壽張營遊擊周開第收受南糧各幫船餽送米酒等物已明降諭旨交楊志信審擬具奏矣漕糧為天庾正供各幫輓運北上所有沿途經過地方該營員等自應實力催趨妥為照料俾得迅速進行不容私通餽遺乃周開第所受米酒等物手摺登記已有五十餘幫均經致送竟成相沿陋規試思漕船輓運經由處所遠近不一沿河員弁隨在皆是今周開第一人如此則其他可知是該旗丁等於幫船開運之時即須先將應送酒米等物豫為備辦無怪受兌則浮收漕糧抵壩則短缺米石且各幫因裝載土宜過多行走亦皆濡滯糧船弊竇恐不免由此叢生不可不加意剔釐以肅漕政著漕運總督倉場侍郎及有漕省分各督撫通行飭諭各員弁等務須潔己奉公

降一級調用○十二年



母蹈周開第之覆轍。僕經此次訓諭後，仍有私受餽  
違。蓋蓋不飭情事。即著據實嚴參懲辦。○十七年

諭。嗣後凡管轄大臣生日。所屬官兵有餽送如意者。著  
嚴行飭禁。○同治元年

諭。州縣為親民之官。地方利弊。民生疾苦。全賴州縣為  
之區畫。方足以蘇民困而清吏治。該州縣等均朝廷  
命官。豈竟不知自愛。甘犯貪汙。乃朝廷時加訪查。而  
循良廉潔之吏。仍少概見。豈該州縣毫無天良。不知  
愧奮。總由宿弊未除。欲勉廉潔而無由。甚屬可憫。嗣  
後州縣解費應酬等項。均著永遠裁革。除欽差兵差

照例供應外。其餘過往差使。以及本省上司。一概不  
准應酬。違者以違制論。其攤扣各款。應如何酌量裁  
減。並著妥籌辦理具奏。各直省大吏受恩優渥。正可  
藉此自勵廉隅。而州縣中稍知自愛者。亦可勉為循  
吏。以備朝廷任使。僕仍敢肆行貪汙。必當按贓從嚴  
治罪。經此次訓諭之後。各直省大吏務當實力舉行。  
勒限一年。妥為辦理。僕別經發覺。或經訪聞。仍有收  
受節壽需索解費等弊。必將該上司從重懲處。毋謂  
言之不豫也。○又議准。官員收受所部內土宜禮物。  
並非因事餽送者。照舊四十私罪律罰俸九月。

與者係官。減一等罰俸六月。○又議准。現任大  
臣科道等官。有受囑引奏。朋比誣陷者。革職提  
問。在籍與地方官交結營私者。革職。地方官知  
而不舉者。亦革職。

勒索科取。○乾隆三十年奏准。凡督撫及司道  
等官。值大計之時。如有藉端。做派屬員者。革職  
提問。○又奏准。州縣等官。於審辦大小案件。勒  
索財物者。革職。學問司道府等官。知而不行揭  
參者。革職。若該管司道府等。已經申報。而督撫  
不行題參者。降五級調用。今改為督撫等知而不  
行揭參。俱降三級

凡其不知情者。照失察屬員劣蹟。昭著例。分別  
議處。○又奏准。州縣官因造報冊籍。投送各上  
司衙門。收取費用。陋規科斂累民。及藉稱錢糧  
准算部民子女者。革職。提審各該上司等。不行  
揭參者。分別知情不知情。照前例議處。○四十  
五年

諭。外省督撫兩司等。遇有慶典年節燕會。及欽差過境  
開筵演戲。往往令首府首縣承辦。此事甚屬不可。督  
撫等閒有酬酢燕會。自所不免。但總應出資自辦。何  
得派員承直。以致該府縣等藉端要結。甚且賠累滋



獲民間於吏治官方大有關係。該督撫等務宜痛除積習。正己率屬。將派委屬員承直筵席等事。概行禁革。以期大法小廉。使屬員無所藉口。嗣後若將有無此事。各督撫於年終奏聞。○又

諭。據袁守伺奏直隸總督衙門。購買食物。向設有買辦八名。分班供役。凡日用所需。皆給發現錢。令其照依市值平買。十日一次結算。再行發錢採辦等語。因屬循照舊例。但十日一次結算。再行發錢。小民供役。安得有私錢豫行賄墊。勢必除欠勒買。仍滋流弊。自應於十日前。豫先發給錢文。令各役隨時買辦。再行按月結算。事雖項屬。然防微杜漸。不可不慎。著將袁守伺摺。行知各督撫仿照辦理。○四十九年

諭。據福康安奏靈臺縣知縣武粵生到任三年。並無善政。強令百姓製造衣織。以致遠近沸騰。聲名狼藉。請旨革職提審一摺。地方官在任。百姓製造衣織。致迭並離任脫鞵等事。最為陋習。近聞各省督撫。有未經去任。而德政碑早已建豎。轅門於吏治官方。大有關係。嗣後著通行飭禁。即製造衣織脫鞵等事。亦一併禁止。其各省地方。無論大小文武各官。現有去思德政等碑。俱著查明撲毀。該督撫務須實力查辦。毋得

視為具文。致蹈陽奉陰違之咎。○五十三年

諭。各省督撫提鎮及學政等。凡遇巡查出考。途次所需夫馬飯食等項。均著自行備用。毋令經過地方官代辦。並令文武互相糾察。如有仍前需索擾累者。即行據實奏。從重治罪。○嘉慶五年奏。准凡州縣官貪婪苛虐。激變殄民。革職提問。督撫等知而不行。揭參降三級調用。不知情者。照失察屬員劣蹟。昭著例議處。○七年

諭。御史朱紱奏請寬地方官去思碑例。禁一摺。所見甚屬非是。守令職司民牧。分應廉潔自矢。撫字為懷。果

有善政及民。自必口碑載道。閱久流傳。原不假區區製衣勒碣。粉飾虛聲。

世宗憲皇帝屢申飭禁。意在崇實黜浮。使人皆盡心實政。若如該御史所奏。專以外飾之繁文。驗在官之賢否。如從前甘省。即有抑勒部民製造衣織之事。亦豈盡足憑耶。總之地方官。惟在悃愾無華。實至者名自歸。上年直隸省知縣朱杰。錢桂。因盡心賑務。惠逮閭閻。及緣事去官。百姓等愛戴懇留。奏聞後。均經格外加恩。朕亦何嘗不以輿論之公。獎循良之績。但不必特寬例禁。致開沽名飾譽之端。且各省從前去思德



政等碑。俱經撲毀。又豈有復令建立之理。朱紱不曉事體。著將原摺擲還。○十四年

諭御史甘家斌奏請禁止外省各上司衙門多派委員。以省擾累一摺。所奏甚是。外省地方公事。上司不能親歷周查。勢不得不委員前往。但總須選擇得人。方能查察認真。不致虛應故事。而州縣亦不致有擾累之虞。今據該御史奏。近聞各省年例差使。稽查燒鍋。催提錢糧。以及查驗馬匹監獄等事。自督撫藩臬以至道府。俱各委人前往。有同此一事。而所派多人者。紛紛擾累驛站。需索規禮。更有於省城設立差局。凡

遇派委。皆由局員註定。依次差遣。難保無鑽營要結之弊。等語。看來外省積習。上司派委各員。並非慎重公事。不過為屬員沾潤起見。而委員等奉差外出。亦未必有留心公事之人。不過需索分規。苟且塞責。往來供應。絡繹道途。前者未行。後者踵至。百姓頗受其累。甚至派差之後。本員並不親往。公然議定規禮。派家人往收者。此於地方實有損無益。嗣後上司於飭查公事。不得濫委多員。委員等亦不得妄有需索。違者隨時懲辦。其各省有設立差局者。著一律禁革。凡有應派差使。該上司秉公遴選。擇其謹飭自愛者。酌

量派往。俾州縣不致疲於供億。而公事又可認真查察。一切扶同弊混積習。得以漸除。設此次降旨之後。各督撫陽奉陰違。不行實力遵辦。將來有科道糾參。或別經發覺。朕必嚴行懲處不貸。○咸豐四年

諭載齡崇實奏遵查川省大吏收受陋規一摺。嗣後該省一切陋規。著永行禁革。如有陽奉陰違。仍蹈積習。或另改名目。暗復舊規者。著該部從嚴定擬處分。具奏。以儆官邪。欽此。遵

旨議定。大吏收受屬員陋規者。革職永不敘用。○又議准。大小官員到任。屬下官役豫為鋪設器用。修

理衙署。派及兵民者。革職治罪。或係本員勒令所屬辦理。及每年指稱添換器用。修飾衙署。派累兵民者。亦革職治罪。屬員能據實稟揭者。免議。如未經稟揭。照違例支給錢糧。例降一級調用。若已經稟揭。而該上司不行查參。照徇隱例降二級調用。○又議准。外省造送部科。及內外各衙門表牋冊檔。陋規嚴行禁革。如該上司有藉表牋冊檔名色。科斂者。將督撫司道照貪婪例處分。其內外衙門書役藉稱紙筆需費。有所收受者。計贓科罪。該管官失於覺察。照例議處。



○又議准官員有以軍務河工急需為名藉端科派並因事科取行戶貨物侵欺入己者革職提問如審非入己限內全完止准免其治罪其革職之案刑部不得用開復字樣該上司不行揭參分別知情不知情照前例議處○又議准州縣官貪婪苛虐平日漫無撫恤或於民事審辦不公或陵辱斯文生童身受其害以致激變於民罷市罷考糾眾毆官者革職提問司道府州知而不行揭報者亦革職若已經揭報而督撫不行題參降五級調用司道府州免議不知情者仍照失察屬員貪劣例議處

欽定大清會典事例卷九十七

吏部

處分例

供應迎送

嚴查幕友

禁革管務

供應迎送○康熙十九年議准凡州縣官員籍送

欽差大臣官員下程科斂百姓者照貪官例革職提問其督撫司道府廳等官皆照失察貪官例分別處分○雍正元年

論欽差出京沿途地方官向有餽送督撫派於州縣州縣派於里民朕深知此弊於散賑催漕看河各欽差

大臣官員出京時皆逐一諄諄告誡不令騷擾地方官民但恐陽奉陰違又恐地方官畏懼忽略欽差之愆仍蹈前轍且差去之大臣官員即能潔己自持隨從人役未必盡能遵奉至欽差事畢回京之後督撫或藉欽差公費名色開單分派州縣州縣不敢問其虛實州縣轉派里民里民不敢爭其多寡甚至以科派贏餘或填虧空或充節禮種種弊端深可痛恨著各省督撫於欽差經過之地即將所發上諭大張告示徧諭通衢嗣後欽差務期恪遵訓諭嚴束人役毋得騷擾地方需索餽送如欽差本無需索州縣官藉



名私派里民及暗加火耗者著即指名題參至督撫身為大吏尤宜廉潔率屬僅有扶同科派致擾民生者一經查出決不姑貸○八年

諭凡從京師奉差官員朕皆給以驛遞夫馬並每日供應之費不使其絲毫取於地方如果該員用度不敷該省督撫當據實為之陳奏不應令其借門包之名以為將來取巧之漸況州縣各官所有養廉不過足供本官任內之用安能有餘以為應酬之具著各省督撫通行曉諭所屬地方僚嗣後出差之員仍有收受門包者與者照鑽營請託例治罪受者照婪贓納

賄例治罪該督撫不行查參照失於覺察例處分○

乾隆二年奏准凡

欽差督撫及一切上司經過地方止許佐貳等官於城門驛亭迎送正印各官非有公事傳詢不許輕率出城亦不許蟒衣跪道各學教職率領文武生員迎送一例禁止○又議准

欽差上司經過地方各官有意諂媚違例迎送或因事營求或乘便賄賂照諂媚求譽例革職如止違例迎送無營求賄賂等情照擅離職役律罰俸九月若

欽差及各上司必欲地方官遠迎遠送並令印官出城迎送致各官畏其威勢違例迎送者如有勒索情弊或被詳揭或經督撫查參照勒索下屬例革職提問如止令迎送無勒索情弊將

欽差及各上司照城守官員盡行傳去例罰俸一年地方官皆免議其安置公館呈送下程酒席及供應夫馬車船一切陋規皆嚴行革除如地方官仍有供應及

欽差上司仍有勒索者皆照餽送禮物例革職今增

方官據實稟揭者免議如未經稟揭照違例支給錢糧例降一級調用若督撫不

行查參照徇情例降二級調用其

欽差及各上司隨役家人私自索取本官不知情者照失察衙役犯贓例分別議處如係知情故縱則與本官求索無異罪坐本官應革職治罪其隨役家人一併交與刑部按律究擬並許被索之人據實詳揭若濫行供應者照濫給例降一級調用儻

欽差及各上司因不迎送供應別尋他事中傷者審虛將挾嫌中傷之人降二級調用○又覆准嗣後新官到任令舊任官量撥數人在交界處呈



送須知冊籍其餘書役概令隨印交代不許邀約多人執批遠迎並將頭接二接三接陋習嚴行禁止如舊任官一任書役多人中途遠接照不行管教例罰俸六月新任官令其遠迎照上司令屬員出界遠迎例罰俸一年○四年

諭各省府州縣官員均有守土之責不宜輕離職守每聞督撫等遇有公事輒將地方官或調至省城辦理或調赴他府辦理動經數月不回本任且一府之中竟有將郡守牧令全行調辦者如此則本地事務必至廢弛於守土之義大相乖謬嗣後督撫等各宜留心若遇緊要公事不得不調員辦理之時則酌量慎重然後檄委毋使守牧縣令等官全離本地致有顧此失彼之慮聞廣向來風氣屬員之於上官以趨謁承奉為能而同寅之中又有讎會酬酢相尚以致廢時失事耗費物力於無用之地此亦有關於吏治官方者朕屢經降旨訓飭聞馬爾泰到任之後粵省漸知悔改而閩省舊習則未全除為此再加訓諭嗣後倘有屬員無故赴省干謁上司或流連讎集忽視政務者經朕訪聞必加以嚴譴○六年

諭從來澄清吏治必大法而後小廉督撫司道有統率

屬員之責不但賄賂饒遺亟當屏絕即承辦公事亦不當有絲毫沾染稍留指摘之端使州縣藉詞玩縱無所顧忌朕聞得各省督撫司道同住會城凡一切操演兵馬考試吏員行香講約因公勘驗等事需用酒筵鋪設香燭菜品均於首邑取辦甚至葺理衙署修整執事置備器物首邑俱遣家人工房在轄承直分而計之為數無多而合一年所費每至盈千累百在上司止顧取攜之便資費不問從來在屬員但期迎合之工備辦惟恐不力其實首邑之養廉公費原有定數既多賂墊勢不得不派累科斂作弊營私以彌補缺乏而督撫念其捐項繁多往往曲加體諒姑息優容或且喜其逢迎題升保薦是非顛倒其流弊有不可勝言者雖係積習相仍亦當嚴行禁止嗣後各省會城遇有應辦事件如實係公務應於公項開銷若係各衙門私事應自行捐資辦理不得概取之首縣首縣亦不得差家人工房在各衙門承直如此則屬員既得免賂累之苦兼可杜奔競之門為上司者亦可毫無瞻徇之習矣○十四年

諭今年恩詔祭告嶽瀆人員回京召對時多有奏及該省督撫幫助路費者凡奉差人員既給乘傳各有廩



給。又何須資給路費。至欽差大臣。有特交查察事件。於地方督撫。既有公務相涉。尤不可不嚴介自持。不獨體制宜敦。抑亦嫌疑當避。乃亦有收受餽賂者。可見外省交際贈遺。積習未除。若不明示飭禁。安能弊絕風清。著通行嚴飭各督撫等。嗣後毋得與欽差人員私相餽遺。以開苞苴賄賂之漸。欽差大臣。亦毋得私自收受。以蹈簞蓋不飭之嫌。若仍陽奉陰違。或被糾參。或別經發覺。定嚴加議處。○三十二年覆准。

欽差大臣。及鄰境督撫。與本省各上司。經過地方。在城外一二里以內者。地方官即在城外迎送。總不得過一二里之數。如有違例遠出者。降一級調用。容隱不舉之上司。亦降一級調用。○三十年覆准。

欽差大臣。及新任督撫入境。司道大員。許差役至本省境內迎接。府州縣官。許於本管地方十里內躬迎。其並不經由。及經由離城十里以外之府州縣。概不准其迎接。如有違例迎接。及上司容隱不舉。各照前例議處。司道府以下等官到任。屬員亦照此例遵行。○三十四年覆准。

欽差大臣。及鄰省督撫。經過地方。如有擅動驛馬。探

報迎送。有累驛馬者。降二級調用。容隱不舉之上司。降一級調用。○嘉慶四年

諭。各省督撫藩臬道府。俸廉優厚。理應潔己奉公。正色率屬。即遇事公出。自當輕騎減從。過境差員。何必遣人迎送。至衙署鋪設器具。一切費用。尤宜濇樸。自出餘廉。何得令首縣承直。以至攤及通省。若燕會之事。本干功令。乃竟蓄養戲班。開筵聚飲。以屬員之犒賚。肥優伶之囊橐。况州縣為牧養百姓之官。上司有稽查倉庫之責。大吏不能體恤屬員。以致虧缺公帑。是無異自取家資。以供浪費也。州縣無以供應大吏。以致剝削民膏。是無異自戕子孫。以肥祖父也。試問小民不安室家。屬員致有虧缺。甚或釀成事端。地方長吏。獨能逃罪乎。嗣後督撫藩臬道府各員。務當改滌前非。經此次訓誡之後。儻仍蹈故轍。一經覺察。或被人指參。必當重治其罪。○五年奏准。地方官違例供應。

欽差各上司違例索取。除仍照例革職外。其不行查參之督撫。降三級調用。○又

諭。向來地方官於出差人員。遇有家道清苦。或係自備資斧。因而量為攸助。原所時有。但該員等馳驛前往。



本有廩給口糧。復何藉地方官慇懃贈遺為耶。嗣後各該督撫及司道等官。務當消除陋習。毋得任意應酬。不知節省繁費。致漸蹈苞苴惡習。如有仍前餽遺銀兩者。朕訪查得實。或經出差之員自行奏明。必將該地方官照例治罪。○八年

諭向來正副考官。奉差出京。無論官階大小。各按省分遠近。賞給盤費。並准馳驛前往。行走已屬從容。其職分較小之翰林部曹等官。出闈後督撫兩司。養廉優厚。或致送土儀。稍助路費。尚屬地主之誼。至房考各官。俱係州縣。祿入無多。若破產餽送主考。必致賣舉子。通關節。而主考受房官之餽送。何能秉公閱卷。嗣後不得私自餽遺。考官亦不得輒行收納。若考官係三品以上大員。即督撫兩司。亦不准致送路費。儻經此次訓諭之後。仍有私行餽遺收受者。一經查出。即當嚴行懲辦。○又

諭本日恭閱

皇考高宗純皇帝實錄內載

諭旨。以督撫辦公出省。輕騎減從。固分所宜。然惟攜帶幕友胥役。及舊卷案箱二節。率視為途次必需之項。嗣後務須加意省約。屏去繁文。以免猾吏巧為逢迎。

及家人長隨藉端勒索。欽此。仰見我

皇考砥礪疆臣。慎節勞費。至意與日前朕所降通飭地方大吏。毋許因公騷擾驛站。諭旨。適相符合。外省督撫司道。遇有緊要公務。應親身前往查辦者。自不容深居簡出。坐乖職守。但伊等養廉優厚。其盤餐供頓。原應自出己資。毋許屬員承應。定例綦嚴。乃各省大吏。率未能實力奉行。遇公出之時。輒多帶幕友委員。以及僕從胥役。所過之地。車馬供給。繁費紛如。大為地方之累。試思各上司供應。既欲取之屬員。而屬員勢必取之百姓。民勞吏困。職此之由。朕自親政以來。

節經降旨。諄諄訓誡。外省大吏。亦稍知謹飭。近日遇有公出。往往多以輕騎減從為詞。第恐其徒託空言。未必行之以實。從前督撫中。如書麟之樸儉自持。岳起之清操刻苦。其所至屬邑。不知有官差經過。伊等並未多帶幕僚。亦並未稍誤公事。可見督撫司道。為一方表率。果能刻自簡約。則民力所省實多。並可杜猾吏逢迎之習。於吏治民生。均有裨益。特此再行申諭。惟在封疆大吏。實力遵行。毋負朕勤加訓誨至意。○十三年

諭外省遇有重大案件。特派欽差前往審辦。原應欽差



專主審斷。其有案情頭緒繁多。人證甚衆。亦不能不令司員分起鞠訊。至於罪名輕重。引斷爰書。自當欽差經理。不得專委司員。自圖安逸。僅於定供後過堂。一問了事。至欽差在外省審案。地方官欲藉此餽送。行私例禁本嚴。欽差自應隨時稽查。一體懷遵。杜絕苞苴。共矢清白。庶幾毋負委任。其隨帶司員。嗣後外間亦斷不許有小欽差之稱。○十四年

諭朕勤求民隱。整飭官方。惟恐下情不能上達。遇有直省控案。或關涉官吏營私。民情屈抑者。特派大員前往。辦實不得已之苦心。該大員仰承簡命。必應自矢潔清。虛公聽斷。方為不負委任。嗣後欽差官員至所差省分。及經過地方。永不許有差費名目。其該省督撫大吏。除應請聖安者。照例親身出迎。此外概不准差人迎送。如有違例供給迎送者。欽差官員即指名參奏。若欽差例外需索。著該督撫指名參奏。但不得因有此旨。於欽差官員應得夫馬廩食。任聽州縣官短缺稽遲。致誤郵傳。如有遲誤。亦准欽差官員參奏。並聞外省督撫及司道等官。因公經過所屬地方。其夫馬公館供應。尤為不貲。外省大僚過境。本省上官遣人迎送。其所遣之人。沿途需索夫馬供應。且有

得受站規等事。均不可不嚴為飭禁。若有前項弊端。不即革除。舉發。經朕查出。必當從嚴治罪。決不寬貸。總之。內外大小官員。身登仕籍。先當審明義利。朕近御製崇儉詩一首。義利辨一篇。並繫以銘辭訓誡。臣工為大臣者。惟思敬以事上。廉以律身。平居以節儉為先。臨事以公義為重。一切非分之利。絲毫毋取。為下吏者。勤於政事。潔己愛民。雖有貪暴上官。不能持其短長。亦毋庸夤緣結納。曲意承迎。天道福善禍淫。清白之吏。身名俱泰。子孫蒙休。較之貪利忘義。悖入悖出。禍不旋踵者。其得失異霄壤。利害從違。惟視其人之自擇耳。特明白宣示。俾大小臣工。交相勸勉。砥礪廉隅。以飭官常。以正風俗。朕實有厚望焉。○又議准。凡鄰省督撫本省各上司。及欽差大員過境。在離城一二里地面以內者。准地方官前往迎送。不得過二里之外。如有擅動驛馬。分投探報。致累驛站者。降二級調用。遠迎遠送者。降一級調用。儻別有諂媚營求。乘便賄賂等情。將地方官革職。提問其督撫上司大員。於地方官違例迎送。容隱不舉。降一級調用。儻竟係勒令送迎者。革職提問。地方官免議。



嚴查幕友。○雍正十三年覆准。上司勸薦幕賓長隨。許屬官揭報。將勸薦之上司。照將游客優伶人等轉送各府州縣例革職。或屬官徇隱不行揭報者。照受囑不報例革職。若屬官營求上司。因所薦幕賓長隨。有勾通行賄等弊。照賣緣餽送例分別議處。○乾隆元年議准。直省司道以下各官幕賓。除緣事點革。及報掌書算內號瑣事。與本官子弟親屬來署幫辦者。概不准其申送外。其延請管理刑名錢穀之幕賓。自申報存案之日起。計算六年期滿。果能深信其有為有守。才識兼優。平日毫無公私過犯者。准令本官出具保結。申送督撫詳加驗看。秉公考試。如果文理優通。熟諳吏治。方准據實保題。將考試原卷一併送部。俟直省彙齊之日。由部請旨派員校閱試卷。分別等第。給予職銜。分班選用。如有文理荒謬。不諳律例者。將濫行申送之原保官。照徇情例降二級調用。保題之督撫。照含糊具題例降一級留任。更或有假名頂替及出身不明之人。或經部查出。或被旁人首告。係假名頂替。將原保送官。照頂冒出結例革職。係出身

不明之人。將原保送官。照濫舉匪人例降二級調用。保題之督撫。照失於查察例罰俸一年。本人交刑部治罪。再考定各員出仕之後。除因公降革輕罪不議外。其有以貪婪題咨革職者。將原保送官。亦照濫舉匪人例降二級調用。並保題之督撫。亦照失於查察例罰俸一年。至督撫所延之幕賓。保薦後。如有前項情弊。亦照此例議處。○五年覆准。地方官延請幕友。務令關防嚴密。不得任其出入往返。其有眷屬現住本省及本城地方者。概不得延請入幕。以杜弊端。○

六年

諭。外省官員事務繁多。勢不得不延致幕賓。相助為理。然其中賢否不一。易滋弊端。向已屢經申禁。但恐日久玩生。且聞各衙門幕賓。有暗中聯結私通。綫索者。各省不能全無。而山東為甚。上司幕賓。往往藉端出外。與各官往來款洽。串通信息。又或薦引幕友。入於下司之幕。講定年規。遇事則彼此關照。作弊營私。高下其手。居官者一時不能覺察。往往墜其術中。及至敗露。追悔莫及。著通行外省大小官員。加意防範。嚴密稽查。務使各守關防。屏除弊竇。如此則可以得幕



賓之益而不受其累矣。○十二年奏准各省幕賓聚

集省會引類呼朋與上下衙門往來交結因之

盤踞把持勾連串合嗣後令各督撫轉飭首府

首縣嚴查驅逐不得復行潛藏儻仍聽其逗遛

將該府縣照不力行保甲例參處再各省府廳

州縣以下罷職等官不得復來原任省分強顏

覓館鑽營作幕如經上司參奏或被旁人首告

將延請之官照例議處。○十九年

諭廣東巡撫鶴年奏稱向來幕客盤踞省城挾有餘資

或貿易行鹽或經營置產娶妻買妾流寓為家因而

交結官長聯絡胥吏且既有室家署內難於關防不

時出入滋弊無窮現與督臣徹底清查並嚴飭所屬

毋得私相容隱等語幕友交通作弊實為害政之端

自應設法清釐嚴行飭禁但此種積習相沿已久他

省必尚有似此者可於奏事之便傳諭各省督撫留

心體察實力查辦亦剔除積弊之一事也。○二十二

年

諭各省督撫延請幕友務宜關防局鑰概不得任其出

署往來交結以絕嫌疑而肅官守若不遵功令致被

叅劾或因事敗露必將縱容之督撫治罪。○又覆准

道府州縣官幕友責成布按兩司嚴加察訪一

有互相勾結徇私滋弊情事即行揭報題叅將

該道府州縣分別縱容失察照例議處儻布按

兩司等不實力奉行督撫即據實劾叅係徇庇

者降三級調用係失察者降一級留任如督撫

不據實查叅將督撫亦降一級留任。○又議准

上司薦幕與徇私苛駁等弊久經著有例禁惟

在該管各官關防嚴密毋致幕友與屬員往來

交接書札相通潛滋弊竇應飭各該督撫不時

留心查察儻有徇私薦引及徇庇失察等項照

例分別議處。○二十八年

諭前以各省衙門有劣幕盤踞把持依倚作姦之事已

降旨通行曉諭各該督撫實力整頓今該按察使周

景柱來京陛見詢據奏稱幕友中或有在就館地方

另娶家室出入官署勾通作弊者有布散黨與招致

本地親串狼狽為姦非其黨惡百計排擠出境者有

彼此餽送往來以上司衙門延留多日為榮借聲援

以圖影射者種種惡習不可不嚴行懲創著各省督

撫等嚴飭所屬加意體察遇有此等劣幕即實力查

辦毋得稍事姑息貽患地方。○又



諭前審訊湖北縱盜冤良一案。跟究始事之由。詢及知州趙泰交。據供有幕友浙江人徐掌絲。盧培元等。弟兄親戚。盤踞楚省。歷有年所。與地方官交接往來。徐掌絲在臬司沈作朋署內。伊弟徐登山即在總督愛必達署內。伊妹夫盧培元即在巡撫湯聘署內。彼此串通一氣。此案各衙門前後批詳。皆出伊等數人之手。等語。地方大吏承辦重案。竟至顛倒是非。行私罔上。固不得接過旁人。少為寬貸。而此等惡幕。暗通聲勢。從中把持。實為民生吏治之憂。已降旨李侍堯熊學鵬等。擊解刑部。會同軍機大臣嚴審定罪。在外省督撫藩臬衙門。案牘紛繁。書記之任。亦不可少。然一切應准應駁。必當自為主持。豈可聽一二幕友操縱自由。且此輩賢否不一。甚至彼此潛相照應。或援引黨類。往還出入。因而媒銜招搖。轉致受其愚弄。向來勅薦幕友。例有明禁。復經臺臣條奏。嚴定處分。乃楚省尚有敢於上下句結。縱盜殃民。若徐掌絲之甚者。一省如此。恐他省亦不能保其必無。著傳諭各省督撫。留心密訪嚴查。如有此等久慣惡幕。潛居省會。倚託上司衙門。因緣為姦者。立即嚴拏重究。以昭炯戒。毋得稍存姑息。僅一遞回原籍。顯預了事。儻督撫等

視為泛常。不加實力整頓。一經朕別有訪聞。惟伊等是問。並聞有新任督撫藩臬。接用舊任幕友者。徒因其經辦多年。一切多所諳習。遂爾相沿趨便。不知若輩借歷幕更事為名。始終占踞一衙門。官有去留。幕無更易。不肖之徒。易於乘間滋弊。涓涓不息。將為江河。亦不可不杜其漸。嗣後著一體飭禁。三十年奏准。各上司有將其所交親厚幕賓。令意所親厚之州縣代為轉薦。或經該州縣揭報。或別經發覺。將該上司照勅薦幕賓例議處。其代為轉薦及明知轉薦延請之屬員。均照受囑不報例議處。○三十二年

諭各省河臣辦理一應河防事宜。原應另延幕客。慎密關防。即有熟悉河務人員。亦止宜留為隨轅差委。若竟令為入幕之賓。則一二不安分者。或即借此招搖自所不免。嗣後著各省河臣。概不得調屬員為內幕。○三十四年

諭據馮鈴疏。秦泰和縣知縣郭世誼。將重價所買之妾。轉送幕友史緯義。而史緯義即係該管之潁州府知府史魯璠族叔。該縣巧為逢迎。該府有意徇庇。業經降旨。一併革職。上司薦幕友於屬員。最為弊藪。久經



通飭嚴禁。乃以該管知府族叔公然充屬縣內幕。是上下通同舞弊。挾制逢迎。將何所不至。即不必出自該府薦引。而屬縣揣知族誼。遂以延請為結納之端。上司亦即以私人示夤緣之徑。此等惡習。所關於吏治官方甚大。今安徽既有此案。恐他省似此者亦所不免。著傳諭各該督撫等。即速嚴密確查。如有延上司親族在幕者。立即查辦。仍一面嚴切申禁。如現在實無類此情事。亦即具摺覆奏。○三十七年覆准各省督撫司道州縣等衙門幕友。概不准延請本省之人。及鄰省五百里以內者。督撫藩臬一經遷調。前任之幕友。不得留於後任。其在幕已逾五年。即行更換。督撫幕賓。隨時咨部存案。司道以下等官幕賓。申報督撫。年終彙齊咨部存案。如違例延請。不行申報。及逾限不更換者。均照隱匿不報例降二級留任。○又

諭外省幕賓有無樹黨盤踞結納。著各該督撫於每年年終彙奏一次。○四十一年

諭前因御史條奏各衙門延請幕友。恐日久弊滋。定以五年更換。並不准延請本省之人。及鄰省五百里以內者。彼時覺所言似尚有理。是以諭令各省督撫通

行查明於年終彙奏造報。以備稽考。迄今已閱數年。各省屆期奏報。並未實在查出違例延請。及逾期不行更換之人。可見彙奏一節。不過沿襲具文。仍屬有名無實。各省幕友。在署幫辦事件。原不當令其出外交游結納。致滋弊端。惟在關防嚴密。隨處留心。自不虞其顧私誼而撓公事。若徒定以隔省限以五年。而不能實力防閑。亦未必即為正本清源之法。嗣後著各該督撫實力整飭稽查。如有惡幕招搖生事。及劣員徇縱濫交者。即行嚴參究治。若督撫袒庇屬員。姑容消弭。或經科道糾參。或別經發覺。惟該督撫是問。所有各省年終彙奏幕友之例。著停止。○五十五年

諭嗣後各省劣幕。如有主使作弊。本官獲罪。定案時即著與本官同罪。不得稍從寬減。著為令。○嘉慶五年奏准官員縱容幕友出署結交者。照縱容親友招搖例革職。失察者降一級調用。其有接用舊任幕友。令其始終占踞一衙門者。亦照此例議處。○又覆准外任大小衙門官員親屬。無論親疏。俱酌用安分自愛之人。本官仍應自行嚴加約束。如有招搖滋事等情。該管上司立行參處。○又



諭。近聞各督撫多有挑取屬員入幕之事。因其粗明例  
 素便於任使。是以多留在幕。謹飭者或無影射滋弊。  
 而一二蒼猾之輩。藉與同寅交好。暗通關節。私相結  
 納。到處招搖。逢人撞騙。司道資其通信。府州藉以逢  
 迎。每遇升選。出具上考。既擁厚資。復邀連權。且此等  
 人員。既經常在督撫署中。於本任應辦事件。必多貽  
 誤。於吏治官方。實有關礙。嗣後各省督撫等。不得將  
 所屬人員留入署中。致滋弊端。如敢仍前私自留用  
 屬員。別經發覺。或被科道糾參。必將各該督撫及留  
 入署中之員。一併治罪。決不寬貸。○八年奏准。上司

幕友家人。薦人於州縣。除上司授意及州縣隱  
 忍收用。不行稟報。均仍照例革職。若該上司並  
 無授意。止係失察者。降三級調用。○十二年

諭。各省督撫衙門幕友。一經本官信任。招搖舞弊。無所  
 不至。該省屬員。畏其聲勢。交通往來。皆所不免。若輩  
 捐納官職。經該督撫奏留本省。聲氣愈通。上下盤踞。  
 營私亂法。實難保其必無。嗣後各督撫於該衙門幕  
 友。有捐職加捐分發者。不准違例奏留。仍令赴部籤  
 掣。省分試用。以杜趨避。而防流弊。○道光八年  
 諭。嗣後儘有以屬員充當幕友者。一經查出。定將該督

撫嚴加議處。並將濫充幕友之員。從重懲辦。○十年  
 諭。嗣後屬員到省。不准薦舉幕友。如有屬員被參革職  
 降調者。並查究該幕友實有情弊。按律加等治罪。以  
 杜朋比。而肅吏治。○十三年

諭。嗣後各直省督撫。概不准以本省屬員入幕。襄理如  
 再有以幕友濫行邀請議敘者。著吏部查明參奏。○  
 二十七年奏准。臺灣地方。如有閒居幕友。該地  
 方官並不認真驅逐。或於內地幕友。任其私渡。  
 經該督撫題參。即照兩司不實力訪查例。係徇  
 庇。降三級調用。係失察。降一級留任。○又議准。

上司濫邀屬員充當幕友。進署辦事者。革職。其  
 濫充幕友之屬員。亦革職。○又議准。督撫所用  
 幕友。務宜關防局鑰。儘有任其出署來往交結。  
 致被劾參。或因事敗露者。將縱容之督撫革職  
 治罪。○又議准。上司勒薦幕友長隨。許屬員據  
 實揭報。將該上司革職。如屬員隱忍收用。不行  
 揭報。亦革職。若上司令屬員代為轉薦者。亦照  
 此例處分。至上司之幕友家人。將人薦與州縣  
 係本官授意者。仍革職。止係失於覺察者。將本  
 官降一級調用。若州縣亦隱忍收用。不行揭報。



仍照例革職。

禁革管務聽差○乾隆二十八年

諭外省官員到任定例將管事長隨開具姓名籍貫造冊通報上司存案以防姦宄今有於長隨之外另立管理雜務之人令其干涉公務出入無忌安係無不肖之徒藉口辦公招搖生事著通諭各督撫嚴飭所屬將辦理雜務名目力行禁止儻不實力奉行致所屬以私人而代公務滋生事端者惟該督撫等是問○四十五年覆准各省府州縣官將坐省坐府聽差悉行革去如有仍令聽差坐省坐府者將

本官降一級調用不准抵銷上司不嚴行禁革降一級留任仍將有無此等坐省家人名目令該督撫於年終彙數送部查辦○嘉慶五年奏准官員有設立辦理雜務名目者照縱容幕友例議處

欽定大清會典事例卷九十八

吏部

處分例書役

書役○

國初定凡在外大小各衙門有侵剋錢糧婪贓之衙役遇

赦免罪者如復入衙門著役被旁人出首者將復令入役官以知情縱令論革職其不題參之督撫降一級留任如非本任內革役不行查出收用者本官降一級調用其不查參之督撫罰俸一

年○康熙十四年題准在京部院衙門書辦指稱本司事件犯贓將本犯照律治罪外贓數至十兩以上者將該司官員降一級留任不及十兩者罰俸一年○又題准無司分衙門書吏犯贓該管官均照前例議處如各員有知情縱令作弊者革職有扶同營私婪贓者照貪官例革職提問○又題准凡正身衙役及額定貼寫幫差之外有白役隨所差衙役嚇詐未經查出之官罰俸六月若官員知係白役於定數之外濫留應役發給牌票差違公事婪贓累民按其所



犯贓數一兩以下者將本官降一級調用一兩以上者降二級調用十兩以上者革職○二十年題准衙憲害民令督撫訪拏司道府州縣等官舉報若司道府州縣等官不報上司照徇庇例降三級調用不行題拏之督撫罰俸一年其訪拏衙憲並贓私數目年終造冊題報○雍正四年覆准各衙門書辦宗人府令府丞六部令漢右侍郎都察院令漢左副都御史通政使司令漢參議內閣令典籍廳翰林院令典簿廳詹事府令漢少詹國子監令漢司業京堂衙門俱令漢少卿欽天監令漢右監副太醫院令右院判六科令漢給事中中書科令漢掌印中書專管稽查其內務府理藩院並無漢官應令內務府總管理藩院右侍郎專管今增為並令責成司職各員稽查備有項冒家混等弊除將該吏治罪外專管之員罰俸六月○又覆准各衙門考取書吏細加查覈毋致有冒籍冒姓頂替諸弊其書役投充時務遵照定例取具確實親供印甘各結方准著役如無原籍地方官印結者不得收用其年滿送部考職之時各衙門於咨內填寫並無假姓冒籍字樣吏部方准收考

若有冒籍冒姓等弊事發本人革去職銜照律治罪其不能稽查之該管官照失察例罰俸六月○又覆准凡額設書役年滿出缺該管官員慎擇籤點取具鄰佑及親族並無重役買缺等弊連名保結方准收錄該管官員加具印結申報上司衙門存案如有暗行頂買索取租銀之處將該管官員革職缺主等按律治罪儻督撫陽奉陰違不除積弊將該督撫照徇庇例降三級調用○七年議准外省府州縣各衙門書役投充務取具並無重役冒充親供互結該地方官加具印結彙造役冊申送該管稽查衙門方准著役每於年終該役出具並無過犯連名互結地方官加具印結申送該管道員衙門如無道地方官或守道無道員地方官責成按察使今其專管稽查儻有五年役滿不退者將該役斥革治罪或舞文弄法招搖撞騙包攬詞訟侵欺錢糧該司道訪拏按律治罪府州縣官不行查出照徇情例降二級調用專管司道不行查出失察一二名者罰俸三月失察三四名者罰俸六月失察五名以上者罰俸一年失察十名以上者降一級留任其司道鹽道



關差書役責成督撫稽查。督撫及總河總漕鹽院書役令各自行稽查。如失察者皆照司道例處分。書吏有指官撞騙招搖作弊平民畏其本官庇護不敢控告者許赴該管稽察衙門控告事實按律治罪。又議准外省衙門革退書吏將緣事情由及革退日期一併註明詳報督撫一經犯事發覺革前革後不難按冊稽覈如犯事吏役冊上無名將該管官照造冊遺漏例議處如規避失察捏稱革役在先犯事在後經督撫查出題參者將該管官革職。又議准在京

部院等衙門缺主如仍潛匿京城及附近州縣地方事發將該管地方官議處失察一名者降一級留任二三名者降一級調用四五名者降二級調用六七名以上者革職有能實力奉行擊獲一名者紀錄一次二名者紀錄二次三名者紀錄三次四名以上者加一級至有罪書吏逃回原籍之後仍潛入京城及附近州縣地方事發亦將該地方官議處失察一二名者罰俸六月三四名者罰俸一年五六名者降一級調用。後改為罰俸二年又增十名以上者降一級留任如有能擊獲二名者

紀錄一次三四名者紀錄二次五六名者紀錄三次十名以上者加一級。八年議准在外大小各衙門有鄉紳奴僕承充書役者該督撫轉飭該管地方官查明革除取具並無官僕充當書役印結彙齊送部存案凡充補書役皆確覈實非官僕取具鄰里押結地方官加具印結申送上司報部存案。倘有實係官僕捏稱農民充當其主知而不行首明者照徇庇例降三級調用。又議准各省衙役犯贓本官知情故縱者照縱役犯贓例革職其止於失察實無知情故

縱者照在京部院司官之例十兩以上者將該管官降一級留任不及十兩者罰俸一年令各省督撫於題參疏內將本官或係知情故縱或係失於覺察詳悉聲明分別議處。十一年議准凡各衙門官員如有聽信請託將役滿及革退書役聽其更易姓名改移籍貫濫准入冊及挂名曠役營求批准等弊別經發覺如係役滿革退書役本官明知故縱濫准入冊將本官照革役復入衙門例革職其役滿革役本官實不知情止係一時失察准其承充者降一級調用。



如係挂名曠役營求批准將本官照徇庇例降三級調用。儻前官將役滿革退書役及挂名曠役濫准承充接任官未經查出揭報經上司查出如係役滿革退書役將未經查出之接任官降一級調用。如係挂名曠役營求批准將未經查出之接任官降一級留任。十二年議准各部院衙門役滿書吏於考定職銜後即由五城司坊官限一月內令其回籍。儻司坊官將冊內有名之人不行催令回籍容留在京並復行來京潛住將容留之司坊官照容留廢官例按名數分別議處。其各部院衙門責革書吏亦交與該司坊嚴催令於一月內起程回籍並行文本籍地方官嚴行管束。如潛住京城將容留之司坊官亦照容留廢官例議處。儻實係失於覺察以致役滿逗遛或業經催令回籍復來京潛住者照失於覺察例罰俸一年。其籍隸大宛二縣者令該縣將各役年貌住址三代墳墓造冊咨送都察院令該城御史按冊確查。果係本京籍貫有墳墓房產可據者仍准其照例居住。其實非大宛籍貫儻有潛住招搖等弊經該御史查

出將濫送冊結之知縣照造冊舛錯例罰俸一年。如該城御史不行查出。一經發覺將從前失察之該御史照不行詳查例罰俸六月。乾隆元年覆准在京各衙門書吏額缺務令承充之人報明實在籍貫取具同鄉書吏保結將原籍何處並現在居址地方三代姓氏於結內詳細聲明。該衙門務於十日內照保結內所開籍貫居址三代姓氏咨行吏部轉行各該省督撫嚴飭該地方官於文到日照例出具印結並取具鄰族人等甘結照各省地方遠近順天府定限四十日直隸奉天山東河南等省定限三月江蘇安徽江西浙江湖北湖南陝西甘肅等省定限四月福建四川廣東廣西雲南貴州等省定限六月。務於所定限內將印甘各結咨送到部轉送各該衙門以結到之日准其著役仍令該督撫飭令該管上司稽查。如該地方胥吏人等抑勒遲延不依限出結者除將勒索之書吏計贓治罪外仍將該地方官照失察衙役犯贓例分別議處。若係該地方官抑勒遲延即將該地方官照抑勒遲延例降二級調用。如無抑勒情



事遲延者仍照事件遲延例議處一月增為不及三月一月以上者罰俸一年半年以上者罰俸二年一年以上者罰俸一年一級留任該管上司不行稽查督催照督催不力例罰俸六月儻有外省書吏捏稱大宛二縣土著之民該地方官不行詳查朦朧出結將濫行出結之地方官照頂冒出結例革職○又

諭朕維州縣為親民之吏自宜廉平不擾懋著循聲乃獄訟催科之際官民情意易致睽隔百姓潛受苦累而無由自訴者則以書役之為害甚劇州縣官不知所以振刷而剔除之也朕訪聞直省州縣衙門經承之外必有貼寫正役之外每多白役聚此數十輩無賴之徒假託公務橫肆貪婪其為小民擾累何可勝言故有獄訟尚未審結而耗財於若輩之手兩造已經坐困者矣額糧尚未收納而浮費於催徵中飽於蠹胥已什去二三矣其餘勾緝命盜因緣舞弊遇事風生株連無辜賄縱要犯大率貼寫白役之為害居多各直省督撫務宜嚴飭各該州縣將所有吏役按籍查考其有私行冒充者悉行裁革設正額書役實不敷用不妨於貼寫幫役中擇其淳謹者酌量存留亦必嚴加約束毋得非時差擾至於經承正役務須

時刻稽查儻有壞法擾民之事立即按法重懲庶使若輩知所顧忌不得肆其伎倆儻或明知故縱姑息養姦又或喜其巧於趨承受其蒙蔽此則不愛百姓而愛吏役即屬戕害吾民之甚者也為民父母其忍出此乎且書吏之為害不止州縣衙門已也凡徵解錢糧上司書吏向州縣書吏索取費用因而縣吏假借司費紙張名色派索花戶又如徵解漕糧時糧道衙門書吏需索縣吏規禮因而縣吏遂句通本縣家人盤踞倉廩於正額外多收耗米稍不遂意百般留難遠鄉小民以得收為幸守候為難不得不飽其貪壑又聞院司衙門凡州縣申詳事件每先發各房書吏擬批送籤書吏從此作姦射利遲速行駁之間得以上下其手蓋衙蠹之為擾自上及下正不自州縣始也是在為督撫者整肅紀綱立閩省之表率而監司守令各奉厥職互相糾正則弊絕風清民安衽席朕惠養黎元之恩意得以周浹閭閻矣○又覆准藩臬衙門於州縣事件原可行文催取一經差提則差役經過所屬地方及承辦州縣逢迎餽送紛紜滋擾為害甚大嗣後差提應永行停止以免紛擾如敢故違令各督撫將失察徇庇之該



管官分別查叅。○二年議准各衙門於正額書役並酌增之貼寫幫役外。復行多留者。降一級留任。○四年

諭在京各部院之弊。多由於書吏之作姦。外省有一事。件到部。必遣人與書吏講求。能飽其欲。則引例准行。不遂其欲。則藉端駁詰。司官庸懦者。往往為其所愚。而不肖者。則不免從中染指。至於堂官事務繁多。一時難以覺察。且既見駁稿。亦遂不復生疑。以致事件之成否。悉操於書吏之手。而若輩肆行無忌矣。朕思此等弊竇。在京難於查察。而在外省則情節顯然。某事用費若干。某項係何人經手。或督撫著人料理。或藩臬等著人料理。而督撫亦未有不知者。使為督撫者。嚴正持躬。深知大體。不為宵小之所搖惑。而遇有部書需索之事。即據實奏聞。寘之於法。則若輩自知所畏懼。乃自督撫藩臬等。以為所費不多。何必與之較量。止圖案件之完結。遂樂為應付。而不惜甘為容隱。而不言。無怪乎姦胥猾吏。以詐騙為得計。視國法如弁髦也。內部之書吏。索之督撫。而督撫應之。則彼此效尤。無所底止。必至督撫之書吏。索之司道。司道之書吏。索之府縣。層累而降。受其害者。仍在吾民也。

蓋未定養廉以前。外官尚有贏餘。以供意外之費。既定養廉以後。更無餘資。以應苛索。不取之百姓。將誰取耶。各督撫均有澄清吏治。移風易俗之職。任豈可視為相沿陋規。而躬自蹈之。以為官吏之倡。貽閭閻之困乎。嗣後著嚴行禁止。藩臬以下經手之案。著督撫嚴查禁約。僮書吏有仍前需索者。督撫即時奏聞。如有不遵朕旨。私相授受者。必將與受之人。照枉法贓治罪。督撫容隱不奏。亦必嚴加議處。各省關差鹽政織造提鎮等官。俱著照此旨一體遵行。○又覆准凡衙門胥役。閱歷愈久。則貪詐愈甚。況年至七十。刑不加身。流徒杖笞。例得收贖。是彼得倚年老為護符。以遂其貪詐之計。嗣後內外大小衙門。凡一應在官人役。於著役日。取具的實年貌填寫印簿。存於該管官署內。如年至七十。即令其罷役。不許充當各項差使。如有設法盤踞。改易年歲者。嚴察分別治罪。○又奏准在京各衙門吏役犯贓。該司官員失於覺察。及後雖經自行訪出。而承辦案件。已屬錯誤者。仍照例分別議處。其有案件並無舛錯。而書役在外指騙得贓。該司司官能首先訪出究治者。紀錄二次。其



會同稟究之同司各官亦免其議處。○五年奏准在京各部院衙門書吏。凡外省府州縣民人充役者。若係各衙門事簡書吏。及宗人府律例館供事。統俟五年役滿。該衙門咨部考職。由部彙至三月考試一次。考試之後即將該書吏姓名籍貫造冊咨送都察院轉交五城司坊官。務令一月內回籍。取具印結送院存案。仍行文該書吏原籍督撫。取具地方官到籍日期印結。送院備案。至內閣即用供事。及各部院衙門繁缺即用書吏。亦於役滿之後。該衙門出具考語咨送到部。掣定職銜。照例行文該衙門飭令回籍。其中有情願揀選人員。該書吏呈明本衙門咨送到部。照例三月揀選一次。揀選之後亦即將該書吏姓名籍貫造冊咨送都察院轉交五城司坊官。亦限一月內令其回籍。○十二年覆准各衙門書吏。如有不入科房。並將案卷不收藏。衙署攜歸私室等弊。該管官不行查出。照約束不嚴例降一級調用。今增為自行查出完辦免議。失於覺察仍照例議處。

○二十八年覆准外省各衙門未滿典吏混戴帽頂。除將本人照例治罪外。本管官未經查出。

照失於查察例罰俸一年。儻有意故縱。照徇庇例降三級調用。地方官不能查出。亦照失於查察例罰俸一年。若已經查出。贍徇情面。不即舉報。將地方官照徇情例降二級調用。○又覆准各衙門凡有差票事竣。即宜隨時查銷。如遇封印而案未完結。於封印時將票暫行繳銷。俟開印差拘。另行給票。如不將差票隨時查銷。以致衙役有持票恐嚇鄉民。釀成事端者。將該管官照約束不嚴例降一級調用。若止於詐贓。照失察衙役犯贓例。不及十兩者罰俸一年。十兩以上者降一級留任。如無恐嚇滋事及犯贓情弊。止將差票遲延不行查銷者。將該管官照事件遲延例議處。○又覆准各州縣民壯。令該廳員按年查閱。並令知府於盤查日。遇便點驗。如有不知技勇及老邁殘弱充數者。府廳即會同揭報請參。將玩忽之州縣。照濫留衙役例降一級留任。如知府捕盜廳員。於州縣民壯。有不知技勇濫留應役。不行揭參。均照奉行不力例罰俸一年。○又覆准各州縣有將差票故賞衙役。及衙役討賞承票者。責成道府不時稽查。遇有需



索詐贓等弊。將州縣官照故縱例革職。道府自行訪聞揭參者免議。如不行查出。別經發覺。或經院司查出。將知府直隸州降一級留任。道員罰俸一年。三十年奏准。督撫等除經制衙役外。不得私自添設儲將隨征戎旗傳宣轅門材官聽用。長隨在標效用。如該督撫等不行裁革。私自留用者。將該督撫等俱照徇情例議處。○又奏准文職衙門吏役。遵照經制名數補用。仍由該地方官出具並無復設白役分頂合夥印結。更於年底照經制名數註明更替著役年月。並役滿日期。彙造總冊送部存案。儻該管官徇庇濫用。仍有吏役分頂合夥。及捏名倒提年月等弊。將該管官降三級調用。○又奏准各處司府州縣衙門等衙門。主文書算快手卓隸總甲。門禁庫子人等。久戀衙門。說事過錢。把持官府。飛詭稅糧。起滅詞訟。陷害良善。及賣放強盜。誣執平民。事發按律治罪。本管官明知故縱者。革職。失於覺察者。照失察各本例議處。○又奏准。民間犯罪。未經到案。即向上司衙門。暗擡年月。黃緣挂名者。許地方官一面差提。一面申報。

上司。即行斥革。如上司知係挂名倒提年月。庇護不行斥革。及地方官不行差拘。並不詳明斥革。反為開釋者。均照徇庇例降三級調用。○又奏准。各部院衙門。票傳五城司坊官各項差務。儻各司坊總甲。有藉端需索。民間鋪戶者。按律治罪。該司坊官失於覺察。照失察衙役犯贓例議處。若知情故縱。照縱役貪贓例革職。今增為出完辦。○又議准。役滿書辦。考受職銜。如有犯罪。係知法故犯之人。該地方官將所犯情由申報該管上司。轉詳督撫。咨部革去職銜。照所犯罪名。加凡人一等治罪。○三十一年奏准。各省藩司衙門書吏。照臬司衙門一體關防。按班遞換。令各督撫不時稽查。如有不將書吏封鎖署內。任其出入者。將藩司照違制律降四級調用。○三十四年奏准。京外簡缺書吏役滿。責令各該衙門嚴密考試。自行錄取。將原卷封送吏部。○三十七年覆准。刺字革役。濫准承充。將本管官革職。督撫不行題參。降一級留任。接任官於前官已刺盡役復充。不行查出。及收用前任隔屬已刺革役。均降二級調用。督撫



不行查察。罰俸一年。○四十三年覆准廣西南甯太平鎮安泗城等府書役擇本地現有身家之人。具結充當。其隻身流寓者。概令退役回籍。如非確有戶籍。捏稱土著。蒙混投充者。本管官並不知情。失於覺察。照失於查察例。罰俸一年。如明知並非土著。准令投充者。照混行收用例。降一級調用。○四十五年奏准除捕役。奏竊分贓及革捕窩匪滋事。照例覈議外。其快役。早役等項。有犯案滋事者。將該管官照約束不嚴例。降一級調用。係已革衙役及總甲保正鄉約等項。均照失於查察例。罰俸一年。○四十七年奏准官員失察長隨家人招搖弄法。及倚勢逞兇。降一級調用。致釀人命者。降二級調用。若酗酒宿倡。及鬪毆斃命。釁起倉猝。不及豫加防範者。罰俸一年。失察家人犯賊者。照失察衙役犯賊例議處。○五十二年

諭州縣遇有緝拏兇犯。自應遴選幹役往捕。庶該犯不敢抗拒行兇。可以立時拘獲。今白河縣差拏王添德一案。該役畏懼兇惡。不敢上前捉拏。反被兇犯追趕毆傷。致斃二命。此等差役怯懦無能。皆由地方官未

能慎選充當。以致遇有查拏要犯事件。不能強幹。得加於緝捕事宜。大有關係。嗣後著各省督撫轉飭各州縣。於充選差役時。務須加意慎重。擇其年力壯健者充當。仍不時留心察看。不得以退縮庸懦之人。濫行充數。○五十三年

諭據徐嗣曾奏。臺地府縣差役。膽敢私設班館。擅置刑板。拶指等件。白黨盤踞。肆惡殃民。徐嗣曾將為首各犯。定擬斬決。所辦甚是。但此等差役。自係地方官倚為耳目。不肖者縱其貪婪昏瞶。受其蒙蔽。以致該役等有恃無恐。擾害良善。於吏治民生。大有關係。臺灣既查有此弊。恐各省亦有所不免。著傳諭各督撫。務嚴飭問刑衙門。將班房等項名目。永行禁革。以除姦蠹。而絕弊端。如有任令差役等。設立班館。私置刑具。各情事。一經發覺。不特將縱容之地方官。從重治罪。並將失察之各上司。一併嚴加議處。決不姑貸。仍著年終奏聞。有無此弊。○五十五年議准失察私設班館。該管官降二級調用。○五十九年

諭本日刑部進呈。趕入貴州省秋審情實之絞犯王順一起。該犯充當廳役。輒敢藉差需索。逞兇斃命。自當入於本年秋審情實。但細加披閱。王順年僅十九。何



以該廳將伊選充差役實大錯謬。各省吏胥人等雖屬微賤，但一經在官，俱各有應辦公務。無論書吏承行稿案，兼司繕寫，非年幼者所能經理。即差役有緝捕人犯、行刑管解之責，亦非年未及壯、膂力軟弱者可以充當。可見外省於召募書役等事，全不實心慎選。率點充數，甚至任聽賣緣鑽刺，將年幼無知之人徇情籤派，以致焚賊斃命、釀成事端。今思此事於吏治大有關係，不可不嚴切申明。各督撫務宜通飭所屬嗣後召募書役，務須遴選老成強幹之人，不得以年齒太輕者濫行准充。如再陽奉陰違，一經發覺，所

有該管之督撫各上司，亦當從重議處，決不寬貸。○

又奏准外省吏役將年幼之人充當者，本管官照不行裁革，充役例降二級調用。專管稽查之司道降一級留任，督撫罰俸一年。○嘉慶五年

奏准地方官所差衙役將拘提審訊之犯私用非刑拷逼致死，將該管官降二級調用。若未用刑拷逼而正犯及該犯家屬有因陵逼嚇詐情急自盡者，將失察之該管官亦降二級調用。其止於用刑拷逼索詐銀錢勒逼教供未經致死人命者，將該管官降一級調用。或未經拷逼

索詐但因藉差滋事釀成人命者，該管官亦降一級調用。並未奉差因別項滋事釀成人命重案者，該管官亦降一級調用。滋事未釀命者，該管官降一級留任。係已革衙役及地方總甲保正鄉約甲長墟長社長等一切在官人役滋事釀命者，亦降一級留任。滋事未釀命者，罰俸一年。今增為如已經釀命地方官雖訪拏完辦仍照例處治未經釀命地方官能自行查出完辦者免議故○又奏准各省大小衙門將不在公之人作為挂名書吏者降三級調用。今改為降三級調用不知接任官不行查出降一級留任者降一級留任

又任如係刺字革役挂名接任官降二級調用。○

諭內外大小各衙門充當書吏之人遇事需索使費日久竟成陋規所得陋規逐漸加增因而書吏役滿繼受之人出錢頂補名曰缺底此等名目本干例禁亦且貽累軍民所關匪淺現當綱紀肅清地方官諒不敢仍蹈故轍有意姑容但恐日久懈生復有前項情弊著通諭各省督撫嚴行禁革倘陽奉陰違別經發覺或被科道糾參定將各督撫嚴議。○又

諭內外衙門書吏積慣舞弊最為惡習外省各官遇有



題升調補議故議處報銷各項並刑名案件每向部中書吏賄囑書吏乘機舞弊設法撞騙是其常技至運京餉銅顏料各項解員尤受其累自投文以至批迺稍不滿欲多方勒掙任意需索動至累百盈千名曰部費公然斂派即督撫亦往往明知故縱至外省督撫藩臬以及州縣各衙門凡應辦事件亦不能不經書吏之手藉端滋弊甚至上下勾通均所不免現當吏治肅清之時豈容猾吏蠹書從中播弄嗣後各省官員務須正己率屬廉潔自持嚴明馭吏汰除冗散懲創姦胥以杜外省書吏之弊在京各部院堂官惟當督飭司員等每事躬親熟觀例案實心勤職儻有積猾吏胥密訪得實即行嚴辦以杜在京書吏之弊儻經此次訓諭之後內外各衙門仍視為具文尚有前項情弊別經發覺或被科道糾參必將該管各官分別議處毋謂詰誡之不豫也○又

諭朕恭閱

皇考高宗純皇帝實錄以在京各部院之弊多由於書吏之作姦司官庸懦者往往為其所愚而不肖者則不免從中染指堂官事務繁多一時難以覺察以致事件之成否悉操於書吏之手飭令各督撫嚴行查

禁仰見我

皇考整飭吏治懲創姦胥之意朕上年因內外各衙門多不免有猾吏蠹書串通弄法之事明降諭旨令一體秉公查辦但思部中書吏藉端需索總以例案為辭外省承辦事件原有例案可稽何難詳細檢查循照辦理若本係合例事務又何慮部中指駁焉有內外准駁事權全憑一二猾吏之手最為錮習特再明切申諭各部院堂官務宜督飭司員每事躬親查覈嚴防弊竇其各省督撫如遇書吏等有仍前訛索者即時奏聞寘之於法庶作姦犯科之徒知所做惕儻經此次訓誡後內外衙門視為具文仍不認真查察仍聽若輩勾通舞弊別經發覺惟該堂官各督撫是問○又

諭

上年將關稅贏餘酌加裁減原以體恤行旅加惠商民在各監督等自當仰體朕恤商惠民之意不敢於正稅之外復有勒索擾累之事而所派之巡役家人等難保無肆意苛求藉稽查稅務之名妄行勒指情弊現在盧溝橋彰儀門經管稅局人役竟有訛索過往行人銀錢等事業經分別懲治輦轂之下尚敢如此其餘各省關稅種種情弊不問可知該監督等所



管稅口不止一處於稽查稅務一節不能不另派胥役家人等分任其事務當諄切曉諭不許例外訛索仍應時加查訪嚴行管束以絕弊端嗣後京外各關稅局除隨時密訪外或別經告發或被人指叅如再有訛索飯錢擾累商旅等事不獨將所派之巡役家人等從重治罪並將各關監督一體嚴辦示懲不稍寬貸○九年奏准地方官失察衙役滋事以致被人毆斃將該管官照衙役滋事未釀人命例議處如並無藉差索詐等事因奉差緝拏人犯以致被人毆斃者該管官免議○十一年

諭外省州縣額設官役原有定數豈容任意增添近來各州縣俱有無名白役什百為羣遇有詞訟事件官出票差伊等即隨滋擾勒索訛詐威逼良民大為閭閻之害實可痛恨不可不嚴申例禁著各省該管上司官員嚴加查覈將各衙門所有白役立即裁汰務盡一面將現設官役按名報部將來如有盡役滋事之案部中檢查原冊如係正身官役將該管官照例議處外若係原冊無名即應治州縣官以違制之罪並將失察該上司從嚴議處不貸○又議定各衙門如有白役分項合夥捏名倒提著役年月等弊

將該管官降三級調用白役人等加等治罪○又議定革退吏役將緣事情由及革退日期造冊詳報督撫如犯事吏役冊上無名將該管官照造冊遺漏例罰俸三月如規避失察捏稱革役在先犯事在後者將該管官革職○又議定凡正身衙役私帶白役者將未經查出之官罰俸六月○又議定官員濫留白役給發牌票差遣公事者照白役分項合夥之例降三級調用後改為照故縱例革職致有婪贓累民按其所犯贓數一兩以上者將本管官再降一級調用十兩以上者革職○又定凡外省衙役犯贓本管官知情故縱者革職其止於失察十兩以上者將該管官降一級留任不及十兩者罰俸一年自行拏獲究辦者免議○十二年

諭溫承惠奏查出偽造劄付盜用印信私行調補營弁之書吏請旨辦理一摺查胥胤法營私法所不容上年直隸省查出司書王麗南等私雕假印通同州縣虛收錢糧巨案當經特派大臣徹底研訊明確將案犯情重者即予駢誅加以刑夾並令傳集保定省城各衙門書吏看視行刑俾知炯戒曾降旨通諭中外



原欲使在官吏役人等。知舞弊終當敗露。法網非可倖逃。共相做畏。不致再蹈刑章。所謂辟以止辟。正朕明刑弼教之苦心。乃辨理甫閱數旬。且陶源一犯。經該省續行緝獲。正法為日無幾。此在相距較遠省分。或尚未聞知。而近在同城之書吏。復有此等需索酬謝。偽造劄付。假與人官之事實。屬啓不畏死。試思書吏等俱有身家性命。即一時利欲薰心。寧不稍知顧畏。何作姦犯科。竟甘身冒嚴刑。至於此極。迨一經破案。爰書既定。即朕慎重人命。思欲寬以一錢而不能。此輩蠢愚冥頑。致罹重辟。既為可恨。亦屬可憫。嗣後大小官員。當剴切曉諭。吏役人等。以直隸省前案及此案為鑒。務各自顧身命。守法奉公。毋再舞文作弊。陷於重罪。以期吏治漸就肅清。方不負朕諄諄訓誡之意。○道光二年奏准。內外大小衙門書役犯贓除本犯照例治罪外。本管官如通同婪索。不論銀數多寡。皆革職提問。若縱令作弊得贓。亦不論銀數多寡。皆革職。其止係失於覺察。如犯該杖徒者。本管官罰俸六月。犯該軍流者。本管官罰俸一年。犯該斬絞者。本管官降一級留任。俱以首犯之罪名為斷。自行訪拏究辦者免議。○又

議准。書役犯贓脫逃。將本管官先照犯該軍流例罰俸一年。俟日後獲犯審明。再照罪名輕重改議。○又議准。在京各衙門書役犯贓。如係舞文弄法。案件舛錯。該司員失於覺察。犯該杖徒者。罰俸一年。犯該軍流者。降一級留任。犯該斬絞者。降一級調用。俱以首犯之罪名為斷。自行訪拏究辦者免議。○又議准。書役得贓。承審官已將索詐實情審出。故為改重就輕者。革職十年。

諭。御史王瑋慶奏請裁革州縣白役一摺。直省州縣額

設官役原有定數。即使繁要州縣。事務較多。不能不量招散役。備供使令。然須定以限制。豈容影射滋弊。擾累閭閻。若如該御史所奏。山東州縣差役。大縣多至一千餘名。小縣亦多至數百名。一省如此。他省可知。此等白役。遇事生風。在官多一巨猾。即地方添一積蠹。不惟鄉愚受其魚肉。該管官亦何以稽察。亟應嚴行裁革。前此直隸省。因各州縣挂名吏役過多。經那彥成奏請以八十名為限。當經降旨允准。各省州縣。俱應仿照辦理。著各該督撫酌量州縣缺分之繁簡。嚴定章程。大加裁汰。至繁地方。差役不准過八十



名其餘事簡地方。以次遞減編立卯簿。具報該省督撫。責成該管官及該管上司。嚴行稽察。所有白役概行禁革。儻仍私自容留。該管官漫無覺察。從嚴參處。如該管上司及該督撫。查察不周。仍屬有名無實。將來別經發覺。必當執法嚴懲。決不寬貸。○十五年

諭。給事中常大澂奏。州縣額設民壯。請簡募充補。勤加訓練等語。民壯一項。以守護倉庫監獄。護送過境餉。鞘人犯為事。若徒令坐糜工食。為盡閭閻。名實不符。殊乖立制之意。著各省督撫。嚴飭各該地方官。於額設民壯。簡募壯丁充補。勤加訓練。如有不知技勇。及

老弱充數者。責成該管知府。照例揭參示懲。以戢姦頑而資捍衛。○二十六年奏准。各直省大小衙門書吏。俱有定額。不准擅自增益。令各督撫實力稽察。一有挂名典吏。即嚴加裁汰。如正額典吏。實不敷用。准其視地方之繁簡。量設幫書。著為定額。將幫書姓名籍貫。充役日期。隨同正額書吏造冊咨部。儻於正額書吏及幫書定額之外。有私增濫設情弊。由該督撫查參。均照內外各衙門經制書吏之外。尚有多留例。將該管官降一級留任。○又奏准。各衙門書吏缺出。限一月內

即行充補。於年終彙造總冊。聲明充補月日。報部。如已滿書吏。於限外仍復懸缺未補。由該督撫分別查參。如係現充之人。懸缺把持。照府州縣衙門書吏久懸衙門把持官府例。將該管官分別議處。如僅止充補遲延。照事件遲延例議處。○咸豐五年奏准。書差勒索平民。及例應拘提之案。索詐得贓。致斃人命。如本管官知情徇隱者。革職提問。未經致死。知情徇隱者。降三級調用。○又奏准。解犯進省。如有上司衙門書差藉端勒索規費。許該州縣直揭上司。立即嚴拏懲辦。儻該州縣瞻顧容隱。別經發覺。照徇庇例降三級調用。○又議准。地方官故縱衙門滋事者革職。○又議准。內外各衙門書吏。俱應確查身家清白。取具鄰里押結。加具地方官印結。詳咨吏部存案。如有身家不清。地方官於出結後。查明稟揭者免議。未經查出。降二級調用。若係由官僕子孫承充。其主知而不首。係官降三級調用。不知情者免議。○又議准。內外各衙門書吏。務擇年過二十。老成馴謹之人。充補實缺。若今年幼者承充。本管官降二級留任。○又議准。



大小衙門。一切自理案件。有應行批示准駁之件。該管官即親自批示。如今書吏擬批以致作弊者。照故縱書吏舞文弄法例議處。○又議准。藩臬衙門書吏。該司務嚴密關防。按班遞換。如有不將書吏封鎖。任其出入自由者。照違制私罪例革職。失於覺察者。降一級調用。○又議准。府州縣衙門書吏。責成巡道稽查。無巡道地方。責成守道稽查。無道員地方。責成按察使稽查。儻有久戀衙門。把持官府。舞文弄法。招搖撞騙。說事過錢。包攬詞訟。侵欺錢糧。飛詭稅糧。賣放強盜。誣執平民等弊。該司道即訪拏治罪。係本管官故縱者。革職。如止失於覺察。犯該杖徒者。降一級留任。犯該軍流者。降一級調用。犯該斬絞者。降二級調用。總以首犯之罪名為斷。司道失察者。每案罰俸一年。其藩臬道員運使關差書吏。責成督撫稽查。督撫及總河總漕學政鹽院書吏。責令自行稽查。如有失察者。每案罰俸六月。若本管各官自行訪出究辦。均予免議。○又議准。直省經制書吏年滿缺出。如有暗行頂買。索取租銀者。將缺主人等按律治罪。該管官故縱者。革

職。失察者。降一級調用。該督撫知而不參。降三級調用。不知情者免議。○又議准。各衙門官員。於本任內已革已滿書役。如有更易姓名。改移籍貫承充。知情者。革職。失於查察。照不行裁革。宥役例降二級調用。接任官不行查出。降一級留任。若收用前任。及隔屬已滿已革書役者。降一級調用。○又議准。凡衙役致死人命。致釀人命之案。地方官雖咎止失察。俱應照例議處。該督撫隨案附參。不得以訪拏究辦為詞。冀邀寬免。若但滋事而無人命。地方官能自行查出究辦者。免議。○又議准。人犯到案。地方官務先查驗。有無拷逼傷痕。如有痕據。即將該差役訊明治罪。若不行查驗。別經發覺。降三級調用。○又議准。前官任內有著名衙差。後任官能查出究辦。或拏獲鄰境衙差。罪應杖徒者。每名紀錄一次。罪應軍流者。每名紀錄二次。罪應斬絞者。每名加一級。○又議准。番役拏獲人犯。限即日送交營弁。轉送步軍統領衙門審訊。儻有不即送官。羈留鎖押。拷逼勒索。私行取供。該管官自行查出究辦者。免議。如別經發覺。係誣良而已。致



死者將該管官革職。上司罰俸一年。係誣良而未致死者。將該管官降三級調用。上司罰俸六月。若將例應緝拏之犯鎖押拷逼已致死者。該管官降二級調用。未致死者。該管官降一級調用。其有得財縱放者。該管官照失察書役犯贓例議處。如止係私行取供並無拷逼勒索情事。將該管官罰俸一年。其五城坊捕屬御史管轄者亦限即日交送該管官轉送巡城御史審訊。如有獲犯滋弊。悉照前例議處。

欽定大清會典事例卷九十九

吏部

處分例 編審人丁 滿洲管雇漢人 買賣人口 送錫子女 隱瞞秀女 臺灣民人偷越番地 開墾荒地

編審人丁。康熙二十五年題准各省五年編審壯丁一次。統於年終造冊具題。如不照限題報者。將經管各官皆照違限例議處。如府州縣官假編審造冊科派小民者。革職提問。司道等官明知蒙隱不報者。亦革職提問。若揭報督撫不行題參。或被百姓首告。或被科道指參。將督撫亦革職。○五十二年欽奉

恩詔續生人丁。永不加賦。如該府州縣各官於定額之外。將新增人丁私派錢糧者。革職提問。司道等官不揭報督撫不查參。皆照私派例分別議處。○乾隆五年

諭周官之法。歲祭司民司祿。而獻民數穀數於王。王拜受之。登於天府。非獨家宰據之以制國用之通。凡授田興鋤。調急平興。以及歲有災祲。移民通財。薄徵散利。皆必於民數穀數。若燭照數計。而後可斟酌調劑焉。秦漢以降。戶口之數。雖聞見於史冊。而其文甚略。



惟唐貞觀之初。定口分世業之法。比歲登籍。三年獻書。以養以教。致治之盛。幾於成康。固用此為根柢也。在昔

聖祖仁皇帝。以生齒日繁。恐有司屢加丁賦。匿不以聞。特詔據實開載。新增人戶。不另加丁賦。

世宗憲皇帝。勤恤民隱。廣儲倉穀。常懼一夫不得其所。德意至為周渥。然各省督撫。雖有五年編審之規。州縣常平倉。雖有歲終稽覈之法。而奉行者。竟亦於登耗斂散之間。循職式之舊。殊不知政治之施設。實本於此。自今以後。每歲仲冬。該督撫將各州縣戶口減增倉穀存用。一一詳悉具摺奏聞。朕朝夕披覽。心知其數。則小民平日所以生養及水旱凶饑。可以通計熟籌。而豫為之備。各省具奏戶口數目。著於編審後。舉行其如何定議。令各省畫一遵行。著該部議奏。欽此遵

旨。議定嗣後。除五年編審人丁。每年奏銷倉穀。仍照舊例辦理外。應令各省督撫。即於辛酉年編審後。將各府州縣人丁。按戶清查。及戶內大小各口。一併造報。毋漏毋隱。其各項倉穀。詳覈存用實數。俱於每歲十一月。將民數穀數。繕寫黃冊。一

### 本具摺奏

聞者為定例。儻各該省奉行不善。致有官吏胥役。藉端滋擾。科派累民者。立即嚴參究治。○又議准。造報民數。每歲舉行於五年編審後。則戶口人丁。業有成數。既不難乘便造報。即不值編審之年。各州縣設立保甲門牌。一切戶口。俱行臚列。原有冊籍。可稽。若除去流寓人等。將土著數目。造報不必更事。挨查滋擾。即可得其總數。應令各該督撫。於每年仲冬。止將戶口總數。與穀數。一併造報。毋庸逐戶挨查。細造花名清冊。以免紛繁擾累。○二十七年。覆准出旗人等。有情願入順天府屬州縣為民者。著該旗造冊。將伊等戶口。委員解送順天府。轉解伊等願入之州縣。查收編入里甲。給予印票。造冊申送備案。如遇有違徒貿易等事。亦令報明州縣存案。若地方官收明。不即編入里甲。日後查無其人者。均照脫漏戶口律。分別議處。○三十年。奏准凡外省官員。將朋友家人。寫入伊家口數內。詭充戶口者。降一級調用。○又奏准官員。將投充滿洲之人。稱為納糧之民者。地方官降一級調用。轉申



之上司罰俸一年。巡撫罰俸六月。如先稱不係投充後報投充者。地方官罰俸一年。該管上司罰俸六月。巡撫罰俸三月。如將投充滿洲之人稱為納糧之民。改糧冊年月移送者。革職。未經詳查轉申之上司。降一級調用。巡撫罰俸一年。○三十七年奏。直省督撫轉飭府州縣等官。將紳衿之家一體編次保甲。聽保甲長稽查。如有不入編次者。該地方官詳報題參。比照脫漏戶口律治罪。地方官瞻徇情面。不據實詳報者。降三級調用。身列仕籍肄業膠庠。並齊民內哀老廢疾及寡婦之家。子孫尚未成丁者。俱免其充役輪直。○又

諭編審人丁。舊例原因生齒繁滋。恐有漏戶避差之弊。是以每五年查編造冊。以備考覈。今丁銀既皆攤入地糧。而滋生人戶。又欽遵康熙五十二年恩旨。永不加賦。則五年編審。不過沿襲虛文。無裨實效。况各省民數細數。俱經該督撫於年底專摺奏報。戶部覈實具題。付之史館紀載。是戶口之歲增繁盛。俱可按籍而稽。更無藉五年一次之另行查辦。徒滋紛擾。嗣後編審之例。著永行停止。○四十年

諭直省滋生戶口。向惟冊報戶部。朕臨御之初。即飭各督撫歲計一省戶口倉穀實數。於仲冬具摺以聞。蓋仿周禮司民掌登民數。拜獻於王之義。即藉以驗海寓富庶。豐盈景象。法至善也。願行之日久。有司視為具文。大吏亦忽不加察。穀數尚有倉儲可覈。而民數則量為加增。所報之摺及冊。竟有不及實數什之二三者。其何以體朕周知天下民生本計之心乎。我國家累洽重熙。百三十餘年於茲。休養生息。盛於往牒。閭閻安享昇平。樂利阜寧。歲計倍有增益。詎可不確覈以登紀。盛世殷繁之實乎。現今直省通查保甲。所在戶口人數。無難按籍而計。嗣後各督撫飭所屬具實在民數上之督撫摺。彙摺上之於朝。朕以時披覽。既可悉億兆阜成之概。而直省編查保甲之盡心與否。即於此可察焉。其敬體而力行之。毋忽。○又

諭前曾降旨。令各督撫將實在民數通數上陳。但恐督撫等泥於歲底奏報之期。尚不免草率從事。仍屬有名無實。所有本年各省應進民冊。均著展至明年年底繕進。俾得從容確覈。以期得實。嗣後每年奏報民數。各該督撫務率屬實力奉行。毋再如前約略開造。僅仍因循疏漏。察出定當予以處分。○四十九年奏



准督撫彙奏民數穀數有造報舛錯者罰俸三月。  
滿洲營雇用漢人。○乾隆二十一年覆准各省  
駐防官兵雇用漢人。令理事同知查明造冊交  
地方官查察立案。僮造報不實。並地方官不實  
力查察者。均罰俸一年。如有姦匪改易姓名竄  
入潛匿。有心徇隱者。降三級調用。  
買賣人口。○康熙三年題准。凡撥給山海關以  
外叛逆人犯妻子家奴。有私行偷賣贖去者。賣  
贖之人。係官革職。專管各官。各降二級調用。如  
偷賣贖軍流等犯妻子家奴者。亦照此例議處。  
○十七年覆准。八旗滿洲蒙古家人。不許賣給  
漢軍民人。違者將所買之人。並價均入官買賣  
之人。係官罰俸一年。收稅官罰俸九月。其滿洲  
蒙古家人。有違例贖身放出。為漢軍民人者。其  
家主係官。亦照買賣例處分。其喀爾喀額魯特  
亦不許賣給漢軍民人。違例買者。係官降一級  
調用。將人入官。○十八年議准。旗下人契買民  
人。無論地衣。著用正印官印信。准買令用印銜  
門。速呈戶部。由戶部轉行該撫。令該地方官曉

諭。如用印官十日內。不將所買緣由。呈報戶部  
者。罰俸一年。如竟不呈報者。降一級留任。○又  
議准。凡旗下家人。將誘來人口。隱藏在家販賣  
其主明知。匿而不首者。係官革職。若不知情。失  
於覺察者。罰俸三月。若各該管之人。或拏獲。或  
出首。或犯人自行投首者。將該管官。並其主。皆  
免議處。○又議准。官員該管地方。如有誘騙掠  
賣人口。藏頓窩子。老虎洞等處。該地方官不行  
嚴加查拏。知情故縱者。革職。該管上司。皆降三  
級調用。○又議准。旗下人買良人為倡。或將家  
人婦女。縱為倡者。倡婦入官。其主係官。革職治  
罪。家人將自己婦女。縱為倡者。其主不知情。係  
官降一級留任。罰俸一年。若知情。係官亦革職。  
治罪。族長係官。罰俸一年。城外交與五城司坊  
官查拏。若不查拏。被旁人拏獲。將司坊官。罰俸  
一年。該城御史。罰俸三月。○雍正十二年覆准。  
官媒人等。將婦女私養在家。糾結匪類。局姦圖  
騙。如非係當官交領私具領狀。將婦女久養在  
家。踰限不賣。希圖重利者。該管地方官。不行實  
力查拏。或被上司查出。或別經發覺。將該地方



官照不實力奉行查訪高家例罰俸一年。○乾隆四年覆准。凡違禁掠賣番子之內地民人。文武官弁稽查不力者。照外國之人私自進口不行查報例。專管官降一級調用。該管上司罰俸一年。知情故縱者。照諱盜例革職。受賄徇縱者。參革治罪。○又奏准各省誘拐等犯未經審訊即行遠颺。地方官如不實力緝拏。照不實力奉行察訪盜竊例罰俸一年。人犯照例緝拏。○又奏准官員出差買女人者。分別強和察議。強娶者革職。和娶者降三級調用。○二十四年覆准。地方有與販婦人子女轉賣圖利等事。地方官匿不申報。照應申不申律罰俸九月。○三十年奏准境內有夥眾與販婦人子女藏頓等事。該管地方官失察未經查拏。降一級調用。知情故縱者革職。該管上司徇庇不將故縱之屬員查參。降三級調用。○又奏准凡奉天錦州二府民人有將子女典賣與別省民人帶去。並典賣與旗卜者。失察之州縣官罰俸九月。○五十三年諭地方遇有災稔無業貧民賣鬻子女。原屬間有之事。從前田文鏡在河南巡撫任時曾經禁止。民人不准

出境。其意不過為諱災起見。此等貧民既因災歎口食無資。不得已將其子女出賣。地方官撫恤得宜。無此等事。則善矣。概行禁止。則災黎貧乏。不能自存。又無以養贍其子女。必致餓斃。豈軫恤災黎之道。但民人子女或就近賣與地方民戶。及過往客商。固所不禁。即各省赴京引見官員沿途價買攜帶。亦尚屬可行。至如由新疆押解人犯。照料回子護送哈薩克使人。並押送官物之官員人等。俱係由驛站行走。理宜簡便。若沿途買帶子女。則揀擇看視。說合講價。既不免守候需時。而價定後沿途攜帶。又需多用車輛。夫馬必致擾累驛站。貽誤差使。且此等買帶子女之人。未必盡係自己買用。或為人代買。或復行販賣。更易滋別項情弊。而帶領來使之入。尤為外藩所笑。不可不嚴行查禁。嗣後著該督撫等。遇有災稔貧民賣鬻子女者。除本地方民戶。過往客商。及並未馳驛官員各聽其便。毋庸禁止外。其有派委差使由驛行走之人。俱應禁止。民人不得私行售賣。並隨時查察。此等官員如有違禁私買攜帶者。即應嚴參治罪。將此通諭各督撫。並諭伊犁將軍。及新疆辦事大臣一體嚴察。毋得仍前因循。致干咎戾。謹案攜帶子女者。照出賣買女人例降三級調



用○嘉慶九年奏准實係夥眾與販藏頓販賣並誘拐嫁賣結夥已在十人以上或被誘之人在五人以上者仍照夥眾與販例將地方官及該管上司按知情失察分別議處若和誘拐逃因而嫁賣其同夥不及十人並被誘不及五人者將失察潛住不行查拏之地方官照夥眾與販例減為降一級留任倘有知情故縱者仍革職該管上司於屬員故縱徇隱不叅者仍降三級調用

迷拐子女○康熙十八年議准京城地方如有聚眾搶奪路行婦女及以藥餅迷去幼小子女或用術拐男婦子女或賣或自為奴婢者將不行嚴禁之該管官罰俸一年在外直省地方如有搶奪迷拐等事不行嚴禁之州縣捕官罰俸一年印官罰俸六月本管知府及總捕廳各罰俸三月至搶奪迷拐人犯之主知情不舉係有職者革職○乾隆二十五年覆准京城内外地方有迷失子女之案該管衙門均於報到之日一面行知内外看守城門官兵層層邏訪加意盤詰即一面飛飭所屬該管員弁選差躡緝並

通飭内外城附近地方官弁一體稽查嚴緝務獲如該管官弁不即轉報關緝以致遲誤者罰俸一年幼童迷失或逃或拐情節未明俟緝獲之日審係迷拐方行照例分別議處如該管官將迷拐人犯實力緝獲者免其失察處分紀錄一次其別處地方員弁有能盤獲者紀錄二次○三十年奏准八旗迷失幼童幼女今步軍統領各衙門一面通行各直省查緝一面遴選幹捕嚴緝姦拐並收留不報之人果能實心緝獲者該管官按拏獲名數議敘拏獲一二名者紀

錄一次三四名者紀錄二次五六名以上者紀錄三次倘該地方有窩拐誘拐及收留不報之人該番捕不行查拏將該管官亦按誘拐收留名數處分一二名不行查拏者罰俸六月三四名不行查拏者罰俸一年五六名以上不行查拏者降一級留任倘姦徒將誘拐之人遠遁他處轉賣經地方官拏獲供出曾在某地方容留者將拏獲與容留之各該地方官亦照在京該管官例按其名數分別議敘議處○三十四年奏准境內有搶奪迷拐男婦子女者將不行查



等之該管司坊州縣印捕各官降一級留任知府直隸州知州總捕廳俱罰俸一年道員罰俸九月○嘉慶十年議定在京五城大興宛平二縣各州縣地方遇有夥眾搶奪良家婦女及用藥迷拐男婦子女之案令都察院各該督撫勒限四箇月題參疏防將司坊州縣印捕各官住俸勒限一年緝拏限滿不獲降一級留任限一年緝拏限滿不獲即照所降之級調用人犯交與接任官照案緝拏督捕廳員並同城知府初參停升罰俸六月限一年緝拏限滿不獲罰俸一年不同城之府州及兼轄道員初參罰俸六月限一年催緝限滿不獲罰俸一年人犯均照案緝拏限內自行拏獲者免議如承緝官於初參限內去任接緝官初參罰俸一年再限一年緝拏限滿不獲再罰俸一年人犯照案緝拏如係初參限外去任接緝官限滿不獲罰俸一年人犯照案緝拏倘有違匿及事主未報等事悉照盜案例辦理如搶奪並非良家婦女照白晝搶奪賊未滿貫例議處○又議定該管官將迷拐人犯實力緝獲者免其失察處分准予紀

錄一次其別處地方員弁有能盤獲者准其紀錄二次○又議定地方有符咒騙誘子女毀其肢體及取腦髓等事本邑地方官不嚴拏懲治降二級調用此等誘騙之人潛住別邑將聽其容留窩頓不行查拏之地方官降一級留任隱瞞秀女○乾隆三年奏准旗人隱瞞秀女者係官革職平民交刑部治罪族長知情者係官降二級調用係兵丁鞭七十若不知情該族長草率具結者係官罰俸一年係兵丁鞭五十在屯之秀女如有隱瞞遺漏等弊將差往稽查之領催照在京族長例議處○三十年奏准挑選之時遺漏未曾傳知係佐領驍騎校領催遺漏族長家長均免議若族長遺漏係官罰俸一年家長免議在屯之秀女令該驍騎校領催前往稽查如有隱瞞遺漏等弊在京之族長扶同隱瞞及遺漏不行傳知仍與京城一律處分族長不知情者照京城之例減一等處分若族長家長於事後出首將族長家長照京城之例減二等處分頭面肢體殘疾之女令家長同族長報明該管官送都統等驗明報部違者家長係官



罰俸一年。族長係官罰俸六月。事後出首者。家長罰俸九月。族長免議。

臺灣民人偷越番地。○乾隆二年。覆墾臺灣民人偷越番地。該地方文武官弁。如有實力巡查。一年之內。拏獲十名者。將拏獲之該地方文武官弁。紀錄一次。再有拏獲。按數遞加。議敘。儻不實力巡查。至有偷越之事。別經發覺。將該管文武官弁。照失察民人擅入苗地。例降一級。調用上司。罰俸一年。若有賄縱情弊。照私放出口。例將該管官革職。計贓論罪。如兵役人等。不實力

巡查。致有偷越情事。查明兵役有無受賄。故縱情弊。將失察兵役之該管文武官弁。係失察。照失察衙役犯贓。例議處。係故縱。照縱役貪贓。例革職。

開墾荒地。○順治十五年。覆墾丈量地畝。遲延限期。及丈量之地。不明白詳報。不送文冊。檄催又不申詳。或飭令該員監丈。互相推諉者。州縣官各罰俸一年。該管官各罰俸六月。○康熙元年。題准各省荒地。道府一年內開墾千頃以上者。紀錄一次。三千頃以上者。加一級。四千頃以

上者。加一級。紀錄一次。六千頃以上者。加二級。州縣官開墾百頃以上者。紀錄一次。三百頃以上者。加一級。四百頃以上者。加一級。紀錄一次。六百頃以上者。加二級。俟起科時。該督撫取具甘結。具題之日。分別紀敘。如有未經開墾。捏報者。督撫布政使降二級。罰俸一年。道府降四級。調用。州縣官革職。如墾地後有復荒者。道府州縣官。將開墾之加級紀錄。削去。督撫布政使。罰俸一年。道府降一級。住俸。州縣官降三級。住俸。皆勒限一年。督令開墾。如依限一年內有墾完

者。准其開復。如限內不墾完者。督撫布政使降一級。再罰俸一年。道府降二級。今改為調用。州縣官降三級。調用。如前官墾過熟地。後任官復荒者。督撫布政使。道府州縣官。照經管開墾官復荒治罪。儻有隱匿熟地。稱為墾田者。道府州縣官。皆照未經開墾。捏報例議處。如督撫布政使。未經查出。亦照捏報例議處。○十五年。題准官員開墾荒地。不照定例。年分起科。先期勒徵。或過期不徵。或私減地畝。定額徵糧者。州縣官革職。道府各降三級。調用。督撫布政使。各降一



級留任如不照所限年分豫詳請徵或勒民開墾及開墾地畝以多報少以少報多或以先墾之地後又重報開墾及荒熟地畝不分析明白混報或應徵在民錢糧不查出者州縣官各降一級調用該管上司罰俸一年。○又議准現任文武官並休致鄉宦或將熟地或將新墾增地隱一畝以上者降四級調用隱十畝以上者革職隱一頃以上者革職杖一百准其折贖永不敘用其所隱田地入官所隱錢糧按年行追進士舉人貢生監生隱一畝以上者革去職銜隱十畝以上者革去職銜杖一百准其折贖永不敘用其所隱田地入官所隱錢糧按年行追一應州縣官員將所隱田地不行查出不及二頃者降四級調用二頃以上者革職道府直隸州知州等官將所隱田地不行查出不及五頃者降二級調用五頃以上者降四級調用督撫布政使將隱地不行查出不及十頃者降一級留任十頃以上者降二級留任罰俸一年。又官員因不行查出隱地處分之時先有查出隱地並因墾地有加級紀錄者准抵其餘加級紀

錄不准抵銷其地主已將本身地呈報州縣而州縣不呈報司道府官或州縣已經呈報而司道府官不詳明督撫者皆照隱地官員例處分其原首地主免罪總督巡撫以下州縣官以上離任之後如有隱地被接任者查出其升遷降調休致告病者皆照現任官例處分。○十六年題准州縣官實心勸諭首出隱地二百頃以上者紀錄一次六百頃以上者加一級八百頃以上者加一級紀錄一次千頃以上者加二級該督撫仍不時查訪如有藉勸首名色滋事擾民該督撫即指名題參照報開墾例革職。○十七年覆准不肖官員有希圖議敘誑報開墾及查出隱地累民多徵錢糧者此等事發覺將誑報官照捏報開墾例議處加級紀錄卓異即亦皆不准抵銷。○雍正十二年覆准各省督撫凡有開墾冊報即別委隔屬賢員履畝丈勘所墾之數與所報之數果屬相符取結送部勸墾之官准其題請議敘僕丈勘之數與報墾之數不符即將原報墾之官題參照以多報少以少報多例降一級調用如委勘之員一時蒙混或經



督撫指叅或經日後發覺將委查出結之員亦照此例降一級調用。至於山田或先可耕種後因水衝僅存沙石者難以播種並濱江濱河之田前經報墾後因水浸或經坍塌者應於水田六年旱田十年將屆升科之期令該督撫按年委官覆加查覈如果有坍塌更改之處據實具題請豁其成熟田地仍行分別升科如有應行改正而互相徇隱者督撫查叅皆照荒熟地畝不分析明白例降一級調用升科以後山田水田或彼衝此長彼漲此塌以新長者補衝以新漲者抵塌實在衝塌者即予開除仍將每年開除抵補細數造冊報部如該地方官不實力奉行督撫確查題叅亦照例降一級調用督撫不題叅別經發覺罰俸一年。○又覆准凡藉開墾名色將有業戶田產串通里甲地鄰蒙官給照地方官不行查明濫給執照者照不分析明白混報例降一級調用。○乾隆十三年議准沿河沙洲地畝坍塌悉令報官勘驗如此屬淤漲之地實係彼處坍塌之數上下對岸顯有形迹可據者即遣委能員會同兩邑地方官據實勘驗

秉公撥補如地方州縣官不查丈明確以致坍塌補多坍塌少錯不公者照官吏不用心從實檢踏律分別議處。如通同作弊罷職不敘如係夫於關隘計畝數分別議處罪止。○十六年覆准湖廣沿江州縣兩岸多產蘆葦坍塌漲不常其坍塌地畝印官竟有從未履丈率行據報請豁道員不過按冊抽查其中不免坍塌少豁多之弊嗣後嚴飭州縣逐一確切查明入冊道員詳細稽覈儻州縣仍前草率道員訪出揭叅如有扶同一併分別議處儻州縣及道員等仍前玩忽該督撫不即題叅部中按限查覈將該督撫一併叅處。○三十年奏准廣東省山多田少無田耕種窮民赴山搭寮取香砍柴燒炭等項令各州縣每寮給牌遇有遷徙消長赴縣添除儻窩藏姦宄句通匪類報官究治至入山之窮民赴官報明搭寮居住種麻種靛山主經官驗准其官山內除搭寮工作外令民自行耕種該督撫相地制宜分別起科每年開墾畝數年底造具清冊送部查覈若地方各官有以多報少勒索情弊照開墾荒地例議處如文武各官漫不經心約束以致窩藏



姦究句通匪類等弊革職通詳之上司免議○  
又議准入川開墾之民令原籍地方官給予印  
照至川繳送該管地方官以便稽查其有久住  
川省之人欲往他省探親或他省之人欲至川  
省探親者俱令稟明地方官給照前往回日取  
所往之地方官回文銷照如無印照所經過地  
方官即行驅逐其沿途經過地方官不能稽察  
以致混行出入者照失查無票出口例降一級  
調用或得賄故縱或借盤查名色肆行需索貽  
累平民者革職治罪該督撫及該管上司不行  
題參照不揭參劣員例分別議處○四十二年  
覆准粵西官荒地土立石定界之後復有控爭  
地土未清案件該撫覈實查參將從前查勘不  
實之州縣官照荒熟地畝不分析明白混報例  
降一級調用該管上司各罰俸一年○道光四  
年議准直隸旗荒官荒地畝原報可墾者  
一萬一千餘頃勒限一年內即行升科州縣官  
能於一年限內全行辦結者加二級如逾限不  
結降一級留任仍戴罪限半年趕辦若依限完  
結開復降留仍予議敘如再逾限不完即照所

降之級調用○又議准原報難墾及未經勘丈  
荒地七萬六千餘頃勒限一年招佃試墾州縣  
官能於一年限內全行辦竣數在百頃以內者  
隨帶加一級一千頃以內墾至七成以上者隨  
帶加二級一萬頃以內墾至六成以上者並一  
萬頃以外墾至五成以上者隨帶加三級二萬  
頃以外墾至四成以上者准該督出具考語送  
部引  
見道員知府直隸州知州果能實力督催統計所屬  
州縣一年限內數在百頃以內全行勘丈招佃  
試墾並數在千頃以內墾至七成以上者俱加  
一級萬頃以內墾至六成以上萬頃以外墾至  
五成以上者俱加一級紀錄二次二萬頃以外  
墾至四成以上者俱加二級如有將開墾之地  
熟後復荒者將該州縣道府等議敘之案註銷  
○又議准原報難墾及未經勘丈地畝州縣官  
招佃試墾一年限滿數在百頃以內不及六成  
者降職一級千頃以內不及四成者降職二級  
萬頃以內不及三成並萬頃以外不及二成者  
降一級留任二萬頃以外不及一成者降二級



留任如有逾限不丈及全未墾種者無論頃數多寡均革職留任道員知府直隸州知州如不實力督催統計所屬州縣地畝數在百頃以內不及六成千頃以內不及四成者罰俸六月萬頃以內不及三成萬頃以外不及二成者罰俸一年二萬頃以外不及一成者降一級留任以上降革留任罰俸各員仍再予限一年戴罪趕辦如限內將不及分數墾足者准其開復能墾至議敘分數者除開復處分外仍給議敘若二年限滿無效已罰俸六月者再罰俸一年已罰俸一年者即降一級留任已降職一級降職二級者即改為降一級降二級留任已降級留任者即照所降之級調用已革職留任者即行革職其有地畝在三萬頃以外者初次先照二萬頃以外之例議敘議處如一年限滿不能辦結再予限二年戴罪趕辦儻三年限滿無效即照二萬頃以外之例辦理○又議准各項荒地內有經旗民人等先已私墾成熟者令各該州縣實力查出於當年升科所有查出地畝即併入招墾數內覈計分數儻前項地內實有水衝沙

壓難以試墾者亦即繪圖貼說出具切實印甘各結報部查勘情形改作蘆洲牧廠○又議准各州縣官以奉文之日起限令該督先將起限日期並查丈地畝數目先行報部存案每屆期滿之時即將各州縣考成分數覈實奏報並分別詳細造冊咨送吏戶二部查辦○又議准土棍私租山場招集外來棚民入山開墾州縣官不即查拏驅逐者降一級調用府州降一級留任道員罰俸一年其限滿棚民租契有年限者以租契為準無年限者由戶部議定飭令退山回籍地方官按其現未回籍者若干戶一年內能飭退及半者免其議處如不及十分之五將州縣官罰俸一年府州罰俸六月道員罰俸三月不及十分之三將州縣官罰俸二年府州罰俸九月道員罰俸六月不及十分之一將州縣官降一級留任府州罰俸一年道員罰俸九月仍令該州縣每年將各棚戶分別已滿限未滿限已回籍未回籍於年終詳細造冊由該上司覈明報部查議如有玩延不辦徇隱姑容並捏報虛數莫免處分經該上司查參將州縣官降一級調用○又



議在墾地有復荒者將道員府州州縣官之加級紀錄削去督撫罰俸六月布政使罰俸一年道員府州降一級住俸州縣官降三級住俸俱勒限一年督令開墾如一年限內墾完在其開復限滿不墾完者督撫罰俸一年布政使降一級留任道員府州降一級調用州縣官降三級調用如前官墾過熟地後任官有復荒者督撫布政使道員府州州縣各官亦照此例議處○又議在地方荒地未開捏報已開及將墾過熟地捏稱新墾者州縣官革職府州降四級調用道員降三級調用布政使降二級留任督撫降一級留任知情者不准抵銷不知情者准其抵銷○又議在州縣官開報新墾田畝以多報少以少報多或不將地畝之新舊荒熟分析明白以致有豫徵漏徵等事者俱降一級調用該管府州罰俸一年道員罰俸六月○又議在隱匿田地州縣官不行查出不及二項者降四級調用二項以上者革職知府直隸州知州不行查出不及五項者降二級調用五項以上者降四級調用道員不行查出不及五項者降一級調

用五項以上者降三級調用布政使不行查出不及十項者降一級留任十項以上者降二級留任督撫不行查出不及十項者罰俸一年十項以上者降一級留任○十年

諭伯都訥理事同知文慶於該處民人王安等私開荒地隱種千餘畝之多未經查出非尋常失察可比著照部議革職嗣後如有似此失察私墾地畝之案即照部議辦理毋庸票擬雙籤

冊 頁 參 日 年 三 第 書 8 五 三 月



欽定大清會典事例卷一百

吏部

處分例

撥給地畝 旗人違禁外省置產 軍丁屯田 八官田產 田房契稅 擅賣佃戶 起解錢糧物料 支放錢糧 侵吞項項

撥給地畝。康熙九年題准。凡官員撥補地畝。不詳查部文原定款項。錯誤撥給。或原定款項。有不便撥給情由。不豫先詳明。擅與改撥者。皆罰俸一年。○二十四年議准。承辦撥地官員。有意不遵部文。徇情改撥者。將該員降三級隨旗行走。

旗人違禁外省置產。雍正十二年覆准。八旗人員。置買產業於各省者。令各旗人員。據實首報。交與該省督撫。按其產業之多寡。酌量限期。勒令全數變價回旗。如有隱匿不首。及首報不實者。令督撫訪查題參。照侵占田宅律治罪。所置財產。照例入官。如有地方官扶同徇隱。不行究參。或被旁人首告。或因他事發覺。將不行實心查究之州縣官。降二級調用。未經查出之知府。降一級留任。督撫司道。罰俸六月。至於查禁以後。仍有違禁於各省置產。私相授受。或託民

人出名。說名寄戶等事。一經查出。田產入官。照律治罪。地方官失於覺察。照失於覺察例罰俸

一年。○乾隆十九年覆准。八旗地畝。自清查之後。如有違例私行典賣者。事發將失察之地方官。罰俸一年。若將旗田長租與民。自三年以外。至十餘年者。事發將失察之地方官。照失察私典例減一等。罰俸九月。○嘉慶五年奏准。凡旗地有私行開墾。地方官不行查出。罰俸一年。有隱匿旗地。不行查出者。亦罰俸一年。○又議准。八旗地畝案件。俱令親赴部旗。或步軍統領衙

門呈控。如有在京旗人並婦女等。徑赴州縣及理事廳控告。該地方官不將原告人解部。遽為接呈查辦者。將該地方官照違令私罪律。罰俸一年。  
軍丁屯田。○乾隆十二年覆准。各省軍旗。有屯田典賣與民者。許備價回贖。由衛所移明州縣。飭令民人收價退田。償地方官不即飭退。照承查遲延例。按違限月日。分別議處。如該丁不即備價。混控退田。及捏報混冒者。將該衛弁照例處分。各衙門書識人等。有隱占屯田情弊。該管



官。照失察衙役犯贓例。分別議處。○二十四年覆准。一年限內。贖不及十分之二者。將衛所官弁。罰俸二年。回贖二分以上者免議。回贖三分以上者。將衛所官弁。照例議敘。儻有捏報回贖。不行查出者。降一級調用。各該同知有清軍之責。一併照例議處議敘。○二十年奏准。直隸營田州縣。令該道等勸導查察。如州縣實力督課。三年之後。著有成效出色者。各該道府廳州縣。據實詳報。由司覈轉保題。不論俸滿即升。儻有怠忽因循。並將工本以完作欠。以欠作完等弊。即行揭報。參處追賠。據實詳報。如有濫舉徇庇等情。該督亦即查參。照例議處。

入官田產。○康熙十四年議准。官員凡入官田產。隱匿不舉者革職。未經查出之知府。降一級調用。司道罰俸一年。巡撫罰俸六月。其令人居住耕種。不納租銀者。州縣官降一級調用。該管官罰俸一年。如估價短少。或不候估價部文即賣者。皆罰俸一年。該管官罰俸六月。○雍正七年題准。田房產業。一經入官。即令本犯家屬。立將契券呈官出業。該管官眼同原主。秉公估定

價值。出示速售。有願買者。即給予印照。照內開明不許原主勒索找價。仍令買主出具並無假冒影射甘結存案。如該管官仍有縱容原主踞占影射者。或被旁人首出。將踞占之家屬。並影射之親友。皆照隱購入官財物房產律坐贓論罪。該管官照徇隱例治罪。該管各上司。照徇庇例降三級調用。儻並無影射情弊。而首告之人。故行捏辭陷害。按律反坐。至所典房地。及質當物件。應責令原主勒限取贖。歸還原本。如逾限不贖。即開明原本價值。出示招售。又虧空貪贓官吏。一應追賠銀。各該督撫委清查官產之員。會同該地方官。令本犯家屬。呈明時價。當堂將田房什物。分別低昂。公同確估。詳登冊籍。申報上司。仍令本犯家屬。眼同售買完項。如有侵漁需索等弊。許該犯家屬。並買主首告。將侵漁需索之官吏。照侵盜錢糧及受枉法贓律從重治罪。該管上司不行嚴查。故為徇庇。照徇庇例降三級調用。○又題准。凡應變價之田房產業。價估千兩以上者。僻小州縣。或無有力之家。及雖係通都大邑。而價值至數千兩。一時不能即售。



令該督撫酌量。分作年限完解。限內不完。罰俸六月。二年以後不完。罰俸一年。如有售主先交價銀一半。或三分之一。即令其管業。其餘銀各於年限清交。給予印照。該管官先將分年完解之處。詳明上司。咨部存案。至所收銀逐年解交藩庫。出具庫收。送部查覈。如一年限內完解。不及該年分數者。將該地方官查參。罰俸六月。二年不完者。罰俸一年。三年以後不完。每年罰俸一年。若一年限內全完。千兩一案者。准其紀錄一次。以次遞加。○十三年覆准。入官產業。如經管胥役。占住侵租。該管官毫無覺察。或別經發覺。或被上司訪出題參。照縱役婪贓例革職。○乾隆十五年奏准。承辦千兩以下者。限半年變完。千兩以上至數千兩者。該督撫酌量。分作一年。或二年變完。○三十年奏准。地方官吏。有將入官田房。私自租人。侵蝕租銀者。除照數追賠外。仍照侵盜錢糧例治罪。至入官一應什物。勒限六箇月變價。如逾限未變者。罰俸六月。二限以後不完。每限罰俸一年。若有高換等弊。查實加倍追賠。仍照侵盜錢糧例治罪。

田房契稅。○乾隆十六年覆准。契稅銀係屬雜項。原與地丁等項正課不同。若一例處分。未免漫無區別。但不肖有司。將契稅銀任意侵匿。而該管上司。乃竟全無覺察。或已經查知。仍不據實詳報。自應分析情節。酌定處分。以專稽察之責。嗣後所屬州縣。倘仍有侵收契稅情弊。即行據實指參。係直隸州侵收者。將該管道員查參。係州縣侵收者。將該管知府。直隸州知州。一併查參。仍將或係徇隱。或係失察。於疏內分析聲明。如係有心徇隱。照徇庇例降三級調用。如止於失察者。照屬員因事受財。同城知府。失於覺察例。降一級留任。○三十年奏准。大宛二縣各門兩廡房租。應照所題定額徵收。其續蓋續倒房間。三年一次。查明報部。如將續蓋房間。匿不增租。及房間並不倒塌。捏報開除者。照隱匿稅契例。計開數分別處分。○三十七年奏准。州縣給發契尾。如田房契價在千兩以下者。毋庸申送道府查驗。其契價在千兩以上者。令各該州縣將所填契尾。黏連業戶原契。按月申送知府。直隸州查驗。知府直隸州申送該管道員查驗。



相符。即將契尾裁裁兩半。仍定限十日發還州縣。一給業戶收領。一存俟彙送藩司稽覈。如州縣不按月申送查驗。及道府直隸州不行給還。逾限至十日以上者。罰俸六月。二十日以上者。罰俸一年。一月以上者。降一級留任。或道府直隸州已按期給發。該州縣不即給發業戶收執。亦照此例議處。仍令道府直隸州及該州縣於契尾上註明呈驗。並各給發日月。以備查覈。○又奏准。民間置買產業。不得苛索擾累。多收稅羨。如有前項情弊。該管官革職治罪。該上司不題參者。照不揭報劣員例。分別議處。○四十六年議准。凡旗員及閒散家奴人等。置買房地。令呈明該管佐領。在左右兩翼監督衙門。納稅過契。如有在大宛二縣投稅。請領契尾。該縣私准納稅者。均照違制論。該旗官員及該縣。俱交部議處。閒散家奴。鞭責發落。仍令在監督衙門。補稅換照。○擅責佃戶。雍正十二年議准。凡不法紳衿。私置板棍。擅責佃戶。勘實。鄉紳照違制律議處。衿監吏員。革去衣頂職銜。照律治罪。地方

官容隱不行查究。經上司題參。照徇庇例處分。夫於覺察。照不行查出例。罰俸一年。如將佃戶婦女。占為婢妾。皆革去衣頂職銜。按律治罪。地方官徇縱肆虐者。照溺職例。革職。不能詳查者。照不行查出例。罰俸一年。該管上司徇縱不行。揭參。照不揭報劣員例議處。至有姦頑佃戶。拖欠租課。欺慢田主者。照例責治。所欠之租。照數追給田主。○起解錢糧物料。康熙四年議准。直隸各省兵餉。協餉。定為五分。限四月內完二分半。九月內全完。如行師大兵軍餉。協濟別省錢糧。或遲或誤者。革職。支給本省兵餉。或遲或誤者。州縣衛所官降三級。司道府直隸州各降二級。督撫各降一級。皆令其戴罪督催。完日開復。○五年議准。每年撥餉時。如所撥餉內。有水旱等災。蠲免或撥文未到之前。別用。並解部及重撥之項。該省督撫等。一面動用別項錢糧。照限協解。一面將動支緣由。開明題報。如藉端捏謔。詭行題報。或所缺錢糧。不動別項錢糧抵解。以致遲誤者。該管官革職。布政使司降三級調用。督撫降二



級留任。至解餉省分。督撫照所限月底。將起解數目題報。如不曾起解。誑以起解具題者。革職。不依所限月底題報者。罰俸一年。如已徵錢糧。撥給稽遲。以致兵逃兵譁。或查報時。將兵逃兵詳情由。蒙隱不報。及報不實者。皆革職。該管各官。將此等情由。已經申報。而該督撫不行糾參者。降二級調用。如已經安定者免議。其不候所限四月九月分錢糧分撥時。即將十分全徵者。經徵官降二級調用。督催官降一級調用。督撫罰俸一年。如官員解送錢糧等項。沿途停閣日期者。罰俸一年。○九年題准。官員起解兵餉漕糧白糧本色顏料等項。如該管司道府等官。不委現任佐貳。濫委廢官匪人解送。或中途誤失者。原委之官降一級調用。如中途無有誤失。罰俸一年。如委現任官解送。中途誤失者。原委之官。罰俸六月。如解官起解錢糧。侵欺潛逃者。原委之官。降一級留任。如不曾差官。批迴內填寫差官。及不差職官者。皆罰俸一年。○又題准。各省採買物料等項。承估布政使不照時價確估。妄行多開者。罰俸一年。巡撫罰俸六月。如不與

上司驗看解送。徑行解部者。罰俸六月。○十四年議准。部撥錢糧。關係軍需。若限期急迫。不能依限起解者。先具題展限。如擅改部限者。降二級調用。○十五年議准。官員將不應起解之錢糧。違例起解者。罰俸一年。或應解本色錢糧。解送折色者。降一級調用。○又議准。官員起解錢糧。不行詳查銀匠。銀內攪和鉛沙者。降三級調用。巡撫罰俸一年。如解送潮銀者。降一級調用。巡撫罰俸六月。○又議准。解送顏料等項。如解官中途乾沒。交納短少者。照侵欺例治罪。○又議准。解官到部稽遲。所解錢糧全完者。一月內仍免其議處。逾一月以外者。罰俸一年。○十八年覆准。州縣官隔年豫徵錢糧。督撫查參。照私派例。將州縣等官革職奪問。司道府各官明知不報者。將司道府各官革職。詳報督撫不行題參者。將督撫降五級調用。其豫徵錢糧。即准為次年正額錢糧。○二十六年題准。委解藉病推諉規避者。革職。○二十八年議准。錢糧物料等項。解送到部。限一月查數明白。掣給批迴。儻於限內不行查收。及不給發批迴者。該堂官即行



查參將該司官照逾限例議處。至書役人等。指稱估驗掣批掛號等項費用名色。藉端包攬索詐者。許解官解役。即於該衙門首告。將包攬索詐之人。交與刑部治罪。係官革職。仍交與刑部治罪。如該管官失察者。照失察衙役犯贓例議處。如明知不舉者。照徇庇例降三級調用。如解官豫先囑託。和同行賄。聽其包攬者。與受一例治罪。如虧空著令賠補者。俟完日給批。不在計限之內。○乾隆四年覆准。官員採辦一切物料等項。督撫以不能按限完解。題請展限。經部覆准之後。仍不依限完解者。將原題請之督撫。罰俸六月。○十六年議定。各省委官運辦鹽銅鉛錫等項。令該委員領解之日。一面申報原委督撫。一面申報沿途督撫。一俟入境。即報地方官查驗。至出境時。該地方官驗明無事。即具出境印結。申報該管上司。並知會接省地方官一體嚴查。但不得因有盤查出結之責。藉端留難。不願委官守候稽遲。以致違限。如有出境盜賣。捏報遺風失水情事。該地方官立即申報本境督撫。題參究擬。不得諉之原委省分督撫。致滋疏

縱。儻經過地方文武官弁。有瞻徇隱匿。不行申報。境內督撫。別經發覺。將經過地方文武官。皆照糧船疏報漂沒。汎地文武各官。不親臨確勘。例革職。如地方官已經申報。而境內督撫不嚴查參奏者。照不揭報方員例降三級調用。儻有藉端留難等弊。該督撫等亦應嚴查。如經過地方。故為抑勒。以致出境稽遲者。一併參處。○十八年覆准。各省採辦撥運糧石。經由江洋黃河。偶遇風浪。猝被漂失者。辦運各員。立即報明所在地方。飛往勘訊明確。果無虛捏別情。取具印結。申報督撫司道。覈實。一面咨部。一面移咨辦運省分。照例具題請豁。若遇失水。該運官並不報明地方官。將運官照沈溺漕船不報例降一級調用。如有乘機侵盜等弊。革職治罪。未經題豁之先。不將失水情形。立即勘明。豫報鄰省之督撫。照失於查察例。罰俸一年。所在官司。有瞻徇草率。扶同出結情弊。照沿途催趲各官。不親臨確勘的實。遽出保結例。革職。如督撫不嚴查確實。遽行題豁。後有詐冒事發。將具題之督撫。降二級調用。所豁糧石。照例著落承辦及出結



各員名下。按數分賠。○三十年奏准。外省衙門。造送部科及內外各衙門冊檔。如有籍表箋冊檔名色科斂者。該督撫科道查參。照貪婪例處分。其內外書辦。藉稱紙筆需費。有所收受者。該管官失察。照例議處。○又奏准。額買顏料等項錢糧。各州縣三月內解銀。知府即採買。差官於本年十月內。押運進京交納。如州縣徵銀不足。解府遲誤。及知府採辦稽遲。起運違限者。俱降職一級。完日開復。督撫限本年二月內估價題報。如該撫估價題報逾期不至。布政使督催不力。完欠罔稽。俱罰俸六月。如久追無完。令該知府補足。不得派民。若本年本色物料。歲內不能全完者。督催之巡撫布政使。俱降俸一級。戴罪督催。完日開復。如知府採辦稽遲。先給空批。卸罪解官者。降一級調用。或採買不堪用者。罰俸一年。○又奏准。各州縣起解錢糧。將銀批齎赴巡撫衙門。驗明銀數。發司交兌。五日內。布政使出具庫收。黏連原批。送巡撫衙門銷號。或巡撫因公他出。委按察使代驗報明。如州縣以空批報解者。降二級調用。布政使不依定限銷號者。

罰俸一年。○又奏准。各省委員。領帑買運鹽斤。及辦運銅鉛。如經過地方官故為勒捐。以致出境稽遲。照勒捐交代例。降二級調用。失察該管上司。照失於查察例。罰俸一年。○三十六年覆准。貴州應行撥濟苗疆兵米之州縣。照稽查漕運之法。令經徵收米各員。及運米經過各地方官。將起運過境及收到米數各日期。一體通報該管道府。就近稽查。撫司另行委員抽查。如有私折捏報。虛冒腳價。及短發扣剋累民各情弊。與受概行革治罪。道府失察者。降一級留任。徇隱者。降三級調用。撫司查參不力。亦照此例分別議處。著落分賠。○五十一年覆准。各營應領官兵俸餉米折等銀。按州縣請領銀米之例。數在一千兩以上。至一萬兩以內者。撥兵一名。民壯二名。一萬兩以上。至二萬兩者。撥兵二名。民壯四名。二萬兩以上者。酌量派撥。逐程護送。如有疏失。將承領之武職革職。原委之上司。降二級調用。該管總兵。降一級留任。沿途接護地方文武員弁及該管道府廳員將備等。均照餉鞘被失之例。參處。著落分賠。所失銀兩。著落承



領之員。分賠十分之六。失事地方州縣。分賠十分之四。如承領之員。實係力不能完。即著落籤差不慎之上司賠補。○五十五年議定。各省追完應行解部各項銀兩。有經年未解者。恐啟侵挪之漸。應自奉到部文之日起。勒限六箇月。具批交便員搭解部庫交納。如逾限不即批解。將藩司降二級。戴罪督催。完日開復。○嘉慶二十三年議准。解員起程遲延。逾限一月以上者。罰俸一年。督催之上司。罰俸六月。○咸豐四年議准。直省解餉委員。以咨報起程之日為始。酌定到京限期。直隸限二十日。山東限三十日。奉天山西河南限三十五日。定為近省。江蘇陝西湖北安徽限六十日。浙江限七十日。甘肅江西限七十五日。湖南限八十日。福建四川限一百日。廣東廣西限一百十日。貴州限一百十五日。雲南限一百二十五日。定為遠省。○又議准。解餉委員。於領批之日。由該督撫將起程日期。咨報吏戶兩部。俟解員到京。交庫清楚。並無絲毫帶欠。及雖有尾欠。隨即補交。或尾欠銀兩。數與議敘無關出入。除尾欠由戶部飛咨該省補交外。

仍知照吏部。數無違限。分別議敘。如有遲逾。分別議處。○又議准。解運京餉。數在十萬兩以上者。委同知通判管解。數在五萬兩以上者。委州同州判管解。數在五萬兩以下者。委縣佐貳雜職管解。如同知等官。不敷差遣。准委州縣管解。○五年議准。解餉委員。按限到京。係同知通判州縣等官。管解銀數在五萬兩以上者。違省給予加一級紀錄二次。近省給予加一級。如遠省在八萬兩以上。近省在十萬兩以上者。未補實缺人員。以本班儘先補用。已補實缺人員。給予知州銜。由吏部具題請旨。係州同州判縣佐貳雜職等官。違省管解銀數在二萬兩以上。近省在三萬兩以上者。均給予加一級。遠省銀數在四萬兩以上。近省在五萬兩以上。未補實缺人員。以本班儘先補用。已補實缺人員。以應升之缺升用。由吏部具題請旨。俱毋庸帶領引見。如未補實缺人員。已於另案得有本班儘先。已補實缺人員。已於另案得有升銜。並以應升之缺



升用。該員赴部呈明。未便重複議敘。係遠省。給  
 予加一級。紀錄二次。近省。給予加一級。如解官  
 係分缺先用。分缺間用人員。應行議敘。本班儘  
 先者。均改為候補缺。後以應升之缺升用。至遠  
 省銀數在十萬兩以上。近省在二十萬兩以上。  
 同通州縣。委係一員管解。由該督撫於批文內。  
 出具考語。如果按限到京。由吏部就近帶領引  
 見。給予升階。○又議准。解餉委員。於領批之日。不即  
 起程。及在途逗遛。除去正展限期。並紆道行走。  
 經地方官結報。亦准其扣除。倘再有遲逾。曩  
 計遠省在二十日以內。近省在十日以內。毋庸  
 議敘。免其議處。如遠省遲逾在二十日以外。近  
 省在十日以外。罰俸一年。遠省遲逾在四十日  
 以外。近省在二十日以外。降一級留任。遠省遲  
 逾在六十日以外。近省在三十日以外。降一級  
 調用。遠省遲逾在四月。近省遲逾在二月者革  
 職。○八年議准。解餉委員。沿途有阻風患病情  
 事。或紆道行走。即行報明地方官加結。將何日  
 到境。何日起程。詳報吏戶兩部。以憑查覈。如有  
 無故延挨。該地方官催趲不力。其在境逗遛五

日以外者。將該地方官罰俸六月。十日以外。罰  
 俸一年。半月以外。降一級留任。一月以外。降一  
 級調用。隨時申報者免議。倘徇情瞻顧。照徇隱  
 例降二級調用。○又議准。解赴軍營委員。查照  
 委解京餉人員。由該大臣咨報吏戶兩部。一律  
 辦理。如委員有藉端託故。推諉不前者。無論解  
 京及軍營糧臺餉銀。均照規避例革職。○同治  
 元年議准。東南兩河。及直隸等省水利飯銀。令  
 該督撫藩司。按照定額。每年分兩起批解。年清  
 年款。毋許拖欠。若不按限起解。亦未奏明展限。  
 由工部查參。照  
 欽部事件遲延例。將該督撫藩司分別議處。藩司批  
 解遲延。逾限一月以上者。罰俸一年。半年以上  
 者。罰俸二年。一年以上者。降一級留任。督撫減  
 議。河督河道。照督撫藩司例議處。如查有任意  
 玩延瞻徇情弊。即指名奏參。隨時從嚴議處。○  
 十二年議准。各省督撫。將部撥地丁鹽課關稅  
 漕折等項銀兩。依限籌解。派員裝鞘親齎交庫。  
 非道路十分梗阻。不得率行匯兌。至解餉委員。  
 凡報解餉鞘到部者。仍照例給予獎敘。其號商



匪允。僅看文批到部者。毋庸給予獎勵。○又議准。直省應解正項京餉。以接到部文日起。即委員扣限起解。直隸山東山西河南限六十日到部。江南江西浙江湖廣限八十日到部。福建廣東廣西限一百日到部。如該藩司委解遲延。達限一月以上。罰俸一年。二月以上。降一級留任。三月以上。降一級調用。半年以上革職。○又議准。直省應解各款雜項銀兩。收捐者以上庫足額之日起。如復以上庫日起限奉撥者以接准部文之日起。限一月內具批交便員搭解。如該藩司批解遲延。達限一月以上。罰俸一年。三月以上。降一級留任。半年以上。降二級調用。○又議准。督撫藩司鹽運使各關監督應解京餉。協餉。全數解清。並無帶欠。經戶部奏請議敘。給予加一級。償解不足數。議以降一級留任。如有撥解遲延。均照藩司例議處。○又議准。直省應解地丁正項銀兩。以元寶解交。其關稅鹽課漕項等款。及一切雜項銀兩。悉以散銀解交。如銀匠於銀內攪和鉛沙。該藩司未經查出。遽行起解者。降三級調用。巡撫罰俸一年。如並無攪和情

弊。止於銀不足色者。該藩司降一級調用。巡撫罰俸六月。○光緒十年議准。直省正雜各項銀兩。凡交代之際。將已徵未解銀兩及扣缺裁減等項。無論何款。凡係應行解司之項。統由前任官趕緊掃數解司。及交卸之日。尾款趕解不及。移交後任。後任官於接印之日。即應登時批解。概不准率報存庫。如冊內仍有開報徵存未解。其專責在結報之後任官。應由該藩司詳請。將接收之員。照起解錢糧設法延挨。顯有虧挪情弊。例革職提省。查明是侵是挪。從嚴懲辦。該管上司及監盤官不行查參。均照徇庇例。奏參。如藩司於應參案件。有心徇隱。不行查參。即由督撫照徇庇例。將該藩司隨案參奏。償督撫藩司。均不參辦。經戶部查出奏參。即將該督撫藩司。一併照徇庇例議處。  
支放錢糧。○康熙十四年議准。各營放餉。遠委賢能官員。親臨查閱。抽封稱兌。按名給散。如奉委官員。監放推諉。不親臨查閱者。罰俸一年。如已經親臨。不抽封稱兌。致有劣弁短少色數。係失於查察者。監放官降一級調用。如監放官知



劣弁有扣剋情弊。不即申報事發者。監放官照  
例底例降三級調用。如有通同扣剋情弊。監放  
官革職提問。如督撫查出通同扣剋情弊。不行  
題參。將督撫照例底例處分。○又議准。各省採  
買米穀豆草估價。均照督撫所定。如估價多開  
者。或被旁人首告。或被科道題參。審係情實。原  
估官革職提問。轉申官降四級調用。奏銷之督  
撫。降二級調用。如督撫布政使道府等官。通同  
多算者。皆革職提問。凡米穀豆草多算。被上司  
查出。督撫查參者。上司督撫。均免其處分。其餘  
估計奇零雜項。既經部駁重估。所估價值不確。  
妄行浮開者。罰俸一年。巡撫罰俸六月。○十五  
年議准。軍前供應米豆草束等項。如地方官將  
價值浮冒開銷。督撫查出題參。照貪官例。革職  
拏問。如奏銷完結之後。或被科道糾參。或被旁  
人舉首。將督撫一併照貪官例治罪。其舉首之  
人。係官照伊應升之官。加一等優升。係旗人。民  
人。授為七品官。至民間運到米豆草束。地方州  
縣官。故意遲延抑勒。刁難需索。州縣官解到米  
豆草束。司道府等官。故意延挨抑勒。刁難需索

者。督撫查出題參。將經收官員。皆照貪官例。革  
職拏問。如被情之人。將此等情弊。控告督撫。而  
督撫不行糾參。將督撫亦照貪官例治罪。如督  
撫不行查出。或被科道糾參。或被旁人舉首。督  
撫各降四級調用。該管司道府等官。革職。至軍  
前運到米豆草束等項。部委經收官員。及地方  
武官。延挨抑勒。刁難需索者。將軍及統兵大員  
查出題參。皆照貪官例。革職拏問。如經收官員。  
將此等情弊。申明將軍。統兵大員參贊大臣。而  
將軍統兵大員。及參贊大臣。不行糾參者。亦皆  
照貪官例治罪。將軍統兵大員參贊大臣。不行  
查出。或被科道糾參。或被旁人舉首。將軍。統兵  
大員參贊大臣。降四級調用。其該管武官。革職。  
其出首之人。係官照伊應升之官。加一等優升。  
係旗人。民人。授為七品官。至出征將軍。統兵大  
員。隨從官員。及督撫提鎮以下。地方文武大小  
官員。  
欽差部差官員筆帖式等。並京職各官。如有販賣米  
豆草束等物。屬託地方官。多取價值。或將民間  
所賣米豆草束。作為己物。屬託地方官。令其收



買。並經理地方官。將所囑託米豆草束等物。徇  
庇收買。皆照貪官例革職。拏問。至已備本色。不  
行收納。有抑勒折價者。將軍統兵大員。及督撫。  
查出題參。皆照貪官例革職。拏問。將軍統兵大  
員。督撫。不行查出。或被科道糾參。或被旁人舉  
首。將軍統兵大員。督撫。各降四級調用。司道府  
等官。並該管武官。皆革職。出首之人。係官。照伊  
應升之官。加一等優升。係旗人。民人。授為七品  
官。至出征將軍統兵大員。隨從官員。及督撫。提  
鎮以下地方文武大小官員。

欽。差部差官員筆帖式等。並京職各官。如有將本身  
馬匹。徇情囑託送入驛站營伍馬匹數內。多取  
價值。一應購買馬匹。不開實價。以少報多。濫行  
開銷者。皆照貪官例革職。拏問。若驛站營伍官  
員人等。申明督撫。提鎮。而督撫。提鎮。不行題參。  
或不行查出。奏請完結之後。或被科道糾參。或  
被旁人舉首。將督撫。提鎮。皆照貪官例治罪。出  
首之人。係官。照伊應升之官。加一等優升。係旗  
人。民人。授為七品官。○又議准。支應芻粟物料。  
不發現銀採買。借取於民。給價短少。以致累民

者。督撫查參。將州縣等官。革職。拏問。明知不報  
之司道府官。亦革職。拏問。詳報不行。查參之督  
撫。革職。○又議准。凡官員未經解送正項錢糧  
之先。豫給官役俸銀工食。或不按季給發。全給  
重支。或違例給發。錢多銀少者。皆降一級調用。  
轉詳官。罰俸一年。巡撫。罰俸六月。○又議准。官  
員應給民價。不速給。遲延者。罰俸一年。如半給  
半不給者。降二級調用。竟不給者。革職。○雍正  
五年。議准。凡地方有軍需公務。督撫不及咨題  
者。行令該州縣墊辦。或挪庫項。或墊己資。先行  
詳明督撫。辦完後。十日內。即照實價申詳院司  
道府。該院司道府。限兩月內。查明題銷。儻州縣  
申報過限。或督撫題報後期。戶部查明月日。皆  
交部議處。乾隆三十年。改為均照奏  
銷錢糧冊報。遲延例議處。其司道府  
逾限不行覈轉。亦照例查明交議。若該州縣報  
價不實。及督撫不據實覈明題報。希圖冒銷者。  
戶部題參。州縣照侵欺例治罪。督撫。司道等官。  
皆照徇庇例議處。○乾隆十四年。覆准。文職各  
官養廉。毋得豫借。儻藩司。豫行借給。照正項錢  
糧違例支給例議處。○二十三年。奏准。各省父



職官員。留支俸銀。經徵各州縣。於季首造具俸冊。申送藩司。數明發單支給。僅各員內。遇有降罰及曠缺等項。應扣銀兩。有心蒙混冒支者。將冒支之員革職。佐雜等官冒支。違例支給之州縣。降一級調用。如係查數未清。以致誤支者。本員降一級留任。佐雜誤支。給發之州縣。照違令公罪律。罰俸九月。三十年奏准。各省凡有提解耗羨之處。必遇有地方公事。方許動支。其動支數目。令經管該司。於離任升轉之時。造冊交與接管官查覈。如有非關地方公事擅自動支者。該司即據實報部題參。如該司不報。後經查出。將該司與支給官員。俱照違例支給例議處。○又奏准。雲南州縣。存倉穀石。挨年支放。撥米之法。俱在一站二站三站之內。如糧道需索州縣使費。挾私徇利。照貪官例。革職提問。督撫不行糾參。照徇庇例。降三級調用。若督撫亦因以為利。不顧小民苦累。將督撫照溺職例。革職。○又奏准。官員不敷對部檔。支給口糧地土者。章京等罰俸兩月。筆帖式等罰俸一月。○又奏准。各省囚糧口糧棉衣藥劑棺木等項。按數支給。

數實報銷。該管官剋扣冒銷者。革職。○又奏准。官員將官兵朋扣買馬銀兩。不扣者。罰俸六月。巡撫罰俸三月。○嘉慶八年議准。大兵勦賊之時。遇有軍需動用錢糧。督撫司道等官。一面具題咨報。一面動用。若司道等官。並未申詳督撫。擅自動用。一萬兩以下者。降三級調用。一萬兩以上。不及五萬兩者。降四級調用。五萬兩以上者。降五級調用。督撫竟為題銷。降二級留任。如已經申詳。督撫不行具題。擅自動用者。將督撫照司道等官例。分別銀數議處。俱令賠還。應否抵銷。吏部隨本聲明。

侵吞捐項。○咸豐四年

諭恭親王奕訢等奏。遵旨會議載齡等奏請查辦州縣侵吞捐項一摺。各直省勸諭捐輸。原因軍餉浩繁。藉資民力。上年曾諭令各督撫。查有墨吏姦胥。藉端擾累。苛派侵吞者。嚴參懲辦。乃近來山西陝西四川等省。不肖州縣。竟敢侵吞冒蝕。累萬盈千。甚至小民捐輸銀錢。並不詳報。輒作地方公舉。以為開銷地步。各該督撫。或墜於見聞。或憚於舉發。不肖官吏。愈肆貪婪。而小民急公好義之心。亦無由上達。盡國病民。深



堪痛恨。自應嚴定章程。以昭覈實。著照所擬。嗣後各直省勸諭捐輸。仍責成幫辦團練之紳耆。會同地方官妥為勸導。各該督撫隨時稽察。如有買囑逼勒等弊。即親提審辦。有犯必懲。所捐銀兩。按照戶部定例限期造冊專案報部。並照廣東現辦章程。分別奏報。其有應加中額學額之處。並著該督撫迅速奏請恩施。應領執照。著該部速行發給。俾各捐生等早邀甄敘。庶幾踴躍輸將。並可嚴杜侵吞之弊。經此次部定章程之後。如地方官有動用捐款。藉詞修廟。及地方公事開銷者。照贓私例治罪。仍責令照數賠繳。各督撫遇有侵吞捐項之員。自行查明參奏。即免其議處。儻或扶同徇隱。別經發覺。其應得處分。即以私罪論。決不寬貸。

欽定大清會典事例卷一百一

吏部

處分例 清盤庫項 虧空分別處分開復

清盤庫項。康熙十四年議准。官員庫內物件。不行嚴密收存。以致庫使偷盜者。降一級調用。罰俸一年。○二十七年題准。各省藩庫交代錢糧。定限兩月。如有侵欺虧欠等弊。將隱匿不報之該督撫革職。如督撫有侵欺入己之處。照侵欺例治罪。○二十八年題准。糧驛二道庫存錢糧。責成藩司。各府庫存錢糧。責成各該道。如無道員管轄之府。委令鄰近道員。於奏銷時清盤。如無侵挪虧空情弊。即具保結呈送巡撫。儻保結之後。仍有查出侵挪虧空者。該撫題參。將藩司各該道皆革職分賠。○三十九年覆准。州縣府道收存錢糧。於地丁正項及常平倉穀外。一切雜項錢糧。該管上司一併照例盤查。○又題准。上司盤查所屬倉庫。例責年終時限甚迫。嗣後於次年奏銷前。東公清查。據實出結。○四十四年覆准。盤查州縣倉庫錢糧。如有不肖知府。需索州縣者。許州縣即時通報司道督撫。題參



革職。如督撫不行題參。將督撫照徇庇例議處。  
○五十九年覆准。知府盤查倉庫。州縣餽送禮物。永行禁止。如仍餽送。而知府收受者。將餽送禮物之州縣。收受之知府。照餽送禮物例議處。  
○雍正元年議准。各省藩庫錢糧。於每年奏銷時。該省有總督者。令總督監同巡撫。親身盤查。無總督者。責成巡撫。親身盤查。錢糧無缺。出具印結。於奏銷本內。一併保題。如有虧空。該督撫即行題參。如督撫扶同徇隱。不行題參。虧空事發之日。將監盤之督撫。一併革職。照例分賠。如督撫抑勒下屬。挪墊濫動。以致虧空者。該布政使司據實通詳各部院衙門。或通詳不便。即具揭密送各部院衙門。據揭奏聞。將督撫照貪官例。革職拿問。○又議准。凡銀庫匙鑰。司道自行掌管。庫使止令看守封識。遇有錢糧出入。稟明布政使。鹽道方許開庫。不得自專。其藩司鹽道有使用挪移。抑勒庫官者。許庫官徑行揭報。如果舉報得實。該督撫及巡鹽御史。均題請議敘。以應升之官。即行升用。其或通同隱匿。事發一例治罪。如庫官已經據實揭報。

督撫巡鹽御史徇隱不行題參。照徇庇例議處。  
○乾隆二年議准。州縣官徵收錢糧。計算道路之遠近。酌量錢糧之多寡。隨徵隨行解司。如有任意遲延。不即起解者。令該管府州查報。督撫覈參。分別遲延月日議處。至該管府州。有督催之責。自應竭力催解。倘有聽其遲挨。直至撫司行提催解者。將府州一併查參。照督催不力例。罰俸六月。如州縣批解錢糧。而布政使司抵充雜派。扣批抑勒不發。許州縣官申報督撫。徑報部院衙門題參。將布政使司照批迴改挪例議處。○十四年議准。道員知府直隸州知州。盤查所屬正項錢糧時。將庫存兵餉。一併盤查出結。如有虧空。即行據實揭報。倘該上司並不實力清盤。及至交代不清。始行揭報。照盤查不實例。分別察議。○二十六年覆准。直省糧驛道庫。令各督撫於每年奏銷時。親往盤查。每歲支存款目。有無虧缺挪移。仍責令藩司覈明。於督撫未經盤查之先。出具保結。詳送督撫。盤查之後。如有虧挪等弊。將藩司照例革職分賠。○二十七年覆准。糧驛二道。遇有新舊交代。督撫親往盤



查。仍令藩司叵明加結。如有虧挪等弊。照奏銷例辦理。○三十年議准。州縣官虧空。遇上司盤查。向所屬鹽店當舖富戶人等勒借者。許赴上司衙門首告。將本官照官員勒詐財物例革職。該管各上司。照不揭參劣員例議處。○又議准。上司逼勒挪移庫銀。本官自行首告。審實。將上司照貪官例治罪。下屬免議。如逼勒致死者。家屬赴上司衙門具告。不行准理。許赴京衙門具告。將逼勒致死之上司抵罪。不行准理之上司革職。○又議准。直省督撫。遇有州縣虧空。將該上司應否分賠之處。一併具題。若不聲明具題。督撫照徇庇例議處。○三十四年奏准。州縣徵解遲延。不行催解之道員。罰俸三月。○三十七年議准。州縣倉庫錢糧。責成知府。直隸州知州。於每年奏銷前。親盤造冊申詳。不得轉委互查。亦不得豫示日期。縱令掩塞。如有前弊。將府州降二級留任。如查出州縣虧空。該府州一併題參革職。○三十八年覆准。州縣升任本府。及本府升任本道。任內經管錢糧等項。飭委鄰封道府。前往清查。加結詳報。如不實力盤查。遇同弊

混。一經發覺。將該委員一併查參。嚴加議處。如有抑勒交盤。掩飾挪補。扶同徇隱等弊。即行題參。分別議處追賠。○嘉慶十一年

諭。督撫到任。及每年錢糧奏銷後。例須盤查藩庫一次。自當將各項款目。及收支實數。詳細句稽。方為有益。近來督撫等視為具文。不過到庫略為抽驗。虛應故事。日久釀成弊端。即如本日直隸湖北。俱有藩庫侵虧重案。不可不詳定章程。以資釐剔。嗣後督撫於到任及奏銷時。盤查司庫。均當實力清查。並著於每年封印後。親赴藩庫。將本年收支款項。逐一詳查。取結送部。如將來款目不清。將加結之督撫。一併懲治。其有運庫河庫地方。亦著照此辦理。○又議定。各省藩庫錢糧。於每年奏銷時。總督巡撫。親身盤查。出具印結。於奏銷本內。一併具題。遇有新舊交代。亦往盤查。如有侵欺虧空等弊。該督撫即行題參。儻督撫扶同徇隱。不行題參。一併革職。照例分賠。○又議定。督撫抑勒藩司挪墊濫動。以致虧空者。該司據實奏

諭。州縣為親民之官。倉庫錢糧。皆其專責。嗣後各直省



督撫務當平時嚴飭該藩司道府認真整頓。詳細盤查。稍有缺額。即時勒限追繳。或該員等因循疲玩。亦即參辦。總當於未離任之前。各款均有著落。不得於業經離任。或參革物故之後。始摭拾入奏。草率了事。虧空分別處分。開復。康熙九年題准。司道府州縣等官。如錢糧米豆正雜等項。擅自挪移別用者。皆革職。如正雜錢糧米穀豆草。不報明該撫。以緊急軍需。私自挪用者。降一級留任。俟賠完之日。聽該督撫題請開復。如存留錢糧。因公挪用者。免議。○四十四年復准。州縣倉庫錢糧。責成知府。盤查於每年奏銷時。出具所管州縣倉庫實存無虧印結。造冊申詳保題。仍令不時盤查。無論幾時查出虧空。立即揭參。免其革職分賠。若州縣虧空。知府有扶同徇隱情弊。別經發覺者。將知府參革。令知府獨賠。如知府止係盤查不實。不行揭報。或別案發覺。始行報出者。係挪移。將知府革職。令知府分賠。係侵欺。知府照失察侵盜律議處。律內失察侵盜者。減本犯杖一百。用。免其分賠。○五十九年復准。州縣官持有上司分賠之例。將庫銀藏匿。假捏虧空

者。督撫據實題參。審明屬實。著落本犯名下。獨追還項。仍照例治罪。○又議准。各項拖欠錢糧。該撫每年奏銷。或拖欠在民。或本官乾沒。或衙役侵欺。逐一題明。委係拖欠在民。不能催徵者。照定例處分。如係本官乾沒者。照貪贓例革職。提問。仍於本官名下追清還項。如衙役侵欺者。該管官照縱役貪贓例革職。其侵欺衙役。交與該撫提拿嚴審。追清完項。州縣官乾沒侵欺等情。司道府等官。豫先不行查出。或據詳代為開銷者。司道府等官。各降一級調用。督撫罰俸一年。○又議准。州縣官。如衙役侵欺錢糧。捏報民欠。知府不行詳查。遽為轉報者。罰俸六月。○雍正元年

諭。虧空錢糧各官。若革職留任。催追必致貽累百姓。伊等既已獲罪革職。豈可復留原任。嗣後虧空錢糧各官。即行革職。著落伊身。勒限追還。若果清完。居官好者。該督撫等奏明。○二年

諭。朕惟錢糧固屬緊要。而民瘼尤宜體恤。聞有州縣虧空錢糧。百姓情願代賠者。此端斷不可開。虧空之官。未必愛民。况百姓貧富不等。斷無闔縣情願代賠之



理。或係棍蠹勾連。藉端科斂。或不肖紳衿。一向出入衙門。通同作弊。及本官被參。猶冀題留復任。因而號召多事之人。連名具呈。稱係闔縣願賠。後官畏承追處分。接呈入手。即差役按里追呼。名為樂捐。其實強派。其為民累不淺。嗣後紳衿富民。情願協助者。聽其自行完納。其有闔縣具呈者。即將為首之人。治以重罪。如府州縣官擅准派賠。著該督撫查參重處。至因公挪移之項。依限全完。定例准其開復。嗣後督撫題報全完。即給咨本官。令其隨本引見。朕觀其人可用者。即用。如不可用。以原品休致。其年老及不願補官之人。亦於本內聲明。給還原職。不必來京。○又

諭。凡官員虧空錢糧倉穀。該管上司失於盤查。自應革職分賠。但定例虧空官員。審無侵欺入己之項。勒限一年內。賠補全完。准以原職補用。而失察革職之上司。轉不得與本官一例開復。似屬可憫。嗣後虧空銀穀限內全完。例應開復者。該督撫查明原參失察之上司。一併題請開復。○四年議准。州縣侵挪虧空。審明確係知府徇隱獨賠之項。將知府照例革職離任。本犯擬罪監追。勒限三年完補。無論本犯完補。或知府協同完補。但能於一年內全完。係

侵欺之項。本犯擬死罪者。照例減二等發落。擬軍流徒杖者。照例豁免。徇隱之知府。不准開復。係挪移之項。至二萬兩以上者。一年內全完。本犯照例釋免。未至二萬兩者。一年內全完。本犯照例准其開復。其徇隱之知府。亦照雍正二年八月

上諭。上司與本官一同開復之例。皆准其開復。如二限三限完補者。本犯照例分別發落。若三年限滿不能完足。即將本犯治罪。查實果係家產全無。無力完帑。不論是侵是挪。將未完之項。儘數著落徇隱之知府。勒限一年完補。除徇隱侵欺之項。雖經全完。不准開復外。係挪移之項。能於一年內全完。准其開復。一年限滿不完。再限一年完補。若能於二限內賠補全完。照依原職降一級調用。二限內完不足數。再限一年完補。若能於三限內全完。照依原職降二級調用。三限內不完。將知府家產按查變補。即賠補全完。亦不准開復。如州縣虧空。知府失於覺察。係侵欺之項。除本犯照例嚴追外。失察之知府。照失察侵盜本律議處。免其分賠。如係失察挪移。例應分

子... 0 反... 內



賠之項。將知府革職。其虧空之項。亦先在本犯名下。勒限三年追補。一年內全完。將本犯及不行揭報之知府。皆准其開復。二限三限完補。本犯照例分別發落。若三年限滿。不能完足。將本犯治罪。查實果係家產全無。無力完帑。將未完之項。著落不行揭報之知府。分賠一半。其餘一半。入於無著項下完結。其知府分賠一半銀。勒限一年完補。一年內全完。准其開復。不完。再限一年完補。若能於二限內全完者。准其開復。於補官日罰俸一年。如二限內完不足數。再限一年完補。若能於三限內全完者。照依原職降一級調用。如三限內不完。不准開復。未完銀仍著落追賠。○又議准。州縣錢糧倉穀虧空題參時。一面於任所嚴追。一面行文原籍。將其家產嚴查存案。如任所無完。即變價補完。若承追地方官不行查出。照徇庇例議處。○乾隆元年覆准。承辦虧空人員。如有遲延違限者。照欽部事件定例。違一月者罰俸三月。違二月者罰俸六月。違三月者罰俸九月。違四五月者罰俸一年。違半年以上者降一級留任。違一年以上者

降二級留任。違二年以上者降三級調用。○三年覆准。州縣侵項。不能一年內全完者。知府革職。不准開復。若本犯侵項。於一年內全完。令該督撫將失察之知府。確查平日居官如何。出具考語。給咨送部引。

見請

旨。○七年奏准。凡虧空之案。審出民欠挪墊是實。除將本犯照例議罪外。再限四月。委官徹底查覈。出具並無假捏影射印結。再令接任官。出具認繳印結。仍向欠戶催繳。如限滿不完。將接繳官照例參處。債本無舊欠。接任官通同捏結。查出與本犯同罪。仍令分賠。○十二年議准。州縣虧空。經該管道府查出揭參。各免其失察處分。如例應責成盤查保結之屬官。俟其離任身故後。始參虧空。實係從前盤查不實。應無論其揭報與否。將該管道府。以失察附參。照失察州縣虧空例。分別議處。所虧錢糧。亦照失察侵挪定例。分別著賠。○十四年奏准。道員失察知府直隸州知州虧空。照失察例降四級調用。至失察州縣虧空。既責成盤查不實之知府。其道員自應



量為酌減。如該管道員不豫行揭參州縣虧空者。降一級留任。○十五年議准。州縣侵欺帑項。限滿不完。既著徇隱之知府賠補。則著賠之日。即應將知府之原籍房產。令該地方官查記冊籍。申報上司。如能依限代賠全完。房產給還。仍照例分別開復降調。如三限已滿。變抵房產仍不足數。即照例治罪。○三十年議准。州縣虧空錢糧。知府揭報。布政使司不行轉揭。或已揭而督撫不即題參者。許知府徑報部院。將督撫布政使司等官。俱照徇庇例議處。仍令分賠。○三

十二年

論嗣後著各督撫於年終將屬員有無虧空之處。彙奏一次。以重責成。著為令。○三十七年覆准。道員失察所屬虧空。係扶同徇隱。無論同城不同城。與府州一體參革分賠。如失於覺察。係同城屬邑。降三級調用。後改為不同城者。降一級留任。○又議准。是擲非侵錢糧。一年內全完。准其開復。或上司贖徇。捏報全完。及參員挾制上司。使報完開復。押令接任官擔承者。發覺之日。除本官治罪。勒限嚴追外。將督撫司道等。照未完錢糧捏

以全完轉報例。分別議處。如本犯功不能完。即著落捏報之督撫司道等分賠。○又奏准。州縣衛所。將倉糧私自借給百姓者。以監守自盜論。若私借之項。該員情願一年內代民全完者。即復還原職。其未完錢糧。捏報全完。及挪移之項。一年內代民全完者。亦照此例。○嘉慶五年奏准。官員虧空。該督撫務宜秉公確審。如有以侵為擲。該督撫扶同徇庇。巧為開脫。降三級調用。○七年奏准。現任官員。本身應完戶屬項。下一切因公裁減。及分賠代賠等項銀兩。為數不多者。准其在應領養廉內坐扣完結。其有養廉在本處耗羨內自行留支者。責令該管上司催追清結。其有詳請分限完繳數在三百兩以下者。於文到日起。限六箇月完交。逾限不完。初參降俸一級。戴罪再限六箇月完交。若再不完。罰俸六月。仍令完納。另行起限。三百兩以上。至一千兩。限一年完交。逾限不完。罰俸六月。戴罪限一年完納。再限不完。罰俸一年。仍戴罪限一年完納。再限不完。本員降一級留任。仍令完納。完日開復。一千兩至五千兩。以十分為率。勒限四年



完交。每年每案完不及二分五釐者。初參降俸一級。二參罰俸六月。三參罰俸一年。四年限滿不完。降一級留任。仍令戴罪完納。另行起限。完日開復。五千兩以上之案。亦以十分為率。勒限五年。每年每案完不及二分。初限不完。降俸一級。二參罰俸六月。三參罰俸一年。四參降一級留任。仍令戴罪完納。五年限滿。能完至七分者。將所降之級。准其開復。另行按年起限。如完不足七分者。照所降之級調用。仍勒限嚴追。其督催不力各上司。悉照承追上司處分。至丁憂告病告假回

籍官員。逾限不完。由原籍督撫。將該員同承運並督催各官。一併開參。照例議處。承運另起初參。本員仍順天府四路同知督催。照知府例議處。○十一年奏准。州縣挪移錢糧。革職擬罪。知府直隸州知州。如係扶同徇隱者。革職。如本犯挪移二萬兩以上。於一年限內全完者。本犯照例釋免。府州准其開復。本犯挪移未至二萬兩。於一年限內全完者。本犯及府州俱一體准其開復。若二限三限內完者。本犯照例分別發落。直隸州內開。挪移庫銀二萬兩以上者。擬斬監候。一年全完免罪。若不完。再限一年。完。減二等。發落。二年限內不完。再發落。府州亦准其開復。若限一年。完。減一等。發落。

三年限滿。不能完足。將本犯治罪。查係實在家產全無。無力完帑。將挪移之項。儘數著落徇隱之府州。勒限一年賠補。如能於一年限內全完者。准其開復。二限內全完者。照依原職降一級調用。三限內全完者。照依原職降二級調用。三限內不完。即將徇隱之府州。按查家產賠補。不准開復。如係失於覺察者。革職留任。如本犯於限內全完。准其開復。初限不完。照例革職。如能於二三限全完者。准其開復。若三年限滿不完。查係本犯無力完帑。將挪移之項。著落府州分賠一半。其餘一半。入於無著項下完結。其分賠一半銀兩。勒限一年完補。一年內全完者。准其開復。二限內全完者。准其開復。於補官日罰俸一年。三限內全完者。照依原職降一級調用。如三限內不完。不准開復。未完銀兩。仍著落追賠。該管道員。不豫行揭報。降一級留任。如州縣離任身故。始行揭報。雖無徇隱情弊。仍將失察之各上司。照例分別議處著賠。知府直隸州挪移徇隱失察之道員。照府州例。分別議處。○十七年奏准。欠帑降罰及暫行革職。勒限催交。俟完



竣後仍行開復各員。外省彙咨報部者。於各本  
 員限內完交咨報到部之日。即先予開復。不得  
 俟通案各員統行交齊。始准開復。○道光五年  
 議准。州縣侵欺錢糧革職擬罪。該管知府直隸  
 州知州。係扶同出結者。革職。先於本犯名下。勒  
 限三年著追償。三年限滿。不能全完。本犯照律  
 治罪。查明實係家產全無。無力完繳。即將侵欺  
 之項。值數著落扶同出結之府州賠補。全完之  
 日。不准開復。不完。按律治罪。○七年議准。州縣  
 侵欺錢糧。該管府州。係失於覺察者。照失察侵  
 盜律。並職留任。刑律。盜。失察。侵盜者。減本犯罪  
三等。非止杖一百。又例。盜官員  
犯。半職留任。如本犯於一年限內全完。准其  
 開復。不能於一年限內全完。即行革職。不准開  
 復。○又議准。知府直隸州知州。侵欺錢糧。將該  
 管道員。照府州例。分別辦理。  
 清盤倉穀。○康熙三十九年覆准。凡州縣收儲  
 米穀。遇颶風大雨等災。輒運江海漂流。並微爛  
 者。該督撫題參。革職離任。原缺別補。限一年之  
 內。賠完免罪。復還原職別補。如逾限一年。賠完  
 免罪。不復原職。二年之內。如不賠完。仍照律例

治罪。著落家產追賠。○五十九年議准。州縣微  
 爛倉穀。不論在任解任。以及分賠之知府。果能  
 一年限內全完者。皆一例開復。○雍正元年議  
 准。各省存倉米穀。雖有知府盤查。司道管理。不  
 能保其一無徇隱。當責之督撫。覈實嚴察。年終  
 造冊保題。至督撫升轉離任。將冊籍交代新任  
 督撫。限三月查覈奏。  
 聞。如有虧空。即行題參。償新任督撫徇隱。不行據實  
 參出。後經發覺。一併照例議處。仍令分賠。○三  
 年議定。州縣虧空倉穀。係侵蝕入己者。照侵欺  
 錢糧例。擬斷。係挪移者。照挪移庫銀例。擬斷。其  
 倉穀。令接任官於秋成穀賤時。申詳督撫藩司。  
 酌動何項錢糧。照時價先行買補。該州縣出具  
 倉收。道府加結報部。於虧空人員及妻子名下。  
 勒限一年。將動用銀照數追補還項。如逾限不  
 完。照例治罪。其有倉廩州縣。償因循怠玩。於滲  
 漏處既不黏補。應蓋造處又不詳請。以致米穀  
 微爛者。革職。勒限一年。照數追賠。限  
 內不完。照例治罪。若倉廩既經修理。猶有託名  
 微爛虧空者。亦照例革職治罪。○又議准。州縣



每年借出倉穀。自秋收後。勒限徵比。務於十月內全數完納。造具冊收送部。年終令知府直隸州知州親往盤查。府州倉穀。責令該管道員盤查。出具印結申報。如逾限不完。或捏造冊收。即行揭參議處。仍令欠戶照數完納。如該管上司不行揭參。照徇庇例。議處。再倉穀有存七糶三之例。其出糶之時。該督撫轉飭地方官嚴行查禁。如有囤積射利之徒。即訪拏按律治罪。該地方官若不嚴行查禁。該督撫題參。照溺職例議處。或有不肖州縣。以糶借為名。掩飾虧空。該督撫即行揭參嚴審。是侵是挪。分別定罪追賠。該管道府直隸州知州。有不時盤查之責。如有徇隱失察等情。亦即題參。照州縣官侵挪錢糧。知府徇隱失察例。分別議處。所虧倉穀。著落賠補。如道府直隸州知州。已經揭報。督撫不行題參者。將督撫亦照徇庇例議處。所虧倉穀。亦照例分賠。○乾隆四年奏准。各省常平倉穀。初次採買。遲延。經督撫查參送部議處。將承辦官罰俸一年。如再不完。將承辦官革職留任。完日開復。○五年奏准。凡州縣官採買米穀。如不親身平

買運倉。轉發里遞。分派花戶。勒令採買者。將州縣官降三級調用。○八年覆准。如有將未進倉穀。混行入冊捏報者。照未完之錢糧。捏以全完。轉報例革職。其該管上司知而徇隱。照徇庇例降三級調用。若止失於覺察。照失於覺察例。罰俸一年。○十二年議准。各州縣所需食米。務令自行置買。不得碾用倉穀。該管上司亦不得給發價值。令所屬州縣碾穀供應。仍令各該督撫不時密行查訪。僅有州縣碾用等弊。委官盤查。若查出。將不行揭報之贍徇各上司。一併參處。如已經揭報。而該督撫不即題參者。照例議處。○十八年議准。凡採買撥運糧米。經由江洋黃河。偶遇風浪。猝被漂失者。辦運各官。立即報明所在地。飛往勘訊明確。果無虛捏別情。取具承勘不扶印結。申詳督撫司道覈實。一面咨部。一面移咨辦運省分。照例具題請豁。若遇失水。該運官並不報明地方官。將運官照沈溺漕船不報例。降一級調用。如有乘機侵盜等弊。革職治罪。未經題豁之先。不將失水情形。立即勘明。據報戶部及該省者。照失於覺察例。罰俸一年。



所在官司。有賒徇草率扶同出結情弊。照沿途催趨各官不親臨確勘的實。遽出保結例革職。如該督撫不嚴查確實。遽行題豁。後至詐冒事發。所題督撫降二級調用。所豁糧照例著落承辦及出結各官名下。按數分賠。○二十二年

諭李侍堯奏廣東各州縣買補倉穀。多有家人吏役將上中下三等穀色。兼買充數。混開上穀價值。至於應借糶穀者。用中下之穀等語。所奏深悉情弊。上中下三穀。碾米多寡迥殊。若聽其將中下穀石。混開上穀價值。而以借糶為銷穀地。是僕役之取利愈多。而窮

民之受困益甚。廣東既有此弊。他省諒亦不能盡無。著傳諭各督撫。嗣後買補倉穀。當嚴飭州縣親自碾試。務得上穀。其該管官盤查。並當一體碾試。不得徒以額貯數符。遽行出結。儻有徇隱。即令分賠。其母仍視為具文。○三十年議准。陝省社倉穀石。係耗羨銀兩買存。與別省如社長侵蝕虧缺。州縣蒙報實存。別經發覺。查明係州縣官知情故縱。題參革職。其虧空穀石。先於社長名下勒追。一年內全完。本官開復。不能全完。將社長治罪。未完穀石。著落本官賠完。能於一年限內賠完者。亦准開復。如係失

於查察。係零星百石以下。將社長究治。本官免其查參。百石以上。州縣官降二級留任。無論勒追代賠。全完之日。俱准開復。○又議准。州縣捐買穀石存倉。將所捐銀數。據實申報。捐銀一百兩。紀錄一次。二百兩。紀錄二次。三百兩。紀錄三次。四百兩。加一級。備捐少報多。或將現存之米。指作捐輸。希圖議敘。後有虧空事發。知府分賠原報捐之督撫。罰俸一年。○又議准。各省府州縣存倉米石。每年出陳易新之例。各省不同。如有抑勒派借者。照勒派採買例。降三級調用。攪和糠糶土灰者。照攪和漕糧例。革職。交納時吏役需索者。分別失察。故縱。照例議處。或賑濟借動倉糧。借非實借。照侵盜律治罪。還非實還。照錢糧捏報全完例。革職。上司明知不行查參。降三級調用。係失於覺察。降一級留任。○三十八年。覆准。藩司到任。委盤倉穀。勒限三月。盤清結報。如委員辦理稽遲。照事件遲延例議處。若有意稽遲。聽其挪補。降二級調用。○嘉慶五年

諭。地方官採買倉穀。曾行通諭各督撫。飭屬在鄰封採買。續即有人言其不便者。州縣有不通水道之區。應



買穀石。遠赴鄰封。自需運脚。地方官因之派累閭閻。是便民而轉致累民。嗣後各省附近水次舟楫可通地方。著即於鄰封採買外。其不通水路者。仍准在本地方採買。不必遠赴鄰封。該督撫等惟當督飭所屬公平採買。以期民無擾累。而倉歸實貯。儻有短發價值。以及勒派收折等弊。經朕訪聞。或被科道糾參。惟該督撫是問。

造冊批迴。○康熙十五年。覆准。官員造報各項文冊。遲延。或限內。並違限不及一月。及違限一月者。皆罰俸三月。違限兩月者。罰俸六月。違限三月者。罰俸九月。違限四五月者。罰俸一年。違限半年以上者。降一級留任。違限一年以上者。降二級留任。違限二年以上者。降三級調用。其文冊遺漏重開。數目舛錯。或多開少造。遺漏職名者。皆罰俸三月。該管各官未經查出。據冊轉報。罰俸一月。因舛錯以致遲延三月以上者。照轉報例議處。未知府州縣官員。造報奏銷錢糧冊內。有數目舛錯遺漏者。總督巡撫不行查出。經該部查出者。將該府州縣官罰俸一年。總督巡撫及轉報司道。各罰俸六月。再督撫司道所

造冊內。有數目舛錯遺漏者。亦各罰俸六月。如司道府州縣官。將奏銷錢糧冊結。遲延不送。經督撫題參。或限內。並違限不及一月者。罰俸三月。違限一月者。罰俸六月。違限兩月者。罰俸九月。違限三月者。罰俸一年。違限四五月者。降一級留任。違限六月以上者。降二級調用。違限一年以上者。革職。如司道府州縣官。將冊結申送督撫。而督撫遲延。不隨各案一併送到者。經該部查出題參之日。將督撫違限五月以下者。亦照司道府州縣官例處分。如違限六月以上者。降二級留任。違限一年以上者。降三級調用。如應行完結之錢糧。不行分析明白。混行造冊。將混行造冊之府州縣官。降一級調用。混行轉報之司道。罰俸一年。不行詳查之督撫。罰俸六月。如司道官自行造冊。不分析明白者。降一級留任。○又議准。布政使抑勒州縣衛所官。將批迴改挪。或以新填隙。以此挪彼情弊。該督撫指名題參。照挪用正項錢糧例處分。如該督撫徇情不行題參者。將該督撫照徇情例降二級調用。○乾隆四十一年



論。豫印空白。本非例所應有。况付之書役。攜帶赴省。更難保無從中滋弊。自當亟行禁止。文武各衙門繕辦案牘冊結。理應詳慎校覈。俾無舛錯。如辦理未能妥協。經兩司查出。應改者即可聲明更正。事小而錯少者。量為記過。事大而錯多者。即為叅奏。予以處分。庶有司辦理不敢草率。且可永除豫印空白之弊。其如何分別定例之處。著該部議奏。欽此。遵

旨議定。州縣承造一切冊結到司。有不合式。例得由司道覈正。彙送者。即行造轉。將底冊發換送存。如不敢遲延者。量為記過。統八年終彙報功過冊

內。咨部查覈。若必須州縣另造。隨同送部之件。如有舛錯遺漏。以致遲延者。該督撫隨案聲明。分別議處。○道光三十年議准。各省春季撥冊。定限二月二十日以前。造送到部。秋季撥冊。定限八月二十日以前。造送到部。如有遲延不及一月。及一月以上者。將造冊之鹽道糧道藩司運司。罰俸六月。督撫罰俸三月。二月以上。司道罰俸九月。督撫罰俸六月。三月以上。司道罰俸一年。督撫罰俸九月。四五月以上。司道降一級。留任。督撫罰俸一年。半年以上。司道降一級。調

用。督撫降一級留任。如造冊之員。依限造送。係由督撫遲延者。造冊之員免議。將該督撫照造冊人員遲延之例議處。○咸豐六年議准。州縣官經管倉穀。到任後實力盤查。儻有虧短。立即詳報。如無前項等弊。即行出具切實印結。依限造冊申送。該管道府藩司各限十日轉詳。督撫即時咨部。不得扣除往返駁查日期。違者該管上司一併嚴議。



欽定大清會典事例卷一百二

吏部

處分例漕運考成 漕運限期 稽查旗丁

漕運考成○順治初年定官員收兌漕糧多攙  
糠粃沙土者該管官革職監兌官降一級調用  
其抵通兌交漕糧米多糠粃及有沙土者押運  
官革職管糧道降一級調用如無糠粃沙土經  
收官勒捐不收者降二級調用至京通各倉支  
放米時如倉役等攙和沙土該監督不行稽查  
究處者降一級調用○十年覆准各省糧道經

管漕糧十分全完者加升一級欠一分者罰俸  
一年再運糧挂欠一分者降一級調用欠二分  
者降二級調用欠三分者革職凡欠二分三分  
者初次與二次處分同○康熙三年題准坐糧  
廳經營漕糧欠不及一分者罰俸六月欠一分  
以上不及二分者罰俸一年○八年定倉場侍  
郎經營各省漕糧欠五釐以上至一分者罰俸  
一年三年連欠五釐以上至一分者降一級戴  
罪督催○四十九年覆准山東河南二省漕糧  
數少經營糧道十分全完者加升一級江南江

北浙江江西湖廣等省漕糧數多經營糧道十  
分全完者加升二級至總漕於各省漕糧十分  
全完者加升二級未完照考覈倉場侍郎例議  
處○五十年覆准州縣水次兌米糧道監兌官  
親往稽查如有私自改折漕糧者該州縣及領  
運官皆革職米照數交賠監兌官降二級調用  
糧道降二級留任○又覆准監兌官同糧道親  
身督押到淮一有短少該督即行審明題參留  
旗丁兄弟子姪一人交與監兌官買米補足趕  
幫交兌押運千總出具甘結呈報如押運等官

捏具甘結者降二級調用○五十一年覆准各  
省押運同知通判一次無欠者加一級二次無  
欠者加二級三次無欠者不論俸滿即升一次  
挂欠者降一級留任二次挂欠者降二級留任  
三次挂欠者降三級調用仍將挂欠之米分賠  
○雍正四年奉

旨押運官員均令該督撫出具考語送部抵通之日倉  
場總督送部引見○乾隆元年奏准京通各倉監督  
定以二年更代差未滿時有俸滿應升人員照  
常升轉仍俟差滿更代至差滿之後若照贏餘



米議敘恐出入之際。易滋弊端。應行停止。如果能出入公平。糧儲無虧。倉廩不致滲漏。米糧不致微變。任滿時。令倉場侍郎保題。交部議敘。准其加一級。○四年覆准。山東河南押運。前糧官員。如有逗遛。挂欠。失風等事。照例處分。若抵前全完。並無事故。該總漕數實具題。亦照例分別次數議敘。○十七年覆准。京通各倉。遇有監督交代。其封固整廠驗封。零廠抽盤。限兩月交代出結。如有攙雜短少。即揭報倉場侍郎及御史等。公同盤查。果實革職治罪。勒賠。如出結後。前

任虧空事發。將新監督一併革職。○又議准。京通各倉監督。均改為三年更代。○二十三年覆准。河南山東糧少路近。押運之員。押船抵通。一次無欠者。紀錄二次。二次無欠者。紀錄三次。三次無欠者。加一級。四次無欠者。不論俸滿即升。其挂欠處分。仍照各省之例議處。○二十六年覆准。收兌漕糧。多攙糠粃沙土者。該管知府不行揭報。降一級調用。如有意袒護。降三級調用。○三十年奏准。漕糧開倉交兌時。令額設監兌之同知通判等官。親赴水次。驗明米色純潔。照數交兌。糧船開

行後。仍令該員親押到淮。聽總漕盤驗。如有糧數不足。題參革職。米色不純。照攙和漕糧例議處。○又奏准。監兌官員。縱容蠹惡。包攬橫行。水次。侵蝕漕糧者。降二級調用。○又奏准。漕糧挂欠。作為十分分賠。總漕半分。糧道一分。監兌官半分。總押運官半分。運官一分半。僉丁衛所官半分。旗丁五分半分賠。總漕等官。如不於限內賠完。照不作分數錢糧例議處。弁丁分賠米石。如限內不完。仍著落總漕糧道等官分賠。○嘉慶五年奏准。交倉漕糧潮溼。以致沿途微變。虧

折者。押運官革職。限一年賠補。完日送部引

見請

旨開復。不完究追。其有居官好者。准該督撫保題留任。完日開復。不完革職究追。管糧道降一級。督催完日開復。不完照所降之級調用。其有失於風晾。稍有潮溼。未經微變。後經風晾乾潔入倉。查明並無虧折者。將失於風晾之押運官。按其年。在通風晾月日。照完糧違限例分別議處。○十

諭。嗣後各省押運道員。均著該督撫照丞倅押運糧船



咨部引見之例。出具考語。咨送部。如果沿途催趨認真。並無過失。俟到通交糧完竣後。准其由倉場侍郎查明送部引見。○十一年

諭。嗣後湖北省及湖南江西兩省糧道押運。已屆三次。如果催趨認真。並無過失。即著該督撫出具考語。給咨。由倉場侍郎查明送部引見。此外豫東江浙等省糧道直押抵通者。亦著俟押運三次後。送部引見。以歸畫一。○道光二十二年奏准。外省官員捐輸米石。搭運京倉。如該運員管束不嚴。虧短一分以上者。降一級留任。二分以上者。降二級留任。三分

以上者。降二級調用。其虧短之米。仍照漕糧挂欠之例。分賠辦理。至報捐米石。如米色並無不純。幫丁藉詞勒索。照漕船幫丁頭伍勒索之例。將該運員分別失察。故縱議處。如交幫之後。查有潮溼微變。糧數不足。攙和糠土者。照漕糧微變攙和各例。將該運員分別議處。○二十九年奏准。漕糧抵通。臨河一帶。責成土壩州同實力巡查。抵石壩時。儻有溼米各弊。責成石壩州判稟明查辦。如有失察。即行參處。照夫於查察例。罰俸一年。儻涉徇隱。從嚴懲辦。照徇隱例。降二級調用。○又定。各省監

兌漕糧之同知通判等官。於漕糧開倉收兌時。上司衙門。不得以別項公事差委。令其坐守水次。專理漕務。逐船兌足到淮。聽總漕盤驗。儻有糧數不足。米色不純。即將監兌官題參。○又定。江南省蘇松常鎮太倉五府州。浙江省杭嘉湖三府船糧。俱令監兌官兼司押運。安徽湖廣江西。山東河南等幫。另行委員押運。其糧米有無攙雜短缺。令監兌押運各官。於水次眼同面交。以專責成。○又定。山東河南江南浙江等省。糧道督運抵通。江西湖南湖北三省。糧道督運抵臨清後。均出具船米無虧切結。送部備查。○又定。搭解舊欠漕糧。均按本色交兌。搭運過淮時。由總漕盤驗。儻搭解之米。與原欠米色不符。或領運武弁。故將麥豆雜糧等項折收。而以新糧抵解。或不隨正米交船。迨過淮後。始用小船趕送者。經總漕查出題參。將押運官降一級調用。糧道罰俸一年。

漕運限期。○順治初年定。每年漕糧。經徽州縣限十月開倉。十二月兌完。○又定。河漕總督。理應督率各官。挑淺疏通糧艘。如不豫行挑淺疏



通以致遲誤者請

旨議處。如同空船不力行催。又不題參地方官者。皆降二級留任。○又定。官員催趨漕船。無故容後幫之船前行。前幫之船後行者。罰俸一年。漕船入境日期。該管官不查明轉報者。罰俸六月。○又定。各省漕糧。江北限十二月過淮。江南江甯蘇松等處。限正月內過淮。江西浙江湖廣。限二月內過淮。山東河南。限正月全數開行。又江北限四月初一日抵通。江南限五月初一日抵通。江西浙江湖廣。限六月初一日抵通。山東河南。

限三月初一日抵通。均限三月內完糧。○康熙十二年議准。有司無糧。軍衛不備船隻。以致遲誤過淮。違限一月以上者。督撫罰俸三月。糧道監兌官罰俸六月。違限二月者。督撫罰俸六月。糧道監兌官罰俸一年。違限三月以上者。督撫皆住俸。戴罪督催。俟糧船抵通。交明開復。糧道等官。各降一級調用。如經徽州縣衛所等官。船到無米。有米無船。及過十二月者。皆罰俸六月。過正月者。各罰俸一年。過二月者。各降二級留任。至總漕係通管漕糧。催趨尤其專責。及過淮

以後。令總河星速催趨。如依期過淮。而抵通遲誤者。河漕二督。及沿河道員州縣等官。亦照督撫遲誤過淮例處分。○又議准。白糧過淮抵通遲誤者。照遲誤漕糧例議處。○又議准。監兌漕糧。未經兌完。捏報兌完。或漕船未經開行。捏報開行者。皆降二級調用。○又議准。完糧在原限三月之外。違限不及一月者。將押運等官。罰俸三月。一月以上者。罰俸六月。二月以上者。罰俸一年。三月以上者。降一級留任。○十七年議准。漕船自淮安至天津。計程二千三百五十餘里。

沿途州縣衛所。於重運北上。催令出境。如原限半日。而違限一時。原限一日。而違限兩時。原限一日半。而違限三時。原限兩日。而違限半日。原限四日以上。而違限一日。原限六日以上。而違限一日半。原限十二日。而違限兩日者。兩日并改四日專催官罰俸一年。督催上司罰俸半年。如原限半日。而違限三時。原限一日以上。而違限半日。原限兩日以上。而違限一日。原限四日以上。而違限兩日。原限六日以上。而違限三日。原限十二日。而違限四日者。四日并改六日專催官降一級調



用。督催上司。罰俸一年。如違限之期。與原限之期相等。專催官降二級調用。督催上司。降一級調用。如違限之期。逾於原限之期。專催官革職。督催上司。降二級調用。又押運官自受兌以至交倉。曾於一二處逾限者。罰俸半年。三四處逾限者。罰俸一年。五六處逾限者。降一級調用。七八處逾限者。降二級調用。十處以上者。革職。其回空漕船。如遇逆流。其間設有船壩蓄水之處。均照重運定期。無船壩之處。原限十二日者。改限九日。原限四日。改限三日。原限三日。改限二日。原限一日半。改限一日。又順流有船壩之處。亦照重運定例。無船壩之處。原限半日。改為三時。一日。改為半日。四日。改為兩日。五日。改為兩日半。如有不行力催。以致違限。沿途文武官弁。並隨幫官。皆照催趨重運例議處。自天津以北至通州。係逆流。重運糧船。每二十里限一日。其回空船。係順流。每五十里限一日。山陽以南。至浙江。其重運糧船。如順流。每四十里限一日。逆流。每二十里限一日。回空船。如順流。每五十里限一日。逆流。每三十里限一日。如有違限。催趨

押運官。按違限日期。皆照前例議處。湖廣。江西。江南。各等處。皆行長江。以至儀徵地方。並因風。艱運。難以逐程立限。令該督撫飭地方官。凡遇重運回空船隻。俱作速嚴加催趨出境。其自儀徵至天津。如有違限。亦照前例議處。設或有非常風阻。冰凍淺滯等事。難以符限。均令報明。免其議處。○三十五年議准。河南安陽。河內。輝縣。農務。在於每年三四月。而漕船抵臨。在於五月。應於五月初一日為始。封版塞渠。如不封版塞渠。以致漕船阻滯者。將經管官降一級調用。該管官罰俸一年。該撫不行查參。罰俸六月。謹案漕米。於同治初年。改做折色。○三十九年議准。漕糧盤壩過。三月內全完。若米到不即盤過。及驗看時有藉端抑勒。許運丁首告。監督降二級調用。倉場侍郎不行查參。罰俸一年。○雍正元年議准。漕糧冬兌。冬開。船到無米。有米無船。以致開兌遲延。將州縣衛所官。照例查參。如該管上司。徇庇不行稽查。以致誤漕者。該督撫指名題參。將該管上司。照徇庇例議處。○二年議准。湖南州縣漕



務於十一月運至岳倉。如遲至十二月中旬到者。照過十二月兌開例議處。如過十二月到者。即照過二月兌開例議處。如州縣糧米依期到次。軍衛船已備。而監兌領運廳弁交兌稽遲。至過十二月者。亦即照過二月兌開例議處。如能依限過淮。題明開復。謹案湖南漕米。於咸豐三年後。改辦採買。由海運津。

○五年議定。江浙湖廣江西四省。糧船過淮。違限。仍照定例議處。於抵通完糧之日。將過淮違限日期扣算。如過淮違限十日。已經處分者。將抵通完糧違限十日扣出。免其處分。凡日期多寡。照此扣除。其道遠之省。以九月初十日為限。逾此限不完糧者。將押運等官。照抵通違限例議處。謹案四省漕糧。自成豐三年。改辦海運。

○乾隆二年議准。舖官越漕起版。洩水誤漕者。革職。該廳官不行稽查。致誤漕務者。降一級留任。如曲為回護。徇隱不報者。降三級調用。○九年覆准。湖北省漕糧。限二月內過淮。江西湖南限三月初十日內過淮。○三十年奏准。北河流沙。應令坐糧廳各汛官弁及時疏濬。如不速為挑濬。有誤空重漕船者。將各汛官降一級調用。坐糧廳罰俸一年。倉

場侍郎及巡漕御史。後不查出題參。罰俸六月。○又奏准。糧船運抵石壩土壩。限十日內將米起完。如起米違限。以致回空船隻守凍者。將坐糧廳監督革職。倉場侍郎降二級留任。○三十年奏准。漕船入境。如遇淺閣事故。押運及地方官。不即查明申報者。均罰俸六月。○又奏准。官員催趨漕船。無故容後幫之船前行。前幫之船後行者。其沿河地方。係有佐雜等官專管。將專管佐雜等官。罰俸九月。兼轄之州縣官。罰俸六月。如該地方並無佐雜。係州縣自行催趨。即將州縣官罰俸九月。至前途州縣。不行力催。有礙後船者。後次州縣。申報倉場。查明催趨不力之員。按其違限時日議處。如不親身赴河催趨。罰俸六月。坐視前船阻抵。不行申報者。亦罰俸六月。○又奏准。運官不親身押運。糧船抵通起卸已完。始行趕到者。押運官不行查報。罰俸一年。巡漕御史。罰俸六月。如係因公羈絆。押運官並巡漕御史。均免議。○嘉慶五年奏准。重運漕船抵通。未經逾限。其沿途催趨逾限之員。俱免議。回空漕船逾限。不誤冬兌冬開者。催趨官亦



免議。○又定漕船抵通完糧逾限除山東河南二省押運官照例按其遲誤月日議處外。其江北江南等處漕船。有因過淮逾限。先經得有逾限處分者。准於抵通完糧違限日期內扣除不計。免其重複處分。如抵通完糧逾限三十日而後。即除去十日。照逾限不計。一月例缺處。餘仿此。稽查旗丁水手收書各役。○康熙二十六年題。准運丁正身不押運。雇覓匪徒及舵役代運者。將押運通判罰俸六月。○三十九年議准。各倉放米時。如有倉役人等。抑勒留難。向領米之人需索銀錢。該監督失察者。照失察衙役犯贓例議處。倉場侍郎。罰俸六月。若知情故縱者。革職治罪。倉場侍郎。罰俸一年。○又議准。坐糧廳及各倉書役人等。向運官運丁。指稱費用勒索。並坐糧廳監督失察者。照失察衙役犯贓例議處。倉場侍郎。罰俸一年。如監督等通同需索者。革職治罪。倉場侍郎不行查察者。降三級調用。○五十一年覆准。旗丁須僉家道殷實之人。令千總保結。呈報衛守備府廳等官。再加驗看。加具印結。如有挂欠千總守備。照例處分外。一幫挂

欠。府廳等官罰俸一年。糧道罰俸半年。數幫挂欠。照此遞加罰俸。○雍正五年覆准。僉派收書徵收糧米。務令遴選老成殷實書吏。如有僉派匪人。侵蝕漕糧。書吏照例治罪。州縣官照溺職例議處。侵蝕米糧。即於官役名下嚴行追補。至州縣收糧。僅有贏餘。飭令糧道不時盤驗。每斛應有餘米若干。計算明白。存為修倉賑濟之用。年終將存儲動用數目。造冊報部。仍令該撫不時稽查。如有扶同徇隱。及各州縣藉名私加斛面。苦累小民者。即行參究。○乾隆十七年議准。各省幫船。如有幫丁頭伍派斂婪取。或於應給章程定數之外。多行勒索。領運官串通分肥者。令各幫運丁呈控。將領運官革職審擬。押運官失於覺察者。照同城知府不參劣員例議處。自行查出免議。故縱者革職。○二十三年議准。旗丁潛逃。運弁即報衛移縣。以文到之日起。限百日拏獲。如逾限不獲。將承緝之專管衛所官。罰俸一年。協緝之州縣官。罰俸六月。如該丁係由州縣僉選者。以州縣為專管官。罰俸一年。該丁居住地方之州縣官為協緝。罰俸六月。○二十



五年奏准。各省解交通漕銀兩。照例收儲通濟庫。責成該大使典守。儻該廳將庫項移存私衙。罰俸一年。至支放各役脚價等項。該廳應傳齊應領人等。當堂給放。如交書吏轉發。罰俸一年。因書吏轉發。致有透支短放情弊。降一級調用。該侍郎不將該廳查參。係已經查出透支短放情弊者。降一級留任。未經查出者。罰俸六月。○二十六年議准。軍丁值當僉選之年。無論大小衙門書吏。俱一體僉選。如本身辦公。不能出運。令子弟承頂出運。概不得藉詞抗避。各衙門亦不得曲為庇護。如該管官以衛籍冒稱民籍。代為規避僉選者。革職。○二十九年議准。糧船沿途提溜趕幫。打插過壩。需用短絳。如有兵役夫頭勒添短絳。及勾通姦猾短絳。多索夫價。從中取利。該管各官。照失察衙役犯贓例。分別議處。扶同徇隱者。照縱役犯贓例。革職。儻有無賴棍徒。率領短絳。多索價值。與丁舵水手人等。聚毆成傷。地方官不能彈壓者。照約束不嚴例。降一級調用。至丁舵人等。雇覓短絳。不照定價給發。以致滋事。押運官罰俸一年。若該管各官。自行

覺察查拏者。均免議。○三十年奏准。坐糧廳所屬八行運役。及倉役名缺。如通州知州保送旗人。及以一人充兩三役者。降一級留任。○又奏准。押運官催趕。毋許丁舵水手人等。上岸生事。如有不遵約束。匪徒會同該地方催趕各官。協拏究治。儻平時不行約束。臨時又復容隱者。將押運官革職。○又奏准。糧船回空到省。未經開兌之先。俱責成本省巡撫及糧道等官。開運出境之後。責成漕運總督。及沿途該管地方文武等官。到津以後。責成倉場侍郎坐糧廳。並天津鎮總兵通州協副將通州州縣等官。各按該管地方。嚴行稽查。儻有頭舵水手人等犯事。協同押運官弁。立即擒拏。按律懲治。儻地方各官。不行查拏。事發之日。將管糧道員坐糧廳天津通州州縣通州副將等官弁。沿途該地方官文武官弁。均降二級調用。巡撫漕運總督倉場侍郎天津總兵官。各降一級留任。如一經犯事。即協拏申報者免議。若已經申報。而巡撫漕運總督倉場侍郎總兵官。不行題參。該督撫鎮等。降一級調用。○又奏准。軍丁運糧。設有給單銀兩。該



管糧道務照定例給發。取具衛備印領。如有豫借剋扣情弊。即將該管糧道等官題參革職提問。○又奏准。丁船到次。三日內。即將行月等項折色銀兩。解送糧道驗明。將一半給發該丁開船。一半封固到淮。於各幫過淮時。總漕同該道面給該丁收領。如給發愆期。解送遲延。或短少剋扣。總漕即行題參。其短少剋扣者。照剋扣給軍銀兩例議處。其給發愆期。解送遲延者。照違例支給例議處。○又議准。漕糧起卸。糧袋存儲空隙處所。責令經紀車戶。謹防潮溼。如有奉行不力。以致口袋霉爛。糧米成餅。將該役責革賠補。倉場御史不行查出。罰俸一年。○三十七年。奏准。糧船所過地方。如有催漕衙役需索旗丁銀錢。並收受土宜禮物者。將該管官照失察衙役犯贓例議處。如弁兵衙役需索旗丁行賄。押運官不即申報。罰俸六月。知情故縱者。革職治罪。○又奏准。糧船水手打死人命。押運官降一級留任。○五十九年。議准。保僉旗下。令千總保結。呈報衛守備。並報知府。再行驗看。加具印結。係州縣僉選者。令州縣會同衛弁保結。呈報知

府。驗看加結。以奉文僉派之日起。限兩月選解報驗。發幫管運。僅違限兩月。僉解不到。將承僉之員。以有意誤漕。參奏革職。加結之知府。降二級調用。至該丁田房產業細冊。由該管道府加結。呈送總漕衙門存案。仍於四年編查案內。再行清查齎送。以備虧短挂欠。查產變抵。如清查產業未實者。承僉官降二級調用。知府降一級調用。糧道降一級留任。若故富差貧。以致誤公。及故縱殷富軍丁。竄入民籍。並造冊時將田產故為隱匿脫漏者。承僉官革職治罪。知府糧道一併革職。其旗丁交倉挂欠。將承僉之員降一級調用。○道光十年。諭。朱桂楨奏籌議漕務章程一摺。前據御史陸以烜奏。浙江甯前等幫。水手橫恣。沿途勒索旗丁錢文。逼寫溜子。稍不遂意。往往聚眾滋鬧。朕恐各省幫船。亦不能免此積習。當交朱桂楨詳議章程。嚴行懲辦。茲據該漕督查明。各省幫船水手。多係貧民。強悍性成。每致恃眾滋事。全在各省糧道及總運各員。並沿途地方官。協力稽查彈壓。各就滋事之大小。有犯必懲。不可意存推諉。化大為小。致兇徒罔知儆畏。著通諭有



漕省分各督撫責成糧道督率所屬各官弁隨時認真稽查遇有守廂守水停泊處所將各幫水手花名年貌按冊查點平日留心默記一有滋事之案即可知為某幫某人迅即會同地方官立時查拏懲辦如能將為首之犯拏獲並獲犯過半者准其寬免處分。僕日久不獲即將本運幫弁及總運丞倅並該管糧道分別從嚴議處至沿途地方官催趨不能久駐河干即聞委道員督催彈壓亦多係棲止公館於糧船聲援不能相通嗣後著各該督撫派令道府一員再酌委能事丞倅二三員多帶兵役分段輪流乘舟稽查設有水手滋事及岸上游幫匪徒藉端滋鬧立即督率州縣上緊查拏准照刑部奏定新例通詳懲辦仍由各該督撫於奏報糧船出境時將水手有無滋事及如何懲辦之處於摺內詳細聲敘務期實力奉行不可有名無實以做兇徒而肅漕政○又定催漕員弁需索旗丁銀錢者計贓以枉法論失察之該管官降一級調用統轄官降一級留任員弁收受土宜禮物者罰俸九月

欽定大清會典事例卷一百三

吏部

處分例

修漕船 漕船失事 稽查糧船夾帶私貨

漕船回空 糧船失事 盜賣漕糧

修造漕船○康熙十四年議准官員修造漕船或捏報朽爛或修造未竣報稱已完或朽爛漕船冊報掩飾者皆降二級調用如承造漕船推諉不行監造或撥催日久不完竣者皆降一級調用該管官督催不力者罰俸一年如船已朽爛不估價申報者亦罰俸一年○乾隆三十年

奏准另造漕船於過淮時總漕驗明果係堅固合式方准銷算如有板薄釘稀造不合式者將監造官降二級調用糧道罰俸一年仍將所給料價銀兩著落各官賠補○三十七年奏准官員奉委修造漕船僅有遲延致誤冬兌冬開者革職○嘉慶十二年

諭溫承惠等奏會議商捐官剝船隻分派沿河州縣經管一摺此項官剝船隻既據該督等查明所需津貼費用該商等情願仍照原數報捐並據稱此項船隻自歸併通州武清天津三州縣承管因船數過多照



料難周。遂致損失滋弊。今既籌議章程。仍應分派沿河十八州縣經營。以圖經久等語。所奏自係實在情形。著照所請辦理。但船隻既分派各州縣經營。恐該州縣等因係官捐之物。不甚留心愛惜。致易損壞。自應酌擬保固限期。嚴定考成。以船隻之多寡。日期之久暫。為處分之輕重。其如何明立章程之處。著該部妥議具奏。欽此。遵。

旨議准。沿河州縣所管之船。分作十成。計算經營年分。即自新船解到接收之日起。至十年保固限滿之日。止。限內損失僅止一二成者。責令賠補。免

其議處。船隻剝運已屆八九年者。遇有損失。仍令賠補。亦免議處。其剝運在六七年之內。損失至三四成者。經營之州縣。罰俸一年。該管道員。罰俸六月。五成以上者。經營之州縣。降一級留任。該管道員。罰俸一年。其剝運未滿五年。損失至三四成者。經營之州縣。亦降一級留任。該管道員。亦罰俸一年。五成以上者。經營之州縣。降一級調用。該管道員。降一級留任。損失船隻。俱責令經營州縣照數賠補。咸豐七年奏准。漕船停歇在境。如有官丁私行折變。及捏報損壞。

風火希圖改造。地方官不親詣驗看的實。扶同蒙蔽。遽為加結呈報者。革職。其並無蒙混加結情事。而玩忽耽延。無故不會往勘驗。經該管上司查參。或別經發覺。船數在一隻以上者。降一級調用。五隻以上者。降二級調用。十隻以上者。降三級調用。若已經勘驗明確。申報查辦。僅止始初失於查察。罰俸一年。如正犯丁役潛逃。運弁移會該地方官。限百日拏獲。逾限不獲。降一級留任。再限一年緝拏。限內獲犯。准其開復。不獲。照所降之級調用。○光緒十年奏准。船戶向

歸楊村通判管理。僅有船名與人名不符。即將該通判按照白役詭捏姓名。倒提著役年月等弊。知情者降三級調用。失察者降二級調用。如係已革船戶。改名朦充。即照各衙門已革書役更易姓名承充。該通判知情者革職。失察者降二級調用。接任官不行查出。降一級留任。若派用前官任內已革船戶者。降一級調用。○又定直隸沿河州縣。派管新造剝船一千隻。照例接收保固。遇有損壞。照看守戰船例議處。損壞一二隻者。承管官降二級留任。楊村通判降一級。



留任天津道罰俸一年。三四隻者。承管官降二級調用。楊村通判降二級留任。天津道降一級留任。五六隻者。承管官降四級調用。楊村通判降三級留任。天津道降二級留任。七隻以上者。承管官革職。楊村通判革職留任。天津道降三級留任。其已及十年限滿。有損壞者。仍照剝船原例免其議處。如扣至十年限滿。止係小有損傷。仍可修理剝用者。即歸於獎勵例內查辦。蘇州府到剝船。出具保固印結。由該道加結送部。通前後任交代時。嚴實核核。如再有損失。將該道交代之員參處。其空閒時。無故損壞。或搜獲在途停泊。在大火防風火事。均歸入成數。雙

計數內。○又定。新造船隻。一切器具。責令經營州縣隨時查驗。償運挽船。短少不全。至十隻以上。將經營官照損壞戰船一二隻例降二級留任。該通判道員。隨時查出者免議。失於覺察。楊村通判降一級留任。天津道罰俸一年。○又定。州縣分管新造剝船。十年限滿。全無損壞者。除前五年船隻撥運未久。分應看守。止應將該管官酌量記功。毋庸議敘外。其後五年內。全無損壞者。查明該管官在任一年以上。至二年者。紀錄二次。在任三年以上者。加一級。若十年以外

船隻尚能經久。多用二三年至四五年者。統於下屆排造新船時。將經營各官專案報部。分別從優議敘。該管天津道及楊村通判。亦照經營官例。除前五年毋庸議敘外。其後五年內。按其任久暫。分別議敘。

稽查糧船夾帶私貨。○康熙二年題准。漕運重船。除定例准帶土宜外。不許夾帶私貨。淮安濟甯地方。嚴加稽查。如有漕船夾帶私貨。沿途包賣。通同商人搭船者。將不行嚴禁之該管糧道罰俸一年。監兌官降一級調用。押運官降一級留任。○十五年題准。淮安濟甯地方官。失察糧船夾帶私貨者。罰俸一年。○雍正三年議准。糧船闖關。及倚恃糧船。任意販載私鹽。不服盤詰。持械傷人。若押運等官。不行約束。知情故縱。押運等官革職。隨幫照例責革。如該管關牘各官。藉端勒索。故意留難。亦許押運等官呈明。該督撫題參究治。○又議准。糧船係合幫結隊而行。不畏盜賊。火礮鳥槍。無所取用。應行禁止。通飭糧道衛備運弁。嚴禁按查。儻於糧艘之中。仍帶火礮鳥槍者。事發。除將本犯照私藏鳥槍



例責懲外。將失察之該管官。照失察統礮鳥槍  
例。分別議處。○乾隆十七年奏准。糧船回空。由  
通至津。每船限定帶錢三串。僅該船戶家口較  
多者。准其沿途零星易換使用。責令押空千總  
逐船查察。並令張家灣通判務關同知楊村通  
判節節防範。天津總兵於過關查驗私鹽時。一  
併稽查。步軍統領倉場各衙門。巡漕御史等。不  
時防察。僅該船於定數外。有多帶錢文者。將該  
同知通判罰俸一年。○二十三年覆准。押運糧  
船。止准空重千總各帶鳥槍一杆。以備巡守。並  
令該漕督編刻字號。責令空重千總自行收存。  
以備稽查。其餘軍器。不許攜帶。仍飭糧道衛備  
運舟。嚴行探查。如有仍帶火礮。並私行多帶鳥  
槍者。將失察之該管官。照失察統礮鳥槍例分  
別議處。○三十年奏准。長蘆兩淮產鹽之處。遇  
回空糧船經過。該地方各官不行力催。致有夾  
帶私鹽者。該地方各官。罰俸一年。該管鹽務運  
司等官。照失察私鹽例議處。○又奏准。每年糧  
船回空時。於瓜洲江口。派委瓜洲營協同廉員。  
實力探查。僅有徇縱失察。照押空官例議處。有

能拏獲糧船夾帶私鹽。及運使等官有能拏獲  
竄丁船戶夾帶餘鹽者。均照地方官拏獲私鹽  
例議敘。○又奏准。押運官弁。該管幫船。一年內  
並無私鹽事故者。紀錄一次。○又覆准。糧船經  
過之沿途州縣。並非產鹽地方。既不令兵役赴  
船探查。即有夾帶。無從而知。應免其查察。○三  
十六年議准。漕運總督每年派守備千總直隸  
總督每年派明幹同知一員。屆漕運入北運河  
時。前往楊村會同運員幫員等嚴密稽查。如遇  
河水淺阻。先將貨物儘數起剝。如尚阻滯。酌量  
起剝糧石。至漕船抵通交兌後。並交倉場侍郎  
留心查察。僅仍有貨物在船。即行究明情由。將  
旗丁分別治罪。並將押運官糧道及委員。均照  
漕船夾帶例議處。○三十七年奏准。漕運重船  
如運丁有額外私攬客貨。私載己貨。查係開兌  
時夾帶者。將未經查出之監兌官。降一級調用。  
押運官降一級留任。係沿途包買。及通同姦商  
搭船者。將未經查出之押運官。降一級調用。其  
不行嚴禁之該管糧道。未經查出之盤查官。失  
察停泊攬載之地方官。俱罰俸一年。若押運官



有攬帶客貨私載己貨者革職。其該管糧道及監兌盤查等官。照此例分別查議。至領運官如有夾帶。將未經查出之押運官一併與糧道等官。照此例分別議處。○又議准回空漕船。於各省硝黃入境之處。飭令地方官弁。分路巡查。本境硝黃亦實力稽查。並令按查私鹽之官。帶查硝黃。如有夾帶私硝私黃者。地方官押運官均照漕船夾帶私鹽例議處。○嘉慶五年奏准回空漕船。如有夾帶私鹽貨賣者。管船同知通判等官。知情故縱者革職。不知情止於失察者。照

約束不嚴例降一級調用。

糧船漂燬。○康熙二十一年題准。押運官弁巡查不謹。以致失火燒毀漕船者。降一級留任。地方官不行協救。延燒別船者。罰俸一年。○又題准。漂沒船糧沿途催趲各官。及汎地文武官親臨確勘是實。各出保結。取具運官結狀。該督撫確查具題到日。照例豁免。如運糧官丁。未經漂沒船糧。捏報漂沒。並故將船放失漂流。及雖係漂沒。損失不多。乘機侵盜者。照例治罪。米照數賠補。其沿途催趲各官。及汎地文武各官。不親

臨確勘的實。遽出保結者。皆革職。如該督撫不緝查確實。遽行題豁。後致詐冒事露。將具題督撫降二級調用。○雍正元年覆准。漕船在內河失風。押運官失於防範者。罰俸六月。○五年覆准。沿途地方官。除遇風水平順。仍照定例原限時日。催趲出境。不得遲誤外。若遇風色不順。並水勢漫大。該地方官與押運官弁。同計議暫停守候。一面即將守候日期。申報該管上司。並總漕衙門。於入境出境日時冊內。會註明白。儻有不顧風色水勢。催趲前進。在內河致有疏虞。

將地方官罰俸一年。押運官罰俸六月。一俟風息水平。仍須立刻催趲出境。毋得藉詞守候。任其停泊。如有捏稱風水未便。停泊逗遛者。總漕該督撫據實查參。將地方官降二級調用。押運官降一級調用。○乾隆四年覆准。汎水漲發。猝不及防。能屏水救船。修艖抵通。漕糧並無虧折。能買補全完者。皆毋庸議處。仍照例議敘。儻船非滿號。不能屏救。米有挂欠。雖買補全完者。仍照例議處。○十四年覆准。漕船回次。雖交與地方官收管。仍著隨幫官弁。約束稽查。遇有風火



事故即將該隨幫官弁職名報參如新運千總既經接收幫船將接收日期呈報之後遇有事故即將新運千總職名查參或糧船減存在次遇有事故運隨二弁皆不能兼顧即查明收管之地方官開參至漕船既已回空到次押運同知等官一運之事已畢實與隨幫專為空船而設者不同應將押運同知等官免其參處○二十五年覆准黃河兩岸捕魚小船令清河縣知縣開具姓名造冊編號責令該縣管河縣丞河標把總經管約束遇有糧船失風即令各駕小船先行救米次行救貨米聽押運之員分散本幫各船貨物聽該縣丞等查明逐一交還失風之旗丁酌量出給飯食銀錢如該縣丞等並不稽查約束以致乘機搶掠降一級調用○又議准重運經臨令管河各廳汛於河道兩旁詳加查勘如有倒卸牆岸存留舊椿並插入樹根未經挖削者即時起除河道總督等不時委員查察據實申報其有因河底石塊舊椿及柳根等項觸漏沈溺者押運等官免其失防處分將專管河務文武各員降一級調用兼管河務之地

方官罰俸一年查報不實之委員罰俸六月○三十年奏准官員將漕船沈溺情由不申報者降一級調用○三十七年奏准漕船在大江黃河洞庭洪澤等湖遇風漂沒勘實具題准予豁免領運地方官均免其處分如在大江黃河報在大江黃河者領運及地方官各降一級調用○四十二年覆准漕船在內河失風押運廳官失於防範按所轄各幫每幫一二隻者罰俸六月三隻以上者罰俸一年五隻以上者降一級留任毋庸將所轄前後各幫接算如船已滿號本丁自行雇募民船遇有風火事故聽其換船裝運糧米交納無虧失防領運地方各官俱免其議處

糧船失事○乾隆二十三年議准糧船被竊旗丁呈報本幫員弁移知地方官緝賊追贓被竊之船即隨幫前行不必守候至強劫重案必須待驗應令該領運官具報會勘後州縣立給印票催趕前進並將盜劫守候緣由報明漕督及巡漕御史查覈僅有兵役勒索失察之該管文武員弁照失察衙役犯贓例議處○三十



年奏准大通橋等處運米到倉。如有小賊截袋搶奪袋內流出之米。查伊父兄或伊主係官俱罰俸一年。○三十七年奏准糧船竊案。押運官罰俸六月。盜案押運官罰俸九月。儻有隱諱分別強竊。照例議處。○又奏准糧船水手為盜。押運官降一級調用。如水手行竊。押運官罰俸三月。○五十九年奏准糧船經由汎地。如有強劫之案。將地方官照城內民舍被劫。例查議被竊之案。照衙署被竊例查議。○又奏准糧船入境。除該地方原設有捕盜廳員。毋庸添派外。如糧船經由處所。並未設有捕盜廳員。應令該督撫於臨事酌派能事捕盜同知通判一二員。協同催趨官親往河干。實力查拏盜賊。如有疏防失事。即將派委之廳員降一級留任。○又奏准直隸河間天津務關各同知。滄州泊河各通判。裁後專管河務。令其督率各汛文武員弁。各按本管河岸。於糧船入境之日起。回空之日止。一體查拏盜賊。如能獲破大案。分別議敘。遇有疏防失事。降一級留任。至專管廳員及各州縣地方官。不得因有他員協緝。執行委卸。如有失事。仍

照例議處

盜賣漕糧。○順治初年定。旗丁於未經抵通之先。沿途盜賣米糧。押運同知通判等官。不行查究者。各降一級留任。○康熙四十三年議准。重運入境。責令該管道府州縣。往來巡查。如失察盜賣一起者。州縣官罰俸六月。道府罰俸三月。二起者。州縣官罰俸一年。道府罰俸六月。三起者。州縣官降一級留任。道府罰俸一年。四起以上者。州縣官降一級調用。道府降一級留任。○乾隆三年覆准。漕船抵通。如有交倉不足。無故挂欠者。一概不准買別幫餘米抵補。仍令倉場將挂欠之幫。逐一開明。移咨總漕。著落領運官丁分賠。於下年起解搭運。如運滿無完。照例參處。其有沿途失風失火事故等船。所運漕糧一時沈失。並搶救湮米等項。事出意外。令總漕查明沈失搶救湮米之數。報明戶部。移咨倉場。於本倉餘米內買補扣抵。不准在通購買交納。至於旗丁行月等項。日用餘米。抵通餘賸。今坐糧廳查明。給予驗票。准其售賣。如有私相買賣。抗粟二米。及交納不敷。官丁在通購買糧米。抵



補虧缺者。交與通永道並通州知州查拏究治。該道員知州。不實力稽查。被倉場及巡漕御史。擬拏獲。即題參。交部照失於查察例。罰俸一年。○四年覆准。失察盜賣一二起。合算米數至五十石以上者。將該地方官降一級留任。道府等官罰俸一年。失察一起。以至三起。合算米數至百石以上者。將該地方官降一級調用。道府等官降一級留任。○又覆准。州縣官一年內。能將盜賣漕糧拏獲二次者。紀錄一次。道府等官於所管境內。一年內。能拏獲四次者。紀錄一次。再有多獲。照此遞加。○三十七年奏准。旗丁盜賣漕糧。同知通判。不行查出。不及五十石者。罰俸一年。五十石以上者。降一級調用。二百石以上者。降二級調用。漕船回空。○康熙五十一年覆准。凡抵通運延之船。倉場勒限交糧回空。不可遲誤。新運。其不能依限回空者。令總督查明該省減存船數。依限兌運開行。如無減存船。即將本省漕船搭運。或本省漕船不能搭運。即行捐輸雇船。依限兌運開行。其遲滯船。來年開凍之時。沿途文武官

弁。速催抵次。如有不行設法雇船。依限兌運開行。即將在南之糧道。監兌州縣等官題參。照過淮違限例。議處。如有遲滯船。不行速催抵次。即將在北沿河催趨回空之文武各官題參。照催趨漕船定例內。回空違限。計時日分別議處。○六十一年覆准。副丁跟隨重運過淮。抵通交糧完日。押運官同隨幫官。逐名查點。令其管押頭舵水手回空。押運廳官所押尾幫船糧。起卸完日。坐糧廳即將批迴印發。呈送戶部查驗。令其押空南下。如坐糧廳押勒批迴。不行印發投驗者。聽該廳官呈報倉場。將坐糧廳題參。照抑勒遲延例。降二級調用。○又議准。押運官不候掣批。輒行押空回任者。罰俸一年。若不遵定例。管押回空。從陸路回省者。照差遣官員枉道例。議處。其回空船過淮違誤者。皆照重運過淮違限之例。議處。○乾隆三十年議准。回空船隻。裝卸柳束。俱各定限兩日。如違限。總河將該官題參。降二級調用。或值大修河工。將回空漕船裝帶柳束。由總河題明。如裝卸違限。亦照此例處分。○又奏准。押運官託故逗遛。不親管押回



空以致頭舵水手漫無約束沿途生事將該廳員照規避例革職○四十七年議准漕船回空途次山東北自臨清南至臺莊按奏定章程挨次放行毋許搶船滋事每年漕船重運盛行回空將到之際責令該管廳員駐宿河干專司彈壓道員往來稽查儻不稽查彈壓致有搶船等事將該廳員降一級調用道員罰俸一年儻船官故意留難勒捐照勒捐遲延例降二級調用○又定各省回空漕船限十一月內齊到兌次如押運官逾限一月以上罰俸六月二月以上罰俸一年三月以上降一級調用

欽定大清會典事例卷一百四

吏部

處分例銅錢私鑄私銷 行使廢錢 辨解

查禁私鑄私銷○康熙十二年覆准官員將私鑄錢及私銷大小制錢之犯實心訪拏不論本管地方及別州縣拏獲一起者紀錄一次二起者紀錄二次三起者紀錄三次四起者加一級○二十四年議准家奴私鑄銅錢毀化制錢其主不知情係官員降二級留任若知情者革職賃房之主知情照為從治罪不知情係官員降

一級留任其在城外地方或看守墳園家人私鑄毀化亦將其主處分若此等處看守家人將房賃與他人銷毀私鑄者將看守家人照伊賃房之主處分其主免議在屯莊地方領催知情照為從治罪不知情鞭一百其主及其所管之人皆免議至私鑄銅錢之鄰佑總甲十家長知情照為從治罪若不知情係官員降一級留任以上自行拏獲者皆免議○三十六年議准私鑄錢及私銷制錢該地方官知情任其私鑄私銷者處斬家產入官不知情失於覺察者在內



五城坊宮在外州縣一起降三級調用至二起者革職掌印兵馬司知府直隸州知州一起降二級二起降四級皆調用至三起者革職司道一起降一級二起降二級三起降三級皆調用至四起者革職五城御史直隸各省巡撫一起降一級二起降二級三起降三級皆留任四起降四級調用至五起者革職其不知情之地方官但能拏獲者不論年月遠近皆免其處分○雍正四年議准文官拏獲者並免同城之武官處分武官拏獲者亦免同城之文官處分接壤州縣此縣拏獲彼縣亦免處分○乾隆四年議准在京五城地方該管文職拏獲亦免該管武職處分該管武職拏獲亦免該管文職處分○十八年議准查拏私鑄之案必以首犯及匠人為重如果能實心拏獲照例分別議敘外其或查拏之時僅獲為從之犯而首犯及匠人脫逃者不得濫請議敘仍令勒限嚴行緝拏如不實力緝拏將該管官照命案緝兇之例扣限參處其接緝官亦照命案接緝之例察議○三十年奏准開鑄省分由部頒發樣錢照式鼓鑄將鑄

出錢文的解數百文送部查驗其鼓鑄數目動存工本等項俱按季造冊送部查數如所鑄錢文與部頒式樣不符或樣錢業經頒發該省並不即行鑄造者俱罰俸一年季報遲延照造報各項文冊遲延例按其違限日期分別議處○又奏准甫經置鑪做確製造錢模尚未鑄錢者該地方官不實力訪拏或經上司查出或別經發覺將該地方官照豫先不行查出例降一級調用○嘉慶二十五年奏改地方姦民私鑄錢文無論錢數多寡州縣印捕官知情故縱者革職治罪知府直隸州知州降二級調用其州縣印捕官止係失於覺察者每起降一級調用知府直隸州知州每起降一級留任自行查獲究辦者免議○又奏改甫經置鑪做確製造錢模尚未鑄成州縣印捕官自行查獲究辦者免議別經發覺降一級留任○又奏改五城地方姦民私鑄司坊官照州縣例分別議處○又奏改竈丁私鑄鹽大使照州縣例分司照府州例分別議處○又奏改家奴私鑄其主係官知情者革職治罪不知情者降一級留任其官員以房



屋租賃與人致有私鑄者亦照此分別議處自行查出送究者俱免議若看守墳園家人將房賃與外人私鑄私毀者伊主免議○又奏改私鑄月日在地方官公出期內者免議○又奏改私鑄之罪首犯與匠人同科地方官雖平時失於覺察但能訪查破案全行拏獲不論年月遠近次數多寡俱免其失察處分若由該地方武職拏獲文員亦准其免議○又奏改案由別處發覺該地方官能立將首犯及匠人拏獲或協同拏獲者俱免議若犯被鄰境拏獲照鄰境獲犯例減等議結○又奏改案由本處發覺該地方官僅獲為從之犯而首犯及匠人脫逃者止免其失察處分仍照命案緝兇例將承緝接緝官分別議處限內自行拏獲者免議若被鄰境拏獲亦照鄰境獲犯例減等議結○又奏改私鑄錢文甫經鑄成尚未行用地方官訪查破案能立將首犯及匠人全獲者無論本境鄰境每一起准其加一級○又奏改凡私銷制錢銅化銅私毀制錢銅錯之案地方官知情故縱者革職治罪知府直隸州知州降二級調用如止

失於覺察十千以上者州縣印捕官每起降一級調用府州降一級留任不及十千者州縣印捕官每起降一級留任府州罰俸一年一千文以下者印捕官罰俸一年府州免議如能訪查破案全獲首從者加一級○道光十四年諭道府為州縣親臨上司耳目較近嗣後每屆年終各州縣查明境內有無私錢照例出結後由該管道府覆查確實加結詳覈具奏如有結報不實一經查出即將該管道府一併參處○咸豐四年奏准大夥私鑄十人以上無論有無拒捕傷人州縣印捕官每起降二級調用道員府州每起降二級留任○又奏准私鑄拒捕州縣官諱匿不報或將數起報作一起者俱革職兼轄之府州降二級調用道員降一級調用如上司徇庇不參降三級調用○又奏准京外地方官失察私造鑄錢器具降一級調用如尚未行用即行訪拏與案犯並獲者無論本境鄰境每起准其加一級○又奏准私鑄之案如有在籍紳衿稟報係大夥私鑄得實者給予加一級係小夥並私造器具得實者紀錄一次鄰里士民首告得實者由地方



官酌給獎賞。○又奏准京內五城地方及外省府州縣衙門吏役如有徇隱包庇受賄賣放私鑄案犯等情。本管官故縱者革職止於失察犯該杖徒者降一級調用。犯該軍流者降二級調用。犯該斬絞者降三級調用。總以首犯之罪名為斷。司道失察者每案降一級留任。若本管官能自行訪出究辦者免議。○又奏准捕役以查拏私鑄大錢為由肆行搶奪挾嫌誣告失察之該管官照失察捕役誣良為盜例議處。已致死未致死者降三級調用。係已革捕役已致死者降三級調用。未致死者降一級調用。自行訪拏審出未致死者免議。已致死者仍照例議處。係匪徒冒充差役犯有前項情弊將地方官降一級留任。○又奏准姦民容隱私鑄人犯地方官故縱者革職。失於覺察降一級調用。○又奏准凡地方官拏獲大夥私鑄之案能將案犯全數緝獲者無論本境鄰境准該督撫奏請給咨送部引見。照獲盜人員議敘其並非大夥私鑄地方官訪查破案能將首犯及匠人全獲者如連獲三起以

上無論本境鄰境准該督撫併案奏請給予升銜其失察處分並准將拏獲之案分起抵免行使廢錢。○康熙四年題准明季廢錢及禁革舊錢攬和使用者如該管州縣官失於覺察一起降二級調用。二起降四級調用。三起革職。如督撫不力行疏通錢法仍行使用舊廢之錢或被科道題參或被旁人首告一起督撫罰俸三月。司道官罰俸六月。知府直隸州知州罰俸一年。二起督撫罰俸六月。司道官罰俸一年。知府直隸州知州降一級留任。三起督撫罰俸一年。司道官降一級。知府直隸州知州降二級。皆留任。○四十四年題准在內五城坊官在外州縣官如該管地方經紀鋪戶有販賣攬和私錢行使不行查拏一起降三級調用。至二起者革職。掌印兵馬司知府直隸州知州每一起降二級留任。至二起者降四級調用。至三起者革職。司道每一起降一級。二起降二級。皆留任。三起者降三級調用。至四起者革職。五城御史直隸各省巡撫每一起罰俸一年。至二起者降一級。三起者降二級。皆留任。四起者降三級調用。至五



起者革職。知府以下捕盜同知通判州縣以下吏目典史各照掌印官例運使照司道例分司照知府例鹽場大使照典史例以上議處官員有因公出境者免議。至有船戶夾帶私錢事發押船官員知情任其夾帶者革職。不知情者照地方官失察例降三級調用。○又覆准有將大錢運往外省販賣自外省將小低錢運至京城販賣者通行嚴禁。若經拏獲將錢入官販賣人照例治罪。凡經過地方州縣衛所官弁皆照失察私鑄例降三級調用。○雍正十三年覆准。前邊錢不許攙和行使。該地方官不嚴行收禁以致仍有翦邊錢行使者將奉行不力之該地方官議處。失察一次者降職一級。二次者降職二級。三次者降職三級。四次者降職四級。皆准其戴罪。限一年內拏獲私鑄一次者還職一級。二次者還職二級。三次者還職三級。四次者還職四級。失察五次者降一級調用。如地方官並上司不行訪拏仍有翦邊毀化至十千以上者照失察私鑄例。州縣吏目典史等官一起降三級調用。至二起者革職。知府直隸州知州同知通

判等官一起降二級。二起降四級。皆調用。至三起者革職。司道一起降一級。二起降二級。三起降三級。皆留任。四起降四級。調用。至五起者革職。如翦邊毀化不及十千者州縣吏目典史等官一起降二級。二起降三級。皆調用。至三起者革職。知府直隸州知州同知通判等官一起降一級。二起降二級。三起降三級。皆調用。至四起者革職。司道一起降一級。二起降二級。三起降三級。皆留任。四起降四級。調用。至五起者革職。巡撫一起罰俸一年。二起降一級。三起降二級。四起降三級。五起降四級。皆調用。至六起者革職。如數止千文以下者州縣吏目等官降一級留任。○嘉慶十一年奏准。凡地方有私鑄私銷翦邊不知情之地方官因公出境並自行訪獲或協同拏獲破案者俱免議。如犯被鄰境拏獲無論文職武職何處拏獲將失察之員並該管上司悉照案犯被鄰境拏獲例減等議處。辦解銅鉛。○康熙十四年議准。各省官員採買銅項並未起解。捏報起解者降二級調用。○雍正二年議准。各省分辦銅報解初次逾限將承



辦官革職留任委辦上司各官降二級留任許其展限四月戴罪承辦如仍不完將承辦官革任交部從重治罪別委能員接辦查有虧空著落家產追賠其委辦上司各官降二級調用並令分賠完結如參後六月內將銅買足解部交完者准予開復○乾隆二年議准二參四月限內能完至三分之二者免其革任治罪再寬限四月照數辦足解部如限滿仍未完解即將承辦之員革任交刑部從重治罪別委能員接辦查有虧空者著落賠補委辦上司照例降調分賠如參後六月內將銅買足解交亦准予開復至該撫報解之後即知會沿途官弁速催抵通如逾限不到將領解官革職戴罪管解委解上司各官降三級留任行令該地方確查是否捏報有無扶同具領中途盜賣等弊據實按律究擬並將沿途催趨官弁照催趨糧船不力例題參所欠銅著落本解官追賠委解上司各官分賠如參後三月內解部交完者亦准其開復○四年奏准各省採買銅解部覈驗如係低潮按依成色令原解官減價報銷其覈減銅色銀勒

限一年全完限滿不完降俸二級戴罪完納再限滿不完罰俸一年其所辦正項銅如係參後全完者雖覈減銅色銀未經完繳而議處之本案業已完結應准其照案開復至覈減銅色銀如逾限無完仍照降俸罰俸例分別議處○又奏准管理礦廠官員如有銅鐵等項鑪戶私運出廠不行查出者罰俸一年○七年議准滇省解送京銅自滇省至永甯計程二十三站各運官自滇省起程限二十三日到永甯如沿途逗遛至二十三日之外者照在京衙門行查事件承辦官遲延之例遲延一日至十日罰俸一月十日以上罰俸三月二十日以上罰俸六月三十日以上罰俸一年如果有中途患病及阻滯等情令該員呈明該地方官出具印結於參案內聲明以憑免議○十四年議准自永甯至漢口限四月漢口抵通限五月其漢口儀徵換船換翼之處漢口限四十日儀徵限二十日通計永甯抵通定限十有一月如逾限一月以上即行照例查參領解官革職戴罪管解委解各上司降三級留任如遇有守凍日期准沿途地方







照拏獲鄰境盜首及盤獲要犯例。每一名加一級。其有負罪潛逃之犯。混迹廠內。該廠員未經查出。別經發覺者。係命犯及夥盜藏匿。照失於查察例。罰俸一年。係盜首及通行緝拏要犯。藏匿。照不知情不申報例。降一級留任。如有知情容隱不解送犯事地方審擬者。照知情故縱例。革職。廠內未設專員。歸地方官管理者。亦照此辦理。○二十九年奏准。滇省各運京銅運抵北河。自頭撥抵通後。即上緊撥運。陸續抵通。即開過糧船擁擠。沿途阻滯。一時難於雇撥。令運員

先將實在情形報明地方官。加結報部詳覈。准其展限一月。即多者亦不得逾兩月。如有逾違。將承運官照例題參議處。○三十年奏准。官員領運銅鉛抵通。照額交局之後。將實在贏餘數目報明戶工二部。令崇文門監督按經過各關。應交稅課。覈算相符。聽其售賣。如有以多報少。隱匿等弊。將該運員照匿稅不納律。罰俸一年。○又奏准。礦徒聚集地方。該管官知情隱匿。不嚴行查拏者。革職。如係失於查緝。以致礦徒聚眾潛匿地方者。謹案礦徒潛匿地方。如並照地未聚眾開礦者。不在此例。照地

方私鑄該管官不知情失於覺察。例降三級調用。其已發覺不上緊查拏。以致礦徒逃遁。全未捕獲者。亦降三級調用。未獲礦犯。交與接任官照案緝拏。如已經查拏。獲犯未及一半者。降二級留任。勒限一年緝拏。限滿全獲。准其開復。僅限滿。僅獲一半者。降一級調用。限滿獲犯仍未及一半者。降二級調用。未獲礦犯。交與接任官照案緝拏。如一經查緝。即獲犯過半者。降一級留任。勒限一年緝拏。限滿全獲。准其開復。如仍未全獲。再罰俸一年。帶所降之級。照案緝拏。全

獲之日。准其開復。尋改為已查拏。未能全獲者。降一級留任。勒限一年緝拏。限滿全獲。准其開復。如仍未全獲。再罰俸一年。帶所降之級。照案緝拏。全獲之日。准其開復。如仍未全獲。再罰俸一年。帶所降之級。照案緝拏。全獲之日。准其開復。○又奏准。各省所有之礦。先行禁止偷創者。仍照舊嚴禁外。現在本處無產窮民。有獲微利。以養贍生計者。該地方官查明姓名註冊。令其開採。仍不時稽查。毋致生事。妄行不法。如有外省礦徒前往該地方聚集開採。及本處富戶。霸占設廠開採者。該管官員知情隱匿。不嚴行查拏。照溺職例。革職。該督撫徇庇不行揭參。降三級調用。加



級紀錄不准抵銷。○三十四年議准貴州解運鉛斤需員無多俱於現任州縣等官內派委管押雲南解運銅斤需用二十餘員如現任人員不敷派委應於現任同知通判知州知縣內遴派外其試用人員內擇其曾經委署州縣幹練能事之員一體派委未經委署之分發試用人員概不得濫派。○三十五年覆准廣西一切礦廠該管府州縣官照舊稽查外令各該道為總理隨時親履查察凡詳委事宜及礦勢應採應閉鑪座應改應增逐一秉公釐定如有商民呈請試採亦由該道督率勘實分別妥議移司轉詳。儻有以多報少侵隱偷漏縱容私宥情事該道即據實揭參儻或徇隱失察將該道一併參處其旬報季報及每年奏銷各冊俱由該管道員覈實移司彙辦如有遲延遺漏亦將該道一併察議該省巡撫布政使仍照例辦理。○三十六年覆准滇省開報新廠每年獲銅二十萬斤以上者督辦官紀錄一次三十萬斤以上者紀錄二次四十萬斤以上者紀錄三次五十萬斤以上者加一級八十萬斤以上者該撫專摺奏

請升用如有怠忽即隨時查參議處。○三十七年覆准廣西五金並產凡有礦砂可採詳明督撫批准試採均以二年為限果有成效即詳請具題抽課如逾限不報未經查辦之道員布政使及並不查明具題之巡撫均降二級留任。道光二年改為未能查辦之道員降二級留任布政使降一級留任督撫不查明具題罰俸一年。○四十年奏准各省委員赴雲南等省採辦銅錫鉛斤於採買完竣起運之後沿途無故遲延逾限不及一月者免議逾限一月以上者罰俸一年兩月以上者降一級留任三月以上者降一級調用四月以上者降二級調用五月以上者降三級調用半年以上者革職該督撫統於委員採辦事竣後覈明日期咨部查辦如沿途遇有阻滯實在不能趕運者准其報明該地方官出結轉報沿途督撫咨部准其扣算如有通同捏飾等弊照例分別議處。○又覆准委員運解銅鉛銀兩等項所執兵牌持赴各站黏貼印花以便驗票撥護有不赴站黏貼印花經下站查出即將該委員查參照不實力奉行例罰俸一年。○四十一年覆准保送運員由府州出具



考語由道加考移司詳送該督撫驗看有不勝  
委解之任者令其撤回另保如驗係衰庸將該  
委員照例降革休致仍飭另保送驗外仍將出  
考之府州加考保舉之道員數參照濫委解員  
例降一級調用轉送之藩司降一級留任如該  
督撫不加察驗據詳即委致有貽誤經部查參  
將該委員及該司道府等照例分別議處並將  
據詳即委之督撫照不行查驗例罰俸一年  
為照濫委解員中途無失例罰俸一年轉送之  
藩司罰俸六月如該督撫不加察驗據詳即委  
罰俸三月○又議准運京銅鉛沿途地方官照漕船

定例依限催趕所過省分有逾程限除運員並  
未逾遠統限者免其查議外如運員已逾統限  
沿途地方官照催趕漕船定例原限應行四日  
而行至五日以上者專催官罰俸一年督催官  
罰俸六月原限應行四日而行至六日以上者  
專催官降一級留任督催官罰俸一年原限應  
行四日而行至八日者專催官降二級留任督  
催官降一級留任原限應行四日而行至九日  
者專催官革職留任督催官降二級留任其餘  
程限多寡不同皆照此最算○四十七年奏准

滇省各銅廠除產銅無多之廠照舊辦理外其  
餘大小各廠俱按出銅確數畫分十二股按月  
覈計以十分之數查察其欠不及一分者罰俸  
六月欠一分以上者罰俸一年欠二分三分者  
降一級留任欠四分五分者降一級調用欠六  
分以上者降二級調用欠七分者降三級調用  
七分以上未及八分及八分以上者俱革職其  
缺額銅斤各員除令於一二月內補足至三月  
以後不能補交者查明實係礮水淹及廠勢  
衰微並非廠員辦理不善而缺額亦止一二分

者仍令留廠管辦統限一年之內按數補足若  
至一年以後不能補交者即行撤回入於考成  
冊內開參照例議處至缺額至三分以上者仍  
按月覈計查參即行照例分別議處降級革職  
亦仍令其在廠協同上緊催辦按數補足如一  
年後仍不足額應議降調者撤回應議革職者  
即發往新疆效力儻時非雨水廠尚可為實係  
廠員漫不經心任意廢弛以致辦銅短縮又不  
及時趕補經該督撫特參無論所欠分數俱照  
例革職發往新疆效力如辦銅各員能於月額



之外多獲銅斤至一分以上者紀錄一次二分  
 以上者紀錄二次三分以上者紀錄三次四分  
 以上者加一級五分以上者加二級再有數多  
 者以次遞加○又奏准雲南解運京銅自瀘州  
 領兌限三十五日開行以後及漢口換船換裝  
 定限九箇月二十五日統限十一箇月照漕船  
 定例依限抵通貴州解運京鉛自永甯領兌裝  
 運赴重慶鎔化在重慶雇船裝載限二十五日  
 自重慶開行以後及漢口換船定限八箇月零  
 十日統限九箇月零五日其有抵通遲延逾限  
 不及一月者領運官降一級留任委解上司罰  
 俸一年逾限一月以上者領運官降一級調用  
 尋增為委解上司兩月以上者降二級調用尋增  
 司降一級留任三月以上者降三級調用四月以上  
 者降四級調用五月以上者革職委解上司各  
 降三級留任若遇封牘封峽守凍及在川江大  
 河風信陡發水勢暴漲該督撫確實查明取具  
 沿途地方官印結送部准其扣除日期其平水  
 河道及尋常守風守水日期不准扣算如領解  
 官有在瀘州重慶耽延不按限開行之處許兌

交委員將兌足日期詳報稟明該督撫覈參悉  
 照沿途無故遲延例議處定限之外不准扣除  
 儘領兌不足或廠員紛發遲滯或陸運委員耽  
 延不能按期兌交以致運員遲延許運京之員  
 據實詳稟該督撫確查分別參處所有開行遲  
 逾日期准其於運員限內扣除如有沿途盜賣  
 虧缺情弊按律究擬革職治罪所欠銅斤著落  
 本解官追賠儘解官名下不能追賠照採辦洋  
 銅例於委解不慎之上司名下分賠並嚴加議  
 處尋增為仍將出考之府州加考保舉之道員  
 照委之督撫罰俸一年詳如參後三箇月之內  
 解部交完者准其開復○五十年

諭據舒常奏江西省護送錫船出境向係送至安徽東  
 流縣而止今廣東委員戴夢華運錫船隻經過東流  
 揚帆順流而下直至安徽懷甯縣始行交替江西營  
 縣均未失於護送所有違例越站各在委員請將巡  
 檢戴夢華咨部覈議等語錫船過境如果有違例夾  
 帶情弊恐該地方官查出擅行越站前進自應查明  
 參奏若並無情弊則揚帆順流而下正可多趨程途  
 以期迅速解到遲固當議處速亦致議處則為解員



者實亦難矣。茲戴夢華若因越站致干部議。將來委員人等勢必畏懼處分。遇有順風亦却帆停泊。等候交替轉致耽延。時日。是向例本未允協。嗣後凡遇鉛錫等船過境。該督撫飭屬照例護送。如有因順風不及停泊。越站前進。查無夾帶情弊者。止須將未經按站護送緣由。據實聲明報部。毋庸咨取委員職名。附參所有廣東委員戴夢華。即著免其議處。○五十四年。覆准各省委員赴滇採辦銅斤。如委員先後到滇者。則儘先到之員給發。其同時並到者。仍按各省道里遠近。先儘遠省之員。於委員到滇之日。即將應辦銅斤。指定廠所。仍將何廠撥銅若干斤。應定限若干日。統計何年月日可全數兌交。委員收領發運。開列清單咨部存案。俟奏報開行時。將廠員給領有無逾限之處。於摺內一併聲敘。戶部逐運查覈。如廠員有逾限不給者。即照運員在途逾限之例。一律議處。各廠兌給銅斤。如有低潮。准令委員稟明另換。若因換銅耽誤限期。仍將廠員照例議處。若委員漫不經心。並未稟換。至本省驗明不足成色。即將該委員查參。○五十五年議定。各省委員採買解

運銅錫鉛斤等船中途沈溺。該委員及地方官果能設法全數撈獲。並無缺少者。該督撫查明咨部議敘。准其紀錄一次。○又奏准。凡解運銅船來京。官員每運自兌收日起。限二十日收完。到局後。除前運兌收未完。准其扣展外。其解員患病。止許展限一月。如病滿一月之限。即責令該員家屬。或同省運解前後到局委員。眼同兌收。勒限完竣。如再有遲逾。將該監局及解員均各嚴參辦理。尋增為解員照抵通遠。延之上。司例議處。

○六十年

諭。昨巡視東城御史及步軍統領衙門奏。拏獲偷銅賊犯。均已交部嚴審定擬矣。向來官銅被竊。解員例有處分。而一經到部。解員及管押家丁人等。又須聽候傳訊。部中胥吏。轉得便宜。而解員未免需費畏累。是以偷竊之後。私自賠補。不肯即行稟報。以致日久賊犯無蹤。致稽捕獲。每次運京銅鉛。不下數十萬斤。分起運送。解員所帶家丁無多。豈能親身照料。嗣後遇有偷竊銅鉛之案。該解員務當立時報明。以便交步軍統領衙門五城順天府迅速嚴拏。獲犯之後。刑部止須向賊犯嚴切研鞫。不必傳訊解員及家丁人等。



以免守候至銅鉛攸關帑項既有失竊自應著落解員賠補其失察處分尚屬可原並著加恩寬免以示朕洞悉下情體恤周詳至意○嘉慶二年奏准運京銅鉛例內挂欠百分之一二准其按限賠補免其議處其例外短少銅鉛者戶部將因何短少之處咨查該省俟咨覆到日知照吏部議以革職暫予留任其應賠銀兩數在數千兩者於接到部文後限六箇月完繳一萬兩以上者限一年賠繳如不能依限全完即行革職該員革職之後接到部文能於半年內將應賠銀兩全數繳足該督撫具題准其開復留於該省補用如不能完繳即着會派各上司按股派賠其承運交兌足數者戶部帶領引

見後知照吏部查無事故照卓異之例升用○五年巡漕御史奏運河織造辦物船並銅鉛船隻以及木排等項恃強爭先接運糧船往往恣意攔阻請交各巡漕御史稽查管束等語糧船為天庾正供自應迅速艱運不可稍令稽遲其織造辦物船隻裝載上用物件固關緊要然較之糧船行走完可稍緩至於銅鉛船隻及木排等項亦非漕船可比乃往往於運河

內肆意橫行不特令商民船隻避讓甚至糧船北上亦恃強攔阻押解之員任聽水手爭鬧漫無約束此等惡習朕所深知嗣後著責成巡漕御史轉飭沿途文武員弁等將重運漕船催趕先行其餘船排等項令其尾隨在後挨次前進以期無誤正供儻該排船等不遵彈壓仍前恃強爭先一經查明即將押解之委員嚴行參辦以示懲儆○又奏准雲南貴州運京銅鉛遇有汎溺若係定例險灘沙河灘黑鐵關 大灘子灘小灘大虎跳巖灘小虎跳巖灘 東風灘大洪漕灘木孔灘 古竹灘四巖灘新開灘 地方官結報該省督撫移咨雲南貴州會疏題請免議在大險灘汎亦准免議 儻有不肖運員捏報江川等處汎溺地方各官扶同徇隱該督撫即據實題參將運員革職地方官降一級調用督撫徇隱具題亦降一級調用後降一級均 ○七年奏准運員領解銅斤自瀘州起程令店員將每起領解若干造具清冊開明所解銅斤總數內某廠銅若干斤交戶局某廠銅若干斤交工局其廠店各員並該管道府及運員銜名均於冊內開明並各加具並無低潮撓雜甘結隨冊申送共清冊



五本一本交運員收執四本申詳巡撫衙門該  
 撫存留一本三本咨吏戶工三部俟運員赴京  
 赴戶工二部交兌即將所齎清冊呈送局內查  
 驗收兌如局內驗有銅色在八成以下者即行  
 挑出俟事竣開具每起所解銅斤局內驗收足  
 色之銅若干挑出不足之銅若干均各註明廠  
 分銅斤查照原冊內銜名將某員應賠若干詳  
 開分數一併移送吏部俟賠限滿日分別已未  
 完交移送吏部覈辦○又定廠員分數統以一  
 起所解該廠之銅若干作為十分除已收外挑  
 出不足成色之銅若干即作該廠虧欠分數其  
 運員所解銅斤分交戶工二局統以一起所解  
 應交二局之銅作為十分除已收外挑出不足  
 成色之銅查係戶局若干斤工局若干斤統作  
 該員虧欠分數至店員及該管道府均以一起  
 所解銅斤若干作為十分其運員虧欠分數即  
 係店員及該管道府所欠分數均各詳按分數  
 分別議處○又定煎鍊銅斤係廠員專責處分  
 自應較重凡局內未收銅斤計該廠不及一分  
 者罰俸六月後改為一年一分以上者罰俸一年後

為二二分三分以上者降一級留任後改為降  
 二級留任  
 四分五分者降一級調用後改為降  
 二級調用五分以上  
 者降二級調用後改為降  
 四級調用七分以上者革職仍  
 留廠勒令賠交應完之項其原欠三分以下者  
 俟接到部咨後限三箇月賠交四五分以上者  
 限六箇月賠交七分以上者限一年賠交如按  
 限賠完即將降革之案題請開復儘不依限全  
 完原議罰俸者降一級留任原議降留者即照  
 所降之級調用原議降調者即行革職原議革  
 職者不准復行留廠仍留該省限一年賠完如  
 能於復參限內照數全完准其題請開復係降  
 革離任之員留於該省補用如再不完其降調  
 降留者無論分數一體革職所有應賠之項著  
 落該管上司分賠○又定店員虧欠銅斤處分  
 視廠員議減一等欠不及一分者罰俸三月後  
 改為六月一分以上者罰俸六月後  
 改為一年五分以上者降一級留  
 任後改為降  
 二級留任六七分以上者降一級調用後  
 改為降  
 二級調用即照廠員之限勒限賠繳應完之項如不  
 依限全完原議罰俸三月者罰俸六月後  
 改為一年



年原議罰俸六月者罰俸一年後改為原議  
 罰俸一年者降一級留任後改為原議  
 級留任者降三級留任後改為原議  
 即行革職仍留該省勒限一年賠完如能於復  
 參限內照數全完題請開復儻若不完無論分  
 數一體革職應賠之項著落該管上司分賠○  
 又定運員虧欠銅斤處分視店員又減一等欠  
 不及一分者罰俸一月後改為一分以上者罰  
 俸三月後改為二三分以上者罰俸六月後改  
 年四五分以上者罰俸一年後改為六七分以  
 上者降一級留任後改為照例三年無過開  
 復所有承辦銅斤如能全數交局例准帶領引  
 見照卓異之例并用如銅斤本無短少僅止成色不  
 足除虧欠在六分以上例應降留者不准列入  
 卓異班次外其在五分以上例止罰俸者仍准  
 帶領引  
 見照卓異之例註冊并用後改為數逾一分以上由  
 戶部將該運員扣除引  
 又定管理廠店道府視運員又減一等  
 欠不及一分者免議後改為罰一分以上者罰  
 俸三月後改為二分以上至四分者罰俸六月

後改為四五分以上者罰俸一年後改為六七  
 分以上者罰俸二年後改為一其廠店各員應  
 賠之項勒令按限督催如限滿不完原係免議  
 者罰俸三月原議罰俸三月者罰俸六月後改  
 年原議罰俸六月者罰俸一年後改為原議罰  
 俸一二年者降一級留任後增原議一級留  
 戴罪督催如店廠各員於復參限內全完或廠  
 員等逾限不完上司分賠全完者其降級之案  
 均准題請開復○又定京局未收銅斤勒令廠  
 店各員分賠限滿之日該撫即將何員繳足何  
 員未完之處造冊聲明分別議處開復不得以  
 一人未完致同案之員均行議處至該管上司  
 有督催之責如再限屆滿廠店各員仍有未完  
 之項將該上司議以降級留任者應俟一運內  
 全數完繳始准開復○又定戶工二局監督收  
 兌銅斤眼同運官覈驗銅色不得聽令胥役混  
 行收兌致滋高下其手之弊儻有色足八成之  
 銅而不行收兌及色在八成以下之銅不行挑  
 出者或別經發覺或經運員呈控即將該局監  
 督按照銅斤數目分別議處一千斤以上者罰



俸三月一萬斤以上者罰俸一年五萬斤以上者降一級留任十萬斤以上者降一級調用儻係有意刁難及徇私故收低潮入局者即將該監督革職治罪○十二年

諭。永保奏運員應賠銅斤腳價銀兩懇請量予寬限一摺據稱滇員領運至京沿途水腳路費及起撥撈沈在在均須賠墊差竣回滇已屬苦累而應追挂欠銀兩近年所定例限過於緊迫該運員等養廉所得無幾萬難責令於限內全完如逾限不完即應參革離任帶項終歸懸宕等語自係滇省實在情形嗣後運

員應賠銀兩數在一千兩以下者改限半年一千兩以上至三千兩者改限一年三千兩以上至五千兩者改限二年五千兩以上至一萬兩者改限三年一萬兩以上至二萬兩以內者改限四年完繳庶該運員等設措較易帶項不致虛懸所有近年運銅挂欠各員均著改照現定之例辦理○又議定運京銅斤例內挂欠百分之一二准其按限賠補免其議處其例外短少銅斤者戶部將因何短少之處咨查該省俟咨覆到日知照吏部議以革職暫予留任其應賠銀兩數在一千兩以下者限

半年完繳一千兩以上至三千兩者限一年完繳三千兩以上至五千兩者限二年完繳五千兩以上至一萬兩者限三年完繳一萬兩以上至二萬兩以下者限四年完繳均於接到部文後自運員回省之日起限如不能依限全完即行革職該員革職之後接到部文能於半年內將應賠銀兩全數繳足該督具題准其開復留於該省補用如不能完繳即著飭派各上司按股派賠其承運交兌足數者戶部帶領引見後知照吏部查無事故照卓異之例升用○又議

定運京鉛斤例內挂欠百分之一二准其按限賠補免其議處其例外短少鉛斤者戶部將因何短少之處咨查該省俟咨覆到日知照吏部議以革職暫予留任其應賠銀兩數在千兩者於接到部文後自運員回省之日起限六箇月完繳一萬兩以上者限一年賠繳如不能依限全完即行革職該員革職之後接到部文能於半年內將應賠銀兩全數繳足該督撫具題准其開復留於該省補用如不能完繳即著飭派各上司按股派賠其承運交兌足數者戶部



帶領引

見後知照吏部查無事故照卓異之例升用。○又議定雲南解運京銅自瀘州領兌三十五日開行以後及漢口換船換票限九箇月二十五日統限十一箇月照漕船定例依限抵通貴州解運京鉛自永甯領兌裝運赴重慶鎔化在重慶雇船裝載限二十五日自重慶開行以後及漢口換船限八箇月零十日統限九箇月零五日其有抵通遲延逾限不及一月者領解官降一級留任委解上司罰俸一年逾限一月以上者領解官降一級調用委解上司降一級留任兩月以上者領解官降二級調用委解上司降二級留任三月以上者領解官降三級調用四月以上者降四級調用五月以上者革職委解上司各降三級留任若遇封牘封峽守凍及在川江大河風信陡發水勢暴漲該督撫確實查明取具沿途地方官印結送部准其扣除日期其平河水道及尋常守風守水日期不准扣除既經運局通延將坐糧應大通橋監督查明分別議處如實係運員藉病展限以致遲延者令倉場侍郎查明如領解官有在瀘州重慶耽延不按

限開行者兌交官將兌足日期詳報不准扣除  
 僅領兌不足或廠員給發遲滯或陸運委員耽延不能按期兌交以致運員遲延許運京之員據實詳稟該督撫確查將遲延之員覈參照抵通逾限例議處其運京開行遲逾日期准其於運員限內扣除○二十五年奏准鑪戶私運銅鉛鐵錫出廠管理礦廠官不行查出罰俸一年其京局鑪匠盜賣銅斤該監督失於覺察亦照此例議處○道光二十九年奏准運員果能銅色純潔全無低潮由戶部聲明請

旨如奉

旨交部議敘者予以加一級從優議敘者加一級紀錄二次○咸豐元年奏准滇省辦運銅斤將廠名年分姓名整鑿清楚店員認真挑揀長運委員逐件揀提僅抵京交局仍有無字低銅即由戶部先將該委員職名咨送吏部於低潮處分之外再比照低銅分數予以處分如廠員店員通同舞弊亦即將廠店各員查明嚴參○又定督催銅廠之道府照兼管鹽務之道府例議處欠不及一分者停其升轉一分以上者降俸一



級二分三分者降職一級四分五分者降職三級六分七分者降職四級俱令督催停其升轉完日開復八分以上者革職○又定湖南辦解運京黑鉛領運官自長沙至漢口定限一箇月自漢口抵通定限五箇月廣東辦解運京點銅錫領運官自廣州抵通定限十箇月悉照運京銅鉛之例查數○又定銅鉛運抵通州壩口坐糧廳即親赴點驗秤掣領儲號房陸續撥運日以十萬斤為率一面知照大通橋接運並具報倉場衙門崇文門及戶工二局銅鉛運至大通橋該監督復加秤驗由朝陽門陸運赴局凡各運銅鉛各限兩箇月全數交局候兌其坐糧廳大通橋先後轉運仍責成運員管押如轉運遲延將坐糧廳大通橋監督查明分別議處係管押遲延將運員一併附參○又定每年滇省奏到銅運開幫時將沿途省分藩臬兩司開單請旨簡派一員經理俟船隻到境各派勤幹道府一員會同押運官照料出境遞相交替違限者查明省分照催趨漕船不力例分別議處

欽定大清會典事例卷一百五

吏部

處分例 鹽課奏銷 查禁私鹽 修築鹽池  
 查禁私茶 失察私鹽私茶因公  
 出境免議

鹽課奏銷○順治八年覆准鹽課欠不及一分者巡鹽御史再改為罰俸一年欠一分以上者降俸二級欠二分以上者降職一級欠三分以上者降職二級皆留任欠四分以上者降三級欠五分以上者降四級欠六分以上者降五級皆調用欠七分以上者革職尋增為未完初參照巡撫地丁錢糧  
初參例處分限二年催完如限內不全完照原參分數議處 ○康熙三年題准巡撫管理通省糧餉其鹽課考成欠一分者罰俸三月欠二分者罰俸六月欠三分者罰俸九月欠四分者罰俸一年欠五分者降職一級欠六分者降俸二級欠七分者降職一級欠八分者降職二級欠九分者降職三級欠十分者降職四級皆令戴罪督催停其升轉尋增為完日開復  
 運司提舉司分司大使等官係專管鹽課之官欠不及一分者停其升轉罰俸六月欠一分者罰俸一年欠二分者降職一級欠三分者降職



二級。欠四分者降職三級。欠五分者降職四級。皆令戴罪督催。尋增為完日開復。欠六分以上者皆革職。兼管鹽務之知縣。知州。知府。布政使。各道。欠不及一分者。停其升轉。欠一分以上者。降俸一級。欠二分三分者。降職一級。欠四分五分者。降職三級。欠六分七分者。降職四級。皆令戴罪督催。停其升轉。完日開復。欠八分以上者。革職。署運司提舉。司分司大使等官。欠不及一分者。罰俸三月。欠一分者。罰俸六月。欠二分者。罰俸九月。欠三分者。罰俸一年。欠四分五分者。降一級調用。欠六分七分者。降二級調用。欠八分以上者。革職。署印不及一月者。免議。署司道府州縣事兼理官員。欠一分二分者。罰俸三月。欠三分四分者。罰俸六月。欠五分六分者。罰俸九月。欠七分八分者。罰俸一年。欠九分十分者。降一級調用。署印不及一月者。免議。尋改為署任催徵督催處分俱照正官例。又題准。鹽課被參後。州縣大使等官。限一年全完。其年限內不完。不復作分數。照原參分數處分。州縣官欠不及一分。一年內不全完者。降一級。留任。再限一年。戴罪催完。如再不完。

照依所降一級調用。欠一分二分。一年內不全完者。降三級調用。欠三分四分。一年內不全完者。降四級調用。欠五分六分。一年內不全完者。降五級調用。欠七分以上。一年內不全完者。革職。運使提舉。司分司被參後。限年半全完。至運使提舉。係專管鹽課之官。應照布政使地丁錢糧例處分。如年限鹽課。係原被參之官。限內不完者。不復作分數。仍照原參分數題參。如係接徵接催官員。以到任之日為始。州縣大使等官。限一年接徵。布政使。道府直隸州知州。運使等官。限年半接催。督撫。限二年接催。如不能完。題參之日。照現在未完分數。以初參例處分。兼管鹽法之布政使。各道。並知府直隸州知州。被參後。限一年半全完。如欠不及一分。年限內不全完者。降職一級。停其升轉。尋增為完日開復。欠一分二分。年限內不全完者。降三級調用。欠三分四分。年限內不全完者。降四級調用。欠五分六分。年限內不全完者。降五級調用。欠七分以上。年限內不全完者。革職。各省兼管鹽法之巡撫。限二年全完。如



欠不及一分。二年内不全完者。停其升轉。欠一  
 分。二分。三年内不全完者。降職一級。欠三分。四  
 分。二年内不全完者。降職二級。欠五分。六分。二  
 年内不全完者。降職三級。欠七分。八分。二年内  
 不全完者。降職四級。欠九分。十分。二年内不全  
 完者。降職五級。皆令戴罪督催。完日開復。○十  
 二年題准。銷引欠一分者。停其升轉。欠二分者。  
 降俸一級。欠三分者。降俸二級。欠四分者。降職  
 一級。欠五分者。降職二級。欠六分者。降職三級。  
 欠七分者。降職四級。皆令戴罪督銷。尋改為欠五分者降  
二級調用。欠六分者降三級調用。欠七分者降四級調用。不准抵銷開復。任內有軍功錢糧加  
准其議抵。欠八分以上者革職。其戴罪督銷者。  
 限一年銷完。如年限內不完。照徐淮等倉錢糧  
 年限內未完例處分。如行鹽地方各官。有私派  
 戶口勒買銷引者。州縣官革職。未經察報之司  
 道府等官。各降三級調用。尋改為府州降三級調用。司道降二級調用。  
用。巡鹽御史。尋改為。暨兼理鹽法巡撫。不行查  
叅者。將御史。尋改為。降一級調用。巡撫。降一級  
留任。○又題准。鹽引不行題明。私自挪撥者。該  
管官降一級調用。巡鹽御史。尋改為。降一級留

任。兼管巡撫罰俸一年。其前官已完銷引不行  
 送部者。及題報鹽引遲延者。或申報鹽引前後  
 矛盾者。將該管官罰俸一年。巡鹽御史。尋改為。督催轉  
報之鹽法。暨兼管巡撫。各罰俸六月。○雍正七  
運使鹽法。暨兼管巡撫。各罰俸六月。○雍正七  
 年覆准。兩浙各場鹽課錢糧。令場官就近設櫃  
 徵收。原封解交各縣折兌。如係代徵之場官。其  
 初叅欠不及一分者。舊例罰俸六月。今免其議  
 處。欠一分者。舊例罰俸一年。今改罰俸三月。欠  
 二分者。舊例降職一級。今改罰俸六月。欠三分  
 者。舊例降職二級。今改罰俸九月。欠四分五分  
 者。舊例降職三級。四級。今改罰俸一年。均免其  
 停升督催。至欠六分以上者。舊例皆革職。今改  
 欠六分者。降職一級。欠七分者。降職二級。仍令  
 戴罪督催。欠八分以上者。即革職。嗣後代縣催  
 比之場官。原欠不及一分。年限內不全完者。舊  
 例降一級留任。今改罰俸六月。原欠一分。年限  
 內不全完者。舊例降三級調用。今改罰俸一年。  
 原欠二分。三分。年限內不全完者。舊例降四級  
 五級調用。今皆改降一級留任。再限一年督催。  
 如再不完。照所降之級調用。原欠四分。五分。年



限內不全完者舊例革職。今改降一級調用。原欠六分以上。年限內不全完者革職。如該場官催徵不力。許該縣提比經識。儻已徵錢糧。有挪移侵欺情弊。即行揭報。照挪移侵欺例。分別處分。若該縣平時不能稽查。致有虧空。別經發覺。將該縣照直隸州知州失察屬官虧空例議處。至有一場坐落兩縣者。其場官兩地未完分數。應合算併案處分。○又議准。各運使帶徵拖欠正雜鹽課。完至五萬兩以上者。紀錄一次。十萬以上者。紀錄二次。十五萬以上者。加一級。二十萬以上者。加一級。紀錄一次。二十五萬以上者。不論俸滿即升。○十一年議准。江南兩淮泰壩。令總督會同鹽政。於通省佐貳內。遴選委管。三年期滿。果能有益鹽務。出具考語。題請升用。○乾隆六年奏准。各省經徵鹽課。督銷鹽引。催徵各官。能於奏銷前催徵全完。或前官並未徵解。接任官於奏銷前催徵全完。總以一官全完一年課引者。無論正署。均照地丁錢糧全完例議敘。其兩浙代徵場官處分。本屬減輕。全完五萬兩以上者。准其紀錄一次。五萬兩以下。奏銷前

全數通完者。統計兩年合算。將兩年應徵之數。徵收全完。亦准其紀錄一次。通融銷售地方。不准議敘。正課雖完。再增耗並本年帶銷之項未完者。亦不准議敘。令該督撫鹽政。於題銷疏內。分析聲明。以憑查覈。如有未完。捏報全完者。照地丁錢糧捏報全完例議處。○十年議准。兩淮試用官員。委管泰壩鹽務。三年期滿。咨請議敘者。於得官日加一級。○十六年覆准。滇省管井。提舉大使等官。既專司督煎。其行銷鹽責成各屬。與井官無涉。嗣後鹽課奏銷。管井等官督徵職名。免其開列。至兼管井務之知府。同知。知州。知縣。大使等官。有本任兼銷鹽者。仍照例開列。其井官如按年督煎足額。照課款全完五萬兩以下。議敘之例。紀錄一次。若鹽井被水。以致墮誤。數至十萬斤以內者。限二年趨補。五萬斤以內者。限一年趨補。不及三萬斤者。限半年趨補。逾限不完。將原煎之數計作十分。按未完分數查參。照鹽課未完分數例議處。尋增為督催未完之鹽道亦照分數議處。若并非被災。偶因雨浸。滷淡煎辦不數。分別多寡。勒限趨補。如為數無多。限兩月之



內報完。其三萬斤以上至五萬斤者勒限半年。	五萬斤以上至十萬斤者勒限一年。 <small>每增為數至二三十萬斤者將該管井官罰俸一年。仍勒限一年。</small> 逾限不完者落井官賠繳課款。竈戶追繳薪本。如課項延緩不繳。即行指參。照官員本身雜項錢糧不完例議處。至於無故墮煎者。雖數止十萬斤以內。令該撫咨參到日。將該員照行鹽無術例。罰俸一年。至二三十萬斤以上。則廢弛鹽務。應即行題參。照溺職例革職。著賠銀兩追繳薪本。若隱匿墮煎。不按月造報者。照規避例報參。 <small>尋增為課薪等銀。俱著落該員追賠。</small>
三十年奏准兩廣兼管鹽務之司道府州縣官。欠不及一分者罰俸一年。欠一分者降職一級。欠二分者降職二級。欠三分四分者降職三級。欠五分六分者降職四級。欠七分者降職五級。以上俱令戴罪督催。俾其升轉。完日開復。欠八分以上者革職。專管鹽務運使提舉分司大使等官。欠不及一分者降職一級。欠一分者降職一級。罰俸一年。 <small>尋改為降職二級。</small> 欠二分者降職三級。欠三分者降職四級。以上俱令戴罪督催。俾其升轉。完日開復。欠四分者降一級調用。欠五分	

者降二級調用。欠六分以上者革職。其戴罪督催各官。如限滿不完。仍照原定鹽課限滿例議處。兼管鹽法之督撫初參限滿。俱照原定鹽課例議處。署印官催徵督催。俱照正官例議處。署印不及一月者免議。其接徵接催官員。俱以到任之日起。限滿不完。照現在未完分數。以初參處分。○又奏准長蘆州縣督銷鹽引。如實遇水旱災傷。鹽引不能銷售。經鄰邑代銷者。該督鹽該鹽政據實聲明。免其議處外。其並非災歉之歲。銷引不及分數。雖鹽已代銷。仍按其未完分數查參。照例議處。於次年詳加查覈。如能比上年多銷一分。准將上年處分題請開復。其本年查有未完分數。仍行照例查參。如不能多銷。或更不及上年分數。除上年處分不准開復外。仍按本年末完分數查參議處。統俟再次年比較多少。分別查辦。至本地督銷額引業至八分以上。其通融代銷。僅至一二分者。毋庸參處。○三十七年奏准。此縣之引賣與別縣者。未經查報之府廳官。罰俸一年。道員罰俸九月。布政使按察使罰俸六月。今無果。司處分。○四十年覆准。廣東福



建場員收鹽每年按額分作十分如額外收足  
 一二分者記功示獎三分以上者照一官全完  
 一年課引例紀錄一次其協辦效力委員能於  
 額外收足三分以上者准其遇缺題補至額內  
 少收各員應責令知府確查如係縱容私售以  
 致缺額即不論分數嚴參究審或因本年積雨  
 連陰實較往歲為甚則三分以下姑准記過至  
 四分以上者即行咨革各場委員今定為廣東  
各場委員  
 有經管應徵場課銀兩俱令就近徵解將經徵  
 正委各員職名一律造入奏銷冊內分別議敘

議處○五十四年覆准江西南昌等十府准鹽  
 未能暢銷皆由私販未能淨盡於建昌府屬之  
 新城瀘溪及饒州府屬之浮梁德興安仁等五  
 縣私販咽喉處所選派文武員弁各一員督率  
 兵丁巡役於水陸兩途分頭巡緝半年一次比  
 較今改為一果能於半年之內實力緝捕獲私  
 較多銷引溢額於足額之外多銷引一分以上  
 者紀錄一次二分以上者紀錄二次三分以上  
 者紀錄三次四分以上者加一級五分以上者  
 加二級遇有數多者以次遞加儻各該委員等

不實力查緝以致私販充斥銷引缺額其短銷  
 不及一分者罰俸六月一分以上者罰俸一年  
 二分三分者降一級留任四分五分者降一級  
 調用六分以上者降二級調用七分者降三級  
 調用七分以上未及八分及八分以上者俱革  
 職○五十八年覆准兩淮缺額今增為兩淮湖  
廣江西鹽銷鹽  
 引各員自一分至三分  
 者俱照前銷引例議處四分以上者降二級調  
 用五分以上者降三級調用六分以上者降四  
 級調用今定為照前  
例分別議敘七分以上者革職○五十  
 九年奏准各省鹽務項下如雲南盈積四川羨  
 截長蘆告領山東公費兩淮耗規浙江引規廣  
 東場羨廣西科鹽鹽羨土  
司餘鹽價羨併此各項銀兩經徵各員  
 有不按年徵完者該督撫查參照雜項錢糧未  
 完例議處○又奏准閩省官運長樂等五幫並  
 暫歸官辦之龍巖等十五幫州縣經手鹽課凡  
 遇新舊交代照地丁錢糧例定限兩月交收清  
 楚其有應行展限者亦悉照地丁錢糧限期一  
 例辦理造具冊結由府道藩司呈請咨部備有  
 虧缺短交即據實揭報參追如有盤限已滿冊  
 結尚未造送將遲延之州縣督催之道府分別



查參<sub>今增照地丁錢糧交代例查參</sub>○嘉慶四年奏准兩浙各場契稅許村等十九場松江府屬袁浦等六場如有逾限未完照雜項錢糧例議處<sub>今限為每年五月由</sub>運使<sub>數造報</sub>○五年奏准滇省各井款內每年共應借墊薪本等銀四十萬兩除原題官本六萬兩外其借墊借發銀三十四萬兩應令該撫將本年奏銷案內墊發銀兩數目即於次年奏銷時催完入冊造報如有未完照雜項錢糧例議處○八年覆准滇省各井鹽課除正額全完仍照向例給予議敘外有能額外溢徵者再按溢額銀數多寡照地丁錢糧全完例分別給予議敘至短煎短銷參欠未完之項全在經徵及接徵之員實力帶趨銷徵凡初參限外接徵之員及經徵官復參限滿降調抵銷未致離任者俱照雜項錢糧例另起參限議處三參限滿無完即行分別著賠如接徵之員能於一年限內趨補全完而本任年額並無短欠者亦照地丁錢糧例本任應敘之外另予議敘○九年奏准兩淮各場產鹽額數以十分計算按年題報如該場員等不能實力奉行以致缺額不及一分者罰

俸六月一分以上者罰俸一年二分三分者降一級留任四分五分者降一級調用六分以上者降二級調用七分者降三級調用七分以上者革職如能於正額之外溢額一分以上者紀錄一次二分以上者紀錄二次三分以上者紀錄三次四分以上者加一級五分以上者加二級遇有數多者以次遞加○十九年奏准直省各州縣應解包課銀兩如有未完覈計分數照兼管鹽務之州縣未完分數例議處○又覆准鹽道統計所屬作為十分如鹽引缺銷照地方官未完分數處分○二十年議准閩省官辦鹽課年徵年額實欠實參如一年內有兩官交接者以前官為經徵官後官為經接徵官各按在任月日覈計未完分數造報題參照兼管鹽務之州縣初參未完例分別議處若參後一年限滿無完將原參之經徵官經接徵官無論在任卸事總將的欠之員據實開報照鹽課復參未完例分別議處其再接再任之員毋庸開報○又議准閩省各場應徵坵折課費銀兩有場縣各半分徵者照勻徵額數分別開報有歸各該縣



廉丞經徵者。各歸各款分別開報。其已改隸鹽大使專管者。均責成各該場員。依限徵解。如有未完。覈計分數。將該場員職名開參。照專管鹽務之大使等官鹽課未完例。分別議處。至官辦鹽務。各幫之長價等項雜款銀兩。奏銷時如有未完。即將經徵官照雜項錢糧未完例。議處。積欠銀兩。酌量欠數多寡。分限勒催。如有未完。即將應完之員。比照現任官員應完代賠銀兩例。分別議處。○道光二十六年題准。山東省官辦鹽務州縣。凡遇交代。照地丁錢糧例。依限交代清楚。僅有遲延。分別初參。二參。正展各限。悉照地丁錢糧交代例。查參。○又議准。鹽政合計所屬。初參欠不及一分者。停其升轉。罰俸三月。欠一分者。罰俸一年。欠二分者。降俸二級。欠三分者。降職一級。欠四分者。降職二級。欠五分者。降職三級。欠六分者。降職四級。俱令戴罪督催。完日開復。欠七分以上者。革職。○又議准。鹽場大使被參後。限一年全完。如限滿不完。不復作分數。仍照原參分數題參。照州縣官地丁錢糧例。原欠不及一分。年內不全完者。降一級留任。

再限一年催徵。如又不能完。照所降之級調用。原欠一分。年內不全完者。降三級調用。若年內果能上緊催徵。止一二釐未完者。議以降三級留任。再限一年催徵。如又不能完。照所降之級調用。原欠二分。年內不全完者。降四級調用。原欠三分。年內不全完者。降五級調用。原欠四分以上。年內不全完者。革職。分司被參後。限年半全完。如限滿不完。照場大使例。議處。鹽運使提舉司。被參後。限年半全完。原欠不及一分。年內不全完者。降一級。戴罪督催。再限內不全完者。降二級。戴罪督催。三限內仍不全完。降三級調用。原欠一分至四分。以上。年內不全完者。俱照大使例處分。鹽政被參後。限二年全完。如限滿不完。原欠不及一分者。罰俸一年。一分以上者。降俸二級。二分以上者。降職一級。留任。三分以上者。降職二級。留任。完日開復。原欠四分以上者。降三級調用。五分以上者。降四級調用。六分以上者。降五級調用。七分以上者。革職。○又議准。督銷鹽引未完。被參之後。嗣經奏准停運銑銷。原參官已無承銷之責。應



照錢糧續奉編緩之例。將原參處分。一律改議完結。

查禁私鹽。○康熙十五年題准。官員該管界內。有本官衙役私行煎販。或私賣者。本官不能覺察。別經發覺者。革職。其軍民人等。在伊界內私行煎鹽。或私賣者。不能覺察。別經發覺。降三級調用。兼轄官降一級。罰俸一年。如該管官自行拏獲者。免議。○又題准。凡旗人兵民。聚眾十人以上。帶有軍器。與販私鹽。失於覺察者。將失事地方專管官革職。兼轄官降二級。皆留任。限一

年緝拏。獲一半以上者。復還官級。若不獲者。照此例革職降級。該督撫巡鹽御史。如有失察官員。徇庇不行題參。照徇庇例議處。專管官。一年內拏獲十人以上。帶有軍器。大夥私販。一次者紀錄一次。二次者紀錄二次。三次者加一級。四次者加二級。五次者不論俸。即升。兼轄官。一年內拏獲三次者。紀錄一次。六次者紀錄二次。九次者加一級。拏獲次數多者。均照次數紀錄。加級。專改為拏獲十二次者。加一級紀錄。○三十一次。再有多獲。每三次。照此遞加。○三十一年。覆准。十人以上。帶有軍器。與販私鹽。失察各

官。係本處拏獲一半者。免其處分外。其本處雖未拏獲。被別處全獲者。亦免其處分。若別處雖拏獲。少一二人者。仍照例分別革職降級留任。緝拏處分。至限年緝拏之後。計未獲人數。拏獲一半以上者。將拏獲各官。原參降級革職留任之案。准其開復。未經拏獲各官。仍照二參例處分。已經全獲者。不論何處拏獲。將原參各官降革留任之案。一例開復。○三十九年議准。私梟黨眾。官兵不能拏獲。或止獲一二名。及兵丁被殺傷者。專管官兼轄官。皆免其處分。限一年緝

拏。如不獲。仍照舊例處分。照失察大夥私鹽例處分。○又議准。大夥與販。聚眾拒捕。及執持器械。殺傷巡拏人等。脫逃之梟徒。照緝拏強盜例。勒限嚴緝。務獲。按律擬罪。倘有不行擒拏。故為疏縱情弊。將該地方專管官革職。兼轄官降二級調用。如上司容隱不參。將上司照徇庇例議處。○四十四年題准。小夥與販私鹽。該管吏目典史。知州。知縣等官。失察一次者降職二級。失察二次者降職四級。皆留任。戴罪緝拏。一年限滿無獲。罰俸一年。各帶原降之級。緝拏如又年限已滿不獲。



仍罰俸一年。各帶所降之級。緝拏。拏獲私鹽之日。皆准其開復。失察三次者革職。道府直隸州知州等官。失察一次者降職一級。失察二次者降職二級。失察三次者降職三級。皆留任。戴罪緝拏。一年限滿無獲。罰俸六月。各帶原降之級。緝拏。如又年限已滿不獲。仍罰俸六月。各帶所降之級。緝拏。拏獲私鹽之日。皆准其開復。失察四次者降三級調用。至上司因屬官失察。帶所降之級。緝拏。自行拏獲者。因應開復。若原案內。所轄屬官降級之案。因拏獲私鹽開復。其本案之上司。亦准其開復。○又議准。小夥鹽徒拒捕。殺傷兵丁。不能擒獲者。仍照例處分。照失察小夥私鹽例。分別議處。全獲者免議。拏獲一半者。專兼統轄官。免其處分。餘賊限一年緝拏。如一年內不獲。將專管官罰俸一年。兼轄官罰俸六月。統轄官罰俸三月。餘賊照案緝拏。○五十六年題准。地方各官。失察外省棍徒。來境私販。仍照定例。按次處分。有能拏獲私販千斤以上者。將該管官覈實題請紀錄。如有不肖官員。貪圖紀錄。將貧難軍民。肩挑背負。易米度日之人。

及外省來貿易之平民。濫作私販查拏。私用非刑。害人致死者。將該員照誣証良為盜例。革職。如未經致死者。將該員降一級調用。○雍正二年議准。販私鹽梟。由他處入境。巡役緝拏。拒捕殺傷。或當場人鹽並獲。或於疏防限內。拏獲過半以上者。將事由據實呈報咨部。免其疏防處分。餘犯照案緝拏。其有大夥興販。隱諱不報。及人鹽並獲。輕為開脫者。將專管官革職。兼轄官降二級調用。尋增為上司拘庇不參。降三級調用。不知情者。各照失察私鹽例處分。○六年議准。鎮江插口。盤查私鹽。責成江常鎮道。督同鎮江府。及海防同知。就近分班輪流盤驗。無論糧艘兵船。大小差船。均令親身查驗。如有夾帶整包私鹽。即行拏究。照興販律治罪。其一切水陸私販。並嚴飭該管官分頭緝拏。如有疎縱失察。照例參究。仍嚴禁官役。毋得借拏私鹽名色。故意抑勒商民。需索進插使費。僅該道員不能實力整頓。或有夾私而不能緝拏。或有勒索而不能懲禁。該督即行指參。失察私鹽。照失察例處分。不能懲禁勒索。照失察衙役犯贓例處分。不能察禁屬官。照約束



不嚴例處分。○乾隆元年覆准。森徒搶奪鹽店。及開闢場窰等事。地方文武官弁。即行拏獲。究出主使同夥。如獲犯過半。並獲首犯者。仍參疏防。照依盜案之例。免其處分。如獲犯不及一半。或不獲首犯者。照依盜案例參處。限年緝拏。限滿不獲。亦照盜案例處分。如平時漫無約束。臨事不即擒拏。有意姑息。致長刁風者。即將該管官弁題參。照溺職例革職。各犯交與接任官。照案緝拏。該管巡道府廳直隸州知州等。不行揭報一併查參。專增為照給照。私上司例處分。如地方官弁整

飭有方。鹽引疏銷。私販敘述。一年之內。並無應參之業者。紀錄一次。今增為二年無應參之業者。紀錄二次。三年之內。整飭有方。鹽引疏銷。私販敘述。並無應參之業者。准其加一級。若有司希圖議敘。隱匿不報。或將大夥之案。捏作偶然湊合。巧為開脫者。照失出例處分。○七年奏准。銜役私行煎販。該管官自行拏獲者。免議。或自行查出。未經拏獲。詳報通緝者。皆照例革職。降級留任。限一年緝拏。逾限不獲。即行革職。其兼轄之上司。免議。如旗人私鹽事發。其主俸官罰俸兩月。如本官自行

拏獲者。免議。至官員行鹽無術。以致商販不前。或不遵行食鹽舊例。藉端不行鹽者。皆罰俸一年。若苦累需索。以致商販不前者。降一級調用。○二十四年覆准。江蘇泰州屬各場海灘蕩地。原為蒿草煎鹽。無論隄內隄外。概禁開墾。飭令場員查丈。造具業戶花名項畝。四至清冊。送部備查。並挑挖深溝築立圩岸。立石分界。場員不時履勘。具結通報。如查有續墾地畝。將該地戶按律究治。該分司場員自行查出者。免議。失察之該場員。計畝處分。一畝以上。記大過一次。五

畝以上。罰俸一年。十畝以上。降一級留任。明知故縱。照溺職例革職。審有賄縱。計贓治罪。分司不行揭報。計案處分。每一案記過一次。三案以上。罰俸一年。十案以上。降一級留任。故縱者亦照溺職例革職。○二十八年覆准。收買私鹽。船載車裝。馬馱絡繹。應照無引私鹽律治罪。不得藉口買自店家。本屬官鹽。曲為開脫。地方官拏獲私鹽。如作官鹽杖責完案。照故出人罪律參處。○三十年奏准。運使運同運判。鹽場大使。係專管鹽務之員。如窰丁販賣私鹽。大使失於覺



察者革職。知情者革職。交部治罪。運同運判失察一次者降職二級。失察二次者降職四級。俱留任。戴罪緝拏一年。限滿無獲。將運同運判等官罰俸一年。各帶原降之級緝拏。如又年限已滿不獲。運同運判仍罰俸一年。各帶所降之級緝拏。尋增為拏獲之日。准其開復。或拏獲別案。私鹽亦准其抵銷開復。無獲按限開復。失察三次者革職。運使失察一次者降職一級。失察二次者降職二級。失察三次者降職三級。俱留任。戴罪緝拏一年。限滿無獲。罰俸六月。帶原降之級緝拏。如又年限已滿不獲。仍罰俸六月。帶所降之級緝拏。尋增為拏獲之日。准其開復。或拏獲別案。私鹽亦准其抵銷開復。無獲按限開復。失察四次者降三級調用。○又奏准。鹽船失風失火。責成州縣官會同營員查勘確實。限一月內出結通詳。鹽道於詳到日起限半月內覈轉。以憑飭商補運。限三箇月過所運岸。仍令沿途督撫及該管鹽道。知府直隸州隨時查察。如實係失風失火。而有勒索捺攔及受賄扶同捏報情弊。即將該員指名題參治罪。如將淹消火燬之案。勘訊不實。即行揭報。後經發覺者。將揭報不實之員。照不行查明給結例

罰俸一年。○又奏准。湖北之宜昌及湖南之衡州等處。鄰省最易透漏私鹽。令湖廣總督在湖南湖北兩省內。各揀選勤幹府佐一員。擇適中緊要地方。令帶領本衙門原設人役。駐紮稽察督率巡查。一應緝私事宜。率同巡商悉心辦理。如督緝有方。著有成效。三年後將該員題請從優議敘。尋改為照江西緝私委員之例議敘。並飭鹽道不時查察。如該員巡查不力。徇私廢公。或藉端需索。或擾累巡商。即據實揭參。尋增為照鎮江鹽道盤驗之例議處。徇隱不揭。經督撫鹽政查出糾參。即將該道一併參處。今增為降三級調用。○又奏准。官員不能拏獲私煎。反給印照私販者。革職提問。上司知情故縱者亦革職。一併審究。失察者降一級留任。再罰俸一年。○又奏准。廣東東莞新會等十三埠。從前各商設立坐標。私收漁戶幫餉。又於各墟場鎮市。設立館舍。凡遇鹽魚鹽菜等物。勒令納稅。別立行標。苦累貧民。甚至勾引梟販。給標照運。衝賺他縣引餉。均嚴行禁革。如仍有犯者。照例治罪。該管各官。不覺察詳報。照失察私鹽例議處。知情故縱者。與該犯一律治罪。受財者計贓



以枉法治罪。有能拏獲姦商乾標私抽實據。首報到官者。量行給賞示獎。僮承審官徇情故縱。照徇庇例參處。○又奏准。已撫鹽梟復行販私。審實者。將本犯解部發遣。其出結之地方專汛。兼轄及該管各官。俱照失察卦子例議處。尋改為照失察。換人丁為盜例。降一級調用。○又奏准。兩淮鹽斤。俱係淋瀝煎熬。全資蕩草。各場如有地棍姦竈。將蕩草私販出售漁利。致誤攤煎者。將不行查禁之場員。照管理礦廠官員有銅鐵私運出廠不行查出例。罰俸一年。分司州縣。照不嚴行查拏例。罰俸三月。○又奏准。地方官拏獲私販。務將人鹽實數詳報。私鹽例應入官。不得一毫隱諱。如將所獲私鹽侵蝕分肥。並大夥拒捕之案。從中漁利。將人鹽數目。以多報少者。該管官弁。題參革職。計贓照枉法律治罪。其未侵匿者。照徇隱例議處。上司知情故縱者。照徇庇劣員例議處。雖不知情而未揭參者。照不揭參劣員例議處。○三十七年奉

旨。地方私鹽承緝不嚴。官引必致壅滯。在江省各屬文武員弁。以所行乃浙省鹽斤。未免意存歧視。雖有緝

私之名。不肯實力從事。而浙江鹽政。又以緝私官弁兵役。皆隔省所轄。呼應不靈。松所鹽務之疲。率由於此。從前李衛以浙江總督兼令節制江南捕盜諸事。是以緝私盡力。鹽法暢銷。然亦間有過當之處。其後歷任巡撫兼管鹽政。未嘗無考覈緝私之責。而今不能行之江省。地方官往往陽奉陰違。因循已非一日。不知行鹽已在隔境。而銷引同屬辦公。司釐者固不便因鹽務所在之區。越俎干預他事。其有關鹽政者。原可隨時覈計。如果江省地方官。視緝私為具文。不知留心整頓。以致梟徒充斥。膜視誤公。即當指參一二。予以應得處分。各員弁等。自不敢仍前玩忽。干咎若僅如戶部所議。專責江省大吏督查。恐日久尚成故套。於浙鹽仍無裨益。嗣後松所緝私之事。除交江省督撫董飭各該地方文武。盡力嚴拏外。僅有稍分畛域。不肯實心緝私者。並准浙江巡撫覈實奏。照例議處。該上司等亦難辭督率不嚴之咎。如此則江省有司。既無敢膜視卸肩。而松所商人。亦無由推託藉口。方為兩得。○又覆准。滇省各鹽井鹽斤。如有竈丁攬和沙土。照例治罪。管井之提舉大使等官。係縱容者。照將沙土攬和漕糧押運官不行查



禁例革職止於失察者。照失於覺察例降一級調用。其兼管井務之府州縣等官。縱容失察亦照此分別議處。係知情受賄。應照枉法贓從重治罪。再改為革職治罪其攬和鹽斤。在井查出。勒令竈戶照數改煎。發運出井。著落井官名下煎賠。如承銷州縣明知徇隱一體著賠。仍照徇隱例革職。再定為通例不專指漢者○四十三年覆准。拏獲私鹽承審各官。務先究明買自何人何地。係何場竈透漏。有無窩頓之家。運往何處囤賣。並買鹽月日。鹽斤數目。提集犯證。並密提竈戶煎鹽火伏簿扇。審無証攀確據。按照律例治罪。該管地方官並場員。分別何員失察。將何員議處。不得聽該犯指供含糊。參處。僅承審各官。不將証攀情由審出。即照不能審出盜賊証攀良民例。分別議處。如任犯狡供。仍以買自不知姓名。率混具詳。不能究出私鹽來歷。及運往何處囤賣實情者。革職。或聽其指供含糊。請參。草率完結者。照不取緊要口供例。分別議處。○四十五年奏准。販私鹽梟。由他處入境。人鹽並獲。或拏獲過半者。免其處分。餘犯照案緝拏。其有經由地方並無

販賣情事。經別處發覺者。係大夥將地方專管官罰俸一年。小夥罰俸六月。○五十二年覆准。湖北宜昌府屬之歸州。巴東。興山。長陽。四州縣。例准買食川鹽。每人不得過十斤以上。如有彙總承買。並藉端轉相貨賣。及他州縣民人。影射越買者。俱照興販例從重治罪。失察之地方官。照失察興販私鹽例議處。仍於東湖縣屬之平善壩。南津關等處。設卡巡查。派委員弁。嚴行偵緝。再改令宜昌府通判督率偵緝。如有失察。亦照地方官失察私鹽例議處。地方官有餽送委員銀兩者。嚴參從重治罪。再改為革職治罪

失察之該管上司。一併查明。送部議處。再增為屬員與上司子姪交結例議處。○嘉慶五年奏准。小夥私鹽出境。及鄰邑私鹽入境販賣。不能擒獲。州縣吏目典史等官。照竊案滿貫例查參。若拒捕殺傷人者。按次數查參。同日出境。同日入境。為一次。失察一次者降職二級。失察二次者降職四級。俱留任。戴罪勒限一年緝拏。限滿不獲。罰俸一年。各帶原降之級緝拏。如又年限已滿不獲。仍罰俸一年。各帶所降之級緝拏。拏獲之日。准其開復。或拏獲別案私鹽。亦准其抵銷開復。無獲按限開復。失察



三次者革職。道府直隸州知州等官。失察一次者降職一級。失察二次者降職二級。失察三次者降職三級。俱留任。戴罪緝拏。限滿不獲。罰俸六月。各帶所降之級。緝拏如又年限已滿。仍罰俸六月。帶所降之級。緝拏。限滿不獲。仍開復。失察四次者。降三級調用。道府就一屬。計次數不通屬。或拏獲別案私鹽。亦准其抵銷開復。無獲。按限開復。失察四次者。降三級調用。道府就一屬。計次數不通屬。又奏准。梟徒販私。聚眾十人以上。帶有軍器。拒捕殺傷人者。州縣印捕官。降二級留任。道員府州。罰俸一年。俱限一年緝拏。限滿不獲。專管官照所降之級調用。兼轄官降一級留任。至失察大夥私販。拒捕。限內拏獲及半者。專管官罰俸一年。兼轄官罰俸六月。餘犯再限一年緝拏。限滿不獲。專管官降一級留任。按限開復。兼轄官罰俸一年。餘犯俱照案緝拏。鄰境全行拏獲者。照例減等議結。鄰境拏獲未全者。仍照例處分。○九年奏准。鹽場大使。失察竈丁透私。如能立時自行拏獲者。免議。或自行查出。未經拏獲。詳報通緝者。革職留任。限一年緝拏。限內全獲。並拏獲過半。兼獲首犯者。准其開復。逾限不

獲。仍革職。如犯被鄰境拏獲。將革職留任之案。按年開復。此等自行查出。詳報通緝者。兼轄之上司。俱准免議。若並非自行查出。詳報通緝者。鹽場大使。仍照例革職。毋庸限緝。兼轄之運同。運判。運使等官。仍按其次數。照例覈辦。至鹽場各官。果能留心巡緝。拏獲鄰境別場販私。即照地方官拏獲鄰境私鹽之例。按其次數。分別議敘。○又議定。地方有梟徒搶奪鹽店。及開闢場窰等事。文武官弁。即行拏獲。究出主使同夥。如獲犯過半。並獲首犯者。免其處分。如不能獲犯。與獲犯不及一半者。照盜案例題參議處。限年緝拏。限滿不獲。亦照盜案例處分。如獲犯過半。未獲首犯者。照務獲盜首例。參處限緝。如平時漫無約束。臨時不即擒拏。有意姑息。致長刁風者。將該管官弁革職。各犯交與接任官照案緝拏。該巡道府廳直隸州等。不行揭報。一併查參。照給照販私上司例處分。○道光二十九年奏。准。森商捏報淹消。蒙領護照。及部引未領。先請給發配運到岸。地方官扶同捏報者。革職。拏問。該運司並不查明。遽行發給護照者。照徇庇例



降三級調用。僅地方官止係失於覺察。致被蒙混轉詳者。降三級調用。未經查出。給發護照之運司。降一級調用。○又奏准。長蘆委員於漕船回空。如有漏私數在一百包以上者。罰俸一年。一千包以上者。罰俸二年。一萬包以上者。降一級留任。十萬包以上者。降一級調用。僅能認真查緝。並無漏私。給予加一級。○又奏准。山東省北陸路各州縣。與直隸毗連。受蘆私侵占。南運商邱等州縣。與淮北接壤。時虞侵灌。其票地之蘭山等州縣。與海賴接壤。准私侵占。直灌嶧滕。應令該地方官督同商巡。實力堵緝。如有吏役得規包庇。明知故縱者。革職。止係失於覺察。犯該杖徒者。降一級留任。犯該軍流者。降一級調用。犯該斬絞者。降二級調用。○同治十二年奏准。凡軍民人等。私行煎販。該管地方官失於覺察者。革職。兼轄官降三級調用。自行訪拏究辦者。免議。若雖經查出。詳報通緝。而未能獲犯。將該管官降四級留任。限一年緝拏。限滿不獲。照所降之級調用。兼轄官查出者。免議。未經查出。降三級留任。衙役私行煎販。本管官失於覺察。

者。革職。兼轄官降三級調用。自行訪拏究辦者。免議。若雖經查出。詳報通緝。而未能獲犯。將本管官革職留任。限一年緝拏。逾限不獲。即行革任。兼轄官查出者。免議。未經查出。降三級留任。○又奏准。專管地方之印捕官。一年內能拏獲小夥私鹽一起者。紀錄一次。二起者。紀錄二次。三起者。紀錄三次。四起者。加一級。每案二起。照此遞加。兼轄之道員府州。一年內統計所屬。拏獲小夥私鹽三起者。紀錄一次。六起者。加一級。每案五起。照此遞加。專管官。一年內能拏獲大夥私鹽一起者。加一級。二起者。加二級。三起者。不論俸滿即升。兼轄官。一年內統計所屬。拏獲大夥私鹽一起者。紀錄二次。二起者。加一級。三起者。加二級。每案一起。照此遞加。○又奏准。凡地方官拏獲鄰境鹽梟拒捕。戕斃官弁。以及捕役兵丁之案。准該督撫奏請送部引見。其並無戕斃官弁。兵捕情節者。仍照拏獲小夥大夥。議敘本例辦理。○又奏准。本地私鹽興販出境。及鄰邑私鹽入境販賣。該管之州縣吏目典史等官。不能擒獲。扣限六箇月查參。係小夥私



鹽不及十人為小夥將該管官罰俸二年再限一年緝

拏限滿不獲降一級留任鹽犯照案緝拏係大

夥私鹽十人以上及帶軍器者為大夥將該管官降一級留

任再限一年緝拏限滿不獲照所降之級調用

○又奏准私鹽出境過境入境經武職汛員及

交界處所之州縣能將人鹽並獲者概免本境

官失察處分如本境印捕官僅獲鹽斤而人犯

未獲僅獲人犯而鹽斤未獲者將失察處分減

等議結應降一級調用者減為降一級留任應降一級留任及罰俸二年者均減為罰俸一年應罰俸六月者減為三月○又奏准小夥

私鹽拒捕傷人之案州縣官失察一次者降一

級留任二次者降二級留任俱戴罪勒限一年

緝拏限滿不獲革職留任拏獲及半准其開復

或拏獲別案私鹽亦准其抵銷無獲按限開復

失察三次者降四級調用道員知府直隸州知

州等官毋庸以通屬州縣併計失察二次者降

一級留任三次者降二級留任俱戴罪限一年

督緝限滿不獲革職留任拏獲及半准其開復

或拏獲別案私鹽亦准其抵銷無獲按限開復

失察四次者降三級調用至大夥私鹽聚眾十

人以上拒捕傷人者州縣印捕官降二級留任

道員府州等官降一級留任俱限一年緝拏限

滿不獲專管官照所降之級調用兼轄官降二

級留任○又議准私梟拒捕之案無論大夥小

夥地方官於限內拏獲及半者免議文職拏獲

武職准其免議武職拏獲文職亦准其免議交

界之所此州縣獲犯即免彼州縣處分彼州縣

獲犯即免此州縣處分此指出境過境入境彼若

犯由別處拏獲即照例減等議結非私梟出入

為別處例凡屬員應減免處分者兼轄之上司

亦一體減免○又議准私梟在過境入境時拒

捕其失察出境之員仍照販私出境例議處在

入境時拒捕其失察過境之員照販私過境例

議處至私梟拒捕州縣官諱匿不報或將數起

報作一起者俱革職兼轄之府州降二級調用

道員降一級調用如上司徇庇不參降三級調

用

修築鹽池○康熙二十八年題准河東鹽池修

築築牆渠堰以防水患務期修築堅固如有鹽

池牆堰不固倒決者該州縣官降一級戴罪督



修工完之日該御史尋改為題請開復○雍正六年奏准鹽池渠牆隄堰歲修大工程責令運同管理仍於附近州縣內擇其才幹誠實者遇修築之時委用五六人協助堅修令運同督責其成如有玩誤浮冒者將該管協助各官降一級戴罪督修工完之日鹽政題請開復

查禁私茶○雍正四年覆准茶商買茶應令產茶地方官給發船票開明該商引目茶數不得別給印票收茶其應行盤查之地方官悉照引目及正附茶驗放不許抑勒留難如於部引之外有搭行印票暨附茶不依所定斤數多帶私茶者即行查拏照私鹽律治罪如查驗地方官故縱失察者照失察私鹽例處分○又議准興販私茶潛往邊境與外國交易及在腹裏販賣與外國人暨在西甯甘肅河州洮州四川雅州販賣者皆按律治罪其官員縱容子弟家人等興販知情故縱者降一級調用失於覺察者降一級留任不係專司查緝官員失察子弟家人興販並無知情故縱情節者免議○乾隆八年議准商人運茶例應領給引目所以分別官私

以憑稽查無官引即屬私茶嗣後凡有商販到境務須嚴行稽查如無官引及茶引相離者即行究問照私鹽律治罪○道光元年

諭孫玉庭等奏查議海關茶船出口情形請仍照例納稅放行一摺江省江海關向准茶葉出口運往北省銷售嗣因防其載往閩廣禁止販運上年經該撫奏請弛禁而給事中孫世昌又以事多流弊請仍飭禁茲據該督等詳查江海關出口茶船與閩廣浙省之船可以利涉深洋者不同舵水人等又不能諳習南洋沙線勢難偷越自係實在情形著照舊例凡北赴山東天津奉天等處茶船仍准其納稅放行其向由內河行走輸稅者照舊禁止出洋不容紊越該督等飭知管關道員認真稽察凡遇商販出口船隻查明給予關牌稅單行知所往口岸嚴實查驗如有攜帶違禁貨物偷漏出洋之事即行截拏治罪若守口員弁私行縱放一併嚴參懲辦毋得視為具文○光緒三年奏准私販黃茶潛入青海地面售賣該管之州縣吏目典史等官不能擒獲扣限六箇月查參條不及十人小夥私茶將該管官罰俸二年再限一年緝拏限滿不獲降一級留任茶犯



照案緝拏。係十人以上。帶有軍器大夥私茶。將該管官降一級留任。再限一年緝拏。限滿不獲。照所降之級調用。如有吏役得規包庇。明知故縱者。革職。止係失於覺察。犯該杖徒者。降一級留任。犯該軍流者。降一級調用。犯該斬絞者。降二級調用。

失察私鹽私茶因公出境免議。○乾隆二年。覆准私茶私鹽經過境內。如有實係因公出境之員。即於覈叅案內。據實確覈。將專管兼轄各官。聲明到部。准其免議。如並非因公出境。濫行詳

請者。降一級調用。該管上司並未確覈。代請免議者。罰俸一年。

欽定大清會典事例卷一百六

吏部

一處分例關稅考覈 清查牙行 展禁并索

關稅考覈。○康熙八年題准。徵收關稅官。欠不及半分者。降一級留任。欠半分至一分以上者。降一級調用。欠二分以上者。降二級調用。欠三分以上者。降三級調用。欠四分以上者。降四級調用。欠五分以上者。革職。其溢額者。亦不准加級紀錄。如有降調革職丁憂事故。皆以離任之日為始。作為分數考覈。至官員所收稅數。不行

親填令伊衙役代填。或不給商人紅單者。皆罰俸一年。如將部頒稅冊。用伊印信填送。或將商人親填紅單。違例不按季送部者。皆罰俸六月。○十一年題准。關差各官。差滿回京之日。將

教書批文親繳部科。回京日期。違原限一月以內。免其糾參。違限一月以外。照違限例處分。再改為處分。照赴任○十八年定。各處關差。如有將不應納稅之物。額外橫徵。差役四出。踞津濫稅。擾害商民者。該督撫即行題參。若不題參。事發。照不揭報劣員例處分。○又定。官員給予旗下人用印



出關執照往別省貿易者降一級調用。○二十年議准海內採捕船如州縣官隱匿一船者罰俸六月。隱匿五船至十船者罰俸一年。至十五船者降一級留任。至二十船者降一級調用。至二十五船者降二級調用。至三十船者降三級調用。隱匿三十船以上者革職。仍將所隱匿船計應徵稅銀照數賠補。○五十五年議准各省關差一年差滿。缺欠錢糧照例處分外。若以缺額題請展限。並已展限內額稅仍缺者。照溺職例革職。所缺銀交該旗勒限著落家產追還。其任滿回京。於兩月內具呈考覈。如將收稅冊籍不行交納。不具呈考覈。違例遲誤者。將出差官員暫停升轉。俟考覈具題完日。照常升用。○雍正元年題准。凡出關之人。令該管官吏嚴行盤查。若無用印文票私出。及有文票而數目浮多。情節不符。不行查拏。令其出口者。將看守關口之官兵降一級調用。○十年覆准。附近關口之地方官。將題定現行則例。刊刷小本。頒發各行戶散賣。俾商民人人共曉。每本定價二分。仍委官不時訪查。如各官木榜有黏貼掩蓋及書

役苛索等弊。即行詳報上司查參。尋增為經管者革職。委查之員。扶同徇隱。不行查報。降二級調用。經管官失於覺察者。照失察衙役犯贓例。分別至地方官刊發則例。如有不詳晰校定。以致遺漏錯誤。或扶同徇隱。不行嚴察者。一併參處。○十三年覆准。各省如有設處。尋改為遺漏。誤者。罰俸三月。鑪開採之處。一切採砂錘鍊人夫。責令山主雇覓土著良民。協同保鄰戶首。眼同填明實在人數。並姓名年貌籍貫。經管執事。出具並無隱匿姦商匪類甘結。報明該地方官。詳報督撫存案。不許招集外來人民。致生事端。僮廠內人夫。或有更換增減。亦如前登填報明。仍飭令該管文武官弁。及巡捕各官。勤加稽察。如巡察之官弁。兵役人等。有徇縱情弊。該管文武官弁。照漁船舵水人等有越數多帶。及冒名頂替。文武官弁盤查不實例。降二級調用。兵役人等。按律治罪。○又覆准。產鐵地方。如有殷實良商。販運他省售賣者。令將所買斤數運銷地方。呈明該地方官。轉詳該督撫。給咨該商。親自齎投。轉飭產鐵地方官。准照咨內採買發運。於該商起程之時。報明地方官。詳請咨明。經由各關。及往賣地方



督撫查明。將印照一例詳請咨銷。仍嚴飭沿江沿海各州縣。及口岸汛弁。凡遇商船出口。務須實力稽察。如有違例夾帶。即照本省商人夾帶例分別治罪。其無照票私販。關津不行查拏。往賣地方不行詳報。及各口汛弁疏縱需索。照例叅處。其沿海地方。並沿江沿河等處。如有將鐵遞運私賣事發。失察賣放之文武官弁。皆照出洋漁船夾帶釘鐵例。分別失察賣放議處。○乾隆十五年題准。各關管稅務日期。凡接任徵收者。無論兩任三任。均令扣足一年為滿。其管關一年零數月者。將一年贏餘奏報。零月歸於下屆。統俟扣足一年。再行彙奏。以昭畫一。其各任所徵贏餘。較之成數均屬無虧。及此任徵多。能補彼任短少者。皆毋庸議。儻此任短少。而彼任所餘之數。不能抵補者。止將短少之官議處。如各任所徵銀數皆少者。各照例議處。各關監督前任所收稅課。果係實力稽徵。儘收儘解。飭令接任之官。詳細確查。出具並無捏飾印結送部。其已經出結以後。責成接任。不得復將短少緣由。推諉前任。儻接任官查出前任果有徵多報

少侵蝕等弊。即行據實奏。如扶同徇隱。並不實力詳查。或經部查出。或別經發覺。即將濫行具結之官。一併交部議處。○三十年奏准。各關於一年任滿時。將銀兩冊檔。即行解部。一面繕本具題。即行覈議題覆。如各關徵收有題本已到。而銀兩冊檔。遲至二十日以後。尚未到部者。將管關之員。照違例不按季送部。例罰俸六月。暫停升轉。俟覈議具題完日。照常升用。○又奏准。近邊府州縣官員。禁約軍民人等。不准擅自入山砍伐。應禁林木販賣。官員有犯者革職。其經過關隘河道守把官員。容情縱放者。亦革職。今增為失察者。罰俸一年。○又奏准。關口抽分木稅。除商欠銀兩。照例行地方官。將木植變價抵稅外。若該監督應繳銀兩。總以差滿之日為始。計三千兩以下。定限兩箇月完解。三千兩以上。定限三箇月完解。如逾限不完。工部題叅。將該員革職。再勒限三月。行文該旗嚴追解部還項。如限內全完。准其開復。逾限不完。交與該部治罪。○又定。潘家桃林古北等處。商人出口砍木。例係該監督請領部票。給發該商。一年限滿。繳舊換新。換



票該商於限票未滿一月之前。先行具呈。該監督報明工部。扣照限滿日期。將新票給發。並咨兵部給發關票。該監督於該商舊票期滿。即將新票給發。舊票查收繳部。備監督所領新票。不俟舊票期滿。即行給發者。照豫給用印白結例。罰俸一年。及舊票已經限滿。該監督不即查收繳部。照部頒稅冊違例。不按季送部例。罰俸六月。如有夾帶影射重複砍木等弊。該商照例治罪外。將該監督照私行濫給牙帖例。降一級調用。今增為知情者革職○三十三年奏准各處押送官辦貢品。俱令開單行文各關。照數查驗。按例稅課。如有隱匿夾帶情弊。立即拏究呈報。如各關有玩忽從事。不行實力稽查。或瞻徇情面。准其討關免驗。致有蒙混脫漏者。一被查出。照徇庇例議處。○三十七年奏准。凡出關之人。該管官吏。嚴行盤查。若無用印文票私出。及有文票而數目浮多。情節不符。不行查拏。令其出口者。將看守之章京等降一級調用。放出私販人口者。革職。受賄縱放者。革職治罪。如出關之人。有用印文票。而該管官不即驗票放行。稽遲指勒者。

降二級調用。若夾帶違禁貨物。守口官徇縱。令其出口者。按其所帶之物。分別治罪。其不由應出之口。越度堵塞邊關者。失察之員。罰俸一年。其有吏役需索等弊。該管官照衙役犯贓例議處。至威遠堡等處。如有各處逃遣匪徒等犯。無照而偷越邊門者。將看守邊門之文職。降一級調用。稽察沿臺邊柵之武職。罰俸一年。逾過邊柵者。將巡查邊柵之武職。降一級調用。看守邊門之文職。罰俸一年。其各處水溝守口官失察。均照例分別察議。○又奏准山海等關。除按獲淺鬚淺末細小歪斜珠子。及斤兩無多者。毋庸議敘外。如一年內有按獲人。淺至二十斤。珠子至四兩者。該管官紀錄一次。按獲人。淺至四十斤。珠子至八兩者。該管官紀錄二次。按獲人。淺至六十斤。珠子至十二兩者。該管官紀錄三次。按獲人。淺至八十斤。珠子至十六兩者。該管官准其加一級。再有多獲者。照數遞加。若有按查不力。以致私帶過關者。該管官降一級調用。明知故縱者。該管官革職。受賂賣放者。計贓以枉法論。至威遠堡等處。按查不力。以致偷過邊門。



者將看守邊門之文職降三級調用稽查沿臺邊柵之武職降一級留任罰俸一年偷過邊柵者將巡查邊柵之武職降三級調用看守邊門之文職降一級留任罰俸一年其各處水溝守口官失察均照例分別察議○又奏准內務府包衣下及王貝勒貝子公大臣官員家人領本生理霸占要地開津不令商民貿易倚勢欺陵者或旁人及受累之民具告或科道查出糾參其人若係內務府包衣下人將該管官革職宗室王以下公以上家人將其家主交與宗人府議處其管理家務官俱革職係民公侯伯大臣官員俱革職該地方官不行查拏者俱革職兼轄官降一級調用統轄官罰俸一年至此等事發差官稽查若徇隱不據實回報者亦俱革職至於王以下大臣各官將銀借貸民人擅行貿易霸占要地開津倚強貽累地方民人者亦照此例辦理內務府包衣下人及諸王貝勒大臣家人所在指稱名色以網市利干預詞訟肆行非法有司不敢犯其鋒反行財賄將行賄之官革職其家主若知而使去係官革職內務府包

衣王貝勒等家下該管官若知而使去亦革職王以下宗室以上知而使去交與宗人府議處○四十一年奏准  
盛京吉林甯古塔三處辦漫之員送到之漫十成之中人漫以六成為度選至七成者將承辦官員等紀錄一次至八成者紀錄二次至九成者加一級儻人漫不及六成將承辦官員等罰俸六月五成者罰俸一年四成者罰俸二年三成者降一級留任二成者革職留任○嘉慶五年奏准承放漫票三姓伯都訥阿勒楚喀三處如較原定額數短放十張者罰俸六月短放十五張者罰俸一年短放二十張者降一級留任短放二十五張者革職留任甯古塔漫票較原定額數短放三十張者罰俸六月短放六十張者罰俸一年短放九十張者降一級留任短放一百二十張者革職留任吉林漫票較原定額數短放一百張者罰俸六月短放二百張者罰俸一年短放三百張者降一級留任短放四百張者革職留任如承辦官員議處至降級留任者將該將軍副都統俱罰俸六月其



盛京承放淺票。係臨期調劑各城。並無限定額數。如有短放。其承放之員。毋庸議處。若短放至一半以上。將該將軍罰俸六月。○又奏准。差官不抽大木而抽小木。查出題參。將該差官照徇情例降二級調用。○又奏准。古北口抽分木植。該差官以任滿日期。計四箇月內交完。潘家桃林抽分木植。以任滿日期。計八箇月內交完。如限內不完者。照挖欠銅斤之例。勒限議處。限內不完。以羊數留任。數在一千兩以下者。限半年完繳。一千兩以上至三千兩者。限一年。三千兩以上至五千兩者。限二年。五千兩以上至一萬兩者。限三年。一萬兩以上至二萬兩以內者。限四年。均以接到部文之日起限。如仍不依限全完。即行革職。若革職後能於半年內全數完繳。准其開復。○又奏准。差滿交代造冊報部。如有遺漏舛錯之處。將該監督罰俸一年。○十一年

諭。據吳熊光等奏查明喀哩國來廣貿易情形一摺。喀哩國即俄羅斯國。向例止准在恰克圖地方通市貿易。本有一定界限。今該國商船駛至粵東。懇請赴關卸貨。自應照例駁回。乃延豐擅准進浦卸貨。實屬冒昧。且該國商船於十月初八十七等日先後進口。延豐於二十九日始行具奏。又於咨商總督後。並不候那彥成回咨。輒以意見相同之語。捏詞入告。其咎甚重。前經降旨將延豐降為七品筆帖式。尚不足以示懲。延豐著即革職。仍令在萬年吉地工程處效力行走。接任監督阿克當阿。因延豐已准該夷商起卸一船貨物。亦即不候那彥成移知。率准後船進浦卸載。吳熊光孫玉庭未經詳查明確。遽准開船回國。均屬辦理未協。不能無咎。吳熊光孫玉庭阿克當阿均著交部議處。嗣後遇有該國商船來廣貿易者。惟當嚴行駁回。毋得擅准起卸貨物。以昭定制。○十五年議定。缺淺之弊。應責成該將軍副都統。並奉天府尹。令該地方文武官弁。不時嚴密稽查。具結呈報。後將軍副都統府尹文武官弁。分投往查。如有偷種等弊。即將各該地方官實降三級調用。知情縱容者。革職治罪。稽查之員。未經查出。與失察之地方官一體降調。如有瞻徇容隱等情。並參革治罪。種淺之人。照例辦理。該將軍副都統府尹自行查出。免其處分。僅被別人告發。降三級留任。官淺到局後。先令局員認看。僅有缺



漫撓雜係何界何人所交。即將該地方官稟明將軍等參處。稽查官亦如之。種漫之人。照例治罪。將軍副都統府尹及

欽派侍郎。降三級調用。○又議定。偷漏私漫。多由海口。前往山東登州府銷售。應令該將軍會同府尹。每年遣派委員輪往查拏。並責成該地方官。於商賈上船之時。查驗蹤迹。留心盤詰。如在登州海口盤獲私漫。訊明由奉天何處海口上船。即將巡查官並該地方官。一併參處。○又議定。承領漫票。官設攬頭。先令局員同地方官出具

切實保結。其素行詭譎之人。不准濫保。如所保之人承攬後。有隱漏逃情事。將該攬頭治罪。並將原保官議處。今照濫給牙帖。例。降一級調用。○又奏准。承放漫票官員。果能實心經理。一年限內足額。並無短少者。紀錄二次。至次年又能足額者。加一級。若次年後能連年足額者。即每年給予加一級。○又

諭。每年奉天巡查海口。僅由將軍府尹派員前往。恐仍不免疏漏。著將軍奏明請派盛京侍郎一員。帶領協領一二員前往緝查。如拏獲私漫。即著該侍郎具奏。

將漫斤解京。並將該侍郎及協領等一併議敘。其山東海口。專令登州總兵巡緝。亦尚未周。著添派登萊青道會同稽查。如拏獲私漫上岸。即報明山東巡撫具奏。漫斤解京。將該鎮道議敘。並將派查盛京侍郎協領等官。一併議處。○十六年奏准。民人出口偷竈

黃芪。除有拒捕奪犯等重情。將地方官仍照向例懲處外。如聚眾竈黃芪未及十人。並十人以上。因積黃芪十斤。及五十斤以上。罪應杖枷者。失察之地方官。罰俸六月。人數在五十人以上。因積黃芪在百斤以上。罪應擬徒者。失察之地方

官。罰俸一年。奉

旨。刑部奏酌定偷竈黃芪人犯罪名一摺。著依議行。黃芪為藥植所需。附近貧民零星竈賣。在所不禁。若至聚集多人。並倚眾拒捕。則必應按律治罪。現將偷竈黃芪明定科條。稽查嚴密。小民自不敢干犯禁令。但近年口外游民眾多。伊等本係無業之徒。趨利若鶩。邊外所產。如鉛斤木植。不一而足。設姦民等舍此趨彼。聚集既眾。必仍滋事端。若逐案增定條例。亦屬煩瑣。此事總在沿邊關隘。於無業游民出口時。認真查禁。為正本清源之道。出口之民既少。自不致羣相糾



集牟利運免。從前所定守口文武員弁處分較輕。率多視為具文。以致關禁廢弛。著吏兵二部會同議。將守口官弁賄縱及失察無票民人出口處分酌改加重。庶該員等自顧考成。實力稽察。不致仍前懈玩。

欽此遵

旨議准。凡邊關隘口。嚴行盤查。如民人出入。並無用印文票。及雖有文票而人數浮多。該管官失察偷度一二名者。降一級留任。三四名者。降一級調用。若失察販賣人口之案者。革職。受賄故縱者。革職治罪。如失察盜犯逃犯偷度邊口。一名降

一級留任。二名降一級調用。三名以上降二級調用。五名以上降三級調用。十名以上革職。若夾帶違禁貨物。守口官徇縱放出。按其所帶之物。分別治罪。失察者亦分別議處。至咸遠堡鳳凰城法庫等處。邊門係文職看守。以武職為兼管官。邊柵係武職巡查。以文職為兼管官。如有失察賄縱情事。其專管官應降級留任者。兼管官罰俸一年。專管官應降級調用者。兼管官降一級留任。專管官應革職者。兼管官降三級留任。其各處水溝守口官。亦分別專管兼管。悉照

前例嚴議。至偷度之人。並未經由門柵。係越度堵塞邊關者。將失察之專管官罰俸一年。係由邊牆坍塌處所爬越者免議。○又奏准。凡車輛裝運人貨出口。回空時。亦每車給予印票。該管官查驗人數相符。方准放其進口。儻不行稽查。以致夾帶私逃兵役入口。將專管官罰俸一年。如驗無夾帶私逃情弊。而藉端勒索者。該管官革職。兼轄官降二級調用。該管官藉端留難者。降二級調用。兼轄官降一級調用。○十七年

諭。據百齡奏請。令關稅監督派委所屬筆帖式司庫等

官分司查報等語。各關口征收稅課。例有分設口岸。該監督等向來止派家人長隨前往分駐。率同書役徵收。其中實難免串通隱漏。以多報少等弊。近年稅課短少。未必不由於此。該省管理關務之江甯蘇州兩織造及淮關監督衙門。各有額設司庫庫使及筆帖式等官。該員等品秩雖微。究係職官。以之分辦公務。較為得力。嗣後該監督各於所屬內揀員分派所司稅口。督同書役家人。驗貨納稅。逐日登記報查。如書役家人弊混。該員即詳明監督懲辦。儻該員等通同舞弊。經該監督查出。據實奏重懲。設遇錢糧短



糾除監督照例罰賠外。並將該委員一併議處。以嚴稽覈而昭責成。○又議准徵收關稅贏餘銀兩。短少不及一分者免議。一分以上者罰俸一年。二分以上者罰俸二年。三分以上者降一級留任。四分以上者降一級調用。五分以上者降二級調用。今增為缺額銀兩。○道光十年奉

旨。前因各省關稅。每多徵不足額。降旨令戶部會同內務府分別功過。妥議章程具奏。茲據查明各關稅課。有歷來有贏無絀。及從前間有短絀。近年尚能足額。及歷屆均屬虧短者。請將應徵贏餘銀數。以六成作

為額內。以四成作為額外。其溢額絀額。分別功過。著照所請。除歷係有贏無絀各關毋庸置議外。其歷年缺額及間有缺額各關。各按應徵贏餘銀數。以六成作為額內贏餘。遇有短少。著落賠繳。仍按額內贏餘短收分數。照舊例議處。以四成作為額外贏餘。遇有短少。著落賠繳。免其處分。如應徵贏餘足額之外。復有溢收。亦按其分數照新定章程給予議敘。以昭平允。至各關虧短之由。固云今昔情形不同。然森商之偷漏繞越。丁役之賣放侵吞。在所不免。該監督等務當展加約束。認真查察。毋任仍前弊混。並著各該

省督撫隨時密為查訪。如有前項情弊。據實嚴參懲辦。毋稍徇隱。再歷年缺額及間有缺額各關。著該督撫就近詳細查明具奏。覈實辦理。○十一年

旨。前因各關監督徵收稅課。累年虧缺銀兩。降旨嚴定章程。不准於回旗後呈請繳銀扣俸。均令依限完納。限滿不完。革職監追。如監追後仍延宕不交。即著永遠監追。茲聞戶部單開嘉慶道光年間。許野淮安兩關。歷任監督徵收數目。雖間有奏報多收。甚屬寥寥。而虧缺者甚多。似此任意短少。年復一年。伊于胡底。溯查嘉慶四年。

欽定許野關贏餘銀二十三萬五千兩。嗣於嘉慶九年。加增銀一萬五千兩。共銀二十五萬兩。淮安關贏餘銀十一萬一千兩。嘉慶九年。加增銀二萬兩。共銀十三萬一千兩。今朕酌量裁減。著將許野關贏餘銀減去二萬兩。每年徵收銀二十三萬兩。淮安關贏餘銀減去二萬一千兩。每年徵收銀十一萬兩。自此大裁減之後。不特將嘉慶九年加增之數。全行減去。並較嘉慶四年原定之數。格外減少。該監督等各宜感激朕恩。共發天良。認真徵收。總期於新定數目。有贏無絀。方為不負委任。儻或仍前玩視。以致額外虧缺。必



將該監督等照前定章程分別革職監追及永遠監追。履行懲辦。決不稍有寬貸。懷之慎之。○又

諭戶部奏酌議關稅賠繳限期以清課額一摺。各關監督徵收稅課。果能潔己奉公。何至累年虧缺。贏餘銀兩動逾數萬。前經降旨酌減。許墅淮安二關稅額。該員等尤當激發天良。覈實辦理。茲據戶部奏稱。各關徵收之員。任滿時。僅有以多報少。或於虧缺之數。以少報多。即與侵蝕倉庫錢糧無異。著責成各該督撫。於該監督任滿時。就近詳加查訪。如有此等情弊。立即嚴參革職。送部監追。照例治罪。僅該督撫徇隱不

奏。或經朕密查。或有人參奏。別經發覺。惟該督撫是問。至賠繳短徵關稅銀兩。嗣後除三百兩以下。定限半年。三百兩以上。定限一年。仍照承追例限辦理外。其銀數自一千兩至五十兩者。予限二年。五十兩以上至二萬兩者。予限三年。二萬兩以上至五萬兩者。予限六年。五萬兩以上至十萬兩者。予限八年。十萬兩以上亦予限八年。至一任而兩任三任。各有虧缺。如准其接續完交。限期未免過寬。著統計前後所虧銀數之多寡。均照此次所定限期辦理。經此次酌定限期之後。該監督當共知儆惕。認真經理。不得任意

虧缺致干嚴辦。除許墅淮安龍江新九江南新北新等關五處。照此限期辦理。其餘京外各關。及嘉慶四年贏餘定額之夔關等處。如有虧缺關稅之員。均於關滿奏報及題咨到部之日起。各按銀數多寡。分別限期。久暫以歸畫一。並著該部纂入則例。永遠遵行。○又議准。各關徵收循環稅簿。俱令按限赴戶部請領。如有遲延。照事件遲延例議處。○十二年議准。關稅正額銀兩。一年限滿。該監督欠不及半分者。降二級調用。欠半分至一分以上者。降三級調用。欠二分以上者。降四級調用。三分以上者。降五級調用。欠四分以上者。革職。缺額銀兩。著落追賠。○又議准。各關監督於著落追賠之後。能於年限內將缺額銀兩全完者。准其呈報該管衙門。咨部覈實。將從前所得處分。即予開復。○又議准。各關監督徵收贏餘銀兩。除足額不及一分者。毋庸置議外。其溢收一分以上者。紀錄一次。二分以上者。紀錄二次。三分以上者。紀錄三次。四分以上者。加一級。五分以上者。加二級。此外再有多餘。儘收儘解。均作五分以內計算。僅有微多報少。別經發覺。照監守自盜







分以上者罰俸六月。四分以上者罰俸一年。五分以上者降一級留任。○二十九年議准尋蹤章京見有偷創人漫人蹤迹不即追拏明知故縱者革職其

興京等處門吏筆帖式見有偷創之人俱應追拏送部如力不能拏即應告知尋蹤章京追緝若知而放出或見蹤不追又不轉告者將門吏筆帖式斥革。至奉票採取官漫松子蜂蜜之人於額外多帶人夫該門吏筆帖式等知而放出不即追拏者亦照此例斥革。○又議准奴僕偷創

人漫係由其主差去或知情而巧供不知者係官俱革職。○又議准楚省商販在本地產鐵處所收買轉運者令該商於收足後將鐵斤包細數目販賣地方逐一呈明地方官查驗詳明給予印照仍移知發賣處所之地方官俟該商到彼驗明鐵照相符將印照送回原發衙門銷號其兩湖口岸湖南令管理辰關之辰州府知府稽查湖北令管理廠務之武昌府同知稽查漢口令分駐之漢陽府同知稽查凡沿途經過關津隘口照例抽取驗照點鐵鈐戳放行如有夾

帶私鐵經別處盤出將失察經由之文武員弁降二級調用徇私故縱者革職至稽查官弁如有勒指留難者降二級調用係兵役藉端索詐將該管文武各官分別知情失察照衙役犯贓例議處。○又議准外夷商船通市貿易應於何處停泊均有一定界限其或乘風駛進不及於定界地方泊船輒請在內地起卸貨物該省督撫及該關監督不即駁令退回原界率准其進關起卸並聽其開船回國者俱照不應重杖八十公罪律降二級留任。○咸豐十年奏准各關

監督短缺正餘額稅處分如有軍功及錢糧全完議敘加級紀錄者准其抵銷並恭逢恩詔加級亦准其查抵別項加級紀錄不准抵銷。○又議准各關監督於未滿年限之先遇有升調降革丁憂病故等事俱以離任之日為止按其任任月日多少作為分數考成清查牙行。○康熙二十五年議准各處牙行領帖開張照五年編審例清查換照若有光棍頂冒充充巧立名色霸開總行逼勒商人不許別投拖欠客本久占累商者該地方官不時嚴行



查拏。照律治罪。如地方官有意徇縱者。降二級調用。如有受財故縱者。計贓以枉法論。尋增為失於查察者。罰一年。○又議准。牙行經紀除稅課內應立牙行者。准設立外。其姦宄之輩。捏稱牙行。於良民買賣濫行索詐者。在外責成州縣官。在京責成順天府尹。通判大宛二縣五城兵馬司。不時嚴行查拏。照例治罪。如該管地方官不行嚴拏。仍留積年姦匪。以致累民。將失於覺察之人。罰俸一年。有意徇縱者。降二級調用。受財故縱者。計贓以枉法論。○雍正十二年議准。各省牙帖。悉由藩司鈐蓋印信頒發。不許州縣濫給滋弊。僅各省州縣仍有私行濫給牙帖者。該督撫題參。照地方官妄用印信例降一級調用。○十三年覆准。民間開設鋪面。聽民間便益。不得私分地界。不令旁人附近開張。更不得以本身無力開設。將地界議價若干。然後允其所頂。至酒坊賣酒。應聽雇車載運。毋許車戶設立車牌。開寫姓名。認定一店。不令別人攬運。惟估衣行給有牙帖。每年納有牙稅。應聽其安分營生。仍照五年編審例清查換帖。毋許無藉之徒。往來市上。借

名影射。左右觀望。覬覦分肥。至於鋪行一切什物。皆係本商自置。儻本身無力開設。而所置什物。復不許售與承頂之人。則本錢不免虧折。似屬未便。除地界之外。此項不在禁內。又如無藉之徒。違禁把持。仍犯前項情弊者。即將該犯照例治罪。仍令地方該管各官。嚴飭捕役人等。不時稽察。如番役人等不行查拏者。按例治罪。該管地方官奉行不力者。照失於查拏例。罰俸一年。有意徇縱者。照徇情例降二級調用。受財故縱者。計贓從重以枉法論。○乾隆二年覆准。大小衙門。凡公私所需貨物。務照市價公平交易。不得充用牙行。縱役私取。即辦官差。必須秉公提取。毋許藉端需索。作踐良民。如有不肖官役。陽奉陰違。或被地方告發。或被上司查出。叅劾。該管官如係縱役私取。將該管官照縱役犯贓例革職。如係失於覺察。照失察衙役犯贓例分別議處。尋增為自行科取行戶貨物者。革職提問。○又覆准。直隸山東河南山西陝西等處富商巨賈。廣收小麥。肆行躡趨。大開燒鍋者。嚴行禁止。其失察之地方官。每一案降一級留任。失察至三案者。降三級



調用。○三年奏准。民間製麪自用。為數無多者。仍免查禁外。如有廣為收麥。開坊躉麪。牙行經紀。車戶。船家。代為交易。運送關津隘口。一例查拏。隱漏出境者。經過失察之地方官。每一案罰俸六月。○九年覆准。地方官濫給牙帖。該管上司失於覺察者。將知府照失於覺察例罰俸一年。○十四年覆准。失察製造紅麪紅糟。船裝與販。與失察躉麪事同一例。所有失察之地方官。比照失察躉麪之例察議。尋增為僅有賄縱情弊。照失察躉麪例。革職提問。○二十三年覆准。各省地方。遇有客商控追牙行侵欠之案。令經理之員。按月冊報道員稽查。逾限不結者。聽道員按冊提比。如經理之員。怠忽從事。控延累商者。該道據實揭報詳參。照事件遲延例議處。有意徇縱者。照徇情例。降二級調用。受財故縱者。計贓以枉法論。○三十年奏准。各省牙帖。悉由布政使鈐蓋印信頒發。今為奉天牙帖。係旗員徵收者。由戶部頒發。係民員徵收者。由府尹頒發。地方官務將為人誠實。家有產業者。取具保鄰甘結。方准給帖承充。其素行無賴。毫無產業者。不許濫給。仍將承充牙行經紀姓名。按季造冊。申送布

政使存案。地方官查察不實。濫給牙帖。以致吞騙客本。降一級調用。如不用布政使頒發牙帖。自己用印私給者。照地方官妄用印信例。降一級調用。該管上司。不將私給牙帖查參者。知府罰俸一年。布政使道員罰俸六月。○又奏准。於監胥役。更名捏姓。認充牙行。該地方官查實。即行追帖。勒令歇業。並將於監胥役充補牙行之處。永行嚴禁。儻不肖於監。不法胥役。仍有認充牙行。該管上司查參。將該地方官照違禁把持失於查察例。罰俸一年。有意徇縱者。照徇情例。降二級調用。受財故縱者。計贓以枉法論。○又奏准。奉委查麪各官。有能拏獲別邑開坊躉麪。數至三百斤以上之案者。每一案紀錄一次。拏獲數多者。以次遞加。○五十四年

諭據姜晟奏審擬山西監生常懷恆控告宣化縣知縣王秉正賒欠布銀不還一案。將王秉正問擬杖罪納贖。已批令該部議奏矣。此案王秉正雖訊無因。常懷恆催討布價挾恨。故出情事。但賒取布帳。不即清還。以致常懷恆藉詞控告。自有應得之罪。外省大小衙門。所有需用零星食物。不能不就近取買。至布疋一



項尚非飲食可比。若在本境店鋪任意賒取。必至絀緞貨物。亦一概取之。若寄胥役等乘機滋擾。甚至短發價值。勢所必有。殊非整飭官方之道。嗣後各省府州縣等衙門。除菜蔬油醬食物。准其於本地方照市價平買外。其餘需用布疋絀緞一切貨物等項。或由本籍攜帶。或在鄰境買用。毋得於管轄地方濫行賒買。致啟勒索賒價之端。該管上司仍行隨時稽察。如有仍在本境賒欠等弊。即行嚴參究治。著為令。○嘉慶五年奏准。各省府州縣等衙門菜蔬油醬食物。准其於本地方照市價平買外。其布疋絀緞一切貨物。或在籍攜帶。或在鄰境買用。如有在本境買用者。照違令私罪律。罰俸一年。有指價賒欠等弊。即照向牙行私取例議處。○八年諭。大學士會同吏部議覆。御史賈允升條奏嚴禁官價一款。各衙門需用鋪戶貨物。自應各照市價平買。安得輒立官價名目。向鋪戶等紛紛科取物件。倚勢病民。嗣後著將官價之名。永遠禁革。違者照例懲處不貸。○道光二年奏准。西山一帶開採煤窯。令宛平縣縣丞移紮門頭村彈壓。凡赴窯工作之人。先由窯戶等報明姓名籍貫。造冊稽查。並嚴禁連夏

鍋火水工鍋火惡習。如查禁不嚴。將該縣丞照地方官失察牙行巧立名目霸開總行例。加等議以罰俸二年。其鍋火內遇有毆斃人命。即申報宛平縣驗勘。如失於查察。將該縣丞照地方官於殺死人命不知情不行申報例。加等議以降二級留任。其或窯戶等將病斃之人私行埋棄。該縣丞失於查出者。罰俸一年。儻有受賄縱容。任令違禁開設私埋。匿報及以毆斃之案捏稱病斃之人者。即將該縣丞革職。至該縣丞於抵任之後。果能約束眾窯安靜守法。三年期滿。由順天府府尹會同直隸總督保舉題升。若有不能稱職。及始勤終惰者。該府尹即隨時分別劾參。以昭懲勸。○又議准。各省牙行。如有頂冒朋充等弊。仍應隨時禁革。地方官失於查拏。罰俸一年。有意徇縱者。降二級調用。受財故縱者。計贓以枉法論。○又議准。閩省造酒之家。用米為糟。為麴。如有多為製造。船裝販運者。將地方官及關口員弁。均照前例議處。儻有賄縱情弊。革職提問。○又議准。臺灣地方。如有開設小典質押零星衣物。重利盤剝貧民。地方官任聽開



設者降一級調用。失察者降一級留任。

嚴禁苛索稅羨。○雍正十三年十月

諭朕聞各省地方。於關稅雜稅外。更有落地稅之名。凡  
獲鋤箕帚薪炭魚蝦蔬果之屬。其價無幾。必察明上  
稅。方許交易。且販自東市。既已納課。貨於西市。又復  
重徵。至於鄰村僻遠之地。有司耳目所不及。或差胥  
役徵收。或令牙行總繳。其交官者甚微。不過飽姦民  
猾吏之私囊。而細民已重受其擾矣。著通行內外各  
省。凡市集落地稅。其在府州縣城內。人煙湊集。貿易  
衆多。且官員易於稽察者。照舊徵收。但不許額外苛

索。亦不許重複徵收。若在鄉鎮村落。則全行禁革。不  
許貪官汙吏。假設名色。巧取一文。著該督撫將裁革  
禁約之處。詳造細冊報部查覈。儻奉旨之後。仍有不  
實心奉行。暗藏弊竇者。朕必將有司從重治罪。該督  
撫並加嚴譴。此旨可令各省刊刻頒布。務令遠鄉僻  
壤之民共知之。○又議准。各省稅項。及民間置買產  
業。不得苛索擾累多收。如有前項情弊。該督撫  
指名題參。將違禁多取之人。革職治罪。尋增為  
該上司  
不題參者。照不編報  
劣員例。分別議處。○又議准。直省徵收落地  
稅銀。在鄉鎮村落者。全行禁革。不得假借名色。

巧取一文。違者革職治罪。



欽定大清會典事例卷一百七

吏部

處分例 徵收地丁錢糧

徵收地丁錢糧。○順治十三年題准。各州縣開徵。豫頒由單。定於十一月初一日頒發。至報部之期。直隸限十二月內到部。山東山西河南限正月內到部。江南浙江限二月半到部。江西湖廣陝西限二月內到部。福建廣東限三月半到部。四川廣西限三月內到部。如州縣官申報遲一月者。罰俸三月。兩月者。罰俸六月。三月者。罰

俸一年。四五月者。降一級。六七月者。降二級。八月以上者。降三級。皆調用。司道府等官申報遲一月者。罰俸一月。兩月者。罰俸兩月。三月者。罰俸三月。四五月者。罰俸六月。六七月者。降一級。戴罪督催。遲八月以上者。降一級。調用。○康熙二年題准。地丁錢糧初參。經徽州縣官。欠不及一分者。停其升轉。罰俸一年。欠一分者。降職一級。二分者。降職二級。三分者。降職三級。四分者。降職四級。皆令戴罪督催。欠五分以上者。革職。今增為直隸州知州。經徵本州錢糧初參。亦照此例處分。布政使。知府。經

管錢糧道員直隸州知州。欠不及一分者。停其升轉。罰俸半年。欠一分者。罰俸一年。二分者。降職一級。三分者。降職二級。四分者。降職三級。五分者。降職四級。皆令戴罪督催。欠六分以上者。革職。巡撫欠不及一分者。停其升轉。罰俸三月。欠一分者。罰俸一年。二分者。降俸二級。三分者。降職一級。四分者。降職二級。五分者。降職三級。六分者。降職四級。皆令戴罪督催。欠七分以上者。革職。今增為直隸州知州。總督兼管甘肅巡撫。俱照巡撫例查議。又題准。地丁錢糧被參後。催徵時。

州縣官限一年。布政使道府直隸州知州限一年半。巡撫限二年。其年限內不完。不復作分數。照原參分數處分。州縣官原欠不及一分。年限內不全完者。降一級。留任。再限一年。催徵。如又不能完。即照所降一級。調用。原欠一分。年限內不全完者。降三級。調用。如果能催徵完。至八九釐者。降三級。留任。再限一年。催完。如仍不全完。降三級。調用。原欠二分。限內不全完者。降四級。調用。原欠三分。限內不全完者。降五級。調用。原欠四分。限內不全完者。革職。○四年題准。



凡限滿未完錢糧大小各官如遇	恩赦將	赦前月日扣除以	赦後月日算起至限滿續參時註明	赦前	赦後分數具題如初參欠四分者如	赦前二分	赦後二分年限內將	赦前所欠二分已經全完止照	赦後未完二分處分如年限內將	赦前所欠二分未經全完仍合	赦前	赦後分數一併處分如初參四分皆在	赦前年限內未經全完仍照初參分數例處分○又	題准州縣官經徵一應起運本年錢糧五萬兩	以下一年內全完者紀錄一次五萬兩以上十	萬兩以下一年內全完者紀錄二次十萬兩以	上一年內全完者紀錄三次督催知府直隸州	知州及經管錢糧道員十萬兩以下一年內全	完者紀錄一次十萬兩以上二十萬兩以下一
---------------	-----	---------	----------------	----	----------------	------	----------	--------------	---------------	--------------	----	-----------------	----------------------	--------------------	--------------------	--------------------	--------------------	--------------------	--------------------

年內全完者紀錄二次二十萬兩以上一年內	全完者紀錄三次督催布政使五十萬兩以下	一年內全完者紀錄一次五十萬兩以上一百	萬兩以下一年內全完者紀錄二次一百萬兩	以上一年內全完者加職一級其監屯同知通	判督催衛所屯糧全完照督催知府例議敘經	歷經徵衛所屯糧全完照經徵州縣官例議敘	如地丁糧銀已完而本色顏料並一應起解雜	項等銀未完者不准議敘至經徵州縣官將未	完之錢糧捏稱全完轉報或一年內二三官徵	完之錢糧捏為一官徵完申報者州縣官革職	司道府官各降二級調用巡撫降一級調用	<small>為該上司失於查察府州降二級調用</small> 如州縣	<small>司道降一級調用巡撫降一級留任</small>	官申報未完司道府作完申報者司道府革職	州縣官免議如司道府申報未完巡撫作完題	報者巡撫革職司道府免議如起解錢糧並未	起解或庫內無銀申報有銀者各降二級調用	巡撫罰俸一年如一應批迴未領稱為已領未	發稱為已發者各罰俸一年○五年覆准州縣	官帶徵節年拖欠錢糧二年內全完一萬兩以
--------------------	--------------------	--------------------	--------------------	--------------------	--------------------	--------------------	--------------------	--------------------	--------------------	--------------------	-------------------	------------------------------------	-------------------------------	--------------------	--------------------	--------------------	--------------------	--------------------	--------------------	--------------------



上者紀錄一次。二萬兩以上者。不論俸滿升轉。其知府直隸州知州。經管錢糧道員。帶徵錢糧二萬兩以上者。紀錄一次。四萬兩以上者。紀錄二次。六萬兩以上者。不論俸滿升轉。布政使帶徵全完十萬兩以上者。紀錄一次。二十萬兩以上者。紀錄二次。三十萬兩以上者。不論俸滿升轉。如帶徵錢糧全完。而經徵錢糧不完。仍不准議敘。○六年議准。凡限滿未完錢糧各官。限內又經過。

赦者扣除

赦前月日止以

赦後計算年限滿日。查明題。參照例處分。○又題准。直隸州知州。經徵本州錢糧。參後未完。照州縣官限一年例處分。其直隸州督催之各州縣錢糧。參後未完。照知府限一年半例處分。○十年覆准。署印官一年內錢糧全完者。亦照例議敘。今增未完者。亦照正官例。議處。署印不及一月。免議。○十二年題准。州縣官員。如將已徵錢糧作為民欠。或挪用詭稱民欠者。該州縣官革職。拏問。今增為或不即完解。災緩未完。款內申通。請免者。俱革職。拏問。司道府等官。明知蒙隱不

報者革職。如申報督撫不行題參者。該督撫降

五級調用。

今增為失於覺察者。府州降一級調用。司道府降一級留任。督撫罰俸一年。

○又題准。凡挖欠在民錢糧革職降級官員。未經離任之先。如能將挖欠錢糧全完者。准其開復。○又覆准。巡撫布政使。經管錢糧道府直隸州知州。原欠不及一分者。限內不全完。降一級。戴罪督催。再限內不全完。降二級。戴罪督催。三限內仍不全完者。降三級。調用。其餘皆照州縣例處分。衛所官員。原欠不及一分錢糧。再限內不全完者。降一級。戴罪督催。三限內仍不全完者。降一級。調用。○十四年題准。凡接徵接催官員。以到任之日為始。接徵衛所官員。限一年。接催布政使道府直隸州知州。限年半。接催巡撫限二年。催完。如不能完。題參之日。照現在未完分數。以初參例處分。至於巡撫等官。被參催徵錢糧時。年限已滿逾期。該撫不將自欠原參分數。並布政使等官分數。查出。照原參分數。加倍治罪。○又題准。官員將侵糧抗糧人犯。捏報逃亡者。降一級調用。該管官罰俸一年。如並不起解。侵欺抗糧人犯者。亦照此例處分。如



不行速解遲誤者。罰俸一年。該管官罰俸六月。  
 ○十五年題准。有司未完錢糧。參後續解全完者。各該經管衙門。一面給予批收。一面詳報該撫。題請開復。如已經申呈。抑勒不詳。及遲延不報。或不應開復之官。申詳開復者。皆罰俸一年。巡撫罰俸六月。或已經開復之官。重題開復。及不列續完各官職名者。皆罰俸六月。○十八年覆准。州縣等官。私加火耗。及私派加徵者。革職。等問。其司道府官。隱匿不報者。亦革職。等問。若申報督撫。不行題參。將督撫亦革職。今增為如各上司不

知情者。照不揭報。分別議處。至官員有加派貪婪之處。被旁人首告。經司道府官審出者。其審出之司道府官。所有未經首告之先。不行查出之處。免其議處。○三十四年覆准。凡有分數錢糧。接徵接催官員。皆將已完分數扣除。照現在未完分數處分。○四十四年議准。蘇州松江常州鎮江四府屬。賦稅繁重。州縣官本任經徵。每年地丁漕項錢糧。如於奏銷時。完至九分以上者。其接徵未完舊欠錢糧。於年限滿後。復參降級調用之例。改為降級留任。再限一年催徵。如仍不完。即

照所降之級調用。其督催各官。亦照此例議處。  
 ○四十六年覆准。江蘇賦繁州縣錢糧。三載全完。此內雖有奉蠲之年。仍准即升。○五十四年覆准。  
 盛京旗人所種地畝。應交米豆草。經徵督催各官。徵米一石。作銀一兩考成。如催徵之官。一千兩以下。一年內通完者。紀錄一次。一千兩以上。三千兩以下。一年內通完者。紀錄二次。三千兩以上。一年內通完者。紀錄三次。督催官。五千兩以下。一年內通完者。紀錄一次。五千兩以上。萬兩以下。一年內通完者。紀錄二次。萬兩以上。一年內通完者。紀錄三次。如催追不完。經催之官。欠一分者。罰俸六月。二分者。罰俸一年。三分者。降俸一級。四分者。降俸二級。五分者。降職一級。六分者。降職二級。七分者。降職三級。八分者。降職四級。皆戴罪催徵。完日開復。欠九分十分者。革職。督催之官。欠一分者。罰俸三月。二分者。罰俸六月。三分者。罰俸一年。四分者。降俸一級。五分者。降俸二級。六分者。降職一級。七分者。降職二級。八分者。降職三級。九分者。降職四級。皆戴罪



督催完日開復欠十分者革職。○雍正七年覆准凡地丁錢糧若止准歲內通完者給予議敘則額數繁多之處或難於歲內通完以致不得邀議敘而資鼓勵應將歲內全完議敘之例停止若奏銷以前果能通完概予議敘儻有捏報全完希圖議敘等弊該督撫等即行查明指參交部議處。○十三年議准地丁等項一切年限承追錢糧皆准扣除封印日期造報考成。○乾隆三十年奏准輸納錢糧小民自封投櫃照數填寫給予印票為憑如有紳衿及上司衙役將錢糧包攬等弊該管官不行查出罰俸一年至州縣官有完糧之民勒令不許填數及不給印票者將州縣官革職等因若司道府等官明知不報者革職詳報督撫不行題參者將督撫降五級調用。今增為不知情者照○三十七年奏准各標目兵有應輸之糧抗不完納者該州縣官即將未完錢糧數目開明移會本管官弁照數追完移交州縣如不實力催追完解即照州縣催徵錢糧未完分數例議處至上司書吏有抗糧不納者該州縣官一面詳報上司一面嚴

行拘拏革役追比如本官上司有阿庇袒護並該州縣有瞻徇容隱等弊均照徇庇例議處。○又奏准蘇松常鎮四府及各屬實係賦繁州縣錢糧一官經徵三年每年俱係年清年款於本省奏銷具題時全完者議敘即升不得以參後續完之案概行接算。三年內有遇奉蠲年分即將是年扣除俟次年補足併計再請議敘。○又奏准各官屯照各所徵鹽糧棉花數目作為十分。今增為盛京戶部所屬官莊棉花莊五座鹽莊三座又鹽丁九十名糧莊一百十八座盛京戶部每年特差官兩員分管。今增為秋收時由戶部奏請欽派大員會同盛京戶部侍郎監收按年題報欠不及一分者罰俸半年欠一分者罰俸一年欠二分者降一級留任罰俸一年欠三分者降二級調用。盛京戶部侍郎有總管之責亦照統管屯數作為十分欠不及一分者罰俸三月欠一分者罰俸六月欠二分者罰俸一年欠三分者降一級留任罰俸一年。○五十九年奏准直隸旗租銀兩經徵州縣官照各省地丁錢糧例欠不及一分者停其升轉罰俸一年欠一分者降職一級欠二分者降職二級欠三分者降職三級欠四分



者降職四級以上俱令戴罪徵收欠五分以上者革職原欠不及一分年限內不全完者降職一級再限一年如又不完即降職二級戴罪徵收原欠一分年限內不全完者降職二級再限一年如又不完降二級調用原欠二分年限內不全完者降職三級再限一年如又不完即降三級調用原欠三分年限內不全完者降職四級再限一年如又不完即降四級調用原欠四分年限內不全完者降職五級再限一年如又不完即降五級調用其督催之院司道府直隸

廳州等官初參欠不及一分者停其升轉罰俸半年欠一分者罰俸一年欠二分者降職一級欠三分者降職二級欠四分者降職三級以上俱令戴罪督催原欠不及一分年限內不全完者罰俸一年如又不完降俸二級原欠一分年限內不全完者降俸二級如又不完降職二級原欠二分年限內不全完者降職二級如又不完降職三級原欠三分年限內不全完者降職三級如又不完降職四級原欠四分年限內不全完者降職四級如又不完降職五級以上俱

停其升轉戴罪督催至接徵之州縣及督催各上司之接任官如於二參三參限內到任不計分數限滿不完州縣官降職二級停其升轉戴罪徵收道府廳州降俸二級停其升轉戴罪督催完日開復至遇災歉之年分別蠲緩帶徵限滿不完均按未完分數一體查參○又奏准各省州縣衛有彼縣民人置買此縣地畝者名為寄莊令經徵州縣於每年開徵之始將寄莊花戶逐一查明開造村莊戶名錢糧數目清冊移交住居之州縣代行催徵如至奏銷未完即將

代徵之員開參議處○又奏准各州縣經徵耗羨銀兩務與地丁正項隨同報解若有未完照正項錢糧之例按其未完分數覈參議處○又奏准州縣官違例於上年豫徵錢糧該督撫查參照私派例將州縣官革職拿問司道府各官明知不報者將司道府各官革職詳報督撫不行題參者將督撫降五級調用其豫徵錢糧即准作為次年正項錢糧今增為上司不知情者照不揭報者員例議處○嘉慶二年題准浙江蕭山等縣牧地租錢作滿營孤寡養贍之需照地丁正項錢糧例於次



年五月報銷。依限全完。照例請敘。如有未完。即按分數查參。仍將未完錢文。著落經徵之員賠繳。○四年奏准州縣官經徵一應起運本年有分數錢糧。不及三百兩者。毋庸議敘。其三百兩以上。不及一萬兩者。於奏銷前全完者。紀錄一次。一萬兩以上全完者。紀錄二次。三萬兩以上全完者。紀錄三次。五萬兩以上全完者。加一級。十萬兩以上全完者。加二級。果能三載全完。毋論錢糧多寡。於每年照例議敘之外。再加一級。督催知府直隸州知州。及經管錢糧道員。不及五

萬兩全完者。紀錄一次。五萬兩以上全完者。紀錄二次。十萬兩以上全完者。紀錄三次。二十萬兩以上全完者。加一級。督催布政使。不及五十萬兩全完者。紀錄一次。五十萬兩以上全完者。紀錄二次。一百萬兩以上全完者。加一級。○又奏准。積年拖欠錢糧之州縣官。帶徵二年內全完。不及一萬兩者。紀錄二次。一萬兩以上者。紀錄三次。二萬兩以上者。不論俸滿即升。其知府直隸州知州。經管錢糧道員。帶徵全完。不及二萬兩者。紀錄一次。二萬兩以上者。紀錄二次。四

萬兩以上者。紀錄三次。六萬兩以上者。不論俸滿即升。布政使帶徵全完。十萬兩以上者。紀錄一次。二十萬兩以上者。紀錄二次。三十萬兩以上者。不論俸滿即升。今改為一級○又奏准。經徵官在奏銷以後完解。上司所屬有一處在奏銷以後完解者。均不准議敘。○又奏准。凡拖欠在民錢糧革職降級官員。未經離任之先。如能將拖欠錢糧全完者。准其開復。仍留本任。如該督撫將離任官員題請留任之時。其員缺另擬有人。而未經奉

旨者。將原官仍准留任。如原缺所補之人。已經奉旨。將新任官令其赴任。原官准其留省另補。○五年奏准。參限內奉旨寬免錢糧分數者。限滿止。照現在未完分數處分。如二參限內寬免錢糧五分。州縣官徵完四分。至參限滿即照原欠一分。限滿不全完。例處分至二參限內奉旨。分年帶徵錢糧。原參各員。以欽奉恩旨之日為始。另起二限催徵。如年限內完解不足所分之數。仍照例分別參處。○又奏准。凡徵追各項未完。後經分賠代賠。無徵追之責者。該徵



追官原議之案。悉照案犯被鄰境拏獲之例。按其參限應得處分。減等議處完結。○六年覆准直隸旗租銀兩。凡本年應徵旗租。及每年帶徵分數。未經全完。經徽州縣並督催之院司道府直隸廳州。以及接徵接催各員。初參二參處分。均照地丁錢糧例辦理。今增為如能於奏銷前全完。亦照地丁錢糧例。遇災歉帶徵銀兩。限滿不完。均按未完分數一體查參。○七年奏准。錢糧未完各官。赴部引見奉

旨降革後。嗣據接任官續報全完者。仍准開復原官。○九年議准。歷年帶徵舊欠正雜錢糧。經徵接徵各官。按其參限。照例覈辦。如每年完不足數。即將經徵各員。指名參處。係分數錢糧。將州縣官降一級留任。督催不力之府州。罰俸一年。係雜項錢糧。將州縣官罰俸一年。督催不力之府州。罰俸六月。○十一年奏准。衙役侵欺錢糧。該管官捏作民欠申報者。革職。該管知府不行詳查。遽為轉報者。降一級調用。徇庇不參者。降三級調用。○又奏准。嗣後錢糧未完各官。若欽奉恩旨。於二參限內。緩徵或分年帶徵。其原參處分。悉

照案犯被鄰境拏獲之例。減等議結。仍於欽奉恩旨後。另行起限催徵。如限滿不完。照例分別參處。○又奏准。官員造報各項錢糧文冊。遲延或限內却事。並違限不及一月及一月以上者。均罰俸三月。違限二月以上者。罰俸六月。違限三月以上者。罰俸九月。違限四五月以上者。罰俸一年。違限半年以上者。降一級留任。違限一年以上者。降二級留任。違限二年以上者。降三級調用。其文冊遺漏重開數目舛錯。或多開少造。遺漏職名者。俱罰俸三月。該管各官未經查出。據冊轉報。罰俸一月。因舛錯以致遲延三月以上者。照遲延例議處。該管各官。仍照據冊轉報例議處。未率轉者。免議。如屢經駁飭。遵照更正之案。皆由該員不能悉心覈對。以致稽遲。所有再次駁查。以致往返程途月日。概不准其扣除。仍按違限月日。分別議處。至該管各上司。亦不得故意駁飭。如違即照應結駁查例議處。○又奏准。開報各項錢糧已未完年限。職名文冊遲延。照造報各項錢糧文冊遲延例議處。○十二年諭。戶部奏申定章程。嚴催積欠一摺。據稱各省丁賦自



嘉慶元年起至十一年止。除因災緩帶徵外。仍有未完銀八百八十六萬一千八百餘兩。誠恐不肖官吏。有侵蝕虧挪情弊。應將錢糧未完處分。嚴定章程。如有參限將滿。例應降革者。該督撫不得代為推卸。擅請調署等語。各省丁賦。關係度支經費。國家生齒日繁。費用倍增。我朝取民有制。從無加賦之事。惟藉此每歲正供。量入為出。豈容稍有虧欠。乃江南等省。自嘉慶元年以來。至十一年止。尚有據報未完銀八百八十六萬餘兩。朕廑念民依。凡稍有災歉之區。無不降旨施恩。立予蠲緩。現在戶部摺內。尚有各省緩徵帶徵銀三百八十六萬餘兩。不在此例。小民具有人心。於歲入正供。自當輸將踴躍。即間有拖欠。亦何至多至數百萬兩。總因地方官任意因循。徵催怠惰。甚或有侵挪虧情弊。皆未可知。而上司護惜屬員。往往曲為地步。凡涉參限將滿。俾接徵之員。另行開限。州縣恃有此規避之法。又復何所儆畏。無怪乎各省積欠如此之多也。嗣後州縣遇有錢糧處分。參限將滿。戶部隨時知照吏部。不准調署他處。如該上司違例調署者。將該上司一併參處。督撫等務當豫飭所屬。各行激發天良。於應徵款項。按限催徵。不得任意

因循。罔顧國計。○十七年奏准。各直省經徵督催各員。有未完處分。參後續報全完者。該督撫分別題咨。扣減扣免開復。於文內將收銀月日。及造入何年季冊之處。詳細聲明。部中照數登記。即予開復。仍令該督撫於送部撥冊內。註明收銀存庫月日。兩相覈對。如有舛錯遺漏。將承辦衙門。查取職名議處。○又議定。凡奏銷錢糧。全憑冊結磨對。必須隨各案一併送部。如司道府州縣官員。將冊結遲延不送。或限內卸事。並違限不及一月者。均罰俸三月。違限一月以上者。罰俸六月。二月以上者。罰俸九月。三月以上者。罰俸一年。四五月以上者。降一級留任。六月以上者。降二級調用。一年以上者。革職。如司道府州縣官員。將冊結申送督撫。而督撫遲延。違限五月以下者。亦照司道府州縣官員例處分。如違限六月以上者。降二級留任。一年以上者。降三級調用。造報錢糧冊籍。應由戶部隨時彙報。各項錢糧文冊。例應照此。又議定。府州縣官員。造報奏銷錢糧冊內。有數目外錯遺漏者。將該府州縣官罰俸一年。督撫及轉報之司道。各罰



俸六月。如督撫司道所造冊內有數目舛錯遺漏者亦各罰俸六月。○又奏准參限內奉旨豁免錢糧者。經徵官原參現參處分。概予查銷。○

十八年奏准。凡錢糧未完。例應降革人員。於未奉部議之先。續報全完者。無論調缺選缺。俱准開復留任。毋庸送部引。

見如續完在降革行文之後。經該督撫請將該員留任。係外省揀調之缺。文到在照限減半以內者。准其留任。在限外者。留省另補。係歸部銓選之缺。文到在二十日截缺以前者。准其留任。在截

缺以後者。留省另補。員缺歸選。○又議准。續報全完題請開復之案。經管衙門不列續完各官職名者。罰俸六月。○又議准。

盛京旗餘地畝。經徵各官。如於五月奏銷以後。十月開徵以前。續報全完者。扣除免議。至十月開徵以後。再有續報全完。雖於原參內扣除。仍取具遲延職名議處。○二十一年奏准。江蘇省蘇松常鎮所屬賦繁州縣。並直省各州縣官。經徵一應起運本年有分數錢糧。除銀數不及三百兩全完者。毋庸議敘。其自三百兩以上。未及一

萬兩。於奏銷前全完者。紀錄一次。一萬兩以上全完者。紀錄二次。二萬兩以上全完者。紀錄三次。三萬兩以上全完者。加一級。五萬兩以上全完者。加二級。八九十萬兩以上全完者。不論俸滿即升。督催之知府直隸州知州。及經營錢糧道員。各計所屬不及五萬兩全完者。紀錄二次。五萬兩以上全完者。紀錄三次。十萬兩以上全完者。加一級。二十萬兩以上全完者。加二級。如所屬州縣有一處於參後全完者。即不准併計議敘。其衛所屯糧經徵之經歷等官全完者。照州縣例議敘。督催之同知通判等官全完者。照府州例議敘。○又議准。署印官經徵錢糧全完。按其一年二年三年四年六年九年。照例分別議敘。○道光二年

論。戶部議駁安徽省官墊民欠銀兩。不應援案請豁免。各直省應行豁免款項。俱當定以案據年月限制。覈實稽查。方免輾轉捏報之弊。此次安徽省奏報墊完民欠。從前並未奏明有案。若概予豁免。恐各省紛紛奏請。必致不肖州縣。心存冀幸。任意侵挪。不可不防其漸。所有該省墊完民欠銀四十一萬餘兩。俱係



該撫孫爾準藩司陶澍未經到任以前之事。無所用其迴護。著該撫督同藩司覈實查明。分別立限嚴追。如經手各員。仍藉詞懸宕。即著據實查叅。以重庫項。

○三年

諭。戶部奏直隸奏銷行查銀款逾限未覆請旨飭催一摺。直隸省地丁奏銷案內行查各款。自嘉慶十一年至十九年。共銀一千二百餘萬兩。節經該部彙案奏催。該省並不上緊查辦。且自嘉慶二十年至二十五年。復有未結各款銀五百餘萬兩。實屬延玩。著蔣攸銛即督率藩司迅速將各年地丁奏銷案內行查未結各款銀數分析查明。造冊登覆。並將辦理遲延各職名送部覈議。如有虧挪侵蝕及玩延不解情事。立即嚴叅懲辦。毋稍迴護。○五年

諭。前據戶部奏各省節年未完地丁正耗銀兩請飭該督撫藩司勒限嚴催。並飭將經徵督催復叅處分按限查叅一摺。已依議行矣。直省地丁錢糧。若非災歉緩徵。豈容任意拖欠。乃自嘉慶二十二年普免民欠後。又歷年積欠至三百八十餘萬之多。總緣地方官經徵不力。各上司不認真查催所致。即因災緩帶徵錢糧。亦節年積至八百四十九萬有奇。國家經費攸

關。皆當依限徵完報撥。業經該部查奏飭令各督撫嚴飭藩司。迅即按年按限分別開具清單。先行送部查覈。並將該部承辦司員不按例查出行催者。定以叅處。該督撫等自不容任聽所屬仍前延宕。本日又據奏各省道光五年完欠錢糧比較內。直隸福建江西安徽四省未完分數較上年復又加多。藩司總覈錢糧。如果認真嚴催。何至徵收日益短少。除直隸省催解四五兩年旗租多至十萬有奇。該藩司功過尚可相抵。加恩免其議處外。其福建江西安徽三省藩司。著查取職名交部於奏銷考成外。再行按照未完分數分別議處。廣西河南兩省奏報單內俱屬違式。並著查取該藩司職名交部議處。○七年

諭。御史常恆昌奏請嚴禁外省官墊民欠及差墊未完銀錢積弊一摺。各省州縣經徵錢糧。往往因規避處分。墊完民欠。已易啟虧挪之漸。且有差役墊欠。並非該花戶輸將不力。竟係書差為加倍取償地步。致畸零小戶。僻處編氓。更滋苦累。著直省督撫將官墊名目。差墊弊端。一體永遠禁革。如有仍蹈前轍。以欠作完。挪移規避者。責成該管上司嚴行查察。有犯必懲。其差役墊欠。敢向花戶苛索重利取償。該管州縣不



即查明究辦。別經發覺。除將書役按律治罪外。仍將該管州縣從嚴議處。以重考成而恤民隱。○十年

諭。盛京內外各城官兵隨缺地租。除自行耕種者毋庸

議外。所有交旗民地方官招佃取租者。照依舊有餘地。分別佃戶。係旗人責成。界官承催。係民人責成。民員承催。一律造報考成。咨送盛京戶部奉天府府尹查覈。十月內通完者。照例議敘。如催追不完。附題卷處。○二十六年。奏准廣東官築屯田租項。由虎門同知專管催收。如有拖欠。照地丁錢糧例。按其分數。分別議處。○二十七年。奏准各省地丁奏銷

該督撫照依例定月分。於是月底具題。若督撫並未因公奏展。或司道府州縣先已違限。致有遲逾。即令據實開報。分別照例議處。○二十八年

諭。戶部奏請飭催積欠案內各省應解新舊銀兩。並報撥登記各款。分別開單呈覽一摺。各省應解戶部查辦積欠案內銀兩。皆待用待撥要需。本應實貯在庫。與一切欠項尚待追繳者不同。乃應解不解。任意耽延。當此制用孔亟之時。各直省大吏宜如何趕緊催提力籌國計。前經疊降諭旨。嚴飭迅解。並令立限歸

數通完。今據該部覈實奏聞。其中已經報解之款。甚屬寥寥。似此積習因循。不知緩急。直以緊要帑項。視為催欠具文。籌國疆臣。竟坐視耶。所有各省藩庫應解部庫及屬庫應解藩庫新舊積欠三百二十六萬

八千八百兩零。制錢五千五百串零。著各該省督撫等督飭司道認真查催。應解部者。迅即委員領解。先將起解日期報部。應解司庫者。嚴檄催提。咨部候撥。其積欠案內登記未經入撥之款。實與應解無異。各該省於春秋撥冊內。並不將前項彙入。以致該部無從指撥。此項為數更鉅。計積欠銀一千十四萬四千八百兩零。制錢二千十六串零。著各該督撫等一體清釐。迅速報撥。毋許再有遲延。○又

諭。戶部奏積欠案內各省未完地丁銀兩。延未報完。開單呈覽。請旨飭催。另片奏查歷屆恩詔豁免之數。漸次加增。並請隨時清釐各等語。地丁為國家正供。不容絲毫短絀。茲據戶部查明各省未完地丁正耗。自普免道光二十年前逋賦之後。至今又積欠正徵。緩徵銀二千三百九十萬餘兩之多。似此年復一年。各省大小官員。幾將置錢穀於不問。積習相沿。伊於胡底。且道光二十年前逋賦。共免銀九百三十餘萬兩。



民力不為不寬。乃地方官視為成例。積欠日多。完解日少。上次經戶部奏催之後。各省大半完納。新款其舊款。則任意延宕。冀得屆期豁免。是以國家蠲租免賦之恩。藉遂有司侵蝕虧挪之計。思之實堪痛恨。所有戶部單開各項。除本年報災之區。著該督撫體察情形。分別辦理。其餘有前項積欠省分。自道光二十一年以後。未完地丁正耗銀兩。務令勒限全完。緩徵之款。亦令遵照原展年限。隨同正徵完納。迅速報解。儻查有不知愧奮。或有以完作欠情弊。立即從重奏參。嚴議以為玩視度支者戒。並著各督撫責成藩司。於該州縣每年應徵未完。及緩徵屆限各款。詳細覈查。毋得任聽各屬。虛報欠數。有增無減。希冀蠲除。致滋流弊。○二十九年奏准。一官經徵分數錢糧。能每年於奏銷前全完。應於照常議敘之外。量加優敘。如數在三百兩至二萬兩以上。係直省各州縣。一官經徵三年。於奏銷前全完者。即准其加一級。係蘇松各屬。賦繁州縣。一官經徵三年。於奏銷前全完者。即准其不論俸滿即升。其數在三萬兩以上。一官經徵三年。於奏銷前全完。及數在五萬兩以上。一官經徵兩年。於奏銷前全完者。亦俱准其不論俸滿即升。其數在三萬兩及五萬兩以上。係直省州縣。一官經徵六年。於奏銷前全完者。准該督撫奏請送部引見。九年於奏銷前全完者。准其指定應升之階保奏。免其送部引見。見蘇松常鎮各屬。一官經徵四年。於奏銷前全完者。准該督撫奏請送部引見。六年於奏銷前全完者。准其指定應升之階保奏。免其送部引見。見務令該督撫覈實咨部。不得率以參後續完之案。混行併計。其兩年三年四年六年九年之內。或遇蠲緩年分。並非十分全完。或本員適有差委。離任事故。並非一官全完。即將是年扣除。俟續有一手徵完之年。准其前後接算。聲請議敘。若該員雖於本年經徵全完。而次年在任不能經徵全完者。止准給予照常議敘。不准再以前後接算。至前案曾經優敘。均不得牽混合計。○咸豐二年奏准。直省布政使督催錢糧。合計所屬如上。忙能完至三分。下忙能完至五分。免其議處。上忙完不及三分者。罰俸一年。下忙完不及



五分者降一級留任。如上忙完不及三分。業經議處。下忙五分以上全完。統計已將上忙議處及八分將上忙議處之案查銷。毋庸議敘。上忙能完至三分以上者。給予紀錄二次。下忙完不及五分。統計不及八分即將上忙議敘之案查銷。再予以罰俸一年。如上忙議敘業已另案銷去。即將該員仍議以罰俸二年。上忙三分以上全完。給予紀錄二次。下忙又五分以上全完。再給予加一級。如上忙已完至五分。下忙又完三分以上。併計已及八分以上。仍給予下忙完至五分以上。應得議敘。上忙下忙八分俱已全完。其餘二分復能於奏銷前埽數全完。統計所屬錢糧不及五十萬兩者。加一級。五十萬兩以上者。加二級。一百萬兩以上者。加三級。儻所屬州縣有一處不能於奏銷前全完者。即不准統計。併邀議敘。○又奏准。直省徵收新賦錢糧。督催之布政使。既於上下兩忙分別已完未完。議敘議處。其舊欠帶徵。由戶部於年終彙案比較。如欠數最多。即將該藩司叅辦。儻能全完。仍隨案咨送吏部議敘。○八年奏准。地丁隨本奏銷等題。本內州縣未完處分。戶部

會同吏部覈議。如該省續報全完銀兩。咨請扣除免議。應以送冊到部之日起限。如咨文到在五十日內。戶部轉行吏部扣除免議。其咨文到在五十五日以外。應由該督撫照例題請免議。不得陸續咨請免議。致誤題銷限期。○九年

論戶部奏各省徵收上下忙錢糧請飭按限造報一摺。國家經費。以地丁為大宗。乃各省於上下忙錢糧。竟有因一二州縣未能徵收。遂將全省錢糧數目。概不報部。更有於所屬州縣二叅屆限時調署離任。巧為規避。延不開叅。以為見好屬員之計。殊屬瞻玩。著各督撫嚴飭該藩司。將歷年未經造報者。統限於明年二月以前。詳細造冊送部覈辦。其明歲上下忙錢糧除雲南貴州二省。向係徵收全完後報部外。其餘各省著於截止後。上忙限十一月底。下忙限次年五月底。分析成數報部。儻該州縣依限全完。准其援照成案。量予議敘。如有不肖州縣。藉詞延宕。即從嚴叅劾。儻敢瞻徇隱庇。即著該部將該藩司及經徵不力州縣指名嚴叅。以懲玩泄。○同治元年

論鄭元善奏請嚴飭該管府州督催錢糧一摺。近年河



南軍需浩繁。被擾之區。應完錢糧。又復疊經蠲緩。全賴完善地方。實力徵解。各該府州宜如何破除情面。嚴切督催。以期無誤。要需若一味因循。諉卸於所屬。徵收事宜。漠不關心。毫無覺察。朝廷又安用此憤憤之臣為耶。此後該省州縣徵收錢糧。著嚴責該管府州。認真督催。不時親赴所屬。將徵收紅簿串根徹底清查。如有情徵侵挪等弊。立予揭參。若該管府州徇私護庇。即行一併嚴參。現在各直省或防勦本境。或協濟鄰封。需餉甚殷。尤恃正賦無缺。方足以資周轉。各該府州恃無責成。即不免於所屬徵收。意存推諉。嗣後各督撫於州縣經徵錢糧。均著責成。該管府州實力督催。儻敢仍前疲玩。致令所屬州縣有情徵侵挪情事。即著一併從嚴參辦。十二年奏准。直省州縣官經徵本年錢糧全完。經該督撫以催科勤奮。奏請給予虛銜頂戴。奉旨允准者。即欽遵辦理註冊。其有保奏官階者。仍應詳查戶部。分別年分額數。如與例未符。即聲明請旨。以杜冒濫。○又奏准。二叅限內。遇有夏秋被災。查明未完課賦。實係應行請緩。而於限外奏到奉

旨者。經徵官原叅處分。仍准改照犯被鄰境拏獲之例。減等議結。該督撫奏報遲延。仍照例議處。○又議准。地丁錢糧限二月開徵。雲南貴州四月完半。陝西四川二省六月完半。凡錢糧在兩以內。准緩至八月全完。五月停忙。八月接徵。福建省七月接徵。山東河南二月全完。十一月全完。雲南貴州二省。○又議准。地丁奏銷。直隸山東山西河南陝西甘肅。限次年四月。奉天安徽浙江江西湖北湖南江南之蘇州藩司。限次年五月。福建四川廣東廣西雲南貴州江南之江甯藩司。限次年六月。山西之大同朔平二府屬經徵米豆。於次年年底奏銷。如該督撫因公不能依限。准其具題請展。○又議准。餘地租銀有餘地。在彼州縣撥補。而租銀應歸此州縣徵收者。即令餘地坐落之州縣官代為催徵。如該州縣官不行文代徵。州縣催徵及有拖欠。又不申報上司者。即將拖欠租銀歸入此州縣正項錢糧內。一併作為分數議處。已行文已申報者免議。○又議准。官員署印不及一月者免議。一月以上。有經徵經催之分數錢糧未完。照現任官例處分。有接徵接催之分數



錢糧未完。照接徵接催官例處分。若於署印卸事之後復來署印者。其未完錢糧。係屬兩任。即各按其任未完分數。分案議處。○光緒十一年

論。戶部奏正供錢糧缺額過多。釐剔官吏經徵積弊。又覈對民欠。請頒徵信冊。並擬章程冊式呈覽。及立蠲緩徵信冊各摺片。錢糧為國家正供。小民具有天良。無不爭先輸納。其偶有抗欠者。不過千百中之一二。全在封疆大吏督撫藩司糧道認真考覈。力杜官吏中飽之弊。上不虧短國課。下不朘削民生。戶部綜理度支。通權出入。自以清釐正賦為國用之大經。現據詳晰查明正雜各項賦稅。每年短徵在一千一百萬兩以外。推求其故。報荒不實。報災不確。捏完作欠。徵存不解。交代延宕。以上五弊。屢經該部陳奏通行。各直省錮習成風。因循怠玩。錢糧弊竇。愈積愈深。若不嚴申禁令。痛除宿弊。年復一年。伊於胡底。近年各省短徵之數。據奏以安徽及江蘇之江甯為最多。蘇州江西次之。河南又次之。其餘各省除四川全完外。均虧缺一二分不等。此次該部摺內既指出致弊之由。復縷陳除

弊之法。著各該督撫查照該部所籌辦法各節。嚴飭所屬。逐一整頓。實心實力。期在必行。用人理財。為疆吏專責。果能政事修明。財用不患不足。儻以簿書為故事。視誥誡為具文。經徵錢糧。仍前弊混。該管上司相率徇庇。即著該部將該督撫藩司糧道指名嚴參。決不姑容。其捏造民欠一節。蚩蚩愚氓。莫可控訴。允宜定一簡便之法。俾民間共知共曉。該部所擬民欠及蠲緩徵信各冊。立法已為詳備。然有治法。賴有治人。若循頒發之名。無稽查之實。則一紙文書。仍無實濟。著各直省督撫飭令該管道府州分散徵信冊。必須設法確付鄉閭。毋令稍有隔闕。仍不時下鄉按冊抽查。總期與民相親。不憚煩瑣。庶窮檐百姓報上之忱。纖悉必達。一切侵挪影射之弊。不難盡行革除。我朝政崇寬大。大兵大役。從未加賦於民。自錢糧收不足數。不得已而權貨抽釐。物價增昂。民用不裕。朝廷念切恫瘝。豈忍迫以追呼。致失愛民如傷之隱。現在清釐錢糧。專杜貪吏侵欺之弊。毫不擾累閭閻。儻有不肖州縣。巧立名目。藉端苛斂。或刁劣紳士。造言煽惑。包攬把持。均著執法嚴懲。以挽澆風而裕正課。但



得錢糧漸次足額釐金即可量減酌裁與民休息  
是為殷盼。至每年因災蠲緩一經督撫奏到無不  
立沛恩施。而所敘災區蠲緩各節前後套搭。動輒  
牽混。適開胥吏舞弊之端。嗣後各省奏請蠲緩務  
將各屬銀米等項。分縣開單。俟降旨允准後。即照  
單開數目刊刻謄黃。徧行曉諭。庶使識字農夫一  
覽瞭然。應蠲應緩絲毫無混。用副體恤民艱實事  
求是之至意。

欽定大清會典事例卷一百八

吏部

處分例 徵收漕項錢糧 不作分數錢糧

徵收漕項錢糧。○康熙二年題准。漕白二糧及  
隨漕輕齋等項。初。叅州縣衙所各官。欠不及一  
分者。停其升轉。罰俸一年。欠一分者。降職一級。  
二分者。降職二級。三分者。降職三級。四分者。降  
職四級。皆令戴罪。催徵欠五分以上者。革職。知  
府糧道。欠不及一分者。停其升轉。罰俸六月。欠  
一分者。罰俸一年。二分者。降職一級。三分者。降  
職二級。四分者。降職三級。五分者。降職四級。皆  
令戴罪。督催欠六分以上者。革職。巡撫欠一二  
分者。罰俸三月。三分者。罰俸六月。四分者。罰俸  
一年。五分者。降俸一級。六分者。降俸二級。七分  
者。降職一級。八分者。降職二級。皆令戴罪。督催  
完日開復。○三年題准。白糧改折銀。限文到半  
年內全完。如有不完者。督催之巡撫布政使司  
糧道及府州縣官。皆照地丁錢糧考成例議處。  
將未完錢糧再限半年完結。如限內又有不完  
者。亦照地丁錢糧限滿例議處。○又題准。凡接



徵接催漕白二糧之官。均連前官總作十分。以到任之日為始。接徵州縣等官。亦限一年。接催糧道知府等官。限一年半。催完。接催巡撫限二年。催完。題參之日。仍照初參例處分。○又題准徐淮臨德等倉錢糧初參。經徵州縣官。欠不及一分者。停升。催徵欠一分者。罰俸六月。欠二分者。罰俸一年。欠三分者。降俸一級。欠四分者。降俸二級。欠五分者。降職一級。欠六分者。降職二級。欠七分者。降職三級。欠八分者。降職四級。皆令戴罪催徵。停其升轉。完日開復。欠九分十分者。皆革職。布政使道府直隸州知州。欠不及一分者。停升。督催欠一分者。罰俸三月。欠二分者。罰俸六月。欠三分者。罰俸一年。欠四分者。降俸一級。欠五分者。降俸二級。欠六分者。降職一級。欠七分者。降職二級。欠八分者。降職三級。欠九分者。降職四級。皆令戴罪督催。停其升轉。完日開復。欠十分者。革職。巡撫欠不及一分者。停升。督催欠一分二分者。罰俸三月。欠三分者。罰俸六月。欠四分者。罰俸一年。欠五分者。降俸一級。欠六分者。降俸二級。欠七分者。降職一級。欠八

分以上者。降職二級。皆令戴罪督催。停其升轉。完日開復。署印官。欠一分二分者。罰俸三月。欠三分四分者。罰俸六月。欠五分六分者。罰俸九月。欠七分八分者。罰俸一年。欠九分十分者。降一級。調用欠不及一分。並署印不及一月者。免議。○又題准徐淮臨德等倉錢糧被參後。州縣官限一年內全完。如原欠不及一分。一年內不全完者。罰俸一年。欠一分三分。一年內不全完者。降三級。調用欠三分四分。一年內不全完者。降四級。調用欠五分六分。一年內不全完者。降五級。調用欠七分八分。一年內不全完者。革職。布政使及經管錢糧道員。知府直隸州知州。限半年全完。如原欠不及一分。限年內不全完者。罰俸一年。欠一分二分。限年內不全完者。降三級。調用欠三分四分。限年內不全完者。降四級。調用欠五分六分。限年內不全完者。降五級。調用欠七分八分以上。限年內不全完者。革職。巡撫限二年內全完。如原欠不及一分。二年內不全完者。罰俸一年。欠一分二分。二年內不全完者。降二級。調用欠三分四分。二年內不全完者。



降三級調用。欠五分六分。二年內不全完者降四級調用。欠七分八分。二年內不全完者降五級調用。欠九分十分。二年內不全完者革職。其接徵接催官員均以到任之日為始。接徵州縣官員亦限一年。接催布政使道員知府直隸州知州限半年。催完。接催巡撫限二年。催完。如不能完。題參之日。照現在未完分數。以初參例處分。至帶徵積年拖欠錢糧之大小各官。不便與經徵官一例。限二年內全完。如二年內不全完。皆照定例分別職任處分。○十四年題准。漕白

完者革職。巡撫糧道知府等官。原欠不及一分者降一級。仍戴罪督催。其餘皆照州縣例處分。○三十年議准。順天保定河間永平等屬。撥補地畝租銀。經徵催徵州縣衛所官。欠不及一分者。停升催徵。欠一分者。罰俸三月。二分者。罰俸六月。三分者。罰俸一年。四分者。降職一級。五分者。降俸二級。六分者。降職三級。七分者。降職四級。皆令戴罪督催。停其升轉。完日開復。欠十分者。革職守道。知府今改為布政使。道。府。欠不及一分者。免議。欠一分者。罰俸兩月。二分者。罰俸三月。三分者。罰俸六月。四分者。罰俸一年。五分者。降職一級。六分者。降俸二級。七分者。降職一級。八分者。降職二級。九分者。降職三級。十分者。降職四級。皆令戴罪督催。停其升轉。完日開復。巡撫今改為總督。欠不及一分者。免議。欠一分二分者。罰俸兩月。三分者。罰俸三月。四分者。罰俸六月。五分者。罰俸一年。六分者。降職一級。七分者。降俸二級。八分者。降職一級。九分以上者。降職二級。皆令戴罪督催。停其升轉。完日開復。署印官。欠不及一分者。免議。







日奏請開復。其參後違限不完者。加倍議處。應罰俸三月者。罰俸六月。應罰俸六月者。住俸。應住俸者。降二級。應降二級者。降四級。應降三級者。革職。戴罪督催。完日奏請開復。應革職戴罪者。實降二級調用。○九年議准。催徵南秋等米。一千石以上至五千石。一年限內全完者。照地丁五萬兩以下之例。紀錄一次。五千石以上至萬石者。照五萬兩以上十萬兩以下之例。紀錄二次。萬石以上者。照十萬兩以上之例。紀錄三次。督催糧道。知府直隸州知州。萬石以下。一年限內全完者。亦照地丁十萬兩以下之例。紀錄一次。萬石以上者。照十萬兩以上之例。紀錄二次。二萬石以上者。照二十萬兩之例。紀錄三次。布政使。照地丁議敘之例。計算議敘。○十一年覆准。江屬地丁項下額徵本色米豆。按額覈作十分。每年於十月初一日開徵。至次年三月終。以半年計算。如有完解不全。將已未完數目開列職名。一併另冊題銷。將經徵接徵各官。按照未完分數議處。初參州縣官。欠一分以上者。罰俸六月。二分以上者。住俸。三分以上者。降二級。

四分以上者。降三級。五分六分以上者。革職。皆令戴罪催徵。完日題請開復。江甯於次年七月初一日起。蘇州於次年六月初一日起。勒限三箇月。其參後違限全數徵完。原參各官。准其開復。不完者。加倍議處。應革職戴罪者。實降二級調用。督催之巡撫。司府。欠一分以上者。罰俸三月。二分以上者。罰俸六月。三分以上者。住俸。四分以上者。降二級。五分以上者。降三級。六分以上者。革職。皆令戴罪督催。完日開復。其參後違限不完者。加倍議處。應革職戴罪者。實降二級調用。至州縣官。欠不及一分者。例不議處。督催等官。欠不及一分者。亦毋庸議處。其署印官。照著徐淮等倉錢糧事務例處分。○又議准。大同朔平二府屬各州縣。應徵本色及改徵米豆。今增堂鎮應徵太僕寺牧廠地畝本色米豆。於次年年終另冊奏銷。凡經徵督催各官。按其完欠分數。皆照江蘇本色米豆另冊奏報之例。分別初參限滿議處。○十二年覆准。地丁漕項鹽課等項錢糧奏銷案內未完各官。該省督撫。照例題參到部。戶部會同吏部議處。題覆如參後有續報徵完。經戶部議覆奉旨。該省已接准部文者。該督撫將該員議處之案。題



請開復若參後續完未經題覆該督均用咨文報部即於本案奏銷內扣除免議其有部議已經奉

旨戶部尚未行文而該省參後全完咨文始行到部者若駁令該省具題徒滋往返應據該督撫咨文改繕題本請

旨開復今增為如續報全完各官已另案革職及佐雜微員該督撫毋庸概行具題止用咨文報部分別

辦理○乾隆三十年奏准江省有漕各州縣將每年應徵行月錢糧於十月內按六分之數完解道庫給丁濟運如解不足六分之數有誤

支放者即行咨參將催徵之州縣罰俸六月再限三箇月解完六分之數如仍不完罰俸一年

今增若至奏銷時仍有拖欠即作為十分考成議處浙江省嘉興湖州二

府催徵白糧項下車夫等款錢糧亦照此例查參議處○三十五年覆准山西右衛五旗牧廠餘地應徵租銀照地丁錢糧例按限徵收另冊

題銷經徵之和林格爾清水河二通判督催之歸綏道及巡撫布政使均照大同朔平二府糧石奏銷之例按其完欠分數初參限滿分別議

處○三十七年奏准綏遠城同知經徵渾津黑

河莊頭糧石朔平府同知承催駐馬口外莊頭糧石均照地方有司官例分別議敘議處其土默特蒙古應交綏遠城同知糧石如蒙古官員經徵不力以該同知作為督催一併開參○又

奏准 泰陵廣恩庫典買直隸清苑等州縣滋生旗地及內務

府莊頭退出地畝租銀未完大小各官或初參或限滿題參者俱照直隸撥補租銀例處分遇有參後全完分別題咨開復○又覆准江蘇海州贛榆清河桃源宿遷沭陽阜甯等七州縣漕

糧民折官辦各州縣所借司庫銀兩即行徵收其折漕價值統按每石二兩之數隨漕徵辦於

奏銷前解司歸款如有催徵不力即照漕糧未完分數之例分別參處備承辦官徵收採買稍有侵漁浮冒以及產米地方官扶同捏報等弊

即嚴參治罪○五十四年覆准江蘇省所屬之清河阜甯桃源宿遷海州沭陽贛榆等七州縣

今增嘉定寶小為九州縣民折官辦漕糧每年於十月內即按照該省產米時價於司道庫領銀採買起運仍於民戶攤徵十一月內照價起徵次年二月



以前徵完歸款如逾限未解即將經徵接徵各官。數明未完分數。隨同地丁正項錢糧一併參處。○五十九年奏准屯田贍運田租佃欠不清。俱令該衛一面報明司道。一面移縣勒追。其津貼銀兩令各衛查明造冊。如屯田錢糧本係在衛徵收者。此項津貼銀兩即由衛隨正徵收。如裁衛歸併州縣徵收者。即由州縣隨正徵收。批解道庫。按幫給發。如餘租津貼等銀。有情徵挖。欠查參者。將該州縣照正項錢糧未完分數。分別議處。○嘉慶五年奏准各省南秋等米每年

額徵共作十分彙算。另為一本題銷。今定為年內全完至

次年五月初參州縣官欠不及一分者。罰俸三月。

欠一分以上者。罰俸六月。欠二分以上者。住俸

欠三分以上者。降二級。欠四分以上者。降三級。

欠五分六分以上者。革職。俱留任。戴罪催徵。再

限一年徵完。完日開復。其參後違限不完者。加

倍議處。如應罰俸三月者。罰俸六月。應罰俸六

月者。住俸。應住俸者。降二級。應降二級者。降四

級。應降三級者。革職。俱留任。戴罪催徵。完日開

復。應革職留任戴罪者。降二級調用。三限不完。

照二參例。再加倍議處。署印官。照徐淮等倉署印官例處分。督催之巡撫。藩司。糧道。知府等官。欠不及一分者。免議。欠一分以上者。罰俸三月。欠二分以上者。罰俸六月。欠三分以上者。住俸。欠四分以上者。降二級。欠五分以上者。降三級。欠六分以上者。革職。俱留任。戴罪督催。完日開復。其參後違限不完者。加倍議處。三限不完。照二參例。再加倍議處。今增為凡各上司督催限期。照地丁例查參。○又奏准催徵南秋等米。州縣官一千石以上至五千石。一年限內全完者。紀錄一次。五千石以

上至一萬石者。紀錄二次。一萬石以上者。紀錄

三次。督催糧道。知府一萬石以下。一年限內全

完者。紀錄一次。一萬石以上者。紀錄二次。二萬

石以上者。紀錄三次。布政使。照地丁例議敘。各

上司督催限期。悉照地丁例查參。○又奏准湖

廣省應徵南秋等米。奏銷時如有未完。照地丁

錢糧初參之例。題參議處。再定限三箇月。限滿

仍有未完。亦照地丁錢糧一年限滿不完之例。

按其未完分數。與以實降離任。即欠不及一分

者。亦照地丁一分之例議處。○道光二十七年



奏准直省地丁漕項並直隸旗租等項錢糧經徵之州縣衛所官員及督催各上司均自本省奏銷限滿初參具題之日起再限三箇月作為二參起限日期其二參屆滿不完者仍照原例限期參處○又議准漕糧經徵州縣於十月開倉十二月兌完依次起運○又議准漕糧及行月米石總督衙門於隔年三月奏銷行月米石另為一冊○又議准漕倉奏銷德州徐州二倉限次年五月淮安鳳陽江甯三倉限次年六月臨清倉係山東巡撫專管錢糧於扣滿一年奏銷完欠考成於年底奏銷○又議准各省到通漕糧並江浙白糧二奏銷倉場衙門於次年五月具題○又議准各省漕白正糧經徵之州縣衛所及督催之糧道知府直隸州知州各官初參二參俱照地丁錢糧例作為十分考成布政使無催漕之責免其參處巡撫初參欠一二分者罰俸三月三分者罰俸六月四分者罰俸一年五分者降俸一級六分者降俸二級七分者降職一級八分者降職二級俱令戴罪督催二參限滿不完照地丁錢糧二參例議處○又議准隨漕輕

齋等項錢糧俱照漕白正糧之例處分○又議准江蘇省蘇松等府所屬糧重倉多州縣官不能兼顧准遴點老成殷實書吏收漕如有僉派匪人以致侵蝕者書吏照例治罪州縣官革職侵蝕米石即著落該官吏名下追賠○又議准州縣收漕遇有贏餘米石飭糧道不時盤驗將餘米若干計算明白存為修倉賑濟之用每年將存儲動支數目於年底造冊報部該撫仍不時查察如糧道有扶同徇隱及州縣官吏借稱餘米名色私加斛面苦累小民者即行嚴參照私加私派例議處○咸豐七年

諭前據晏端書奏以各屬被擾請將七年分徵收地丁錢糧完欠數目並漕白錢糧均免其開列比較當併交戶部查覈具奏茲據該部奏稱本年三月浙省被擾已在下忙截數之後該省欠數過多已難辭催徵不力之咎即因各屬被擾不能催完亦當分別辦理該撫遽將全省新舊兩賦均請毋庸比較分數既為藩司開脫處分地步尤恐各屬恃無考覈紛紛侵移流弊更多著胡興仁迅即查明七年分徵收地丁錢糧本年三月以後奏銷截止以前已未被擾各郡縣



未完數目分析開單比較上三年完欠數目速行具奏並將本年舊賦及四五六等年帶徵舊賦一併開列比較隨摺補報以杜蒙混至浙省漕白錢糧雖因衢州等六府屬被賊滋擾准予展緩而實在應徵及完欠數目仍當確切查明同未經展緩地方開列比較何得概免比較致與成案不符並著胡興仁將七年起運漕白錢糧奏銷截止以前分別已未被擾州縣緩徵及完欠數目比較上三年完欠分數具奏其本年應徵帶徵錢糧一併開列以昭覈實而免侵挪

○同治四年

諭前因曾國藩等奏請將蘇松等屬地漕錢糧一體酌減當經諭令戶部妥議具奏茲據奏稱漕項一款額徵正銀六十餘萬兩實為辦運要需歷屆海運成案除動支漕贈等銀外尚須另提津貼若將漕項隨同正漕數減必至運費不敷多提津貼湊用是減一分漕項即增一分津貼於民生仍無裨益至地丁一款額徵正銀一百四十餘萬兩該省每歲支銷各項及一切水旱賑恤等款咸取給於此今若減去二成僅歲存銀一百十餘萬兩以蘇藩之財供蘇省之用猶虞不給而部庫提項鄰封協濟又難保其必無轉輸

無術必至另設名目重困閭閻與其迫民間以額外之追呼何如還民間以分內之輸納等語所奏係屬實在情形蘇松田賦最重至我朝酌中定則並兩次豁免除浮糧六十五萬兩上年蘇省底定復永減漕額數十萬石所以軫恤黎元者無微不至今曾國藩等所請地丁漕項並減二成之處如果損上益下有裨民生亦何忍屯此膏澤第國家制用有常總當通籌全局量入為出方可行諸久遠况恤民之政不在減定額而在裁浮收上年左宗棠奏杭紹嘉湖四屬地漕銀一百八十二萬餘兩覈減浮收銀五十七萬餘

兩之多可見該地方官平日違例取盈重為民困曾國藩李鴻章等惟當於蘇省地漕等款仿照浙省辦法斟酌情形覈實刪減浮收庶民力可望日紓而正供不至虧缺其如何酌量刪減之處即著該督撫等迅速籌辦妥議具奏再聞蘇省徵收銀米向有大小戶名目輕重不均最為漕糧積弊推原其故總緣州縣官違例浮收地方紳衿得以挾持短長包完短交流弊百出而馴良之戶則官吏任意抑勒以為挹彼注茲之計事之不均莫此為甚並著該督撫等督飭州縣各官潔己奉公不准絲毫妄取儻仍有大戶包



攬短交等弊。即著該地方官執法嚴辦。毋稍姑容。

又

諭馬新貽奏。覈減漕南浮收。禁革陋規。以肅漕政一摺。浙省正漕。前經降旨。分成覈減。並准部議。以漕項籌抵運費。皆所以軫恤民艱。茲據馬新貽奏。稱請將額外浮收。痛加裁汰。覈實酌留。耗餘辦公。以蘇民困。計杭州府屬。共可減浮收米六萬四千六百餘石。嘉興府屬。共可減浮收米二十八萬五千三百餘石。湖州府屬。共可減浮收米十三萬六千八百餘石。杭嘉湖三府南米。共可減浮收折色錢二十四萬七千餘串。從前一切陋規。概行裁汰。各等語。即著照所請。將留裁各款目。造冊存案。並著該撫等。明白曉示。勒石永禁。漕糧概完本色。其有情願完折者。按照市價收納。悉聽民便。至杭屬之新城。於潛。昌化等縣。漕糧向收折色。官為辦運。仍著照舊辦理。按照市價徵收。儻有不肖州縣。仍敢蹈從前勒折浮收陋習。即著該督撫嚴叅治罪。至所稱浙省大戶完漕。並不加耗。甚至有把持包攬等弊。經此次改定新章之後。紳民一律徵收。不准有大小戶名目。再分軒輊。儻有紳衿等恃勢把持。仍前包攬短交。著一併從嚴叅辦。○又

諭戶部奏。導議江蘇減免漕糧章程數目一摺。江蘇蘇松常鎮太五屬。編徵米二百二萬餘石。原係彙同漕贈行月南卹局糧等款。一串徵收。自應如李鴻章等所奏。無分起運留支。一體並減。至以科則之重輕。地土之饒瘠。為減成之多寡。辦理亦尚妥協。加恩著照所請。所有蘇州府屬額編米豆八十七萬七千五百六十四石零。著減三十二萬六千六百三十二石零。松江府屬額編米四十二萬七千四百六十一石零。著減十一萬六千五百四十四石零。太倉州屬額編米豆十五萬三千四百三十二石零。著減四萬二千八百七十七石零。常州府屬額編米三十五萬五千九百八十石零。著減三萬五千五百九十八石零。鎮江府屬額編米二十一萬四千七百三十五石零。著減二萬一千四百七十三石零。統計原額編徵米豆二百二萬九千一百七十四石零。共減米豆五十四萬三千一百二十六石零。仍應徵米豆一百四十八萬六千四十八石零。著自本年為始。照減定數目徵收。其各屬派減米豆數內。尚有留為沿海瘠區加減之數。並著照章分別覈派。應減科則。另行造報。經此次派減後。該督撫等務當督飭所屬。認真徵解。不准



再有官墊民欠名目。非實在旱潦為災。不准請蠲請緩。如有捏報災歉。蒙混呈報者。即著嚴參懲辦。其把持浮收等弊。並著永遠革除。以裕民生。而重賦課。

八年

諭戶部奏請飭各省整頓丁漕。按限奏報等語。國家惟正之供。以地丁漕糧為大宗。各直省自被兵以後。瘡痍甫起。田地未盡開墾。徵收錢漕。勢難驟復定額。自係實情。然理財之道。不外盡地力。而務農功。果能設法招墾。次第推廣。賦額自日見起色。本屆江浙新漕較之上年數目。仍不相上下。各直省地丁所入。缺額仍多。若不力圖整頓。恐年復一年。正供半歸虧欠。國用所關。豈容膜視。著各直省督撫。嚴飭該地方官。將招墾開徵諸事宜。實力講求。以期漸復舊額。並著自同治八年為始。督飭藩司。將全省一年上下兩忙徵收丁漕各實數。及上屆徵收總數。開具比較清單。詳明專案奏報。統限各該年年底出奏。以備稽考。毋得遲逾。○光緒十一年

諭前據崧駿奏江西河南等省光緒九年分經徵漕項及漕米節省耗羨未完分數各職名。當令該部議奏。茲據戶部等衙門奏遵旨會議開單呈覽一

摺前因各省經徵地丁鹽漕錢糧。未能依限全完。題本又多遲逾。經戶部奏令各督撫。一面具題。一面先將未完一分以上各員奏報。由部覈實處分。以示懲儆。該經徵人員。宜如何奮勉從事。實力徵收。乃此次單開河南省經徵光緒九年漕米節省耗羨初參未完分數各員內。仍有未完五分以上。並有未完十分者。殊屬不成事體。所有未完五分以上之陳留縣知縣李清齡。未完十分之署鄆陵縣知縣候補知縣孔繁潔。署蘭儀縣事內黃縣知縣王季球。均著照部議革職。餘依議。嗣後各督撫務當嚴飭經徵各員。將未完錢糧。如期徵收。批解毋任延遲。滋弊。儻敢仍前玩愒。即著從嚴參辦。其應奏未完分數各員。務必趕先奏報。毋事延宕。致同具文。

不作分數錢糧。○康熙十二年覆准。蘆課錢糧。未完大小各官。或初參或限滿題參者。皆照徐准等倉錢糧例處分。今增河道驛站錢糧。及運完亦照此例處分。○又增河銀未完。經徵未各官如現任者。俱照經徵官之例。署印者。俱照署印官之例。○十五年議准。官員不作十分之雜項錢糧。如未完題參者。降俸二級。戴罪督催。



完日開復如年限內不全完者罰俸一年仍令督催○四十二年題准凡不作分數錢糧限滿不完止將承追之官照例題參其上司免議降罰銀兩未完亦照此例辦理如廢員贖項未清押回旗籍追繳其原承承追各官降俸二級戴罪催追之案改○又議准本身應完不作分數之雜項錢糧初限不完降俸二級戴罪完納完日開復如年限內不完罰俸一年仍令完納○乾隆三十年奏准各州縣春借常平倉糧與借給籽種口糧俱按年查覈完欠數目如有未完在一百石以上者即將經徵之員照雜項錢糧例咨參議處其該年因災停緩倉糧歸入應徵年分統覈完欠分別開參○又奏准雍和宮生息地租銀兩直屬州縣如有拖欠照雜項錢糧例議處○三十七年覆准各州縣徵收田房稅羨銀兩隨收隨解如有延緩不解該督撫查參將該州縣官罰俸一年督催不力之上司罰俸六月○嘉慶十七年奏准各直省遇有緩徵錢糧統歸應徵年額合計未完分數按成扣算俟催徵限滿覈明已未完數目將經徵督催職名分別查參如年額應徵銀一萬兩現徵八千

兩緩徵二千兩其現徵銀兩內當年完銀四千兩即作為完半完銀八千兩即作為全完至緩徵限期屆滿時仍合前已徵完之八千兩計算分數如緩徵數目內又完銀一千兩即以未完一成參處○光緒十年奏准凡定有額徵銀數雜稅錢糧如有未完初參州縣官欠一分二分者罰俸三月三分四分者罰俸六月五分六分者罰俸一年七分八分者罰俸二年九分十分者降一級留任俱令戴罪催追完日開復如參後違限不完已罰俸三月者罰俸六月已罰俸六月者罰俸一年已罰俸一年者罰俸二年已罰俸二年者降一級留任已降一級者降二級留任欠不及一分並上司俱免議如能於奏銷前一律全完者紀錄一次○又議准吉林新城局屯田應徵租錢承催各員每年如數催齊交納給予紀錄一次三年催齊給予加一級如有催交不齊將該管官記過一次如記過至二次者將該管官罰俸一年撤退另行更派催繳大小租錢每年限於十一月十五日以前交齊○又議准河銀內一年全完三百兩以上者紀錄



一次

欽定大清會典事例卷一百九

吏部

處分例 詳請豁免 承追虧空等項

詳請豁免○康熙十五年題准官員承追侵欺錢糧人犯如家產果盡不據實詳請豁免以致各犯父子夫妻分離者罰俸一年巡撫罰俸六月○五十二年題准凡虧空之人如果家產全無本人身故妻及未分家之子不能賠補者該地方官取具印甘各結申報督撫保題豁免結案備題後而本人別有田產錢財房屋人口發覺盡行入官將承追出結官革職督催知府直隸州知州各降二級調用司道降一級留任督撫罰俸一年其所欠贓銀米穀著落出結官賠補如承追官員不著落本人之妻並未分家之子行追藉端將親族濫行著落追賠者將承追官革職○又

諭該管上司官員如有逼迫出結之事屬官不行出首者著從重治罪○又議准官員追比侵盜錢糧犯人私贓若家產未盡捏結家產已盡被科道糾參或被旁人首告將捏結官降四級調用不行確



查轉詳之司道府等官降二級調用督撫降一級調用今改為督撫降一級留任如係該上司通迫出結者將上司革職屬官不行出仍照本例議處○乾隆三十年奏准本身上虧空革職解任人員係挪移等項定例限內全完准其開復逾限不完照例治罪如蒙

恩豁免止應免其治罪不准開復至因祖父銀兩未完解任追賠或題參革職追賠如查係挪移分賠代賠及民欠開抵之項不能依限全完者既已豁免俱准其一體開復若伊祖父虧欠銀兩查係侵欺錢糧及貪婪贓銀著落追賠不能依

限全完雖蒙

恩豁免亦止免其治罪均不准援例開復○嘉慶八年議定官員承追一切應完銀兩如本人家產實在全無不據實詳請豁免致令父子夫妻分離者罰俸一年督撫罰俸六月至旗員之該管官不為據實具結咨部者亦照此辦理若該旗業已咨報戶部而承辦司員任聽書役沈閣不為彙題豁免者亦照此例議處堂官照督撫例議處尋定司官罰俸一月止係遲延者照事件遲延例議處○又奏准官員應追銀兩於題請豁

免之後別有隱寄事發除本人照例治罪財物入官外將捏報家產已盡之出結地方官降四級調用不行確查之府州降二級調用道員降一級調用兩司降一級留任督撫罰俸一年如係由該管上司逼勒具結而屬員聽從捏報不行舉首者將該管上司革職屬員仍降四級調用○又奏准官員應追銀兩有實係無力完繳者查明該員本任及歷過任所俱無隱寄取具各該地方官切結移咨原籍確查果係家產全無原籍地方官亦即加結詳請豁免若不據實請豁致該員父子夫婦流離者將地方官罰俸一年督撫罰俸六月其或將分居析產之兄弟族屬暨事前並未分肥事後並無寄頓之親戚僚友以及奴僕旁人輾轉株連勒追賠補者革職○又奏准官員應追銀兩係同案分賠者各按本身應賠銀數追繳如實在無力賠補即將該員名下應賠之數豁免不得於同案各員名下重攤並不得於通省各官養廉內分扣更不得於承追省分著落賠還違者以違制論○又奏准官員承追一切應完銀兩限內有奉



旨豁免者。承追官原參現參處分。概予查銷。

承追虧空等項。○康熙五十三年議准。凡追賠虧空。贖罰銀及分賠等項。悉於文到之日。定限一年。其限內追完三百兩以上之案者。承追官每案紀錄一次。督催知府直隸州知州。每三案紀錄一次。道員每五案紀錄一次。督撫布按每十案紀錄一次。若不完。將承追官罰俸一年。督催知府直隸州知州。各罰俸六月。司道督撫各罰俸三月。皆戴罪督催。再一年限內不完。將承追官降一級留任。督催知府直隸州知州。各罰俸一年。司道督撫各罰俸六月。再限一年。督催全完開復。若不完。將承追官照所降之級調用。督催知府直隸州知州。各降一級留任。司道督撫各罰俸一年。其接任承追督催等官。仍各照到任之日扣限。○五十九年議准。凡追賠虧空贖罰銀等項。及分賠等項。除不及千兩之案。仍照三年之例參處外。至五千兩以上之案。以十分為率。勒限五年。每年追完二分。五年之內。十分全完。紀錄一次。每年完不及二分者。初限不完。降俸二級。二限不完。罰俸一年。三限不完。降

一級。四限不完。又降一級。皆留任戴罪承追。五

年限滿能完至七分者。將所降之級。准其開復。再行按年起限承追。如不完至七分者。照所降之二級調用。接任官以到任之日起限。有能於一年限內追完千兩以上之案者。加一級。為督催之該管道員。知府直隸州知州。五千兩以上紀錄二次。督撫布按紀錄一次。為道員。知州。之案者。加二級。為督撫布按紀錄二次。知州。萬兩以上之案者。加三級。為道員。知府直隸州知州。加一級。紀錄二次。督撫布按紀錄三次。如能於一年限內追完一萬五千兩以上之案者。以應升之官即用。今增為道員。知府直隸州知州。加二級。其督催五千兩以上者。每案勒限五年。分數催追。逾年完至二分者。免其處分。逾年完不及二分者。知府直隸州知州。每案初參降俸一級。二參罰俸六月。三參罰俸一年。四參降一級留任。皆令戴罪督催。五年限滿全完開復。如不完。降二級留任。今改為再降一級留任。戴罪督催。督撫司道。每案初參罰俸三月。二參罰俸六月。三參罰俸九月。四參罰俸一年。五年限滿無完。各降一級留任。仍再行按年起限。督催全完開復。餘款仍照不及千兩之例行。其督催虧



空糧米道員責成糧道為督催。督催虧空鹽課道員責成鹽道為督催。其非管理糧鹽道員免其併參。○又議准大興宛平五方雜處事務繁冗一切承追案件仍照不作分數錢糧例處分。如該縣徇情推諉不着力行追或被旁人首告或被部內查出一併從重治罪。今改為降將犯二級調用將犯人行賠完之項皆著落該縣賠完。五城兵馬司承追贓罰變產等項應照大興等縣承追一切贓欠銀皆照雜項錢糧例議處。儻限滿無完該城御史即將司坊官職名呈報都察院咨行該部題參。照例議處。儻司坊官承追限滿無完而該城御史不將職名開送者經都察院刑部查出即行題參。將該御史一併交部議處。今改為罰俸三仍令各該司坊官將屢年承追之項造具清冊三本一送都察院一送刑部一存該城御史查覈。○雍正三年議准官員虧空如一人名下有侵欺又有挪移者無論挪移侵欺之案並發及侵欺之案先發挪移之案後發均令其先完挪移之項後完侵欺之項以杜避重就輕之弊。若已完挪移數內足抵侵欺之數其所餘侵

欺挪移之數委屬力不能限內全完暫停正法。仍再勒限監追。此等虧空之案該督撫宜秉公確審固不可以挪為侵使人冤抑。其有以侵為挪及非實在力量不足者該督撫扶同徇庇藉端巧為開脫將該督撫照徇庇例議處。○乾隆元年覆准虧空人員自不應聽其開脫如本員經管錢糧所屬有借支借領與夫同官挪借出有印領者皆係虧空帑項該員既已虧空題參治罪借欠之員應分別追還至其平日債負或幫助親友以及同官私債雖有文約並無印領者無論遠年近年有無確據總係借貸交接之私情並非有虧公帑聽其自行索討一概不准抵追。○十五年議准承追千兩至五千兩者以四年為期每年每案追完二分五釐四年之內十分全完紀錄一次每年完不及數者初參降俸二級二參罰俸一年三參降一級留任戴罪承追四年限滿全完開復如不完降一級調用其督催各官逐年完至二分五釐者免其處分。逐年完不及數者其初參二參三參四參處分悉照五千兩以上初參二參三參四參之例辨



理○二十六年覆准官員赴選文冊地方官務須嚴查毋致混冒或有並非本籍混行具詳日後本官有應查追事件咨查到籍地方官覆稱並無其人以致帶項虛懸者即嚴行叅處將原詳赴選之地方官革職○三十年奏准兩廣帶徵商欠州縣官照承追虧空銀兩例議處議敘該管道府直隸州知州照督催不力例議處改今為限滿不完該管府州罰俸六個月道員罰俸三個月廣東省河各埠即以運司為督催潮州各埠即以潮州運同為督催高州茂名埠即以本管知府為督催廣西各埠即以鹽道為督催如督催不力將運司等官照知府例議處○又奏准虧空不准私債開抵地方有司如有因囑託徇情聽從開欠妄拏無辜追比者照故勘平人律治罪受賄得贓者計贓以枉法從重論該管知府直隸州知州降二級調用司道降一級調用今改為道員降一級調用兩司降一級留任其因規避處分指引開欠者承追官革職該管知府直隸州知州降一級留任司道罰俸一年今改為道員罰俸一年兩司罰俸六個月如任其朦朧開報混行追抵者承追官降二級調用該管知府直隸州知

州罰俸一年司道罰俸六月今改為道員罰俸六個月○又奏准買賣人借用官銀交與地方官催追俱於刑部文到之日勒限六箇月追完若逾限六月將承追官罰俸六月逾限九月將承追官罰俸一年逾限一年將承追官降一級罰俸一年再勒限六箇月催完不完者將承追官革職留任完日開復○又奏准地方官員詳明咨部借用官銀應照依定限還完限內不完該督撫初次題參令其離任未完銀兩限一年還完開復若年限內仍不能還完者革職未完銀兩著落家產還完條旗員交與該旗催令還完漢官交與該督撫催令還完○三十七年覆准一切承追案件該督撫一面督屬嚴追一面即行查該員歷過任所分咨各省嚴查有無隱寄其任所地方自文到日起勒限三箇月據實查册申報該督撫咨明原籍辦理並令該督撫嚴加督催逾限查參將該地方官照

欽部事件遞延例議處○四十年覆准離任人員應追各項銀兩勒令地方官按限著追其有部減不符及任所派賠不公等項情由由本籍呈明



詳咨任所覈辦如地方官混為詳請自行赴任  
清理者照贍徇例降一級調用至任所督撫或  
有接准原籍咨文查覈案情實係款項紛繁情  
節參差不便文移往返必須經手之員親身質  
對原委以期速結者將緣由聲明移咨原籍飭  
令該員前往清理俟清理完竣即行勒令回籍  
如有藉端他往擾累地方情事該督撫據實查  
參辦理○嘉慶七年

諭文武各官賂項有應扣繳俸廉者此後每年止須坐  
扣一半不必全行扣繳免其藉口索取轉遂其私著

為令○又議准現任官員有應追未完銀兩查明委  
無產業不能依限完繳者將俸工養廉按年止  
須坐扣一半其一半留為辦公之需不必全行  
扣繳如本條有力完繳徒借坐扣之名為延宕  
之計一經查出將本人革職承追之員照徇情  
例降二級調用○又奏准督撫所屬官員有應  
追賠銀兩分毫無完該督撫不查明家產有無  
輒代請豁免者降三級調用○又奏准凡追賠  
虧空侵盜贓罰等項銀兩數在三百兩以下者  
於文到日限六箇月追完限內不完將承追官

降俸二級再限六箇月催追若再不完罰俸一  
年另行起限三百兩以上至一千兩者於文到  
日限一年追完限內不完將承追官罰俸一年  
督催知府直隸州知州各罰俸六月司道督撫  
各罰俸三月今改為司道罰俸三  
月督撫罰俸一月俱戴罪再限  
一年督催限內不完將承追官降一級留任督  
催知府直隸州知州各罰俸一年司道督撫各  
罰俸六月今改為司道罰俸六  
月督撫罰俸三月再限一年督催  
全完開復若不完將承追官照所降之級調用  
督催知府直隸州知州各降一級留任司道督

撫各罰俸一年今改為司道罰俸一年督撫罰  
俸六月俱另行起限仍令督催  
○又議定凡追賠虧空侵盜贓罰等項銀兩一  
千兩至五千兩者以十分為率勒限四年每年  
每案追完二分五釐四年十分全完免其處分  
仍予紀錄一次逾年每案完不及二分五釐初  
參降俸二級二參罰俸一年三參降一級留任  
戴罪承追四年限滿全完開復如不完照所降  
之級調用知府直隸州知州初參降俸一級二  
參罰俸六月三參罰俸一年俱令戴罪督催四  
參降一級留任仍令戴罪督催完日開復督撫



司道初參罰俸三月。二參罰俸六月。三參罰俸  
 九月。四參罰俸一年。今督撫初參改為罰俸一  
 月。二參罰俸三月。三參罰  
 俸六月。四參罰俸九月。又議定。凡追賠虧空  
 侵盜贓罰等項銀兩五千兩以上之案。以十分  
 為率。勒限五年。每年每案追完二分。今增為州  
 縣官每年  
 能追完二分者免其處分。五年  
 而十分全完者准予紀錄一次。初限不完。降  
 俸二級。二限不完。罰俸一年。三限不完。降一級。  
 四限不完。再降一級。俱留任戴罪承追。五年限  
 滿能完至七分者。照所降之級。准其開復。另照  
 未完銀數。按年起限承追。如完不及七分者。照  
 所降二級調用。知府直隸州知州。初參降俸一  
 級。二參罰俸六月。三參罰俸一年。四參降一級。  
 留任。俱令戴罪督催。五年限滿全完開復。如不  
 完。再降一級。留任。戴罪督催。完日開復。督撫司  
 道每案初參罰俸三月。二參罰俸六月。三參罰  
 俸九月。四參罰俸一年。五年限滿無完。各降一  
 級。留任。仍另行按年起限督催。全完開復。今督  
 撫初  
 參改為罰俸一月。二參罰俸三月。三參罰俸  
 六月。四參罰俸九月。俱另行起限。仍令督催。○  
 又議定。凡追賠因公覈減及分賠代賠等項銀  
 兩。數在三百兩以下者。於文到日限六箇月追

完。限內不完。將承追官降俸一級。再限六箇月。  
 催追。若再不完。罰俸六月。另行起限承追。三百  
 兩以上至一千兩者。限一年追完。限內不完。將  
 承追官罰俸六月。督催知府直隸州知州。各罰  
 俸三月。司道督撫暫行免議。俱戴罪再限一年。  
 督催限內不完。承追官罰俸一年。知府直隸州  
 知州。罰俸六月。司道督撫俱罰俸三月。再限一  
 年督催。若再不完。承追官降一級。留任。完日開  
 復。知府直隸州知州。俱罰俸一年。司道督撫俱  
 罰俸六月。○又議定。凡追賠因公覈減及分賠  
 代賠等項銀兩一千兩至五千兩者。以十分為  
 率。勒限四年。每年每案追完二分五釐。四年十  
 分全完。免其處分。仍予紀錄一次。逾年每案完  
 不及二分五釐。承追官初參降俸一級。二參罰  
 俸六月。三參罰俸一年。四年限滿不完。降一級。  
 留任。仍令戴罪催追。完日開復。督催知府直隸  
 州知州。初參罰俸三月。二參罰俸六月。三參罰  
 俸九月。四參罰俸一年。督撫司道初參免議。二  
 參罰俸三月。三參罰俸六月。四參罰俸九月。○  
 又議定。凡追賠因公覈減及分賠代賠等項銀



兩五千兩以上之案以十分為率。勒限五年。承追官每年每案追完二分。初參不完。降俸一級。二參不完。罰俸六月。三參不完。罰俸一年。四參不完。降一級留任。俱戴罪承追。五年限滿能完至七分者。將所降之級。准其開復。另照未完銀數按年起限。如承追完不及七分者。照所降之級調用。督催知府直隸州知州。初參罰俸三月。二參罰俸六月。三參罰俸九月。四參罰俸一年。俱戴罪督催。五年限滿不完。降一級留任。戴罪督催完日開復。督撫司道每案初參免議。二參罰俸三月。三參罰俸六月。四參罰俸九月。五年限滿不完。罰俸一年。以上承追各官。凡降調有另起參限。其未完銀數。又議定。接任承追督催等官。俱以到任之日扣限追完不完。照承追官例一體處分。○又議定。承追接追各官。能於一年限內一任追完三百兩以上之案者。每一案紀錄一次。督催知府直隸州知州。每三案紀錄一次。該管道員每五案紀錄一次。今增為司道每督撫每十案紀錄一次。追完一千兩以上之案者。州縣官加一級。督催之該管道員。知府直隸州知

州紀錄二次。督撫布按紀錄一次。追完五千兩以上之案者。州縣加二級。道員。知府直隸州知州。加一級。督撫布按紀錄二次。追完一萬兩以上之案者。州縣加三級。道員。知府直隸州知州。加一級。紀錄二次。督撫布按紀錄三次。追完一萬五千兩以上之案者。州縣以應升之缺即用。道員。知府直隸州知州。加二級。督撫布按加一級。○十四年

諭給事中趙佩湘奏各省虧空。輾轉清查。多致懸宕。並提解節省銀兩。私增漕餘名目。請嚴行飭禁。一摺。所奏俱是。各省州縣。經管倉庫錢糧。例應年清年款。申明該管各上司。隨時覈實查察。一有虧空。即當嚴行參辦。原不應有清查名目。近年以來。各州縣交代不清。監交各員。相為容隱。遂做成虧空。公然稟明上司。設法彌補。該管督撫。竟奏明立局清查。至有二次三次。並每隔數年。又復奏請一次者。其於窮源截流之要。仍屬空言無補。輾轉相因。伊於胡底。總由該督撫藩司。掩飾催徵不力。及查有州縣虧缺。又復姑息養姦。或瞻徇親故。或利其逢迎。包庇縱容。予以彌縫之名。巧為蒙蔽。以致國帑虛懸。甚至借名彌補。朘削民



膏種弊端均難逃朕洞鑒。至漕務積弊節經明降諭旨嚴查飭禁。如各州縣徵收漕糧原應平斛響攬令各糧戶覈實兌交。又安得有漕餘之名。乃近日以彌補庫項之計。巧增漕餘名目。致令各州縣任意浮收。有一石加至數斗。甚至加增一石。浮收不已。從而折色不肖州縣。既囊橐私肥。而該上司因而需索漕規。運弁旗丁因而需索兌費。刁生劣監亦遂乘機挾制漁利包漕。此皆由該督撫藩司以彌補為屬員地步。而各州縣遂藉口以濟其私流弊百出。尤應嚴行查禁。嗣後各省清查名目。務當永遠革除。如各州縣續有虧缺。即責令接任及監交之員據實稟揭勒令前任如數交納。倘逾限不交。即監追治罪。有漕各省務當嚴飭各州縣毋許借漕餘為名稍有浮收。以清弊源。○十五年

諭。近來各省查辦虧空。往往將丁憂去任之州縣參奏辦理。尚非覈實準情之遵。州縣虧短倉庫法禁暴嚴。自應革職監追。查抄嚴辦。但州縣之虧缺多在平時。並非專在去任之際。則上司之查察責於先事。不應直至其交代之時。試思丁憂人員猝遭父母大故。孰不思星奔歸里。以盡人子之心。乃以公項羈留監追。

不釋。並將原籍查抄。此法制固亦不得不然。而其情究屬可憫。且官員至去任之後始行責令彌補。亦往往窮無設措。於帑項易致宕延。嗣後各督撫務當於各州縣在任時加意查察。一遇有虧短州縣。即隨時糾劾辦理。毋稍假借。如此則倉庫既可及早籌補。而遇有丁憂去任之員。又可遂其私情。不致辦理兩妨矣。○十七年奏。應追賠項之降革解任人員。例在完日開復者。該督撫於完繳清楚後。覈實咨報到部之日。即將該員先予開復。不得以同案人多駁令俟各員統行交齊。方准開復。○道光三

十年奏。各省清查故員因公虧挪銀兩。著落子孫代賠之項。如限滿無完。及完不及半。有官者無論現任及候選候補。俱先摘去頂戴。照原限酌展一半。仍按未完銀數完繳。免其監追。若完八分以上。在其開復下短銀兩。坐扣廉俸。其展限期內。候選候補人員。並免扣選停補。償展限再滿。原欠仍復無完。革職。○又奏。在地方官承追本身應完戶屬項下採買腳價。解送運腳驛站軍需。及豫發墊支事竣。覈減追繳。並攤賠分賠代賠等項銀兩。均於文到日起。數在三百



兩以下者限半年完繳。逾限不完罰俸一年。另行起限承追。三百兩以上至一千兩者限一年完繳。逾限不完將州縣官降二級留任。府州罰俸二年。司道罰俸九月。督撫罰俸六月。另行起限。仍令承追督催。完日將降留之案開復。一千兩以上至五千兩者統作十分計算。勒限四年。每年以追完二分五釐為率。如州縣官每年能追完二分五釐者免其處分。合四年而十分全完者紀錄二次。若逾年每案完不及二分五釐。初參降俸二級。二參罰俸一年。三參降一級留任。四參降三級留任。另行起限。仍令承追。完日開復。知府直隸州知州初參罰俸六月。二參罰俸九月。三參罰俸一年。四參罰俸二年。司道初參罰俸三月。二參罰俸六月。三參罰俸九月。四參罰俸一年。督撫初參罰俸一月。二參罰俸三月。三參罰俸六月。四參罰俸九月。俱另行起限。仍令督催。五千兩以上者統作十分計算。勒限五年。每年以追完二分為率。如州縣官每年能追完二分者免其處分。合五年而十分全完者給予加一級。若逾年每案完不及二分。將州縣

官初參降俸二級。二參罰俸一年。三參降一級留任。四參降二級留任。仍令承追。五年限滿能完至七分者將降留之案開復。按其未完銀兩另作分數。按限承追。如完不及七分者五參降二級調用。知府直隸州知州初參罰俸六月。二參罰俸九月。三參罰俸一年。四參罰俸二年。五參降二級留任。另行起限。仍令督催。完日開復。司道初參罰俸三月。二參罰俸六月。三參罰俸九月。四參罰俸一年。五參罰俸二年。督撫初參罰俸一月。二參罰俸三月。三參罰俸六月。四參罰俸九月。五參罰俸一年。俱另行起限。仍令督催。○咸豐元年奏准承追官限滿降調處分。凡有級可抵。不致離任者俱按其未完銀數另起參限。○又奏准州縣以上保題升調人員該督撫將該員罰俸銀兩飭催補繳。數在三百兩以下者定限半年。三百兩以上者定限一年。一千兩以上者定限二年。五千兩以上者定限三年。一萬兩以上者定限五年。該督撫以奉到部文之日起。一面統計該員罰俸之案。共有若干。覈明銀數多寡。按限飭追。一面造具案由清冊送



部查覈如限滿不完該督撫即專咨報部俱停其升調戴罪完納完日開復○又奏准現任官員本身應完戶屬項下採買腳價解送運腳驛站軍需及豫發墊支事竣數減追繳並攤賠分賠代賠等項銀兩均於文到日起如數在三百兩以下之案限半年完繳逾限不完罰俸一年另行起限三百兩以上至一千兩之案限一年完繳逾限不完降二級留任另行起限完日開復一千兩以上至五千兩之案統作十分計算勒限四年每年以完繳二分五釐為率如每年能完至二分五釐者免其處分若逾年每案完不及數初參降俸二級二參罰俸一年三參降一級留任四參降三級留任另行起限完日開復五千兩以上之案統作十分計算勒限五年每年以完繳二分為率如每年能完至二分者免其處分若逾年每案完不及數初參降俸二級二參罰俸一年三參降一級留任四參降二級留任五年限滿能完至七分者將降留之案開復按其未完銀兩另作分數再行按年完納如完不及七分者五參降二級調用仍勒限嚴

追一萬兩以上之案勒限六年二萬兩以上者再加一年再有多者以次遞加至五萬兩止統作十分計算分四限每限能完至二分五釐者免其處分若完不及數初參降一級留任二參降二級留任三參降三級留任四參限滿能完至七分者將降留之案開復按其未完銀兩另作分數再行按年完納如完不及七分者四參降三級調用仍勒限嚴追六萬兩以上之案勒限十一年七萬兩以上者再加一年再有多者以次遞加至十萬兩止統作十分計算分五限每限能完至二分者免其處分若完不及數初參降二級留任二參降三級留任三參降五級留任四參革職留任五參限滿能完至七分者將降留革留之案開復按其未完銀兩另作分數再行按年完納如完不及七分者五參革職仍勒限嚴追至數在十萬兩以上案非常存或應統歸數在十萬兩予限十五年抑或另行酌予年限臨時由戶部聲敘情節奏明請旨交部辦理至原案條由該員一人貽誤獨賒情節較重限滿不完由該管上司據實參辦仍勒限



嚴追完繳。○又奏准現任官應賠銀兩逾限不完該管上司照督追不力之上司議處其順天府四路同知照府州例處分。○六年奏准現任官應賠銀兩限內未完適遇終養丁憂告病告假等事離任者即由原籍督撫飭令該管地方官承追將承追官另起初參本員仍接前限如有不完一併參處。○又奏准官員應得養廉在於本處耗羨內自行留支者其坐扣一半銀兩責令該管上司催追完結。○又奏准降革離任人員有賠項未清勒限三箇月於任所賠完限

滿不完該督撫將承追督催各員題參照例議處並催令該員歸旗回籍將未完款項分咨各部轉咨該旗籍著落追賠如該員不即起程州縣官失察一二員者罰俸一年三四員者降一級留任五員以上者降一級調用十員以上者降二級調用府州失察一二員者罰俸九月三四員者罰俸一年五員以上者降一級留任十員以上者降一級調用道員失察一二員者罰俸六月三四員者罰俸九月五員以上者罰俸一年十員以上者降一級留任。○九年奏准降

革離任人員賠項未清押回旗籍追繳者即將該管旗籍各官另起承追限期照例參處其任所承追各官原參降俸二級戴罪督催之案改為罰俸一年完結。



欽定大清會典事例卷一百十

吏部

處分例

報災逾限  
夫火

錮級

賑恤

捕蝗

報災逾限○順治十七年覆准夏災限六月下

旬秋災限七月下旬

今改為不出九月下旬又  
甘肅夏災不出七月下旬秋

災不出十月下旬先將被災情形題報仍扣去程途日期

如詳報到省在限外而扣算程途日期尚未逾

限免其揭參若到省在限外而計算應扣之程

途亦已逾限者即行照例參處如州縣官遲報

逾限半月以內者罰俸六月逾限一月以內者

罰俸一年逾限一月以外者降一級調用逾限

兩月以外者降二級調用逾限三月以外急緩

已甚者革職巡撫布政使道府等官以州縣報

到之日起算如有逾限者一例處分○康熙十

五年議准官員勘災不委廳官印官乃委教官

雜職查勘或妄報饑荒或地方有異災水旱等

災不在內不申報者皆罰俸一年若止報巡撫不報總

督及報災之時未繳印結冊內不分析明白者

罰俸六月督撫亦照此例處分○十八年議准

州縣官不將民生苦情詳報上司使民無處可

訴其事發覺將州縣官革職永不敘用若州縣

官已經詳報而上司不題達者將上司亦革職

○雍正六年覆准各省如有被災者其被災分

數限四十五日查明造冊題報照例扣算程途

將已未違限月日分析聲明如不依限造冊題

報州縣道府布政使巡撫各官亦照前例議處

照報災逾限例議處○乾隆三十年奏准州縣遇有報潦

之處令地方官親歷確勘被潦根由據實通報

如有隱瞞不報及將成災報作不成災者俱題

參革職永不敘用如不實心確勘少報分數者

照溺職例革職至沿河州縣報潦令地方官會

同河員確勘如有查勘不實及隱瞞民災等弊

將河員一併題參照地方官例分別議處○嘉

慶十九年議准州縣地方被災該督撫一面題

奏一面於府州丞倅內遴委委員會同該州縣

迅詣履勘將被災分數按照區圖村莊分別輕

重申報司道由該道覆查加結詳請督撫具題

備州縣官與會勘之員有將成災田畝報作不

成災者俱革職永不敘用若增減分數致有枉

徵枉免者俱革職其非有意增減止於分數不



實田在二十畝以上者降二級留任。○道光三年議准。州縣勘報續被災傷除旱災以漸而成仍另扣四十日正限勘報外其原報被水被雹被霜被風之地續又被災距原報情形之日在十五日以外者准於正限外展限二十日在十五日以內者統於正限內勘報具題不准再展若續災在初災勘報正限之後准其另起限期。○十五年議准凡地方被災該管官一面將田地成災分數依限勘報一面將應賑戶口迅速查明另詳請題。

蠲緩○康熙十五年奏准官員將蠲免錢糧增減造冊者州縣官降二級調用該管司道府官罰俸一年督撫罰俸六月如被災未經題免之先報冊內填入蠲免者州縣官罰俸一年該管上司皆罰俸六月今增為蠲免錢糧數目於具題請賑之日起再扣兩箇月造報題速如有遲延照造報各項文冊違限例分別議處○十八年覆准蠲免錢糧州縣官有借民肥己使民不需實惠等弊或被旁人出首或受累之人具告或科道查出糾參將州縣照貪官例革職拏問其督撫布政使道府等官不行稽察令州縣任意侵蝕者

皆革職今增為督撫不將侵冒之員照例參請拏問者降三級調用○又議准州縣於接奉蠲免之後即應出示曉諭刊刻免單按戶付執若不給免單或給單而不填蠲免實數者革職係夫察胥役蒙混隱匿及藉端需索者降二級調用知情縱容者革職。

賑恤○康熙四十四年覆准各省州縣養濟院孤貧飭令逐一嚴查凡不願居住院內冒濫食糧之輩悉行革除將境內實係老疾無依之人取結收院頂補其餘多者准作額外孤貧收養悉令將實在人數註明年貌按照額內額外造冊出結由府加結轉送上司備查遇有汰革病故頂補新收等項隨時報明上司支放孤貧銀米如遇應行散給之期正印官或因地方公事不能親身散給即遴委誠實之佐貳等官親詣給發概不得令胥吏丐長經手以致侵漁中飽並專令該管道府每年遇盤查之時或踏勘公事即帶原送花名年貌冊籍赴養濟院點驗如果係房屋完整孤貧實住在院並無冒濫情弊出具印結報明上司如有房屋塌頽孤貧不盡住院或年貌不符冒濫支糧者將該管官照違



例支給例降一級調用。道府不行查驗。遽行加結轉詳。照違例支給之轉詳官例罰俸一年。若係縱令胥役巧長等代領。以致冒領侵蝕等弊。該管官照縱役犯職例革職。道府不行查出。照豫先不行查出例降一級調用。儻道府有徇庇容隱。及扶同率結者。皆照徇庇例降三級調用。

○乾隆元年

諭。地方偶有水旱之事。凡查勘戶口。造具冊籍。頭緒繁多。勢不得不經由胥役里保之手。其所需飯食舟車紙張等項費用。朕聞竟有派累民間。並且有取給於

被災之戶口者。嗣後直省州縣。儻遇查勘水旱等事。凡一切飯食盤費及造冊紙張各費。皆酌量動用存公銀。毋得絲毫擾累地方。若州縣官不能詳察嚴禁。以致胥役里保仍蹈故轍。舞弊蠹民者。著該督撫立即題參。從重議處。○又奏准。凡遇賑災。飭令有司。豫將查明分數。賑恤事宜。先行宣示。務令愚民洞悉規條。俾知大澤難以濫邀。非分不可妄冀。儻有聚眾騷擾情弊。令該管督撫詳加確訪。如果有司玩視民瘼。即行查明。照例嚴參。儻係不肖頑民。藉端要挾。以

及縱容婦女生事。即行按律分別究擬。毋得遽揭屬官。以長澆風。○四年覆准。地方時值偏災。民食匱乏。蠲免賑濟。儻有不肖書役。於蠲免賑貧之時。暗中扣剋。詭名冒領。該州縣漫無覺察者。降二級調用。至平糶借穀。原因地方收成歉薄。未價騰貴。藉以惠濟小民。如地方州縣官不實力稽察。以致書役包買漁利。抑勒出入者。將該地方官降一級調用。如胥役人等有前項等弊。州縣官既已覺察。而故為容隱者。將該州縣官革職。○二十二年

諭。向來直省遇有偏災。本邑正佐不敷分辦。例委鄰封州縣及佐雜試用等官。協同查辦。原期體察周詳。毋致遺濫。乃委員往往以例無處分。事非切己。不過扶同具結。虛應故事。甚非差委本意。委員既經派遣。則承辦皆分內之事。自應與地方官功過一體。嗣後委員內如有查災不據實結報。辦賑不實心挨查。草率從事。仍前怠忽者。該督撫查明題參。照地方官查辦災賑不實。一體處分。著為令。○三十年奏准。鄰省歉收告糶。本地方官禁止米糧出境者。該督撫據實題參。將州縣官降一級留任。不揭報之該管



上司罰俸一年。不題參之督撫。罰俸六月。儻本省歉收。米糧不敷民食。而姦民射利之徒。私行販運出境。於民生亦有未便。令該督撫酌量情形。據實題明。許其暫行禁止。○嘉慶五年。奏准州縣遇查勘被災等事。凡一切飯食盤費及造冊紙張各費。俱動存公銀兩。不許絲毫派累地方。儻有胥役里保舞弊蠹民。將州縣官照失察書役扣剋例。降二級調用。○七年

論荒侵出於天災。補救則全資人力。若地方官不實心經理。玩視民瘼。即當治以應得之罪。今直隸辦賑各州縣。自去夏至今。並無因賑被人控告之事。即間有一二飭查之案。亦全屬虛誣。可見該州縣官辦理認真。尚無侵蝕等弊。並聞此次停賑之後。尚有自出己資。扶助災民回籍者。地方官果能盡心民事。實屬可嘉。應量加錄敘。以示鼓勵。所有直隸辦賑各州縣。著熊枚秉公詳查。據實保奏。擇其實心撫恤。與情愛戴。並能捐資惠及窮黎者為最。其於賑務經理得宜。災民受實惠者次之。其循分辦理。並無貽誤者又次之。熊枚上年曾經周歷各府州。見聞自為確切。即著分別開單具奏。候朕酌量加恩。○光緒四年。奏准地方

被災賑恤。儻有不肖紳衿及書吏人等。暗中扣剋。詭名冒領。州縣官失於覺察者。降三級調用。雖係公罪。不准抵銷。故為縱容者革職。儻於失察後。尚未別經發覺之先。能自行查出檢舉究辦者。降二級調用。○又議准州縣造送應賑賬戶口清冊。查賑官有挾私妄駁者革職。○又議准地方設立粥廠飯廠米廠。該管官務令承領男婦魚貫而入。挨次散給。如有任其擁擠。不加約束。以致傷斃人命者。該管官降一級調用。兼理官罰俸一年。○八年。奏准州縣官查勘災賑等事。凡一切飯食紙張雜費。俱動用存公銀兩。不許絲毫派累地方。儻有胥役里保舞弊蠹民。州縣官失於覺察者。降三級調用。雖係公罪。不准抵銷。故為容隱者革職。儻於失察後。尚未別經發覺之先。能自行查出檢舉究辦者。降二級調用。

捕蝗○康熙四十八年。覆准州縣衛所官員。遇蝗蝻生發。不親身力行撲捕。藉口鄰境飛來。希圖卸罪者。革職拿問。該管道府不速催撲捕者。降三級留任。布政使不行查訪。速催撲捕者。降



二級留任。督撫不行查訪嚴飭催捕者。降一級留任。協捕官不實力協捕。以致養成羽翼。為害禾稼者。將所委協捕各官革職。該管州縣地方。遇有蝗蝻生發。不申報上司者。革職。道府不詳報上司。降二級調用。布政使司不詳報上司。降一級調用。布政使司詳報督撫。督撫不行題參。降一級留任。○乾隆十六年。覆准。凡有蝗蝻地方。文武官弁合力撲捕。應時撲滅者。應行文該督。確實查明。果係即時撲滅。俟具題到日。准其紀錄一次。○十八年

諭定例州縣等官。捕蝗不力。藉口鄰封。希圖卸罪者。革職。該管上司不速催撲捕者。降級留任。向來督撫往往以該道府前經節次督催。現在揭報情由。於本內聲敘。遂得邀免處分。以致道府玩視民瘼。並不留心督察。今歲直隸自春徂秋。捕蝗未盡者。即由於此。嗣後州縣捕蝗不力。應督撫等。皆應將道府一併題參。交部議處。該督撫等不得有心姑息。於本內濫為聲敘。以為寬貸之地。○三十年。奏准。州縣官遇有蝗蝻不早撲除。以致長翅飛騰。貽害田稼者。均革職。該管知府直隸州知州。不查報者。亦

革職。司道督撫不行查參。降三級調用。若不速催撲捕者。道府降三級留任。布政使降二級留任。督撫降一級留任。該督撫等不得以該道府前經節次督催。現在揭報。於本內聲敘。邀免處分。協捕官不實力協捕。以致養成羽翼。為害禾稼者。將所委協捕各官革職。鄰封協捕處分同至州縣官捕蝗。需用兵役民夫。並換易收買蝻子費用。應准其動公。若所費無多。自行捐辦。而實能去害利稼者。該督撫據實奏請議敘。其已動公項。而仍致滋害傷稼者。奏請著賠。○三十五年

諭據胡文伯奏捕蝗懈緩之署宿州知州張夢班等一摺。已批交該部嚴察議奏。至另摺所稱。前因蝻孽尚未飛騰。遠去地方官皆督夫撲捕。未經參奏等語。是誠何言。甚屬非是。地方偶有蝻孽萌生。或有先期雨澤稀少。更值天氣炎蒸。勢難保其必無。朕亦何嘗因一經生蝻。遽科有司之罪。司民牧者。平日自當悉心體察。防於未然。及生發之初。即力為設法撲捕。原可不留遺孽。以人力勝之。果其撲除迅速。方當交部議敘。以示獎勵。若始事既已玩延。浸至飛颺滋蔓。漸益孽生。其為貽害田禾。將復何所底止。是以捕蝗定



例暴嚴。朕於玩視民瘼之劣員。從不肯少為寬貸。而於捕治蝗蝻之實政。亦不容稍有稽延。即如今年夏。直隸近畿州縣。多有蝻子開段長發。朕既責令大吏。率屬剋期撲捕。有諉卸貽誤者。令該督指名嚴參治罪。並特派侍衛等前往竭力會辦。所至即隨時淨盡。不致傷損莊稼。可見捕蝗並非人力難施之事。任封疆者。豈可徇州縣官詭飾之詞。因循姑息。不亟亟為閭閻除大患乎。且蝗蝻自初生。以至跳躍。俱有蹤迹可尋。縱使長翅飛騰。究不離旁近地面。安能遠越百餘里外。成羣停集。即或疆壤毗連。偶然飛入。地方官亦當上緊集夫撲滅。保衛農田。若意存矜域。藉口鄰封。以致耽延日久。其與本境滋長者何異。况飛蝗所起之處。遺蝻必不能盡絕。原難掩人耳目。是辦理捕蝗之事。止應就現有蝗蝻處所。視地方官之用力不用力。以定功罪。不必更問起自何方。若置現在而不論。轉欲究所從來。則如表曰。修前次查捕武清東安飛蝗。輒謂其生於河淀無人之地。為怠玩屬員豫留開脫地步。不復切實跟查。豈可為訓。今胡文伯所稱。尚未遠去。莫為該知州寬免處分。其見與表曰。修相去無幾。於事理全未體會。徒使黠猾之吏。以蝗不出

境。苟幸無事為得計。誰復肯及時力捕。盡心民事乎。是胡文伯失察生蝗之處。分尚輕。而為劣員文過之情節較重。胡文伯著交部嚴加議處。嗣後捕蝗不力之地方官。並就現有飛蝗之處。予以處分。毋庸查究。來蹤致生推諉者為令。○嘉慶七年

諭。本年夏間直隸新城縣地方。偶有飛蝗。知縣胡永湛未即稟報。經熊枚奏革職。茲據顏檢奏稱。胡永湛上年辦理該縣賑恤事宜。頗愜輿情。今夏境內飛蝗。立即撲捕淨盡。秋收尚有九分。其咎止於未經稟報。且該縣百姓。於該督過境時。僉稱好官難得。環跪籲

請。據情轉奏等語。上年武清令朱杰。係被參後。經該縣民人合詞稟請。加恩留任。今若再准行。恐各州縣相率效尤。或有政績不過中平。於去任時。投意所屬士民。具呈籲懇。其所稱惠愛及民之事。亦未必盡屬確實。且熊枚係署任總督。甫經參劾於前。及新任總督過境。該民人等輒復懇留於後。以地方官去留之柄。操之百姓。其風亦不可長。胡永湛著加恩發往直隸。以縣丞用。該督仍可藉資差委。以觀後效。○九年諭。前因京城廣渠門外及通州等處。聞有飛蝗。一面派范建豐前往查勘。一面諭令顏檢將直隸地方有無



蝗蝻滋長之處。詳悉查明具奏。旋據該督奏稱均已撲除淨盡。並稱飛蝗止食青草。不傷禾稼。本不成話。嗣於前月二十九日。朕齋戒進宮。披覽章奏。適一飛蝗集於御案。當令撲捕。續經太監等捕獲十數箇。因思宮禁既有飛入者。則郊原田野。不知更有幾何。旋即派卿員四路查勘。並將御製見蝗歎及宮內捕得蝗蟲。發交顏檢閱看。復諭令趕緊飭查。茲據奏馳赴宛平縣屬之水屯八角二村。查看該處七八十畝之廣。穀粟被傷。均有三四畝。復據大興宛平通州武清新城遵化任邱容城涿水固安保定滿城等州縣稟報所屬村莊。均有蝻子。現在上緊捕除。可見如許州縣。均有蝗蝻。若非特派卿員馳勘。經朕再四嚴飭。顏檢仍未據實直陳。前此所奏。實不免於粉飾。朕勤求治理。以家給人足時和歲豐為上瑞。至於前史所奏景星慶雲之祥。猶皆鄙斥不言。惟於地方水旱蟲傷等事。刻深荼虐。宵旰不遑。勤加諮訪。

祖考付朕天下。惟期豐年為瑞。豈好言災祲。實以民瘼所關至重。朕早得聞知。一日即可立時辦理。俾民早得一日安全。督撫等狃於積習。必不肯據實陳奏。是誠何心。若以隱匿不奏。藉此可紓宵旰焦勞。殊不知

釀成大患。宵旰焦勞更甚。彼時朕一人承當。隱匿不奏者。轉得置身事外。言及此。實深畏懼。總之粉飾之習一開。則督撫等惟事數陳吉語。而屬員意存迎合。日久相蒙。必致一切國計民生之事。概不以實上陳。即如今年直隸麥收。顏檢早經奏報十分。夫十分乃係上稔。豈可多得。彼時麥田尚未收割。而奏牘已豫為鋪張。實未免措詞過當。此次蝗蝻萌孽。又不先行入告。直待朕節次垂詢。始一一奏聞。計所開村莊有三十餘處之多。其中斷非盡係降旨查訊後具報者。封疆大吏。若事事務求粉飾。其流弊必至於欺罔而

後已。顏檢奏請交部嚴加議處之處。本屬咎所應得。姑念該督平素辦事尚屬認真。著加恩改為交部議處。嗣後惟當痛改前非。實心任事。遇有地方災歉事務。尤當一面查辦。一面據實陳奏。俾閭閻疾苦。不致壅於上聞。方為不負委任。若再有諱匿遲延。經朕查出。必當將該督嚴行懲處。不能曲為寬貸矣。○十二年議准。州縣捕蝗。輕騎減從。督率佐雜。處處親到。不得派累供應。其上司親往督捕。夫馬供給。亦不得派自民間。如有滋擾需索。及縱容胥役科斂者。革職。夫於覺察者。降二級調用。○道光



三年議准文武員弁按捕蝗蝻有能應時撲滅者該督撫查實具題各給予加一級

夫火○康熙二十二年議准五城所屬地方如有失火延燒房屋至十間以下者即行撲滅各官免議其延燒不能撲滅十一間以上至三十間者將該管官罰俸九月吏目所管地方以吏目為該管官副指揮所管地方以副指揮為該管官巡城御史罰俸三月延燒三十間以上者將該管官罰俸一年巡城御史罰俸六月延燒三百間以上者該管官降一級調用巡城御史

罰俸一年延燒四百間以上者該管官降二級調用巡城御史降一級留任延燒六百間以上者該管官降三級調用巡城御史降一級調用○又議准官員該管地方失火燒毀房屋者罰俸三月如不能救援以致延燒文卷及官倉米糧者罰俸一年如將錢糧文冊不儲公所妄藏私家或交衙役以致被焚者降一級調用○乾隆十年議准外省該管地方延燒民間房屋如係城內將該管之州縣官照五城失火議處吏目副指揮之例按其延燒房屋間數分別議處

同城府道照議處巡城御史之例分別察議如燒毀民房又燒毀文卷倉糧及錢糧文冊妄藏私家或交衙役被焚者事屬相因而致應照例從重歸結今增為如延燒民房十間以上例止年延燒官倉例止因延燒官倉議以罰俸一月房五百間以上議以降一級調用其城外之村莊失火延燒民屋除該管道府統轄各屬事務紛繁僻遠村莊勢難兼顧應免察議外至於州縣官有專管地方之責雖城鄉相隔寫遠撲救不及然既經失火延燒自應與佐雜等官一例議處但該處官弁無多兵役有限應酌減處

分嗣後村莊失火延燒民房十間以下即行撲滅該管之州縣佐雜等官免其議處延燒十一間以上至百間者州縣佐雜等官照城內失火延燒境內十一間以上至三十間例罰俸九月延燒百間以上照城內延燒三十一間以上例罰俸一年延燒五百間以上者照城內延燒三百間以上例降一級調用○三十七年奏准外省城外村莊失火該管道府免議如延燒民房十間以下即行撲滅該管州縣駐紮佐雜等官亦免其議處其無駐紮佐雜地方延燒民房十



間以上至一百間者。該管州縣官罰俸九月。延燒一百間以上者。罰俸一年。延燒五百間以上者。降一級調用。有駐紮佐雜地方失火。將佐雜官照該管州縣官例。分別議處。州縣照武職兼轄官例。延燒十一間以上者。罰俸六月。一百間以上者。罰俸九月。五百間以上者。降一級留任。○嘉慶十九年議准。倉庫被火延燒。該管官罰俸一年。因而損失財物者。照監守不慎例議處。○道光元年議准。監獄被火延燒。罪囚並無疏失者。該管官罰俸一年。若有疏失。照多差解役中逐脫逃例。按其罪名。分別議處。仍令限緝。

欽定大清會典事例卷一百十一

吏部

處分例 朝會祭祀 耕耨 遺失 迎送 制書 詔書 廷閣 勝黃

朝會祭祀 ○康熙十二年題准。官員朝賀接駕不到。及常朝之日不朝。或朝服之日不具朝服。或違例錯服者。皆罰俸一月。○又題准。官員詐稱上朝者。罰俸一年。捏供同上朝之官。罰俸兩月。已註病而不在家者。罰俸一年。○又題准。凡

壇 廟祭祀

聖駕出入並

升殿之日。上朝官員跟役。肆行喧譁爭競。將官員衝突擁擠者。其主罰俸三月。其常朝之日。官員跟役。肆行喧譁爭競。將官員衝突擁擠者。其主罰俸一月。其內府人。並大臣侍衛之跟役犯者。各交與該管大臣治罪。○十四年題准。外官不辭朝赴任者。罰俸一年。○又題准。恭遇行幸所過地方。守土官應幾里以內迎接。該衙門先期奏定。若所定里數之內。一次迎接不到者。罰俸一年。二次不到者。降二級調用。○又題准。官



員不照部定禮節行文。彼此文移外錯者。罰俸六月。○又題准凡

壇

廟等處贊禮外錯者。罰俸六月。尋增為大朝贊引。不齊亦照此例議處。○

雍正四年

諭。圓明園奏事。八旗及六部都察院內務府等衙門。分為九日。每日一旗一部。輪流奏事。遇直班之日。若該旗該部無應奏之事。亦著隨班伺候。倘有緊要之事。許其不論班次啟奏。○乾隆二年議准。各衙門應陪祀官員。均令齋戒陪祀於太常寺文到。由該堂

官嚴行稽查。務令住宿衙署。齋戒陪祀。不得藉端規避。其實有疾病事故者。亦令該堂官秉公稽查。聲明緣由。行文都察院。至會集處。都察院收取職名。倘並無事故。不行齋戒。或已開齋戒職名。不至會集處者。將該員照違令私罪律議處。該管官不行查出。照不行詳察例議處。○二十三年奏准。

紫禁城派王大臣分作六班。晝夜一體輪直。如遇巡幸各處。該班王大臣仍照例進內直班。尋增為有三級調用。如在

圓明園

御門。遇該衙門大臣俱有差遣。惟該班一人於本處

奏事。應於前一日即行換班。不得夤夜乘班赴

圓明園奏事。若白晝曠班。及雖在該班處。而城內

有應奏事件。不即行具奏。查出。俱交部嚴加議

處。尋分為擅離班所。罰俸一年。應奏不奏。降二級留任。○二十六年奏准。

順天府屬州縣承辦祭祀牛隻。本地不敷採買

具詳府尹。轉咨兵部。給予口票。遣派丁役。豫往

張家口一帶採買。如解送牛隻。一二偶未合式

駁回補解。若辦理不如法。以致未堪入選者。該

收驗處直年大臣。會同順天府衙門。將承辦之

州縣查參。比照大祀牲牢玉帛黍稷之屬。不如

法律罰俸一年。○三十年奏准。直隸各省祭祀

齋戒之時。務須澄滌志慮。正肅威儀。必誠必敬

祭祀之日。務須敬謹躬親。五鼓趨赴將事。不得

託故轉委。其朔望行香。亦須黎明謁廟。不得遲

緩任意。司道府州縣等官。忘於祀典。託故偷安

或齋期燕會。臨事跛倚者。許糾儀官據實揭報

督撫題參議處。尋議以督撫不行查參。照徇庇

例議處。若督撫祭不躬親。齋戒弗虔。慢視行香。



經科道訪聞糾參以不敬論罪。○又奏准各州縣每逢祭祀一切品物照依圖制敬謹陳設不得缺略。如有缺略未備臨祭祀通融借用者該上司查參照違。

制律議處。○又奏准凡遇

大朝部院寺堂官除實有事故不能到班本衙門一體入冊聲明。至常朝之期各堂官即遇本署奏事仍留一人率屬就列。毋許曠闕。其有在

內廷行走及大學士等每日清晨進內辦事均不坐班。其餘或偶遇雨雪並十二月二十五日素

服俱免坐班。又如上元端陽中秋等日恭遇

駐蹕圓明園各部院堂官俱宜赴賀。或於常朝日期適逢引

見均免坐班。此外如有託故曠闕者即據實奏照

失誤朝賀例罰俸一月。○三十七年奏准遇有

救護典禮各部院堂官照常會集。如俱有行走

兼管之處不克一體入班仍須酌以堂官一員

赴禮部太常寺行禮。其該司滿漢官員除有差

使外俱嚴飭會集。倘有概稱入直本署及推託

事故者禮部嚴查參奏交部議處。○又奏准滿

漢王公大臣應入齋戒陪祀者由都察院等衙門稽查。於歲底通行檢覈。如有託故三次不到奉

旨交議者議以降一級留任。仍罰俸一年。其年逾六旬者聽其自行酌量精神。或致齋而不陪祀。或並不能致齋。一聽其便。毋庸列入查奏彙覈之內。○四十九年題准應行齋戒大臣或有出差告假等事務於冊內註明。以憑覈辦。如並不詳晰填註至奉

旨交議後始行聲請扣除。即將承辦造冊各員照經手遺漏例議處。覈對各員照不行詳查例議處。○五十九年奏准應行謝

恩官員凡月選揀發揀補人員以引見後

特旨簡放人員以奉

旨後月選佐雜以驗看後分發試用佐雜以掣籤後均於五日內劄知鴻臚寺。該寺於文到五日傳

令該員等謝

恩。其有丁憂患病等項事故具呈到部者即隨時劄知以憑扣除。其病痊銷假補給憑照者亦即劄



知該寺補行謝

恩。僕有無故不到者。該寺書呈吏部。查明並無事故。嚴參議處。降一級調用。其有丁憂患病等項事。故未及在部呈報。及呈報錯漏遲延。致被參處者。查明屬實。仍罰俸一年。○嘉慶五年

諭。向來凡遇祭祀日期。隨駕前引後護之大臣。及侍衛並有執事官員人等。俱准午門外騎馬。本日朕披閱刑部進呈修改律例內載一品大臣跟役三人。二品大臣跟役二人。三品以下侍衛官員等俱跟役一人。騎馬行走。限制甚嚴。乃近年以來。隨扈之大臣官員所帶跟役。在午門外騎馬者過多。朕從前隨侍

皇考詣

壇時。目擊隨從大臣等。不特騎從紛闌較之定例。人數多至數倍。並有妄行馳驟者。實為縱肆。此皆日久因循。無人稽覈所致。嗣後凡遇祭祀。駕出午門。所有隨從大臣官員。應帶騎馬跟役。俱應按照定例。著交護軍統領查察。如有例外多帶人數者。即行據實嚴參。照違制律治罪。○又

諭。向來外省各督撫。遞發本章。及摺奏事件。皆先行跪拜。親授所差員弁捧香。禮固宜然。至在京王公內閣

部院八旗各營大臣等。應奏事件較多。固非外省可比。然亦應親自遞奏。乃近來王公大臣等。日久相沿。多不親赴宮門。率令護衛太監司員筆帖式章京驍騎校等代為遞奏。殊非敬謹之道。嗣後各王公大臣等。於自行陳奏事件。務須親自呈遞。即如各旗衙門公遞事件。亦應輪直堂官一人。遞交奏事官員轉奏。如有仍前派交護衛太監司員章京等代遞。並無一人親到者。奏事官不准接收。並將該堂官交部議處。再各王公及部院大臣等。於帶領官員引見。往往即在丹墀之下。傳宣諭旨。而引見官員。亦在乾清門內

擁擠。殊非體制。此後每逢引見官員。並著御前大臣派出乾清門侍衛二三員。於官員引見後。告知帶領引見之大臣官員等。令其退出乾清門。再行傳知。即大臣中有在內廷行走者。亦應於宮門外傳宣諭旨。後再行進內。僕帶領引見之大臣等。有仍前在丹墀下傳旨者。即著御前大臣指名參奏。欽此。遵

旨。奏定。在京王公大臣不親身遞奏。照推諉曠班例。罰俸一年。帶領引

見大臣。在丹墀下傳旨。照違令律罰俸九月。至



圓明園帶領引

見俟退出左門外。再行傳

旨。如有在左門內傳

旨者。亦照違令律罰俸九月。○又

諭軍機處為辦理樞務。承宣密旨之地。首以嚴密為要。

軍機大臣傳述朕旨。令章京繕寫。均不應稍有洩漏。

自去年正月以後。軍機處頗覺整飭嚴肅。聞人亦覺

稀少。近日又覺廢弛。軍機處臺階上下。窗外廊邊。擁

擠多人。藉回事畫稿為名。探聽消息。摺稿未達於宮

庭。新聞早傳於街市。廣為談說。信口批評。實非政體

必應嚴定章程。以昭法守。此後軍機大臣。止准在軍

機處承寫本日所奉上諭。其部院稿案。不准在軍機

處辦理。本管司員。不准至軍機處回事。軍機章京辦

事之處。不准閒人窺伺。自王貝勒貝子公文武滿漢

大臣。俱不准至軍機處。同軍機大臣談說事體。違者

重處不赦。自今日為始。每日著都察院科道一人輪

流進內。在隆宗門內北首內務府直房監視。軍機大

臣散後。方准退直。如有前項情弊。即令直班科道參

奏。候旨嚴懲。若科道曠班。或推故早散。亦准軍機大

臣指名參奏。再此後有通諭王公大臣之事。俱在乾

清門外階下傳述。不准在軍機處傳旨。此旨通諭各

衙門。敬謹懷遵。違者不恕。○又

諭。嗣後

壇廟大祀執事官員。遇有錯誤。於參奏時。應請交部嚴議。

○八年

諭。嗣後遇有違官祭祀。著禮部太常寺。按照定例時刻。

傳知行禮大臣及執事陪祀各員。一體遵照。其派出

行禮大臣。是日即遇有直日奏事。亦不必因禮畢後。

尚須趨赴宮門。呈遞膳牌。將事過早。致有歧誤。如有

不遵傳定時刻。率意遲早者。該御史照例糾參。○又

諭。朕近見出入祭祀

壇

廟拈香日期。隨朕之御前乾清門大臣侍衛等。豫備馬

匹之人。騎馬俱離朕甚近。不成事體。嗣後凡遇朕幸

各處。跟役人等。豫備馬匹。務須離遠。現在朕明日詣

先農壇行耕藉典禮。至更衣處。不須閒散多人。僅有

混行爭前者。拏究。將其主重處。○九年

諭。內廷行走大臣。每日固應晨趨入直。而管理部旗事

務者。亦應於散直後。進署辦事。朕駐蹕圓明園時。惟



軍機大臣每日承直書諭。且外省由驛馳奏之摺。不時呈遞。早晚或有急宣。自無暇分身赴署。朕在宮內時。偶遇散直較早。猶必諭令到署辦事。至總管內務府大臣等。多係部院堂官兼轄旗務。近來每以駐園豫備召見為詞。概不進城赴署。况散直甚早。又不進城入署辦事。在寓所坐待司官回稿。殊屬非是。朕日常召見內務府大臣。不過一二人輪對。即有同時並宣之事。缺一二人有何不可。何必相率駐彼。致曠職任嗣。後朕在園時。內務府大臣內。除並不管部旗事務者。仍應每日伺候外。其管理部院旗務各堂官。著每日輪流一人進城到署辦事。並赴紫禁城內。將宮內及各太監飯房一切事務。就近辦理。常川稽查。毋得稍有曠誤。○十年奏准王公文武大臣官員。凡進

午門。

東華門。

西華門。

神武門。其所帶護衛僕從。親王郡王。令帶十人。貝勒貝子。公及一品文武大員。令帶八人。二品文武大員及三品京堂官。令帶六人。四五六品京

堂官。令帶四人。文職五六七品。武職三四五六品官員。令帶二人。文職八品以下。武職七品以下。令帶一人。如有逾額多帶者。查出議處。罰俸一年。○又定。王公大臣等進內行走。除額帶護衛官員。照舊隨帶外。其餘僕從人等。自王以下。至文職三品以上。武職二品以上。大員。並內廷行走各官。所帶之人。許至

景運門。

隆宗門外。俱令於臺階下二十步以外停止。不得至附近臺階處所。此外跟隨文職四品以下。武職三品以下官員者。概令於

左翼門。

右翼門臺階下為止。均責令管門章京帶領護軍。常川稽查。禁止踰越。其經由

神武門者。出入俱令循東西夾道行走。毋許附近

景運門。

隆宗門外。停立。違者將本人責處。仍將該管家主

罰俸半年。○又定。

東華門內三所西夾道。向北行走。可以越過

左翼門。徑至



景運門外。應令護軍統領撥派章京一員。帶領護軍二人。在彼查禁。毋許僕從人等出入行走。又定。造辦處及內務府衙門人役衆多。往來行走。可以徑至。

隆宗門外。應由總管內務府大臣。每日各派司員二人。稽查出入。禁止閒雜人役在門外停留坐立。以杜混淆。又定。

左右翼門除官員進內執事行走者。其所帶僕從。申令該管官校。概行禁止。毋許東西來往出入。至。

太和門外之

協和門

熙和門。為東西來往必經之地。所有王公百官僕從。令各按定數。照常行走。仍令管門官校。留心查察。其不應行走者。不得私行放入。至。

午門前之

闕左門

闕右門。附近禁城。除官役等准令照常行走。並令該管官校。禁止閒雜夫役人等。任意徑行。以昭嚴肅。○十一年

諭。文武各衙門。在圓明園輪流直日。向來御門日期。除

刑部不推班外。其餘各衙門。皆係推班。因思御門理事。正以勤政。幾是日各衙門堂官。多有至圓明園者。若因御門辦事。以次推班。是循例輪奏之事。轉有壓閣。殊失御門本意。且刑部並不推班。若云刑名事務較繁。豈此外各衙門。皆係事簡乎。嗣後逢朕在圓明園御門之期。所有應行直日奏事各衙門。均著毋庸推班。○又奏准。恭遇

御門日期。該大臣官員等。如有到班遲誤。及班次錯誤者。均罰俸六月。未到班者。罰俸一年。○又

諭。向例尚書房師傅。春分以後。於申正退直。秋分以後。

於申初退直。本有一定時刻。所以專課程也。近來尚書房師傅。竟不按向來例定時刻。退直甚早。意涉疏懈。且從前師傅等於散時。必將某時刻散去。告知管門太監登記。以備稽覈。而現在師傅等。並不照舊日章程。告知太監。太監亦置不問。均屬不合。嗣後尚書房師傅。著遵照向例。春分後於申正散直。秋分後於申初散直。並將散直時刻。告知管門太監。按日登記。其管理部院在尚書房行走大臣。如遇有部院應辦事務。及奉旨特派事件。應早散直者。亦著將因何早



散緣由。告知管門太監。隨時登記。以備查數。儻經此  
次申諭之後。仍有任意疏懈情事。一經查出。必行嚴  
懲不貸。○又

諭。嗣後巡幸熱河。凡除授官員。例應遞摺謝恩者。外任  
官員。仍著於奉旨後。趨赴行在謝恩。請訓赴任。其在  
京官員。均毋庸前赴行在。以示體恤。○十二年

諭。前經降旨。令文武大臣。年在六十以上者。准其遣人  
代遞膳牌。其六十以下者。俱親至宮門呈遞。因思親  
王郡王。爵秩較崇。著加恩。無論年歲。俱准其遣人代  
遞膳牌。如親王郡王及年逾六十之大臣。自行陳奏  
事件。仍應親遞膳牌。以昭敬慎。著將此旨傳諭各親  
王郡王。並著毋庸前來謝恩。○十三年

諭。向來內廷行走諸王。例應每日進內。入直。惟念儀親  
王係朕之長兄。現已年逾六十。冬間天氣嚴寒。夙興  
入直。實覺勞瘁。即時值夏令。亦不免於暑熱。允宜特  
加優恤。以資頤養。嗣後儀親王所管各處。遇有直日  
奏事。及帶領引見。並應行慶賀時節。仍照常進內。呈  
遞膳牌。其餘無事之日。即不必進內。仍照舊在內廷  
行走。用示恩眷。成親王侯。將來年過六旬。亦一體加  
恩。至滿漢文武一品大臣。年在七十以上者。遇奏事

直班之期。除仍遵照前降諭旨。遣人呈遞膳牌外。交  
冬以後。著於辰正進內。交春以後。著於辰初進內。其  
內廷行走年逾七旬之大臣。每日應入直者。亦准此  
例。○又

諭。本月恭值

常寧祀典。朕前期詣

壇齋宿。見站班各員內。除王公及一二品大臣。現在另  
派差事者。其餘尚俱齊集。至三四品以下京堂。頗屬  
寥寥。在伊等自因平日召對時少。以朕不甚熟識。遂  
爾相率偷安。大失故事之義。此次朕已覺察。因人數  
過多。姑免查究。嗣後如遇大典。再有如此懈惰不到  
者。一經查出。即照本日德麟貽誤視牲降罰之例。嚴  
行懲處。決不輕貸。○又

諭。據內閣學士德祥奏。向來留京辦事王大臣。每日辰  
刻。即全行散去。令屬員代看合符。俟酉刻始行到班。  
請照六班之例。責令輪流晝夜在班。以符體制等語。  
所奏是。留京王大臣四人。每日赴文華門辦事。如值  
事務簡少。辰刻原可散去。但輪應直班者。有看守合  
符之責。關繫緊要。若一同早散。止將合符派人看守。  
直俟至酉時始行到班。殊非慎重責守之道。姑念係



相沿陋習。此時亦不必交議。嗣後留京王大臣。於文華門辦事後。其非直班者。著於公事完後散出。其應於是日直班者。不得同散。即著竟日在內看守合符。俟次早交代合符。方准散出。著為令。○十四年

諭向來每屆巡幸。各衙門文武大員。於啟鑿前一日。及回鑿次日。均通行呈遞膳牌。豫備召見。因思各衙門文武大員。在園直班奏事。朕俱隨時召對。至將屆啟鑿之時。同日紛紛到園。豈能徧予召見。似此虛應故事。殊屬無謂。嗣後凡遇啟鑿前一日。除應行直日各衙門。照舊呈遞膳牌外。其餘均不必呈遞。惟回鑿次日。在京諸臣。久未召對。或有應行詢問之事。仍著通行呈遞膳牌。豫備召見。○十五年

諭朕在宮內之日。散秩大臣。向例每日進內。該員等亦有兼管旗分營務者。日日入直。並有分管事務。未免積壓。又以不能上衙門辦事。藉口躲避。而文職各衙門。除六部理藩院都察院大理寺鑾儀衛各有應奏事件。常川進內外。其餘各卿員等事務較簡者。冬三月竟無輪班進內之日。殊覺勞逸不均。嗣後散秩大臣。除並未兼管旗營及僅兼管一處之員。仍照舊每日入直。如有兼管二三處事務者。俱著於奏事之日

進內。餘日上衙門辦事。毋庸進內。其宗人府翰林院通政司詹事府太常寺光祿寺太僕寺鴻臚寺國子監欽天監各衙門。著於朕每年冬月進宮之次日為始。每日輪派一衙門直班。周而復始。至封印日止。直班之日。照在圓明園之例。呈遞名單。以備召對。不必另遞無事摺片。如該衙門遇有應奏事件。除輪班之日。仍令不時陳奏。俾該員等不至習於安逸。並可隨時召見。覘其人之器識。如遇朕出入

天壇齋宮。及至各廟宇拈香。並臨蒞西苑等處。傳膳辦事。著推班一日。毋庸隨往。其無執事之散秩大臣。亦毋庸隨往。著為令。○十九年

諭嗣後紫禁城內直班王並內大臣文大臣武大臣前鋒護軍統領。俱著恪遵定制。各於辰刻至景運門內九卿朝房面行交替。接班後仍著在景運門內外班房會集。毋許遠離。至申酉之間。始准各自散歸直宿處所。如有怠惰偷安。不候交班。先行散去者。著接班之人立時具摺奏。如接班之人徇隱不奏。別經查出。一律斥革。至接班之人。若任意延玩。過辰刻尚不進內。亦著住班之人奏。○又

諭自此次為始。凡遇謁



陵巡幸之期。派出留京王大臣。俱一體恭請合符。輪流直宿。每日卯時。四人公同進內。一人留直。餘三人申初。方准散歸。所有留京王大臣出入時刻。及輪應直宿日期。著派阿哥等公同稽查。如有遲誤曠班者。具摺附報。參奏。不可稍遲時日。其餘紫禁城內各該班王大臣等。著留京王大臣每日開列名單。呈送阿哥等。抽查。或將直班之人。傳至乾清門面見。或派諸達等。赴各直班處所查看。儻有遲誤曠班。及未見接班之人。先行散去者。亦著阿哥等具摺附報。參奏。○二十年

諭朕駐蹕御園。諸臣來園奏事。每詢及時刻。多於子初興起。自城內趨直。究其間。夜過早之故。則因奏摺膳牌。皆須親詣宮門呈遞。因而不致稍遲。夫人之精神。止有此數。當亥子之交。正安神休息之時。乃已顛倒衣裳。亟亟就道。雖身勤於外。未免心怨於內。因怨生怠。轉致因循。庶政矣。况散直回城。已屆午刻。再至衙署辦事。以疲憊之心神。欲其遇事尋源。竟委昭晰靡遺。蓋亦難矣。部院各衙門事務。動關朝廷之得失。民生之利害。若不悉心考究。草草畫諾。此雖終夜不寢。待漏禁門。閒談尋常無謂之事。於國事。奚裨乎。嗣後

部院旗營文武各衙門奏摺。俱准令司官代遞。應遞膳牌大臣。准令筆帖式代遞。朕每日召見廷臣。本在卯正以後。諸臣俱於卯初到園。不致遲誤。屏虛文。崇實政。寬其筋骸之勞瘁。正以養其心志之敬誠。朕恕以待下。推君臣一體之懷。恐諸大臣蒙犯霜露。宵寐不遑。俾得休養心神。任重致遠。諸大臣亦當念朕未明求衣。宵旰勤劬。孜孜求治。務各竭忠殫智。為國為民。能使庶事不虞叢脞。海宇共底乂安。是即諸臣愛君之實效。若上以誠感。下不以誠應。但懷圖逸之心。不畏素餐之誚。則威克厥愛。愛克厥威。朕固並行不悖也。○二十二年議定。如遇

諭朕本日祭

奉先殿。太常寺寺丞兼讀祝官滿興。派讀祝文。聲音甚屬低微。節次亦多斷續。不勝讀祝之任。著降補該衙門筆帖式。至太常寺堂官揀派不慎。本應交部議處。惟念該堂官等因滿興係向來奏派之員。是以照例呈遞綠頭牌。此次姑免置議。嗣後該堂官等若不慎。加違選。致派出之員於



大祀時有愆儀之處。定將該堂官一併懲處不貸。○又諭。朕於明年正月駐蹕圓明園。內閣六部九卿衙門。遇御門理事。及本衙門帶領引見該班奏事日期。均著輪留堂官一人在署辦事。不必全行赴園。著為令。○

四年

諭向例

皇太后萬壽聖節。告祭

奉先殿並

太廟後殿。典禮甚重。自道光元年以來。欽天監於祭祀冊內。未將告祭日期。敬謹載入。實屬疏漏。欽天監堂

官著交部議處。禮部於欽天監初次送到祀冊。未能即時詳查駁正。亦有不合。現經據實檢舉。所有該部堂官。著加恩改為交部察議。○又

諭各部院衙門引見人員進乾清門時。向准執事人員同進。其間人不得擅入。昨日引見官員進內。有鑲紅旗藍翎長明海。隨眾混入乾清門。實屬違制。明海著即照御前大臣等奏重責。革去藍翎長。其失察之該管護軍統領音登額。著交部議處。乾清門直班章京景實。亦照所請罰俸三箇月。嗣後各部院衙門旗營引見人員。應入禁門者。務各將應入人數開單。豫

行咨送管門大臣。以備查覈。儻仍疏懈。致有混入者。一經查出。定行重處。決不寬貸。○七年

諭。昨因元旦朝賀禮成。百官甫退。有穿補服二人。自東而西。在太和門階下趨過。降旨查詢。本日據那清安等奏。向來朝會。有御史禮部司官侍衛等分列左右。糾察失儀。請將該員等察議等語。朝會大典。自應整齊嚴肅。該員等於任意趨走之人。竟不照例指拏。所司何事。並聞侍衛處久未派員。自係相沿積習。亦屬疏忽。本應照例將該堂官懲處。姑念由來已久。並非起自近年。著吏部查取此次專司越班失儀御史及禮部司員各職名。照例察議。○十二年

諭。朕於本月二十日升殿。百官行禮後。新武進士未傳臚之前。有三四人在品級山之下。自東而西。當經降旨查詢。本日據都察院堂官糾儀科道鴻臚寺堂官等奏。參鴻臚寺序班引領武進士行走錯誤等語。該序班職司導引。率意趨走。非尋常疏忽可比。著該寺堂官查明何員。即行革退。著英多恆董瀆吉勒章阿葉紹本。俱著交部議處。○又

諭。本日朕親詣

太廟致祭。所有前引大臣。應由南門引行。乃盛福崇恩



溥壽等。誤由北門引行。甚屬疏忽。咸福崇恩溥壽等。俱著交部議處。○二十五年遵議都察院左副都御史廣昌等大朝失儀處分奉

旨廣昌在京當差多年。禮儀自宜嫻熟。且此次升殿。職司糾儀。尤不容有失誤。乃於百官行禮時。先自失儀。殊出情理之外。著改為降二級調用。太僕寺少卿魏襄。著照例罰俸六箇月。不准抵銷。○又奏准。恭逢升殿傳臚時。捧榜失儀者。罰俸六月。○咸豐元年

諭。都察院及糾儀科道等。奏參吏部侍郎明訓元旦朝賀錯入班次。明訓著交都察院照例議處。惟昨日行禮後。有一人由西向東。超過班末。糾儀御史未阻。著查取職名。送吏部議處。○又

壇

廟大祀。朕飲福受胙及謝福胙時。陪祀之王公百官。有應由傳贊官傳贊隨從行禮之處。俱著恪守舊章遵行。如傳贊時有應行禮而不行禮者。或傳贊遲誤。即著糾儀各衙門查明奏參。○三年奏准。官員於召見時碰頭錯誤。或應行摘帽碰頭。並未摘帽碰頭者。均罰俸六月。○四年

諭。嗣後凡恭遇

壇

廟祭祀。其應行陪祀人員。如有無故不到者。即著各該衙門指名查參。以重祀典。○七年奏准。凡告祭文內清文錯誤。繕寫及校對之筆帖式等官。均罰俸六月。○九年奏准。恭逢

升殿時。如有紊越班行。自西而東。或自東而西之類。自監禮御史未能攔阻。罰俸六月。○十一年奏准。恭展祭文失儀者。罰俸一年。○同治十二年奏定。恭遇

御門大典。輪應侍班人員。如有接連告假至三次者。降一級留任。○又奏准。王公大臣遇有自行陳奏。及本身謝

恩等事。不親自呈遞奏摺者。罰俸一年。奏事官率行接收。罰俸六月。○又奏准。筆帖式呈遞膳牌遲延。或堂官因公不到而誤遞者。均罰俸三月。若堂官已令呈遞。而到遲散早。有誤

召見者。將堂官罰俸六月。○又奏准。承辦司員帶領班次不齊。或行走息遠遲緩者。俱罰俸三月。○光緒元年奏准。官員患有瘋疾。雖已報痊。該管官仍察看一年。果不復發。方許上



朝。若未過一年。任其上

朝以致失儀者。將該管官罰俸九月。○九年奏准。每月初五十五二十五等日。為常

朝坐班之期。除供奉

內廷及軍機處行走之大臣。並大學士每晨進閣辦事。均不到班。又如七月二十五日。十二月二十五日均係忌辰。例不坐班。或是日遇雨。遇雪。或是日各衙門堂官適屆奏事引

見。均免其到班外。其餘日期。應令該堂官一員。率屬坐班。毋許闕曠。如有不到者。罰俸一月。其輪派

坐班查班之官員不到。亦罰俸一月。○又奏准。聖駕巡幸所至。如有在官人役。從儀仗中衝出妄行奏訴者。將失察之堂官。罰俸三月。○十二年奏准。

驛路經過地方。如有民人婦女衝突儀仗妄行奏訴者。將該地方官照約束不嚴例。降一級調用。○又奏准。凡一切應行告祭典禮。欽天監於祭祀冊內將日期遺漏者。該堂官降一級留任。禮部失於察出。該堂官罰俸六月。○又奏准。祭祀陳設器具。如盥盆椽薦之類。有不齊者。承辦之員。

罰俸一年。○十三年奏准。凡各處祭告典禮。應

由京頒發祝版香帛者。如頒發衙門遺漏行文。豫備承辦之員降一級調用。若齋送香帛之員。

沿途耽擱。致誤告祭時刻者。降一級留任。該堂官失於查察。罰俸一年。○又奏准。凡救護日月。

各部院滿漢堂官須酌定一員。赴禮部太常寺行禮。如有無故不到。及推託事故者。照齋戒不

到例。罰俸一年。

迎送  
詔書。康熙二年題准。頒送

詔書。經過五里以內官員。別無公事。在城不行迎送者。降二級留任。若不探聽頒

詔官經過實信。以致迎送路途差錯者。罰俸一年。頒

詔官不遵限繳

詔。遲延三月以上者。罰俸一年。半年以上者。降一級調用。一年以上者。革職。○四十二年覆准。各省

頒  
詔官員。於起程之日。計算往返。直隸限十五日。山東限二十五日。河南山西河道總督限三十日。漕

運總督限四十五日。江南限六十日。江西浙江





ZW 21101000694320

陝西。湖廣。限七十五日。貴州。限九十日。福建。四  
 川。廣東。廣西。限一百五日。雲南。限一百二十日。  
再改為河東河道總督。奉天。河南。山西。限三十日。江南河道總督。漕運總督。限四十五日。陝西。湖北。限五十五日。江甯。江蘇。安徽。限六十日。甘肅。湖南。浙江。江西。限七十五日。該督撫將  
 詔到日期。報部查覈。其頒  
 詔官員。如果江湖風阻。疾病耽延。取其經過地方官  
 印結報部。倘有故意遲延。違限者。照頒  
 詔官不遵限繳  
 詔例。分別議處

玩誤耕藉。乾隆二年議准。各省管理藉田官  
 員。如有將藉田荒蕪。或聽民佃種。及工程祭器  
 等項。並不留心經理者。將該管官題參革職。仍  
 令該員逐一修治。整理無缺。始令回籍。○九年  
 議准。各省耕藉。凡建造置備。悉關動用錢糧。嗣  
 後各直省地方官。倘仍有因循玩愒。以致  
 壇宇傾圮。祭器缺失。除州縣仍照例議處外。所有  
 徇隱失察之各該上司。如不據實揭報題參。將  
 徇隱之道府照徇情例。降二級調用。失察之撫  
 司。照失於詳察例。罰俸一年。每改為。府州降二級調用。道府降一

遺失 級留任。兩司罰俸一年。督撫罰俸六月。

制書。○原定。官員遺失  
 制書者。革職。若毀失  
 御書宸翰者。照監守不慎例。降一級調用。再罰俸一  
 年。其碑碣聯扁摹刻  
 御書。致有毀失者。降一級留任。如係被水火盜賊有  
 顯蹟者。免議

延閣謄黃。○原定。內外文武衙門。奉到  
 諭旨。內有宣示中外知之字樣者。俱應即時刊刻謄  
 黃。張挂曉諭。倘有不行宣示者。罰俸一年。若地  
 方偏遇偏災。奉  
 旨賑恤蠲緩。地方官接到謄黃。不即宣示。十日以上  
 者。降一級調用。二十日以上者。降二級調用。一  
 月以上者。革職。係  
 恩詔賞賚常例蠲緩等事。地方官接到謄黃。不即宣  
 示。十日以上者。降一級留任。二十日以上者。降  
 一級調用。一月以上者。降二級調用。